



Presented to the
LIBRARY *of the*
UNIVERSITY OF TORONTO
by

TRINITY COLLEGE
LIBRARY





I
C. CORNELII

73

T A C I T I 26

OPERA,

RECOGNOVIT, EMENDAVIT,

SUPPLEMENTIS EXPLEVIT,

NOTIS, DISSERTATIONIBUS,

ILLUSTRAVIT,

GABRIEL BROTIER.

EDITIO NOVA ET AUCTIONIOR.

VOL. I.

Londini:

CURANTE ET IMPRIMENTE

ABRAHAMO JOANNE VALPY, A. M.

COLLEGII PEMB. OXON. NUPERRIME SOCIO.

VE NEUNT APUD LUNN, LONDINENSEM; ET BIBLIOPOLAS
OXONIENSES, CANTABRIGIENSES, EDINENSES,
ET DUBLINIENSES.

13. KALEND. APRILES,

1812.

878.6
T.11
b

PA
6705
A2
1812
v.1



TABULA RERUM

IN VOL. I.

	Pag.
PRÆFATIO	xi
———— Brotieri	xvii
ANNALIUM lib. I.	5
———— II.	83
———— III.	157
———— IV.	227
———— V.	299
———— VI.	313

NOTÆ ET EMENDATIONES

Ad lib. I.	365
———— II.	397
———— III.	433

	Pag.
————— IV.	489
————— V.	512
————— VI.	518

IN VOL. II.

ANNALIUM lib. XI.	5
————— XII.	47
————— XIII.	112
————— XIV.	173
————— XV.	235
————— XVI.	303

NOTÆ ET EMENDATIONES

Ad lib. XI.	335
————— XII.	376
————— XIII.	431
————— XIV.	489
————— XV.	536
————— XVI.	587

IN VOL. III.

	Pag.
HISTORIARUM lib. I.	7
————— II.	95
————— III.	181
————— IV.	261
————— V.	345

NOTÆ ET EMENDATIONES

Ad Hist. lib. I.	383
————— II.	464
————— III.	524
————— IV.	571
————— V.	643



IN VOL. IV.

Libellus de Situ, Moribus, et Populis Germaniæ	7
Cn. J. Agricolaë Vita	81
Dialogus de Oratoribus	143

	Pag.
Supplementum Annal. lib. V.	
<i>Auctore Gabriele Brotier</i>	213
_____ VII. _____	247
_____ VIII. _____	287
_____ IX. _____	351
_____ X. _____	403
_____ XI. _____	439
_____ XVI. _____	449
Appendix ad lib. V. Hist.	505
Notæ et Emendationes ad lib. de Situ, Moribus, et Populis Germaniæ	545
_____ Ad Vitam Cn. J. Agricolaë	587
_____ Ad Dialogum de Oratoribus	618

IN VOL. V.

STEMMA CÆSARUM AD NUMMORUM SCRIPT. VET. ac maximè C. C. Taciti Intelligentiam Illustratum	3
Anecdota de Tiberio	29
_____ De Caio	33
_____ De Claudio	36

	Pag.
———— De Nerone.....	41
———— De Principibus Galbâ, Othone, et Vitellio	49
———— De Vespasiano, Tito, et Domitiano	51
———— De Nervâ, et Trajano.....	55
Fragmentum Libr. xci. Historiarum T. Livii	
Patavini	61
Fragmentum	69
Notæ in Fragmentum.....	73
Appendix Chronologica	89
Politica	265
Literaria Notitia	353
Testimonia Veterum Scriptorum	395
Inscriptio Tabulæ Trajanæ ex Ære, pro Pueris Puellis Ulpianis Alimentariis Reipublicæ Veleiatum	452
Index Rerum et Verborum in Annot. Hist.	
Germ. Agric. et Orator.	1
Index in Supplementa et Notas.....	221

LECTORI BENEVOLO,

S.

QUÆ fuerit causa, quod propositum hujusce editionis suscipiendæ, paucis te, Lector Benevole, monendum arbitramur. Jamdudum divenditis omnibus non modò Parisiensium Brotieriani Taciti editionum, sed etiam repetitæ Edinensis, exemplaribus, vir honestissimus et solertissimus Lunnius, Bibliopola Londinensis, nobiscum egit, ut novam editionem accuratiùs ederemus atque imprimeremus.

In primis igitur novo editori, si apud literatos pretium editioni suæ arrogari vellet, curandum erat, ut non modò corrigerentur errata, quibus

scatebat editio Edinensis, neque Parisiensis omnino carebat; sed ut subsidia exquisitissima, quibus instructi nuper editores Taciti opera illustraverant, in nostrâ editione collecta Lectori sub aspectum adducerentur. Cùm enim hancce editionem et absolutissimam et utilissimam prodire in lucem vellemus, nihil prætermittendum nobis est visum, quod ad auctorem nostrum exornandum pertineret. Inter illos autem, quorum laboribus præcipuè usi sumus, memorandi sunt Ernestius, Crollius, Rupertius, et qui nuper Anglicam et Gallicam versionem ediderunt Cll. Murphius et Duravius. Neque gloriæ non ducendum est, quòd inter Notas sparsæ sunt nonnullæ, quas PORSONUS ὁ μακαρίτης, et KIDDIIUS è Ruhnkenio aliisque artis criticæ principibus olim excerpserunt et designavere.

Consilium Editoris Edinensis servandum arbitrati sumus, qui materiem totam et majoris¹ et minoris² editionis Parisiensis in unum con-

¹ Paris. Ed. 1771. 4 Vols. Qto.

² Paris. Ed. 1776. 7 Vols. duod.

gessit, eâ ratione ut nihil quidem uberrimæ eruditionis et sedulitatis indefessæ Brotierii doctissimi lector unquam desideraret. Multa tamen ad Historiæ vel Geographiæ rationem pertinentia, quæ plerumque expressa tironum ipsorum fastidio ille repetiverat, sæpiùs reticenda judicavimus.

Dum autem atrocia per totam Europam omni rapinarum genere grassantia latiùs bella exardent ; dum ad Continentem aditus ingeminato furore penitus intercluditur, vix sperandum est fore ut unum et alterum exemplar extra Britannicas insulas exportentur. In voto nobis igitur fuit ut in usum nostratium nova hæc compararetur editio ; quod et nostrâ et aliorum sententiâ magis commodè effecimus, cùm editoris eruditissimi rerum et verborum explicationem ex ipsius linguâ in verba nostratia transferre, et nummos Romanos, quos ille ad Gallicam normam accommodaverat, ad Anglicæ monetæ rationem in usum juventutis studiosæ reddere, constituimus.

Forsan, Lector B. non modò haud supervacaneum, sed etiam tironum quibusdam apprimè

utile videatur, nummorum et Græcorum et Romanorum Tabulam cum Anglicis summis diligentius collatam in hoc loco subjicere :

ROMANORUM NUMMI.

Teruncius,	}	- - - - -	<i>a farthing.</i>
Quadrans,			
As,	- - - - -	<i>three farthings.</i>	
Sestertius,	}	- - - - -	<i>2d.</i>
Nummus,			
Quinarius,	}	- - - - -	<i>4d.</i>
Victoriatus,			
Denarius, 10, postea 16, asses,	- - - - -	<i>8d.</i>	
Solidus,	- - - - -	<i>12s.</i>	
Aureus, 30 denarii,	- - - - -	<i>1l.</i>	
Libra,	- - - - -	<i>2l. 16s.</i>	
Pondo argenti, 100 denarii,	- - - - -	<i>3l. 6s. 8d.</i>	
Sestertium, 1,000 Sestertii,	- - - - -	<i>8l. 6s. 8d.</i>	

GRÆCORUM NUMMI.



Chalcos,	- - - - -	<i>a brass farthing.</i>
Obolus,	- - - - -	<i>three half-pence.</i>
Drachma, 6 oboli,	- - - - -	<i>9d.</i>
Philippus,	- - - - -	<i>15s.</i>
Mina, 100 drachmæ,	- - - - -	<i>3l. 15s.</i>
Talentum, 60 minæ,	- - - - -	<i>225l.</i>
Talentum magnum, 100 minæ,	- - - - -	<i>375l.</i>
Talentum aureum, 10 talenta,	- - - - -	<i>2250l.</i>

Nihil jam restat, nisi ut de paucissimis meâ supellectile, quæ probè novi quàm sit curta, cunctanti manu expromtis moneam. Deinde rogatus vel non rogatus fateor me die nocteque indefessâ et pertinaci diligentia olei atque operis plurimum consumsisse, ut accuratiùs ædibus nostris hæc emitteretur editio; et spero equidem fore ut neque me, neque lectorem, neque redemptorem suscepti laboris olim pœniteat.

Ferè solum habui adiutorem in correctione foliorum prelo exeuntium fratrem puerulum, at pro ætate insigniter eruditum. Si quos errores graviores, non dicam incuria, sed virium infirmitas fuderit, ne iracundo prorsus animo feras; benignè autem potiùs, Lector B. faveas conatibus nostris, et eâ, quâ honestos ausus excipere soles, indulgentiâ uti ne dedigneris.

A. J. V.

Datum Londini,

13. Kalend. Apriles,

1812.

T

GABRIEL BROTIER

ERUDITO LECTORI.

CAII CORNELII TACITI operâ, ante tot annos edi cœpta, in lucem prodeunt. Tantarum causas morarum explicare haud juvat, cùm satis innouerint. His ergò omissis, necessaria et suscepti operis propria tractaturus, primùm de vitâ et scriptis Cornelii Taciti, deinde de præcipuis ejus editoribus et interpretibus, tertio demum de hâc editione, et quæ mihi fuerint subsidia, præfabor.

DE VITA ET SCRIPTIS

CORNELII TACITI.

CAIUS CORNELIUS TACITUS pauca de se, nihil de patriâ et origine suâ prodidit, ingenio et virtutibus potiùs, quàm loco ac majoribus inlarescendi certus. Interamnates eum municipem

suum fuisse gloriantur.¹ Patre, equite Romano, et, quæ equestris est nobilitas, Belgicæ Galliæ procuratore, genitus videtur² circa annum Urbis Conditiæ 810.³ Jesu Christi 57. Pueritiam egit, dum, sub Nerone cupidinum immodico, non modò Urbs, sed quæque, ut Urbi proxima, ad omne libidinum genus profluebant. At per ætatem, institutionemque, et prima literarum rudimenta, iis vitiis intactus crevit: pari integritate, turbida Galbæ, Othonis, et Vitellii tempora elapsus est. Vespasianus, rerum potitus, pacem moresque intulit; et inter cetera imperii munia, literas artesque amplexus, eas providentiâ et liberalitate refovit. In hâc renascentis Urbis tranquillitate, Tacitus operam dedit eloquentiæ, cujus ut inter temporum tristitia ad præsidium, sic inter læta ad decus, vis plurima. Gnarus autem oratorem meliùs exemplis, quàm præceptis, institui, M. Aprum et Julium Secundum, celeberrima tum fori ingenia, domi et in publico adsectatus est.⁴

¹ Hâc de re plura vide apud Franciscum Angeloni, *Historia di Terni*, p. 42 et seq. Interamna, nunc Terni, in the Duchy of Spoleto.

² Plin. Hist. Nat. VII. 16. Perperam Lipsius aliique multi existimavere Tacitum fuisse Belgicæ Galliæ procuratorem, à

Plinio memoratum. Repugnat temporum ratio, quæ in Taciti patrem rectè cadit.

³ De Taciti ætate satis constat ex ipsâ ætate Plinii, Epist. VI. 20. et VII. 20. Adde ipsum Tacitum in Dialog. de Orat. cap. 1 et 17.

⁴ Tacit. Dial. de Orat. cap. 2.

Ad has studiorum curas sanè accessere castrensia stipendia. Id enim apud Romanos optimè institutum, ut juvenis, literis imbutus, suam in castris industriam adprobaret : sic civis unus, vix juventutem ingressus, ad omnia reipublicæ munia accingebatur. Tacitus, iis paratus exercitiis, eâque ætate, quâ ad honores patebat aditus, Vespasianum inchoatæ suæ dignitatis auctorem habuit.¹ Juveni, qui in egregiam spem adolescebat, filiam suam despondit Cneius Julius Agricola, consul anno Urbis Conditiæ 830. ac post consulatum collocavit.² Soceri decus genero novum fuit claritudinis adjumentum ; ejusque dignitatem auxit Titus.³

Interim nihil de studiis à Tacito remissum : immo in ea tanto acriùs ferebatur, quòd se ad summa genitum persentisceret, et in foro magnum nomen audentiâ et impetu certiùs, quàm lentis operosisque moliminibus, præripi cogitaret. In Urbe pridem invaluerat quædam ingeniorum mollities : forum quoque, prævalidâ Principum auctoritate fractum, à veteris eloquentiæ gravitate ad disertis sermonis elegantias deflexerat. Tacitus, ut præcellentibus ingeniis solitum, novam iniit

¹ Tacit. Hist. 1. 1.

² Tacit. Vit. Agric. cap. 9.

³ Tacit. Hist. 1. 1.

viam : nec aspernatus temporis sui ornatum, sed quod apud antiquos fuerat egregium æmulatus, splendore verborum, sententiarum pondere, et totius orationis dignitate hanc sibi paravit dicendi vim, ut eâ ætate,*quâ disertorum virorum laus vigeat, ipse, ut eloquentissimus, celebraretur: tantamque moveret admirationem, ut juvenes laudis cupidos ad sui imitationem traheret.¹

In hoc celebritatis cursu, cùm honorum incrementa à Domitiano accepisset,² quindecimvirali sacerdotio præditus, simul et prætor, adfuit secularibus ludis anno Urbis Conditæ 841. editis.³ Tacitum autem ab optimis Principibus, Vespasiano Titoque, dignitatis initia accepisse, virtutis sanè fuit. Quòd ad novos amplioresque honores à Domitiano, pessimo Principe, fuerit evectus, egregii illius, quod sæpe ipse commendavit,⁴ contumaciam inter et obsequium temperamenti fuisse crediderim. Neque Domitiano, vel inter flagrantia scelera, fuit umquam ita absurdum ingenium, ut virtutem dignitatum penitus expertem voluerit. Ut ut est, post præturam Tacitus ex Urbe

¹ Plin. Epist. VII. 20.

² Tacit. Hist. I. 1.

³ Tacit. Annal. XI. 11.

⁴ Tacit. Vit. Agric. cap. 42.

Idem quoque Annal. IV. 20. et aliàs sæpe.

secessit, non exul, neque otii cupidine, quod quibusdam placuit; at, ut verior fert conjectura, prætorius legatus, provinciæve rector à Principe impositus. Absens quadriennium egerat,¹ cùm accepit summo doloris sensu socerum suum Agricola decimo Kalendas Septembris, anno Urbis Conditæ 846. mortem obiisse; et, ut fama erat, Domitiani veneno interceptum.²

In Urbem tum reversus, Principem reperit, non jam insidiis, sed publico bonorum odio ferocem. Vidit obsessam curiam, clausum armis senatum, senatores in carcerem à senatoribus ductos, aut innocenti perfusos sanguine. Talia Principis senatûsque opprobria vidisse, iisque senatoriæ dignitatis necessitate interfuisse ita inhorrescit, ut, vel ea commemorando, se flagitii nec ministrum, nec suasorem, umquam fuisse satis prodiderit.³

Fœda criminibus, luctu mœsta tempora exhilaravit Princeps Nerva anno Urbis Conditæ 849. Tum redire virtuti decus, vitiis infamia, sceleri exitium. Auspicata principatûs initia insignivit

¹ Tacit. Vit. Agr. cap. 44
et 45.

² Tacit. ibid. cap. 43.

³ Tacit. ibid. cap. 45.

singularis consulatus. Dignitatem enim anno Urbis Conditæ 850. iniere Nerva Augustus III. et Verginius Rufus III. consules; ille imperio ægrè capessito, hic adserto olim et spreto illustris: utroque consule dignus Tacitus, in spem, quam citò erat occupaturus, designatus. In hoc enim privati hominis fastigio Verginius morbo correptus est: dein paulo pòst extinctus, cùm excessisset annum tertium et octogesimum; cunctis fortunæ et virtutum experimentis ab Augusti excessu ad hæc usque Nervæ tempora probatus. Ut ejus vitæ, ita et morti ingens circumdata est gloria. Ductum publicum funus; et Verginius, à consule Cornelio Tacito pro rostris laudatus, supremum hunc felicitatis cumulum accepit, laudatorem eloquentissimum.¹

At maxima hujus consulatûs laus fuit Trajani adoptio, quâ securitas publica, ob senilem Nervæ ætatem nondum firma, robur adsumsit.² Cùm ferverent exultantis Urbis gaudia, Tacitus soceri sui Julii Agricolæ, qui hanc temporum felicitatem augurio votisque erat ominatus,³ vitam composuit; priorisque servitutis memoriâ præsentium

¹ Plin. Epist. II. 1.

² Tacit. Vit. Agric. cap. 3.

³ Tacit. in eâdem Vit. Agric.

cap. 44.

bonorum sensum auxit. Brevis quidem est libellus : at in quo æternum egregiæ virtutis monumentum, et absolutissimum laudationis exemplar.

Trajano II. consule, anno Urbis Conditæ 851. Germanorum mores, leges, ususque, pari brevitate descripsit,¹ tum ut eorum laudibus attolleret Trajanum, defuncto Nervâ, rerum potitum, Germanisque formidatum, quos inter adhuc agebat ; tum ut Urbem, luxu et deliciis fractam, ad viriles sensus æmulatione provocaret. Plus ad nos utilitatis pervenit. Germanica enim libertas, cujus vim Tacitus præsenſerat, diu cum imperio Romano luctata, ac tandem victrix, regna imperiumque condidit suis legibus attemperata, et ultra veterum dominationum memoriam longè perennanda. Quàm juvat tantarum rerum originem, à præstantissimo scriptore traditam, evolvere ; publici privatique, quo utimur, juris fontes aperire ; nostræ gloriæ, nostræ felicitatis, fundamentum simul et tutamentum meditari !

His acerrimæ mentis operibus haud impedita fori studia. Cùmque Afri Marium Priscum,

¹ Tacit. de Moribus German. cap. 37.

² Tacit. ibid. cap. 37.

Africæ proconsulem, pecuniis ob innocentes condemnandos, interficiendos etiam, acceptis infamem, accusâssent, senatus, criminis atrocitate motus, Tacitum Pliniumque iis adesse jussit: et, ut plus celebritatis foret, Princepsque interesset, dilata cognitio. Acta tandem causa frequentissimo senatu, cùm Trajanus, in Urbem redux, et consul tertium, anno Urbis Conditæ 853. præsideret. Triduum in hâc cognitione insumtum. Plinius Martianum, qui Mario immanitatis socius fuerat, corripuit. Frontoni Catio, qui pro Mario insigniter dixit, Tacitus respondit eloquentissimè, et quod eximium orationi ejus inerat, graviter. Damnati fuere Marius et Martianus. In fine sententiæ adjectum, “quòd Tacitus et Plinius
“injunctâ advocacy diligenter fortiterque functi
“essent, arbitrari senatum ita eos fecisse, ut
“dignum mandatis partibus fuerit.”¹ Pares laudibus fecit senatus, quos eadem fermè ætas, par dignitas, studiorum et animorum similitudo antè conjunxerat, in magnâ nominis celebritate concordēs.

Nullus enim Tacito pravæ æmulationis sensus. Immo certus decora ingenia literarum commu-

¹ Plin. Epist. II. 11.

nione commendari, studiosos, qui ad ipsum ex ejus ingenii admiratione conveniebant,¹ consiliis et præceptis erudiebat. Ipse, studiorum hortator, Plinium monuit, ut Historiam scriberet.² Quod cùm ille declinaret, difficultate deterritus, aliisve distentus curis; Tacitus id muneris in se recepit, ne excideret rara temporum felicitas, quâ, sub optimo Principe, bono cuique sentire quæ vellet, et quæ sentiret, dicere liceret.³ Nemo autem ad scribendam Historiam naturâ et arte umquam paratior accessit. Acre enim Tacito inerat judicium, vivida mens, magna rerum hominūque scientia et experientia, prompta et profunda cogitandi ac scribendi vis: quodque iis temporibus rarissimum, animus neque libertati infensus, neque adversus dominantes contumax.

Primum scribendi argumentum sumpsit temporum suorum Historias,⁴ quas à Neronis fine ad Domitiani necem facillimâ et uberrimâ venâ prosecutus est, recti verique pervicax, sine ullâ assentandi aut criminandi libidine. Pars quidem operis maxima periit: manent tamen initia, quæis

¹ Plin. Epist. iv. 13.

² Sidonius Apollinaris, Epist. iv. 22. Plin. Epist. v. 8.

³ Tacit. Hist. i. 1.

⁴ Tacit. Hist. i. 1. Ann. xi. 11.

non modò expressa avara et anceps Galbæ senectus, præceps Othonis ambitio, segnis et fœda Vitellii ingluvies, sed et bellorum civilium artes, fraudesque, et scelera, majore arte incertum, an prudentiâ, ad totius ævi documentum, deteguntur. Utinam nobis non invidisset tempus partem alteram, quæ providam Vespasiani mentem, breves, eòque cariores, Titi virtutes explicabat! Hæc quidem Flaviæ domûs decora excepisset atrox Domitiani nequitia. At, vel inter acerba Principis flagitia, quæ, à gravissimo scriptore memorata, fuissent magnarum cogitationum fœcunda, juvâset adhuc, quod summatim initio operis ipse Tacitus prodidit,¹ ampla virtutum exempla, supremas clarorum necessitates, ipsamque necessitatem fortiter toleratam cognoscere. Numquam enim illustriora sunt virtutis certamina, quàm cùm duriùs premitur; et, ut inter tempestatum horrida acriores emicant ignes, sic inter temporum fera vividior puriorque exsurgit virtus.

Post hanc Historiarum curam, Tacitus superiorem imperii memoriam narrandam suscepit; eamque à Tiberii principatu ad Neronis exitum in Annalibus conclusit; pressior, acrior, senten-

¹ Tacit. Hist. 1. 3.

tiis, quàm verbis abundantior: præceptis politicæ artis ita locuples, ut, si hos tantùm Annalium libros edidisset, Principum privatorumque hominum, qui ad rempublicam accedunt, præceptor doctorque haberetur: in hoc scribendi genere primus simul et summus. Inter hæc sapientiæ consilia, et incredibili mentis capacitate, cautissimas Tiberii artes extricavit, Claudii imbecillitatem pudendam fecit, Neronis libidines infamavit; sanè adversùs Caii furores æquè animosus. At, ut in Historiis, ita et in Annalibus, multa absumsit vorax temporum edacitas.

Ea cùm componeret, Augusti Annales meditato est: ¹ magnificum dignumque Tacito argumentum: qui reipublicæ finem, ortum imperii, versos mores, tantarum rerum causas, Augustum iis quidem movendis imparem, sed semel motas sustinendo habilem, plurimâque arte publicum servitium libertatis specie molientem, expressisset.

Post tot labores, tradendis superioris ævi rebus impensos, ætatem suam erat repetiturus, ut nova et præsentia bona æternitati consecraret, ac, pro virili portione, sequentium Principum æmulatu continuaret. Nerva enim Cæsar res olim disso-

¹ Tacit. Annal. III. 24.

ciabiles miscuerat, principatum ac libertatem. Publicam felicitatem in dies augebat Trajanus;¹ additâque victoriarum gloriâ, ita imperii fines proferebat, ut numquam latius sit imperitatum. Uberrimam hanc et securissimam materiam senectuti suæ seposuerat Tacitus.² Egregia consilia mors importuna abrupit. Ipse, dum Trajanus Orientem novis victoriis lustrabat, (nusquam enim Hadriani tempora memorat) vivendi finem fecit, præpropere fato oppressus. At in brevi mortalitate longioris vitæ celebritatem impleverat: civis optimus, literis et sapientiâ ætatis suæ princeps; eandem famam, parem auctoritatem apud posteros tam diu retenturus, quàm diu in scriptis non otiosa verborum prolixitas, sed valida rerum sententiarumque brevitatis placebit; quàm diu in re politicâ mores hominum, rerum momenta, libertatis et dominationis temperamenta, varia et saluberrima pro temporum eventuumque varietate agendi consilia, noscere erit pretium.

Hæc quidem cùm recenserem graviora Taciti studia, omisi leviora duo ejus opera: alterum Facetias; alterum Dialogum de Oratoribus. Facetias, Fulgentio Grammatico³ memoratas,

¹ Tacit. Vit. Agr. cap. 3.

² Tacit. Hist. i. 1. supremum illud consilium memorat.

³ Quem vide infra inter Testimonia Veterum.

fortè collegit, dura literariam supellectilem parabat, vel subsecivis horis, ut tædia otia ve falleret. Periere; nec magnum est earum desiderium. Id enim literaturæ genus ita à tempore locoque pendet, ut vix umquam alios homines, alios mores ferat. Dialogus de Oratoribus extat, sed mancus atque imperfectus parte haud exiguâ,¹ et, ob naturam rerum, quæ ibi tractabantur, gravissimâ. Disputationi eâ super re habitæ Tacitus, juvenis admodum,² interfuerat, cùm M. Aprum et Julium Secundum adsectabatur: eam postea, requirente Justo Fabio, literis mandavit, iisdem numeris, iisdem, quas audierat, rationibus.³ Ibi tamen passim suum prodit ingenium, nondum quidem illâ brevitate, quæ in Annalibus eminet, subactum, sed jam validum, et ad altos sensus pronum. Apud picturæ curiosos prima summorum artificum lineamenta diligentissimè adservantur: haud minori pretio apud literarum amatores debet esse hoc clarissimi ingenii specimen. Nihil moror quosdam hunc librum Tacito abjudicasse, ut illum Quinctiliano aliisve tribuerent. Pugnant conjecturis adversus manu scriptorum codicum vete-

¹ Tacit. Dialog. de Orat. cap. 35.

² Tacit. ibid. cap. 1. Hæc de re fusiùs dictum in not. et emend.

Vide et Appendicem Chronologicam.

³ Tacit. Dial. de Orat. cap. 1.

rumque omnium editionum fidem, adversus Pomponii Sabini, Grammatici,¹ auctoritatem, demum adversus certissimam temporum rationem, quæ uni Tacito competit. Contra sunt qui ei vindicent epistolam unam Plinianis insertam.² Haud equidem improbabilis est conjectura. At vix ullius momenti res est, ob materiæ levitatem. Ipsa epistola inter Testimonia Veterum mox subjungetur, ut penes quemque sit judicium.

Hactenus Taciti studia et meditamenta recensui; superest ut quorundam adversus eum criminationes, non editoris adfectu, sed ductu veritatis, expendam. Nemo enim sine adversariis magnum nomen obtinuit; et quanto celebratior Taciti fama, tanto gravioribus patuit accusationibus. Ac primò quidem criminantur malignum eum fuisse et *μισάνθρωπον*, qui omnia vel suspicionibus adulteraret, vel in deteriorem partem traheret. Hæc certè maligni et improbi sunt hominis, qualem nemo dixerit Tacitum, qui sceleratos passim arguit, virtutem meritis laudibus semper extulit, amicos non habuit nisi optimos, ipsamque malignitatem, falsâ libertatis specie illudentem, sæpe corripuit. At suspiciones, conjecturas inter-

¹ Quem vide infra inter Testimonia Veterum.

² Plin. Epist. ix. 10.

serit. Fateor equidem ; sed eas legitimas, et quod in veterum librorum, quæ superat, paucitate prorsus mirum est, aliorum scriptorum testimonio, aut ipsarum rerum naturâ comprobatas. Nullas in historiâ usurpare, vel ineptissimi, vel audacissimi mortalium foret. Criminationis causas aperiam. Quidam corruptores et corrupti Tacitum oderunt, quòd eorum arcana nudaverit, eorum vitia perpetuus censor exprobet. Ut sibi aliisque fucum faciant, calumniam hanc ingerunt. At quis, nisi priùs ei fuerit malesana oculorum acies, splendidiorem purioremque solem esse umquam questus est? Quis, nisi turpis, fideliori speculo irascitur? Alii, procaces ingenio, et offensionum avidi, historias argutiis aculeatas, amaras malignitate, divinationibus falsas scripsere, seque Taciti imitatores audacter sunt professi. Eorum audaciam imperitiamve, non verò Tacitum, argue.—Vulgare est sua flagitia aliis objectare, magnisque nominibus sese tutari. Insuper ex optimis artificibus quâvis ætate exorti imitatores pessimi.

Crimen alterum : malæ Latinitatis est Tacitus. Breviter dictum ; an verè? Tacitum aliquandò nimis concisum, ingenii et sensuum profunditate subobscurum arguerent, non valdè repugnarem, nec eadem esse Thucydidis vitia, aut, ut loquun-

tur Græci, virtutes, urgerem. Sed Ferretum, aliosque id genus homines, Taciti Latinitatem culpæ quis ferat? Eos tamen refutare pudet. Idque prorsus inutile, cùm Muretus,¹ Latinitatis et Latinarum elegantiarum peritissimus iudex, partes illas magnâ cum laude præoccupaverit. Hoc unum addidero, inter Romanos scriptores nullum esse verborum concinnitate et splendore Tacito comparandum.

Graviora sunt mendacii crimina: neque dixerim Tacitum nihil esse mentitum. Commune illud est mortalitatis vitium, quod historiæ scriptores in tantâ rerum multitudine, humanique ingenii infirmitate, et ob caliginem veritati offusam, vix effugiant. Proclivior adhuc error, ubi intercedit religionum diversitas. Inde Tacitus falsa de Christianis, absurda de Judæis prodidit, præjudicatis tum suis, tum aliorum opinionibus abstractus. Ita tamen fidei et diligentiae, quam in ceteris profitetur, retinens, ut, vel cùm hæc peccaret, Christianos incendii crimine, quo Nero eos perculerat, absolverit.² Judaicis autem antiquitatibus vera quamplurima intermiscet; eam-

¹ Hâc de re et Taciti laudibus orationem habuit Muretus, quam vide inter ejus orationes

editas Lipsiæ anno 1698. vol. II. p. 353.

² Tacit. Annal. xv. 44.

que religionem valdè commendat, quæ Deum imagines mortalibus materiis in species hominum non effingit, sed sine simulacris, sine regum, sine Cæsarum adulatione, *unum numen, summum illud et æternum, neque mutabile, neque interiturum*,¹ veneratur. Talia veritatis testimonia apud nulum Romanæ gentis scriptorem ante Tacitum reperire est.

Odiosum verò, et, ut opinor, falsum est ἀθεότητος crimen, quod quidam Tacito objiciunt. Deos enim passim agnovit, negavit nusquam; ipsamque opem divinam,² rerum humanarum dominatricem, memorat. Atrocioribus quidem sceleribus et cladibus offensus, et aliquandò de divinâ providentiâ dubitaverit, dixerit Diis non homines, non imperii securitatem, sed ultionem curæ esse;³ id ἀσεβείας est, non verò ἀθεότητος. Dolendum certè quòd Deum unum non coluerit, et in hâc exoriente Christianæ veritatis luce, quæ ipsam Neronis domum subierat,⁴ recensque Flavii Clementis,⁵ consulis, aliorumque exemplis ac virtuti-

¹ Tacit. Hist. v. 5.

² Tacit. Hist. iv. 78.

³ Tacit. Annal. iv. 20. vi. 22. Hist. i. 3.

⁴ D. Paulus, Epist. ad Phi-

lippineses, iv. 22. Vide et infra Vol. II. p. 443.

⁵ De quo plura infra Vol. v. p. 141.

bus inclaruerat, ipse cæcutierit. At inter ἀήρους minimè censendus est.¹

Porro viri illius celeberrimi gloria ad seros nepotes propagata est. Illum parentem suum appellabat, et ab eo originem ducere se gloriabatur M. Claudius Tacitus,² qui principatum obtinuit anno Urbis Conditæ 1028. Jesu Christi 275. vir egregiè moratus, non ambitione, non crimine, sed singulari senatûs et exercituum consensu imperio admotus: illius capax, et intrâ sex imperii sui menses tantâ virtutum claritudine, ut laudatissimorum Principum gloriam æquâset, ni, urgentibus Romæ fatis, citò fuisset extinctus. Cornelii Taciti imaginem in omnibus bibliothecis collocari, ejusque libros, ne lectorum incuriâ deperirent, per annos singulos decies publicâ impensâ in civicis archivis describi, et in bibliothecis poni jussit:³ orbi, literis et parenti optimè consulturus, si ipse, aut frater ejus Florianus, diu imperâssent. Recentior adhuc, nec fortè ultimus Tacitorum sanguis, Polemius,⁴ Galliarum prætorio præfectus,

¹ Cl. Joannes Kynaston Tacitum defendit publicâ oratione, Oxonii habitâ, et Londini editâ anno 1764. cui titulum fecit: *C. Cornelius Tacitus à falso impietatis crimine vindicatus.*

² Vopiscus in Tacito, cap. 10.

³ Vopiscus ibid. Vide et Testimonia Veterum.

⁴ Sidonius Apollinaris, Epist. IV. 14.

nobilitate et doctrinâ, quasi hereditario jure, illustris, memoratur circa annum Urbis Conditæ 1229. Jesu Christi 476. Augustuli et imperii Romani supremum.

Verùm longè major ingenii, quàm sanguinis, laus extitit, nec umquam intermoritura: crevit per ætates diffusa, à viris tum Principibus, tum privatis, sanctitate, sapientiâ, et fortitudine præcellentibus, ad nos transmissa: æternùm vivet apud gentes literarum et hominum studiosas. Nullum superest tanti viri monumentum. Ejus imago, quæ Interamnæ in Apostolico palatio monstratur, nullâ valet antiquitatis commendatione. Ante ducentos annos, rudera ejus tumuli adhuc ostentabantur haud procul Interamnâ, viamque propter, quæ Spoletum ducit. Quâ occasione Hector Simonetta eâ solò æquaverit, Tacitique cineres dissipaverit, miserens ejus filius, inscriptione in agro paterno positâ anno 1613: testatum voluit.¹

¹ Hæc fusè memorat Franciscus Angeloni, *Historia di Terni*, p. 51:

PIO. V. P. O. M. E VATICANO ANTIQVAS STATVAS
EIICI

ROMAE MANDANTE

TACITI ET FLORIANI OPT. IMP. COENOTAPHIA
IN PROPRIO SOLO CONSTRVCTA A FVLGINE ET
ANTIQVITATE DEFORMATA

CORNELII TACITI HISTORICI DE RELIGIONE
CHRISTIANA

MALE OBLOQVENTIS MAVSOLEVM VETVSTATE
COLLAPSVM SEMIDIRVTVM DISSIPATIS CINE-
RIBVS

DIRVI ET SOLO AEQVARI
MERIDIONALEM IMPERIALIS SOLI PARTEM EX
RVINIS

MVRO CINGI

HECTOR SIMONETTA FVNDI DOMINVS

INTERAMNAE MANDAT

FVNDAMENTA VIX REMANENT PROH DOLOR
TANTARVM

ANTIQVITATVM IN A. P.

PAVLVS HECT. F. AD AETERNAM REI MEMO-
RIAM POSVIT

A. S. M. DC. XIII.

DE PRÆCIPUIS

CORNELII TACITI

EDITORIBUS ET INTERPRETIBUS.

INTER initia renascentium literarum, et egregiæ illius artis, quæ hominum ingenia rem publicam fecit, Venetiis circa annum 1468. prodiit prima Taciti editio,¹ antiquitate, elegantia, raritate præstantissima. Multis quidem, et gravissimis erroribus, ut solitum est in primis quibusque editionibus, foedata; abest et Cn. Julii Agricolæ vita: adhuc quoque latebant sex priores Annalium libri. Nihilominus utilissima est, quod complura veteris scripturæ in recentioribus editionibus perperam immutatæ vestigia retineat.

¹ Hæc editio prodiit sine ullâ loci et anni notâ, his quatuor versibus, in fine subjunctis, conspicua:

*Cæsareos mores scribit Cornelius: Esto
Iste tibi codex: Historia pater est.
Insigni quem laude feret gens postera:
pressit
Spirâ premens, artis gloria prima suæ.*

Cùm Joannes et Vendelinus de

Spirâ splendidam Plinii editionem Venetiis vulgaverint anno 1469. hæc Taciti editio, *artis gloria prima suæ*, anno 1467. aut 1468. publicata. In eâ sunt sex posteriores Annalium libri, et Historiarum libri quinque; Libellus de situ, moribus et populis Germaniæ; et Dialogus de claris Oratoribus.

Franciscus Puteolanus, Parmensis, literarum peritissimus, alteram editionem,¹ vitâ Julii Agricolaë auctam, Mediolani publicavit. Nitidiorem politioremque Tacitum fecit, tum suis, tum Berardini Lanterii, Mediolanensium ætate suâ eruditissimi, conjecturis ductus. Usus est quoque MS. codice Genuensi. Tacitum autem nemo meliùs novit, veriùs expressit. Ejus judicium, cuivis, ob libri raritatem, non ita obvium, silere nefas. “Omnem,” inquit, “historiæ legem” absolvit Tacitus . . . “nihil falsi dicere, nihil veri omittere ausus. In scribendo enim ne suspectus quidem umquam fuit aut gratiæ, aut simultati aliquid tribuisse. Rerum rationem, quâ ordo temporum, regionum descriptio exigitur, nemo historicorum diligentius observavit. Jam consilia, acta, eventus, ut, Dii boni, expendit! et de consiliis quid probet, quid non. In rebus gestis

¹ Huic quoque editioni nulla est adjuncta loci, anni, typographi nota. Eam tamen Mediolani prodiisse haud dubium est, cum cetera Puteolani opera in hac urbe excusa sint, in quâ oratoriam artem magnâ cum laude profitebatur. Puteolanus addidit Vitam Julii Agricolaë; Annalium quoque et Historiarum libros ex MS. codice Genuensi recensuit; unde summum

debet esse apud literarum amatores hujus editionis pretium, quam miror librorum rariorum indagatoribus fuisse incognitam. Extat Parisiis in Bibliothecâ sanctæ Genovefæ: eam, pro suâ humanitate, literatis omnibus viris compertâ, mecum communicavit Cl. Mercier, huic Bibliothecæ præfectus. Recusa est Venetiis annis 1497 et 1512.

non solùm quid actum, sed quale. De eventu verò omnes causas explicat, casus sapientiæ, temeritatis ; hominum porrò non solùm res gestas, sed quæ fama, quod nomen, quæ natura, quæ vita. Quo artificio omnes meâ sententiâ facilè vicit ; ita creber rerum frequentîâ, ut verborum propè numerum sententiarum numero sequatur ; ita dein verbis aptus et pressus, ut nescias utrùm res oratione, an verba sententiis illustrentur. In concionibus (audeo enim promere quod sentio) Livio quoque antefereendus, magis tamen Sallustii argutam densitatem, quàm hujus amplitudinem imitatus. Hunc primò legens, laudabis eloquentiam ; cùm iterum in manus sumseris, mirum acumen deprehendes, et miraberis ; ubi contubernalem reddideris, sæpe artificiosâ docebit varietate, immensâque jucunditate delectabit.”¹

Laudum magnitudine, majori operis admiratione, excitato orbe literario, in museis omnibus quæsitum, si quid aliud tanti viri superesset. Ac tandem in Corbeiensi² ad Visurgim monasterio ab Angelo Arcomboldo, Leonis X. Pontificis

¹ Ex præfatione editionis Puteolani, Jacobo Antiquario, Ducali Secretario, inscriptâ.

² *The Abbey of Corvey, in*

Westphalia : locus religionis et literarum studiis celeberrimus. Visurgis autem fluvius, nunc *the Weser*.

Maximi quæstore, inventi sunt quinque priores Annalium libri, quos Lipsius, alique postea meliori partitione sex numeravere. Hos cum Pontifex, literarum decus et columnen, magno quingentorum aureorum nummorum pretio redemisset, diligenterque evolvisset, eorum lectionem "luculentam, variam, utilem, dignamque omni liberali ingenio"¹ pronuntiavit; voluitque ut quanto citius fieri posset à situ et oblivione in lucem et memoriam hominum vindicarentur. Id curæ demandatum Philippo Beroaldo, juniori, Academiæ Romanæ præposito: is imperatum opus pro Pontificis auctoritate suâque doctrinâ haud indiligenter præstitit; inventosque libros ex manu scripto codice, qui postea Florentinæ Mediceorum bibliothecæ fuit illatus, ceteros ex Putcolani recensione edidit Romæ Kal. Martii anno 1515.² In libri fine, infra gentilitia Leonis X. insignia, adjectum, quod maximo Principe et literarum reparatore dignum: "Nomine Leonis X. Pont. Max. proposita sunt præmia non mediocria his qui ad eum libros veteres, neque hactenus editos attulerint."

¹ Ex literis Leonis Papæ x. quæ extant in calce editionis Beroaldinæ.

² Cl. Maittaire, "Annal. Typog." Vol. v. part 2. p. 273.

editionem Romanam anni 1514. memorat. Privilegium, à Leone x. datum anno 1514. in Taciti editionem transformavit.

Alexander Minutianus, Apulus, eruditus typographus Mediolanensis, et Historiæ professor, chartas Beroaldinæ editionis ex Urbe importatas recudit, ut eas auditoribus suis prælegeret. In calce operis reperit se imprudenter illapsum esse in Pontificium interdictum, quo cavebatur, ne quis intrâ decennium Tacitum recuderet. Culpæ veniam exoravit; suamque editionem, quibusdam in locis emendatam, et Andreæ Alciati notis auctam, absolvit anno 1517.¹

Beatus, aut veriùs Bildius Rhenanus, Selesta-diensis, manu scripti codicis Budensis, olim Matthiæ Corvini, Hungariæ regis, copiam nactus, novam et aliquanto accuratiorẽ editionem vulgavit Basileæ anno 1533. sæpe postea et variis in locis recusam.²

Justus Lipsius, Belga, Corneliano spiritu afflatus, magnoque eruditionis paratu ad id opus accessit: omnem hujus laboris laudem reportaturus, si non excerpta tantum MSS. codicum Vati-

¹ Cl. Maittaire, loc. cit. hanc editionem Romæ prodiisse perperam scribit. Fabricius quoque, "Bibliothec. Latin." lib. iv. cap. 21. p. 471. errat tum in anno, tum in formâ. Ea enim

est anni 1517. non verò 1516. formæ in 4to sed minimæ.

² Quarum omnium præcipua est, quæ prodiit Venetiis anno 1534. typis Aldinis.

canonum, Farnesiani, Covarruviae, Sambuci, veterumque editionum adhibuisset, sed libros integros contulisset.¹ Ingenio eruditisque commentariis utcumque id supplevit, et editionem ceteris omnibus, quæ antè prodierant præstantiorem, magnâ cum nominis sui gloriâ Antuerpiæ publicavit anno 1574. Quam postea ad annum usque 1600. sæpe retractavit, emendavit, melioremque fecit. In hoc gloriæ suæ monumento rursus adornando immortuus est anno 1606. ætatis suæ 59. Lipsiorum stirpis ultimus, et magnum decus.²

Inter tantos Lipsii labores, Curtius Pichena, Magni Ducis Etruriæ à secretis, in emendando Tacito Florentiæ utilem operam posuit.³ Usus manu scriptis codicibus bibliothecæ Mediceæ, loca plurima, quæ alios fugerant, restituit et

¹ Majorem laudem adhuc reportaturus, si libros edidisset, quibus contexuerat Caianam historiam et initia Claudii Corneliano exemplo stiloque, ut ipse testatur in notis ad Annal. xi. 1. At in migrationibus suis laborem hunc, fraude an casu, sibi periisse ibidem declarat. Jactura tanto gravior mihi videtur, quòd hæc adolescens scripserat, ac proinde cùm ei molle et elegans adhuc erat ingenium. Postea, singulari humani inge-

nii inconstantia, in deterius mutatus, durum et horridum scribendi genus adfectavit.

² Innumerae postea fuerunt Lipsianæ editiones, quarum nitidissimæ sunt quæ typis Elzevirianis prodire Lugduni Batavorum annis 1621. 1634 et 1640.

³ Pichena seorsus notas primum edidit; deinde editionem ipse adornavit excusam Francofurti anno 1607. et Aureliæ Allobrogum anno 1609.

explicavit. Iis Lipsius non mediocriter profecit in posteriõribus suis editionibus, ut niterentur.

Matthias Berneggerus, Germanus, magis ad utilitatem, quàm ad splendorem, sine ullâ tamen MSS. librorum ope, Taciti editionem accuraverat. Eo defuncto, gener ejus Joannes Freinshemius, vir in republicâ literariâ notissimus, eam non perpetuis, sed selectis notis locupletatam, et à Melchiore Freinshemio communibus cum fratre studiis copioso indice instructam, juris publici fecit Argentorati anno 1638.

Joannes Fredericus Gronovius, Batavus, Berneggerianam editionem, levi suâ operâ, sed nitidior chartâ, elegantioribus typis, cum suis Variorumque notis et quibusdam variantibus MS. Oxoniensis lectionibus in operis calce sub-junctis Lugduni Batavorum absolvebat anno 1672. cùm vivendi finem fecit. Eadem editio pari nitore iterum prodiit Amstelodami anno 1685.

Julianus Pichon, Gallus, ad majora vocatus, vix paria præstitit: nullâ adhibitâ MSS. codicum veterumque librorum collatione, grandem tamen, sed indigestâ mole gravidam, editionem ad usum

Serenissimi Delphini Parisiis apparavit anno 1682. Recusa est Venetiis anno 1707.

Theodori Ryckii, Batavi, breviora, sed meliora utilioraque in Tacitum studia. Prodiere Lugduni Batavorum anno 1687. Nitidiùs, commodiùsque in lucem iterum emissa Dublinii anno 1730. Præstò fuere tum excerpta ex MSS. Regio et Florentino, tum MS. codex, qui olim Rudolphi Agricolaë fuerat. Ei tamen plus æquo tribuit Ryckius, cùm ille codex non tam veterem scripturam, quàm viri eruditi conjecturas contineat.

Christianus Hauffius, Germanus, nihil operæ in emendando Tacito, nimis in explicando collocavit Lipsiæ anno 1714. Eum enim ita minutatim explanat, ut lectorem fatiget magis, quàm dirigat.

Jacobus Gronovius, Joannis Frederici filius, paternam editionem cum MSS. Florentinis recognitam, suisque et Variorum notis cumulatam prelo paraverat, cùm morte interceptus est anno 1716. Filius ejus Abraham Gronovius eam Trajecti ad Rhenum anno 1721. publicavit: patris memoriæ consulturus, si convicia adversùs Ryckium, aliaque multa erudito viro indigna omisisset. Ad operis calcem reperire est varias

quasdam lectiones ex MSS. codicibus Bodleiano et Arundelliano excerptas.

Joannes Augustus Ernestus, Germanus, in eamdem palæstram Lipsiæ processit anno 1752. et maximam post Lipsium laudem consecutus est. In conferendis enim veteribus editionibus et MS. codice Guelferbytano acer et diligens, multa quæ alios latuerant correxit; suasque notas Lipsii et Joannis Frederici Gronovii commentariis addidit.

Posteà prodire elegantiores editiones Glasguæ anno 1753. Londini anno 1760. Illa ut J. Gronovii, hæc ut Ryckii exemplar exprimeret. Eamdem elegantiam Parisiis anno 1760. exhibuit Cl. Joannes Nicolaus Lallemand, quam suâ curâ notisque insuper illustravit. In hâc editione Parisiensi omissus est Dialogus de Oratoribus, qui in omnibus editionibus antè comparuerat.

Satis sit præcipuos Taciti editores recensuisse. Eos, qui in omnes ejus libros, vel singulos, notas, animadversiones, commentarios conscripserunt, commemorare infinitum foret ac fastidiosum. Multi enim illaudabiles, quales Æmilius Ferretus, Carolus Paschalius, Ludovicus d'Orleans, &c.

Nonnulli tamen nobiles et egregii, ut M. Antonius Muretus, Fulvius Ursinus, Hugo Grotius, Daniel Heinsius, Godefridus Gulielmus Leibnitius, et alii quos pro loci opportunitate et utilitate libenter ultroque laudabimus.

Verùm cùm minùs voluptati, quàm utilitati publicæ, scriptis suis consultum voluerit Tacitus, gens fermè nulla est, quæ eum indigenam ac popularem habere non voluerit. In hâc tantâ interpretum multitudine, principes appellare juvat. Suum habent Germani Micyllum, suum Batavi Hoofdium, gentilibus probatos. Inter Hispanos de principatu tres certant Emmanuel Sueyro, Balthazar Alamos, et Carolus Coloma, quibus haud tam splendor, quàm brevitatis deest. Plures habent Itali, quos inter eminent Georgius Dati, Bernardus Davanzati, et Adrianus Politi. Palmam singulari brevitatis felicitate præripuit Davanzati. Laudem inter Britannos sibi pepererant Ricardus Grenewey et Henricus Savile: eam in se traxit Thomas Gordon, accuratior quidem, sed adhuc paulo laxior. Antiquum quoque Gallis fuit studium, ut Tacitum interpretarentur. Jam pridem rudi vetustate obsoluere Fauchet, de la Planche, aliique hujus veterani. Aliquid artis et ingenii promere cœpit Achilles de

Harley. Plus elegantiae, haud satis veritatis indidit Nicolaus Perrot d'Ablancourt. Mole exemplorum, tædia aggeravit Abraham Nicolaus Amelot de la Houssaie.¹ Ejus versioni, auctoris morte interruptæ, finem imposuit Franciscus Brûys, vitiis, quàm virtutibus similior. In his tentamentis aliquamdiu substiterant Gallicæ literæ, cùm recens nos rapuit studiorum impetus. Tum suam versionem adornavit Cl. Guerin: aliam meditatur, jamque per partes edere cœpit Cl. de la Bleterie. Interpretandi leges præscripsit, et ad earum formam selecta et splendida Taciti loca expressit Cl. d'Alembert. Eorum exemplis famâque plures excitati novas apparant Taciti interpretationes. Vigeat crescatque egregius ille ardor, quo summus scriptorum imperii Romani non modò apud nos magis ac magis inclarescet, sed si suâ eum vi ac brevitate exprimimus, magnum accedet literaturæ nostræ decus et incitamentum.

In hoc autem interpretationis genere non stetit Taciti admiratio: alterum excogitavit, quò licentiùs expatiaretur. Illustriores scilicet Taciti sen-

¹ Amelot de la Houssaie XIII. priores Annalium libros vertit. Cetera Taciti opera interpretatus est Brûys, sed dissimulato nomine. "Tacite avec des notes

politiques et historiques par M. Amelot de la Houssaie et M. L. C. D. G***. A la Haye, chez Scheurleer. 1731—1735 10 vol. in-12."

tentiæ præcipuaque verba, tamquam primaria et propria sapientiæ principia sunt excerpta, amplificata, tum veterum, tum recentium ætatum exemplis comprobata. Hâc in studiorum palæstrâ, speciosiori fortè, quàm utiliori, multi inter Italos desudârunt, quorum nobilissimi sunt Scipio Ammirato, Ascanius Piccolomini, Trajanus Boccalini, Philippus Cavriana, Virgilius Malvezzi, et Raphael dalla Torre. Eandem apud Germanos laudem æmulati sunt Janus Gruterus, Christophorus Forstnerus, Cornelius Lentulus de Lentz, aliique plurimi; et fortè iis meliores, quia breviores, Abraham Golnitz et Marcus A Rechlingen. Non solùm inter Hispanos, sed etiam inter Italos nomen obtinuit Balthazar Alamos. His maximè operibus apud Gallos innotuit Amelot de la Houssaie. Majorem in Britannîâ celebritatem adsecutus est Thomas Gordon. At, quod jam supra monui, plus mihi videtur in his politicis exercitationibus ostentationis, quàm utilitatis: iisque præceptoribus retardatur magis, quàm incitatur animus. Brevius certiusque iter ingredendum. Quisquis politicam prudentiam addiscere cogitat, Tacitum legat. Qui mentem eâ imbutam percupit, Tacitum relegat. Hâc viâ ière sapientiæ proceres, quos prior ætas mirata est. Hâc pergant, quos gloria et utilitatis publicæ studium accendit.

BROTERIANA,

*DE CORNELII TACITI EDITIONE,**EJUSQUE SUBSIDIIS.*

SUPEREST, ut laboris mei consilia subsidiaque, quod utrique editioni commune est, paucis expediam: simul quoque, quæ sint hujusce alterius editionis propria, explicem. Mens fuit Tacitum, ad manuscriptorum codicum veterumque et optimarum editionum fidem recognitum, proponere. Tum, ut obviæ in antiquis scriptoribus difficultates amoverentur, juvat non modò temporum discrimina signare, sed et ea ad calculos, quibus nunc utimur, revocare: terrarum loca, quorum insignis olim fuit memoria, cum iis

quæ nunc extant conferre: Romanam aliamve peregrinam pecuniam cum Gallicâ nostrâ monetâ componere: et quod in hoc commentationum genere utilissimum est, nummorum, inscriptionum, scriptorum tum Romanorum, tum Græcorum, Tacito æqualium, aut recentiorum, auctoritate, Historiæ fidem adstruere, lucemque ei adfundere.

Opus quoque fuit, pro argumentorum dignitate et utilitate, complures dissertationes addere. Expositum est et illustratum Cæsarum stemma, ne nominum multitudine et indiscretâ similitudine obscurarentur Annales. Eam ob rem addita passim plura alia stemmata. De legionibus, earum numero et locis fusiùs tractatum, ut Historiarum libri inoffenso pede percurrerentur. Ejusdem necessitatis fuit expendere ærarium opesque Romanorum, stante republicâ, et sub Principibus; eorum census et lustra, tributa et vectigalia, Principum congiaria, Romæ magnitudinem, Capitoli magnificentiam, aliaque multa, quæ si non explicentur curatiùs, mores ususque horum temporum non satis intelligerentur. Ipsa quoque vitia fuere memoranda, Romanorum luxus, Neronis in aureâ domo prodigentia, et inexplebilis Vitellii gula. Hæc enim portenta in evidentiae luce erant

collocanda, ut magnis documentis, quò prorumpere possit humana libido, notesceret, simul et pueret. Ne piguit quidem, quod à viris humanarum literarum studiosis expetitur, illustri exemplo Petri Corneille et Joannis Racine, quàm validus sit Tacitus fœcundandis ingeniis, ostendere. De Christianis, falso incendii crimine à Nerone irretitis, dictum; et, cùm de Judæis esset dicendum, plura de Judæis Sinensibus placuit subnectere, tum ob materiæ novitatem, tum ut Romanorum Sinensiumque hâc de re judicia comparare promptum foret. Pariter, ut aboleretur opinio, quæ apud quosdam invaluit, Tacitum in Germaniæ descriptione plus ingenio, quàm veritati indulsisse, Germanorum mores cum veteribus nostris legibus et historiis, cum vigentibus adhuc moribus populorum illorum, quos barbaros ferosque appellamus, quò ævi prioris humanitatem nondum dedocuere, assidue contuli. Sic enim, non nostro suffragio, at seculorum hominumque consensu approbatum est Tacitum non modò fuisse maximum antiquitatis pictorem, quæ propria ejus laus, atque omnium sermonibus jam pervulgata, sed et verissimum; quod erat evincendum. Demum cùm vel optimi scriptores multa sileant, quæ tamen nōsse quorundam interest, Anecdota ex variis auctoribus collegi, ut harum rerum curiosis satisfacerem.

Curas ultra intendi; cùmque summoperè dole-
rem Tacitum truncum ac mutilum circumferri, ad
Supplementa adverti animum, non quòd Tacitum
æquari posse confiderem, sed ut plenior faciliorque
flueret ejus narratio, si deperdita ex veterum
scriptorum et monumentorum fide supplerentur,
stylo moreque Corneliano expressa. Inde adla-
boravi, ut Sejani ruina, ceteraque, quæ in quinto
Annalium libro deerant, restituerentur. Dis-
junctos antea libros sextum et undecimum con-
jungere res Caii Principis et Claudii initia, quatuor
libris composita. Finis quoque libro sextodecimo
additus, ut Neronis suprema traderentur. In his
quidem subsistere animus primùm fuerat: at
postea satius visum quinto quoque Historiarum
libro opem ferre, et jam narrari coeptum Hieroso-
lymorum gentisque Judaicæ excidium prosequi.
Cetera Vespasiani, Titi, Domitiani, atque Nervæ
tempora, ad alterum usque Trajani consulatum
(hic enim supremus est annus à Tacito memo-
ratus, ac laboris nostri finis) brevi et compendiosâ
Appendice declarata sunt, ne opus in immensum
cresceret.

Huc cùm devenissem, et per otium licuisset ma-
gis expatiari, nolui ut egregia Trajani tempora diu-
tius silerentur; ejusque res æternâ memoriâ dignas

ex veteribus scriptoribus monumentisque composui, quod hactenus ab eruditis viris erat desideratum, et à nemine satis præstitum. Tum quoque me piguit Dialogum de Oratoribus ex magnâ sui parte truncum reliquisse: partem illam supplevi, ut plenior gratioresque atque utilior legi posset Dialogus qui ob elegantiam, concinnitatem, documentorumque opportunitatem, inter præstantissima antiquitatis opera semper adnumerabitur.

Nulla jam Taciti pars hiulca remanebat: animus itaque applicui, ut altera hæc editio novis quoque dissertationibus illustraretur. Veteres ergò Gallorum glorias Tacito celebratas explicavi. De eunuchis, quorum non in Oriente tantum, sed apud Romanos etiam, validissimum fuit nomen, nova et eruditis viris nondum satis perspecta protuli. Ut quæ de Romæ magnitudine incolarumque numero prius dixeram, illustri exemplo confirmarem, inquisivi in populi frequentiam apud Sinas, hujusque tantæ frequentiæ causas. Quæ de ærario, de tributis vectigalibusque populi Romani antè docueram, additamentis confirmavi. Pueros puellasque Ulpianos alimentarios, præstantissimum dignumque optimo Principè institutum, pro rei dignitate et utilitate, cum celeberrimâ, quæ extat, Inscriptione, diligenter exposui. De

Christianis quoque cùm sæpe esset mihi agendum, juit cur ab optimis etiam Principibus vexarentur expendere. Stupenda demum Trajani opera, pontem supra Danubium, columnam, navem omnium maximam, aliaque id genus monumenta, singillatim descripsi. Et, cùm sese occasio dedisset, ut fragmentum Titi Livii, recens repertum, laudarem, operam meam desiderari non sum passus, ut eruditis viris gratificarer, qui fœdam hanc et laceram Livii laciniam integritati suæ restitutam percuperent. Illud ergò Fragmentum supplemento explevi; et, ne quid deesset utilitati publicæ, adnotationibus illustravi.

Hæc cùm præstitissem, nihil reliquum mihi visum, quàm ut miram in Tacito rerum civilium prudentiam, omnibus celebratam, nec umquam satis prædicatam, sub uno quasi intuitu conspiciendam, et politicæ scientiæ cupidis facilè parabilem proponerem. Quod ut adsequerer, Taciti politica non modò collegi, sed et ex iis politicum quoddam corpus conflavi, quod quæ in publicæ rei vitæque communis usu præcipua sunt complecteretur. Iis imbutus animus alia plurima et exquisitissima, Tacitum relegendo, detegit, quibus, ut suis, nec à me monstratis, gratiùs adhuc

utiliùsque perfruetur. Ea sunt additamenta, quæ alteram hanc editionem, rebus priori majorem fecere. Indices quoque (Freinshemianum illum nempe, et alterum à me ipso consarcinatum) et commodiùs et copiosiùs distributi sunt.

Nunc verò percursis laboris nostri consiliis, quæ nobis fuerint subsidia memorandum. Super editiones, quas in alterâ Præfationis parte modò appellavimus, adjumento fuere manu scripti codices, tum ab aliis, tum à nobis inspecti. Antiquitate principes habet Florentina Bibliotheca. Ibi, ut jam monui, MS. codex, omnium vetustissimus, in Corbeiensi monasterio repertus. Tiberii principatum, seu sex priores Annalium libros, tantùm complectitur. Alter ibidem est MS. codex, in quo sunt sex posteriores Annalium, et Historiarum quinque libri. Exaratus est literis Langobardorum, quorum res in Italiâ Carolus Magnus adflixit anno 772. Eum Pichena longè vetustiore credidit, quòd in eo subscriptum reperit: “ Ego Sallustius legi et emendavi Romæ felix, Olibrio et Probino consulibus, in foro Martis controversias declamans oratori Endelechio. Rursus Constantinopoli recognovi Cæsario et Attico consulibus.” At librariis mos sæpe fuit, quæ in codicibus reperirent, transcribere,

non observatâ ratione temporum, quibus eos describebant. Id quamplurimis compertum exemplis. Langobardica autem scriptura evidenter arguit codicem illum Romæ non fuisse scriptum A. U. C. 1148. J. C. 395. quo Olibrius et Probinus consules fuere; neque Constantino-
poli recognitum biennio post, cum Cæsarius et Atticus eandem dignitatem inierant. Ibi quoque vidi duos alios codices, sed recentissimos, quorum alter ab undecimo Annalium libro ad finem libri secundi Historiarum, alter eosdem Anna-
lium, et Historiarum libros quinque complectitur.

Vaticana Bibliotheca, non antiquitate codicum, sed numero præcellit. Quatuor in eâ reperi MSS. codices numeris 1863. 1864. 1958 et 2965. notatos. Sex posteriores Annalium, et Historiarum quinque libros habent singuli. Hos inter antiquior videtur MS. 1864.¹ exaratus seculo XIV. exeunte, aut ineunte XV. Ejusdem ferme antiquitatis est MS. 1863.² Multo recentior MS. 2965. neque, ut alii, membranaceus, sed char-

¹ Codicem illum haud absimilem esse codici, quem Lipsius Farnesianum appellat, quemque contulit Jacobus Corbinelli, sæpe sum expertus.

² Ex hoc codice, aliove simili, profecta videtur editio princeps. Nec dissimilis est MS. codex Bibliothecæ Regiæ Parisiensis.

taceus. Iis accuratior est MS. 1958.¹ Ejus ætas in libri fine expressa: “Si quispiam hinc describerit novum, sciat me, quantum reperi, fideliter ab exemplo transcripsisse, quod inter cetera, de quibus scitar, non est neque pessimum, neque mendosissimum. Τέλος Θεῶ χάρις.” Die septimâ decimâ Octobris ab ortu Salvatoris nostri Domini Jesu Christi anno 1449. Genue, pridie festum divi Lucæ Evangelistæ.”

Præterea Vaticana Bibliotheca minores habet Taciti libros. In MS. 1518.² “C. Cornelii Taciti Dialogus de Oratoribus. C. Cornelii Taciti de origine et situ Germanorum. MS. 1862.³ C. Cornelii Taciti de origine et situ Germanorum. Cornelii Taciti Dialogus de Oratoribus. MS. 2964.⁴ Cornelius Tacitus de origine et situ Germanorum; et pars Dialogi de Oratoribus. MS. 3429.⁵ Cornelii Taciti de vitâ et moribus Julii

¹ Descriptus est è MS. codice Genuensi, quem vidit, aut cujus exemplar habuit Franciscus Puteolanus, ut jam observavimus supra.

² Membranaceus est: seculo xiv. scriptus videtur.

³ Seculo xv. ut videtur, exaratus; et membranaceus. In fine Dialogi à scribâ additum:

“Ego tantum repperi, et meliusculum feci.”

⁴ Chartaceus est, et seculi xv. Pars Dialogi, quæ ibi extat, incipit ab iis verbis cap. 26.

“Expectabam, ut incusato Asinio, &c.”

⁵ Chartaceus quoque codex: et descriptus à Pomponio Laeto, viro eruditissimo, qui septuaginta

Agricolæ. MS. 4498.¹ Caii Cornelii Taciti de vitâ et moribus Julii Agricolæ. C. Cornelii Taciti Dialogus de Oratoribus. C. Cornelii Taciti de origine et situ Germanorum.” In MS. 5393.² sunt tantum ex Julio Cæsare et Cornelio Tacito excerpta. Consilium suum nomenque auctor ipse prodidit: “Ex commentariis Caii Julii Cæsaris, nec non ex libris Cornelii Taciti, Historici facundissimi, eloquentiæ Latinæ delectum, et ad Historias componendas, et ad quodcumque genus aptissimum Nicolaus Liburnius Venetus studiosè ac diligenter digessit.” In his excerptis partem longè maximam obtinet Tacitus.

Suas quoque opes, vel inter tum ferventia bellorum dissidia, contulit Britannia. Eruditique Oxonienses, pro suo in literas et Tacitum studio, codices Harleianum,³ Bodleianum,⁴ tertiumque

genarius Romæ mortuus est exeunte seculo xv. In libri capite notatum: “Vita Agricolæ scripta manu Pomponii Læti; et erat codex Fulvii Ursini.”

¹ Membranaceus est: seculo xv. egregiè scriptus.

² Chartaceus est, et recens.

³ Codex ille scriptus est anno 1452. ut constat ex librarii notâ, Hist. III. 34. appositâ: “Hodie

autem ab ortu Creatoris sunt anni M. CCCCLII.” In libri fine additum: “In exemplari tantum erat. Si quispiam hinc describerit, sciat me quantum reperi ab exemplari transcripsisse.” E MS. codice Genuensi profectus est, ut et MS. Vaticanus 1958. Prætereà collatus est cum MS. Vatic. 1863. aliove simili.

⁴ Eum descriptum fuisse Genuæ anno 1463: indicat libra-

Collegii Jesu¹ ultro communicavere, quos Cl. Samuel Musgrave cum Ernestinâ editione comparavit, omnesque eorum varietates singulari diligentia adnotavit. Pronum hunc doctissimæ gentis in nostros labores animum acceptum referimus clarissimis viris Carolo Morton, Regiæ Societati à secretis, Musei Britannici præfecto, et Antonio Butler, sacrâ eruditione percelebri, quorum egregiam hâc in re voluntatem nos esse expertos grati ac memores libenter profiteamur.

Nostra etiam studia humaniter, ut solebat donec per præproperea fata literis nuper est ereptus, promovit Cl. Capperonnier, cui Regiæ Bibliothecæ Parisiensis custodia erat demandata. At in eâ unus est MS. codex Taciti;² isque recens: haud tamen spernendus, quòd ab eodem codice, quo

rii nota, Historiarum fini sub-
juncta. "In exemplari tantum
erat. Si quispiam hinc descrip-
serit novum, sciat me quantum
repperi fideliter ab exemplo tran-
scripsisse: quod inter cetera
non est neque pessimum, neque
mendosissimum. Τέλος Θεῶν χά-
ρις. Genuæ pridie Idus Decem-
bres anno M. CCCCLX. tertio."
Similem fermè finem in MS.
Vaticano 1958. vidimus supra.

¹ Descriptus est quoque è
MS. Genuensi, aut ex ejus ex-
emplari, anno 1458. ut liquet
ex librarii notâ Hist. III. 34.
"Hodie autem ab ortu Creato-
ris sunt anni M. CCCCLVIII."

² Chartaceus est: et sub
finem seculi xv. scriptus: quem
"Bibliothecæ Regiæ obtulit
Carolus Du Fresne, Dominus
Du Cange anno M. DCLXXXII."
ut in libri capite notatum.

editio princeps, profectus videtur. Denique non-nihil opis attulit MS. codex Jacobi Corbinelli.* Sic appellamus codicem, cujus varias lectiones ad oram Beroaldinæ editionis ipse adscripserat.

Super hæc MSS. librorum subsidia, inter hujus editionis adminicula numeraverim breves notas manu scriptas, quas docti viri Marcus Antonius Muretus, Guillelmus Pellicerius, Episcopus Mons-peliensis, Daniel Huetius, Episcopus Abrincensis, marginibus exemplorum Taciti, quibus utebantur, inscripserant. Cl. Fredericus Samuel Schmidt, juvenis multiplici literarum laureâ nobilis, ad nos transmisit ex Bibliothecâ publicâ Bernensi observationes ab eruditis viris Jacobo Cujacio et Jacobo Bongarsio exemplaribus suis illitas. Nonnullas etiam reperi in MSS. Adversariis Dionysii Petavii, tanti viri eruditione haud indignas. Accepi ab Illustrissimo Chifflet, senatûs Vesontini

* Codex, quem Jacobus Corbinelli, vir literarum et Taciti studiosissimus, contulit, in locis quamplurimis cum Farnesiano codice, quem laudavit Lipsius, consentit; ut jam monuimus supra. Præter hos omnes codices, quos memoravimus, serò nobis innotuit MS. codex membranaceus, qui Parisiis adserva-

tur, in Bibliothecâ Institutionis Oratorii Jesu. Quantum ex libri fine et quibusdam locis, quæ inspexi, intelligere est; haud diversus videtur à codice, quem Corbinelli contulit. Quod magis patuit, cum illum evolvit Cl. Dotteville, Annaliumque et Historiarum libros, quos continet, ipse evulgavit.

præsides, MSS. commentarios Cl. Claudii Chiffletii in Tacitum, quos, licet conjecturis aliquandò indulgeat, sæpiùs laudàssem, si iis et citiùs et diutiùs frui licuisset. Suam quoque in nos voluntatem testatam voluit Illustrissimus Josephus Andreas Zaluski, Kioviensis et Czernichoviensis Episcopus, misitque è Bibliothecâ suâ Varsavianâ Berneggerianam editionem, notis quidem MSS. instructam, sed cùm omnes ex Lipsii commentariis sint excerptæ, nihil novi adjumenti protulere. Nec ideo silenda nobis fuit voluntas egregii viri, nobis amicissimi, qui ante aliquot annos in summâ vitæ et virtutum claritate mortuus est. Memoraverim quoque Gryphianam editionem à Cl. Gobet nuper ad nos allatam, cui quasdam adnotatiunculas addiderat Nicolaus Nancelius, vir medicinæ magis, quàm historiæ peritus: ita oscitanter, ut ab eruditione imparatus, Tacitum legerat, ut in eo nihil opis esse possit.

Iis, per quos in hâc editione profeci, commemoratis, haud siluerim primum laboris nostri hortatorem instinctoremque Cl. Hippolytum Ludovicum Guerin. Nostras quidem laudes, si adhuc viveret, ejus modestia oppressisset. Eas nunc omittere non sinit ejus vita, optimi civis officiis, ingeni facili-

tate, morum constantiâ, prudentiâ consiliorum, literarum cultu, artis suæ typographicæ splendore illustrata; et, quod certissimum est veræ virtutis argumentum, memoria post fata superstes, bonarumque artium studiosis carissima. Felix, qui, cùm laudabilis vitæ spatia implevisset, reliquit, quos eadem laudis æmulatio succendit.


Hæc fuere præfanda, ut Cornelii Taciti vita et scripta, præcipui ejus editores et interpretes, hujus editionis consilia ac subsidia recenserentur. Eâ curâ perfunctus, eruditum lectorem mei rerumve mearum commemoratione haud morabor. Velim tantùm ut pro suâ eruditione atque humanitate studiis meis faveat et indulgeat. Nummos quidem, passim in hoc opere laudatos, æneis tabulis expressos exhibendi consilium quondam fuerat. Ab eo destiti, quòd vulgares nummi jam sæpissimè sint recusati; rariores verò et præstantiores nuper multâ cum elegantiâ et rei nummariæ doctrinâ Cl. Pellerin publicaverit.¹ Cavendum ergò nobis fuit ne vanâ et inutili luxuriâ hæc

¹ "Recueils de Médailles de | 1x. vol. in 4to. Paris 1762—
Rois, de Peuples, de Villes, &c." | 1770.

editio diffunderet. At quod cuivis lectori utilissimum videbitur, nec fuit omittendum, additæ sunt tabulæ Geographicae, quibus loca à Tacito, aut in supplementis memorata, oculis subjiciuntur.

The first of these is the fact that the
 system of taxation is not uniform, and
 that the burden of taxation is not
 equally distributed. The second is the
 fact that the system of taxation is not

C. CORNELII
T A C I T I
ANNALES,



BREVIARIUM

LIBRI PRIMI.

I. **R**OMANARUM rerum stat^{us} ab Urbe conditâ ad Augusti excessum. 5. Tiberius imperium suscipit, tardè, et cupidinem dissimulans. Roma in servitium ruit. 16. Pannonicas legiones tres seditio gravis incessit. Ea, misso Druso, Tiberii filio, ægrè componitur. 31. Idem in Germaniâ inferiore motus, qui consedit, non sine sanguine et cæde. 50. Germanicus Cæsar in hostem ducit: eâque expeditione Marsi, Tubantes, Bructeri, Usipetes vastati, aut cæsi. 53. Julia, Augusti filia, Rhegii vitam finit. 54. Sodales in honorem Augusti, et ludi Augustales instituti. 55. Germanicus iterum Rhenum transmittit, in Cattsos ducit: agros, domos, homines, vastat, urit, cædit: Segestem obsidione Arminii liberat. Ob hæc imperator consalutatus. 59. Bellum deinde in Cheruscos gestum. Reliquiæ Vari et militum lectæ: supremaque iis soluta. 63. Romani in reditu, sub Cæcinâ duce, periclitati. Hostes tamen prosperâ eruptione fusi,

fugati. 72. Majestatis lex reducta, et asperè exercita. 76. Tiberis inundat. 77. Theatri licentia erumpit: et per eam causam decreta patrum expressa ad coercendos histriones. 79. Postremò actum de subducendis Tiberi aquis. Eoque nomine querelæ civitatum Italiæ, et legationes.

Hæc biennio ferè gesta.

A. U. C. J. C.

DCCLXVII.	14.	Coss.	{ Sexto Pompeio, Sexto Appuleio.
DCCLXVIII.	15.	Coss.	{ Druso Cæsare, C. Norbano Flacco.

C. CORNELII
T A C I T I
ANNALES.

LIBER PRIMUS.

1. URBEM ROMAM à principio reges habuere. Libertatem et consulatum L. Brutus instituit.¹ Dictaturæ ad tempus² sumebantur: neque decemviralis potestas ultra biennium,³ neque tribunorum militum consulare jus diu valuit.⁴ Non Cinna⁵, non Sullæ longa dominatio: et Pompeii Crassi-

¹ *Instituit.* Pulsis regibus, libertatem et consulatum instituit L. Brutus anno Urbis conditæ 245. ante Christum 508.

² *Dictaturæ ad tempus.* Ad sex menses, ac in summis reipublicæ necessitatibus. *Dictaturas* primus Sulla fecit diuturnas, Cæsar perpetuas. Et hic gradus ad Principatum. LIPS.

³ *Ultra biennium.* Ab anno U. C. 303. A. C. 450. ad annum 305. A. C. 448. Ita accipio, quasi dicat, haud multo ultra biennium. Nam exactè si putas, reverà ultra biennium Decemviri imperium tenere. Livium, III. 38. et Fastos

vide. Nec tamen Vertranio adsentior, *ultra triennium* sufficienti. Nam id includit, triennium eos imperâsse: quod contra est, et non nisi supra biennium aliquot menses. LIPS.

⁴ *Diu valuit.* Cæpit anno U. C. 310. A. C. 443. Tertio pòst mense desiit. Deinde sæpe iteratum, sæpe abrogatum ad annum U. C. 386. A. C. 367.

⁵ *Non Cinna.* L. Cornelius Cinna quatuor Consulatus ab anno U. C. 667. A. C. 86. ad annum 670. A. C. 83. L. Cornelius Sylla quatuor dictaturæ annos contiguavit ab anno U. C. 672.

que¹ potentia, citò in Cæsarem; Lepidi, atque Antonii arma, in Augustum cessere; qui cuncta discordiis civilibus fessa,² nomine *Principis*³ sub imperium accepit. Sed veteris populi⁴ Romani prospera, vel adversa, claris scriptoribus memorata sunt: temporibusque Augusti dicendis non defuere decora ingenia, donec gliscente adulatione deterrerentur. Tiberii, Caiique,⁵ et Claudii, ac Neronis res, florentibus ipsis, ob metum falsæ;⁶ postquàm occiderant, recentibus odiis compositæ sunt. Indè consilium mihi pauca de Augusto, et extrema tradere: mox Tiberii principatum, et cetera, sine irâ et studio, quorum causas procul habeo.⁷

2. POSTQUAM, Bruto et Cassio cæsis, nulla jam publica arma;⁸ Pompeius apud Siciliam⁹ oppressus; exutoque Le-

A. C. 81. ad annum 675. A. C. 78. Uterque majoribus virtutibus ac vitiis, quàm ut ferre posset senescens respublica.

¹ *Crassique*. Cn. Pompeius Magnus, M. Licinius Crassus, C. Julius Cæsar, dominationis avidi, arctiorem, quàm bonos cives deceret, societatem iniere A. U. C. 698. A. C. 55. Crassus in Parthis periit inglorius A. U. C. 701. A. C. 52. Pompeium Pharsalicis in campis vicit Cæsar A. U. C. 706. A. C. 47. Cæsar ipse Romæ trucidatus est A. U. C. 710. A. C. 43.

² *Qui cuncta discordiis civilibus fessa*. Et ob id ad domandum faciliora, frænique, ut ita dicam, patientiora. *Muretus*.

³ *Nomine Principis*. Fuerant Romæ principes senatûs, principes equitum, viri principes. Itaque non ambiciosum *Principis* nomen: sed ad imperii diuturnitatem et securitatem accommodatissimum. In ædilitate, præturâ,

ipsoque consulatu *majus aliquid et excelsius*. Infra Annal. III. 53.

⁴ *Veteris populi*. Novos mores, novum populum fecerat tum ars, tum inertia Cæsarum. Hinc *veteris populi* appellatione utitur Tacitus, ut veteres ac ferme oblitteratas reipublicæ virtutes commendet.

⁵ *Caiique*. Caii, vulgò dicti Caligulæ.

⁶ *Ob metum falsæ*. Et metus et odium impedimento sunt historiam contexere volentibus. Metu fit, ut vera dicere non audeant; odio, ut interdum falsa confingant. *Muretus*.

⁷ *Procul habeo*. Ili enim Principes, *nec beneficio, nec injuriâ* Tacito cogniti. Infra Hist. I. 1.

⁸ *Publica arma*. Cæsis Julii Cæsaris interfectoribus, nulla fuerunt reipublicæ arma, quibus libertatem suam vindicaret.

⁹ *Apud Siciliam*. Florus, IV. 8. *Tantâ mole belli penitus in Siculo freto juvenis oppressus est*.—*Per-*

pido,¹ interfecto Antonio, ne Julianis quidem partibus, nisi Cæsar, dux reliquus: posito *triumviri* nomine, consulem se ferens, et ad tuendam plebem tribunicio jure contentum; ubi militem donis,² populum annonâ, cunctos dulcedine otii pellexit, insurgere paulatim, munia senatûs, magistratuum, legum in se trahere, nullo adversante; cùm ferocissimi per acies, aut proscriptione cecidissent; ceteri nobilium, quanto quis servitio promptior, opibus et honoribus extollerentur; ac novis ex rebus aucti, tuta et præsentia, quàm vetera et periculosa mallent. Neque provinciæ illum rerum statum abnuebant, suspecto senatûs populique imperio ob certamina potentium, et avaritiam magistratuum: invalido legum auxilio, quæ vi, ambitu, postremò pecuniâ³ turbabantur.

3. CETERUM Augustus subsidia dominationi Claudium Marcellum,⁴ sororis filium, admodùm adolescentem, pon-

ditis enim rebus profugit; Asiamque velis petit, venturus ibi in manus hostium et catenas, et, quod miserrimum est fortibus viris, ad hostium arbitrium sub percussore moriturus. Sextus Pompeius, Pompeii M. filius, periit anno U. C. 719. A. C. 34. De hoc bello vide Plinium, VII. 52. IX. 16. Dionem, XLIX. p. 397 et 403.

¹ *Exutoque Lepido.* Post Julii cædem, rempublicam occupaverant, triumvirorum nomine, M. Lepidus, M. Antonius, Octavius Cæsar. At exuto xx. legionibus Lepido A. U. C. 718. A. C. 35. interfecto Antonio A. U. C. 724. A. C. 29. unus superstes Cæsar, *triumviri* nomen posuit, et domum regnatricem condidit. Hinc non jam in nummis CÆSAR IIIVIR RPC, id est, *triumvir reipublicæ constituendæ*, appellatur; sed CÆSAR COS — AVGVSTVS TR. POT — IMP. CÆSAR.

VOL. I.

DIVI F. LIBERTATIS P. R. VINDEX. Vide stemma Cæsarum, num. 43.

² *Militem donis.* Militem pecuniâ, populum frumento donavit. De frumentariâ largitione eruditum librum scripsit Vincentius Contarinus. Ob eam Imperator Nerva laudatur in hoc nummo: PLEBEI VRBANÆ FRVMENTO CONSTITVTO.

³ *Vi, ambitu, postremò pecuniâ.* Cicero etiam *pecuniam* solet *vim* vocare, omninoque, quæ in judiciis adhibentur præter leges et causam, ut in Verr. 2. 31. *si aliquid vi se eripuerit ex hoc iudicio*, i. e. metu, gratiâ, vel largitione: in singulisque locis videndum, quod genus, aut quæ intelligantur.

⁴ *Claudium Marcellum.* Octaviâ genitum, maximæ spei adolescentem: de quo plura in stemmate Cæsarum, n. 18.

tificatu et curuli ædilitate; M. Agrippam,¹ ignobilem loco, bonum militiâ, et victoriæ socium, geminatis consulatibus² extulit; mox defuncto³ Marcello, generum sumsit:⁴ Tiberium Neronem, et Claudium Drusum, privignos,⁵ imperatoriis nominibus⁶ auxit, integrâ etiamdum domo suâ. Nam genitos Agrippâ, Caium ac Lucium,⁷ in familiam Cæsarum induxerat; necdum positâ puerili prætextâ, *principes juventutis* appellari, destinari consules, specie recusantis flagrantissimè cupiverat. Ut Agrippa vitâ concessit,⁸ L. Cæsarem euntem ad Hispanienses exercitus, Caium remeantem Armeniâ, et vulnere invalidum, mors fato propera,⁹ vel novercæ Liviae dolus abstulit; Drusoque

¹ *M. Agrippam.* Virum maximum. Vide stemma Cæsarum, n. 47. Originem vocis *Agrippæ* explicat Plinius, VII. 8.

² *Geminatis consulatibus.* Agrippa quatuor gessit consulatus, primum A. U. C. 717. quartum suffectus tantùm A. U. C. 735. At quod maximum est gratiæ argumentum, neque hâc ætate nisi Principibus concessum, geminatos consulatus obtinuit annis U. C. 726 et 727. quibus cum Augusto fuit consul II et III.

³ *Defuncto.* Eum intrâ juventutem creptum A. U. C. 731. A. C. 22. laudavit ipse Augustus, eique theatrum dicavit. Tacit. Annal. II. 41. III. 64.

⁴ *Generum sumsit.* M. Agrippam, cui filiam suam Juliam uxorem dedit.

⁵ *Privignos.* Liviae et Tiberii Neronis filios. Vide stemma Cæsarum, n. 68 et 79.

⁶ *Imperatorii nominibus.* Imperator primum bellicæ virtutis, deinde adulationis, tandem summæ potentiæ nomen. Hæc satis comperta.

⁷ *Caium ac Lucium.* Augusti nepotes. Vide stemma Cæsarum, n. 48 et 49. Augustus eos adop-

tavit domi per assem et libram emtos à patre Agrippâ: tenerosque adhuc ad curam reipublicæ admovit; et consules designatos circum provincias exercitusque dimisit. Sueton. in Aug. LXIV. Necdum prætextam posuerant, seu decimum quartum ætatis suæ annum non expleverant, cùm appellati sunt *principes juventutis*, id est, equestris ordinis principes. Ad hos pertinet argenteus musei nostri nummus satis obviuus: in anticâ parte, caput Augusti laureatum CÆSAR AVGVSTVS DIVI F. PATER PATRIÆ: in posticâ, Caius et Lucius, quos inter duo clypei, lituus et simpulum, pontificatûs insignia, C. L. CÆSARES AVGVSTI F. COS. DESIG. PRINC. IVVENT. Caius, Lucius Cæsares, Augusti filii per adoptionem, consules designati, *principes juventutis*.

⁸ *Vitâ concessit.* Anno U. C. 742. A. C. 11. Novitate suâ multis virtutibus nobilitatâ. Vel-leius, II. 96.

⁹ *Mors fato propera.* Duodeviginti mensium spatio ambos amisit Augustus: Lucium Massiliæ, nunc Marseilles, in Galliâ, anno U. C. 755. J. C. 2. Caium Li-

pridem extincto,¹ Nero solus è privignis erat: illuc cuncta vergere: filius, collega imperii,² consors tribuniciae potestatis adsumitur, omnesque per exercitus ostentatur: non obscuris, ut antea, matris artibus, sed palam hortatu.³ Nam senem Augustum devinxerat adeo, uti nepotem unicum, Agrippam Postumum,⁴ in insulam Planasiam⁵ projiceret: rudem sanè bonarum artium, et robore corporis stolidè ferocem, nullius tamen flagitii compertum. At herculè Germanicum Druso ortum,⁶ octo apud Rhenum legionibus imposuit, adscirique per adoptionem à Tiberio jussit, quamquam esset in domo Tiberii filius juvenis,⁷ sed quò pluribus munimentis insisteret. Bellum eà tempestate nullum, nisi adversus Germanos supererat: abolendæ magis infamiae, ob amissum cum Quinctilio Varo⁸ exercitum, quàm cupidine proferendi imperii, aut dignum ob præmium. Domi res tranquillæ: eadem magistratuum vocabula.⁹ Juniores post Actiacam victoriam, etiam senes plerique inter bella civium nati: quotusquisque reliquus, qui rempublicam vidisset?

myræ, nunc *Maxi*, in Lyciâ, anno U. C. 757. J. C. 4. defunctos. Vide notas et emendationes ad Annal. 1. 3.

¹ *Pridem extincto.* Extinctus est anno U. C. 745. A. C. 8. Adolescens *tot tantarumque virtutum, quot et quantas natura mortalis recipit, vel industria percipit.* Velleius, II. 79. Tunc è privignis Augusti solus superstes fuit Tiberius Nero.

² *Collega imperii.* Ita ut provincias cum Augusto communiter administraret. Sueton. in Tiber. XXI.

³ *Palam hortatu.* Palam ac ipsâ hortante, cum nihil reformidaret, ceteris inortuis, aut exulibus.

⁴ *Agrippam Postumum.* Caii ac Lucii fratrem. Vide stemma Cæsarum, n. 50.

⁵ *Planasiam.* Planasia, nunc *Pianosa*, ad ortum insulæ Corsicæ. *Planasia* et *Planaria* Plinio, III. 6. dicitur. Relegatus est Agrippa anno U. C. 760. J. C. 7.

⁶ *Druso ortum.* Vide stemma Cæsarum, n. 79 et 81. Germanico omnes corporis animique virtutes, et quantas nomini cuiquam, contigisse satis constat. Sueton. in Caio, III.

⁷ *Filius juvenis.* Drusus Tiberii et Agrippinæ filius. Vide stemma Cæsarum, n. 70.

⁸ *Quinctilio Varo.* Quinctilius Varus in Germaniâ cum tribus legionibus Romanis ab Arminio turpiter victus, mortem sibi conscivit anno U. C. 762. J. C. 9.

⁹ *Vocabula.* Vocabula quidem, sed nulla ferè auctoritas.

A. U. C. 767. J. C. 14.

4. Igitur verso civitatis statu, nihil usquam prisci et integri moris: omnes, exutâ æqualitate, jussa principis aspectare: nullâ in præsens formidine,¹ dum Augustus ætate validus, seque et domum et pacem sustentavit. Postquàm propecta jam senectus, ægro et corpore fatigabatur, aderatque finis, et spes novæ: pauci bona libertatis incassum disserere, plures bellum pavescere, alii cupere;² pars multo maxima imminentes dominos variis rumoribus differbant. “Trucem Agrippam, et ignominiâ accensum;” non ætate, neque rerum experienciâ tantæ moli parem. “Tiberium Neronem maturum annis, spectatum bello: sed” vetere atque insitâ Claudiæ familiæ superbiâ; multa-
“que indicia sævitæ, quamquam premantur, erumpere.” Hunc et primâ ab infantiâ eductum³ in domo regnatrice: congestos juveni consulatus, triumphos:⁴ ne iis
“quidem annis, quibus Rhodi specie secessus exulem” egerit,⁵ aliquid quàm iram, et simulationem, et secretas
“libidines meditatum. Accedere matrem⁶ muliebri impotentiâ: serviendum fœminæ, duobusque insuper
“adolescentibus,⁷ qui rempublicam interim premant, quandoque distrahant.”

¹ *Nullâ in præsens formidine.* Non timent homines, nisi propinqua; ne mortem quidem, nisi cùm eam putant imminere. Nihil igitur in præsens metuebant Romani, quamdiu Augustum, diu etiam victurum esse sperabant. *Muretus.*

² *Alii cupere.* Ii videlicet, quorum res familiaris non optimè constituta erat, ut ex omni bellico motu damni quidem nihil metuere, lucrì ex prædâ, utcumque caderet res, sperare aliquid possent. *Muretus.*

³ *Eductum.* Educatum. Ita Terentius, Andr. Act. v. Scen. iv. 7.

Homines adolescentulos Imperitos rerum, eductos liberè in fraudem illicis.

⁴ *Consulatus, triumphos.* Consulatum unicum gesserat Tiberius, et de Germanis triumphaverat anno U. C. 747. A. C. 6. Anno sequenti tribuniciâ potestate donatus, et Armeniæ præfectus. De Pannoniis ac Dalmatis triumphavit anno U. C. 765. J. C. 12.

⁵ *Egerit.* Niniam Cai et Lucii, Augusti privignorum, potentiam exosus, et Juliæ uxoris impudicitiam pertæsus, in insulam Rhodum secessit anno U. C. 749. ibique exul egit septennium.

⁶ *Matrem.* Liviam. Vide stemma Cæsarum, n. 66.

⁷ *Adolescentibus.* Druso et Germanico, qui primò concordēs rempublicam premerent Principum

5. HÆC atque talia agitantibus, gravescere valetudo Augusti: et quidam scelus uxoris¹ suspectabant. Quippe rumor incesserat,² paucos ante menses, Augustum, electis consciis, et comite uno Fabio Maximo, Planasiam vectum, ad visendum Agrippam. Multas illic utrimque lacrymas, et signa caritatis, spemque ex eo, fore ut juvenis penatibus avi redderetur: quod Maximum³ uxori Marciae aperuisse: illam Liviae: gnarum id Cæsari: neque multo post, extincto Maximo (dubium an quæsitâ morte)⁴ auditos in funere ejus Marciae gemitus semet incusantis, “quodd causa exitii marito fuisset.” Utcumque se ea res habuit, vixdum ingressus Illyricum⁵ Tiberius, properis matris literis accitur: neque satis compertum est, spirantem adhuc Augustum apud urbem Nola, an exanimem repperit. Acribus namque custodiis domum, et vias sepserat Livia: lætique interdum nuntii vulgabantur, donec provisus, quæ tempus monebat, simul excessisse Augustum,⁶ et rerum potiri Neronem⁷ fama eadem tulit.

6. PRIMUM facinus novi principatûs fuit, Postumi Agrippæ cædes: quem ignarum inermumque quamvis firmatus animo Centurio ægrè confecit.⁸ Nihil de eâ re Tiberius

luxu, deinde discordes eam ambitione distraherent ac perderent.

¹ *Scelus uxoris.* De Liviae scelere apertius Dio, LVI. p. 589. Ficus venenatas Augusto porrexisse dicitur.

² *Rumor incesserat.* Haud ita dubitanter à Plinio, VII. 45. inter magna sortis humanæ in D. Augusto volumina annumerantur *abdicatio Postumi Agrippæ post adoptionem, desiderium post relegationem: inde suspicio in Fabium, arcanorumque proditorem: hinc uxoris et Tiberii cogitationes, suprema ejus cura.*

³ *Maximum.* Fabium Maximum.

⁴ *Quæsitâ morte.* Violentâ, et ab Augusto imperatâ.

⁵ *Ingressus Illyricum.* Missus erat in Illyricum Tiberius, ut firmaret pace, quæ bello subegerat.

⁶ *Excessisse Augustum.* Excessit Augustus Nolæ, in Campaniâ, die 19. Augusti A. U. C. 767. J. C. 14. Eum Tiberii sui amplexibus circumfusus exspirasse ait Velleius, II. 123. Ex assiduo illo Tiberii assentatore eadem hausisse videntur Suetonius in Tiber. XXI. Dio, LVI. p. 590.

⁷ *Neronem.* Tiberium Neronem.

⁸ *Ægrè confecit.* Ægrè quidem; cùm nemo sit, qui principem miserum non doleat. De hac cæde plura Dio, LVII. p. 604.

apud Senatum disseruit. Patris jussa simulabat, quibus præscripsisset tribuno custodiæ¹ adposito, “ne cunctaretur Agrippam morte adficere, quandòque ipse supremum diem explevisset.” Multa sine dubio sævaque Augustus de moribus adolescentis questus, ut exilium ejus Senatusconsulto sanciretur, perfecerat: ceterum in nullius umquam suorum necem duravit:² neque mortem nepoti pro securitate privigni inlatam, credibile erat. Propius vero, Tiberium ac Liviam, illum metu, hanc novercalibus odiis, suspecti et invisi juvenis cædem festinavisse. Nuntianti centurioni, ut mos militiæ,³ “factum esse quod imperasset:” “neque imperasse sese, et rationem facti reddendam apud senatum,” respondit. Quod postquam Sallustius Crispus,⁴ particeps secretorum (is ad tribunum miserat codicillos,) comperit; metuens ne reus subderetur,⁵ juxta periculoso ficta seu vera promeret, monuit Liviam, “ne arcana domûs, ne consilia amicorum, ministeria militum vulgarentur: neve Tiberius vim principatûs resolveret, cuncta ad senatum vocando. Eam conditionem esse imperandi, ut non aliter ratio constet, quàm si uni reddatur.”

7. AT ROMÆ ruere in servitium consules, patres, eques:⁶ quanto quis inlustrior, tanto magis falsi ac festinantes, vultuque composito, ne læti excessu principis, neu tristiores primordio, lacrymas, gaudium, questus, adulationes miscebant. Sex. Pompeius et Sex. Appuleius, con-

¹ *Custodiæ*. Custodiæ Agrippæ.

² *Duravit*. Augustus numquam adeò durus fuit et efferus, ut unius è suis necem imperaret.

³ *Mos militiæ*. Peractis jussis, moris erat renunciare, *factum quod imperasti*.

⁴ *Sallustius Crispus*. Sallustii, historici, quo vix melior optari potest, ex sorore nepos, D. Augusti amicus, Vide Plinium, XXXIV. 2.

Tac. Annal. III. 30. Hor. II. od. 2.

⁵ *Ne reus subderetur*. Metuens Sallustius ne ipse reus crederetur; cùmque esset æquè periculosum ficta seu vera promeret, Liviam monuit. Infra cap. 39. *Mos vulgo, quamvis falsis reum subdere*.

⁶ *Eques*. Id est equites. Sic sæpe Tacitus; et ipse Virgilius Æneid. II. 20.

Utrumque armato militæ complent.

sules,¹ primi in verba Tiberii Cæsaris juravere:² apudque eos Seius Strabo,³ et C. Turranius, ille prætoriarum cohortium præfectus, hic annonæ:⁴ mox senatus, milesque et populus. Nam Tiberius cuncta per consules incipiebat, tamquam vetere republicâ, et ambiguus imperandi: ne edictum quidem, quo patres in curiam vocabat, nisi tribuniciæ potestatis præscriptione posuit,⁵ sub Augusto acceptæ. Verba edicti fuere pauca, et sensu permodesto: “de honoribus parentis consulturum: neque abscedere à corpore: idque unum ex publicis muneribus usurpare.” Sed defuncto Augusto, signum prætorii cohortibus, ut imperator dederat:⁶ excubiæ, arma, cetera aulæ:⁷ miles in forum, miles in curiam comitabatur: literas ad exercitus, tamquam adepto principatu, misit: nusquam cunctabundus, nisi cùm in senatu loqueretur. Causa præcipua ex formidine, ne Germanicus, in cujus manu tot legiones, immensa sociorum auxilia, mirus apud populum favor,

¹ *Appulcius, consules.* Consules erant hoc anno U. C. 767. J. C. 14. Sextus Pompeius et Sextus Appuleius.

² *Juravere.* Id moris cæptum sub triumviris, firmatum sub Augusto. Vide Dionem, XLVII. p. 337. II. p. 457. In verba, seu in acta Principis jurare, est ejus acta jurejurando confirmare. Quotannis Kal. Januarii illud jusjurandum à senatu, populo et militibus concipiebatur.

³ *Seius Strabo.* Sejani pater. Infra Annal. IV. 1.

⁴ *Hic annonæ.* Urbis copias augebat: seu rem frumentariam aliaque cibaria providebat annonæ præfectus.

⁵ *Præscriptione posuit.* Edicto, quo patres in curiam vocabat, non suam Principis dignitatem, sed tribuniciam potestatem ab Augusto acceptam, *supra cap. 3.* præscripsit; quasi hæc unâ valeret;

ceterum non in urbe, sed in provinciis tantum potestatem haberet. Vide Usserium, Annal. p. 580.

⁶ *Ut imperator dederat.* Non ut princeps, sed ut rei bellicæ præfectus signum dederat, *Angl. the watch-word.* Signum illud tessera erat, in quâ vulgò alicujus Dei nomen scriptum aut insigne aliquod dictum. Virg. Æn. VII. 637.

Classica jamque sonant: it bello tessera signum.

In castris bello, in urbe ad excubias datum signum. De his tesseriis vide Dion. LX. p. 675. Suetonium in Claudio, XLII.

⁷ *Cetera aulæ.* Cetera aulæ ac principis à Tiberio usurpabantur. Quæ hæc cetera? puto lictores, fascès laureati, et si quid præterea tunc receptum principi distinguendo.

habere imperium, quàm expectare mallet. Dabat et famæ, ut vocatus electusque potiùs à republicâ videretur, quàm per uxorium ambitum,¹ et senili adoptione inrepsisse. Postea cognitum est, ad introspectiendas etiam procerum voluntates, inductam dubitationem: nam verba, vultus, in crimen detorquens recondebat.²

8. NIHIL primo senatûs die agi passus, nisi de supremis Augusti, cujus testamentum inlatum per virgines Vestæ,³ Tiberium et Liviam heredes habuit. Livia in familiam Juliam, nomenque Augustæ⁴ adsumebatur: in spem secundam nepotes pronepotesque: tertio gradu primores civitatis scripserat: plerosque invisos sibi, sed jactantiâ gloriâque ad posteros. Legata non ultra civilem modum, nisi quòd populo et plebi CCCCXXXV,⁵ prætoriarum cohortium militibus singula nummûm millia,⁶ legionariis atque cohortibus civium Romanorum trecenos nummos⁷ viritim dedit. Tum consultatum de honoribus, ex quibus maximè insignes visi: “ ut portâ triumphali⁸ duceretur funus,” Gallus Asinius; “ ut legum latarum tituli, victarum ab “ eo gentium vocabula anteferrentur,” L. Arruntius censuere. Addebat Messala Valerius “ renovandum per an-

¹ *Uxorium ambitum*. Per Liviae ambitum, et senis Augusti adoptionem.

² *Detorquens recondebat*. Nutus ipsos eorum, qui videbantur non ægrè laturi, si ipse imperium deponeret. *Recondebat*, scribebat in animo, ut suo tempore promeret, quod et fecit. *Muretus*.

³ *Virgines Vestæ*. More scilicet Romano, qui pactiones, fœdera, testamenta, pecunias etiam deponebant in templis: et sæpissimè in isto Vestæ, quod religione primum.

⁴ *Nomenque Augustæ*. In familiam Juliam et nomen Juliae Augustæ adsumebatur. Vide notas et emendationes ad Annal. 1. 8.

⁵ CCCCXXXV. Id est quadringenties tricies quinquies centena millia nummûm, *Angl.* 362500l.

⁶ *Nummûm millia*. *Angl.* 8l. 6s. 8d.

⁷ *Trecenos nummos*. *Angl.* 2l. 10s. Vide notas et emend. ad Annal. 1. 8.

⁸ *Portâ triumphali*. In nonâ urbis regione. Per hanc portam triumphorum pompa ducebatur. Erat trans Tiberim, in câ parte mœnium, quæ producebatur à mole Hadrianâ, usque ad portam, quæ hodie S. Spiritûs dicitur. *Muretus*. De hâc portâ videndus Alex. Donatus in Româ vetere, lib. 1. 22.

“nos¹ sacramentum in nomen Tiberii:” interrogatusque à Tiberio, “num, se mandante, eam sententiam promississet?” “sponte dixisse,” respondit; “neque in iis, quæ ad rempublicam pertinerent, consilio nisi suo usurum, vel cum periculo offensionis.” Ea sola² species adulandi supererat. Conclamant patres, “corpus ad rogum humeris senatorum ferendum.” Remisit³ Cæsar adroganti moderatione: populumque edicto monuit, “ne, ut quondam nimis studiis funus divi Julii turbâssent, ita Augustum in foro potiùs, quàm in campo Martis,⁴ sede destinatâ, cremari vellent.” Die funeris, milites velut præsidio stetere, multùm inridentibus,⁵ qui ipsi viderant, quique à parentibus acceperant diem illum crudi adhuc servitiî, et libertatis improspere repetitæ, cùm occisus dictator Cæsar, aliis pessimum, aliis pulcherrimum facinus videretur: “nunc senem⁶ principem, longâ potentiâ, provisum etiam heredum in rempublicam opibus, auxilio scilicet militari tuendum, ut sepultura ejus quieta foret.”

9. MULTUS hinc ipso de Augusto sermo, plerisque vana⁷ mirantibus: “quòd idem dies accepti quondam imperii princeps, et vitæ supremus;⁸ quòd Nolæ in

¹ *Renovandum per annos.* De hoc jurejurando modò dictum est. Dicitur et infra cap. 72.

² *Ea sola.* Hæc sola species adulandi Romanis supererat, mentiri offensionem, ut adularentur.

³ *Remisit.* Permisit. Nec prohibuit, nec imperavit.

⁴ *Campo Martis.* In nonâ urbis regione. Forum verò inter Tarpeium et Palatinum montes.

⁵ *Multùm inridentibus.* Multùm inridentibus iis, qui ipsi viderant, sed pauci ac senes; quique à parentibus acceperant, iique plurimi, diem illum crudi adhuc, nec bene concocti servitiî, et libertatis improspere repetitæ, quo mortem

Dictatoris Cæsaris, alii pessimum, alii pulcherrimum facinus esse jactitabant.

⁶ *Nunc senem.* Irridebant senem Principem annorum scilicet LXXVI. longâ potentiâ annorum LVI. quique non modò sibi, sed reipublicæ etiam tot heredes providerat, nunc imbecillum, et auxilio militari circumcinctum ut quieta foret ejus sepultura.

⁷ *Plerisque vana.* Vulgus vana ac fortuita miratur.

⁸ *Vitæ supremus.* Mortuus est Augustus die 19. Aug. ut dictum supra cap. 5. not. 4. Quoniam anno imperium eodem die acceperit, non liquet.

“domo et cubiculo, in quo pater ejus Octavius, vitam
 “finivisset. Numerus etiam consulatum¹ celebrabatur,
 “quo Valerium Corvinum et C. Marium simul æquaverat;
 “continuata per septem et triginta annos² tribunicia potes-
 “tas; nomen imperatoris semel atque vices³ partum;
 “aliaque honorum⁴ multiplicata, aut nova.” At apud
 prudentes vita ejus variè extollebatur, arguebaturve. “Hi
 “pietate erga parentem, et necessitudine⁵ reipublicæ, in
 “quâ nullus tunc legibus locus, ad arma civilia actum,
 “quæ neque parari possent, neque haberi per bonas artes:
 “multa Antonio, dum interfectores patris ulcisceretur;
 “multa Lepido concessisse; postquàm hic socordiâ senue-
 “rit, ille per libidines pessum datus sit, non aliud dis-
 “cordantis patriæ remedium fuisse, quàm ut ab uno
 “regeretur. Non regno tamen, neque dictaturâ, sed
 “Principis nomine constitutam rempublicam: mari Oceano,

¹ *Numerus consulatum.* Ex fastis consularibus tredecim consulatus gessit Augustus. Septem Marius, sex gesserat Corvinus, qui *centum annos implevit: cujusque inter primum et sextum consulatum 46. anni fuere*, Plin, VII. 48.

² *Septem et triginta annos.* Inde falsi, vel erroris arguas hanc inscriptionem pontis Ariminensis à Grutero laudatam, p. 160. 2. IMP. CÆSAR DIVI F. AVGVSTVS PONTIF. MAXIM. COS. XIV. IMP. XX. TRIBVNIC. POTES. XXXVIII. P. P. Tribunicia potestate princeps ceteris magistratibus præstabat.

³ *Semel atque vices.* Eundem numerum exhibet nummus ex ære mediocri, olim D. Begon. IMP. CÆSAR DIVI F. AVGVST. IMP. XXI. Capite Augusti nudo. In posticâ parte, PONTIF. MAXIM. TRIBVN. POT. XXXIV. In medio SC, id est sena-

tus consulto. Re, vel per se, vel per suos duces præclarè confectâ, princeps gaudio et impetu victoris exercitus IMPERATOR conclamabatur.

⁴ *Aliaque honorum.* Elegantius dictum, quàm *aliosque honores*. *Multiplicata* quidem propter toties repetitos consulis et imperatoris titulos. *Nova* propter principatum, tribuniciam potestatem, regimen morum; quæ omnia in se cumulavit Augustus.

⁵ *Necessitudine.* Necessitate ac discrimine reipublicæ. Inde nummus ille aureus, Thesaur. Morel. Tab. 10. In coronâ quercæ ita inscriptus: I. O. M. SPQR. V. S. PRO S. IMP. CÆ. QUOD PER EV. RP. IN AMPL. ATQ. TRAN. S. E. Id est *Jovi optimo maximo senatus populusque Romanus vota susceperunt pro salute imperatoris Cæsaris, quod per eam respublica in ampliore atque tranquilliore statu est.*

“ aut omnibus longinquis¹ septum imperium : regiones,
 “ provincias, classes, cuncta inter se connexa : jus apud
 “ cives, modestiam apud socios : Urbem ipsam magnifico
 “ ornatu : pauca admodum vi tractata, quod ceteris quies
 “ esset.”²

10. DICEBATUR contra,³ “ pietatem erga parentem,
 “ et tempora reipublicæ, obtentui sumta :⁴ ceterum cu-
 “ pidine dominandi concitos per largitiones veteranos,⁵
 “ paratum ab adolescente privato⁶ exercitum, corruptas
 “ consulis legiones,⁷ simulatam Pompeianarum gratiam
 “ partium : mox ubi decreto patrum, fasces et jus prætoris
 “ invaserit, cæsis Hirtio et Pansâ⁸ (sive hostis illos, seu
 “ Pansam venenum vulnere adfusum, sui milites Hirtium,
 “ et machinator doli Cæsar abstulerant) utriusque copias
 “ occupavisse : extortum⁹ invito senatu consulatum, arma-

¹ *Amnibus longinquis.* Eu-
 phrate, Danubio et Rheno.

² *Quies esset.* Extat in the-
 sauro regio nummus aureus :
 DIVVS AVGVSTVS, capite Au-
 gusti radiato. Ex alterâ parte
 Dea stans, dextrâ ramum oleæ
 tenet, sinistrâ spicas et papaver ;
 latere dextro in ambitu PAX.

³ *Dicebatur contra.* Et in
 plurimis verè. Inde occasionem
 Tacitum acerrimè insectandi cap-
 tavit Farnianus Strada, Lib. 1.
 Prolus. 11. Fortè confutandus, nisi
 hæc omittendo in veritatem et
 utilitatem historicam valdè pec-
 casset Tacitus ; ipseque Strada
 se in historiâ de Bello Belgico
 egregium Taciti imitorem pas-
 sim exhiberet. Porro historico
 potius, quàm rhetori credendum.

⁴ *Obtentui sumta.* Obtentui ac
 prætentui sumta esse, ut imperare
 posset.

⁵ *Per largitiones veteranos.*
 Quibus per singula capita duo
 millia sestertium largitus est, *Angl.*

16l. 13s. 4d. multa alia pollicitus.
 Dio, XLV. p. 276.

⁶ *Adolescente privato.* Dum
 adhuc privatus esset.

⁷ *Consulis legiones.* Antonii con-
 sulis legiones, Martiam scilicet et
 quartam, aliosque plurimos mi-
 lites indignabundos, quod Anto-
 nius quadringentos tantum sester-
 tios, *Angl.* 3l. 6s. 8d. promitteret,
 cum bis mille, *Angl.* 16l. 13s. 4d.
 daret Cæsar. Dio, loc. cit.

⁸ *Hirtio et Pansâ.* Hirtio et
 Pansâ consulibus anno U. C. 711.
 A. C. 42. Sive hostis illos inter-
 fecerat, seu Pansam extinxerat
 venenum vulnere adfusum à Gly-
 cone medico, seu Hirtii milites,
 et ipse Cæsar, doli machinator,
 Hirtium abstulerant. De his ru-
 moribus vide Suetonium in Aug.
 XI. Glyconem excusat Brutus in
 Epistolâ ad Ciceronem. Cic. ad
 Brut. Ep. VI.

⁹ *Extortum.* Extortum illo
 ipso anno U. C. 711. quo Cæsar
 et Q. Pedius Hirtio et Pansæ

“ que quæ in Antonium¹ acceperit, contra rempublicam
 “ versa: proscriptionem civium,² divisiones agrorum, ne
 “ ipsis quidem qui fecere laudatas.³ Sanè Cassii, et Bru-
 “ torum exitus paternis inimiciis datos (quamquam fas sit
 “ privata odia publicis utilitatibus remittere) sed Pompeium
 “ imagine pacis,⁴ sed Lepidum⁵ specie amicitiae deceptos:
 “ post, Antonium Tarentino Brundisinoque fœdere,⁶ et
 “ nuptiis sororis inlectum, subdolæ adfinitatis pœnas morte
 “ exsolvisse. Pacem sine dubio posthæc, verum cruen-
 “ tam: Lollianas, Varianasque⁷ clades: interfectos Romæ
 “ Varrones, Egnatios,⁸ Julos.”⁹ Nec domesticis abstineba-

suffecti sunt, ita quidem violenter, ut legatus Cæsaris, gladium ostentans, senatoribus dixerit, *ὅτι ἂν ὑμῖς τὴν ὑπατείαν μὴ δώτε τῷ Καίσαρι, τοῦτο (ξίφος) δώσει. Si Cæsari consulatum vos non dederitis, hic gladius dabit.* Dio, XLVI. p. 319.

¹ *In Antonium.* Bellum à republicâ contra Antonium decretum. Sed arma illa ac universa potestas in Augustum cessere. Supra cap. 1.

² *Proscriptionem civium.* Hâc in re Augustum excusant Dio, XLVII. p. 330. Florus, IV. 6. Culpât Suetonius in Aug. XXVII. et verior videtur. *Restitit quidem aliquandiu collegis, ne qua fieret proscriptio, sed inceptam utroque acerbius exercuit.*

³ *Laudatas.* Neque veteranorum, neque possessorum gratiam tenuit: alteris, pelli se; alteris, non pro spe meritorum tractari querentibus. Sueton. in Aug. XIII.

⁴ *Pacis.* Pacis circa Misenum initæ, de quâ Velleius, II. 77.

⁵ *Lepidum.* Quem specie amicitiae ex Africâ evocavit Augustus, et postea XX legionibus exuit. Supra cap. 2. Suet. in Aug. XVI.

⁶ *Brundisinoque fœdere.* Fœ-

dus Brundisinum pactum est anno U. C. 714. A. C. 39. et Antonius Octaviam, Augusti sororem, duxit. Dio, XLVIII. p. 374 et 376. Factum est verò fœdus Tarentinum A. U. C. 717. A. C. 36. Dio, XLVIII. p. 390. Plutarch. in Anton. p. 931 et 932.

⁷ *Lollianas, Varianas.* Utraque clades in Germaniâ accepta. Legatus M. Lollius, *homo in omnia pecuniâ, quàm rectè faciendi cupidior, et inter summam vitiorum dissimulationem vitiosissimus*, amisit legionis quintæ aquilam anno U. C. 738. A. C. 15. Velleius, II. 97. Dio, LIV. p. 535. Longè atrocior clades Variana A. U. C. 762. J. C. 9. Cæsus Varus, trucidatæ legiones tres, totidemque alæ et sex cohortes. Velleius, II. 117.

⁸ *Varrones, Egnatios.* Varro Muræna, M. Egnatius in Augustum, conjuraverant, teste Suetonio in Aug. XIX.

⁹ *Julos.* Julius Antonius, Antonii triumviri et Fulviæ filius, Juliam Augusti filiam violaverat. Inde Plinius, VII. 45. inter Augusti calamitates enumerat *adulterium filiae et consilia parricidæ palam facta.* Vide notas et emend. ad Annal. I. 10.

tur. “ Abducta Neroni uxor ;¹ et consulti² per ludibrium
 “ pontifices, an concepto, necdum edito partu ritè nuberet :
 “ Q. Tedii³ et Vedii Pollionis luxus : postremò Livia gravis
 “ in rempublicam⁴ mater, gravior domui⁵ Cæsarum no-
 “ verca. Nihil deorum honoribus relictum, cùm se tem-
 “ plis⁶ et effigie numinum, per flamines et sacerdotes coli
 “ vellet. Ne Tiberium quidem caritate, aut reipublicæ
 “ curâ successorem adscitum : sed quoniam adrogantiam
 “ sævitiamque ejus introspexerit, comparatione deterrimâ
 “ sibi gloriam quæsisvisse.” Etenim Augustus, paucis antè
 annis,⁷ cùm Tiberio tribuniciam potestatem à patribus
 rursum postularet, quamquam honorâ oratione, quædam
 de habitu vultuque et institutis ejus jecerat, quæ velut ex-
 cusando exprobraret.

11. CETERUM sepulturâ more perfectâ, templum et cœ-
 lestes religiones decernuntur. Versæ inde ad Tiberium
 preces.⁸ Et ille variè disserebat,⁹ de magnitudine imperii,

¹ *Uxor.* Livia, quam Augustus Tiberio Neroni, Tiberii imperatoris patri abduxit, jam à sex mensibus gravidam. Vide stem. Cæs. n. 66. Dio, XLVIII. p. 383.

² *Et consulti.* Per ludibrium consulti, putidè responderunt : ὅτι εἰ μὲν ἐν ἀμφιβόλῳ τὸ κύημα ἦν, ἀναβληθῆναι τὸν γάμον ἐχρῆν· ὁμολογημὲν δὲ αὐτῷ, ὕδιν καλῶς ἤδη αὐτὸν γενέσθαι. Si de conceptu ambigitur, differendas nuptias. Sin constet, nihil impedire quin fierent. Dio, XLVIII. p. 383.

³ *Q. Tedii.* Portentosus Q. Tedii et Vedii Pollionis, Augusti amicorum, luxus. Vide notas et emend. ad Annal. I. 10.

⁴ *Gravis in rempublicam.* Gravis suâ ambitione.

⁵ *Gravior domui.* Livie scelerē, ut fama fuit, Caius ac Lucius Cæsares veneno extincti, Agrippa ablegatus et trucidatus.

⁶ *Cùm se templis.* In urbe quidem templis abstinerat Augustus. At in provinciis communi suo et Romæ nomine receperat. Suet. in Aug. LII. Inde in Augusti nummis ara cum inscriptione ROM. ET AVG. id est, Romæ et Augusto.

⁷ *Paucis antè annis.* Anno U. C. 765. J. C. 12. Cùm cum collegam imperii, tribuniciæ potestatis consortem adsumsit Augustus. Supra cap. 3. Velleius, II. 121.

⁸ *Versæ ad Tiberium preces.* Ut illud molestissimum imperii onus suscipere dignaretur. Muretus.

⁹ *Variè disserebat.* Non erat ita superbus, ut illas preces aspernaretur; non ita segnis, ut illum cuncta regendi laborem rejiceret: rogari volebat. Muretus.

suâ modestiâ. “Solam divi Augusti mentem tantæ molis
 “capacem: se in partem curarum ab illo vocatum, expe-
 “riendo didicisse, quàm arduum, quàm subjectum for-
 “tunæ, regendi cuncta onus: proinde in civitate tot inlus-
 “tribus viris subnixâ, non ad unum omnia deferrent;
 “plures facilius munia reipublicæ sociatis laboribus exsecu-
 “turos.” Plus in oratione tali dignitatis, quàm fidei erat:
 Tiberioque etiam in rebus, quas non occuleret, seu naturâ,
 sive adsuetudine, suspensa semper et obscura¹ verba: tunc
 verò, nitenti² ut sensus suos penitus abderet, in incertum
 et ambiguum magis implicabantur. At patres, quibus
 unus metus, si intelligere viderentur, in questus, lacrymas,
 vota effundi: ad deos, ad effigiem Augusti,³ ad genua ipsius
 manus tendere; cùm proferri libellum⁴ recitarique jussit.
 Opes publicæ continebantur: quantum civium, sociorum-
 que in armis; quot classes, regna, provinciæ, tributa, et
 vectigalia, et necessitates⁵ ac largitiones: quæ cuncta suâ
 manu perscripserat Augustus: addideratque consilium
 coercendi intrâ terminos imperii, incertum metu, an per
 invidiam.⁶

12. INTER quæ senatu ad infimas obtestationes procum-
 bente, dixit fortè Tiberius, “se, ut non toti reipublicæ
 “parem, ita quæcumque pars sibi mandaretur, ejus tutelam

¹ *Suspensa semper et obscura.* Suet. Tib. 24. *ambiguus responsis et callidâ cunctatione suspendens.* Pichena.

² *Nitenti.* Cùm eniteretur. De Tiberii dissimulatione vide An-
 nâl. iv. 71.

³ *Ad effigiem Augusti.* Quæ in ipsâ curiâ. Apparet enim ex illis, quæ de Hortensio infra. *Modò Hortensii inter oratores sitam imaginem, modò Augusti intuens.* LIPS.

⁴ *Proferri libellum.* Libellum hunc Suet. in Aug. cap. ult. ap-

pellat *breviarium totius imperii; quantum militum sub signis ubique esset; quantum pecuniæ in aerario et fiscis; et vectigalium residuis.*

⁵ *Necessitates.* Id est, impensas in rempublicam populumque Romanum faciendas. Vide lapidem Ancyranum apud Gruterum, p. 230. Tab. 1.

⁶ *Metu, an per invidiam.* Metu, quem pro ipsis habebat, ne, studio plura quærendi, ante parta amitterent. Atque hanc rationem ab ipso Augusto in libello datam, Dio est auctor, 56. 33. LIPS.

“suscepturum.” Tum Asinius Gallus,¹ “Interrogo,” inquit, “Cæsar, quam partem reipublicæ mandari tibi velis?” Percussus improvisâ interrogatione, paulum reticuit, dein collecto animo respondit: “Nequaquam deorum pudori suo, legere aliquid aut evitare ex eo, cui in universum excusari mallet.” Rursûm Gallus (etenim vultu offensionem conjectaverat) “non idcirco interrogatum” ait, “ut divideret quæ separari nequirent: sed ut suâ confessione argueretur, unum esse reipublicæ corpus, atque unius animo regendum.” Addidit laudem de Augusto, Tiberiumque ipsum victoriarum suarum, quæque in togâ per tot annos egregiè fecisset, admonuit. Nec ideo iram ejus lenivit, pridem invisus, tamquam ductâ in matrimonium Vipsaniâ,² M. Agrippæ filiâ, quæ quondam Tiberii uxor fuerat, plusquam civilia agitare, Pollionisque Asinii, patris, ferociam retineret.³

13. POST QUÆ L. Arruntius,⁴ haud multum discrepans à Galli oratione, perinde offendit. Quamquam Tiberio nulla vetus in Arruntium ira: sed divitem, promptum,⁵ artibus egregiis, et pari famâ publicè, suspectabat. Quippe Augustus supremis sermonibus cùm tractaret, quinam adipisci principem locum suffecturi abnuerent, aut impares

Per invidiam, ne quis successorum proferendo fines augeret gloriam, et latius imperâsse diceretur. **ERN.**

¹ *Asinius Gallus.* Filius Pollionis Asinii, divi Augusti amicitia, suâque eloquentiâ celeberrimi. Pollionum stemma dabitur infra Annal. III. 75.

² *Vipsaniâ.* Vipsania, Agrippina vulgò dicta, fuerat primum uxor Tiberii, qui eam gravidam invitatus dimisit. Suet. in Tib. vii. Vide stem. Cas. n. 69.

³ *Retineret.* Ob ficta hæc, vel in majus aucta crimina, Gallus, multa ac gravissima perpe-

tandem enectus est. Dio, LVII. p. 603. Tac. Annal. vi. 23.

⁴ *L. Arruntius.* Consul fuerat A. U. C. 759. J. C. 6. sibi mortem conscivit A. U. C. 790. J. C. 37. cùm Caium Caligulam imperio proximum vidit. Vitâ concedere, quàm talem dominum in senectute suâ experiri maluit. Dio, LVIII. p. 638. Tac. Annal. vi. 48. Vide Ruhnken. ad Vell. Patere. II. 86.

⁵ *Promptum.* Promptus etiam nudè et simpliciter ad ingenii præstantiam referri, Manutius ad Cic. Verr. iv. 17. docet. Cicero ad Div. II. 18. *tres fratres summo loco natos, promptos, non in-*

vellent, vel iidem possent cuperentque: "M. Lepidum"¹ dixerat "capacem, sed aspernantem: Gallum Asinium, "avidum, at minorem: L. Arruntium, non indignum, et, "si casus daretur, ausurum." De prioribus consentitur. Pro Arruntio quidam Cn. Pisonem² tradidere: omnesque præter Lepidum, variis mox criminibus, struente Tiberio, circumventi sunt. Etiam Q. Haterius³ et Mamercus Scaurus,⁴ suspicacem animum perstrinxere: Haterius cùm dixisset, "Quousque patieris, Cæsar, non adesse caput "reipublicæ?"⁵ Scaurus quia dixerat, "spem esse ex eo "non inritas fore senatûs preces, quòd relationi consulum "jure tribuniciaë potestatis non intercessisset." In Haterium statim invectus est; Scaurum, cui implacabiliùs irascebatur, silentio tramisit: fessusque clamore omnium, expostulatione singulorum flexit paulatim, non ut fateretur suscipi à se imperium, sed ut negare et rogari desineret. Constat Haterium, cùm deprecandi causâ palatium introisset, ambulantisque Tiberii genua advolveretur, prope à militibus interfectum, quia Tiberius casu, an manibus ejus impeditus, prociderat: neque tamen periculo talis viri mitigatus est, donec Haterius Augustam⁶ oraret, ejusque curatissimis precibus protegeretur.

disertos. Aliis locis *Prompti* dicuntur parati ad aliquid audendum. Tacit. Ann. iv. 17. Vide Ruhnken. ad Vell. Patere. ii. 75.

¹ *M. Lepidum.* Laudatur infra Annal. iv. 20. vi. 27. De illo Velleius, ii. 114. *Omnibus copiis à Cæsare Marcus Lepidus præfectus est, vir nominis ac fortunæ Cesarum proximus, quem in quantum quisque aut cognoscere, aut intelligere potuit, in tantum miratur ac diligit, tantorumque nominum, quibus ortus est, ornamentum judicat.* Consulatum gesserat cum L. Arruntio, de quo modò dictum est.

² *Cn. Pisonem.* Ingenio violentum et obsequii ignarum, insitâ ferociâ à patre Pisonè. Intra Annal. ii. 43.

³ *Q. Haterius.* Fortè idem de quo supra cap. 10. in notis et emend. dictum.

⁴ *Mamercus Scaurus.* Homo profligatæ libidinis et vitâ probrosus. Sen. de Benefic. iv. 31, Tac. Annal. vi. 29.

⁵ *Caput reipublicæ.* Caput reipublicæ dici se nolle fingeat Tiberius.

⁶ *Augustam.* Liviam, dictam quoque Juliam, ut mox capite sequenti.

14. *MULTA* patrum et in Augustam adulatio. Alii *parentem*, alii *matrem patriæ* appellandam; plerique ut nomen Cæsaris adscriberetur, *Juliaæ filius*, censebant. Ille “moderandos fœminarum honores” dictitans, “eâdemque “se temperantiâ usurum in his, quæ sibi tribuerentur;” ceterum anxius invidiâ, et muliebri fastigium in diminutionem sui accipiens, ne lictorem ¹ quidem ei decerni passus est: aramque adoptionis, ² et alia hujusmodi prohibuit. At Germanico Cæsari proconsulare imperium ³ petivit, missique legati qui deferrent, simul mœstitiam ejus ob excessum Augusti solarentur. Quominus idem pro Druso ⁴ postularetur, ea causa, quod designatus consul Drusus, præsensque erat. ⁵ Candidatos præturæ duodecim ⁶ nominavit, numerum ab Augusto traditum: et hortante senatu ut auget, jurejurando obstrinxit, se non excessurum.⁷

15. *TUM PRIMUM* è campo ⁸ comitia ad patres translata sunt. Nam ad eam diem, etsi potissima arbitrio principis, quædam tamen studiis tribuum fiebant: neque populus ademptum jus questus est, nisi inani rumore: et senatus largitionibus ac precibus sordidis exsolutus, libens tenuit,

¹ *Ne lictorem.* Id magistratum, non fœminarum erat. Verum invalescente adulatione, duo lictores decreti sunt Agrippinæ, Claudii uxori. Infra Annal. XIII. 2.

² *Aramque adoptionis.* Aras Fortunæ, Victoriæ, Clementiæ ponebant Romani: aram quoque adoptionis Liviæ ac fortè ipsius Tiberii in familiam Juliam efflagitabant. Sed prohibuit princeps invidus.

³ *Proconsulare imperium.* Dignitatem illam longè antè acceperat Germanicus. Vide Dionem, LVI. p. 586. At callidus princeps illam petit, ut senatui placeat, et modestiam fingat.

⁴ *Druso.* Tiberii et Agrippinæ filio. Vide stem. Cæs. p. 70.

⁵ *Præsensque erat.* Proconsu-

lare imperium extra urbem erat, non in urbe.

⁶ *Candidatos præturæ duodecim.* Prætorum origo, progressus, augmentum, satis ambigüe tradita: etiam ab iis, quibus hæc una cura fuit. Ego breviter rem expedivi et ad historiæ fidem; quæ vide, si vis, in Excurs. D. Lips.

⁷ *Se non excessurum.* Excessit postea. Vide not. et emend. ad Annal. I. 14.

⁸ *E campo.* Id est, è populo ad senatum. Id putidè laudat Velleius, Tiberii adulator, II. 126. *Revocata in forum fides; summoa è foro seditio: ambitio campo, discordia curiâ, sepulta ac situ obsita.* Vide not. et emend. ad Annal. I. 15.

moderante Tiberio, ne plures quàm quatuor candidatos commendaret, sine repulsâ et ambitu designandos.¹ Inter quæ tribuni plebei petivere, ut proprio sumtu ederent ludos, qui de nomine Augusti, fastis additi, Augustales vocarentur:² sed decreta pecunia ex ærario, utque per Circum triumphali veste³ uterentur: curru vehi haud permissum. Mox celebratio annua ad prætorem translata, cui inter cives et peregrinos jurisdictio evenisset.⁴

16. HIC RERUM urbanarum status erat, cùm Pannonicas legiones⁵ seditio incessit: nullis novis causis, nisi quòd mutatus princeps licentiam turbarum, et ex civili bello spem præmiorum ostendebat. Castris æstivis tres simul legiones habebantur, præside Junio Blæso: qui fine Augusti, et initiis Tiberii auditis, ob justitium aut gaudium,⁶ intermiserat solita munia. Eo principio lascivire miles, discor-

¹ *Ambitu designandos.* Id est, ut nec opus quidem haberent in Senatu ambire, sufficeretque sola Principis commendatio. LIPS.

² *Augustales vocarentur.* Jam olim instituta *Augustalia* A. U. C. 735. A. C. 18. Dio, LIV. p. 527 et 545. Nunc verò Augustales ludi fastis additi, quos tribuni plebei proprio sumtu ederent. In veteri calendario Romano, IV. ID. OCTOBR. AVGVSTALES.

³ *Triumphali veste.* Decretum quoque ut per circum triumphali veste uterentur. Vestis illa purpurâ et auro erat intertextâ, ut docet Plinius, IX. 36. *Huic (purpuræ) fasces securesque Romanæ riam faciunt. Idemque pro majestate pueritiæ est. Distinguit ab equite curiam: Diis advocatur placandis: omnemque vestem illuminat: in triumphali miscetur auro.* Heroum præclara facinora, pugnas, victorias, vestes illæ referebant, ut accipimus ab Homero, Iliad. III. 125. et à Plinio, VIII. 43. *Pictas vestes jam apud Ho-*

merum fuisse, unde triumphales natae.

⁴ *Jurisdictio evenisset.* Ex duodecim prætoribus, duobus tantum obveniebat jurisdictio. Alter cives inter, alter inter peregrinos, vel cives inter et peregrinos jus dicebat. Ad hunc translata annua Augustalium celebratio. Infra in vit. Agr. VI. *Nec enim jurisdictio (Agricolæ) obtenerat.*

⁵ *Pannonicas legiones.* Tres erant in Pannoniâ legiones, octava, nona et quinta decima. Infra cap. 23.

⁶ *Justitium aut gaudium.* Justitium propter mortem Augusti, gaudium propter Tiberii principatum. In luctu publico, nuntiatis cladibus, gravissimisque reipublicæ periculis, indicebatur justitium, seu cessabant judicia. Quàm fœrale fuerit justitium, nuntiata Germanici morte, dicitur infra II. 82. Mœstissimam Romæ faciem post indictum justitium luculenter describit Lucanus, II. 16. et seq.

dare, pessimi cujusque sermonibus præbere aures, denique luxum et otium cupere, disciplinam, et laborem aspernari. Erat in castris Percennius quidam, dux olim theatralium operarum,¹ dein gregarius miles, procax linguâ, et miscere cœtus histrionali studio² doctus. Is imperitos animos, et quænam post Augustum militiæ conditio ambigentes, impellere paulatim nocturnis conloquiis, aut flexo in vespèram die, et dilapsis melioribus, deterrimum quemque congregare. Postremò, promptis jam et aliis seditionis ministris, velut concionabundus interrogabat :

17. " CUR PAUCIS centurionibus, paucioribus tribunis, " in modum servorum obedirent? quandò ausuros exposcere remedia, nisi novum et nutantem adhuc principem " precibus, vel armis adirent? satis per tot annos ignaviâ " peccatum, quòd tricena aut quadragena stipendia³ senes, " et plerique truncato ex vulneribus corpore, tolerent: ne " dimissis quidem finem esse militiæ, sed apud vexillum " retentos, alio vocabulo,⁴ eosdem labores perferre. Ac " si quis tot casus vitâ superaverit; trahi adhuc diversas in " terras, ubi per nomen⁵ agrorum, uligines paludum, vel

¹ *Theatralium operarum.* Dux quidem, non actor. Infames enim apud Romanos theatrales operæ. Nec, qui eas egisset, stipendia mereri poterat: et si jam miles id fecisset, capite puniebatur, ut docet Macer, Digest. XLVIII. Tit. XIX. leg. 14. de Pœnis. Unde Corn. Nepos, præf. vit. imp. *In scenam prodire et populo esse spectaculo, nemini in eisdem gentibus (inter Græcos) fuit turpitudini, quæ omnia apud nos (Romanos) infamia, partim humilia, ac ab honestate remota ponuntur.*

² *Histrionali studio.* Hoc enim studium est histrionale partes fovere, operas suas theatrales jactitare, ceteras floccifacere.

³ *Tricena aut quadragena stipendia.* Qui triginta aut quadraginta annos in militiâ expleverant; quod, vigente republicâ, inauditum. Equites enim dena tantum, pedites vicena stipendia explebant. At, republicâ bellis civilibus exhaustâ, prolatum militiæ tempus; nec videtur diu viguisse lex, quâ Augustus definierat A. U. C. 741. A. C. 12. prætorii cohortibus annos duodecim, ceteris sexdecim. Dio, LVI. p. 539.

⁴ *Alio vocabulo.* Tunc *Veterani* dicebantur. Infra cap. 26.

⁵ *Ubi per nomen.* Ubi specie ac nomine agrorum donantur uliginosis paludibus et incultis montibus.

“ inculta montium accipiant. Enimverò militiam ipsam
 “ gravem, infructuosam : denis in diem assibus¹ animam
 “ et corpus æstimari : hinc vestem, arma,² tentoria ; hinc
 “ sævitiam centurionum, et vacationes munerum redimi.
 “ At herculè verbera, et vulnera, duram hiemem, exercitas
 “ æstates, bellum atrox, aut sterilem pacem, sempiterna :³
 “ nec aliud levamentum, quàm si certis sub legibus militia
 “ iniretur ; ut singulos denarios⁴ mererent ; sextusde-
 “ cimus stipendii annus finem adferret ; ne ultra sub vex-
 “ illis tenerentur, sed iisdem in castris⁵ præmium pecu-
 “ niâ solveretur. An prætorias cohortes,⁶ quæ binos de-
 “ narios⁷ acciperent, quæ post sexdecim annos penatibus

¹ *Denis in diem assibus.* Decem illi asses Romani efficiunt quoque *Angl.* 7½d. Itaque duplicata erant Romanorum militum stipendia. Stante enim republicâ, pedites in diem accipiebant tantum binos obolos, id est, *Angl.* 3d. Centuriones, quatuor obolos, seu *Angl.* 6d. Equites, drachmam, seu *Angl.* 9d. Polyb. vi. p. 484.

² *Hinc vestem, arma.* Vides ergo, auctum ab Julio vel ab Augusto stipendio, abrogatam illam Gracchi legem, quâ militi è publico vestem dari iussit, sine ullâ stipendii detractio. Ambigas tamen an secuti principes iterum non reduxerint Gracchi hæc parte legem. Lampridius certè, in *Alex.* cap. 39. *Donavit, inquit, et ocreas, et braccaset, calceamenta inter vestimenta militaria.* et cap. 52. *Qui acceptam à provincialibus annonam, qui vestem, qui stipendia vobis attribuit.* LIPS.

³ *Sempiterna.* Sempiterna esse, ac semper perferenda.

⁴ *Singulos denarios.* Locum istum infinitis vexatum interpretationibus planum facit Plinius, xxxiii. 3. *Hannibale urgente, Q. Fabio Maximo dictatore, asses*

unciales facti: placuitque denarium sedecim assibus permutari.... In militari tamen stipendio semper denarius pro decem assibus datus. Vult ergo Percennius, ut milites denarium mercant, non verò decem tantum asses. Fraudabantur enim sex assibus, cum decem asses, non verò denarium acciperent. Porro denarius ille valebat *Angl.* 8d.

⁵ *Iisdem in castris.* Sibique militiæ præmium non agris, sed pecuniâ, ipsisque in castris solveretur.

⁶ *Prætorias cohortes.* Prætoriae cohortes corpori principis adsidebant, urbemque tutabantur.

⁷ *Binos denarios.* *Angl.* 1s. 4d. Præter diurnos illos binos denarios, prætorii cohortibus post sena et dena stipendia viritim dabantur viginti millia sestertiûm, seu *Angl.* 166l. 13s. 4d. Ceteris verò militibus, exactis militiæ annis viginti, data tantum duodecim millia sestertiûm, *Angl.* 100l. Dio, lv. p. 563. Immo summam illam C. Caesar recidit ad sex millia sestertiûm, seu *Angl.* 50l. Suet. in Caio, XLIV.

“ suis reddantur, plus periculorum suscipere? Non ob-
 “ tractari à se urbanas excubias, sibi tamen¹ apud horridas
 “ gentes è contuberniis hostem aspici.”

18. ADSTREPEBAT vulgus diversis incitamentis: hi verberum notas, illi canitiem, plurimi detrita tegmina et nudum corpus exprobrantes. Postremò eò furoris venere, ut tres legiones miscere in unam agitaverint: depulsi æmulatione, quia suæ quisque legioni eum honorem quærebant, aliò vertunt, atque unà tres aquilas et signa cohortium locant: simul congerunt cespites, exstruunt tribunal,² quo magis conspicua sedes foret. Properantibus Blæsus advenit; increpabatque, ac retinebat singulos, clamitans: “ Meâ potiùs
 “ cæde imbuite manus: levioze flagitio legatum interficietis,
 “ quàm ab imperatore desciscitis. Aut incolumis fidem
 “ legionum retinebo, aut jugulatus pœnitentiam adcelerabo.”

19. AGGEREBATUR nihilominus cespes, jamque pectori usque adcreverat, cùm tandem pervicaciâ victi inceptum omisere. Blæsus multâ dicendi arte, “ Non per se-
 “ ditionem et turbas desideria militum ad Cæsarem feren-
 “ da,” ait: “ neque veteres ab imperatoribus priscis, neque
 “ ipsos à divo Augusto tam nova petivisse: et parùm in
 “ tempore³ incipientes principis curas onerari. Si tamen
 “ tenderent⁴ in pace tentare, quæ ne civilium quidem bel-

¹ *Sibi tamen.* Id est, à se. Se tamen apud horridas gentes diversari, et ex ipsis tentoriis hostem aspici. Contubernium decem militibus et decano constabat. Veget. II. 8.

² *Exstruunt tribunal.* Tribunal illud, suggestus erat editus, cespite, seu terrâ cum herbis avulsâ convestitus, unde imperator milites adloquebatur, iisque jus dicebat. In nummis sæpe occurrit. Unum Caii Caligulæ appellasse satis sit. C. CÆSAR AVG. GER-

MANICVS PON. M. TR. POT. capite laureato. Ex alterâ parte Princeps stat in tribunali, et adloquitur cohortes: ADLOCVT. COH. *adlocutio cohortium.* Ex hoc nummo, quàm ex pluribus verbis, meliùs percipitur quid sit tribunal, et quomodò ex hoc suggestu præcipientes darentur rei, ut dicitur infra cap. 44.

³ *Parùm in tempore.* Intempestivè novi principis curas onerari.

⁴ *Tenderent.* Contenderent.

“lorum victores expostulaverint; cur contra morem obse-
 “quii, contra fas disciplinæ, vim meditentur?” decernerent
 “legatos, seque coram mandata darent.”¹ Adclamavere,
 “ut filius Blæsi, tribunus, legatione eâ fungeretur, peteret-
 “que militibus missionem ab sexdecim annis: cetera man-
 “daturus, ubi prima provenissent.” Profecto juvenē, modicum
 otium: sed superbire miles, quod filius legati, orator
 publicæ causæ, satis ostenderet, necessitate expressa,² quæ
 per modestiam non obtinuissent.

20. INTEREA manipuli,³ ante cœptam seditiōnem Naupor-
 tum⁴ missi ob itinera,⁵ et pontes, et alios usus, postquā
 turbatum in castris acceperē, vexilla convellunt: direptis-
 que proximis vicis, ipsoque Nauporto, quod municipii in-
 star⁶ erat, retinētes centuriones inrisu et contumeliis,
 postremō verberibus insectantur: præcipuā in Aufidienum
 Rufum, præfectum castrorum,⁷ irā, quem dereptum vehi-
 culo, sarcinis gravant, aguntque primo in agmine, per ludi-
 brium rogitantes, “an tam immensa onera, tam longa itinera
 “libenter ferret?” Quippe Rufus diu manipularis,⁸ dein cen-

¹ *Mandata darent.* Quæ ad Cæsarem perferrentur.

² *Necessitate expressa.* Satis ostenderet ipsos per vim et necessitatem expressisse, quæ per modestiam ac obsequium numquam obtinuissent.

³ *Manipuli.* Manipulos in homines centum distribuit Romulus. Postea in ducentos distributi. Plutarch. in Romul. p. 24. Aurel. Victor, Orig. Gent. Roman. vers. finem. Gellius, XVI. 4.

⁴ *Nauportum.* Nauportus in Pannoniā, nunc Ober-Laybach, in Carniolā. Sita erat urbs illa ad ripam Nauporti, Laybach, qui in Savum, Sava, influit.

⁵ *Ob itinera.* Ut itinera ac pontes curarent, ceteraque commeatibus necessaria providerent.

⁶ *Municipii instar.* Municipēs sunt cives Romani—legibus suis et suo jure utentes, muneris tantum cum populo Romano honorarii participes—nullis aliis necessitatibus, neque ullā populi Romani lege adstricti. Gellius, XVI. 13. Nauportus instar municipii erat, non verò ipsum municipium.

⁷ *Præfectum castrorum.* Præfectum castrorum sæpe memorat Tacitus. Ad illum *Castrorum positio, vallī et fossæ destinatio*, aliaque plurima, quæ fusè prosequitur Vegetius, II. 10. pertinebant. Vide Val. Flac. II. 159.

⁸ *Manipularis.* Gregarius miles. Plin. XXXIII. 11. Cic. ad Att. IX. Ep. 10. De origine vocis *manipulus, manipularis*, vide Donatum ad Terent. Eun. IV. Act. VII. 6.

turio, mox castris præfectus, antiquam duramque militiam revocabat, vetus operis ac laboris, et eò immitior, quia toleraverat.

21. HORUM adventu redintegratur seditio, et vagi circumjecta populabantur. Blæsus paucos, maximè prædâ onustos, ad terrorem ceterorum, adfici verberibus, claudi carcere¹ jubet; nam etiam tum legato à centurionibus, et optimo quoque manipularium, parebatur. Illi obniti trahentibus, prensare circumstantium genua, ciere modò nomina singulorum, modò centuriam quisque, cujus manipularis erat, cohortem, legionem, eadem omnibus imminere clamitantes: simul probra in legatum cumulant; cœlum ac deos obtestantur: nihil reliqui faciunt, quominus invidiam, misericordiam, metum, et iras permoverent. Adcurritur ab universis, et carcere effracto, solvunt vincula; desertoresque ac rerum capitalium damnatos, sibi jam miscent.

22. FLAGRANTIOR inde vis, plures seditioni duces: et Vibulenus quidam gregarius miles, ante tribunal Blæsi adlevatus circumstantium humeris, apud turbatos, et quid pararet intentos: “Vos quidem,” inquit, “his innocentibus, et miserrimis lucem et spiritum reddidistis, sed quis fra-
“tri meo vitam, quis fratrem mihi reddit? quem missum
“ad vos à Germanico exercitu de communibus commodis,²
“nocte proximâ jugulavit per gladiatores suos,³ quos in
“exitium militum habet atque armat. Responde, Blæse,
“ubi cadaver abjeceris? ne hostes quidem sepulturæ in-

¹ *Claudi carcere.* Juv. vi. 561.

—*si longo castrorum in carcere mansit.*

De custodiis Romanorum dicentur plura Annal. iii. 22. in notis et enend.

² *De communibus commodis.* Pannonico et Germanico exercitui.

³ *Gladiatores suos.* Principes

ac legati etiam in castris gladiatores habebant ad exhibenda spectacula. De hoc usu Capitolinus in vitâ Maxim. et Balbin. viii. *Ituros ad bellum Romanos debuisse pugnas videre et vulnere et ferrum, ne dimicantes in bello armatos hostes timerent, aut vulnere et sanguine perhorrescerent.*

“ vident : cùm osculis, cùm lacrymis dolorem meum im-
 “ plevero, me quoque trucidari jube ; dum interfectos nuf-
 “ lum ob scelus, sed quia utilitati legionum consulebamus,
 “ hi sepeliant.”

23. INCENDEBAT hæc fletu, et pectus atque os mani-
 bus verberans : mox disjectis quorum per humeros susti-
 nebatur, præceps et singulorum pedibus advolutus, tantum
 consternationis invidiæque concivit, ut pars militum, gla-
 diatores, qui è servitio Blæsi erant, pars ceteram ejusdem
 familiam vincirent, alii ad quærendum corpus effunderentur.
 Ac ni properè, neque corpus ullum reperiri, et servos,
 adhibitis cruciatibus, abnuere cædem, neque illi fuisse um-
 quam fratrem pernotuisset, haud multum ab exitio legati
 aberant. Tribunos tamen, ac præfectum castrorum ex-
 trusere. Sarcinæ fugientium direptæ, et centurio Lucillius
 interficitur, cui militaribus facetiis,¹ vocabulum, *Cedo alte-*
ram, indiderant : quia fractâ vite² in tergo militis, alteram
 clarâ voce, ac rursus aliam poscebat. Ceteros latebræ
 texere, uno retento Clemente Julio, qui perferendis mili-
 tum mandatis habebatur idoneus, ob promptum ingenium.
 Quin ipsæ inter se legiones octava et quintadecuma ferrum
 parabant : dum centurionem cognomento Sirpicum,³ illa
 morti deposcit, quintadecumani⁴ tuentur : ni miles nonanus⁵
 preces, et adversum aspernantes, minas interjecisset.

¹ Cui militaribus facetiis. Moris
 hujus militaris exemplum item in
 Aureliani vitâ, cap. 6. Huic sig-
 num exercitus apposuerat, *Manu*
ad ferrum. De vite autem Cen-
 turionum, protrita jam res et con-
 culcata. LIPS.

² *Fractâ vite*. Milites Romani
 vitibus, extranei fustibus cæde-
 bantur. Livius, Epitom. LVII.
 Inde vites commendat Plinius, XIV.
 1. sect. 3. Quid quòd insertæ cas-

tris summam rerum imperiumque
continent? Centurionum in manu
vitis, et opimo præmio, tardos or-
dines ad lentas perducit aquilas,
atque etiam in delictis pœnam ip-
sam honorat.

³ Cognomento Sirpicum. Ita
 dictus videtur à sirpis.

⁴ *Quintadecumani*. Milites quin-
 tadecimæ legionis.

⁵ *Nonanus*. Nona legio.

24. HÆC AUDITA, quamquam abstrusum, et tristissima quæque maximè occultantem Tiberium perpulere, ut Drusum filium¹ cum primoribus civitatis, duabusque prætoriis cohortibus mitteret, nullis satis certis mandatis: ex re consulturum. Et cohortes delecto milite supra solitum firmatæ. Additur magna pars prætoriani equitis, et robora Germanorum,² qui tum custodes imperatori aderant: simul prætorii præfectus Ælius Sejanus, collega Straboni patri suo datus, magnâ apud Tiberium auctoritate, rector juveni, et ceteris periculorum³ præmiorumque ostentator. Druso propinqui, quasi per officium obviæ fuere legiones: non lætæ, ut adsolet, neque insignibus fulgentes,⁴ sed inlue deformi, et vultu, quamquam mœstitiam imitarentur, contumaciæ propiores.

25. POSTQUAM vallum introit; portas stationibus firmant, globos armatorum certis castrorum locis opperiri jubent: ceteri tribunal ingenti agmine circumveniunt. Stabat Drusus silentium manu poscens. Illi quotiens oculos ad multitudinem⁵ retulerant, vocibus truculentis strepere; rursum, viso Cæsare, trepidare: murmur incertum, atrox clamor, et repentè quies: diversis animorum motibus, pavebant terrebantque. Tandem interrupto tumultu, literas

¹ *Drusum filium.* Filium Tiberii, et Agrippinæ. Vide stem. Cæs. n. 70.

² *Robora Germanorum.* Germanorum validissimi, qui tum custodes imperatori aderant. Acceptâ enim clade Varianâ, eos dimiserat Augustus. Suet. in Aug. XLIX. Illos rursus adhibuit Tiberius, haud ignarus animos exterorum hæc arte devinciri.

³ *Et ceteris periculorum.* Quique militibus ostentaret seditionis pericula, obsequii præmia. Sejanus postea fortunâ et ruinâ celeberrimus. Vide Misc. Obs. IX.

287 et 288. *Sejanus præsentia sua ostentabat et pericula, quæ obierat plurima pro Tiberio, et præmia, quæ illi accepta referebat, ad maximos honores proventus. Quare nihil remedii huic loco adhibendum, cum sanus sit.*

⁴ *Neque insignibus fulgentes.* Sine militiæ insignibus; sine torquibus, phaleris, &c. Comta quoque et incomta signa vide infra Ann. III. 2.

⁵ *Ad multitudinem.* Quò major seditiosorum multitudo, eò magis effræna ac truculenta.

patris recitat, in quæis perscriptum erat, “ præcipuam ipsi
 “ fortissimarum legionum curam, quibuscum plurima bella
 “ toleravisset: ubi primùm à luctu requièsset animus, ac-
 “ turum apud patres de postulatis eorum: misisse interim
 “ filium, ut sine cunctatione concederet, quæ statim tribui
 “ possent: cetera Senatui servanda, quem neque gratiæ,¹
 “ neque severitatis expertem haberi par esset.”

26. *RESPONSUM* est à concione, “ mandata Clementi²
 “ centurioni, quæ proferret.” Is orditur “ de missione à
 “ sexdecim annis: de præmiis finitæ militiæ: ut denarius
 “ diurnum stipendium foret: ne veterani sub vexillo habe-
 “ rentur.” Ad ea Drusus, cùm arbitrium senatûs et patris
 obtenderet, clamore turbatur. “ Cur venisset, neque au-
 “ gendis militum stipendiis, neque adlevandis laboribus, de-
 “ nique nullâ benefaciendi licentiâ? at herculè verbera, et
 “ necem cunctis permitti: Tiberium olim nomine Augusti
 “ desideria legionum frustrari solitum: easdem artes Dru-
 “ sum retulisse. Numquamne ad se nisi filios familiarum
 “ venturos? novum id planè, quòd imperator sola militis
 “ commoda ad senatum rejiciat: eundem ergò senatum
 “ consulendum, quotiens supplicia aut prælia indicantur: an
 “ præmia sub dominis, pœnas sine arbitro esse?”

27. *POSTREMO* deserunt tribunal, ut quis prætorianorum
 militum, amicorumve Cæsaris occurreret, manus intentan-
 tes,³ causam discordiæ, et initium armorum: maximè in-
 fensi Cn. Lentulo,⁴ quòd is ante alios ætate et gloriâ belli,
 firmare Drusum credebatur, et illa militiæ flagitia primus

¹ *Neque gratiæ.* Quem tum de gratiâ, tum de severitate adhibendâ pronuntiare par esset.

² *Mandata Clementi.* Mandata esse Clementi centurioni, quæ nomine omnium proferret.

³ *Manus intentantes.* Prætorianis et amicis Drusi Cæsaris ma-

nus intentantes, ut causam discordiæ et initium armorum haberent.

⁴ *Cn. Lentulo.* Dictus est Gætulicus propter triumphum de Gætulis. Illum egregiè laudat Tac. *Annal.* iv. 44.

aspernari. Nec multo pòst, digredientem cum Cæsare,¹ ac provisu periculi hiberna castra repetentem, circumsistunt, rogitantes, “quò pergeret? ad imperatorem, an ad patres?”² “ut illic quoque commodis legionum adversaretur?” simul ingruunt, saxa jaciunt: jamque lapidis ictu cruentus, et exitii certus, adcurso multitudinis, quæ cum Druso advenerat, protectus est.

28. NOCTEM minacem, et in scelus erupturam, fors levavit: nam luna claro repentè cœlo visa languescere.³ Id miles, rationis ignarus, omen præsentium accepit, ac suis laboribus defectionem sideris adsimulans, “prosperèque cesura quæ pergerent, si fulgor et claritudo deæ redderetur.” Igitur æris sono, tubarum cornuumque concentu strepere: ⁴ prout splendidior, obscuriorve, lætari, aut mœrere: et postquam ortæ nubes offecere visui, creditumque conditam tenebris; ut sunt mobiles ad superstitionem percussæ semel mentes, “sibi æternum laborem portendi, sua facinora aversari deos” lamentantur. Utendum inclinatione eâ Cæsar, et quæ casus obtulerat, in sapientiam vertenda ratus, circumiri tentoria jubet. Accitur centurio Clemens, et si qui alii bonis artibus grati in vulgus: ii vigiliis, stationibus, custodiis portarum se inserunt, spem offerunt, metum intendunt. “Quousque filium imperatoris obsidebimus? quis certaminum finis? Percenniónē, et Vibuleno sacramentum dicturi sumus? Percennius et Vibulenus stipendia militibus, agros

¹ *Cum Cæsare.* Cum Druso Cæsare.

² *Ad patres.* Ad senatum.

³ *Visa languescere.* Apertiùs Dio, LVII. p. 604. τῆς δὲ ἡ σελήνης ἐλλείψεως, Luna deficiente. Hæc lunæ eclipsis contigit mane die 27. Septemb. A. U. C. 767. J. C. 14. Initium habuit horâ 3. 18'. 32". Finem horâ 7. 6'. 32". De eâ vide Petavium, Doctrin. Temp. v. 1. lib. VIII. p. 822. v. 2. lib.

XI. p. 299. Tam insigni temporum indicatione plurimùm illustrantur Tiberiani principatûs initia.

⁴ *Concentu strepere.* Ignara hominum mens siderum defectiones diu expavit: seque iis crepitu dissono auxiliari posse existimavit. Errores illos loquacemque ac clamorâ faminam argutè deridet Juv. VI. 441. et seq. Vide et Plinium, II. 12.

“emeritis largientur? Denique pro Neronibus et Drusis,¹ “imperium populi Romani capessent? quin potiùs, ut no-
“vissimi in culpam,² ita primi ad pœnitentiam sumus?
“Tarda sunt³ quæ in commune expostulantur: privatam
“gratiam statim mereare, statim recipias.” Commotis per
hæc mentibus, et inter se suspectis,⁴ tironem⁵ à veterano, le-
gionem à legione dissociant. Tum redire paulatim amor
obsequii: omittunt portas, signa unum in locum principio
seditionis congregata, suas in sedes referunt.

29. DRUSUS, orto die, et vocatâ concione, quamquam
rudis dicendi, nobilitate ingenitâ,⁶ incusat priora, probat
præsentia. Negat “se terrore et minis vinci: flexos ad
“modestiam si videat, si supplices audiat, scripturum
“patri, ut placatus legionum preces exciperet.” Oran-
tibus, rursum idem Blæsus et L. Apronius eques Roma-
nus è cohorte Drusi,⁷ Justusque Catonius primi ordinis⁸
centurio, ad Tiberium mittuntur. Certatum inde senten-
tiis, cùm alii “opperiendos legatos, atque interim
“comitate permulcendum militem” censerent; alii “for-

¹ *Pro Neronibus et Drusis.* Pro Tiberio et Druso Tiberii filio. Vide stem. Cæs. n. 68 & 70.

² *Novissimi in culpam.* Duplex fuerat in Pannoniâ seditio. Prior de quâ cap. 16. Posterior et numerosior ac gravior de quâ cap. 20. 21. 22. Præterea longè violentiùs turbabant Germanicæ legiones, ut dicitur infra cap. 31.

³ *Tarda sunt.* Tarda, quæ à multis et in commune; cita, quæ à paucis et privatam gratiam meritis expostulantur.

⁴ *Inter se suspectis.* Invicem timebant ne, si alii ad obsequium flecterentur, ipsi soli et inermes plecterentur.

⁵ *Tironem.* Intelligit qui stipendia nondum complēssent, ab-
iunctos ab iis, qui sub vexillo ve-

terani. LIPS.

⁶ *Nobilitate ingenitâ.* Artis dicendi rudis, sed nobilitate ingenitâ eloquens.

⁷ *E cohorte Drusi.* Id est, ex comitibus et amicis Drusi. Vide infra Ann. III. 13. VI. 9.

⁸ *Primi ordinis.* Legio in triginta manipulos dividebatur. Illorum verò manipulorum tres erant ordines; hastati, principes, triarii, seu pilani. Primi ordinis centurio dicitur, qui primo manipulo seu hastatorum, seu principum, seu triariorum erat præfectus. Præterea cùm cuique manipulo centuriones duo præficerentur, alter, qui dextrum cornu, alter, qui sinistram ductaret, dignitate præstabat ille, cui dextrum cornu suberat.

“tioribus remediis agendum: nihil in vulgo modicum:”
 “terrere, ni paveant: ubi pertimuerint, impune contemni:
 “dum superstitio urgeat,² adjiciendos ex duce metus,
 “sublatis seditionis auctoribus.” Promptum ad asperiora
 ingenium Druso erat: vocatos Vibulenum et Percennium
 interfici jubet. Tradunt plerique, intrà tabernaculum ducis
 obrutos: alii, corpora extra vallum abjecta ostentui.

30. Tum, ut quisque præcipuus turbator, conquisiti:
 et pars extra castra palantes, à centurionibus, aut præ-
 toriarum cohortium militibus cæsi: quosdam ipsi manipuli,
 documentum fidei,³ tradidere. Auxerat militum curas
 præmatura hiems, imbribus continuis, adeòque sævis, ut
 non egredi tentoria, congregari inter se, vix tutari signa⁴
 possent, quæ turbine atque undâ raptabantur: durabat et
 formido cœlestis iræ, “nec frustra adversùs impios he-
 “bescere sidera, ruere tempestates: non aliud malorum
 “levamentum, quàm si linquerent castra infausta teme-
 “rataque, et soluti piaculo,⁵ suis quisque hibernis redde-
 “rentur.” Primùm octava, dein quintadecuma legio, rediere.
 Nonanus “opperiendas Tiberii epistolas” clamitaverat:
 mox desolatus⁶ aliorum discessione, imminentem necessitatem
 sponte prævenit: et Drusus, non expectato legatorum
 regressu, quia præsentia satis consederant, in urbem rediit.

31. IISDEM fermè diebus, iisdem causis Germanicæ le-

¹ *In vulgo modicum.* Moderatum. *Non est enim consilium in vulgo, non ratio, non discrimen, non diligentia.* Cic. pro Plancio, IV.

² *Superstitio urgeat.* Vigente ac urgente superstitione, debere ducem metus adjicere, et seditionis auctores tollere.

³ *Documentum fidei.* Ut fidem suam probarent.

⁴ *Vix tutari signa.* Id est, recta habere et servare in principiis, ubi

defixa. LIPS. Quippe signa numina legionum erant.

⁵ *Soluti piaculo.* Soluti his criminibus, quæ erant digna piaculo.

⁶ *Desolatus.* Id est, solus. Mox aliorum discessione solus relictus, imminentem necessitatem sponte et obsequio prævenit. Virg. XI. 870.

Disiectique duces, desolatique manipuli Tuta petunt.

giones turbatae, quanto plures, tanto violentius: et magna spe fore ut Germanicus Cæsar imperium alterius pati nequiret, daretque se legionibus, vi suâ cuncta tracturus. Duo apud ripam Rheni¹ exercitus erant: cui nomen superiori,² sub C. Silio legato; inferiorem C. Cæcina curabat. Regimen summæ rei penes Germanicum, agendo Galliarum censui³ tum intentum. Sed quibus Silius moderabatur, mente ambigua, fortunam seditionis alienæ⁴ speculabantur: inferioris exercitus miles in rabiem prolapsus est, orto ab unaetvicesimanis⁵ quintanisque initio, et tractis primâ quoque ac vicesimâ legionibus: nam iisdem æstivis in finibus Ubiorum⁶ habebantur, per otium, aut levia munia. Igitur audito fine Augusti, vernacula multitudo,⁷ nuper acto in urbe delectu, lasciviæ sueta,⁸ laborum intolerans, implere ceterorum rudes animos: “ Venisse
 “ tempus, quo veterani maturam missionem, juvenes largiora stipendia, cuncti modum miseriarum exposcerent,
 “ sævitiamque centurionum ulciscerentur.” Non unus

¹ *Apud ripam Rheni.* Augustus orientalem Galliae Belgicae partem, Rheno contiguam in duas partes divisit, quas Germaniam superiorem et Germaniam inferiorem appellavit. Germania superior à finibus Belgicae, id est, à finibus, qui Alsatiam inferiorem à superiore separant, ad Mosellam ferè protendebatur: Germania inferior à Mosellâ ad oceanum Britannicum. Quae diligentissimè observanda sunt, si quis in Taciti annalibus et historiâ cæcutire noluerit. De hac Germaniarum partitione vide Dion. LIII. p. 503 et 504. Bucherium in *Belgio Romano*, I. 2. et Cl. V. Schœpflium, *Alsat. illustrat.* v. I. p. 139 et seq.

² *Superiori.* Superior exercitus, qui erat in Germaniâ superiore; inferior, qui in inferiore.

³ *Galliarum censui.* Adsignandis tributis, quæ quisque in Galliâ viritim et per capita debebat persolvere. Hic est tertius Galliarum census.

⁴ *Seditionis alienæ.* Seditionis, quam moverat exercitus inferioris Germaniæ.

⁵ *Ab unaetvicesimanis.* A 21 et 5. legionibus: tractis quoque legionibus 1 et 20. Vide not. et emend. ad Ann. I. 31.

⁶ *In finibus Ubiorum.* Near Cologne.

⁷ *Vernacula multitudo.* Interpretantur de libertis, quos Augustus ad tutelam Rheni misit, apud Sueton. cap. 25.

⁸ *Lasciviæ sueta.* Non militiæ, sed lasciviæ sueta multitudo, cum ex delectu in urbe nuper acto esset collecta.

hæc, ut Pannonicas inter legiones, Percennius, nec apud trepidas militum aures alios validiores exercitus respicientium, sed multa seditionis ora vocesque: “suâ in
“manu sitam rem Romanam, suis victoriis augeri rempublicam, in suum cognomentum adscisci imperatores.”¹

32. NEC LEGATUS² obviam ibat: quippe plurium vecordia constantiam exemerat. Repentè lymphati, destrectis gladiis, in centuriones invadunt: ea vetustissima militaribus odiis materies, et sæviendi principium: prostratos verberibus mulcant, sexageni singulos,³ ut numerum centurionum adæquarent. Tum convulsos laniatosque, et partim exanimos, ante vallum, aut in amnem Rhenum projiciunt. Septimius cùm perfugisset ad tribunal, pedibusque Cæcinæ advolveretur, eò usque flagitatus est, donec ad exitium dederetur. Cassius Chærea, mox cæde C. Cæsaris⁴ memoriam apud posteros adeptus, tum adolescens,⁵ et animi ferox, inter obstantes et armatos ferro viam patefecit. Non tribunus ultra, non castrorum præfectus jus obtinuit: vigilias, stationes, et si qua alia præsens usus indixerat, ipsi partiebantur. Id militares animos altiùs conjectantibus præcipuum indicium magni atque implacabilis motûs, quòd neque disjecti, vel paucorum instinctu, sed pariter

¹ *Adscisci imperatores.* Belli duces. Etenim ob res in Germaniâ præclare gestas Nero Claudius Drusus dictus erat Germanicus, idque nominis sortiti sunt filii ejus Germanicus, et Claudius, qui postea imperavit. Illud quoque usurpavit Tiberius propter egregia Germanici facinora. Dio, l.v. p. 549. LVII. p. 607. Auctorem nominis exhibet argenteus Musci nostri nummus. NERO CLAUDIVS DRVSVS GERMANICVS IMP. capite laureato. Ex alterâ parte clypei duo, spicula et tubæ decussatim posita cum vexillo militari intermedio. DE

GERMANIS.

² *Nec Legatus.* A. Cæcina,

³ *Sexageni singulos.* Sexageni erant centuriones in unâquaque legione, ut dictum est supra cap. 29.

⁴ *C. Cæsaris.* Dicti Caligulæ. Illum A. U. C. 794. J. C. 41. interfecit Chærea, quem Dio, lIX. p. 662. Ἐξφαμένιστατον ἀνδρῶν, fortissimum virorum appellat. De illo nos dicemus in supplemento Ann. VIII. 68 et seq.

⁵ *Tum adolescens.* Admodùm 30. annorum et amplius. Cùm Caligulam occideret, senior dicitur, Suet. Calig. cap. 56,

ardescerent,¹ pariter silerent : tantâ æqualitate et constantiâ, ut regi crederes.

33. INTEREA Germanico per Gallias, ut diximus,² census accipienti, “ excessisse Augustum ” adfertur. Neptem ejus Agrippinam³ in matrimonio, pluresque ex eâ liberos habebat. Ipse Druso,⁴ fratre Tiberii, genitus, Augustæ nepos :⁵ sed anxius occultis in se patruī aviæque odiis, quorum causæ acriores, quia iniquæ :⁶ quippe Drusi magna⁷ apud populum Romanum memoria, credebaturque, si rerum⁸ potitus foret, libertatem redditurus : unde in Germanicum favor, et spes eadem. Nam juveni civile ingenium, mira comitas, et diversa à Tiberii sermone, vultu, adrogantibus et obscuris. Accedebant muliebres offensiones, novercalibus Liviae in Agrippinam⁹ stimulis : atque ipsa Agrippina paulo commotior,¹⁰ nisi quòd castitate, et mariti amore, quamvis indomitum animum in bonum vertebat.

34. SED GERMANICUS quanto summæ spei propior, tanto impensiùs pro Tiberio niti. Sequanos

¹ *Pariter ardescerent.* Simul ardescerent, simul silerent ; tantâque æquabilitate et constantiâ, ut eos uno eodemque spiritu regi agique crederes.

² *Ut diximus.* Supra cap. 31.

³ *Neptem ejus Agrippinam.* Vide stem. Cæs. n. 51.

⁴ *Druso.* Nerone Druso. Vide stem. Cæs. n. 79.

⁵ *Augustæ nepos.* Nepos Liviae.

⁶ *Quia iniquæ.* A virtutibus ejus ortæ. Invidebant, et erectum ingenium timebant. LIPS. *Acriores* causæ sunt validiores. *Pertinaciores nos facit iniquitas iræ.* Seneca de Irâ, III. 29.

⁷ *Drusi magna.* Drusus obierat A. U. C. 745. A. C. 8. De ejus laudibus plurima Dio, LV. p. 548

et 549. Nos quoque in stem. Cæs. n. 79.

⁸ *Credebaturque, si rerum.* Immo prodita à Tiberio ejus epistola est, quâ de cogendo ad restituendam libertatem Augusto agebat. Quæ una causa necis pio in patriam juveni, sed infelici. Suet. in Tib. cap. 50. LIPS.

⁹ *Liviae in Agrippinam.* Julia, mater Agrippinæ, filia erat Scriboniæ, non verò Liviae. Inde novercales Liviae in Agrippinam stimuli, muliebresque offensiones.

¹⁰ *Paulo commotior.* Paulo quidem commotior, et offensionum impatientior erat Agrippina : at propter eximiam castitatem, et Germanici amorem, animum suum, quamvis indomitum, in bonum vertebat.

proximos,¹ et Belgarum civitates in verba ejus adigit. Dehinc, audito legionum tumultu, raptim profectus, obvias extra castra habuit, dejectis in terram oculis, velut poenitentia. Postquam vallum iniit, dissoni questus audiri coepere: et quidam prensâ manu ejus, per speciem exosculandi, inseruerunt digitos, ut vacua dentibus ora contingeret: alii curvata senio membra ostendebant. Adsistentem concionem, quia permixta videbatur, “discedere in manipulos” jubet: “sic melius audituros responsum: vexilla præferri, ut id saltem discerneret cohortes:” tardè obtemperavere. Tunc “à veneratione Augusti”² orsus, flexit ad “victorias triumphosque Tiberii,”³ præcipuis laudibus celebrans “quæ apud Germanias illis cum legionibus pulcherrima fecisset. Italiae” inde “consensum, Galliarum fidem” extollit; “nil usquam turbidum aut discors.”

35. SILENTIO hæc, vel murmure modico audita sunt. Ut seditionem attigit, “ubi modestia militaris? ubi veteris disciplinæ decus? quònam tribunos? quò centuriones exegissent?” rogans: nudant universi corpora, “cicatrice ex vulneribus, verberum notas” exprobrant; mox indiscretis vocibus,⁴ pretia vacationum,⁵ angustias stipendii,

¹ *Sequanos proximos.* In Gallia Lugdunensi, Germaniis vicina, Sequanos, quorum caput Vesontio, nunc *Besançon*. In Belgicâ Leucos, *Toul*; Mediomatricos, *Metz*; Treviros, *Treves*; aliasque Belgarum civitates in Tiberii verba adigit. Hic, ut passim in optimis scriptoribus, civitates non de urbibus oppidisve, sed de populis intelligendæ.

² *A veneratione Augusti.* Ab eximiis virtutibus præcellentique majestate Augusti divinos honores adepti. Hæc enim ne accipias de Augusti cultu.

³ *Triumphosque Tiberii.* Olim

Dalmatas Pannoniosque, nova molientes, represserat Tiberius. Debellato quoque Illyrico, et rebus in Germaniâ prosperè gestis, triumphavit. Bellicam ejus laudem verè exornant Dio, LV. p. 549. Suet. in Tib. XVII et XX. Pro more suo exaggerat Velleius, II. 104 et seq.

⁴ *Indiscretis vocibus.* Confusis vocibus.

⁵ *Pretia vacationum.* Pretia à centurionibus exigenda solita, ut vacationes munerum concederent. Sic supra cap. 17. *Hinc sævitiam centurionum, et vacationes munerum redimi.*

“duritiam operum,” ac propriis nominibus incusant, “val-
 lum, fossas, pabuli, materiæ, lignorum adgestus,” et
 siqua alia ex necessitate, aut adversus otium castrorum
 quærentur. Atrocissimus veteranorum clamor oriebatur,
 qui tricena, aut supra, stipendia numerantes, “mederetur
 fessis,¹ neu mortem in iisdem laboribus, sed finem
 tam exercitæ militiæ, neque inopem requiem,” orabant.
 Fuere etiam, qui legatam à divo Augusto² pecuniam re-
 poscerent, faustis in Germanicum ominibus: et, si vellet
 imperium, promptos ostentavere. Tum verò quasi scelere
 contaminaretur, præceps tribunali desiluit: opposuerunt
 abeunti arma, minitantes, ni regrederetur. At ille “mo-
 riturum potius quàm fidem exueret” clamitans, ferrum
 à latere diripuit, elatumque deferebat in pectus, ni pro-
 ximi prensam dextram vi attinuissent. Extrema et con-
 globata inter se pars concionis, ac vix credibile dictu,
 quidam singuli propius incedentes, “feriret,” hortabantur:
 et miles, nomine Calusidius strictum obtulit gladium, ad-
 dito, “acutior em esse.”³ Sævum id, malique moris,
 etiam furentibus visum; ac spatium fuit,⁴ quo Cæsar ab
 amicis in tabernaculum raperetur.

36. CONSULTATUM ibi de remedio: etenim nuntiabatur
 “parari legatos,⁵ qui superiorem exercitum ad causam
 eandem traherent: destinatum excidio Ubiorum oppi-
 dum:⁶ imbutasque prædâ⁷ manus, in direptionem Gal-

¹ *Mederetur fessis.* Orabant ut mederetur fessis, nec ipsos in iis laboribus immori pateretur; sed finem tam exercitæ militiæ, neque inopem requiem daret.

² *Legatam à D. Augusto.* Trecentos nummos, ut dictum est supra cap. 8.

³ *Acutiorem esse.* Dio, LVII. p. 605. τὸ αὐτῷ ξίφος ἀνατείνας, τῷτο, ἔφη, λάβε· τῷτο γὰρ ὀξύτερόν ἐστιν. Gladium suum porrigens: hunc, inquit, accipe; acutior est.

⁴ *Ac spatium fuit.* Cùm illud Calusidii dictum, sævum, malique moris esse videretur, datum est à conglobatâ concione spatium, quo Germanicus Cæsar ab amicis in tabernaculum raperetur.

⁵ *Parari legatos.* Parari à seditiosis legatos.

⁶ *Ubiorum oppidum.* Postcà Agrippinensis colonia dicta est, nunc Cologne. Ann. XII. 27.

⁷ *Imbutasque prædâ.* Prædari edoctas. Sic infra Hist. III. 15.

“liarum¹ erupturas.” Augebat metum gnarus Romanæ seditionis, et, si omitteretur ripa, invasurus hostis.² At si auxilia et socii adversum abscedentes legiones armarentur, civile bellum suscipi. Periculosa severitas, flagitiosa largitio: seu nihil militi, seu omnia concederentur, in ancipiti respublica. Igitur, voluntatis inter se rationibus, placitum, ut epistolæ nomine principis scriberentur: “missionem dari vicena stipendia meritis, exauctorari qui senadena fecissent, ac retineri sub vexillo, ceterorum immunes, nisi propulsandi hostis: legata quæ petiverant, exsolvi duplicarique.”³

37. SENSIT miles in tempus conficta, statimque flagitavit: missio per tribunos maturatur: largitio differebatur in hiberna cujusque. Non abscessere quintani unaetvicesimaneque, donec iisdem in æstivis, contractâ ex viatico amicorum ipsiusque Cæsaris pecuniâ, persolveretur. Primam ac vicesimam legiones Cæcina legatus in civitatem Ubiorum reduxit, turpi agmine, cùm fisci⁴ de imperatore rapti, inter signa, interque aquilas, veherentur. Germanicus superiorem ad exercitum profectus, secundam et tertiamdecumam et sextamdecumam legiones, nihil cunctatas, sacramento adigit.⁵ Quartadecumani paulum dubita-

Ut civili prædâ miles imbueretur.

¹ *In direptionem Galliarum.* In direptionem Lugdunensis et Belgicæ Galliarum erupturas.

² *Invasurus hostis.* Invasurus hostis Transrhenanus, Arminius, aut quivis alius, Romanarum legionum seditione audax.

³ *Exsolvi duplicarique.* Suet. in Tib. XLVIII. *Militi post duplicata ex Augusti testamento legata, nihil unquam largitus est Tiberius, præterquam singula milia denariorum, Angl. 331. 3s. 4d. pratorianis, quod Sejano se non*

accommodassent. Trecentos numeros. *Angl. 2l. 10s.* legionariis Augustus legaverat, supra cap. 8. Si duplicentur, sunt *Angl. 5l.*

⁴ *Cùm fisci.* Turpe erat agmen illud, quod fiscos, seu saccos argento plenos, raptos de Germanico imperatore, qui ex viatico amicorum suâque pecuniâ ab Augusto legati et à Tiberio duplicata persolverat, signa inter et aquilas vehebat. Prolixius dicitur de fisciis in notis et emend. ad Ann. I. 37.

⁵ *Sacramento adigit.* Ut Tiberium principem agnoscant et veniantur.

verant: pecunia et missio, quamvis non flagitantibus, oblata est.

38. AT IN CHAUCIS¹ cœptavere seditionem, præsidium agitantes vexillarii² discordium legionum, et præsentī duorum militum supplicio paulum repressi sunt. Jusserat id Mennius castrorum præfectus, bono magis exemplo, quàm concessō jure.³ Deinde intumescēte motu, profugus repertusque, postquàm intutæ latebræ, præsidium ab audaciâ mutuatur:⁴ “Non præfectum ab iis, sed Germanicum ducem, sed Tiberium imperatorem violari.” Simul exterritis qui obstiterant, raptum vexillum⁵ ad ripam⁶ vertit, et “si quis agmine decessisset, pro desertore fore” clamitans, reduxit in hiberna turbidos, et nihil ausos.

39. INTEREA legati ab senatu, regressum jam⁷ apud Aram Ubiorum Germanicum adeunt. Duæ ibi legiones, prima atque vicesima, veteranique nuper missi sub vexillo hiemabant. Pavidos et conscientiâ vecordes intrat metus,

¹ *At in Chaucis.* Non modò in superiore et inferiore Germaniâ, seu Cisirhenanâ, sed in ipsâ Germaniâ Transrhenanâ apud Chaucos turbatum. Inde patet, ut observat Bucherius in *Belgio Romano*, III. 4. etiam post Varianam cladē nonnulla præsidia trans Rhenum Romanis superfuisse. Porro Chauci inter Amisiam, *the Ems*, et Albim, *the Elbe* habitabant.

² *Præsidium agitantes vexillarii.* De vexillariis vide not. et emend. ad Ann. I. 38. Præsidium illud Romanum videtur fuisse ubi nunc *Emden*. Haud ita probabiliter conjectat Cluverius, *German. Antiq.* III. 18. esse *Bremen*.

³ *Quàm concessō jure.* Milites enim punire non præfecti castro-

rum erat, sed tribuni, centurionis, ac ducis. Digest. XLIX. Tit. XVI. leg. 12 et 13. Nec jus gladii nisi penes legatum. Vide Dionem, LIII. p. 505.

⁴ *Ab audaciâ mutuatur.* Cùm fuisset repertus, nec tutæ essent latebræ, præsidium ac robur ab audaciâ mutuatur.

⁵ *Raptum vexillum.* Sub quo retinebantur ac militabant vexillarii.

⁶ *Ad ripam.* Ad ripam Amisiæ, nunc *the Ems*.

⁷ *Regressum jam.* Intereâ legati ab senatu, Germanicum à superiore exercitu, seu Germaniâ superiore regressum apud Aram Ubiorum in inferiore Germaniâ adeunt. Ara Ubiorum, nunc *Bonn, near Cologne*.

venisse patrum jussu, qui inrita facerent, quæ per seditionem expresserant: utque mos vulgo, quamvis falsis reum subdere, Munatium Plancum consulatu functum,¹ principem legationis, auctorem senatusconsulti incusant: et nocte concubiâ vexillum in domo Germanici² situm flagitare occipiunt: concursuque ad januam facto, moliuntur fores: extractum cubili³ Cæsarem, tradere vexillum, intento mortis metu, subigunt: mox vagi per vias, obvios habuere legatos, auditâ consternatione, ad Germanicum tendentes: ingerunt contumelias; cædem parant, Planco maximè, quem dignitas fugâ impediverat: neque aliud periclitanti subsidium, quàm castra primæ legionis: illic signa et aquilam amplexus, religione sese tutabatur: ac ni aquilifer Calpurnius vim extremam arcuisset, rarum etiam inter hostes, legatus populi Romani, Romanis in castris, sanguine suo altaria Deûm⁴ commaculavisset. Luce demum, postquàm dux, et miles, et facta noscebantur, ingressus castra Germanicus, perducere ad se Plancum imperat, recipitque in tribunal. Tum “fatalem” increpans “rabiem, “neque militum, sed Deûm irâ resurgere,” cur venerint legati aperit: “jus legationis, atque ipsius Planci “gravem et immeritum casum, simul quantum dedecoris “adierit legio,” facundè miseratur: attonitâque magis, quàm quietâ concione, legatos præsidio auxiliarium equitum dimittit.

40. EO IN METU arguere Germanicum omnes, quòd non ad superiorem exercitum pergeret, ubi obsequia, et contra rebelles auxilium. “Satis superque missione et

¹ *Consulatu functum.* Consul fuerat cum Silio Nepote anno superiore, U. C. 766. J. C. 13.

² *Vexillum in domo Germanici.* Vexillum imperatorium, de quo plura dicenda sunt infra. Vide not. et emend. ad Ann. i. 39.

³ *Extractum cubili.* Non vi,

sed concursu et clamoribus militum, ut rectè explicat Cl. Ernestus.

⁴ *Altaria Deûm.* Signa erant legionum numina. Iis etiam affixæ deorum et principum imagines. Inde altaria.

“pecuniâ, et mollibus consultis peccatum: vel si vilis
 “ipsi salus, cur filium parvulum,¹ cur gravidam conjugem²
 “inter furentes, et omnis humani juris violatores haberet?
 “illos saltem avo,³ et reipublicæ redderet.” Diu cunctatus, aspernantem uxorem, cùm “se divo Augusto
 “ortam, neque degenerem ad pericula” testaretur, postremò uterum ejus, et communem filium multo cum fletu complexus, ut abiret perpulit. Incedebat muliebre et miserabile agmen, profuga ducis uxor parvulum sinu filium gerens; lamentantes circùm amicorum conjuges, quæ simul trahebantur: nec minùs tristes, qui manebant.

41. NON FLORENTIS Cæsaris, neque suis in castris, sed velut in urbe victâ facies gemitusque ac planctus, etiam militum aures oraque advertere.⁴ Progrediuntur contuberniis: “quis ille flebilis sonus? quod tam triste? fœminas inlustres, non centurionem ad tutelam, non militem, “nihil imperatoriæ uxoris, aut comitatûs soliti, pergere ad “Treveros, et externæ fidei.” Pudor inde et miseratio, et patris Agrippæ,⁵ Augusti avi⁶ memoria, socer Drusus;⁷ ipsa insigni fœcunditate, præclarâ pudicitia: jam infans in

¹ *Filium parvulum.* Caium Calig. Vide stem. Cæs. n. 86.

² *Conjugem.* Agrip. Ib. n. 51.

³ *Avo.* Augusto. Ib. n. 43.

⁴ *Aures oraque advertere.* Non florentis Germanici Cæsaris, neque suis in castris imperantis, sed velut in urbe victâ facies, gemitusque ac planctus aures oraque militum adverterunt ac perculerunt. Sic infra Ann. II. 17. *Octo aquile . . . imperatorem advertere.* Contuberniis progrediuntur milites: rogitant, quis ille flebilis sonus? Quid tam triste? Stupent fœminas illustres, sine centurione ad tutelam, sine milite, sine ullis imperatoriæ uxoris, aut comitatûs soliti insignibus, solas pergere ad

Treveros, et populis externæ fidei committi. Treveri, in Galliâ Belgicâ, nunc *Treves*: *Externæ fidei* populi illi dicuntur, quia Galli, necdum Coloniae jus adepti. Infra cap. 44. *Neve obses Gallis traderetur.* Postea Treveri, Colonia fuit dicta. COL. AVG. PAT. TREVIR. *Colonia Augusta paterna Trevirorum.* Harduin. opera selecta, p. 172.

⁵ *Patris Agrippæ.* Agrippa pater Agrippinæ. Vide stem. Cæs. n. 47.

⁶ *Augusti avi.* Agrippinæ. Ib. n. 43.

⁷ *Socer Drusus.* Socer Agrippinæ Nero Claudius Drusus. Ib. n. 79.

castris genitus,¹ in contubernio legionum eductus, quem militari vocabulo *Caligulam*² appellabant, quia plerumque ad concilianda vulgi studia eo tegmine pedum induebatur. Sed nihil æquè flexit, quàm invidia in Treveros:³ orant, obsistunt, “rediret, maneret:” pars Agrippinæ occurrentes, plurimi ad Germanicum regressi: isque, ut erat recens dolore et irâ, apud circumfusus ita cœpit.

42. “NON MIHI uxor,⁴ aut filius, patre⁵ et republicâ cariores sunt: sed illum quidem sua majestas, imperium Romanum ceteri exercitus defendent: conjugem, et liberos meos, quos pro gloriâ vestrâ libens ad exitium offerrem, nunc procul à furentibus submoveo: ut, quid quid istuc sceleris imminet, meo tantùm sanguine pietur; neve occisus Augusti pronepos,⁶ interfecta Tiberii nurus,⁷ nocentiores vos faciat. Quid enim per hos dies inausum, intemeratumve vobis? quod nomen huic cœtui dabo? *militēs*ne appellem? qui filium imperatoris vestri,⁸ vallo et armis circumsestistis. An *cives*? quibus tam projecta senatûs auctoritas: hostium quoque jus, et sacra legationis, et fas gentium rupistis. Divus Julius seditionem exercitûs verbo uno⁹ compescuit, *Quirites* vo-

¹ *In castris genitus.* Caius Caligula, quem tamen Antii, nunc Anzo, in agro Romano, natum esse contendit Suet. in Caio, viii.

² *Caligulam.* Ita dictum à caligâ, seu calceo militari, cujus figura in columnâ Trajani, aliisque monumentis veteribus passim occurrit.

³ *Invidia in Treveros.* Quorum fides potior habebatur.

⁴ *Non mihi uxor.* Egregiè et imperatoriè. Cic. quoque Offic. i. 17. *Cari sunt parentes, cari liberi, propinqui, familiares: sed omnes omnium caritates patria una complexa est: pro quâ quis bonus*

dubitet mortem oppetere, si ei sit profuturus?

⁵ *Patre.* Tiberio, qui Germanicum Augusti jussu adoptaverat. Supra cap. 3.

⁶ *Augusti pronepos.* Caius Calig. Vide stem. Cæs. n. 86.

⁷ *Tiberii nurus.* Agrippina, Caligulæ mater. Ib. n. 51.

⁸ *Filium imperatoris vestri.* Germanicum, filium Tiberii propter adoptionem, de quâ modò dictum.

⁹ *Verbo uno.* Suet. in Jul. lxx. *Decumanos autem Romæ cum ingentibus minis, summoque etiam urbis periculo, missionem et*

“cando, qui sacramentum ejus detrectabant. Divus Augustus, vultu et aspectu Actiacas legiones¹ exterruit: nos, ut nondum eosdem,² ita ex illis ortos, si Hispaniæ Syriæve miles aspernaretur, tamen mirum et indignum erat: primane, et vicesima legiones, illa signis à Tiberio³ acceptis, tu tot præliorum socia, tot præmiis aucta, egregiam duci vestro gratiam refertis? hunc ego nuntium patri, læta omnia aliis è provinciis audienti, feram? ipsius tirones, ipsius veteranos,⁴ non missione, non pecuniâ satiatos: hinc tantum interfici centuriones, ejici tribunos, includi legatos: infecta sanguine castra, flumina: meque præcariam animam inter infensos trahere?”

43. “CUR ENIM primo concionis die, ferrum illud, quod pectori meo infigere parabam, detraxistis? O improvidi amici! melius et amantius ille, qui gladium offerebat:⁵ cecidissem certè, nondum tot flagitiorum exercitui meo conscius: legissetis ducem, qui meam quidem mortem impunitam sineret, Vari tamen et trium legionum ulcisceretur. Neque enim Dii sinant, ut Belgarum, quamquam offerentium, decus istud et claritudo sit, subvenisse Romano nomini, compressisse Germaniæ populos. Tua, dive Auguste, cælo recepta mens; tua, pater Druse, imago,⁶ tui memoria, iisdem istis cum mili-

præmia flagitantes, ardente tunc in Africâ bello, neque adire cunctatus est, quamquam deterrentibus amicis, neque dimittere: sed una voce, quâ QUIRITES eos pro militibus appellarat, tam facillè circumegit et flexit, ut ei milites esse confestim responderint, et quamvis recusantem ultro in Africam sint secuti.

¹ Actiacas legiones. Quæ, confectâ victoriâ, Brundisii turbabant, præmia et missionem poscentes. Suet. in Aug. xvii.

² Nondum eosdem. Tiberius,

Germanicusque nondum D. Julio, D. Augusto æquales; ex illis tamen orti.

³ Illa signis à Tib. Apparet, religionem aliquam fuisse in militiâ ordiendâ. Credo autem hanc primam legionem conscriptam post cladem Vari. LIPS.

⁴ Ipsius tirones, ipsius veteranos. Primani erant Tiberii tirones, utpote signis ab illo acceptis. Vicesimani verò erant ipsius veterani.

⁵ Qui gladium offerebat. Supra cap. 35.

⁶ Pater Druse, imago. Quam signis affixam intuebatur.

“tibus, quos jam pudor et gloria intrat, eluant hanc
 “maculam, irasque civiles in exitium hostibus vertant. Vos
 “quoque, quorum alia nunc ora, alia pectora contueor,
 “si legatos senatui, obsequium imperatori, si mihi con-
 “jugem ac filium redditis, discedite à contactu,¹ ac di-
 “vidite turbidos: id stabile ad pœnitentiam, id fidei vin-
 “culum erit.”

44. SUPPLICES ad hæc, et vera exprobrari fatentes, orabant, “puniret noxios, ignosceret lapsis, et duceret in
 “hostem; revocaretur conjunx, rediret legionum alum-
 “nus,² neve obses Gallis³ traderetur.” Reditum Agrip-
 pinæ excusavit ob imminensem partum, et hiemem: “ven-
 “turum filium: cetera ipsi exsequerentur.” Discurrunt
 mutati, et seditiosissimum quemque vinctos trahunt ad
 legatum legionis primæ, C. Cetronium, qui judicium et
 pœnas de singulis in hunc modum exercuit. Stabant pro
 concione legiones, dstrictis gladiis: reus in suggestu⁴ per
 tribunum ostendebatur: si “nocentem” adclamaverant,
 præceps datus trucidabatur. Et gaudebat cœdibus miles,
 tamquam semet absolveret: nec Cæsar arcebat, quandò

¹ *Discedite à contactu.* Discedite à societate et contactu seditiosorum, turbidos illos homines à vobis dividite. Vide Misc. Obs. ix. 291. id est, à contagione, ab iis qui sunt noxii. Ann. iv. 49. *Polui cuncta sanie, odore, contactu.* i. Hist. 2. *Ratia, Noricum, Thracia, ut cuique exercitui vicinæ, ita in favorem aut odium contactu valentiorum agebantur.* ii. Hist. 60. *Ceteræ legiones contactu, et adversus Germanicos milites invidiâ, bellum meditabantur.* Ann. vi. 7. *plures infecti valetudine et quasi contactu.* Seneca de Irâ, ii. 21. *puerum procul à contactu deliciarum retinebimus.* iii. 8. *quædam in contactos cor-*

poris vitia transeunt. De Tranq. Anim. vii. *vitia contactu nocent.* Et Senec. Pater Contr. ix. *vitia contactu ipso nocent.* Juven. ii. 81.

Uvaeque contactâ livorem ducit ab uvâ.

ita legendum. Sic et *contaminatus scelere*, supra cap. 35. et Ann. ii. cap. 2. *regem hostium artibus infectum.* iii. 14. *infectos manibus ejus cibos*, et alibi non semel.

² *Legionum alumnus.* C. Caligula.

³ *Gallis.* Treveris, Galliæ Belgicæ populis.

⁴ *In suggestu.* De suggestu, seu tribunali dictum supra cap. 18.

nullo ipsius jussu, penes eosdem sævitia facti et invidia erat. Secuti exemplum veterani, haud multo pòst in Rætiam¹ mittuntur, specie defendendæ provinciæ, ob imminentes Suevos:² ceterùm ut avellerentur³ castris, trucibus adhuc non minùs asperitate remedii, quàm sceleris memoriâ. Centurionatum inde egit:⁴ citatus ab imperatore, nomen, ordinem, patriam, numerum stipendiorum, quæ strenuè in præliis fecisset, et cui erant dona militaria,⁵ edebat: si tribuni, si legio, industriam innocentiamque adprobaverant, retinebat ordinem:⁶ ubi avaritiam, aut crudelitatem consensu objectavissent, solvebatur militiâ.

45. SIC COMPOSITIS præsentibus, haud minor moles supererat, ob ferociam quintæ et unaetvicesimæ legionum, sexagesimum apud lapidem,⁷ (loco *Vetera*⁸ nomen est) hibernantium: nam primi seditionem cœptaverant; atrocissimum quodque facinus horum manibus patratum: nec pœnâ commilitonum exterriti, nec pœnitentiâ conversi, iras retinebant. Igitur Cæsar arma, classem, socios⁹ demittere Rheno parat: si imperium detrectetur, bello certaturus.

¹ *In Rætiam.* Nunc *the Grisons and the Tirol.* In inscrip. apud Gruter. p. 439. memorantur RÆTI, et alibi RAITIA.

² *Suevos.* Suevi, gens præpotens, et ex multis populis conflata, majorem Germaniæ partem obtinebant. Ili verò, de quibus nunc agitur, prope Danubii fontem haud procul ab Hermunduris habitabant. Tacit. de Mor. Germ. XXXVIII. Bucherius in Belgio Romano, I. 16. III. 4. Eccardus de orig. Germ. p. 280.

³ *Ceterùm ut avellerentur.* Sed reverà ut avellerentur castris, quæ efflerabant animos adhuc truces cùm propter remedii asperitatem, tum propter sceleris memoriam.

⁴ *Centurionatum inde egit.* Postea Germanicus recensuit centu-

riones, eorumque examen instituit. Vide not. et emend. ad Ann. I. 44.

⁵ *Dona militaria.* Et cui erant torques, coronæ, armillæ, phaleræ, hastæ puræ argenteæ, et cetera dona militaria, quæ, ut virtutis præmia, acceperat. Vide not. et emend. loco cit.

⁶ *Retinebat ordinem.* Ordinem centurionis.

⁷ *Sexagesimum apud lapidem.* Sexaginta millia passuum. Itaque fèrmè Itinerarium Antonini, p. 370. *Veteribus Bonnam* usque 63. M. P. numerat.

⁸ *Loco Vetera.* Loco nomen est *Vetera*, seu *Vetera castra*, nunc *Santen*, in Cliviâ Cisirhenanâ, *the Duchy of Cleves.*

⁹ *Socios.* Belgas aliosque socios.

46. AT ROMÆ nondum cognito, qui fuisset exitus in Illyrico, et legionum Germanicarum motu audito, trepida civitas incusare Tiberium, “quòd, dum patres, et plebem, “invalida et inermia,¹ cunctatione fictâ ludificetur, dissi- “deat interim miles, neque duorum adolescentium² non- “dum adultâ auctoritate comprimi queat: ire ipsum, et “opponere majestatem imperatoriam debuisse cessuris, ubi “principem longâ experienciâ, eundemque severitatis et “munificentiae summum vidissent. An Augustum fessâ “ætate, totiens in Germanias³ commeare potuisse; Tibe- “rium vigentem annis, sedere in senatu verba patrum cavil- “lantem? satis prospectum urbanæ servituti: militaribus “animis adhibenda fomenta, ut ferre pacem velint.”

47. IMOTUM adversus eos sermones, fixumque Ti- berio fuit, non omittere caput rerum,⁴ neque se remque publicam in casum dare. Multa quippe et diversa ange- bant: “validior per Germaniam exercitus; propior apud “Pannoniam: ille Galliarum opibus subnixus, hic Italiæ “imminens: quos igitur anteferet? ac, ne postpositi con- “tumeliâ incenderentur. At per filios⁵ pariter adiri, “majestate salvâ, cui major è longinquo reverentia: simul “adolescentibus excusatum,⁶ quædam ad patrem rejicere: “resistentesque Germanico, aut Druso, posse à se mitigari “vel infringi: quod aliud subsidium, si imperatorem spre- “vissent?” Ceterum, ut jam jamque iturus, legit comites,

¹ *Invalida et inermia.* Inva- lidos et inermes. Virg. Æn. iv. 569.

—*Varium et mutabile semper*
Fœmina.

² *Duorum adolescentium.* Drusi ac Germanici.

³ *In Germanias.* Suet. in Aug. xx. *Reliqua bella per legatos administravit: ut tamen quibusdam Pannonicis atque Germanicis aut interveniret, aut non longè*

abesset, Ravennam, vel Mediola- num, vel Aquileiam usque ab urbe progrediens. Immo in Galliâ Lugdunensi diu egit Augustus, Germanicis motibus è viciniâ in- tentus. Dio, liv. p. 546.

⁴ *Caput rerum.* Romam.

⁵ *Per filios.* Drusum filium suum, Germanicum filium adop- tivum.

⁶ *Excusatum.* Simul excusari adolescentes, si quædam ad patrem rejiciant.

conquisivit impedimenta,¹ adornavit naves: mox hiemem, aut negotia variè causatus, primò prudentes, dein vulgum, diutissimè provincias² fefellit.

48. AT GERMANICUS, quamquam contracto exercitu, et paratâ in defectores ultione, dandum adhuc spatium ratus, si recenti exemplo sibi ipsi consulerent, præmittit literas ad Cæcinam, “venire se validâ manu, ac ni supplicium in malos præsumant, usurum promiscuâ cæde.” Eas Cæcina aquiliferis signiferisque, et, quod maximè castrorum sincerum erat, occultè recitat; “utque cunctos in famiæ, seipsos morti eximant” hortatur: “nam in pace causas et merita spectari: ubi bellum ingruat, innocentes ac noxios juxta cadere.” Illi, tentatis quos idoneos rebantur, postquàm majorem legionum partem in officio vident; de sententiâ legati, statuunt tempus, quo fœdisimum quemque et seditioni promptum ferro invadant. Tunc, signo inter se dato, inrumpunt contubernia,³ trucidant ignaros: nullo, nisi consciis, noscente quod cædis initium, quis finis.

49. DIVERSA omnium, quæ umquam accidere, civilium armorum facies: non prælio, non adversis è castris, sed iisdem è cubilibus, quos simul vescentes dies, simul quietos nox habuerat, discedunt in partes, ingerunt tela: clamor, vulnera, sanguis palam; causa in occulto: cetera fors regit: et quidam bonorum cæsi, postquàm, intellecto in quos sæviretur, pessimi quoque arma rapuerant. Ne-

¹ *Impedimenta.* Commeatus, aliaque bello necessaria.

² *Diutissimè provincias.* Suet. in Tib. xxxviii. Prope quotannis projectionem præparabat vehiculis comprehensis, commeatibus per municipia et colonias dispositis. Ad extremum tota pro itu et reditu suo suscipi passus, ut vulgò jam per jocum CALLIPPIDES vocare-

tur: quem cursitare, ac ne cubiti quidem mensuram progredi proverbio Græco notatum est.

³ *Contubernia.* Decem militibus cum decano constabant. Vegetius, II. 13. Centuriæ in contubernia divisæ sunt: ut decem militibus sub uno papilione degentibus, unus præesset decanus, qui caput contubernii nominatur.

que legatus, aut tribunus moderator adfuit: permissa vulgo licentia atque ultio et satietas. Mox ingressus castra Germanicus, “non medicinam illud” plurimis cum lacrymis, “sed cladem” appellans, “cremari corpora” jubet. Truces etiam tum animos cupido involat eundi in hostem, piaculum furoris:¹ nec aliter posse placari commilitonum manes, quam si pectoribus impiis honesta vulnera accepissent. Sequitur ardorem militum Cæsar, junctoque ponte² tramittit duodecim millia è legionibus, sex et viginti socias cohortes, octo equitum alas, quarum eâ seditione intemerata modestia fuit.

50. LÆTI, neque procul, Germani³ agitabant, dum justitio ob amissum Augustum, post discordiis attinemur. At Romanus agmine propero sylvam Cæsiam⁴ limitemque à Tiberio⁵ cœptum scindit: castra in limite locat: frontem ac tergum vallo, latera concædibus⁶ munitus. Inde saltus obscuros⁷ permeat, consultatque “ex duobus itineribus, breve et solitum”⁸ sequatur: an impeditius et

¹ *Piaculum furoris.* Ut furorem suum, seque commilitonum sanguine contemneratos expiant.

² *Junctoque ponte.* Supra Rhenum, ad Vetera castra, *Santen*.

³ *Germani.* Læti Germani Transrhenani sub Arminio aliove duce. De justitio dictum supra cap. 16.

⁴ *Sylvam Cæsiam.* Nunc the forest of *Heserwaldt*, in Cliviâ Transrhenanâ, fortè sacram Deo Marti, quem Galli ESVM, vel HESVM et CAMVLVM appellabant. In ipsâ Cliviâ repertus lapis vetus MARTI CAMVLO inscriptus. Gruter. p. LVI. n. 12. Vide not. et emend. ad Ann. I. 50.

⁵ *Limitemque à Tiberio.* Limitem aggeremque olim à Tiberio, cum in Germaniâ bellaret, cœptum properè scindit, ne à Bar-

baris occupetur. Limes ille erat in Cliviâ Transrhenanâ prope urbem *Schermbek*, ut rectè monuit Cluverius *German. Antiq.* III. 9. p. 542. In illis limitibus aggeribusque sæpe pugnatum dicitur infra *Hist.* II. 24. 42. III. 21.

⁶ *Concædibus.* Arboribus præcis munitus.

⁷ *Saltus obscuros.* Obscuros sylvæ Cæsiae saltus.

⁸ *Breve et solitum.* Breve et solitum iter, quod ab occasu solis ad ortum, propter dexteram Luppæ, nunc *Lippe*, ripam, ad castellum *Alisonem*, nunc *Elsen*, struere cœperat Tiberius, deinde periecerat Domitius Corbulo. Impeditius verò et intentatum, quod paulo magis ad aquilonem versus oppidum *Munster* deflectebat. Bucherius *Belg. Rom.* III. 4.

“intentatum, eoque hostibus incautum.” Delectâ longiore viâ, cetera adcelerantur: etenim attulerant exploratores “festam eam Germanis noctem, ac solemnibus “epulis ludicram.” Cæcina cum expeditis cohortibus præire, et obstantia sylvarum amoliri iubetur: legiones modico intervallo sequuntur. Juvit nox sideribus inlustris: ventumque ad vicos Marsorum,¹ et circumdatae stationes, stratis etiam tum per cubilia, propterque mensas, nullo metu, non antepositis vigiliis; adeò cuncta incuriâ disjecta erant: neque belli timor; ac ne pax quidem,² nisi languida et soluta inter temulentos.

51. CÆSAR avidas legiones,³ quo latior populatio foret, quatuor in cuneos⁴ dispertit: quinquaginta millium spatium ferro flammisque pervastat: non sexus, non ætas miserationem attulit; profana simul et sacra, et celeberrimum illis gentibus templum, quod *Tanfanae*⁵ vocabant,

¹ *Vicos Marsorum.* Vici illi erant in ditione Monasteriensi; medii inter oppida *Coesfeldt* et *Munster*.

² *Ac ne pax quidem.* Apud gentem illam omnia adeò disjecta erant incuriâ, ut sine ullo belli timore ageret. Ibi ne pax quidem firma ac pervigil, sed languida et soluta inter temulentos. Pacem eo sensu sæpe usurpat Tacitus.

³ *Avidas legiones.* Quidam aviditatem interpretantur de prædâ; rectiùs meo animo, qui *avidas certaminis* exponunt; præsertim cùm nec prædæ multum ex tali hoste sperandum esset. Est igitur *ea cupidò cundi in hostem*, de quâ supra I. 49. *Freinshemius*.

⁴ *Quatuor in cuneos.* *Angl. in four battalions.* Ac fortè cuneati incedebant illi milites. Quâ de militari ordinatione *Vegetius*, III. 19. *Cuneus dicitur multitudo*

militum, quæ junctâ acie primò angustior, deinde latior procedit, et adversariorum ordines rumpit: quia à pluribus in unum locum tela mittuntur. Quam rem milites nominant caput porcinum.

⁵ *Tanfanae.* Templum Marsis celeberrimum. *Tanfana*, Cluverio *Germ. Ant.* I. 26. p. 182. idem est ac TH'ANFANG, seu *principium*. Wachtero TANFAN, *ignis Dominus*. Cl. Freret TANFANA, *sortium Domina*. Mémoires de l'Acad. des Inscript. vol. XXIV. p. 424. In his vocum originationibus quævis divinare licet. Nobis tamen plurimum placet Cl. Eccardi, *de Orig. Germ.* p. 279. sententia. *Tanfana* interpretatur *Deum sylvæ Cæsiae* à verbo FANE, *Dominus*, quod aliquoties in Evangeliiis Gothicis occurrit. Danis et Suecis diabolus etiamnum *Fane* appellatur. TAN verò et Anglo-

solo æquantur. Sine vulnere milites, qui semisomnos, inermes, aut palantes ceciderant. Excivit ea cædes Bructeros, Tubantes, Usipetes; ¹ saltusque, per quos exercitui regressus, insedere: quod gnarum duci: ² incessitque itineri ³ et prælio: pars equitum, et auxiliariæ cohortes ducebant; mox prima legio, et mediis impedimentis, sinistrum latus unaetvicesimani, dextrum quintani clausere: vicesima legio terga firmavit, pòst ceteri sociorum. Sed hostes, donec agmen per saltus porrigeretur, ⁴ immoti; dein latera, et frontem modicè adsultantes, totâ vi novissimos incurrere: turbabanturque densis Germanorum catervis leves cohortes, cùm Cæsar, advectus ad vicesimanos, voce magnâ, “hoc illud tempus oblitterandæ “seditionis” clamitabat: “pergerent, properarent culpam “in decus vertere.” Exarsere animis, unoque impetu per ruptum hostem redigunt in aperta, cæduntque: simul primi agminis copiæ evasere sylvas, castraque communivere. Quietum inde iter: fidensque recentibus, ⁵ ac priorum oblitus miles, in hibernis locatur.

52. NUNTIATA ea Tiberium lætitiâ curâque adfecere: gaudebat oppressam seditionem; sed, quòd largiendis pecuniis, et missione festinatâ favorem militum quæsivisset, bellicâ quoque Germanici gloriâ,angebatur. Retulit tamen ad senatum de rebus gestis, multaue de virtute ejus memoravit, magis in speciem verbis adornata, quàm ut

Saxonicè DENE, in antiquis linguæ Germanicæ monumentis, *vallem arboribus intiam, sylvam densam* sæpius exprimit. *Tanfânæ* templum oppido *Coesfeldt* vicinum fuisse videtur.

¹ *Bructeros, Tubantes, Usipetes.* Vicis Marsorum proximos. Bructeri ad septentrionem, Tubantes ad ortum, Usipetes, sæpiùs Usipii, ad meridiem:

² *Gnarum duci.* Germanico.

³ *Incessitque itineri.* Incessit, exercitu composito viæ pariter et pugnae, ut loquitur ipse Tacit. Ann. XIII. 40.

⁴ *Per saltus porrigeretur.* Quadrato agmine, incedebant Romani. Hostes immoti, donec agmen per angustos saltus porrigeretur, magisque pateret aggredientibus.

⁵ *Fidensque recentibus.* Recentis victoriæ gaudio et fiduciâ fretus, obliviscebatur dira seditionis.

penitus sentire crederetur. Paucioribus Drusum, et finem Illyrici motûs laudavit; sed intentior, et fidâ oratione: cunctaque, quæ Germanicus indulserat, servavit etiam apud Pannonicos exercitus.

53. EODEM anno, Julia¹ supremum diem obiit, ob impudiciam olim à patre Augusto Pandatariâ² insulâ, mox oppido Reginorum,³ qui Siculum fretum accolunt, clausa. Fuerat in matrimonio Tiberii, florentibus Caio et Lucio Cæsaribus, spreveratque ut imparem:⁴ nec alia tam intima Tiberio causa, cur Rhodum abscederet: imperium adeptus, extorrem, infamem, et post interfectum Postumum Agrippam, omnis spei egenam, inopiâ ac tabe longâ peremit, obscuram fore necem longinquitate exiliî ratus. Par causa sævitiae in Sempronium Graccum,⁵ qui familiâ nobili, solers ingenio, et pravè facundus, eamdem Juliam in matrimonio M. Agrippæ temeraverat: nec is libidini finis; traditam Tiberio, pervicax adulter contumaciâ et odiis in maritum accendebat; literæque, quas Julia patri Augusto cum insectatione Tiberii scripsit, à Gracco compositæ credebantur. Igitur amotus Cercinam,⁶ Africi maris insulam, quatuordecim annis exiliûm toleravit. Tunc milites ad cædem missi, invenere in prominenti littoris nihil lætum opperientem: quorum adventu “breve tempus” petivit, “ut suprema mandata uxori Alliariae per literas

¹ Julia. Vide stem. Cæs. n. 46.

² Pandatariâ. In Puteolano sinu. Nunc the Island of St. Mary.

³ Oppido Reginorum. Oppidum Reginorum, nunc Reggio, in Calabriâ ulteriore. Frequens in nummis memoria ΠΗΓΗΝΩΝ.

⁴ Ut imparem. Taurum non ad illud jugum. LIPS. Rectiùs alii ad genus referunt. ERN. Ut Liv. VI. 34. extr. de Fabiâ minore, Ambusti filiâ, nuptâ viro plebeio, Quòd juncta impari esset.

⁵ Sempronium Graccum. Pervicacem adulterum, de quo infra Ann. IV. 13. In nummis appellatur TI. SEMPRONIUS GRACCVS IIIAAFF, Triumvir auro, argento, ære flando, feriundo. TI. SEMPRONI. TI. F. GRACCVS LEG. PRO. COS. Vide Vaillant, Nummi famil. v. II. p. 377 et seq.

⁶ Cercinam. Nunc Kerkeni, prope Syrtim minorem, hodie the gulf of Gabes. Eam insulam accuratè describit Plinius, v. 7.

“daret:” cervicemque percussoribus obtulit, constantiâ mortis haud indignus Sempronio nomine; vitâ degeneraverat. Quidam non Româ eos milites, sed ab L. Asprenate, ¹ proconsule Africæ, missos tradidere, auctore Tiberio, qui famam cædis posse in Asprenatem verti, frustra speraverat.

54. IDEM annus novas cærimonias accepit, addito sodalium Augustalium ² sacerdotio; ut quondam T. Tattius retinendis Sabinorum sacris, sodales Tattios ³ instituerat: sorte ducti è primoribus civitatis unus et viginti. ⁴ Tiberius, Drususque, et Claudius, ⁵ et Germanicus adjiciuntur. Ludos Augustales, tunc primùm cœpta ⁶ turbavit discordia, ex certamine histrionum. ⁷ Indulserat ei ludicro Augustus, dum Mæcenati obtemperat effuso in amorem Bathylli: ⁸ neque ipse abhorrebat talibus studiis, et civile rebatur misceri voluptatibus vulgi: alia Tiberio morum via: sed populum per tot annos molliter habitum, nondum audebat ad duriora vertere.

¹ *Ab L. Asprenate.* Credo cognomen esse gentis Noniæ. De Asprenatum claritudine et familiâ consulari Plinius, xxx. 7. Suet. in Aug. cap. 43. Lips.

² *Sodalium Augustalium.* Postea, grassante adulatione, instituti sodales Flavii, Hadrianales, &c. Eorum omnium mentio in inscrip. passim occurrit. Vide not. et emend. ad Ann. i. 54.

³ *Sodales Tattios.* Vide not. et emend. ad Ann. i. 54.

⁴ *Unus et viginti.* Unus quidem et viginti in urbe; at in provinciis sex tantum erant Augustales. Unde passim in inscrip. IIII. AVG. vel VI. VIR. AVGVST. Id est, sex viri Augustales. Insignem Augustalium Provincialium inscriptionem exhibet Gruterus, p. 237. n. 1. Vide not.

et emend. ad Ann. i. 54.

⁵ *Drususque, et Claudius.* Drusus Tiberii filius, Claudius Germanici frater. Veterem lapidem Germanico et Druso OB. HON. AVGVST. Ob honorem Augustalitatatis inscriptum memorat Gruterus, p. 236. n. 10.

⁶ *Tunc primùm cœpta.* Sic quoque infra cap. 77. Vid. not. et emend. ad Ann. i. 54.

⁷ *Certamine histrionum.* Histrionum, seu pantomimorum ludicro, quod primùm, imperante Augusto, Romæ visum est. Vide Dion, liv. p. 533.

⁸ *Bathylli.* Bathyllus et Py-lades pantomimorum celeberrimi. Juv. vi. 63.

Chironomon Ledam molli saltante Bathyllo.

A. U. C. 768. J. C. 15.

55. DRUSO Cæsare, C. Norbano Consulibus, ¹ decernitur Germanico triumphus, manente bello ; quod quamquam in æstatem summâ ope parabat, initio veris, et repentino in Cattos ² excursu, præcepit : ³ nam spes incesserat dissidere hostem in Arminium ac Segestem, ⁴ insignem utrumque perfidiâ in nos, aut fide. ⁵ Arminius turbator Germaniæ : ⁶ Segestes, “ parari rebellionem ” sæpe aliàs, et supremo convivio, ⁷ post quod in arma itum, aperuit : suasitque Varo, “ ut se, et Arminium, et ceteros proceres vinciret : nihil “ ausuram plebem, principibus amotis ; atque ipsi tempus “ fore, quo crimina, et innoxios discerneret : ” sed Varus fato, et vi Arminii cecidit. Segestes, quamquam consensu gentis in bellum tractus, discors manebat, auctis privatim odiis, quod Arminius filiam ejus, ⁸ alii pactam, rapuerat ; gener ⁹ invisus, inimici soceri ; ¹⁰ quæque apud concordēs vincula caritatis, ¹¹ incitamenta irarum apud infensos erant.

56. Igitur Germanicus quatuor legiones, quinque auxiliarium millia, et tumultuarias catervas Germanorum cis Rhenum colentium, ¹² Cæcinæ tradit : ¹³ totidem legiones, du-

¹ C. Norbano Consulibus. Drusus Cæsar et C. Norbanus consules fuere, A. U. C. 768. J. C. 15.

² In Cattos. Nunc Hesse.

³ Præcepit. Antevertit.

⁴ Arminium ac Segestem. Arminius ac Segestes, Cheruscorum, nunc the states of Brunswick and Luneburgh, duces. Vide not. et emend. ad Ann. 1. 55. ubi Arminii et Segestis stemmata.

⁵ Perfidiâ in nos, aut fide. Arminium perfidiâ, Segestem fide insignem.

⁶ Turbator Germaniæ. Quia Varianæ cladis auctor.

⁷ Sæpe aliàs, et supremo convivio. Velleius, II. 118. Opprimi posse Romanos, et dicit et persuadet Arminius ; decretis facta jungit ; tempus insidiarum constituit. Id Varo per virum ejus gentis fidelem,

clarique nominis Segestem indicatur : sed prævalebant jam facta consiliis, omnemque animi ejus aciem præstrinxerant. De clade Varianâ sæpe dictum supra.

⁸ Filiam ejus. Thusneldam, Segestis filiam, Arminii uxorem.

⁹ Gener. Arminius.

¹⁰ Soceri. Sigimerus et Segestes.

¹¹ Vincula caritatis. Connubium apud concordēs vinculum caritatis, apud infensos incitamentum erat irarum.

¹² Cis Rhenum colentium. Ut erant Vangiones, Triboci, Nemetes, Treveri, Nervii, sed et pars aliqua Batavorum. LIPS. Immo hi tum Galli. Ego intelligo Ubios, Sicanos, aliosque à Germaniâ populos, ab Augusto traductos Rhenum, ut ibi colerent. ERN.

¹³ Cæcinæ tradit. A. Cæcinæ,

plicem sociorum numerum ipse ducit: positoque castello super vestigia paterni præsidi¹ in monte Tauno,² expeditum exercitum in Cattos rapit; L. Apronio ad munitiones viarum³ et fluminum relicto. Nam, (rarum illi cœlo,) siccitate, et amnibus modicis inoffensum iter properaverat; imbresque, et fluminum auctus regredienti metuebantur. Sed Cattis adeò improvisus advenit, ut quod imbecillum ætate ac sexu, statim captum, aut trucidatum sit. Juventus flumen Adranam⁴ nando tramiserat, Romanosque pontem cœpantes arcebant: dein tormentis sagittisque pulsī, tentatis frustra conditionibus pacis, cū quidam ad Germanicum perfugissent, reliqui, omissis pagis vicisque, in sylvas disperguntur. Cæsar incenso Mattio⁵ (id genti caput) aperta populatus,⁶ vertit ad Rhenum: non auso hoste terga abeuntium lacessere, quod illi moris, quotiens astu magis, quàm per formidinem cessit. Fuerat animus Cheruscis juvare Cattos, sed exterruit Cæcina⁷ huc illuc ferens arma: et Marsos congregi ausos, prospero prælio cohibuit.⁸

57. NEQUE multo pòst legati à Segeste venerunt, auxi-

inferioris Germaniæ legato, inferiorem exercitum, supra cap. 31. tradit. Ipse superiorem exercitum ducit.

¹ *Paterni præsidi.* Drusianum illud præsidium, à Druso Germanici patre exstructum, in eo loco erat, ubi nunc *Wisbaden*.

² *Monte Tauno.* Mons Taunus è regione Moguntiæ, *Mentz*, situs, nunc *Heyrich*, seu *Hoche*, appellatur.

³ *Ad munitiones viarum.* Viarum illarum, aggeribus tabulisque et trabibus munitarum, vestigia passim in Hessiâ et Westphaliâ extare docet Cl. Eccardus de Orig. Germ. p. 282. Addit earum reliquias *Pohlgraven* dictas invenisse et descripsisse Winckelmannum in

historiâ Hessicâ, II. 4. seque ex schedis Gamansianis didicisse aliam hujusmodi viam ad Visurgim, *the Weser*, processisse.

⁴ *Flumen Adranam.* Adrana, nunc *the Eder*. Comitatum *Waldek* interfluit.

⁵ *Incenso Mattio.* Mattium, nunc *Marpurg*.

⁶ *Aperta populatus.* Loca illa aperta, quæ sunt inter *Marpurg* et *Putzbach*, populatus, ad Rhenum, vertit. Cluver. German. Antiq. III. 7. p. 533. Eccardus supra laudatus, p. 283.

⁷ *Exterruit Cæcina.* Qui Luppiam, *Lippe*, secutus, ad castrum Alisonem, *Elsen*, tetendisse videtur. Eccardus, ib.

⁸ *Cohibuit.* Hæc, vere; quæ sequuntur, astute gesta sunt.

lium orantes adversùs vim popularium,¹ à quæis circumsedebatur; validiore apud eos Arminio, quandò bellum² suadebat. Nam barbaris, quanto quis audaciâ promptus, tanto magis fidus, rebusque motis potior habetur. Addiderat Segestes legatis filium, nomine Segimundum: sed juvenis conscientia cunctabatur: quippe anno, quo Germaniæ³ descivere, sacerdos apud Aram Ubiorum⁴ creatus ruperat vittas, profugus ad rebelles. Adductus tamen in spem clementiæ Romanæ, pertulit patris mandata, benignèque exceptus cum præsidio Gallicam in ripam⁵ missus est. Germanico pretium fuit,⁶ convertere agmen: pugnatumque in obsidentes, et ereptus Segestes magnâ cum propinquorum et clientium manu. Inerant fœminæ nobiles, inter quas uxor Arminii,⁷ eademque filia Segestis, mariti magis quàm parentis animo, neque victa in lacrymas, neque voce supplex, compressis intrâ⁸ sinum manibus, gravidum uterum intuens. Ferebantur et spolia Varianæ cladis, plerisque eorum, qui tum in deditionem veniebant, prædæ data. Simul Segestes ipse ingens visu, et memoriâ bonæ societatis impavidus: verba ejus in hunc modum fuere.

58. “NON HIC mihi primus erga populum Romanum
“fidei et constantiæ dies: ex quo à divo Augusto civitate
“donatus sum, anicos inimicosque ex vestris utilitatibus
“delegi: neque odio patriæ, (quippe proditores etiam iis,

¹ *Vim popularium.* Cheruscorum.

² *Quandò bellum.* Quia bellum suadebat.

³ *Anno, quo Germaniæ.* Anno superiore, quo descivere Germaniæ, inferior scilicet et superior.

⁴ *Aram Ubiorum.* Nunc Bonn, in Germaniâ inferiore. Ara illa videtur fuisse Augusto et Romæ sacra, sicut percelebris ara Lugdunensis.

⁵ *Gallicam in ripam.* Cis Rhenum; et fortè Aram Ubiorum missus. Infra cap. 59.

⁶ *Pretium fuit.* Operæ pretium fuit Germanico, qui ad Rhenum verterat, convertere agmen: pugnatumque in Cheruscos, obsidentes Segestem, qui ereptus est cum magnâ propinquorum et clientium manu.

⁷ *Uxor Arminii.* Thusnelda, uxor Arminii, Segestis filia, mariti magis, quàm patris animo similis.

⁸ *Compressis intrâ.* Qui habitus etiam nunc Germanicis matronis (videre videor) per modestiam et decorum assumptus.

“ quos anteponunt, invisī sunt) verūm quia Romanis Ger-
 “ manisque idem conducere; ¹ et pacem, quā bellum pro-
 “ babam. Ergò raptorem filiæ meæ, violatorem fœderis
 “ vestri Arminium, apud Varum, qui tum exercitui præsi-
 “ debat, reum feci: dilatus segnitîa ducis, ² quia parum præ-
 “ sidii in legibus erat, ut me, et Arminium, et consocios
 “ vinciret, flagitavi. Testis illa nox, ³ mihi utinam potiùs
 “ novissima! Quæ secuta sunt, defleri magis, quā defendi
 “ possunt: ceterū et injeci catenas Arminio, et à factione
 “ ejus injectas perpessus sum. Atque ubi primū tui co-
 “ pia, vetera novis, et quieta turbidis antehabeo: neque ob
 “ præmium, sed ut me perfidiâ exsolvam; simul genti
 “ Germanorum idoneus conciliator, si pœnitentiam quā
 “ perniciem maluerit. Pro juventâ et errore filii veniam
 “ precor: filiam necessitate huc adductam fateor: tuum
 “ erit consultare, utrū prævaleat, ⁴ quòd ex Arminio con-
 “ cepit, an quòd ex me genita est.” Cæsar, clementi re-
 sponso, liberis propinquisque ejus incolumitatem, ipsi sedem
 Vetera, ⁵ in provinciâ, pollicetur. Exercitum reduxit, no-
 menque *imperatoris* ⁶ auctore Tiberio accepit. Arminii
 uxor virilis sexûs stirpem ⁷ edidit: educatus Ravennæ ⁸

¹ *Idem conducere.* Quia Romanis Germanisque idem conducere judicavi; et pacem magis, quā bellum probabam.

² *Segnitîa ducis.* Quinctilii Vari. Velleius, II. 118. Germani in summam socordiam perduxere Quinctilium. Usque eò, ut se prætorem urbanum in foro jus dicere, non in mediis Germaniæ finibus exercitui præesse crederet.

³ *Testis illa nox.* Quæ Variam cladem præcessit. Supra cap. 55.

⁴ *Utrū prævaleat.* Uter plus juris in eam habeat, et utri parere magis debeat, patri an marito innox patri. LIPS. Immo, ut puto cum

Freinshemio: utrū veniam dare malit, quia Segestis, fidelis socii, filia, an punire, quia hostis, Arminii, uxor. ERN.

⁵ *Sedem Vetera.* Vetera castra, nunc Santen, in provinciâ inferioris Germaniæ, ipsi sedem pollicetur. Vide not. et emend. ad Ann. I. 58.

⁶ *Nomenque imperatoris.* Re confectâ, ducem suum milites imperatorem salutabant. At Germanicus, perspectâ Tiberii invidiâ, nomen illud non à militibus, sed à Tiberio accepit.

⁷ *Virilis sexûs stirpem.* Nomine Thumelicum.

⁸ *Ravennæ.* Ravenna, in Romagna.

puer, quo mox ludibrio¹ conflictatus sit, in tempore memorabo.²

59. FAMA dediti benignèque excepti Segestis vulgata, ut quibusque bellum invitis aut cupientibus erat, spe vel dolore accipitur. Arminium, super insitam violentiam, rapta uxor, subjectus servitio uxoris uterus, vecordem³ agebant: volitabatque per Cheruscos, arma in Segestem, arma in Cæsarem poscens: neque probris temperabat. “Egregium patrem!⁴ magnum imperatorem!⁵ fortem exercitum! quorum tot manus unam mulierculam avexerint. “Sibi tres legiones,⁶ totidem legatos procubuisse. Non enim se proditione, neque adversùs fœminas gravidas, sed palam adversùs armatos bellum tractare: cerni adhuc, Germanorum in lucis signa Romana, quæ Diis patriis suspenderit: coleret Segestes victam ripam;⁷ redderet filio⁸ sacerdotium: hominem Germanos⁹ numquam satis excusaturos, quòd inter Albim et Rhenum virgas, et secures, et togam viderint. Aliis gentibus, ignorantia im-

¹ *Puer, quo mox ludibrio.* Apud alios nihil reperi. Tacitus hæc narraverit, in rebus Caii aut Claudii, libris qui perierunt. LIPS. Puero nomen Thumelico, matri Thusneldæ; si modò scripturæ apud Strabonem, l. cap. confidere licet.

² *Memorabo.* Hæc annalium, aut historiæ pars iniquitate temporum periit. Thumelicum tamen, tres annos natum, in Germanici triumpho, Annal. II. 41. vectum fuisse docet Strabo, VII. p. 292. De ceteris ludibriis nihil audiui.

³ *Vecordem.* Trucem ac ferocem.

⁴ *Egregium patrem.* Segestem, Thusneldæ Arminii uxoris patrem.

⁵ *Imperatorem.* Germanicum.

⁶ *Tres legiones.* In clade Varianâ.

⁷ *Victam ripam.* Victam Galliæ Belgicæ ripam, in quâ Vetera, nunc *Santen*.

⁸ *Filio.* Segimundo. Supra cap. 57.

⁹ *Hominem Germanos.* Germanos numquam satis excusaturos hominem illum, *Segestem*, quo proditore, viderunt Albim inter et Rhenum virgas, secures et togam Romanam. Aliis gentibus ignorantia populi imperiique Romani in experta esse supplicia, inaudita tributa: quæ quandò et ipsi excuserint, irritique discesserint tum ille Augustus inter numina dicatus, tum ille Tiberius delectus Princeps, ne ergò Germanicum, imperitum adolescentulum, ne exercitum nuper seditiosum pavescerent.

“perii Romani, inexperta esse supplicia, nescia tributa :
 “quæ quandò exuerint, inritusque discesserit ille inter nu-
 “mina dicatus Augustus, ille delectus Tiberius, ne imperi-
 “tum adolescentulum, ne seditiosum exercitum pavesce-
 “rent. Si patriam, parentes, antiqua mallent, quàm do-
 “minos, et colonias novas ; Arminium potiùs gloriæ ac
 “libertatis, quàm Segestem flagitiosæ servitutis ducem se-
 “querentur.”

60. CONCITI per hæc non modò Cherusci, sed con-
 terminæ gentes : tractusque in partes Inguiomerus Arminii
 patruus veteri apud Romanos auctoritate : unde major Cæ-
 sari metus :¹ et ne bellum mole unâ ingrueret, Cæcinam
 cum quadraginta cohortibus Romanis, distrahendo hosti,
 per Bructeros² ad flumen Amisiam mittit : equitem Peditum
 præfectus, finibus Frisiorum³ ducit : ipse impositas navibus
 quatuor legiones per lacus vexit :⁴ simulque pedes, eques,
 classis, apud prædictum amnem⁵ convenere. Chauci,⁶ cùm
 auxilia pollicerentur, in commilitium adsciti sunt. Bructe-
 ros sua urentes, expeditâ cum manu L. Stertinius, missu
 Germanici fudit, interque cædem et prædam reperit unde-
 vicesimæ legionis aquilam cum Varo amissam. Ductum
 inde agmen ad ultimos Bructerorum : quantumque Amisiam
 et Luppiam⁷ amnes inter, vastatum ; haud procul Teuto-
 burgiensi saltu,⁸ in quo reliquiæ Vari legionumque inse-
 pultæ dicebantur.

¹ *Cæsari metus.* Germanico Cæ-
 sari.

² *Per Bructeros.* Nunc *Oter-
 issel and part of Westphalia.* Rhe-
 num inter ac Amisiam, *the Ems.*
 Eorum sedes postcâ invasere An-
 grivarii. Vide Spenerum, Notit.
 Germ. Antiq. iv. 3. p. 247 et seq.

³ *Frisiorum.* Supra Bructeros
 Frisii, *Friesland.* Iter Pedonis et
 Cæcinæ accuratè descripsit Alting.
 Notit. Germ. Infer. Tab. 2.

⁴ *Per lacus vexit.* Germanicus

quatuor legiones, navibus imposi-
 tas, vexit per lacus, quos omnes
 absorpsit pars illa oceani, quam
 dicimus *the Zuyder-zee.*

⁵ *Prædictum amnem.* Amisiam.

⁶ *Chauci.* Chauci minores, inter
 Amisiam et Visurgim, *the Weser,*
 positi, cùm auxilia Romanis polli-
 cerentur in commilitium adsciti.

⁷ *Amisiam et Luppiam.* Amisia,
the Ems ; Luppia, the Lippe.

⁸ *Teutoburgiensi saltu.* Teuto-
 burgiensis saltus, Varianâ clade

61. IGITUR cupido Cæsarem invadit solvendi suprema militibus, ducique; ¹ permoto ad miserationem omni, qui aderat, exercitu, ob propinquos, amicos, denique ob casus bellorum et sortem hominum. Præmisso Cæcinâ, ut occulta saltuum scrutaretur, pontesque et aggeres humido paludum et fallacibus campis imponeret, incedunt moestos locos, visuque ac memoriâ deformes. Prima Vari castra, lato ambitu, et dimensis principiis, ² trium legionum manus ostentabant: dein semiruto vallo, humili fossâ, accisæ jam reliquiæ consedissee ³ intelligebantur: medio campi albertia ossa, ut fugerant, ut restiterant, disjecta vel aggerata: adiacebant fragmina telorum, equorumque artus, simul truncis arborum antefixa ora; ⁴ lucis propinquis barbaræ aræ, apud quas tribunos, ac primorum ordinum centuriones mactaverant: et cladis ejus superstitēs pugnam aut vincula elapsi, referebant, “hîc cecidissee legatos; illic raptas aquilas; “primum ubi vulnus Varo adactum; ubi infelici dextrâ, et “suo ictu mortem invenerit; quo tribunali concionatus Arminius; quot patibula captivis, quæ scrobes; ⁵ utque signis et aquilis per superbiam inluserit.”

nobilis in Paderbornensi diœcesi prope Luppia fontem exsurgebat, ac per Lippiensem, Ravensbergensem, Osnabrugensem, Monasteriensem, et Oldenburgensem ditionem exporrigebatur. Pugnavit Varus prope oppidum *Horn* inter *Lemgow* et *Paderborn*; cladis monumenta adhuc extant *sylva Teutenberg*, et campus *Winfeldt*, id est, *Victoria*. Cluver. German. Antiq. III. 19. p. 580. Spener. Notit. Germ. Antiq. II. 3. p. 87. Lipsius, et Bucherius, in Belgio Roman. III. 1.

¹ *Ducique*. Varo.

² *Dimensis principiis*. Principia, locus erat, in quo aquilæ et signa legionum servabantur. Hîc quoque imperatoris tabernaculum: hîc forum, in quo jus dicebatur, et res

quæque gravissimæ consultabantur; hîc promulgabantur leges, Principis literæ legebantur, dabatur signum pugnae. Statius, x. 120.

Ventum ad concilii penetrale, domumque verendam Signorum.

Porro cognitis ac dimensis illis principiis, trium legionum manus, id est, castra ac spatia ostentabant. Infra de mor. Germ. XXXVII. *Mentiaris molem manusque gentis.*

³ *Consedissee*. Altero pugnae die castra secunda tentasse intelligebantur.

⁴ *Antefixa ora*. Ad terrorem et victoriae memoriam capita Romanorum truncis arborum antefixa.

⁵ *Quæ scrobes*. Scrobes fossæ erant, in quibus damnati capite plectebantur; mortui terrâ obruebantur. Infra Ann. xv. 67.

62. IGITUR Romanus, qui aderat, exercitus, sextum post cladis annum, trium legionum ossa, nullo noscente alienas reliquias an suorum humo tegeret, omnes ut conjunctos, ut consanguineos, auctâ in hostem irâ, mœsti simul et infensi condebant. Primum exstruendo tumulo cespitem Cæsar posuit, gratissimo munere in defunctos, et præsentiibus doloris socius. Quod Tiberio haud probatum; seu cuncta Germanici in deterius trahenti; sive exercitum imagine cæsororum insepulcorumque tardatum ad prælia, et formidolosiores hostium credebat: “neque imperatorem auguratu”¹ “et vetustissimis cærimoniis præditum, adtrectare feralia”² “debuisset.”

63. SED GERMANICUS cedentem in avia Arminium secutus, ubi primùm copia fuit, evêhi equites, campumque, quem hostis insederat, eripi jubet. Arminius colligi suos, et propinquare sylvis monitos, vertit repentè: mox signum prorumpendi dedit iis, quos per saltus occultaverat. Tunc novâ acie turbatus eques, missæque subsidiariæ cohortes, et fugientium agmine impulsæ, auxerant consternationem: trudebanturque in paludem gnaram vincentibus, iniquam nesciis, ni Cæsar productas legiones instruxisset: inde hostibus terror, fiducia militi: et manibus æquis abscessum. Mox reducto ad Amisiam exercitu, legiones classe, ut advexerat, reportat. Pars equitum littore Oceani petere Rhenum jussa. Cæcina, qui suum militem ducebat, monitus, quamquam notis itineribus³ regrederetur, Pontes longos⁴ quàm maturrimè superare. Angustus is trames, vastas in-

¹ *Auguratu.* Augur erat Germanicus, et vetustissimis flaminum cærimoniis præditus. Infra Ann. II. 83.

² *Adtrectare feralia.* Non augures solùm, sed Pontifices, et, opinor, omnes sacerdotes, arcebantur à funestis. Apparet ex facto Augusti et Tiberii, qui, velo interposito, mortuos laudârunt.

³ *Notis itineribus.* Per Bructeros. Supra cap. 60.

⁴ *Pontes longos.* Pontes illos, seu aggeres, à fluvio Salâ vastas inter paludes per *Lanktoorde*, *Lichtvoorde*, *Amssen* et *Koervoorde*, à L. Domitio, Neronis Principis avo, ductos fuisse docet Alting, Notit. Germ. infer. Tab. 2. et p. 53.

ter paludes, et quondam à L. Domitio aggeratus: cetera limosa, tenacia gravi cœno, aut rivis incerta erant: circum sylvæ paulatim adclives; quas tum Arminius implevit, compendiis viarum, et cito agmine, onustum sarcinis armisque militem cùm antevenisset. Cæcinæ, dubitanti quonam modo ruptos vetustate pontes reponeret, simulque propulsaret hostem, castrametari in loco placuit; ut opus,¹ et alii prælium inciperent.

64. BARBARI perfringere stationes, seque inferre munitoribus nisi,² lacessunt, circumgrediuntur, occursant: miscetur operantium bellantiumque clamor: et cuncta pariter Romanis adversa; locus uligine profundâ, idem ad gradum instabilis, procedentibus lubricus; corpora gravia loricis, neque librare pila inter undas poterant. Contra Cheruscis sueta apud paludes prælia, procera membra, hastæ ingentes ad vulnera facienda, quamvis procul: nox demum inclinantibus tum legiones adversæ pugnæ exemit. Germani ob prospera indefessi, ne tum quidem sumtâ quiete, quantum aquarum circumsurgentibus jugis oritur, vertere in subjecta: mersâque humo, et obruto quod effectum operis, duplicatus militi labor. Quadagesimum id stipendium Cæcina parendi, aut imperitandi habebat: secundarum ambiguarumque rerum sciens, eoque interritus. Igitur futura volvens, non aliud reperit, quàm ut hostem³ sylvis coaceret, donec saucii, quantumque gravioris agminis, anteirent: nam medio montium et paludum porrigebatur planicies, quæ tenuem aciem pateretur. Deliguntur legiones, quinta dextro lateri;⁴

¹ *Ut opus.* Ut alii pontes reponerent, alii prælium inciperent. Alii quoque omisere, Cæsar de bello Gall. I. 8. Liv. III. 37.

² *Inferre munitoribus nisi.* Se inferre munitoribus enisi.

³ *Quàm ut hostem.* Non aliud reperit, quàm ut hostem sylvis coaceret, donec Romani, superiore prælio saucii, et quidquid erat gra-

vioris agminis, ut impedimenta, commeatus, aliaque id genus, anteirent.

⁴ *Quinta dextro lateri.* Hunc legionum ordinem prope *Amsen* imaginari haud difficile. Ad occidentem legio prima, *the van guard*; ad orientem legio vicesima, *the rear guard*; inter utramque mediæ, versùs septentrionem legio

unaetvicesima in lævum; primani ducendum ad agmen; vicesimanus adversum secuturos.

65. Nox per diversa inquires: cùm barbari festis epulis, læto cantu, aut truci sonore subjecta vallium ac resultantes saltus complerent; apud Romanos invalidi ignes, interruptæ voces,¹ atque ipsi passim adjacerent vallo, oberrarent tentoriis, insomnes magis quàm pervigiles. Ducemque terruit dira quies: nam Quinctilium Varum sanguine oblitum, et paludibus emersum, cernere et audire visus est, velut vocantem, non tamen obsecutus, et manum intendentis repulisse. Cœptâ luce, missæ in latera legiones metu, an contumaciâ, locum deseruere: capto properè campo, humentia ultra. Neque tamen Arminius, quamquam libero incursu, statim prorupit: sed ut hæserè cœno fossisque impedimenta, turbati circum milites, incertus signorum ordo, utque tali in tempore sibi quisque properus, et lentæ adversum imperia aures, irrumpere Germanos jubet, clamitans, “En Varus, “et eodem iterum fato victæ legiones!” Simul hæc: et cum delectis scindit agmen, equisque maximè vulnera ingerit: illi sanguine suo, et lubrico paludum lapsantes, excussis rectoribus disjicere obvios, proterere jacentes: plurimus circa aquilas labor, quæ neque adversum ferri² ingruentia tela, neque figi limosâ humo poterant. Cæcina dum sustentat aciem, suffosso equo delapsus circumveniebatur, ni prima legio sese opposuisset: juvit hostium aviditas, omissâ cæde, prædam sectantium; enisæque legiones, vesperascente die, in aperta et solida: neque is miseriarum finis: struendum vallum, petendus agger: amissa³ magnâ ex parte, per quæ egeritur humus, aut exciditur cespes: non tentoria manipulis, non fomenta sauciis: infectos cœno

quinta, versum meridiem legio unaetvicesima, *the main body.*

¹ *Interruptæ voces.* Vide Xenoph. Anab. III. 1. 3. Hom. II. K. 11.

² *Adversum ferri.* Quæ neque ferri adversum ingruentia tela, neque figi limosâ humo poterant.

³ *Amissa.* Amissa erant magnâ ex parte instrumenta, per quæ egeritur humus, aut exciditur cespes.

aut cruore cibos dividentes, funestas tenebras, et tot hominum millibus unum jam reliquum diem lamentabantur.

66. FORTE equus abruptis vinculis vagus, et clamore territus, quosdam occurrentium obturbavit: tanta inde consternatio inrupisse Germanos credentium, ut cuncti ruerent ad portas; quarum Decumana¹ maximè petebatur, aversa hosti, et fugientibus tutior. Cæcina, comperto vanam esse formidinem, cùm tamen neque auctoritate, neque precibus, ne manu quidem obsistere, aut retinere militem quiret; projectus in limine portæ, miseratione demum, quia per corpus legati eundum erat, clausit viam: simul tribuni et centuriones falsum pavorem docuerunt.

67. TUNC CONTRACTOS in principia,² jussosque dicta cum silentio accipere, temporis ac necessitatis monet. “Unam in armis salutem, sed ea consilio temperanda: “manendumque intrà vallum, donec expugnandi hostes³ “spe propiùs succederent: mox undique erumpendum: “illâ eruptione ad Rhenum perveniri: quòd si fugerent, “plures sylvas, profundas magis paludes, sævitiam hostium “superesse: at victoribus decus, gloriam: quæ domi cara,⁴ “quæ in castris honesta,” memorat: reticuit de adversis. Equos dehinc, orsus à suis, legatorum tribunorumque, nullâ ambitione, fortissimo cuique bellatori tradit, ut hi,⁵ mox pedes, in hostem invaderent.

¹ *Decumana.* In Romanorum castris quatuor erant portæ, quarum præcipuæ Prætoria et Decumana. Prætoria vulgò orienti, semper hosti obversa. Decumana, Prætoriæ et hosti aversa, ac proinde fugientibus tutior. Per illam delinquentes milites ad pœnam deducebantur. Veget. i. 23.

² *In principia.* De principiis dictum supra cap. 61.

³ *Expugnandi hostes.* Donec

hostes, expugnandi spe, propiùs succederent.

⁴ *Quæ domi cara.* Si fugerent, plures sylvas, profundas magis paludes, sævitiam, seu vim impetumque hostium; at victoribus, decus ac gloriam superesse. Parentes, amicos, ceteraque, quæ domi cara sunt; munera et dona militaria, quæ in castris honesta, memorat.

⁵ *Ut hi.* Ut hi primùm, deinde pedites, in hostem invaderent.

68. HAUD MINUS inquit Germanus, spe, cupidine, et diversis ducum sententiis agebat: Arminio, "sinerent egredi, egressosque rursum per humida et impedita circumvenirent," suadente: atrociora Inguiomero, et læta barbaris, ut vallum armis ambirent: promptam expugnationem, plures captivos, incorruptam prædam fore." Igitur ortâ die, proruunt fossas, injiciunt crates, summa valli prensant, raro super¹ milite et quasi ob metum defixo. Postquàm hædere munimentis, datur cohortibus signum, cornuaque ac tubæ concinuere: exin clamore et impetu tergis Germanorum circumfunduntur, exprobrantes, "non hîc sylvas, nec paludes, sed æquis locis æquos deos." Hosti, facile excidium, et paucos et semermos cogitanti, sonus tubarum, fulgor armorum, quanto inopina, tanto majora offunduntur: cadebantque, ut rebus secundis avidi, ita adversis incauti. Arminius integer, Inguiomerus post grave vulnus, pugnam deseruere: vulgus trucidatum est, donec ira et dies permansit. Nocte demum reversæ legiones, quamvis plus vulnere,² eadem ciborum egestas fatigaret, vim, sanitatem, copias, cuncta in victoriâ habuere.³

69. PERVASERAT interim "circumventi exercitûs" fama, et "infesto Germanorum agmine Gallias peti:" ac ni Agrippina impositum Rheno⁴ pontem solvi prohibuisset, erant qui id flagitium formidine auderent: sed fœmina ingens animi, munia ducis per eos dies induit, militibusque ut quis inops, aut saucius, vestem et fomenta⁵ dilargita est.

¹ *Raro super.* Raro super vallum milite.

² *Plus vulnere.* Accepta enim erant nova vulnera. Legiones Vetera castra, nunc *Santen*, reversæ sunt.

³ *Cuncta in victoriâ habuere.* Sensus: quamvis tot adversa premerent, tamen gaudio partæ victoriæ libenter tolerasse, eamque instar vis, sanitatis, copiarum habuisse.

⁴ *Impositum Rheno.* Apud Vetera castra. Nec audiendus Lipsius, qui existimat pontem illum apud Treveros fuisse, et eundem esse, de quo agit Strabo, iv. p. 194.

⁵ *Et fomenta.* Nempe vulneribus. Solent enim hoc Imperatores conciliandis militibus; fecitque Trajanus. Vide Suidam in *λαμπρόδιον*, et me in Plinii Panegyri. cap. 13. LITÆ.

Tradit C. Plinius,¹ Germanicorum bellorum scriptor, stetit apud principium pontis, laudes et grates reversis legionibus habentem. Id Tiberii animum altius penetravit. “Non enim simplices² eas curas: nec adversus externos militem quæri: nihil relictum imperatoribus, ubi foemina manipulos intervisat, signa adeat, largitionem tentet, tamquam parùm ambitiosè filium ducis³ gregali habitu circumferat, *Cæsaremque Caligulam* appellari velit. Potior rem jam apud exercitus Agrippinam, quàm legatos, quàm duces: compressam à muliere seditionem,⁴ cui nomen Principis obsistere non quiverit.” Accendebat hæc, onerabatque Sejanus, peritiâ morum Tiberii, odia in longum jaciens,⁵ quæ reconderet, auctaque promeret.

70. AT GERMANICUS legionum,⁶ quas navibus vexerat, secundam et quartamdecimam itinere terrestri P. Vitellio⁷ ducendas tradit, quo levior classis vadoso mari⁸ innaret, vel reciproco sideret. Vitellius primum iter siccâ humo, aut modicè adlabente æstu, quietum habuit. Mox impulsu aquilonis,⁹ simul sidere æquinocitii,¹⁰ quo maximè tumescit Oceanus, rapi agique agmen: et opplebantur terræ: eadem

¹ C. Plinius. Eruditissimus historiæ naturalis scriptor, *bella omnia, quæ unquam cum Germanis gesta sunt, viginti voluminibus comprehenderat*. Suet. de viris illustribus.

² Non enim simplices. Non enim simplices esse ac sinceras curas illas, sed fucatas; nec quæri militem adversus externos hostes, sed adversus patriam et Principem.

³ Filium ducis. C. Caligulam. De gregali ejus habitu dictum supra cap. 41.

⁴ Seditionem. Seditionem inferioris exercitus, nunc victoris. Supra cap. 40.

⁵ Odia in longum jaciens. Id est, odii materiam præparans, et semina

invidiæ spargens in animum Tiberii, quæ longo tempore post se exsereret. Sequentia, *quæ reconderet* &c. de Tiberio intelligenda sunt, et explicant in longum.

⁶ Legionum. Superioris exercitus.

⁷ P. Vitellio. Vitellii imperatoris patruo. Sueton. in Vitell. 11. Vide stemma Vitelliorum inter not. et emend. Hist. 1. 9.

⁸ Vadoso mari. Mare illud vadosum inter insulas *Borkum* et *Schelling*.

⁹ Impulsu aquilonis. Propriè Cori, North-west. Alting. Notit. Germ. inf. p. 4.

¹⁰ Æquinocitii. Autumnalis.

freto, littori, campis facies : neque discerni poterant incerta ab solidis, brevia à profundis. Sternuntur fluctibus, hauriuntur gurgitibus : jumenta, sarcinae, corpora exanima, interfluunt, occursant : permiscentur inter se manipuli, modò pectore, modò ore tenus extantes, aliquandò subtracto solo disjecti aut obruti : non vox, et mutui hortatus juvabant, adversante undâ : nihil strenuus ab ignavo, sapiens ab imprudenti, consilia à casu differre : cuncta pari violentiâ involvebantur. Tandem Vitellius in editiora¹ enisus, eodem agmen subduxit : pernoctavere sine utensilibus, sine igni, magna pars nudo aut mulcato corpore, haud minùs miserabiles, quàm quos hostis circumsidet : quippe illis etiam honestæ mortis usus, his inglorium exitium : lux reddidit terram ; penetratumque ad amnem Unsingin,² quò Cæsar classe contenderat : impositæ deinde legiones, vagante famâ³ submersas ; nec fides salutis, antequàm Cæsarem exercitumque reducem vidêre.

71. JAM STERTINIUS ad accipiendum in deditionem Segimerum fratrem Segestis præmissus, ipsum et filium ejus⁴ in civitatem Ubiorum⁵ perduxerat : data utrique venia, facilè Segimero, cunctantiùs filio ; quia Quinctilii Vari corpus inclusisse dicebatur. Ceterùm ad supplenda exercitûs damna certavere Galliæ, Hispaniæ, Italia ; quod cuique promptum, arma, equos, aurum offerentes : quorum laudato studio Germanicus, armis modò et equis ad bellum sumtis, propriâ pecuniâ militem juvit. Utque cladis memoriam etiam comitate leniret, circumire saucios ; facta singulorum extollere ; vulnera intuens, alium spe, alium gloriâ, cunctos alloquio et curâ, sibi et prælio firmabat.

¹ In editiora. Edita hæc loca adhuc videntur in ripâ dextrâ amnis Unsingis.

² Ad amnem Unsingin. Unsingis, nunc Hunse, vel Hunsing, cui adjacet urbs Groningen. Vide not. et emend. ad Ann. 1. 70.

³ Vagante famâ. In inferiore Germaniâ.

⁴ Filium ejus. Sesitachum. Vide ejus stem. supra cap. 55.

⁵ Civitatem Ubiorum. Et, ut videtur, Aram Ubiorum, Bonn.

72. DECRETA eo anno triumphalia insignia¹ A. Cæcinæ, L. Apronio, C. Silio, ob res cum Germanico gestas. Nomen *patris patriæ* Tiberius à populo sæpiùs ingestum, repudiavit: neque in acta sua jurari, quamquam censente senatu, permisit: “cuncta mortalium incerta, quantoque “plus adeptus foret, tanto se magis in lubrico” dictans. Non tamen ideo faciebat fidem civilis animi: nam legem majestatis reduxerat, cui nomen apud veteres idem, sed alia in iudicium veniebant; si quis proditione exercitum, aut plebem seditionibus, denique malè gestâ republicâ majestatem populi Romani minuisset: facta arguebantur, dicta impunè erant. Primus Augustus cognitionem de famosis libellis specie legis ejus² tractavit, commotus Cassii Severi libidine, quâ viros fœminasque inlustres procacibus scriptis diffamaverat: mox Tiberius, consultante Pompeio Macro prætore, “an iudicia majestatis redderentur?” “exercendas leges esse” respondit. Hunc quoque asperavere carmina, incertis auctoribus³ vulgata in sævitiam superbiamque ejus, et discordem cum matre animum.

73. HAUD PIGEBIT referre, in Falanio et Rubrio, modicis equitibus Romanis, prætentata crimina; ut, quibus initiis, quantâ Tiberii arte, gravissimum exitium irrepserit, dein repressum sit,⁴ postremò arserit, cunctaque corripuerit, noscatur. Falanio objiciebat accusator, “quòd inter “cultores Augusti, qui per omnes domos in modum collegiorum habebantur, Cassium quemdam mimum cor-

¹ *Triumphalia insignia.* De his ornamentis dicitur inf. Vit. Agr. XL.

² *Specie legis ejus.* Jam olim XII Tabulis prohibiti libelli famosi. At eorum cognitionem specie legis majestatis Augustus primus tractavit. Dio, LVI. p. 587. Hor. II. Ep. I. 152.

Quin etiam lex, Pœnaque lata, malo quæ nolle carmine quemquam Describi:

De Cass. Severo plura, Ann. IV. 21.

³ *Carmina, incertis auctoribus.* Intelligit ea ipsa carmina, quæ extant Sueton. cap. 59. LIPS.

⁴ *Dein repressum sit.* Irrepsit sub Tiberio, repressum à Tito, Suet. in Tit. VIII. Exarsit et cuncta corripuit sub Domitiano, Suet. in Domit. X et XI.

“pore infamem adscivisset: quòdque venditis hortis, statuam tuam Augusti simul mancipasset.” Rubrio crimini dabatur, “violatum perjurio¹ nomen Augusti.” Quæ ubi Tiberio notuere, scripsit consulibus; “Non ideo decretum patri suo cœlum, ut in perniciem civium is honor verteretur. Cassium histrionem solitum inter alios ejusdem artis interesse ludis, quos mater sua² in memoriam Augusti sacrasset. Nec contra religiones fieri, quòd effigies ejus, ut alia numinum simulacra, venditionibus hortorum et domuum accedant. Jusjurandum perinde æstimandum, quàm si Jovem fefellisset: Deorum injurias Diis curæ.”³

74. NEC MULTO pòst Granium Marcellum, Prætorem Bithyniæ, quæstor ipsius Cæpio Crispinus majestatis postulavit, subscribente⁴ Romano Hispone: qui formam vitæ iniit, quam postea celebrem miseriæ temporum, et audaciæ hominum fecerunt: nam egens, ignotus, inquires, dum occultis libellis sævitiae principis adrepi⁵, mox clarissimo cuique periculum facessit, potentiam apud unum, odium apud omnes adeptus, dedit exemplum, quod secuti, ex pauperibus divites, ex contemptis metuendi, perniciem aliis, ac postremum sibi invenere. Sed Marcellum insimulabat, “sinistros de Tiberio sermones habuisse:” inevitabile crimen, cum ex moribus Principis fœdissima quæque deligeret accusator,

¹ *Violatum perjurio.* Vulgatum, ut sanctissimum jusjurandum esset per nomen et numen Augusti. Horatius id accidisse testatur, eo etiam vivo, Ep. 11. l. 15. Sapiens ille Claudius, *jusjurandum neque sanctius sibi neque crebrius instituit, quam per Augustum.*

² *Quos mater sua.* Peculiares illos ludos à Liviâ institutos, et postea ab imperatoribus celebratos memorat Dio, lvi. p. 600.

³ *Diis curæ.* Suas quidem in-

jurias ulciscitur Deus. Ne tamen omnes impunitas sinant Principes: sed gravissimas quasque, religioni et imperio perniciosas, ulciscantur, ut populis, ut sibi consulant.

⁴ *Subscribente.* De his accusationum subscriptoribus vide Sigonium de Judiciis, 11. 10.

⁵ *Sævitiae principis adrepi.* Id est, sævitiae materiam subministrando gratiam ejus colligit; quæ mox dicitur *potentia*, ut saepe 3. 50. *muliercularum animis adrepi.* Eux,

objectaretque reo : nam quia vera erant, etiam dicta credebantur. Addidit Hispo, “statuam Marcelli altiùs, quàm Cæsarum sitam : et aliâ in statuâ, amputato capite¹ Augusti, effigiem Tiberii inditam :” ad quod exarsit adeò, ut ruptâ taciturnitate proclamaret, “se quoque in eâ causâ laturum sententiam palam et juratum,”² quo ceteris eadem necessitas fieret. Manebant etiam tum vestigia morientis libertatis. Igitur Cn. Piso, “Quo,” inquit, “loco censebis, Cæsar ? si primus, habebō quod sequar : si post omnes, vereor ne imprudens dissentiam :” permotus his, quantoque incautiùs efferbuerat, pœnitentiâ patiens,³ tulit absolvi reum criminibus majestatis : de pecuniis repetundis, ad recipiatores⁴ itum est.

75. NEC PATRUM cognitionibus satiatus, judiciis adsidebat in cornu tribunalis, ne prætorem curuli depelleret : multaque eo coram, adversùs ambitum et potentium preces constituta : sed dum veritati consulitur, libertas corrumpabatur.⁵ Inter quæ Pius Aurelius, senator, questus “mole publicæ viæ,⁶ ductuque aquarum, labefactas ædes

¹ *Amputato capite.* Statuarnm capita aliquandò permutabant Romani, teste Plinio, xxxv. 2. Sed hæc, aliaque plurima crimini vertebantur, Principe Tiberio. Suet. in Tib. lviii.

² *Et juratum.* In gravibus judiciis jurare soliti erant iudices. Inde Plin. xxxiii. 34. *Vir optimus semel à condito arvo judicatus est Scipio Nasica à jurato senatu.*

³ *Pœnitentiâ patiens.* Et patiens pœnitentiâ, quod incautiùs efferbuerat. Vide not. et emend. ad cap. 74.

⁴ *Ad recipiatores.* Recuperatores, iudices erant, qui de rebus privatis recipiendis reddendisque cognoscebant, ita ut quisque suum recuperaret. Sigonius de Judiciis, i. 22.

⁵ *Libertas corrumpabatur.* Veritati quidem Tiberius consulebat præsentîâ, sed libertatem corrumpabat majestate et reverentiâ. Putidè Velleius, ii. 129. *Cum quantâ gravitate, ut senator et judex, non ut Princeps et causas pressius audit!*

⁶ *Mole publicæ viæ.* Ab ingentibus illis silicibus, quibus tum viæ omnes publicæ sternerentur, istam molem fuisse putat Muretus. Alii per reparationem atque aggerationem viæ domum istam labefactam putant. Freinshemio aliter visum, ob locum Plinii, xxxvi. 2. ubi de columnis marmoreis in atrio Scauri collocatis. *Satisfieri sibi damni infecti egit redemptor cloacarum, cum in palatium extraherentur.*

“suas,” auxilium patrum invocabat: resistentibus ærarii prætoribus, subvenit Cæsar, pretiumque ædium Aurelio tribuit, erogandæ per honesta pecuniæ cupiens: quam virtutem diu retinuit, cùm ceteras exueret. Propertio Celeri prætorio, veniam ordinis ob paupertatem petenti, decies sestertiûm¹ largitus est, satis comperto, paternas ei angustias esse: tentantes eadem alios, probare causam senatui jussit; cupidine severitatis, in his etiam, quæ ritè faceret, acerbus: unde ceteri silentium et paupertatem confessioni et beneficio præposuere.

76. EODEM anno continuis imbribus auctus Tiberis, plana urbis stagnaverat: relabentem secuta est ædificiorum et hominum strages. Igitur censuit Asinius Gallus, “ut libri Sibyllini² adirentur:” renuit Tiberius, perinde divina humanaque obtegens: sed remedium coercendi fluminis Ateio Capitoni, et L. Arruntio mandatum. Achaiam ac Macedoniam onera deprecantes, levare in præsens proconsulari imperio,³ tradique Cæsari placuit. Edendis gladiatoribus, quos Germanici fratris⁴ ac suo nomine obtulerat, Drusus præsedet, quamquam vili sanguine nimis gaudens: quod vulgus formidolosum,⁵ et pater arguisse dicebatur: cur abstinerit spectaculo ipse, variè trahebant; alii tædio cœtûs, quidam tristitiâ ingenii,⁶ et metu comparationis, quia Augustus comiter interfuisset. Non cre-

¹ *Decies sestertiûm.* Decies centena millia sestertiûm, *Angl.* 8333l. 6s. 8d.

² *Libri Sibyllini.* In novis aut afflictis rebus Sibyllini libri consulebantur, et vulgò calamitates portendebant, quod oraculis familiare. Vide Plinium, xvii. 25. et Onuphr. Panvinium, *De libris Sibyllinis.*

³ *Proconsulari imperio.* Ita ut non jam à populo administrarentur, sed Cæsaris essent. Vide not. et emend.

⁴ *Germanici fratris.* Adoptione. In Sardoniorum nummis apud Harduinum Select. Opera, p. 149. ΔΡΟΥΣΟΣ ΚΑΙΣΑΡ ΓΕΡΜΑΝΙΚΟΣ ΚΑΙΣΑΡ ΑΔΕΛΦΟΙ. Drusus Cæsar, Germanicus Cæsar, fratres.

⁵ *Quod vulgus formidolosum.* Quod populo formidinem injiciebat. Vide not. et emend. ad Ann. i. 76.

⁶ *Tristitiâ ingenii.* Plinius, xxviii. 2. Sect. 5. *Cur sternu- mentis salutamus?* Quòd etiam

diderim ad ostentandam sævitiam,¹ movendasque populi offensiones, concessam filio materiem: quamquam id quoque dictum est.

77. AT THEATRI licentia proximo priore anno² cœpta, gravius tum erupit, occisis non modò è plebe, sed militibus et centurione,³ vulnerato tribuno prætoriae cohortis, dum probra in magistratus et dissensionem vulgi prohibent. Actum de eâ seditione apud patres, dicebanturque sententiæ, “ut prætoribus jus virgarum in histriones esset:” intercessit Haterius Agrippa tribunus plebei, increpitusque est Asinii Galli oratione, silente Tiberio, qui ea simulacra libertatis senatui præbebat: valuit tamen intercessio, quia divus Augustus “immunes verberum histriones” quondam responderat,⁴ neque fas Tiberio infringere dicta ejus. De modo lucaris,⁵ et adversus lasciviam fautorum, multa decernuntur; ex quæis maximè insignia: “Ne domos “Pantomimorum⁶ senator introiret: ne egredientes in “publicum, equites Romani cingerent: aut alibi, quàm “in theatro, spectarentur: et spectantium immodestiam “exilio multandi potestas prætoribus fieret.”

78. TEMPLUM⁷ ut in coloniâ Tarraconensi strueretur Augusto, petentibus Hispanis permissum; datumque in

Tiberium Cæsarem, tristissimum, ut constat, hominum, in vehiculo exegisse tradunt.

¹ *Ostentandam sævitiam.* Drusi, filii sui.

² *Proximo priore anno.* Ut dictum supra cap. 54. Vide Misc. Obs. IX. 295. Ante biennium puto, anno, qui proximo prior fuit.

³ *Militibus et centurione.* Qui ludis adsidebant, ut turbas et rixas comprimerent.

⁴ *Responderat.* Quàm facilis fuerit histrionibus, quomodò cum

illis egerit Augustus fusè explicat Suet. in Aug. XLV.

⁵ *De modo lucaris.* Lucar dicebatur pecunia, quæ in spectacula erogabatur. Vide not. et emend. ad Ann. I. 77.

⁶ *Ne domos Pantomimorum.* Magnum studium, ut video, Romanorum in has nugas hominum, immo furor. Vestibula eorum, quasi principum, frequentabantur: adhærebant egressibus, non vulgus modò, sed Eques Senatusque. Plinius, XXI. 1.

⁷ *Templum.* Templum illud

omnes provincias exemplum. Centesimam¹ rerum venalium post bella civilia institutam deprecante populo, edixit Tiberius “ militare ærarium eo subsidio niti: simul im-
 “ parem oneri² rempublicam, nisi vicesimo militiæ anno
 “ veterani dimitterentur:” ita proximæ seditionis malè consulta, quibus sexdecim stipendiorum finem expresserant,³ abolita in posterum.

79. Actum deinde in senatu ab Arruntio et Ateio, an ob moderandas Tiberis exundationes verterentur flumina et lacus, per quos augescit. Auditæque municipiorum et coloniarum legationes, orantibus Florentinis, “ ne Clanis⁴
 “ solito alveo demotus in amnem Arnum⁵ transferretur,
 “ idque ipsis perniciem adferret.” Congruentia his Interamnates⁶ disseruere: “ pessum ituros fœcundissimos
 “ Italiæ campos, si amnis Nar”⁷ (id enim parabatur) “ in

exhibent nummi plurimi Tarracensis. In anticâ parte, DEO AVGVSTO, Augustus sedet, capite radiato, sinistrâ hastæ innixus, dexterâ victoriam tenens. In posticâ parte, templum, AETERNITATIS AVGVSTAE CVTT. Id est, *Colonia Victrix Togata Tarraco*. Plura vide apud Cl. V. Florez, *Medallas de Espana*. Tabla XLIV. p. 583 et seq. Exemplum illud provincias omnes pervasit. Inde tot templa Augusto erecta. Tarraco, olim citerioris Hispaniæ caput, nunc *Tarragon*, in CATALONIÀ.

¹ *Centesimam*. Nec tantum centesima venalium, sed vicesima etiam hereditatum et legatorum, quæ à maximè propinquis et pauperibus non relinquerentur, ærario militari ab Augusto contributa. Dio, LV. p. 565.

² *Imparem oneri*. Ob præmia tanto plura, quanto brevius militiæ tempus, veteranis danda.

Nec immeritò hæc queritur Tiberius. Cum enim, exactis militiæ annis, darentur singulis militibus XII. HS, ut dictum est supra cap. 17. si annus sextus decimus, non verò vicesimus, esset stipendiorum finis, tunc intrâ annos octoginta pro solâ legionariorum missione solito majorem XVIII. HS, *Angl.* 1500l. impensam faciebat respublica: tanto oneri certè impar.

³ *Expresserant*. Ut dictum supra cap. 36.

⁴ *Clanis*. Clanis, nunc *Chiana*, in Tiberim defluit.

⁵ *Arnum*. Arnus, nunc *Arno*. *Florentini præfluenti Arno apposti*. Plin. III. 5.

⁶ *Interamnates*. Plin. III. 14. *Interamnates cognomine Nartes*. Quorum caput Interamna, nunc *Terni*, in Umbriâ. Civein suum fuisse Tacitum gloriantur, ut dictum est in Præfatione.

⁷ *Amnis Nar*. Amnis Umbriæ. Nunc dicitur *Nera*.

“ rivos diductus, superstagnavisset.” Nec Reatini¹ silebant, Velinum lacum,² quâ in Narem effunditur, obstrui recusantes; “ quippe in adjacentia erupturum: optimè rebus mortalium consuluisse naturam, quæ sua ora fluminibus, suos cursus, utque originem ita fines dederit: spectandas etiam religiones sociorum, qui sacra, et lucos,³ et aras patriis amnibus⁴ dicaverint: quin ipsum Tiberim nolle, prorsus accolis fluviis orbatum, minore gloriâ fluere.” Seu preces coloniarum, seu difficultas operum, sive superstitio valuit, ut in sententiam Pisonis concederetur, qui nil mutandum censuerat.

80. PROROGATUR Poppæo Sabino provincia Mœsia, additis Achaiâ et Macedoniâ.⁵ Id quoque morum Tiberii fuit, continuare imperia, ac plerosque ad finem vitæ in iisdem exercitiis, aut jurisdictionibus⁶ habere. Causæ variæ traduntur: alii “ tædio novæ curæ, semel placita pro æternis servavisse:” quidam “ invidiâ, ne plures fruerentur:” sunt qui existiment, “ ut callidum ejus ingenium, ita anxium judicium:”⁷ neque enim eminentes virtutes sectabatur, et rursum vitia oderat: ex optimis, periculum sibi; à pessimis, dedecus publicum metuebat: quâ hæsitazione postremò eò proventus est, ut mandaverit quibusdam provincias, quos egredi urbe non erat passurus.

¹ *Reatini*. Reatinorum urbs princeps Reate, nunc *Rieti*, in Umbriâ.

² *Velinum lacum*. Lacus ille nunc appellatur *Lago di pié di Lugo*, in Umbriâ.

³ *Sacra, et lucos*. Nam fluvii priscis inter Deos: et res notior, quàm ut exemplis firmetur. LIPS.

⁴ *Patriis amnibus*. Loquitur de fluviis, ut de Diis, unde etiam mox *accolas Tiberis* vocat. *Annes patrii* sunt, à majoribus culti, quorum cultus à majoribus traditus

est. ERN.

⁵ *Achaiâ et Macedoniâ*. Quas Cæsari attributas vidimus supra cap. 76. Postea populo redditæ, ut dicitur in notis et emend. ad Annal. i. 80. et in suppl. Annal. x. 7.

⁶ *Aut jurisdictionibus*. Ceterisque potestatibus, quæ jus dicebant in provinciis. Erant in urbe magistratus, in provinciis potestates. Suet. in Claud. XXIII.

⁷ *Anxium judicium*. Quod verius puto.

81. DE COMITIIS consularibus,¹ quæ tum primùm illo principe, ac deinceps fuere, vix quidquam firmare ausim; adeò diversa, non modò apud auctores, sed in ipsius orationibus reperiuntur. Modò, subtractis² candidatorum nominibus, originem cujusque, et vitam, et stipendia descripsit, ut qui forent intelligeretur: aliquandò, eâ quoque significatione subtractâ,³ candidatos hortatus, ne ambitu comitia turbarent, suam ad id curam pollicitus est: plerumque, “eos tantùm apud se professos” disseruit, “quorum nomina consulibus edidisset; posse et alios profiteri, si gratiæ, aut meritis confiderent:” speciosa verbis, re inania, aut subdola: quantoque majore libertatis imagine tegebantur, tanto eruptura ad infensus servitium.

¹ *Comitiis consularibus.* De comitiis, quæ sub Tiberii principatu primùm hoc anno, ac deinceps fuere, ut crearentur consules, vix quidquam affirmare ausim.

² *Modò, subtractis.* Reticendo candidatorum nomina.

³ *Significatione subtractâ.* Hæc quoque significatione aliquandò suppressâ et omissâ, candidatos hortabatur, ne ambitu comitia turbarent, se id curaturum pollicitus. Plerumque dixit eos tan-

tùm, quorum nomina consulibus indicâset, apud ipsum professos se esse candidatos; posse, et alios profiteri, si vel gratiæ, ob majorum amicorumque memoriam, vel meritis, ob beneficia in patriam collata, confiderent. Speciosa quidem verba, sed inania. Comitiis enim ita dominabitur, ut per simulationem tantùm ea habere videretur. De his plura Dio, LVIII. p. 634.

B R E V I A R I U M

LIBRI SECUNDI.

1. **M**OTUS aliqui in Oriente. 3. Vonones, Parthorum rex, solio ab Artabano pulsus, et ad Armenios profugus, ab his in regnum accipitur: quo mox demovetur ob metum et Artabani minas. 5. Tiberius specie moti Orientis, Germanicum à Germanicis legionibus abstrahit. Paret ille, sed lentè. Germaniam enim ingreditur. Cheruscos et Arminium magno prælio vincit. Mox adversa maris expertus, quæ prosperâ in Marsos expeditione pensavit. 27. Libo Drusus rerum novarum accusatus. Spretæ M. Hortali preces. 39. Clemens, ementito Postumi Agrippæ nomine, turbat. Sallustii Crispi artibus capitur, et Romam perducitur. 41. Germanicus de Cattis, Cheruscis, aliisque nationibus usque ad Albim triumphat. 42. Archelaus, Cappadocum rex, dolo in urbem accitus, et indignè habitus, moritur.

Regnum ejus in provinciam redactum. 43. Germanico Oriens permissus; Pisoni Syria, cum occultis, ut creditur, in Germanicum mandatis. 44. Drusus in Illyricum mittitur contra Germanos, qui inter se discordes otium et securitatem Romanis fecere. 45. Cherusci, duce Arminio, potentem et veterem regem Maroboduum, magno nec incruento prælio vincunt. 47. In Asiâ duodecim urbes terræ motu collapsæ. Tiberii liberalitas. 50. Adolescit lex majestatis. 52. Tacfarinas in Africâ bellum movet. A Furio Camillo statim repressus. 53. Germanicus, iterum consul, in Armeniam venit: regem Zenonem, amoto Vonone, volentibus iis imponit. Deinde Ægyptum proficiscitur. 62. Drusus Germanos ad discordias inlicit. Maroboduus, vi Catualdæ regno pulsus, in Italiam venit, et Ravennæ per duodeviginti annos egit. Idem Catualdæ mox casus, qui Forum Julium missus est. 64. Rhescuporis, Thracum rex, operâ Pomponii Flacci datur in vincula: Romam perducitur. 68. Vononis cædes. 69. Germanicus, Ægypto remeans, cuncta, quæ jusserat, à Pisone abolita, vel in contrarium versa reperit. Hinc inimicitiarum semina. Paulo pòst morbo correptus, cum ingenti gentium omnium luctu, Antiochiæ extinguitur. 74. Piso, veneficii suspectus, Syriam repetere impeditur. 83. Honores multi mortuo Germanico Romæ decreti. 85. Sanctiones con-

tra muliebrem impudicitiam. 86. Virginis Vestalis delectus. 87. Arminius in Germaniâ popularium dolo cæsus.

Hæc gesta annis quatuor.

A. U. C. J. C.

DCCLXIX. 16. Coss. { T. Statilio Sisennâ Tauro,
L. Scribonio Libone.

DCCLXX. 17. Coss. { C. Cæcilio Rufo,
L. Pomponio Flacco Græcino.

DCCLXXI. 18. Coss. { Tiberio Cæsare Augusto
III,
Germanico Cæsare II.

DCCLXXII. 19. Coss. { M. Junio Silano,
L. Norbano Flacco.

C. CORNELII
T A C I T I
ANNALES.

LIBER SECUNDUS.

A. U. C. 769. J. C. 16.

1. *SISENNA* Statilio Tauro, L. Libone Consulibus,¹ mota Orientis regna, provinciæque Romanæ;² initio apud Parthos orto, qui petitem Româ, acceptumque regem, quamvis gentis Arsacidarum,³ ut externum aspernabantur. Is¹ fuit Vonones, obses Augusto datus à Phraate.⁴ Nam Phraates, quamquam depulisset exercitus, ducesque Romanos,⁵ cuncta venerantium officia ad Augustum verterat;⁶ par-

¹ *Libone Coss.* T. Statilius Sisenna Taurus et L. Scribonius Libo consulatum gessere A. U. C. 769. J. C. 16. Prænomen Statilii Sisennæ docuit vetus lapis inter Fabretti inscrip. p. 701.

² *Provinciæque Romanæ.* Regnis Orientis conterminæ.

³ *Arsacidarum.* Arsacidæ dicti reges Parthi ab Arsace imperii Parthici conditore.

⁴ *A Phraate.* Phraate IV. Vide not. et emend. ad Ann. II. 1.

Ibi canon regum Parthorum proponitur.

⁵ *Ducesque Romanos.* Antonium, Oppium Statianum aliosque duces Romanos vicit ac depulit Phraates. Plutarch. in Anton. p. 938. Dio, XLIX. p. 407 et seq.

⁶ *Ad Augustum verterat.* Ita quidem verterat, ut signa, quæ oppresso Crasso, pulso Antonio, ceperant Parthi, Augusto remitteret, eique quatuor suos filios obsides committeret. Verebatur

temque prolis, firmandæ amicitiae, miserat: haud perinde nostrî metu, quàm fidei popularium diffusus.

2. POST FINEM Phraatis et sequentium regum,¹ ob internas cædes, venire in urbem legati à primoribus Parthis, qui Vononen² vetustissimum liberorum ejus accirent. Magnificum id sibi credidit Cæsar,³ auxitque opibus: et accipere barbari lætantes, ut fermè ad nova imperia. Mox subit pudor, “degeneravisse Parthos: petitem alio “ex orbe regem⁴ hostium artibus infectum: jam inter pro- “vincias Romanas solium Arsacidarum haberi, darique. “Ubi illam gloriam trucidantium Crassum,⁵ exturbantium “Antonium, si mancipium Cæsaris, tot per annos ser- “vitutem perpassum, Parthis imperitet?” Accendebat dedignantibus et ipse,⁶ diversus à majorum institutis, raro venatu, segni equorum curâ, quotiens per urbes incederet lecticæ gestamine, fastuque erga patrias epulas: inridebantur et Græci comites, ac vilissima utensilium anulo

enim ne populi, scelera exosi, sibi insidias struerent. Hæc fusè prosequuntur Strabo, VI. p. 288. XVI. p. 748. Velleius, II. 91 et 94. Suet. in Aug. XLIII. Negligenter verò nec satis accurate Dio, LI. p. 456. LIII. p. 519. In veteri inscrip. quæ extat Romæ in hortis Medicæis, Gruter. p. 288. n. 2. memorantur duo Phraatis filii,

SERASPADANES. PHRAATIS
ARSACIS. REGVM. REGIS. F
PARTHVS
RHODASPES. PHRAATIS
ARSACIS. REGVM. REGIS. F
PARTHVS,

¹ *Sequentium regum.* Phraatis et Orodis II. Vide canonem regum Parthorum loco supra cit.

² *Vononen.* Accitus est Vo-

nones circa annum U. C. 766. J. C. 13. Vononis initia cum annis U. C. 757 et 759. connectit V. Cl. Vaillant Arsacid. imp. p. 191 et 10. Errat in utroque, ut ex ipso Tacito patet.

³ *Cæsar.* Augustus, non verò Tiberius, ut perperam existimavit R. P. Gillet, qui hâc in re Josephum adulteravit, Antiq. Judaic. XVIII. 2.

⁴ *Petitem alio ex orbe regem.* Sic Parthi sæpius regem ab Imperatoribus Rom. poposcerunt; universus enim terrarum orbis in Romanos et in Parthos divisus videbatur. *Muretus.*

⁵ *Trucidantium Crassum.* Crassum trucidavit Orodes I. Antonium exturbavit Phraates IV. Florus, III. 11. IV. 10. Vide canonem regum Parthorum.

⁶ *Et ipse.* Vonones,

clausa:¹ sed prompti aditus,² obvia comitas, ignotæ Parthis virtutes, nova vitia;³ et quia ipsorum moribus aliena, perinde odium pravis et honestis.

3. Igitur Artabanus⁴ Arsacidarum è sanguine, apud Dahas⁵ adultus, excitur; primoque congressu fusus, reparat vires, regnoque potitur. Victo Vononi perflugium Armenia fuit, vacua tunc, interque Parthorum et Romanas opes infida, ob scelus Antonii, qui Artavasden, regem⁶ Armeniorum, specie amicitiae inlectum, dein catenis oneratum, postremò interfecerat. Ejus filius Artaxias,⁷ memoriâ patris nobis infensus, Arsacidarum vi seque regnumque tutatus est. Occiso Artaxiâ per dolum propinquorum, datus à Cæsare⁸ Armeniis Tigranes,⁹ deductusque in regnum à Tiberio Nerone. Nec Tigrani diuturnum imperium fuit, neque liberis ejus, quamquam sociatis more externo¹⁰ in matrimonium regnumque. Dein jussu Au-

¹ *Anulo clausa.* Vilissima utensilium, nec nisi ad luxum comparata, Romano more inter pretiosissimam suppellectilem asservata, et anulo clausa.

² *Prompti aditus.* Cùm alioqui Parthorum reges, neque facilè spectandi sui copiam facere, neque quenquam ad colloquium, sine magno molimine, admittere solerent; aditusque ad ipsos ardui ac difficiles essent. *Muretus.*

³ *Nova vitia.* Ille ipsæ virtutes, Parthis ignotæ, nova videbantur vitia.

⁴ *Artabanus.* Artabanus II. Vide canonem regum Parthorum.

⁵ *Apud Dahas.* Dahæ, populi Scythiæ, Oxo flumini vicini, et maris Caspii accolæ, nunc the *Dahistan*. De his Virgil. *Æn.* VIII. 728.

Indomitique Dahæ.

• *Artavasden, regem.* Roma-

nos priùs deceperat Artavasdes. Strabo, XI. p. 524. Vide not. et emend. ad Ann. II. 3. Ibi canon regum Armeniorum dabitur.

⁷ *Artaxias.* Artaxias II. Vide canonem regum Armeniorum.

⁸ *Datus à Cæsare.* Expressit Tacitus antiquam formulam, quæ in veteribus quoque numismatibus extat. REX. ARMENIS. DATVS. REX. PARTHIS. DATVS. et cetera id genus. *Ursinus.*

⁹ *Tigranes.* Errat Dio, qui Tigranen in solio restitutum dicit, lib. LIV. p. 526. Nondum rex fuerat Tigranes. Graviùs adhuc peccat Velleius, II. 94. cùm regnum Artavasdi traditum scribit. De hoc Tigraue III. vide canonem regum Armeniorum.

¹⁰ *Sociatis more externo.* More Ægyptiorum aliorumque externorum, quorum reges sorores suas uxores ducebant.

gusti impositus Artavasdes,¹ et non sine clade nostrâ dejectus.

4. TUM C. CÆSAR² componendæ Armeniæ deligitur. Is Ariobarzanen, origine Medum, ob insignem corporis formam, et præclarum animum, volentibus Armeniis præfecit. Ariobarzane morte fortuitâ absumto, stirpem ejus haud toleravere: tentatoque fœminæ imperio, cui nomen Erato, eâque brevi pulsâ, incerti solutique et magis sine domino, quàm in libertate,³ profugum Vononen in regnum accipiunt. Sed ubi minitari Artabanus, et parum subsidii in Armeniis, vel si nostrâ vi defenderetur, bellum adversùs Parthos sumendum erat: rector Syriæ Creticus Silanus⁴ excitum custodiâ circumdat, manente luxu et regio nomine: quod ludibrium ut effugere agitaverit Vonones, in loco reddemus.⁵

5. CETERUM Tiberio haud ingratum accidit turbari res Orientis, ut eâ specie Germanicum suetis legionibus⁶ abstraheret; novisque provinciis impositum, dolo simul⁷ et casibus objectaret. At ille, quanto acriora in eum studia militum, et aversa patruī voluntas, celerandæ victoriæ intentior,⁸ tractare præliorum vias, et quæ sibi tertium jam

¹ *Impositus Artavasdes.* Quis fuerit ille Artavasdes, quandò impositus aut dejectus, quæ fuerit clades Romana, fortè innotesceret, si Dionis historia manca non foret ac mutila. Pauca habet Zonaras, vol. I. p. 589. Dio, LV. p. 555. Nihil verò Moses Chorenensis, in inauditis totus.

² *C. Cæsar.* Caius Cæsar, Augusti nepos, de quo supra Ann. I. 3. et in stem. Cæs. n. 48.

³ *Magis sine domino, quàm in libertate.* Nam libertas legibus et magistratibus suis constat, et imperii certa forma: ideoque sine

domino esse possunt, nec tamen liberi propriè dicendi. LIPS.

⁴ *Creticus Silanus.* De illo infra cap. 43.

⁵ *In loco reddemus.* Inf. cap. 68.

⁶ *Suetis legionibus.* Germanicis legionibus.

⁷ *Dolo simul.* Dolo, quem ipse meditabatur, et in longinquis locis veneno tollere, obscuriore sic famâ. LIPS.

⁸ *Victoriæ intentior.* At Germanicus, quanto acriora in se studia militum, et magis aversa patruī, Tiberiī, voluntas, tanto celerandæ victoriæ intentior, cœpit

annum belligeranti sæva vel prospera evenissent: “ fundi
 “ Germanos acie et justis locis; ¹ juvari sylvis, paludibus, brevi
 “ æstate, et præmaturâ hieme: suum militem haud perinde
 “ vulneribus, quàm spatiis itinerum, damno armorum ²
 “ adfici: fessas Gallias ministrandis equis: longum impe-
 “ dimentorum agmen, opportunum ad insidias, defensanti-
 “ bus iniquum. At si mare intretur, promptam ipsis pos-
 “ sessionem, ³ et hostibus ignotam: simul bellum maturiùs
 “ incipi, legionesque et commeatus pariter vehi: integrum
 “ equitem, equosque, per ora et alveos fluminum mediâ in
 “ Germaniâ fore.”

6. IGITUR huc intendit: missis ad census ⁴ Galliarum, P. Vitellio et C. Antio; Silius, et Anteius, et Cæcina fabricandæ classi præponuntur. Mille naves sufficere visæ, properatæque: aliæ breves, angustâ puppi ⁵ prorâque, et lato utero, quo faciliùs fluctus tolerarent: quædam planæ carinis, ut sine noxâ siderent: plures, adpositis utrimque gubernaculis, converso ut repentè remigio, hinc vel illinc adpellerent: multæ pontibus stratæ, super quas tormenta veherentur, simul aptæ ferendis equis aut commeatui, velis habiles, citæ remis, augebantur alacritate ⁶ militum

tractare præliorum vias, et secum reputare, quæ sibi tertium jam annum belligeranti sæva vel prospera evenissent.

¹ *Justis locis.* Vulgò dicimus *arquis locis.* *Justis* fortè error est librariorum.

² *Damno armorum.* Damno armorum, quæ in sylvis et paludibus amittebant.

³ *Promptam ipsis possessionem.* Nam triremes et classem in Rheno, et ad Oceanum, ordinariam Romani habebant. At eo ævo Germani navigiorum rudes: mox quàm

didicerunt! Saxones, Normanni, et piratarum illa agmina dicant: qui Europam per secula aliquot magnis classibus cladibusque infestârunt. LIPS.

⁴ *Ad census.* Supra Ann. I. 31.

⁵ *Breves, angustâ puppi.* Breves opponit *longis* navibus, id est, triremibus, et describit lato alveo, angustâ prorâ et puppi, uno verbo naves hodie maris nostri. LIPS.

⁶ *Augebantur alacritate.* Naves illas, quamquam speciosas et terribiles, alacritas militum efficiebat speciosiores et terribiliores.

in speciem ac terrorem. Insula Batavorum,¹ in quam convenirent prædicta, ob faciles adpulsus,² accipiendisque copiis, et transmittendum ad bellum opportuna. Nam Rhenus uno alveo continuus, aut modicas insulas circumveniens, apud principium agri Batavi,³ velut in duos amnes dividitur, servatque nomen et violentiam cursûs, quâ Germaniam prævehitur,⁴ donec Oceano misceatur: ad Gallicam ripam latior et placidior adfluens, verso cognomento *Vahalem*⁵ accolæ dicunt: mox id quoque vocabulum mutat *Mosâ* flumine,⁶ ejusque immenso ore eundem in Oceanum effunditur.

7. SED CÆSAR, dum adiguntur⁷ naves, Silium legatum cum expeditâ manu inruptionem in Cattos⁸ facere jubet: ipse, audito castellum Luppiae flumini⁹ adpositum obsideri, sex legiones eò duxit. Neque Silio ob subitos imbres aliud actum, quàm ut modicam prædam, et Arpi principis Cattorum conjugem, filiamque raperet: neque Cæsari copiam pugnae obsessores fecere, ad famam adventûs ejus dilapsi. Tumulum tamen¹⁰ nuper Varianis legionibus structum, et veterem aram¹¹ Druso sitam disjecerant:

¹ *Insula Batavorum.* Plin. iv. 15. *In Rheno ipso prope centum M. passuum in longitudinem, nobilissima Batavorum insula et Canenefatum.* Nunc *Betuwe*.

² *Ob faciles adpulsus.* Huc enim naves omnes tum in Rheno, tum in Mosâ facta, facile adpellere poterant, copias accipere, et bellum transmittere.

³ *Apud principium agri Batavi.* Ubi nunc *Schencken-Schantz*, vulgò *the fort of Schenk*.

⁴ *Germaniam prævehitur.* Et Belgicam à Frisiâ dividit.

⁵ *Vahalem.* Nunc *the Wahal*.

⁶ *Mosâ flumine.* Nunc *the Meuse*. Ipsum Vahalidis nomen Rhenus mutat prope oppidum *Briel*. Ibi enim Mosâ receptus

immo ore in Oceanum effunditur.

⁷ *Dum adiguntur.* Dum naves in Batavorum insulam adiguntur.

⁸ *In Cattos.* *Hesse*.

⁹ *Castellum Luppiae flumini.* Castellum Alisonem, nunc *Elsen*, prope urbem *Lipsprink*, flumini Luppiae, *the Lippe*, adpositum obsideri à Germanis Transrhenanis.

¹⁰ *Tumulum tamen.* De hoc tumulo supra Ann. i. 62.

¹¹ *Veterem aram.* Ara illa vetus Druso, Germanici patri, sita ad Alisonem et Luppiam. Altera fuit ad Rhenum et Moguntiacum. Dio, lv. p. 549. Eutrop. vii. Vide etiam Cluverium Germ. Antiq. ii. 13. p. 378.

restituit aram; honorique patris princeps ipse cum legionibus decucurrit.¹ Tumulum iterare haud visum: et cuncta inter castellum Alisonem, ac Rhenum, novis limitibus, aggeribusque permunita.

8. JAMQUE classis advenerat,² cùm præmisso com-
meatu, et distributis in legiones ac socios navibus, fossam,
cui *Drusianæ*³ nomen, ingressus, præcatusque Drusum
patrem, “ut se eadem ausum, libens placatusque exemplo
“ac memoriâ consiliorum atque operum juvaret:” lacus
inde⁴ et Oceanum usque ad Amisiam flumen secundâ
navigatione pervehitur: classis Amisiæ relicta,⁵ lævo
amne; erratumque in eo,⁶ quòd non subvexit: transposuit
militem dextras in terras iturum: ita plures dies efficiendis
pontibus absumpti. Et eques quidem ac legiones prima
æstuaria, nondum adcrecente undâ, intrepidi transiere:
postremum auxiliorum agmen, Batavique in parte eâ, dum
insultant aquis, artemque nandi ostentant, turbati, et qui-
dam hausti sunt. Metanti castra Cæsari Angrivariorum⁷

¹ *Cum legionibus decucurrit.* Apud Veteres pompæ funebris pars fuit decursio. Vide not. et emend. ad Ann. II. 7.

² *Classis advenerat.* Advenerat in Batavorum insulam.

³ *Fossam, cui Drusianæ.* A Druso, Germanici patre ita nuncupatam: illam fecit Drusus, perfecit Paulinus Pompeius, ut dicitur infra Ann. XIII. 53. Extat adhuc in Gueltriâ, à Rheno et vico *Iseloort*, ad fluvium Salam, the *Yssel*, et oppidum *Doesburg*, octo millium passuum intervallo deducta.

⁴ *Lacus inde.* Lacum Flevum et alios minores, quos omnes nunc occupat the *Zuyder-Zee*.

⁵ *Amisiæ relicta.* Amisia, non fluvius, sed statio, nunc *Wester-Emden*, ad levam Amisiæ, the

Ems, ripam sita.

⁶ *Erratumque in eo.* In eo erratum, quòd classis militem in superiora et sicciora non subvexit, sed in demissis humidisque reliquit; iturumque in dextras Chaucorum minorum terras transposuit in lævos Frisiorum agros: ut optinè explicat Bucherius Belg. Rom. III. 6.

⁷ *Angrivariorum.* Pars major Angrivariorum inter Amisiam et Visurgim, ubi nunc comitatus *Lingen*, et episcopatus *Osnaburg and Minden*. Pars minor trans Visurgim, nunc *part of Schawenburg*. Manet veteris habitationis memoria in ducatu *Engern*. Postea sedes mutavere Angrivarii, ut dicitur in libro de mor. Germ. cap. 33.

defectio à tergo nuntiatur: missus illico Stertinius cum equite et armaturâ levi, igne et cædibus perfidiam ultus est.

9. FLUMEN Visurgis¹ Romanos Cheruscosque² interfluebat: ejus in ripâ cum ceteris primoribus Arminius adstitit, quæsitoque “an Cæsar³ venisset?” postquàm “adesse” responsum est, “ut liceret cum fratre conloqui” oravit. Erat is in exercitu cognomento Flavius, insignis fide, et amisso per vulnus oculo paucis antè annis, duce Tiberio: tum permissum; progressusque salutatur ab Arminio: qui amotis stipatoribus, “ut sagittarii nostrâ pro “ripâ dispositi abscederent,” postulat; et postquàm digressi, “unde ea deformitas oris?” interrogat fratrem: illo locum, et prælium referente, “quodnam præmium recepisset?” exquirat. Flavius “aucta stipendia, torquem, “et coronam, aliaque militaria dona”⁴ memorat, inidente Arminio vilia servitii pretia.

10. EXIN diversi ordiuntur:⁵ hic “magnitudinem Romanam, opes Cæsar⁶, et victis graves poenas; in dedicationem venienti paratam clementiam; neque conjugem⁷ “et filium ejus hostiliter haberi.” Ille “fas patriæ, libertatem avitam, penetrales Germaniæ Deos,⁸ matrem pre-

¹ *Flumen Visurgis. The Weser.*

² *Cheruscosque.* Cherusci Visurgim inter et Albim, *the Elbe*, habitabant, ubi nunc *the states of Lunenburg and Brunswick.*

³ *An Cæsar.* Germanicus.

⁴ *Militaria dona.* De his militaribus donis dictum supra Ann. I. 44. in not. et emend.

⁵ *Diversi ordiuntur.* Uterque causas suas et consilia proferre cepit, diversa inter se et contraria.

⁶ *Opes Cæsar.* Germanici.

⁷ *Neque conjugem.* Neque Thusedam, Arminii conjugem, neque filium ejus Thumelicum hostiliter haberi. Supra Ann. I. 57. Vide

etiam stem. Arminii inter not. et emend. ad Ann. I. 55.

⁸ *Penetrales Germaniæ Deos.* Ipsosque Germaniæ Penates Deos, ita dictos, teste Tullio de Nat. Deor. II. 28. *Ab eo, quod penitus insident; ex quo etiam penetrales à poetis vocantur.* Cùm in antiquis libris scribatur *penetralis Germaniæ Deos*, quidam intelligunt *interioris Germaniæ Deos*: nec attendunt *penetralis* scribi, ut in nummis OB CIVIS SERVATOS. Locum hunc Taciti citat Rob. Stephanus, sed vitiosum, et pravâ interpretatione vitiosorem. Sit satis monuisse ut emendetur,

“cum sociam; ne propinquorum et adfinium, denique
 “gentis suæ desertor et proditor, quàm imperator esse
 “mallet.” Paulatim inde ad jurgia prolapsi, quominus
 pugnam consererent, ne flumine quidem interjecto cohibe-
 bantur; ni Stertinus adcurrrens, plenum iræ, “armaque
 “et equum” poscentem Flavium attinisset. Cernebatur
 contra minitabundus Arminius, præliumque denuntians:
 nam pleraque Latino sermone interjaciebat, ut qui Romanis
 in castris ductor popularium meruisset.

11. POSTERO die, Germanorum acies trans Visurgim
 stetit. Cæsar, nisi pontibus præsiidiisque impositis, dare in
 discrimen legiones haud imperatorium ratus, equitem vado
 tramittit: præfuere Stertinus, et è numero primipilariū¹
 Æmilius, distantibus locis invecti, ut hostem diducerent.
 Quà celerrimus amnis, Cariovalda dux Batavorum erupit:²
 eum Cherusci, fugam simulantes, in planitiem saltibus cir-
 cumjectam traxere: dein coorti, et undique effusi trudunt
 adversos, instant cedentibus, collectosque in orbem,³ pars
 congressi, quidam eminus proturbant. Cariovalda, diu
 sustentatâ hostium sævitiâ,⁴ hortatus suos, ut ingruentes ca-
 tervas globo frangerent, atque ipse in densissimos inrum-
 pens, congestis telis et suffosso equo labitur, ac multi
 nobilium circa: ceteros vis sua, aut equites cum Stertinio
 Æmilioque subvenientes, periculo exemere.

12. CÆSAR transgressus Visurgim,⁵ indicio perfugæ

¹ *Primipilariū.* *Primipilaris* dicebatur primus legionis centurio. E numero primipilariū, id est, è numero primorum centurionum. *Primipilares* dicti sunt quoque *primipili*. Sic apud Cl. Gori. Inscript. Antiq. vol. I. p. 248. PRIMIPILLO. ITER. LEG. XVI. Vide not. et emend. ad Ann. II. 11.

² *Erupit.* Natando erupit.

³ *Collectos in orbem.* Frontem hostibus, undique eos cingentibus, quaquaversum obvertentes, ut ab omnibus ita partibus pugnent; ut *orbem volvere, in orbem se tutari, et in orbem pugnare.* Liv. II. 50. 6.

⁴ *Hostium sævitid.* Hostium vi ac impetu. Sic fermè supra Ann. I. 67.

⁵ *Transgressus Visurgim.* Inter

cognoscit, “delectum ab Arminio locum pugnae; con-
 “venisse et alias nationes in sylvam Herculi sacram,¹ ausu-
 “rosque nocturnam castrorum oppugnationem.” Habita
 indici fides, et cernebantur ignes; suggestisque propius
 speculatores “audiri fremitum equorum, immensique et
 “inconditi agminis murmur” attulere. Igitur propinquo
 summae rei discrimine, explorandos militum animos ratus,
 quonam id modo incorruptum foret,² secum agitabat:
 “Tribunos et centuriones laeta saepius, quam comperta
 “nuntiare; libertorum servilia ingenia; amicis inesse adula-
 “tionem: si concio vocetur, illic quoque, quae pauci
 “incipiant, reliquos adstrepere:”³ penitus noscendas mentes,
 “cum secreti et incustoditi, inter militares cibos, spem aut
 “metum proferrent.”

13. NOCTE ceptâ, egressus augurali,⁴ per occulta et
 vigilibus ignara, comite uno, contextus humeros ferinâ
 pelle,⁵ adit castrorum vias, adstitit tabernaculis, fruiturque
 famâ sui: cum hic “nobilitatem ducis,” “decorem”
 alius, plurimi “patientiam, comitatem, per seria, per jocos
 “eundem animum,” laudibus ferrent: “reddendamque
 “gratiam in acie” faterentur: simul “perfidos et ruptores
 “pacis, ultioni et gloriae mactandos.” Inter quae⁶ unus

urbem *Hamelen* et oppidum *Oldendorf* Visurgim transgressus vide-
 tur.

¹ *Herculi sacram.* Sylva illa
 erat prope campum *Idistavisum*,
 de quo infra cap. 16.

² *Incorruptum foret.* Secum
 agitabat quonam modo incorrup-
 tam, nec adulteratam, veritatem
 cognosceret.

³ *Reliquos adstrepere.* Strepitu
 approbare. Sic infra Hist. iv.
 49. *Obvios et subita rei miraculo*
attonitos, ut eadem adstreperent,
hortari.

⁴ *Egressus augurali.* Augu-
 rale, seu *Auguratorium* erat parte
dextrâ praetorii, parte *laevâ* tribu-
 nal, teste Hygino de Castrameta-
 tione. In *Augurali* sumebantur
 auspicia. Non praetorio, sed *Augu-
 rali* egressus est Germanicus, ut
 certius lateret.

⁵ *Ferinâ pelle.* Germanorum
 more, quorum multi erant inter
 auxiliares.

⁶ *Inter quae.* Dum ita obambu-
 labat Germanicus, unus hostium,
 Cheruscus aliquis, Latinae linguae
 sciens, acto ad Romanorum val-
 lum equo, vociferavit dari con-

hostium Latinæ linguæ sciens, acto ad vallum equo, voce magnâ, “conjuges, et agros, et stipendii in dies, donec bellaretur, sestertios centenos, si quis transfugisset,” Arminii nomine pollicetur. Incendit ea contumelia legionum iras: “veniret dies, daretur pugna: sumturum mihi litem Germanorum agros, tracturum conjuges: accipere omen,¹ et matrimonia ac pecunias hostium prædæ destinare.” Tertiâ fermè vigiliâ² adsultatum est castris, sine conjectu teli, postquàm crebras pro munimentis cohortes; et nihil remissum sensere.

14. NOX EADEM lætam Germanico quietem tulit, viditque se operatum,³ et sanguine sacro respersâ prætextâ, pulchriorem aliam manibus aviæ Augustæ⁴ accepisse. Auctus omine, addicentibus auspiciis,⁵ vocat concionem, et quæ sapientiâ prævisa, aptaque imminenti pugnæ, disserit. “Non campos modò⁶ militi Romano ad prælium bonos,

juges, et agros, et stipendii in singulos dies, donec bellaretur, sestertios centenos, *Angl.* 16s. 8d. si quis transfugisset.

¹ *Accipere omen.* Jam jam omen accipiunt, matrimonia seu uxores, ac pecunias hostium prædæ destinant.

² *Tertiâ fermè vigiliâ.* In duodecim horas, seu quatuor vigilias, noctes suas dividebant Romani. Itaque circa mediam noctem, ut vulgò loquimur, Cherusci adsultare castris Romanorum, sine ullo tamen conjectu teli, quòd sensere cohortes crebras stare pro munimentis, et nihil esse remissum ac somnolentum.

³ *Se operatum.* Vidit se rem divinam fecisse, et Diis libasse. *Tibull.* 11. *Eleg.* v. 95.

Tunc pubes operata Deo discubabat in herbâ.

Augur erat Germanicus; ideo se in sacris prætextâ indutum vidit. Vestis enim erat pontificum, magistratum et puerorum.

⁴ *Aviæ Augustæ.* *Liviæ.*

⁵ *Addicentibus auspiciis.* Ingens animi ob gratum omen fausta que auspicia.

⁶ *Non campos modò.* Non campos modò militi Romano ad prælium bonos esse, sed si ratio adsit, sylvas et saltus æquè valere. Nec enim immensa barbarorum scuta, enormes hastas, inter truncos arborum, et enata humo virgulta pugnantibus tam commoda esse, quàm Romanorum pila, et gladios, et hærentia corpori tegmina, scilicet cassides et brevia scuta. Pila verò ita describit *Vegetius*, 11. 15. *Bina missilia habebant milites Romani, unum majus, ferro triangulo, unciarum novem, hastili pedum quinque et semis, quod pilum vocabant, nunc spiculum dicitur,*

“ sed si ratio adsit, sylvas et saltus: nec enim immensa
 “ barbarorum scuta, enormes hastas, inter truncos arbo-
 “ rum, et enata humo virgulta, perinde haberi¹ quàm pila,
 “ et gladios, et hærentia corpori tegmina: densarent ictus,
 “ ora mucronibus quærerent: non lorica Germano, non
 “ galeam; ne scuta quidem ferro nervove firmata, sed
 “ viminum textus, vel tenues et fucatas colore tabulas:
 “ primam utcumque aciem hastatam; ceteris, præusta aut
 “ brevia tela: jam corpus, ut visu torvum, et ad brevem
 “ impetum validum, sic nullâ vulnerum patientiâ: sine
 “ pudore flagitii, sine curâ ducum, abire, fugere; pavidos
 “ adversis;² inter secunda, non divini, non humani juris
 “ memores. Si tædio viarum ac maris finem cupiant, hâc
 “ acie parari: propiorem jam Albim, quàm Rhenum:
 “ neque bellum ultra, modò se patris patruique³ vestigia
 “ prementem, iisdem in terris victorem sisterent.” Ora-
 tionem ducis secutus militum ardor; signumque pugnæ
 datum.

15. NEC ARMINIUS, aut ceteri Germanorum procures
 omittebant suos quisque testari: “ Hos esse Romanos Vari-
 “ ani exercitûs fugacissimos, qui ne bellum tolerarent,
 “ seditionem induerint:⁴ quorum pars onusta vulneribus
 “ tergum, pars fluctibus et procellis fractos artus, infensis
 “ rursum hostibus, adversis Diis, objiciant, nullâ boni spe.
 “ Classem quippe et avia Oceani quæsitâ, ne quis venienti-

ad cujus jactum exercebantur præcipuè milites; quod arte et virtute directum et scutatos pedites, et loricated equites sæpe transverberabat: aliud minus, ferro triangulo, unciarum quinque, hastili trium pedum et semis, quod tunc verri- culum, nunc verutum dicitur. Hæc pila in nummis et veteribus monumentis nonnumquam videntur.

facilè regi potest. Sic haberi progeri, tractari. Vide Ruhnken. ad Vell. Paterc. lib. II. cap. 113.

² *Pavidos adversis.* Adversis rebus.

³ *Patris patruique.* Patris sui Drusi, et patru Tiberii Principis.

⁴ *Seditionem induerint.* Seditionem Pannonicam et Germanicam memorat, de quâ multa libro superiore.

¹ *Perinde haberi.* Habilis est, qui

“bus occurreret, ne pulsos premeret: sed ubi miscuerint manus; inane victis ventorum remorumque subsidium. “Meminissent modò avaritiæ, crudelitatis, superbiæ:” “aliud sibi reliquum, quàm tenere libertatem, aut mori “ante servitium?”

16. SIC ACCENSOS et prælium poscentes in campum, cui *Idistaviso* nomen,² deducunt: is medius inter Visurgim et colles, ut ripæ fluminis cedunt, aut prominentia montium resistunt, inæqualiter sinuatur: ponè tergum insurgebat sylva,³ editis in altum ramis, et purâ humo⁴ inter arborum truncos. Campum et prima⁵ sylvarum, barbara acies tenuit: soli Cherusci juga insedere, ut præliantibus Romanis desuper incurrerent. Noster exercitus sic incessit: auxiliares Galli, Germanique in fronte: post quos pedites sagittarii: dein quatuor legiones, et cum duabus prætorii cohortibus, ac delecto equite Cæsar: exin totidem aliæ legiones, et levis armatura cum equite sagittario, ceteræque sociorum cohortes. Intentus paratusque⁶ miles, ut ordo agminis in aciem adsisteret.

17. VISIS Cheruscorum catervis, quæ per ferociam pro-

¹ *Crudelitatis, superbiæ.* Meminissent modò avaritiæ, crudelitatis, superbiæ Romanæ. Aliudne sibi reliquum, quàm tenere libertatem, aut mori ante servitium?

² *Cui Idistaviso nomen.* Quantum ex Cornelianæ descriptionis et locorum ratione possum adsequi, pugnatum inter oppidum *Oldendorf* et pagum *Stemern*, haud procul ab arce *Schawenburg*. Memoriam campi *Idistavisi* adhuc extare in nomine arcis *Eisdorp* opinatur Cluverius Germ. Antiq. III. 14. p. 554. Eccardus, p. 291. in nomine montis *Deister*.

³ *Insurgebat sylva.* Herculi Germanico, seu Tuisconi sacra, ut

explicat Eccardus, ib.

⁴ *Purâ humo.* Sine virgultis aliisque viarum impedimentis.

⁵ *Campum et prima.* Germani bipartiti campum et prima sylvarum tenuere. Cherusci inter hos medii juga *Luerberg* et *Nesselberg* insedere.

⁶ *Intentus paratusque.* Ut, viso hoste aut signo à duce dato, omne agmen presso pede adsisteret, staret acie structâ, stabili ac firmâ, vel incessum sisteret formatâ acie aut militibus in gradu stantibus ad hostem excipiendum aut invadendum: qualem incessum describit Sallust. Jug. 49.

ruperant, validissimos equitum incurrere latus, Stertinium cum ceteris turmis¹ circumgredi, tergaque invadere jubet, ipse in tempore adfuturus. Interea pulcherrimum augurium, octo aquilæ² petere sylvas, et intrare visæ, imperatorem advertere:³ exclamat, “Irent, sequerentur Romanas aves,⁴ propria legionum numina.” Simul pedestris acies⁵ infertur; et præmissus eques, postremos ac latera impulit. Mirumque dictu, duo hostium agmina diversâ fugâ, qui sylvam tenuerant, in aperta, qui campis adstiterant, in sylvam ruebant: medii inter hos Cherusci, collibus detrudebantur: inter quos insignis Arminius manu, voce, vulnere, sustentabat pugnam: incubueratque sagittariis, illâ rupturus, ni Rætorum Vindellicorumque,⁶ et Gallicæ cohortes signa objecissent: nisu tamen corporis, et impetu equi pervasit, oblitus faciem suo cruore, ne nosceretur: quidam “agnitum à Chaucis inter auxilia Romana agentibus, emissumque” tradiderunt. Virtus, seu fraus eadem, Inguiomero⁷ effugium dedit: ceteri passim trucidati. Et plerosque tranare Visurgim conantes, injecta tela aut vis fluminis, postremo moles ruentium, et incidentes ripæ, operuere. Quidam turpi fugâ in summa arborum nisi, ramisque se occultantes, admotis sagittariis per ludibrium figebantur: alios prorutæ arbores adflixere. Magna ea victoria, neque cruenta nobis fuit.

18. QUINTA ab horâ⁸ diei ad noctem cæsi hostes,

¹ Cum ceteris turmis. Equitum.

² Octo aquilæ. Ne credas veras esse aquilas, sed secundi tantum generis, *pygargos* à caudâ albicante dictas, *Angl. the White-tailed Eagle*. Vide Plinium, x. 3.

³ Imperatorem advertere. Oculos animumque Germanici afficere. Supra Ann. i. 41. *Militum aures oraque advertere*.

⁴ Romanas aves. Aquilas Romanas, quas legiones tamquam pro-

pria numina venerabantur. Vide not. et emend. ad Ann. ii. 17.

⁵ Pedestris acies. Romanorum.

⁶ Rætorum Vindellicorumque. Vindelici, *Bavaria*, Ræti, *the Grisons, the Tirol*.

⁷ Inguiomero. Arminii patruo. Vide stem. Arminii, inter not. et emend. ad Ann. i. 53.

⁸ Quintâ ab horâ. Romanorum more, qui diem in duodecim horas dividebant. Porro cùm,

decem millia passuum cadaveribus atque armis opplevēre; repertis inter spolia eorum catenis, quas in Romanos, ut non dubio eventu, portaverant. Miles in loco prælii, Tiberium *Imperatorem*¹ salutavit, struxitque aggerem, et in modum tropæorum arma, subscriptis victarum gentium² nominibus, imposuit.

19. HAUD PERINDE Germanos vulnera, luctus, excidia, quàm ea species³ dolore et irâ adfecit: qui modò abire sedibus, trans Albim⁴ concedere parabant, pugnam volunt, arma rapiunt: plebes, primores, juvenus, senes, agmen Romanum repentè incursant, turbant: postremò deligunt locum,⁵ flumine et sylvis⁶ clausum, arctâ intus planitie, et humidâ:⁷ sylvas quoque profunda palus⁸ ambibat, nisi quòd latus unum Angrivarii lato aggere extulerant, quo à Cheruscis dirimerentur: hìc pedes adstitit;⁹ equitem propinquis lucis texere, ut ingressis sylvam legionibus à tergo foret.

20. NIHIL ex iis Cæsari incognitum: consilia, locos, prompta, occulta noverat, astusque hostium in perniciem

prælium commissum videatur mense Julio, cap. 23. *æstate jam adultâ*, quinta hora Romana cum nonâ ante meridiem juxta nostram computandi rationem ferè concurrat.

¹ *Tiberium Imperatorem.* Princeps absens inter aquilas et signa militaria *Imperator* salutabatur.

² *Subscriptis victarum gentium.* Hujuscemodi inscriptionem, è tropæo Alpium, Augusto dicatam, recitat Plinius, III. 20. quem consulat, si lubet. Agger ille ac tropæum structum videtur ex adverso oppidi *Rintelen*.

³ *Quàm ea species.* Quàm hæc tropæa, superbaque inscriptio.

⁴ *Trans Albim. The Elbe.*

⁵ *Deligunt locum.* Infra urbem *Minden*, semper in dextrâ *Visurgis* ripâ.

⁶ *Flumine et sylvis.* *Visurgi*, the *Weser*, et sylvis, quæ adhuc appellantur the forest of *Schaumburg*, vel *Schawenburg*, clausum.

⁷ *Arctâ intus planitie, et humidâ.* In planitie illâ nunc vici *Frille*, *Hulse* et *Wiedensal*.

⁸ *Profunda palus.* Infra sylvam adhuc palus maxima, *Steinhuder Meer*, appellata. Ipsamque sylvam intersecat fluvius *Gohle*.

⁹ *Hic pedes adstitit.* Pedites Germani in hoc ipso lato aggere, qui *Angrivarios* à *Cheruscis* dirimebat, adstiterunt.

ipsis vertebat. Seio Tuberoni legato tradit equitem, campumque: peditum aciem ita instruxit, ut pars æquo in sylvam aditu incederet, pars objectum aggerem eniteretur: quod arduum, sibi; cetera legatis permisit. Quibus plana evenerant, facilè inrupere: queis impugnandus agger, ut si murum¹ succederent, gravibus supernè ictibus conflictabantur. Sensit dux imparem cominus pugnam, remotisque paulum legionibus, funditores libratoresque² excutere tela, et proturbare hostem jubet: missæ è tormentis hastæ, quantoque conspicui magis propugnatores, tanto pluribus vulneribus dejecti. Primus Cæsar cum prætoriis cohortibus, capto vallo, dedit impetum in sylvas: conlato illic gradu certatum: hostem à tergo palus, Romanos flumen aut montes³ claudebant: utrisque necessitas in loco, spes in virtute, salus ex victoriâ.

21. NEC MINOR Germanis animus, sed genere pugnae et armorum superabantur; cùm ingens multitudo, arctis locis, prælongas hastas non protenderet, non colligeret,⁴ neque adsultibus et velocitate corporum uteretur, coacta stabile ad prælium: contra miles,⁵ cui scutum pectori adpressum, et insidens capulo manus,⁶ latos barbarorum artus, nuda ora foderet, viamque strage hostium aperiret: imprompto

¹ *Ut si murum.* Gravibus supernè ictibus conflictabantur, quasi voluissent murum conscendere. Vulgò dicitur *muro succedere*; sed tritos loquendi modos non semper sectatur Tacitus.

² *Libratoresque.* Sunt, qui tormentis hastas aut lapides excutiant: quia librant scilicet, et jactus arte expendunt. Sic Hist. III. 23. *vincla ac libramenta tormentorum* adpellat. Hoc verius, quàm referri ad *libralia*.

³ *Flumen aut montes.* Flumen Visurgis, *the Weser*, et montes,

the mountains of Bukenburg.

⁴ *Non colligeret.* Prælongas hastas neque protendere, neque colligere, id est, protensas reducere, poterant Barbari.

⁵ *Contra miles.* Contra miles Romanus.

⁶ *Insidens capulo manus.* Graphicè dictum de gladiis minoribus. In oblongis, quibus ritu Gallorum Germani utebantur, non eadem manûs habitudo: neque firmiter aut tenet gladios, aut regit.

LIPS.

jam Arminio,¹ ob continua pericula, sive illum recens acceptum vulnus tardaverat.¹ Quin et Inguimerum totâ volitantem acie, fortuna magis quàm virtus deserebat: et Germanicus, quo magis agnosceretur, detraxerat tegimen capiti, orabatque “insisterent cædibus; nil opus captivis, “solam internecionem gentis finem bello fore.” Jamque sero diei subducit ex acie legionem, faciendis castris:² ceteræ ad noctem cruore hostium satiatae sunt: equites ambigüè certavere.

22. LAUDATIS pro concione victoribus, Cæsar congeriem armorum³ struxit, superbo cum titulo: DEBELLATIS INTER RHENUM ALBIMQUE NATIONIBUS EXERCITUM TIBERII CÆSARIS EA MONIMENTA MARTI ET JOVI ET AUGUSTO SACRAVISSE: de se nihil addidit, metu invidiæ, an ratus conscientiam facti satis esse. Mox bellum⁴ in Angrivarios Stertinio mandat, ni deditionem properavissent: atque illi supplices, nihil abnuendo, veniam omnium accepere.

23. SED ÆSTATE jam adultâ,⁵ legionum aliæ itinere terrestri in hibernacula remissæ: plures Cæsar classi impositas per flumen Amisiam Oceano invexit. Ac primò placidum æquor mille navium remis strepere, aut velis impelli: mox atro⁶ nubium globo effusa grando: simul variis undique procellis, incerti fluctus prospectum adimere,

¹ *Imprompto jam Arminio.* Ob continua pericula, et vulnus recens acceptum, ad arma, ad imperia impromptus erat Arminius.

² *Faciendis castris.* Legionem unam faciendis castris prope arcem *Bukenburg* subduxit.

³ *Congeriæ armorum.* Eam struxit ex adverso urbis *Minden*; superbo quidem cum titulo, verò tamen, Arminio Cheruscisque devictis. Quos enim nondum victos populos memorat Cl. Eccardus, p.

292. trans, non cis Albim habitabant, si Chaucos majores, Cheruscorum socios, exceperis.

⁴ *Mox bellum.* Victore exercitu Visurgim transgresso ad urbem *Minden*, Germanicus bellum in Angrivarios Stertinio mandavit.

⁵ *Æstate jam adultâ.* Exeunte mense Augusto.

⁶ *Mox atro.* Ipso æquinoctio, aut saltem propinquante, atro nubium globo effusa est grando.

regimen impedire: milesque pavidus, et casuum maris ignarus, dum turbat nautas, vel intempestivè juvat, officia prudentium corrumpibat: omne dehinc cœlum, et mare omne in austrum¹ cessit, qui tumidis Germaniæ² terris, profundis amnibus, immenso nubium tractu validus, et rigore vicini septemtrionis horridior, rapuit disjecitque naves in aperta Oceani, aut insulas saxis abruptis, vel per occulta vada infestas. Quibus paulum ægrèque vitatis, postquàm mutabat æstus, eòdemque quò ventus³ ferebat; non adhærere anchoris, non exhaurire inrumpentes undas poterant: equi, jumenta, sarcinæ, etiam arma præcipitantur, quò levarentur alvei manantes⁴ per latera, et fluctu superurgente.

24. QUANTO violentior cetero mari Oceanus, et truculentiâ cœli præstat Germania, tantùm illa clades novitate et magnitudine excessit, hostilibus circum littoribus,⁵ aut ita vasto et profundo,⁶ ut credatur novissimum ac sine terris mare: pars navium haustæ sunt; plures, apud insulas longiùs sitas ejectæ: milesque nullo illic hominum cultu, fame absumentus, nisi quos corpora equorum eòdem elisa toleraverant. Sola Germanici triremis Chaucorum ter-

¹ *In austrum.* To the southwest, vulgò Africum. Idque ex ipsâ tempestatis descriptione patet.

² *Tumidis Germaniæ.* Perperam emendat Faernus *humidis*. Tumidas Germaniæ terras meritò dixit Tacitus. Sunt enim præaltæ ac tumidæ; si quidem Germaniam nulli intrant fluvii: ex illâ verò exeunt plurimi ac maximi.

³ *Quò ventus ferebat.* Hæc varii variè torquent. Plana tamen sententia. Insulas per saxa abrupta, aut occulta vada infestas paulum ægrèque vitabant, favente refluxu. Sed æstus mutabat, navesque eòdem, quò ventus Africanus ferebat.

⁴ *Alvei manantes.* Optimè dictum, licèt istud plurimi emendant. Scilicet, equis, jumentis, sarcinis, armis etiam præcipitatis, levabantur alvei navium, qui antè gravidi, et fluctu superurgente, per latera ita manabant undis erumpentibus, ut exhauriri non possent. Vide not. et emend. ad Ann. 11. 23.

⁵ *Hostilibus circum littoribus.* Cimbrorum, of Jutland, Sui-tonum, of Sweden, fortè etiam ipsorum Pictorum, of Scotland, insularum Orcadum, of the Orkney and Shetland Isles.

⁶ *Aut ita vasto et profundo.* The North Sea.

ram¹ adpult; quem per omnes illos dies noctesque, apud scopulos et prominentes oras, cùm “se tanti exitii reum” clamitaret, vix cohibuere amici, quominus eodem mari oppeteret. Tandem relabente æstu, et secundante vento, claudæ naves raro remigio, aut intentis vestibus,² et quædam à validioribus tractæ, revertère: quas raptim reffectas misit, ut scrutarentur insulas: collecti eâ curâ plerique: multos Angriarii nuper in fidem accepti redemptos ab interioribus reddidere: quidam in Britanniam rapti, et remissi à regulis. Ut quis ex longinquo revererat, “miracula” narrabant, “vim turbinum, et inauditas volucres, monstra maris, ambiguis hominum et belluarum³ formas:” visa, sive ex metu credita.

25. SED FAMA classis amissæ, ut Germanos ad spem belli, ita Cæsarem ad coercendum erexit. C. Silio cùm triginta peditum, tribus equitum millibus ire in Cattos⁴ imperat: ipse majoribus copiis Marsos⁵ intrumpit: quorum dux Malovendus nuper in deditionem acceptus, “propinquo⁶ defossam Varianæ legionis aquilam⁷ modico “præsidio servari” indicat. Missa extemplò manus, quæ hostem à fronte eliceret, alii, qui terga circumgressi, recluderent humum: et utrisque adfuit fortuna. Eò promptior Cæsar pergit introrsus, populatur, excindit non ausum congredi hostem: aut sicubi restiterat, statim pulsum; nec umquam magis, ut ex captivis cognitum est, paventem. Quippe “invictos et nullis casibus superabiles Romanos” prædicabant, “qui, perditâ classe, amissis armis, pòst con-
strata equorum virorumque corporibus littora, eâdem

¹ *Chaucorum terram.* Ad ostium Visurgis, of the *Weser*, appulit.

² *Intentis vestibus.* Velorum vice.

³ *Ambiguis hominum et belluarum.* De hominibus marinis vide Plinium, ix. 5.

⁴ *In Cattos.* *Hesse.*

⁵ *Marsos.* *Munster* et *Paderborn.*

⁶ *Propinquo luco.* Salu Teutoburgiensi, the forest of *Teutoburg*, ut dictum supra Ann. 1. 60.

⁷ *Varianæ legionis aquilam.* Vide not. et emend. ad Ann. 11. 25.

“virtute, pari ferociâ, et veluti aucti numero in-
rupissent.”

26. REDUCTUS inde in hiberna miles, lætus animi,¹ quòd adversa maris, expeditione prosperâ pensavisset: addidit munificentiam Cæsar, quantum quis damni professus erat, exsolvendo. Nec dubium habebatur, labare hostes, petendæque pacis consilia sumere, et si proxima æstas adjiceretur, posse bellum patrari: sed crebris epistolis Tiberius monebat, “rediret ad decretum triumphum: satis jam
“eventuum, satis casuum: prospera illi et magna prælia:
“eorum quoque meminisset, quæ venti et fluctus, nullâ
“ducis culpâ, gravia tamen et sæva damna intulissent: se
“novies à divo Augusto in Germaniam missum, plura
“consilio quàm vi perfecisse. Sic Sugambros² in deditio-
“nem acceptos, sic Suevos, regemque Maroboduum³ pace
“obstrictum: posse et Cheruscos, ceterasque rebellium
“gentes, quandò Romanæ ultioni consultum esset, internis
“discordiis relinqui.” Precante Germanico annum efficiendis cœptis, acriùs modestiam ejus adgreditur, alterum consulatum offerendo, cujus munia præsens obiret: simul adnectebat, “si foret adhuc bellandum, relinqueret ma-
“teriem Drusi fratris⁴ gloriæ, qui nullo tum alio hoste,
“nõnnisi apud Germanias adsequi nomen imperatorium,⁵
“et deportare lauream posset.” Haud cunctatus est ultra Germanicus, quamquam fingi ea, seque per invidiam parto jam decori abstrahi intelligeret.

¹ *Lætus animi.* Vide Ruhnken. ad Vell. Paterc. lib. II. cap. 93.

² *Sugambros.* Sugambri vel Sicambri, à fluvio Sigâ, *Sieg*, nomen ducebant. Transrhenanam eorum sedem, Luppiam, *Lippe*, inter et Cattos, *Hesse*, occupavere Usippi et Tencteri. Eos quoque Συγγυμῶν appellat Strabo, VII. p. 290.

³ *Suevos, regemque Maroboduum.* Suevi inter Albim, *the Elbe*, et Vistulam, *the Vistula*, positi. Ma-

roboduus, rex Boiohemi, *Bohemia*. Infra cap. 44.

⁴ *Drusi fratris.* Drusus, Tiberii filius. Germanicus à Tiberio adoptatus.

⁵ *Nomen Imperatorium.* Re præclare gestâ dux salutabatur *Imperator*: et Romam redux, ac triumphalis, *lauream in Capitolini Jovis gremio reponebat.* Senec. Consol. ad Helviam, x.

27. SUB IDEM tempus, è familiâ Scriboniorum Libo Drusus defertur moliri res novas. Ejus negotii initium, ordinem, finem curatiùs disseram; quia tum primùm reperta sunt, quæ per tot annos rempublicam exedere. Firmius Catus senator, ex intimâ Libonis amicitîâ, juvenem improvidum et facilem inanibus, ad Chaldæorum promissa, Magorum sacra, somniorum etiam interpretes impulit: dum “proavum Pompeium,¹ amitam Scriboniam,² quæ quondam Augusti conjunx fuerat, consobrinos Cæsares,³ ple-
“nam imaginibus domum” ostentat; hortaturque ad luxum et æs alienum,⁴ socius libidinum et necessitatum,⁵ quo pluribus indiciis inligaret.

28. UT SATIS testium, et qui servi eadem noscerent, reperit, aditum ad principem postulat, demonstrato crimine et reo per Flaccum Vescularium⁶ equitem Romanum, cui propior cum Tiberio usus erat. Cæsar indicium haud aspernatus, congressus abnuît: ⁷ “posse enim, eodem Flacco
“internuntio, sermones commeare.” Atque interim Libonem ornat præturâ, convictibus adhibet, non vultu alienatus, non verbis commotior (adeò iram condiderat) cunctaque ejus dicta factaque cùm prohibere posset, scire malebat:

¹ *Proavum Pompeium.* Ergò Libo Drusus Pompeiâ, Pompeii M. nepte, genitus. Ejus stemma Lipsius, Ryckius, aliique variè consarcinant, merisque ludunt conjecturis.

² *Amitam Scriboniam.* Amitam magnam, ut temporum ratio postulare videtur. Sic infra cap. 43. *Avunculum Augustum*, id est, magni avunculum. De Scriboniâ, Augusti conjuge, vide stem. Cæs. n. 45. *Gravis femina* appellatur à Senecâ, Ep. LXX. et plurimùm laudatur.

³ *Consobrinos Cæsares.* Caium et Lucium, veriùs sobrinos. Sed *lecti abusione*, ut loquuntur J. C.

consobrini dici possunt. Vide stem. Cæs. n. 48 et 49.

⁴ *Luxum et æs alienum.* Luxu et ære alieno Julius Cæsar dictaturam, ipsamque summam potestatem olim obtinuerat. Iisdem artibus grassandum, et ad dignam natalibus fortunam enitendum Firmius Catus docebat.

⁵ *Et necessitatum.* Amicitiarum et necessitudinum, ut pluribus indiciis cum illigaret.

⁶ *Vescularium.* De hoc scelerato delatore dicitur infra Ann. VI. 10.

⁷ *Congressus abnuît.* Tiberius congressum Firmii Catisenatoris abnuît, ut Flacco Vesculario internuntio, sermones tutiùs commearent,

donec Junius quidam, tentatus¹ ut infernas umbras carminibus eliceret, ad Fulcinium Trionem indicium detulit: celebre inter accusatores Trionis ingenium erat, avidumque famæ malæ. Statim conripit reum,² adit consules, senatûs cognitionem poscit: et vocantur patres, addito, "consul-
"tandum super re magnâ et atroci."

29. LIBO interim veste mutatâ,³ cum primoribus fœminis, circumire domos, orare adfines, vocem adversum pericula poscere: abnuentibus cunctis, cum diversa prætenderent,⁴ eâdem formidine, die senatûs⁵ metu et ægritudine fessus,⁶ sive ut tradidere quidam, simulato morbo, lecticâ delatus⁷ ad fores curiæ, innisusque fratri,⁸ et manus ac supplices voces ad Tiberium tendens, immoto ejus vultu excipitur: mox libellos et auctores recitat Cæsar, ita moderans, ne lenire, neve asperare crimina videretur.

30. ACCESSERANT, præter Trionem et Catum accusatores, Fonteius Agrippa, et C. Vibius, certabantque cui jus

¹ *Junius quidam, tentatus.* Tentatus à Libone, quem Firmius Catus ad Magorum sacra impulerat.

² *Conripit reum.* Reum Libonem, non verò Junium, ut existimavit eruditus Huetius, Trio conripit, monetque dicendam causam, et crimen, à Junio delatum, diluendum.

³ *Veste mutatâ.* Rei, candidâ veste et splendido cultu positus, barbâ ac capillo promissis, atrati et squallidi domos patronorum et adfinium circumibant. Inde Gellius, III. 4. ait *Scipionem Æmilianum, cum esset reus, neque barbam desuisse radi, neque non candidâ veste uti, neque fuisse solito cultu reorum.*

⁴ *Diversa prætenderent.* Acti eâdem formidine, diversa prætexbant, ne res Libonis curarent.

⁵ *Die senatûs.* Id est, die ad actionem constituto. In quibusdam judiciis dies ille erat decimus, in aliis trigesimus. In gravissimis causis extra ordinem dies accipiebatur. Vide Sigonium de Judiciis, II. 10.

⁶ *Ægritudine fessus.* Hæc aliter Dio, LVII. p. 612. in totâ istâ narratione haud satis accuratus.

⁷ *Lecticâ delatus.* Quod receptum in solis agris. Nam lecticæ quamquam jam vulgatæ, tamen spernebantur adhuc à curiæ aditu. Suet. de Tib. 30. *Numquam curiam nisi solus intravit: lecticâ quondam introlatus ager comites à se removit.*

⁸ *Innisusque fratri.* Frater ille non videtur fuisse L. Scribonius Libo, hoc anno consul. Id enim non siluisset Tacitus.

perorandi in reum daretur : donec Vibius, quia nec ipsi inter se concederent, et Libo sine patrono introisset, singillatim se crimina objecturum ¹ professus, protulit libellos vecordes adeò, ut consultaverit Libo, ² “ an habiturus foret “ opes, queis viam Appiam Brundisium usque pecuniâ operiret.” Inerant et alia hujusmodi, stolidi, vana ; si molliùs acciperes, miseranda. Unì tamen libello, manu Libonis, nominibus Cæsarum aut senatorum, additas atroces vel occultas notas, accusator arguebat. Negante reo, agnoscentes servos per tormenta interrogari placuit. Et quia vetere senatusconsulto, quæstio in caput domini prohibebatur, callidus et novi juris repertor ³ Tiberius, mancipari ⁴ singulos actori publico jubet : scilicet, ut in Libonem ex servis, salvo senatusconsulto, quæreretur. Ob quæ posterum diem reus petivit ; domumque digressus, extremas preces P. Quirinio propinquo suo ad Principem mandavit : responsum est, “ ut senatum rogaret.”

31. CINGEBATUR interim milite domus : strepebant etiam ⁵ in vestibulo, ut audiri, ut aspici possent : cùm Libo, ipsis, quas in novissimam voluptatem adhibuerat, epulis ex-cruciatus, vocare percussorem, prensare servorum dextras,

¹ *Singillatim se crimina objecturum.* Quod primus fecit Cicero in causâ Verrinâ, in quâ primam actionem fecit eam, quæ testimoniis literisque proferendis continebatur, (nam his maximè conficitur causa, neque oratoris potiùs ingenium cernitur) deinde adjecit actionem continuam, sc. perpetuam orationem : nam antea actio utraque conjungi, et illa hanc excipere solebat. Conf. Suet. Ner. 15. pr. ibique Ern.

² *Ut consultaverit Libo.* Vibius protulit libellos adeò vecordes, ut argueretur Libo, quasi consultasset Magos, an habiturus foret opes, quibus viam Appiam Brundisium

usque pecuniâ operiret. Insana ac ridicula accusatio. Via enim Appia Brundisium usque longa est CCCLX. M. passuum, quæ vix 8,172,057,600,000. sestertiis, *Angl.* 68,100,480,000*l.* sternere-tur. Brundisium, nunc *Brindisi*, in regno Neapolitano et agro Lec-censi.

³ *Novi juris repertor.* Jus illud reperit Augustus, amplificavit Tiberius. Vide not. et emend. ad Ann. II. 30.

⁴ *Mancipari.* Mancipari actori publico, ut Libonis servi esse desinerent, et de eo interrogarentur.

⁵ *Strepebant etiam.* Ut vi, aut sponte pereundum significare.

inserere gladium : atque illis, dum trepidant, dum refugiunt, evertentibus adpositum mensâ lumen, feralibus jam sibi tenebris, duos ictus in viscera direxit. ¹ Ad gemitum conlabentis, adcurrere liberti, et cæde visâ miles abstinit. ² Accusatio tamen apud patres adseveratione eâdem peracta, juravitque Tiberius, “petiturum se vitam, quamvis nocenti, “nisi voluntariam mortem properavisset.”

32. BONA inter accusatores dividuntur : et præturæ extra ordinem datæ ³ his, qui senatorii ordinis erant. Tunc Cotta Messalinus, ⁴ “ne imago Libonis ⁵ exequias posterorum comitaretur,” censuit : Cn. Lentulus, “ne quis Scribonius cognomentum Drusi ⁶ adsumeret :” “supplicationum dies,” ⁷ Pomponii Flacci sententiâ, constituti : “ut dona Jovi, Marti, Concordiæ, utque Iduum Septembrium” ⁸ dies, quo se Libo interfecerat, dies festus haberetur,” L. P. ⁹ et Gallus Asinius, et Papius Mutilus, et L. Apronius decrevere : quorum auctoritates adulationesque retuli, ut sciretur vetas id in republicâ malum. Facta et de mathematicis magisque ¹⁰ Italiâ pellendis senatusconsulta : quorum

¹ *In viscera direxit.* De morte Libonis, adolescentis tam stolidi, quam nobilis, majora sperantis, quam aut illo seculo quisquam sperare poterat, aut ipse ullo, vide Senec. Ep. LXX.

² *Abstinit.* Strepere desiit, et abiit.

³ *Extra ordinem datæ.* Præturæ, quasi Libonis criminibus violatæ, extra sortem et comitia arbitrio Principis permissæ ; ita postulante senatu, ut Tiberio gratificaretur. Eas verò senatorii ordinis hominibus dedit Tiberius, ut se gratum memoremque præberet : iisque muneribus senatum ad probra et scelera erudiret.

⁴ *Cotta Messalinus.* Claris majoribus, sed animo diversus, infra Ann. IV. 20. Nec ita eleganter,

nec ita verè Ovid. IV. de Ponto, Eleg. XVI. 41.

⁵ *Ne imago Libonis.* De hoc usu vide inf. Ann. III. 76.

⁶ *Cognomentum Drusi.* Assentatoriæ. Filius enim Tiberii Drusus appellabatur.

⁷ *Supplicationum dies.* Pro celebrandis victoriis, lætisq; rebus ; pro adversis, malisque averruncandis supplicationes constituebantur.

⁸ *Iduum Septembrium.* Dies 13. Septembris.

⁹ *L. P.* Vulgò L. Publius. Vide not. et emend. ad Ann. II. 32.

¹⁰ *Mathematicis magisque.* Mathematicos magosque, ni se vanam artem desituros promitterent, Italiâ expulit. Ægyptios Judaicosque ritus compescuit. Suet. in Tib. XXXVI. Dio, LVII. p. 612. Quod

è numero, L. Pituanus saxo dejectus est. ¹ In P. Martium consules extra portam Esquilinam, ² cùm classicum canere jussissent, more prisco advertère. ³

33. PROXIMO senatûs diè, multa in luxum civitatis dicta à Q. Haterio consulari, Octavio Frontone præturâ functo: decretumque “ ne vasa auro solida ministrandis cibis fierent: “ ne vestis serica ⁴ viros fœdaret.” Excessit Fronto, ac postulavit “ modum argento, supellectili, familiæ.” ⁵ Erat quippe adhuc frequens senatoribus, si quid è republicâ crederent, loco sententiæ promere. Contra Gallus Asinius disseruit, “ Auctu imperii adolevisse etiam privatas opes; idque non “ novum, sed è vetustissimis moribus. Aliam apud Fabricios, aliam apud Scipiones pecuniam, et cuncta ad rem- “ publicam referri: quâ tenui, ⁶ angustas civium domos; “ postquàm eò magnificentiæ venerit, gliscere singulos. “ Neque in familiâ et argento, quæque ad usum parentur, “ nimium aliquid, aut modicum, nisi ex fortunâ possidentis: “ distinctos senatûs et equitum census, ⁷ non quia diversi na- “ turâ, sed ut locis, ordinibus, dignationibus, antissent et “ aliis, quæ ad requiem animi aut salubritatem corporum pa-

verò laudandum magis, Tiberii Cæsaris principatus sustulit Druidas eorum, Gallorum, et hoc genus ratum medicorumque.... Nec satis æstimari potest, quantum Romanis debeatur; qui sustulere monstra, in quibus hominem occidere religiosissimum erat, mundi verò etiam saluberrimum.” Plin. xxx. 1.

¹ Saxo dejectus est. Saxo Tarpeio dejectus est.

² Portam Esquilinam. Extra hanc portam plecebantur rei. Inde Hor. Epod. v. 100.

*Post insculta membra different lupi
Et Esquilinæ alites.*

Nunc porta sancti Laurentii.

³ Advertère. More prisco puniri, id est, nudi hominis cervicem inseri furcæ, corpus virgis ad necem erdi. Suet. in Ner. xlix.

⁴ Vestis serica. De Romanorum luxu fusiùs dicitur inf. Ann. iii. 52.

⁵ Familiæ. Famulorum numero.

⁶ Quâ tenui. Cùm respublica tenuis fuit et modica, angustas fuisse civium domos; postquàm eò magnificentiæ venerit, singulorum quoque opes crevisse.

⁷ Senatûs et equitum census. Sestertia 400. Angl. 3333l. 6s. 8d. equitum census. Plin. xxxiii. 2. Senatorum, stante republicâ, sestertia 800. Angl. 6666l. 13s. 4d. sub Principibus duodecies sestertiùm. Angl. 10,000l. Suet. in Aug. xli.

“rentur : nisi fortè clarissimo cuique plures curas, majora
 “pericula subeunda ; delinimentis curarum et periculorum
 “carendum esse.” Facilem adsensum Gallo, sub nomini-
 bus honestis, confessio vitiorum et similitudo audientium
 dedit. Adjecerat et Tiberius, “non id tempus censuræ :
 “nec si quid in moribus labaret, defuturum corrigendi auc-
 “torem.”

34. INTER quæ L. Piso “ambitum fori, corrupta judicia,
 “sævitiâ oratorum accusationes minitantium” increpans,
 “abire se, et cedere urbe, victurum in aliquo abdito et lon-
 “ginquo rure” testabatur : simul curiam relinquebat.
 Commotus est Tiberius, et quamquam mitibus verbis Pi-
 sonem permulsisset, propinquos quoque ejus impulit, ut
 abeuntem auctoritate vel precibus tenerent. Haud minùs
 liberi doloris documentum idem Piso mox dedit, vocatâ in
 jus Urgulaniâ, quam supra leges amicitia Augustæ¹ extul-
 lerat : nec aut Urgulania obtemperavit, in domum Cæsaris,
 spreto Pisone, vecta ; aut ille abstinit, quamquam Augusta
 “se violari et imminui” quereretur. Tiberius hactenus in-
 dulgere matri civile ratus,² ut “se iturum ad prætoris tri-
 “bunal, adfuturum Urgulaniæ” diceret, processit palatio,
 procul sequi jussis militibus : spectabatur, occursante populo,
 compositus ore, et sermonibus variis tempus atque iter du-
 cens ; donec propinquis Pisonem frustra coercentibus, de-
 ferri Augusta pecuniam, quæ petebatur, juberet. Isque
 finis rei, ex quâ neque Piso inglorius, et Cæsar majore famâ
 fuit. Ceterùm Urgulaniæ potentia adèò nimia civitati erat,
 ut testis in causâ quâdam, quæ apud senatum tractabatur,
 venire dedignaretur : missus est prætor, qui domi interro-
 garet ; cùm virgines Vestales in foro et judicio audiri, quo-
 tiens testimonium dicerent, vetus mos fuerit.

¹ Augustæ. Livix.

² Civile ratus. Indulgere matri | adèò civile ratus est, ut diceret se
 iturum ad prætoris tribunal.

35. RES eo anno prolatas¹ haud referrem, ni pretium foret, Cn. Pisonis,² et Asinii Galli super eo negotio diversas sententias noscere. Piso, “quamquam abfuturum se dix-
“erat Cæsar, ob id magis agendas” censebat, “et absente
“Principe, senatum et equites posse sua munia sustinere
“decorum reipublicæ fore.” Gallus, quia speciem liber-
tatis Piso præceperat, “nihil satis inlustre, aut ex dignitate
“populi Romani, nisi coram et sub oculis Cæsaribus: còque
“conventum Italiæ et adfluentes provincias, præsentia ejus
“servanda” dicebat. Audiente hæc Tiberio ac silente, magnis utrimque contentionibus acta; sed res dilatae.

36. ET CERTAMEN Gallo adversus Cæsarem exortum est: nam censuit “in quinquennium magistratuum comitia
“habenda: utque legionum legati, qui ante præturam eâ
“militiâ fungebantur, jam tum prætores destinarentur:
“Princeps duodecim candidatos, in annos singulos nomina-
“ret.” Haud dubium erat, eam sententiam altiùs penetrare, et arcana imperii tentari:³ Tiberius tamen, quasi au-
geretur potestas ejus, disseruit: “Grave moderationi suæ
“tot eligere, tot differre: vix per singulos annos offensiones
“vitari, quamvis repulsam propinqua spes soletur: quan-
“tum odii fore ab his, qui ultra quinquennium projiciantur!
“unde prospici posse, quæ cuique tam longo temporis spa-
“tio mens, domus, fortuna?⁴ superbire homines etiam an-
“nuâ designatione: quid si honorem per quinquennium⁵

¹ *Eo anno prolatas.* Prolatae ac dilatae eo anno res, ne absente Principe tractarentur. Quod retulit Tacitus, non ob rei gravitatem, sed ut Pisonis et Galli super eo negotio diversae sententiae noscerentur.

² *Cn. Pisonis.* De illo inf. c. 43.

³ *Arcana imperii tentari.* Sic enim tentabatur quid vellet, quid cogitaret Princeps; quos amaret,

quos odio haberet.

⁴ *Domus, fortuna.* Quiaque annorum spatio poterat candidati mens mutari, domus fœdari, fortuna everti.

⁵ *Honorem per quinquennium.* Munus quidem fuisset semper annuum; sed honorem per quinquennium agitassent. Ut quis enim designatus, statim honor, reverentia, et mox superbia.

“ agitent? quinquuplicari¹ prorsus magistratus, subverti
 “ leges, quæ sua spatia exercendæ candidatorum industriæ,
 “ quærendisque aut potiundis honoribus statuerint.”

37. FAVORABILI in speciem oratione vim imperii tenuit, censusque quorundam senatorum juvit: quo magis mirum fuit, quòd preces M. Hortali nobilis juvenis, in paupertate manifestâ, superbiùs accepisset. Nepos erat oratoris Hortensii,² inlectus à divo Augusto liberalitate decies sestertii³ ducere uxorem, suscipere liberos, ne clarissima familia extingueretur. Igitur quatuor filiis ante limen curiæ adstantibus, loco sententiæ, cùm in palatio senatus haberetur, modò Hortensii inter oratores sitam imaginem, modò Augusti intuens, ad hunc modum cœpit: “ Patres conscripti, hos
 “ quorum numerum et pueritiâ videtis, non sponte sustuli,
 “ sed quia Princeps monebat: simul majores mei meruerant, ut posteros haberent: nam ego, qui non pecuniam,
 “ non studia populi, neque eloquentiam, gentile domûs
 “ nostræ bonum, varietate temporum accipere vel parare
 “ potuissem, satis habebam, si tenues res meæ nec mihi
 “ pudori, nec cuiquam oneri forent: jussus ab imperatore,
 “ uxorem duxi. En stirps et progenies tot consulum, tot
 “ dictatorum:⁴ nec ad invidiam ista, sed conciliandæ misericordiæ refero: adsequentur, florente te, Cæsar, quos
 “ dederis honores; interim Q. Hortensii pronepotes, divi
 “ Augusti alumnos, ab inopiâ defende.”

¹ *Quinquuplicari.* Magistratus, non jam unius anni, sed quinque annorum esse; non exercendis muneribus, sed potiundis honoribus.

² *Oratoris Hortensii.* Vide not. et emend. ad Ann. II. 37.

³ *Decies sestertii.* Angl. 8333l. 6s. 8d.

⁴ *Tot consulum, tot dictatorum.* Vel paternum maternumque genus laudat, vel quinam sint isti consules (fortè tamen suffectos enu-

merat) ignoratur. Dictator verò fuit A. U. C. 468. A. C. 285. Q. Hortensius. Plebem, quæ propter æs alienum et graves ac longas seditiones in Janiculum secësserat, in urbem deduxit, legemque tulit, ut eo jure, quod plebs statuisset, omnes Quirites tenerentur. Gellius, xv. 27. In ipso magistratu decessit. Livius in Epitom. xi. Vide et Plinium, xvi. 10.

38. INCLINATIO senatûs incitamentum Tiberio fuit, quo promptiùs adversaretur, his fermè verbis usus: “ Si quantum pauperum est, venire huc, et liberis suis petere pecunias cœperint; singuli numquam exsatiabuntur, respública deficiet. Nec sanè ideo à majoribus concessum est egredi aliquandò relationem,¹ et quod in commune conducat loco sententiæ proferre, ut privata negotia, res familiares nostras hîc augeamus, cum invidiâ senatûs et principum, sive indulserint² largitionem, sive abnuerint. Non enim preces sunt istuc, sed efflagitatio intempestiva quidem et improvisa, cùm aliis de rebus convenerint patres, consurgere,³ et numero atque ætate liberûm suorum urgere mortem senatûs, eandem vim in me transmittere, ac velut perfringere ærarium: quod si ambitione exhausimus, per scelera supplendum erit. Dedit tibi, Hortale, divus Augustus pecuniam, sed non compellatus, nec eâ lege ut semper daretur: languescet alioqui industria, intendetur socordia, si nullus ex se metus, aut spes; et securi omnes aliena subsidia expectabunt, sibi ignavi, nobis graves.” Hæc atque talia, quamquam cum adsensu audita ab his, quibus omnia principum honesta atque inhonesta laudare mos est, plures per silentium aut occultum murmur excipere: sensitque Tiberius; et cùm paulum reticuisset: “ Hortalo se respondisse” ait, “ ceterûm si patribus videtur, daturum liberis ejus ducena sestertia⁴ singulis, qui sexûs virilis essent.” Egere alii grates; siluit Hortalus,⁵ pavore, an avitæ nobilitatis etiam inter angustias fortunæ retinens: neque miseratus est posthâc Tiberius, quamvis domus Hortensii pudendam ad inopiam delaberetur.

¹ *Egredi aliquandò relationem.* Egredi relationem, id est, à causarum relatione diverti, et loco sententiæ id proferre, quod in communem utilitatem conducat.

² *Sive indulserint.* Invidia quidem, quòd vel intempestivè indulgeant, vel durè abnuant.

³ *Consurgere.* Consurgebant, qui sententiam dicebant.

⁴ *Ducena sestertia.* Angl. 1666l. 13s. 4d.

⁵ *Siluit Hortalus.* Meritò quidem siluit, cùm oblata largitio infra censum et nobilitatem Hortensiorum esset.

39. EODEM anno, mancipii unius audacia, ni maturè subventum foret, discordiis armisque civilibus rempublicam perculisset. Postumi Agrippæ¹ servus, nomine *Clemens*, comperto fine Augusti, pergere in insulam Planasiam,² et fraude aut vi raptum Agrippam ferre³ ad exercitus Germanicos, non servili animo concepit. Ausa ejus impedivit tarditas onerariæ navis: atque interim patratâ cæde;⁴ ad majora et magis præcipitia conversus, furatur cineres; vectusque Cosam, Etruriæ promontorium,⁵ ignotis locis sese abdit, donec crinem barbamque promitteret: nam ætate et formâ haud dissimili in dominum erat. Tum per idoneos et secreti ejus socios, crebrescit “vivere Agrippam,” occultis primùm sermonibus, ut vetita solent; mox vago rumore apud imperitissimi cujusque promptas aures, aut rursum apud turbidos, eoque nova cupientes. Atque ipse adire municipia obscuro diei, neque propalam aspici, neque diutiùs iisdem locis: sed quia veritas visu et morâ, falsa festinatione et incertis valescunt, relinquebat famam,⁶ aut præveniebat.

40. VULGABATUR interim per Italiam, “servatum munere Deum Agrippam;” credebatur Romæ: jamque

¹ *Postumi Agrippæ.* De illo supra Ann. I. 6.

² *Insulam Planasiam.* Nunc *Pianosa.* Supra Ann. I. 5. Hinc videas eruditum Bouche *Histoire de Provence*, vol. I. p. 461. amore patriæ potiùs, quàm veritatis studio ductum, hanc insulam esse *the island of St. Marguerite*, near *S. Honoré de Lerins*, pronuntiare.

³ *Agrippam ferre.* Ducere ad exercitus Germanicos, quibus eum propter patris memoriam gratissimum fore intelligebat; *Muret.* Immo gratissimum, quia frater erat Agrippinæ, uxoris Germanici, quem ducem venerabantur. Vide IV. 67. extr. Suet. Aug. 19. et Tib. 3.

⁴ *Patratâ cæde.* Patratâ cæde Postumi Agrippæ, ut narratum est supra Ann. I. 6.

⁵ *Cosam, Etruriæ promontorium.* Cosa, nunc *Monte Argentaro*, prope urbem *Orbitello* in Statu Præsidii, vulgò *lo Stado degli Presidii.* Si Dioni, LVII. p. 613. fides habeatur, Clemens in Galliam venit, *Καὶ εἰς τὴν Γαλατίαν ἐλθὼν*, ibi multos, plurimos in Italiâ sibi adjunxit, ac tandem Romam contendit, avitum regnum repetiturus. Longè verisimiliora narrat Tacitus.

⁶ *Relinquebat famam.* Cùm fama percrebrescere cœperat, illam aliis in locis præveniebat. Hâc arte famam semper habebat perdissequam.

Ostiam invectum¹ multitudo ingens, jam in urbe clandestini cœtus celebrabant: cùm Tiberium anceps cura distrahere² vi ne militum servum suum³ coaceret, an inanem credulitatem tempore ipso vanescere sineret: modò nihil spernendum,⁴ modò non omnia metuenda, ambiguus pudoris ac metûs reputabat. Postremò dat negotium Sallustio Crispo:⁵ ille è clientibus duos (quidam milites fuisse tradunt) deligit, atque hortatur, simulatâ conscientîâ⁶ adeant, offerant pecuniam, fidem atque pericula polliceantur. Exsequuntur ut jussum erat: dein speculati noctem incustoditam,⁷ acceptâ idoneâ manu, vinctum clauso ore in palatium traxere. Percunctanti Tiberio, “Quomodò “Agrippa factus esset?” respondisse fertur, “Quomodò “tu Cæsar?”⁸ Ut ederet socios, subigi non potuit: nec Tiberius pœnam ejus palam ausus; in secretâ palatii parte interfici jussit, corpusque clam auferri: et quamquam multi è domo principis, equitesque ac senatores, sustentâsse opibus,⁹ juvisse consiliis dicerentur, haud quæsitum.¹⁰

¹ *Ostiam invectum.* Servato nomine, adhuc *Ostia* dicitur, in agro Romano.

² *Cùm Tiberium anceps cura distrahere.* In diversas partes trahabat mentem ejus, illum reddebat dubium et incertum, in quam partem et quid decerneret ageretve; ut *distrahi consiliis*, VI. 44. *Cùm* nectitur infinitivo, ubi verbo significatur aliquid non jam perfectum, sed continuatum neque finitum; Croll. Vide II. 31. pr. IV. 1. pr.

³ *Servum suum.* Nam Tiberius et heres Agrippæ erat, et Princeps; unde et Phraates *servum suum* Tiridatem adpellat ap. Justin. XLII. 5.

⁴ *Modò nihil spernendum.* Quoniam ex tenui et exiguo principio magnæ interdum turbæ ac seditiones exoriri solent; *modò non omnia metuenda*: quædam enim, quæ contempta evanescerent, interdum eo ipso crescunt, quod non

negliguntur; *ambiguus pudoris ac metûs* (vide ad. I. 7. 8.) *reputabat*: pudebat, servi causâ commoveri: metus erat, ne convalesceret malum nascens, nisi illud opprimeret, et obstaret principiis, quod medici docent; *Muretus*.

⁵ *Sallustio Crispo.* De quo supra Ann. I. 6.

⁶ *Simulatâ conscientîâ.* Simulantes se scire et credere ipsum esse verum Agrippam.

⁷ *Speculati noctem incustoditam.* Captantes opportunitatem noctis, in quâ sine custodibus esset et præsidiis. Vide ad. I. 28. 1. et 6. 51. 6.

⁸ *Quomodò tu Cæsar.* Salsè dictum. Uterque enim fraude grassatus. Clemens, ementito Agrippæ nomine: Tiberius Livie artibus Cæsar evaserat.

⁹ *Sustentâsse opibus.* Falsum illum Agrippam.

¹⁰ *Haud quæsitum.* Rectè qui-

A. U. C. 770. J. C. 17.

41. FINE anni, arcus propter ædem Saturni,¹ ob recepta signa cum Varo amissa, ductu Germanici, auspiciis Tiberii; et ædes Fortis Fortunæ² Tiberim juxta in hortis, quos Cæsar dictator populo Romano legaverat; sacrarium genti Juliæ, effigiesque divo Augusto apud Bovillas,³ dicantur. C. Cæcilio,⁴ L. Pomponio consulibus, Germanicus Cæsar A. D. VII. Kalendas Junias triumphavit de Cheruscis⁵ Cattisque et Angrivariis, quæque aliæ nationes usque ad Albim colunt: vecta spolia, captivi, simulacra montium,⁶ fluminum, præliorum: bellumque, quia conficere prohibitus erat, pro confecto accipiebatur: augebat intuentium visus eximia ipsius species, currusque quinque liberis⁷ onustus:

dem. Egregia enim puniendi ratio dignaque Principe, imperiosa dissimulatio.

¹ *Ædem Saturni.* In VIII. urbis regione, imoque clivo Capitolino, ut ait Festus. In hac vetustissimâ Saturni æde fuit ærarium publicum, Cic. ad Att. VII. Ep. 20. tabulæ ærarii debitorum, Suct. in Aug. XXXII. signa militaria, Livius, IV. 22.

² *Fortis Fortunæ.* In XIV. urbis regione. Fors Fortuna à rusticis maximè colebatur. Columel. x. 316.

³ *Apud Bovillas.* Bovillæ, nunc *Fratocchi*, viâ Appiâ sitæ ad decimum ab urbe lapidem. Ibi non tantum sacrarium genti Juliæ, et effigies D. Augusto dicata, sed etiam ludicrum circense editum, de quo infra Ann. xv. 23.

⁴ *C. Cæcilio.* C. Cæcilius Rufus, L. Pomponius Flaccus, consules fuere A. U. C. 770. J. C. 17. Vide not. et emend. ad Ann. II. 41.

⁵ *Triumphavit de Cheruscis.*

Nummi plurimi hujus triumphii testes. Germanicus stat in quadrigis, sinistrâ, scipionem eburneum cum Aquilâ tenet. GERMANICVS CÆSAR. Ex alterâ parte vir paludatus et armatus stans tenet Aquilam legionariam. SIGNIS RECEPT. DEVICTIS GERM. S C. *Signis receptis, devictis Germanis. Senatus consulto.*

⁶ *Captivi, simulacra montium.* Insigniorum captivorum, et devictorum populorum nomina, librariorum erroribus fædè deturpata, recenset Strabo, VII. p. 291. Vecta sunt simulacra montium, fluminum, non verò urbium, quæ nullæ adhuc in Germaniâ extabant.

⁷ *Quinque liberis.* Novem liberos ex Agrippinâ suscepit Germanicus, vide stem. Cæs. sed cum tres jam essent mortui, necdum nata Julia, quinque tantum fuere; Nero, Drusus, Caius postea Princeps, Agrippina et Drusilla, quibus onustus currus triumphalis intuentium visus augebat.

sed suberat occulta formido reputantibus, “haud prosperum in Druso patre ejus favorem vulgi: avunculum ejusdem Marcellum flagrantibus plebis studiis intrà juven- tam ereptum: breves et infaustos¹ populi Romani amores.”

42. CETERUM Tiberius, nomine Germanici, trecenos plebi sestertios² viritim dedit, seque collegam consulatui ejus destinavit: nec ideo sinceræ caritatis fidem adsecutus, amoliri juvenem specie honoris statuit, struxitque causas, aut fortè oblatas arripuit. Rex Archelaus³ quinquagesimum annum⁴ Cappadociâ potiebatur, invisus Tiberio, quòd eum Rhodi agentem⁵ nullo officio coluisset: nec id Archelaus per superbiam omiserat, sed ab intimis Augusti monitus; quia florente C. Cæsare,⁶ missoque ad res Orientis, intuta Tiberii amicitia credebatur. Ut, versâ⁷ Cæsarum sobole, imperium adeptus est, elicit Archelaum matris literis,⁸ quæ, non dissimulatis filii offensionibus, clementiam offerebat, si ad precandum veniret: ille ignarus doli, vel si intelligere crederetur, vim metuens, in urbem properat: exceptusque immiti à principe, et mox accusatus in senatu;⁹ non ob crimina quæ fingeantur, sed angore, simul fessus senio, et quia regibus æqua, nedum infima, insolita sunt, finem vitæ, sponte, an fato implevit. Regnum in provinciam redactum est,¹⁰ “fructibusque ejus levari posse cen-

¹ *Breves et infaustos.* Nec mirum. Libertati studebat populus, servituti Princeps.

² *Trecenos plebi sestertios.* Angl. 2l. 10s.

³ *Rex Archelaus.* Archelaum, Cappadociæ regem fecerat Antonius, A. U. C. 718. A. C. 35. Dio, XLIX. p. 411. Strabo, XII. p. 540 et 534. XVII. p. 796. Vide not. et emend. ad Ann. II. 42.

⁴ *Quinquagesimum annum.* Justa putatio. Cepit enim regnum ab Antonio, anno urbis 718. Consule Dionem, XLIX. 32. LIPS.

⁵ *Rhodi agentem.* Ut dictum

supra Ann. I. 4.

⁶ *C. Cæsare.* Caio, Augusti nepote. Vide stem. Cæs. n. 48.

⁷ *Versâ.* Non finitâ, sed ever-sâ, Agrippâ Postumo in exilium acto.

⁸ *Matris literis.* Liviæ, Tiberii matris.

⁹ *Accusatus in senatu.* Accusatus, quòd res novas in senatu esset molitus, teste Philostrato in vitâ Apollonii, I. 12. Alia multa, quorum penes lectores sit judicium, subjungit Dio, LVII. p. 614.

¹⁰ *In provinciam redactum est.* Cappadoces in provinciâ formam

“tesimæ vectigal”¹ professus Cæsar, ducentesimam in posterum statuit. Per idem tempus Antiocho Commagenorum,² Philopatore Cilicum³ regibus defunctis, turbabantur nationes, plerisque Romanum, aliis regium imperium cupientibus: et provinciæ Syria atque Judæa, fessæ oneribus, deminutionem tributû orabant.

43. Igitur hæc, et de Armēniâ, quæ supra memoravi,⁴ apud patres disseruit: “nec posse motum Orientem nisi Germanici sapientiâ componi. Nam suam ætatem vergere, Drusi nondum satis adolevisse.” Tunc decreto patrum, permissæ Germanico provinciæ, quæ mari dividuntur,⁵ majusque imperium quoquo adisset, quàm his, qui sorte aut missu Principis obtinerent. Sed Tiberius demoverat Syriâ Creticum Silanum,⁶ per adfinitatem connexum Germanico, quia Silani filia Neroni, vetustissimo liberorum ejus, pacta erat:⁷ præfeceratque Cn. Pisonem⁸ ingenio

redacti Q. Veranium legatum accipere. Infra cap. 56.

¹ *Centesimæ vectigal.* De centesimâ jam dictum supra Ann. I. 78. Cùm imperium accessione Cappadociæ ditius esset factum, Tiberius ducentesimam pro centesimâ statuit. Sic olim rei publicæ ærario intulit Æmilius Paulus, Perseo victo, è Macedonicâ prædâ HS. MM. CCC. Angl. 5,000,000l. à quo tempore populus Romanus tributum pendere desiit. Plin. xxxiii. 3.

² *Antiocho Commagenorum.* Antiocho III. Commagenorum rege. In nummis KOMMAGENΩN. Pars Syriæ Antiochenæ, Commagene, nunc Azar. De Commagenorum regibus eruditè scripsit V. Cl. Masson apud Haym, *Tesoro Britannico*, vol. I. p. 113 et seq.

³ *Philopatore Cilicum.* Ad illum pertinet nummus à V. Cl.

Haym, *Tesoro Britannico*, vol. I. p. 146. laudatus. Ex anticâ parte caput Ciliciæ turritum. E posticâ Pallas stans dextrâ Victoriâ, sinistrâ clypeum tenet ΒΑΣΙΛΕΩΣ ΦΙΛΟΠΑΤΟΡΟΣ, regis Philopatoris. In altero nummo Δ Δ, id est, anno 34.

⁴ *Supra memoravi.* Supra cap. 3.

⁵ *Provinciæ, quæ mari dividuntur.* Asia, Ægyptus, Africa. Majusque imperium, quàm his, qui aut proconsules sorte, aut pro prætores missu Principis obtinebant.

⁶ *Creticum Silanum.* Vide not. et emend. ad Ann. II. 43.

⁷ *Pacta erat.* Pacta quidem. Sed postea Nero Juliam Drusi Cæsaris filiam, uxorem duxit. Infra Ann. III. 29. Vide et stem. Cæs. n. 82.

⁸ *Cn. Pisonem.* Senecæ, de Irâ, I. 16. Cn. Piso fuit memoriâ nostrâ

violentum, et obsequii ignarum, insitâ ferociâ à patre Pisone, qui civili bello¹ resurgentes in Africâ partes acerrimo ministerio adversus Cæsarem juit: mox Brutum et Cassium² secutus, concesso reditu, petitione honorum abstinuit, donec ultro ambiretur delatum ab Augusto consulatum accipere.³ Sed præter paternos spiritus, uxoris quoque Plancinæ nobilitate et opibus accendebatur: vix Tiberio concedere, liberos ejus ut multum infra despectare: nec dubium habebat, se delectum, qui Syriæ imponeretur, ad spes Germanici coercendas: credidere quidam data et à Tiberio occulta mandata, et Plancinam haud dubiè Augusta monuit, muliebri æmulatione Agrippinam insectandi: divisa namque et discors aula erat, tacitis in Drusum⁴ aut Germanicum studiis. Tiberius, ut proprium, et sui sanguinis, Drusum fovebat: Germanico, alienatio patruī,⁵ amorem apud ceteros auxerat; et quia claritudine materni generis anteibat, avum M. Antonium,⁶ avunculum Augustum⁷ ferens: contra Druso proavus, eques Romanus, Pomponius Atticus⁸ dedecere Claudiorum imagines⁹ videbatur: et conjunx Germanici Agrippinā, fœcunditate ac

cir à multis vitiis integer, sed pravus, et cui placebat pro constantia rigor. Iratus, tres homines, ob unius innocentiam, interfici jussit. Senec. ib.

¹ *Civili bello.* Pompeium inter et Julium Cæsarem. Quid in Africâ adversus Cæsarem Piso præstiterit, passim narrat Hirtius de Bell. Afric.

² *Brutum et Cassium.* Julii Cæsaris interfectores.

³ *Consulatum accipere.* Donec Augustus ipse cum exoraret, ut secum consulatum gereret, quod contigit anno U. C. 731. A. C. 22.

⁴ *Drusum.* Tiberii filium.

⁵ *Alienatio patruī.* Tiberius Germanici patruus.

⁶ *Avum M. Antonium.* M. Antonius triumvir avus erat Germanici Antoniâ minore, Antonii filiâ, geniti. Vide stem. Cæs. n. 42 et 81.

⁷ *Avunculum Augustum.* Magnum avunculum, ut patet ex stem. Cæs. n. 43. 16. 42 et 81. Sic supra cap. 27. *Amitam* pro *magnam amitam*.

⁸ *Pomponius Atticus.* Pomponius erat Drusi Cæsaris proavus. Ejus enim filia nupserat M. Agrippæ. His genita Vipsania Agrippina Drusi mater. Vide stem. Cæs. n. 69 et 70.

⁹ *Claudiorum imagines.* Domum Tiberii Principis, quæ à Patriciâ familiâ Claudiâ originem ducebat.

famâ Liviam uxorem Drusi¹ præcellebat : sed fratres² egregiè concordēs, et proximorum certaminibus inconcussi.

44. Nec multo pòst Drusus in Illyricum missus est, ut suesceret militiæ, studiaque exercitûs pararet ; simul juvenem urbano luxu lascivientem meliùs in castris haberi Tiberius, seque tutiorem rebatur, utroque filio³ legiones obtinente. Sed Suevi prætendebantur,⁴ auxilium adversùs Cheruscos orantes : nam discessu Romanorum, ac vacui externo metu, gentis adsuetudine, tum et æmulatione gloriæ, arma in se verterant : vis nationum, virtus ducum in æquo : sed Maroboduum⁵ regis nomen invisum apud populares : Arminium pro libertate bellantem favor habebat.

45. Igitur non modò Cherusci sociique eorum, vetus Arminii miles, summere bellum : sed è regno etiam Marobodui Suvæ gentes, Semnones ac Langobardi,⁶ defecere ad eum : quibus additis præpollebat, ni Inguiomerus cum manu clientium ad Maroboduum perfugisset ; non aliam ob causam, quàm quia fratris filio⁷ juveni, patruus senex parere dedignabatur. Diriguntur acies pari utrimque spe, nec ut olim apud Germanos vagis incursibus, aut disjectas

¹ *Liviam uxorem Drusi.* Liviam quoque dictam, Germanici sororem. Vide stem. Cæs. n. 71.

² *Sed fratres.* Germanicus et Drusus fratres, quia Germanicus à Tiberio adoptatus. Ann. I. 3.

³ *Utroque filio.* Druso et Germanico.

⁴ *Prætendebantur.* Ut mens Tiberii lateret, prætexebantur Suevi auxilium adversùs Cheruscos orantes.

⁵ *Maroboduum.* Maroboduus, genere nobilis, corpore prævalens, animo ferox, natione magis, quàm ratione barbarus Marcomannos aliasque Suevorum gentes, pulsus

Boiis, in Hercyniam sylvam Boiohemumque transtulit, ut imperium ac vim regiam certiùs occuparet. Regis nomen illum brevi invisum fecit apud populares libertatis studiosissimos. Marobodui regnum, nunc *Bohemia*. Vide Velleium, II. 108 et 109. Strabonem, VII. p. 290.

⁶ *Semnones ac Langobardi.* Semnones, *Lusatia* ; Langobardi, *Brandeburg*. Perperam in quibusdam editionibus *Longobardi*.

⁷ *Fratris filio.* Sigimerus, Inguiomeri frater, pater Arminii. Vide stemma Arminii, Ann. I. 55.

per catervas: quippe longâ adversum nos militiâ, insueverant sequi signa, subsidiis firmari, dicta imperatorum accipere. At tunc Arminius equo conlustrans cuncta, ut quosque advectus erat: “ Reciperatam libertatem, trucidatas legiones, spolia adhuc et tela Romanis derepta, in manibus “ multorum ” ostentabat: contra “ fugacem Maroboduum ” appellans, “ præliorum expertem, Hercyniæ latebris¹ defensum, ac mox per dona et legationes petivisse foedus, “ proditorem patriæ, satellitem Cæsaris,² haud minùs infensis animis exturbandum, quàm Varum Quinctilium interfecerint: meminissent modò tot præliorum, quorum “ eventu, et ad postremum ejectis Romanis, satis probatum, “ penes utros summa belli fuerit.”³

46. NEQUE Maroboduus jactantiâ suâ, aut probris in hostem abstinebat: sed Inguiomerum tenens, “ Illo in “ corpore decus omne Cheruscorum, illius consiliis gesta, “ quæ prosperè ceciderint,” testabatur: “ vecordem Arminium,⁴ et rerum nescium, alienam gloriam in se trahere, quoniam tres vacuas legiones⁵ et ducem fraudis “ ignarum perfidiâ deceperit, magnâ cum clade Germaniæ,

¹ *Hercyniæ latebris.* Hercynia sylvæ *dieum sexaginta iter occupans, ut major aliis, ita et notior.* Mela, III. 3. Vide et Cæsarem de Bell. Gall. VI. 24 et 25. Nomen duxit à voce Germanicâ *Hartz*, aut *Hart*, id est, densa ac fruticosa sylvæ, teste Spenero Notit. Germ. Antiq. II. 3.

² *Satellitem Cæsaris.* Maroboduus, adhuc juvenis, Romam adierat, ibique Augusti beneficiis ornatus. Strabo, VII. p. 290. Regias artes edoctus, et in patriam reversus, regnum condidit; se Hercyniæ sylvæ latebris defendit, per dona et legationes petivit foedus Romanorum; prodidit patriam, non sociatis armis cum Cheruscis

ceterisque Germanis, qui eam adversus Romanos defendere.

³ *Penes utros summa belli fuerit.* Id, quod bellum conficit, in quo totum bellum et felix ejus eventus continetur ac versatur, quo omnia in bello redeunt, id est, summa virtus, vel victoria et maxima belli commoda. Cf. Hist. I. 87. 33. IV. 68. et ad Liv. III. 5. 6. ubi etiam monui, *summam belli, rei, reipublicæ vel romp.* nonnumquam poni pro universo bello.

⁴ *Vecordem Arminium.* Vecordem, id est, turbidum et temerarium.

⁵ *Tres vacuas legiones.* Minimè vacuas, teste Velleio, II. 119. *Exercitus omnium fortissimus, dis-*

“ et ignominiâ suâ, cùm conjunx,¹ cùm filius ejus, servitium adhuc tolerant. At se duodecim legionibus petitur² duce Tiberio, illibatam Germanorum gloriam servavisse : mox conditionibus æquis discessum : neque pœnitere quòd ipsorum in manu sit, integrum adversùs Romanos³ bellum, an pacem incruentam malint.” His vocibus instinctos exercitus propriæ quoque causæ stimulabant : cùm à Cheruscis Langobardisque, pro antiquo decore,⁴ aut recenti libertate ; et contra, augendæ dominationi certaretur. Non aliàs majore mole concursum, neque ambiguo magis eventu, fuis utrimque dextris cornibus. Sperabaturque rursum pugna, ni Maroboduus castra in colles subduxisset. Id signum percussi⁵ fuit : et transfugis⁶

ciplinâ, manu, experientiâque bellorum inter Romanos milites princeps, marcure ducis, Quinctilii Vari, perfidiâ hostis, iniquitate fortunæ circumventus — inclusus sylvis, paludibus, insidiis, ad interfectionem trucidatus est. Fatendum tamen legiones non fuisse integras. Nonnullos enim legionarios ipsis Barbaris, tuendorum præsidiorum aut fugandorum latronum specie permissos docet Dio, LVI. p. 583.

¹ *Cùm conjunx.* Supra Ann. I. 57 et 58.

² *Duodecim legionibus petitur.* Maroboduus, firmato regno, Romanis metuendum petivit Tiberius A. U. C. 759 ; mandavitque Sentio Saturnino ut per Catos, excisis contineptibus Hercyniæ sylvæ, legiones Boiohemum, *Bohemia*, duceret : se à Carnunto nunc *Haynburg*, ad confluentes Danubii et Mari, *Moravia*, posito, exercitum ex Illyrico in Marcomannos ducturum. Intrâ paucos dies Saturninus cum Tiberio juncturus erat, cùm Pannoniam Dalmatiamque rebellâsse nuntiatum. Bello

nondum cæpto, pax cum Maroboduo æquis conditionibus pacta ut vis belli in rebelles verteretur. Velleius, II. 109 et 110. Dio, LV. p. 568 et seq.

³ *Integrum adversùs Romanos.* Nullâ clade, nullo dedecore affecti, immo æquis conditionibus feroces, integrum adversùs Romanos bellum, pacemve incruentam eligere poterant. Integrum est adhuc bellum, cùm æquis viribus, ancipite victoriâ utrimque pugnatur.

⁴ *Pro antiquo decore.* Cherusci, Romanorum victores, pro antiquo decore : Langobardi, qui nuper à Maroboduo defecerant, pro recenti libertate pugnabant. Contra Maroboduus, tot gentium domitor, pro augendâ adhuc dominatione certabat.

⁵ *Signum percussi.* Percussi ac victi.

⁶ *Transfugis.* Paulatim nudatus Cheruscis, qui cum Inguiomero ad eum transfugerant, in Marcomannos populares suos concessit. Hi Marcomanni, Mari fluvii, *Moravia*, accolæ, omnino diversi à Marcommannis, quos Rheno pro-

paulatim nudatus, in Marcomannos concessit, misitque legatos ad Tiberium oraturos auxilia. Responsum est, “non jure eum adversus Cheruscos arma Romana invocare, qui pugnantes in eundem hostem Romanos nullâ ope juvisset.” Missus tamen Drusus, ut retulimus,¹ pacis firmator.

47. EODEM anno duodecim celebres Asiæ urbes collapsæ nocturno motu terræ:² quo improvisior graviorque pestis fuit: neque solitum in tali casu effugium subveniebat in aperta prorumpendi, quia diductis terris hauriebantur. “Sedissee immensos montes, visa in arduo quæ plana fuerint, effulsisse inter ruinam ignes” memorant. Asperissima in Sardianos lues plurimum in eosdem misericordiae traxit: nam centies sestertiûm³ pollicitus Cæsar, et quantum ærario, aut fisco pendebant, in quinquennium remisit. Magnetes à Sipylo, proximi damno ac remedio habiti. Temnios, Philadelphenos, Ægæatas, Apollonidienses, quique Mosteni, atque Macedones Hyrcani vocantur, et Hierocæsaream, Myrinam, Cymen, Tmolum levare idem in tempus tributis, mittique ex senatu placuit, qui præsentia spectaret, refoveretque. Delectus est M. Aletus è prætoriis, ne consulari obtinente Asiam, æmulatio inter pares, et ex eo impedimentum oriretur.

48. MAGNIFICAM in publicum largitionem auxit Cæsar haud minùs gratâ liberalitate, quòd bona Æmiliæ Musæ⁴

ximos memorat Cæsar de Bello Gallico, l. 51. quique nomen dūcebant à Marcianâ sylvâ, *Schwartz-wald*. Vide Eccardum de orig. Germ. p. 204 et 241,

¹ *Ut retulimus*. Supra cap. 44.

² *Nocturno motu terræ*. Idem testatur Plinius, ll. 84. *Maximus terræ memoriâ mortalium extitit motus, Tiberii Cæsaris principatu*

xii urbibus Asiæ unâ nocte prostratis. Vide not. et emend. ad Ann. 11, 47. Ibi de singulis urbibus eversis dicitur fusiùs.

³ *Centies sestertiûm*. Centies centena millia sestertiûm, *Angl.* 83,333l. 6s. 8d.

⁴ *Æmiliæ Musæ*. Quam liberam fuisse meritò conjicit Lipsius. Intestatâ mortuâ, incerto patrono, bona ejus juxta leges Romanas in

locupletis intestatæ petita in fiscum, Æmilio Lepido, cujus è domo videbatur; et Patulei divitis equitis Romani hereditatem (quamquam ipse heres in parte legeretur) tradidit M. Servilio, quem prioribus, neque suspectis tabulis, scriptum compererat: “nobilitatem utriusque pecuniâ juvandam” præfatus. Neque hereditatem cujusquam adiit, nisi cùm amicitia meruisset; ignotos et aliis infensos, eoque Principem nuncupantes, procul arcebat. Ceterum ut honestam innocentium paupertatem levavit; ita prodigos et ob flagitia egentes Vibidium Varronem, Marium Nepotem, Appium Appianum, Cornelium Sullam, Q. Vitellium movit senatu, aut sponte cedere passus est.

49. IISDEM temporibus Deum ædes vetustate aut igni abolitas, cœptasque ab Augusto, dedicavit: Libero Liberæque et Cereri, juxta Circum maximum, quam A. Postumius¹ dictator voverat; eodemque in loco ædem Floræ, ab Lucio et Marco Publiciis ædilibus² constitutam: et Jano templum, quod apud forum olitorium C. Duillius³ struxerat, qui primus rem Romanam prosperè mari gessit, triumphumque

fiscum à procuratoribus petita. Indulgentior Cæsar ea tradidit Æmilio Lepido, è cujus domo esse videbatur. Utrum cum Musâ, celeberrimo Augusti medico, cognatione conjuncta fuerit, frustra divinaretur. De hoc medico plura Suet. in Aug. LIX et LXXXI. Plin. XIX. 8. Fortè nomen acceperat ab aliquo Æmiliorum, qui uxorem è domo Pomponii Musæ, cujus habentur nummi, duxerat.

¹ A. Postumius. A. Postumius dictator A. U. C. 258. A. C. 495. Latinos ad lacum Regillum, *Colonia*, in agro Tusculano, vicit; ædemque vovit, quam triennio pòst consul Cassius Cereri, Libero, id est, Baccho, et Liberæ seu Proserpinæ, quæ Cora quoque dicebatur, consecravit. Τὸν τε νῶν τῆς

Δήμητρος, καὶ Διονύσου, καὶ Κόρης—καθίστασιν. Dionys. Halic. Antiq. Rom. VI. p. 414. Ædes illa in urbis regione undecimâ ad metas Circi maximi posita. Vide Livium, II. 19 et 20.

² Publiciis ædilibus. Ab ædilibus L. Publicio et M. Publicio, quos laudat Ovidius Fast. v. 297 et seq. In veteri inscrip. apud Ficoroni, *Roma Antica*, I. 3. C. PUBLICIO. L. F. ÆD. PL.

³ C. Duillius. C. Duillius, victor apud Liparas, nunc *Lipari* prope Siciliam, mersâ et fugatâ Pænorum classe, primus maritimum triumphum egit A. U. C. 494. A. C. 259. Templum Jani apud forum olitorium, nunc *Piazza Montanara*, in undecimâ urbis regione struxit. Florus, II. 2. Pli-nius, XXXIV. 5.

navalem de Pœnis meruit. Spei ædes à Germanico sacratur : hanc Atilius voverat eodem bello.¹

50. ADOLESCEBAT interea lex majestatis.² Et Apuleiam Variliam sororis Augusti neptem,³ quia probrosis sermonibus divum Augustum ac Tiberium, et matrem ejus inluset, Cæsarique connexa,⁴ adulterio teneretur, majestatis delator arcessebat. “De adulterio satis caveri lege Juliâ”⁵ visum. “Majestatis crimen distingui” Cæsar postulavit; “damnarique, si qua de Augusto inreligiosè dixisset: in se “jacta, nolle ad cognitionem vocari.” Interrogatus à consule “quid de his censeret, quæ de matre ejus locuta secus “argueretur,” reticuit: dein proximo senatûs die, illius quoque nomine oravit, “ne cui verba in eam quoquo “modo habita crimini forent.” Liberavitque Apuleiam lege majestatis; adulterii graviolem pœnam⁶ deprecatus, “ut, exemplo majorum,⁷ propinquis suis ultra ducen- “tesimum lapidem removeretur” suasit. Adultero Manlio Italiâ atque Africâ interdictum est.

51. DE PRÆTORE in locum Vipsanii Galli, quem mors abstulerat, subrogando, certamen incessit. Germanicus

¹ *Eodem bello.* In eodem bello Punico. Hæc Spei ædes, in foro olitorio quoque posita.

² *Lex majestatis.* De hâc lege supra Ann. I. 72.

³ *Sororis Augusti neptem.* Octaviæ neptem, Marcellæ filiam. Videstem. Cæs. n. 22. Apuleium, Augusti cognatum, συγγενῆ, appellat Dio, LIV. p. 543.

⁴ *Cæsarique connexa.* Duplex igitur majestatis crimen. Prius, propter convitia in Augustam domum. Alterum, propter adulterium patratum à fœminâ, quæ cum Cæsare erat affinitate conjuncta.

⁵ *Lex Juliâ.* Lex illa ab Augusto lata, ne quis posthæc stuprum, adulterium facito sciens dolo malo. Adulterium gladio; stu-

prum, si stupratores essent honesti, publicatione partis dimidiæ bonorum, si humiles, corporis coercitione cum relegatione puniebatur, ut accipimus ex Justiniano, Institut. IV. Tit. 18. de publicis judiciis. Julia lex dicebatur, quod Augustus à Julio Cæsare fuerat adoptatus. Vide Ant. Augustinum de legibus, p. 70 et seq.

⁶ *Graviolem pœnam.* Morte plectebatur adulterium, ut modò dictum est.

⁷ *Exemplo majorum.* Lex Romuli uxor in adulterio deprehensa repudiabatur, Plutarch. in Romul. p. 32. et, ut videtur ex his Taciti verbis, ultra ducentimum lapidem, id est, ultra CC M. passuum à propinquis suis removebatur.

atque Drusus (nam etiam tum Romæ erant) Haterium Agrippam propinquum Germanici¹ fovebant: contra plerique nitebantur, ut numerus liberorum² in candidatis præpolleret, quod lex jubebat. Lætabatur Tiberius, cùm inter filios ejus et leges senatus disceptaret; victa est³ sine dubio lex: sed neque statim, et paucis suffragiis: quomodò, etiam cùm valerent, leges vincebantur.⁴

52. EODEM anno cœptum in Africâ bellum, duce hostium Tacfarinate: is natione Numida,⁵ in castris Romanis auxiliaria stipendia meritis, mox desertor, vagos primùm, et latrociniiis suetos, ad prædam et raptus congregare; dein more militiæ per vexilla et turmas componere; postremò non inconditæ turbæ, sed Musulanorum dux⁶ haberi. Valida ea gens, et solitudinibus Africæ⁷ propinqua, nullo etiam tum urbium cultu, cepit arma, Maurosque accolas⁸ in bellum traxit: dux et his Mazippa: divisusque exercitus; ut Tacfarinas lectos viros, et Romanum in modum armatos castris attineret, disciplinâ et imperiis suesceret: Mazippa levi cum copiâ,⁹ incendia et cædes, et terrorem circumferret: compulerantque Cinithios,¹⁰ haud spernen-

¹ *Propinquum Germanici.* Agrippina, Germanici mater, erat M. Vipsanii Agrippæ filia.

² *Ut numerus liberorum.* Lege Papiâ, candidati, qui plures liberos genuerant, præpollabant. De hac lege vide Ant. August. p. 108.

³ *Victa est.* Et Haterius Agrippa subrogatus, licet liberorum numerus non præpolleret.

⁴ *Leges vincebantur.* Optimum imperium, in quo numquam vincerentur leges; bonum, in quo rarò vincuntur. Cùm inter filios ejus et leges senatus ita disceptaret, lætabatur Tiberius. Certus enim quid jam valeret, quid in posterum audere posset ominabatur.

⁵ *Natione Numida.* Numidia, nunc the eastern part of the province of Algiers.

⁶ *Musulanorum dux.* Nunc Biledulgerid. Vide not. et emend. ad Ann. II. 52.

⁷ *Solitudinibus Africæ.* Hic Africam de totâ Africâ ne accipias, sed de hac Africæ parte, quæ provincia Romana erat, et Africa dicebatur, nunc the province of Tunis.

⁸ *Maurosque accolas.* Numidis et Musulanis vicinos. The province of Fez, and the western part of the province of Algiers.

⁹ *Levi cum copiâ.* Modico militum numero, vel levi armaturâ; nisi potiùs viliores designantur milites et lectis viris opponuntur. Copiâ pro copiis.

¹⁰ *Cinithios.* Part of the province of Tripoli. Vide not. et emend. ad Ann. II. 52.

dam nationem, in eadem; cùm Furius Camillus proconsul Africæ, legionem et quod sub signis sociorum, in unum conductos ad hostem duxit: modicam manum, si multitudinem Numidarum atque Maurorum spectares: sed nihil æquè cavebatur, quàm ne bellum metu eluderent:¹ spe victoriæ inducti sunt, ut vincerentur. Igitur legio medio, leves cohortes duæque alæ² in cornibus locantur; nec Tacfarinas pugnam detrectavit: fusi Numidæ, multosque post annos³ Furio nomini partum decus militiæ: nam post illum reciperatorem urbis,⁴ filiumque ejus Camillum, penes alias familias imperatoria laus fuerat. Atque hic, quem memoramus, bellorum expers habebatur: eò pronior Tiberius⁵ res gestas apud Senatum celebravit: et decrevere patres triumphalia⁶ insignia: quod Camillo ob modestiam vitæ impune fuit.⁷

¹ *Ne bellum metu eluderent.* Trahèrent, refugientes et detrectantes prælium, vel potiùs: *ne bellum*, i. e. pugnam sc. prælium (ut passim, et Gr. πόλεμος: de quo vide ad Sil. 1. 621.) *metu* virium Rom. *eluderent*, detrectarent: quo sensu propr. *cludere ictum* dicuntur pugiles et gladiatores, declinatione corporis eum effugientes. Vide de eodem Tacfarinate, 3. 74. 2 et 4. 25.

² *Duæque alæ.* Equitum. Gellius, xvi. 4. *Alie dictæ exercitûs equitum ordines*; quod circum legiones dextrâ sinistrâque, tanquam alæ in avium corporibus locabantur. Romani vix x aut xii millia hominum habuere, Barbari fortè centum millia.

³ *Multosque post annos.* Multos quidem annos. Nam ab annis quadringentis nihil decoris Furiorum nomen à militiâ acceperat.

⁴ *Reciperatorem urbis.* M. Furius Camillus, expugnatis Veis anno U. C. 358. Gallos fudit, urbem-

que recuperavit anno U. C. 364. A. C. 389. Minio illitus triumphavit. Plin. xxxiii. 7. Filium haud degenerem habuit. At post illos imperatoria laus penes alias familias semper fuerat.

⁵ *Ed pronior Tiberius.* Nam is, claros viros detrectare et suspectare solitus, hunc ideo proniùs extulit, quia hominem nullâ eò usque militari famâ, ob unicum hoc prælium, satis intelligebat, eò gloriæ atque auctoritatis non posse adscendere, ut exinde sibi periculum haberet metuendum. *Ercinsh.*

⁶ *Triumphalia.* Supra Ann. 1. 72.

⁷ *Impune fuit.* Ab invidio Principe laudatus est Furius, quia bellorum expers habebatur. Laus enim victoriæ in numen Principis potiùs, quàm in victoris decus cedere videbatur. Decreta quoque à Patribus triumphalia insignia Camillus impune obtinuit, quòd propter vitæ modestiam nihil offensionis cepit Tiberius.

A. U. C. 771. J. C. 18.

53. SEQUENS annus Tiberium tertio,¹ Germanicum iterum consules habuit: sed eum honorem Germanicus iniit apud urbem Achaiae Nicopolim,² quò venerat per Illyricam oram, viso fratre Druso in Dalmatiâ agente, Adriatici ac mox Ionii³ maris adversam navigationem perpessus. Igitur paucos dies insumsit reficiendæ classi: simul sinus Actiacæ⁴ victoriâ inclitos, et sacratas ab Augusto⁵ manubias, castraque Antonii cum recordatione majorum suorum adiit: namque ei, ut memoravi, avunculus Augustus,⁶ avus Antonius erant, magnaue illic imago tristium lætorumque.⁷ Hinc ventum Athenas, fœderique sociæ et vetustæ urbis datum, ut uno lictore uteretur.⁸ Excepere Græci quæsitissimis honoribus, vetera suorum facta⁹ dictaque præferentes, quo plus dignationis adulatio haberet.

54. PETITA inde Eubœa,¹⁰ tramisit Lesbum,¹¹ ubi Agrippina novissimo partu Juliam edidit:¹² tum extrema Asiæ,

* *Tiberium tertio.* Tiberius Augustus III. Germanicus Cæsar II. consules fuere A. U. C. 771. J. C. 18.

² *Nicopolim.* Nicopolis, nunc *Preteza Vecchia.* Vide not. et emend. ad Ann. II. 53.

³ *Adriatici ac mox Ionii.* Adriaticum mare, *the gulph of Venice.* Ionium, *the Archipelago.*

⁴ *Sinus Actiacæ.* Sinus ille Epîrum inter et Achaïam, nunc *the gulph of Azzio.*

⁵ *Sacratas ab Augusto.* Vide not. et emend. ad Ann. II. 53.

⁶ *Avunculus Augustus.* Magnus avunculus, ut dictum est supra cap. 43.

⁷ *Tristium lætorumque.* Tristium ob Antonii cladem, lætorum propter Augusti victoriam. Quàm eleganter! Quàm Corneliane! *Magnaue illic imago tristium lætorumque.*

⁸ *Uno lictore uteretur.* In Principibus maximum amicitiae et securitatis argumentum, cum nullis, aut paucis, utuntur satellitibus.

⁹ *Vetera suorum facta.* Supra cap. 41. vidimus Romæ in Germanici triumpho *vecta spolia, simulacra montium, fluminum, præliorum.* Ita quoque Græci vetera suorum ducum facta philosophorum oratorumque dicta prætulere, ut plus dignationis haberet eorum adulatio. Et certè in hâc pompâ multum fuit magnificentiae, dignumque Germanico spectaculum. Alii tamen aliter explicant. Vide not. et emend. ad Ann. II. 53.

¹⁰ *Eubœa.* Nunc *Negropont.*

¹¹ *Lesbum.* Nunc *Metelin.*

¹² *Juliam edidit.* Juliam, dictam quoque *Livillam.* Vide stem. Cæs. n. 97.

Perinthumque¹ ac Byzantium² Thracias urbes, mox Propontidis³ angustias, et os Ponticum⁴ intrat, cupidine veteres locos, et famâ celebratos noscendi: pariterque provincias internis certaminibus, aut magistratuum injuriis fessas refovebat: atque illum in regressu sacra Samothracum⁵ visere nitentem, obvii aquilones depulere. Igitur Ilio,⁶ quæque ibi varietate fortunæ, et nostrî origine veneranda, relegit Asiam, appellitque Colophona,⁷ ut Clarii Apollinis oraculo uteretur. Non fœmina illic, ut apud Delphos, sed certis è familiis et fermè Mileto accitus⁸ sacerdos, numerum modò consultantium et nomina audit: tum in specum degressus, haustâ fontis arcani aquâ, ignarus plerumque literarum et carminum, edit responsa versibus, compositis super rebus, quas quis mente concepit: et ferebatur, Germanico per ambages, ut mos oraculis, “maturum exitium” cecinisse.

55. AT CN. PISO, quo properantiùs destinata inciperet, civitatem Atheniensium turbido incessu⁹ exterritam oratione

¹ *Perinthumque*. Postea dictam Heracleam, nunc *Araclea*.

² *Byzantium*. Nunc *Constantinople*.

³ *Propontidis*. *The Bosphorus, or the sea of Marmora*.

⁴ *Os Ponticum*. *The straits of Constantinople*.

⁵ *Sacra Samothracum*. In Ægeo mari insula Samothrace, nunc *Samandrachi*. De sacris Samothracum vide not. et emend. ad Ann. II. 54.

⁶ *Igitur Ilio*. Cùm Germanicus propter obvios aquilones Samothracem insulam adire non posset, Ilium appulit, ibique visit loca omnia, quæ varietate fortunæ, et Romanorum origine veneranda erant. His perlustratis, relegit Asiam. Geographia cum Taciti narratione egregie consentit. Ilium, unde omnis rerum claritas, Plin.

v. 30. omnino periit. A veteri Ilio, xxx stadiis disjunctum novum Ilium.

⁷ *Colophona*. In Ioniâ urbs Colophon, nunc *Belvedere*. De fatidico specu Plinius, II. 3. *Colophone in Apollinis Clarii specu lacuna est, cujus potu mira redduntur oracula, bibentium breviora vitæ*. Vide et Van-Dale de orac. Dissert. II. p. 311. et J. Baltum, *Réponse à l'Histoire des oracles*, part. II. p. 210. Oraculum illud brevi post Germanici adventum siluisse videtur ex Strabone, XIV. p. 642.

⁸ *Mileto accitus*. Miletus, urbs Carie, nunc *Milaxo*, dicta quoque *Palatschia* propter egregia palatiorum rudera.

⁹ *Turbido incessu*. Ingressu, adventu ad terrendum composito.

sævâ increpat, obliquè Germanicum perstringens, “quòd
 “contra decus Romani nominis non Athenienses tot cladi-
 “bus extinctos, sed colluviem illam nationum comitate
 “nimiâ coluisset: hos enim esse Mithridatis adversùs Sul-
 “lam, Antonii adversùs divum Augustum socios:” etiam
 vetera objectabat, “quæ in Macedones improspere, vio-
 “lenter in suos fecissent:” offensus urbi propriâ quoque
 irâ; quia Theophilum quemdam Areo iudicio¹ falsi damna-
 tum, precibus suis non concederent. Exin navigatione
 celeri per Cycladas,² et compendia maris, adsequitur Ger-
 manicum apud insulam Rhodum, haud nescium quibus in-
 sectionibus petitus foret: sed tantâ mansuetudine agebat,
 ut cùm orta tempestas raperet in abrupta, possetque in-
 teritus inimici ad casum referri, miserit triremes, quarum
 subsidio discrimini eximeretur. Neque tamen mitigatus Piso,
 et vix diei moram perpersus, linit Germanicum, prævenit-
 que: et postquàm Syriam ac legiones attigit, largitione, am-
 bitu, infimos manipularium juvando, cùm veteres centu-
 riones, severos tribunos demoveret, locaque eorum clien-
 tibus suis, vel deterrimo cuique attribueret, desidiâ in
 castris, licentiam in urbibus, vagum ac lascivientem per
 agros militem sineret, eò usque corruptionis proventus est,
 ut sermone vulgi, *parens legionum* haberetur. Nec Plan-
 cina se intrâ decora fœminis tenebat; sed exercitio equitum,
 decursibus cohortium³ interesse: in Agrippinam, in Ger-
 manicum contumelias jacere: quibusdam etiam bonorum
 militum ad mala obsequia promptis, quòd, “haud invito im-
 “peratore, ea fieri” occultus rumor incedebat.

¹ *Areo iudicio.* Iudicio Areo-
 pagi, cuius fides ac integritas tot
 ac tantis laudibus nobilitata. Fo-
 rum illud Areum, aut Areopagus
 à colle Martis, Græcè *Ἄρειος*, cui
 erat impositum prope Thesei tem-
 plum, appellabatur. *Judicium*
capitis in Areopago primum actum
est. Plin. vii. 56.

² *Cycladas.* Nomen suum re-
 tinent, *the Cyclades.*

³ *Decursibus cohortium.* Cam-
 pestri decursione exercebantur mi-
 lites. Hinc Vegetius, iii. 4. *Cam-
 picursionem, ut ipsi appellant, in-
 spectionemque armorum assidue fa-
 ciant.*

56. *NOTA* hæc Germanico; sed præverti ad Armenios¹ instantior cura fuit. Ambigua gens ea antiquitus, hominum ingeniis, et situ terrarum, quo nostris provinciis latè prætentata, penitus ad Medos porrigitur, maximisque imperiis² interjecti, et sæpiùs discordes sunt, adversùs Romanos odio, et in Parthum invidiâ. Regem illâ tempestate non habebant, amoto Vonone:³ sed favor nationis inclinabat in Zenonem,⁴ Polemonis regis Pontici filium, quodd is primâ ab infantiâ instituta et cultum Armeniorum æmulatus, venatu, epulis, et quæ alia barbari celebrant, procures plebemque juxta devinxerat. Igitur Germanicus in urbe Artaxatâ,⁵ adprobantibus nobilibus, circumfusâ multitudine, insigne regum capiti ejus imposuit: ceteri venerantes regem, *Artaxiam*⁶ consalutavere; quod illi vocabulum indiderant ex nomine urbis.⁷ At Cappadoces, in formam provinciæ⁸ redacti, Q. Veranium legatum accepere: et quædam ex regiis tributis deminuta,⁹ quo mitius Romanum

¹ *Præverti ad Armenios.* Sed instantior cura fuit properare ad Armenios, eosque adire priùs, quàm Syriam ipsam, licet Pisonis et Plancinæ artibus corruptam.

² *Maximisque imperiis.* Maximis Romanorum et Parthorum imperiis interjecti.

³ *Vonone.* De Vonone jam dictum supra cap. 2.

⁴ *In Zenonem.* Polemonis et Pythodoridis, fæminæ laudatissimæ, (Strabo, XII. 556.) filium. Vide canonem regum Armeniorum supra cap. 2. inter not. et emend.

⁵ *Artaxatâ.* Artaxata, caput Armeniæ. Ejus rudera adhuc videntur prope *Köirvirah*, ad austrum urbis *Eriuan*.

⁶ *Artaxiam.* Peregrino Zenonis nomine mutato, Artaxiam III. appellavere. Ab Artaxiâ, primo Armeniorum rege, plures dicti sunt Artaxiæ, vel Artaxes. Strabo, XI. p. 528.

⁷ *Ex nomine urbis.* Quæ ipsa

ab Artaxiâ rege nomen ducebat. Vide not. et emend. ad Ann. II. 56.

⁸ *In formam provinciæ.* Archelao rege, viduæ Pythodoridis conjugæ, mortuo, Cappadocia in formam provinciæ redacta est, ut dictum supra cap. 42. Eam equiti tunc traditam esse ait Dio, LVII. p. 614. Idem innuit Suet. in Vespasian. VIII. Verùm cùm his scriptoribus longè accuratior sit Tacitus, meritò existimat Lipsius Cappadociam à legato, seu prætoris primò administratam esse, deinde equiti, seu procuratori commissam, ac tandem à Vespasiano consulari viro traditam.

⁹ *Deminuta.* Magna ergò tributa exigebant Cappadocum reges. Nam deminuta sunt, ut Romanum imperium mitius videretur; et tamen tanta fuerunt, ut centesimæ vectigal levaverit Tiberius et ducentessimam in posterum statuerit. Vide supra cap. 42.

imperium speraretur. Commagenis Q. Servæus præponitur, tum primùm ad jus prætoris translatis.¹

57. CUNCTAQUE socialia² prosperè composita non ideo lætum Germanicum habebant, ob superbiam Pisonis, qui jussus partem legionum ipse, aut per filium, in Armeniam ducere, utrumque neglexerat. Cyrrhi³ demum apud hiberna decumæ legionis convenere, firmato vultu, Piso adversus metum, Germanicus ne minari crederetur; et erat, ut retuli,⁴ clementior: sed amici accendendis offensionibus callidi, intendere vera, adgerere falsa, ipsumque et Plancinam, et filios variis modis criminari. Postremò paucis familiarium adhibitis sermo cœptus à Cæsare, qualem ira et dissimulatio gignit: responsum à Pisone precibus contumacibus, discesserantque opertis odiis:⁵ pòstque rarus in tribunali Cæsaris Piso; et si quandò adsideret, atrox, ac dissentire manifestus: vox quoque ejus audita est in convivio, cùm apud regem Nabatæorum⁶ coronæ aureæ⁷ magno pon-

¹ *Ad jus prætoris translatis.*

Defuncto Antiocho, Commagenorum rege, et populis Romanum imperium cupientibus, Commagene facta est Cæsaris provincia, ut dictum supra cap. 42. sed postea id mutatum. Caius enim Cappadociæ regnum Antiocho, Antiochi filio, restituit, deinde ademit; iterum reddidit Claudius. Penitus tandem sustulit Vespasianus. Strabo, XVI. p. 749. Dio, LIX. p. 645. LX. p. 670. Suet. in Vesp. VIII.

² *Cunctaque socialia.* Hæc cum superioribus conjungenda. Scilicet, res Cappadocum, Commagenorum, cunctaque socialia, id est, sociorum, prosperè composita, non ideo lætum Germanicum habebant.

³ *Cyrrhi.* Cyrrhus urbs Cyrhæstices provinciæ, quæ Commagenæ erat contermina, nunc appel-

latur Quars.

⁴ *Ut retuli.* Supra cap. 55.

⁵ *Opertis odiis.* Emendat Lipsius *apertis*: approbat Amelot de la Houssaie. Nihil tamen mutaverim. Si enim aperta fuissent odia tribunali Cæsaris numquam adstitisset Piso, eum acerba loquentem non tolerasset Germanicus. Verè Davanzati *con odii concentrati*. Vide Misc. Obs. IX. 387.

⁶ *Nabatæorum.* Arabiam Nabatæam, *Arabia Petræa*, habitabant.

⁷ *Coronæ aureæ.* Ad luxum Orientis spectant, ubi tamen regibus tantum in conviviis dari solebant, vel quibus regalis honos habebatur. Cf. Capitol. in Ælio Vero, 5. Justin. XVIII. 2. et Polyb. xv. 31.

dere Cæsari et Agrippinæ, leves Pisoni et ceteris offerrentur: “ Principis Romani, non Parthi regis¹ filio eas epulas dari:” abjecitque simul coronam, et multa in luxum addidit, quæ Germanico, quamquam acerba, tolerabantur tamen.

58. INTER quæ ab rege Parthorum Artabano² legati venire: miserat “ amicitiam ac fœdus” memoraturos, et “ cupere renovari dextras,³ daturumque honori Germanici, “ ut ripam Euphratis accederet:⁴ petere interim, ne Vonones in Syriâ haberetur, neu proceres gentium propin- “ quis nuntiis ad discordias traheret.” Ad ea Germanicus, de societate Romanorum Parthorumque, magnificè: de adventu Regis⁵ et cultu sui, cum decore ac modestiâ respondit. Vonones Pompeiopolim,⁶ Ciliciæ maritimam urbem, amotus est: datum id non modò precibus Artabani, sed contumeliæ Pisonis, cui gratissimus erat ob plurima officia et dona, quibus Plancinam devinxerat.

A. U. C. 772. J. C. 19.

59. M. SILANO, L. Norbano consulibus,⁷ Germanicus Ægyptum proficiscitur, cognoscendæ antiquitatis: sed cura

¹ *Non Parthi regis.* Frustra sudant interpretes; plana est sententia. In speciem modestus, reverà arrogans, ait Piso epulas illas dari Principis Romani filio, non ad luxum, sed ad imperium nato. Luxum illum decere filium regis Parthi, dedecere verò Cæsarem et Cæsaris socios.

² *Artabano.* Artabano II. de quo supra cap. 3. vide et canonem regum Parthorum cap. 1. inter not. et emend.

³ *Renovari dextras.* In amicitiae ac fœderis signum. Inde in nummis, CONCORDIA duabus manibus junctis exprimitur: nonnullaque militaria signa in manum de-

sinunt.

⁴ *Accederet.* Ipse Artabanus.

⁵ *De adventu Regis.* Artabani ad ripam Euphratis.

⁶ *Pompeiopolim.* Pompeiopolis, nunc *Palesoli*. Ante dicta Soloe, unde vox solæcismus. De hac Plinius, v. 27. Cilicia, nunc *Carmania and part of Aladula*.

⁷ *L. Norbano coss.* M. Junius Silanus, L. Norbanus Flaccus Balbus consules fuere A. U. C. 772. J. C. 19. In tessera eburneâ apud Cl. V. de Caylus, *Recueil d'Antiquités*, vol. III. Tab. LXXXIX. num. 1. M. SIL. L. NO. B. COS. Id est, *M. Silano, L. Norbano Balbo consulibus*.

provinciae prætendebatur; levavitque, apertis horreis, pretia frugum: multaque in vulgus grata usurpavit, sine milite incedere, pedibus intectis, et pari cum Græcis amictu, P. Scipionis æmulatione;¹ quem eadem factitavisse apud Siciliam, quamvis flagrante adhuc Pœnorum bello, accepi-mus. Tiberius, cultu habituque ejus lenibus verbis perstricto, acerrimè increpuit,² quòd contra instituta Augusti, non sponte Principis, Alexandriam introisset: nam Augustus, inter alia dominationis arcana,³ vetitis, nisi permissu, ingredi senatoribus aut equitibus Romanis inlustribus,⁴ seposuit Ægyptum: ne fame urgeret Italiam, quisquis eam provinciam, claustraque terræ ac maris,⁵ quamvis levi præsidio adversum ingentes exercitus insedisset.

60. SED GERMANICUS, nondum comperto profectionem eam incusari, Nilo subvehebatur, orsus oppido à Canopo.⁶ Condidere id Spartani, ob sepultum illic rectorem navis Canopum; quâ tempestate Menelaus Græciam repetens, diversum ad mare⁷ terramque Libyam dejectus. Inde proximum amnis os dicatum Herculi,⁸ quem indigenæ ortum apud se et antiquissimum perhibent; eosque, qui

¹ *P. Scipionis æmulatione.* De hâc Scipionis Africani humanitate queritur Fabius Maximus apud Livium, xxix. 19. sed immeritò. Populos exteros numquam certiùs devincit victor et Princeps, quàm cùm eorum mores ac cultus imitatur.

² *Acerrimè increpuit.* Et in ipso senatu, teste Suet. in Tib. l.ii.

³ *Dominationis arcana.* Vide not. et emend. ad Ann. ii. 59.

⁴ *Equitibus Romanis inlustribus.* Equites illustres sæpe memorat Tacitus. Ii sunt, qui census et spem senatorii ordinis habebant. De censu senatorio dictum supra cap. 33.

⁵ *Claustra terræ ac maris.* Ostia Nili, et Isthmum, quæ sunt terræ

ac maris claustra, lævi præsidio adversum ingentes exercitus defendere quisque poterat.

⁶ *Canopo.* Canopus, urbs inferioris Ægypti, ad ostium Canopicum, Serapidis templo nobilis. Nunc dicitur *Aboukir*. Vide not. et emend. ad Ann. ii. 60.

⁷ *Diversum ad mare.* Id est, quod esset in contrariâ plagâ ei, quâ esset, quod petebat. Sic *diversa fenestra* apud Ovidium in Amor. qui sæpe hoc verbo ita utitur. Sic iii. 2. *diversa oppida.* ERN.

⁸ *Os dicatum Herculi.* Urbi Canopo proximum os Nili Canopicum, nunc *Mezenia*. Dicatum erat Herculi cum templo et urbe vicinâ Heraclio. Strabo, xvii. p. 801. Heraclium periit.

postea pari virtute fuerint, in cognomentum ejus adscitos:¹ mox visit² veterum Thebarum magna vestigia:³ et manebant structis molibus⁴ literæ Ægyptiæ,⁵ priorem opulentiam complexæ: jussusque è senioribus sacerdotum patrium sermonem interpretari, referebat “habitasse quondam septingenta millia⁶ ætate militari: atque eo cum exercitu regem Rhamsen⁷ Libyâ, Æthiopiâ,⁸ Medisque et Persis, et Bactriano, ac Scythiâ potitum: quasque terras Suri Armeniique et contigui Cappadoces colunt, inde Bithy- num, hinc Lycium ad mare imperio tenuisse:” legebantur et indicta gentibus tributa, pondus argenti et auri, numerus armorum equorumque, et dona templis ebur, atque odores, quasque copias frumenti et omnium utensilium quæque natio penderet, haud minùs magnifica, quàm nunc vi Parthorum,⁹ aut potentiâ Romanâ jubentur.

¹ *In cognomentum ejus adscitos.* Vera Ægyptiorum sententia. Nec ex Ægyptiaco tantum Hercule, sed ex fortissimis singularum gentium viris conflatus portentosus ille Hercules, Græcorum fabulis toties decantatus.

² *Mox visit.* Antea (quod siluit Tacitus) adiit Memphim, nunc Geeza. Ibiq; Apis, cibos à Germanico oblatos aversatus, mala paulo post eventura portendisse ferebatur. Ammian. Marcellin. xxii. 14.

³ *Thebarum magna vestigia.* In superiore Ægypto veteres Thebæ, nunc Habou. Nusquam terrarum plura adhuc extant antiquitatis et Ægyptiacæ magnificentiae monumenta, quæ descripta cum erudito orbe nuper communicavit Denon, *Travels in Upper and Lower Egypt.*

⁴ *Structis molibus.* Obeliscis, de quibus plura apud Ammianum Marcellinum, xvii. 4.

⁵ *Literæ Ægyptiæ.* Literæ illæ Hieroglyphicæ, quæ per figuras

animalium aliaque signa sensus mentis effingebant. Infra Annal. xi. 14. Per tot ergo secula viguit primævæ illius scripturæ cognitio!

⁶ *Septingenta millia.* Vide not. et emend. ad Ann. ii. 60.

⁷ *Regem Rhamsen.* Vide not. et emend. ad Ann. ii. 60.

⁸ *Æthiopiâ.* Non illâ Æthiopiâ, quæ in plurimis sacra scripturæ et veterum auctorum locis, pro Arabiâ desertâ accipitur, sed verâ Æthiopiâ, de quâ Plinius, vi. 29. *Ægyptiorum bellis attrita est Æthiopia.* Itaque Rhamses imperitavit Æthiopiæ, Libyæ, Ægypto, Arabiæ, Syriæ, parti australi Asiæ minoris, Cappadociæ, Armeniæ, Mediæ, Persidi, Bactrianæ, et Scythiæ intra Imaum.

⁹ *Vi Parthorum.* Cùm hæc scriberet Tacitus, duo tantum erant magna imperia; Parthorum, et Romanorum. Illud vi ac luxu, hoc sapientiâ et potentiâ memorandum.

61. CETERUM Germanicus aliis quoque miraculis intendit animum, quorum præcipua fuere Memnonis saxeæ effigies, ubi radiis solis icta est, vocalem solum reddens:¹ disjectasque inter² et vix pervias arenas, instar montium eductæ Pyramides, certamine et opibus³ regum: lacusque,⁴ effossâ humo, superfluentis Nili receptacula: atque alibi angustiae,⁵ et profunda altitudo, nullis inquirentium spatiis penetrabilis. Exin ventum Elephantinen⁶ ac Syenen,⁷ claustra olim Romani imperii; quod nunc rubrum ad mare⁸ patescit.

62. DUM ea æstas Germanico plures per provincias transigitur, haud leve decus Drusus quæsit, inliciens Germanos ad discordias, utque, fracto jam Maroboduo,⁹ usque in exitium insisteretur. Erat inter Gothones¹⁰ nobilis juvenis nomine Catualda, profugus olim vi Marobodui, et tunc, du-

¹ *Vocalem sonum reddens.* Verius, ut existimo, Plinius, xxxvi. 7. Basaltes narratur in Thebis delubro Serapis, ut putant, Memnonis statuae dicatus: quem quotidiano solis ortu contactum radiis crepare dicunt. Id confirmat Strabo, xvii. p. 816. Thebis adhuc extat Memnonium, saxeæque Memnonis effigies. Vide not. et emend. ad Ann. II. 61.

² *Disjectasque inter.* Inter mobiles vixque pervias arenas. Vide not. et emend. ad Ann. II. 61.

³ *Certamine et opibus.* Melius insaniâ, Plin. xxxvi. 15. Ad amplissimæ Pyramidis substructionem in raphanos, et allium ac cæpas, mille sexcenta talenta, Angl. 360,000 l. erogata esse prodiderunt, teste eodem Plinio, xxxvi. 12. De Pyramidibus passim Herodotus, Lib. II. et Recentiores omnes.

⁴ *Lacusque.* Lacum Mareotim, the lake Sabaka, et lacum Mæridis, the lake Bathen.

⁵ *Alibi angustiae.* Et prope

Thebas antrum angustis canaliculis excavatum, profundâ altitudine et tot anfractibus intricatum, ut nullis inquirentium spatiis sit penetrabile. Vide not. et emend. ad Ann. II. 61.

⁶ *Elephantinen.* Insula hæc in Ægypti et Æthiopiæ finibus, nunc the island of Fleur. Strabo, xvii. p. 819.

⁷ *Syenen.* Urbs Syene, nunc Assouan, sub ipso Cancrî Tropico. Inde solstitii die medio nulla umbra. Plin. vi. 29.

⁸ *Quod nunc rubrum ad mare.* Olim urbe Syene fiebatur imperium Romanum. At Trajani tempore, quo scribebat Tacitus, ad fauces maris rubri, nunc the streights of Babelmandel, patebat. Veteribus enim scriptoribus Mare rubrum non est sinus Arabicus, the Red Sea, sed quod vulgò dicimus mare Indicum, the Indian Sea.

⁹ *Fracto jam Maroboduo.* Ut dictum supra cap. 46.

¹⁰ *Inter Gothones.* Gothones, part of Ducal Prussia, cis Vistulam.

biis rebus ejus, ultionem ausus. Is validâ manu fines Marcomannorum¹ ingreditur, corruptisque primoribus ad societatem, inrumpit regiam,² castellumque juxta situm: veteres illic Suevorum prædæ,³ et nostris è provinciis lixæ, ac negotiatores reperti, quos jus commercii, dein cupido augendi pecuniam, postremùm oblivio patriæ, suis quemque ab sedibus hostilem in agrum transtulit.

63. MAROBODUO undique deserto non aliud subsidium, quàm misericordia Cæsaris fuit: transgressus Danubium, quâ Noricam provinciam⁴ præfluit, scripsit Tiberio, non ut profugus aut supplex, sed ex memoriâ prioris fortunæ. "Nam multis nationibus clarissimum quondam regem ad "se vocantibus, Romanam amicitiam prætulisse." Responsum à Cæsare, "tutam ei honoratamque sedem in Italiâ "fore, si maneret: sin rebus ejus aliud conduceret, abiturum fide, quâ venisset." Ceterùm apud senatum disse-ruit, "non Philippum⁵ Atheniensibus, non Pyrrhum, aut "Antiochum, populo Romano perinde metuendos⁶ fuisse." Extat oratio, "quâ magnitudinem viri, violentiam subjecta-
rum ei gentium, et quàm propinquus Italiæ hostis, suaque "in destruendo eo consilia" extulit. Et Maroboduus quidem Ravennæ habitus, si quandò insolescerent Suevi, quasi rediturus in regnum ostentabatur: sed non excessit Italiâ

¹ Marcomannorum. Bohemia.

² Regiam. Ptolemæo II. 11. Μαργαδον, nunc Prague. Strabo, VII. p. 290. Βογιασμον, τὸ τῆ Μαροβόδου regia, Βυλασμον, τὸ τῆ Μαροβόδου βασιλείου.

³ Suevorum prædæ. Supra cap. 45. Ipsi Marcomanni erant origine Suevicâ, Suevusque Maroboduus, ut probat Balbinus, Miscellanea Historiæ Bohem. II. 4.

⁴ Noricam provinciam. Noricum Ripense, nunc part of Austria on this side of the Danube. Danubium transgressus est inter Passau and Vienna.

⁵ Non Philippum. Philippum Alexandri M. patrem: Pyrrhum, Epiri et Macedoniæ regem: Antiochum III. Magnum, Syriæ regem, à L. Scipione victum A. U. 64. et pro impensis in bellum factis, quindecim millibus talentum Euboicorum, Angl. 3,375,000l. multatum, ut docet Liv. XXXVII. 45.

⁶ Perinde metuendos. Non æquè metuendos fuisse, ac Maroboduum. Magnitudinem Marobodui exaggerat Tiberius, ut prudentiam suam ostendet, bellicas imperatorum virtutes deterat.

per duodeviginti annos; consenuitque, multum immunitate claritate ob nimiam vivendi cupidinem. Idem Catualdæ casus, neque aliud perfugium: pulsus haud multo post Hermundurorum opibus,¹ et Vibilio duce; receptusque, forum Julium,² Narbonensis Galliae coloniam, mittitur. Barbari utrumque comitati,³ ne quietas provincias immixti turbarent, Danubium ultra inter flumina Marum⁴ et Cusum⁵ locantur, dato rege Vannio gentis Quadorum.

64. SIMUL nuntiato " regem Artaxiam Armeniis à Germanico datum,"⁶ decrevere patres, " ut Germanicus atque Drusus ovantes urbem introirent. Structi et Arcus⁷ circum latera templi Martis Ultoris⁸ cum effigie Cæsarum:⁹ lætiore Tiberio, quia pacem sapientiâ firmaverat, quàm si bellum per acies confecisset. Igitur Rhescuporin quoque, Thraciæ regem, astu adgreditur. Omnem eam nationem Rhæmetalces¹⁰ tenuerat: quo defuncto, Augustus partem Thracum Rhescuporidi¹¹ fratri ejus, partem filio Cotyi¹²

¹ *Hermundurorum opibus.* Hermunduri ad Bohemiæ occidentem positi, *part. of Bavaria and Franconia*, Romanis fida gens. Infra de mor. Germ. xli.

² *Forum Julium.* Nunc Fréjus.

³ *Utrumque comitati.* Maroboduum et Catualdam.

⁴ *Marum.* Nunc Moravia. In Danubium influit haud procul ab urbe Presburg in Hungariâ.

⁵ *Cusum.* Nunc Vag. Danubio infunditur prope urbem Comorn in Hungariâ.

⁶ *A Germanico datum.* Supra cap. 46.

⁷ *Structi et arcus.* Extat prope portam S. Sebastiani arcus dictus Drusi; sed is Drusi senioris est Germanici, de quo Suet. Claud. i. Spectatur et in nummo. Junioris Drusi arcus ævum non tulit.

⁸ *Templi Martis ultoris.* In primâ urbis regione.

⁹ *Cum effigie Cæsarum.* Germanici et Drusi.

¹⁰ *Rhæmetalces.* Rhæmetalces I. quem Dio, lv. p. 569. perperam appellat *Ρομητάλην*. In æreo Cimbrii Regii nummo, caput Augusti nudum ΚΑΙΣΑΡΟΣ ΣΕΒΑΣΤΟΥ, Cæsaris Augusti. Ex adversâ parte caput Rhæmetalcis diadematum ΒΑΣΙΛΕΩΣ ΡΟΙΜΗΤΑΛΚΟΥ, regis Rhæmetalcis. Nummos alios exhibet V. Cl. Cary, *Histoire des rois de Thrace*, tab. ii. et p. 67. Regnum auspicatus est circa annum U. C. 738. A. C. 15. Vivebat adhuc anno U. C. 759. J. C. 6.

¹¹ *Rhescuporidi.* Ad Rhescuporin I. et Cotyn V. Thraciæ reges, pertinet nummus æreus, in quo diadematum Cotyis caput, ΒΑΣΙΛΕΥΣ ΚΟΤΥΣ, rex Cotys. Ex alterâ parte, Victoria dextrâ coronam, sinistrâ palmam tenet, ΒΑΣΙΛΕΩΣ ΡΑΣΚΟΥΠΟΡΙΔΟΣ, regis Rhescuporidis. Vide V. Cl. Cary, p. 72 et seq.

¹² *Filio Cotyi.* Cotyi, filio Rhæmetalcis, literarum studiis celeberrimus.

permisit. In eâ divisione arva, et urbes,¹ et vicina Græcis, Cotyi; quod incultum, ferox, adnexum hostibus, Rhescuporidi cessit; ipsorumque regum ingenia, illi mite, et amœnum, huic atrox, avidum, et societatis impatiens erat. Sed primò subdolâ concordîâ egere: mox Rhescuporis egredi fines, vertere in se Cotyi data, et resistenti vim facere; cunctanter sub Augusto, quem auctorem utriusque regni, si sperneretur, vindicem metuebat: enimverò auditâ mutatione Principis,² immittere latronum globos, excindere castella, causas bello.

65. NIHIL æquè Tiberium anxium habebat, quàm ne composita turbarentur: deligit centurionem, qui nuntiaret regibus, “ne armis disceptarent:” statimque à Cotye dimissa sunt, quæ paraverat, auxilia. Rhescuporis fictâ modestiâ postulat, “eundem in locum coiretur, posse de controversiis colloquio transigi:” nec diu dubitatum de tempore, loco, dein conditionibus: cùm alter facilitate, alter fraude, cuncta inter se concederent, acciperentque. Rhescuporis sanciendo, ut dictitabat, fœderi, convivium adjicit; tractâque in multam noctem lætitiâ, per epulas ac vinolentiam incautum Cotyn, et postquàm dolum intellexerat, “sacra regni, ejusdem familiæ Deos, et hospitales mensas” obtestantem, catenis onerat. Thraciâque omni potitus, scripsit ad Tiberium, “structas sibi insidias, præventum insidiatorem:” simul bellum adversus Bastarnas Scythasque³

rimo. Vide not. et emend. ad Ann. II. 64.

¹ *Arva, et urbes.* Thracia australis et orientalis, Græcis vicina, data est Cotyi. Rhescuporidi cessit Thracia occidentalis ac borealis, montuosa, inculta, ferox; Scythis, Getis, Dacis, adnexa.

² *Mutatione Principis.* Cùm audisset Rhescuporis, mortuo Augusto, Tiberium factum esse Prin-

cipem, cœpit immittere latronum globos, excindere castella, et causas belli serere.

³ *Bastarnas Scythasque.* Ad Danubii ostia habitabant Bastarnæ et Scythæ. Dextrâ Scythæ, sinistrâ ripâ Bastarnæ, Græcis Βασάρναι, Strabo, VII. p. 305. Plinius, IV. 12. Sect. 25. *Bastarnas* appellat. Sic quoque Beroaldus. At infra de mor. Germ. XLVI. *Bastarnæ* adhuc memorantur.

prætendens, novis peditum et equitum copiis sese firmabat.

66. MOLLITER rescriptum, “si fraus abesset, posse eum
“innocentiæ fidere: ceterum neque se, neque senatum,
“nisi cognitâ causâ, jus et injuriam discreturos: proinde,
“tradito Cotye, veniret, transferretque invidiam criminis.”
Eas literas Latinius Pandus proprætor Mœsiæ,¹ cum militibus, quæ Cotys traderetur, in Thraciam misit. Rhescuporis inter metum et iram cunctatus, maluit patrati, quàm incepti facinoris reus esse: “occidi Cotyn” jubet, mortemque sponte sumtam ementitur. Nec tamen Cæsar placitas semel artes mutavit; sed defuncto Pando, quem sibi infernum Rhescuporis arguebat, Pomponium Flaccum,² veterem stipendiis, et arctâ cum rege amicitîâ, eoque accommodatorem ad fallendum, ob id maximè Mœsiæ præfecit.

67. FLACCUS in Thraciam transgressus, per ingentia promissa, quamvis ambiguum et scelera sua reputantem, perpulit, ut præsidia Romana³ intraret: circumdata hinc regi specie honoris valida manus, tribunique, et centuriones, monendo, suadendo, et quanto longiùs abscedebatur apertiore custodiâ, postremò gnarum necessitas in urbem traxere. Accusatus in senatu ab uxore Cotyis⁴ damnatur, ut procul regno teneretur. Thracia in Rhœmetalcen⁵ filium, quem

¹ *Proprator Mæsiæ.* Mæsia, Thraciæ vicina, nunc *part of Servia and Bulgaria.*

² *Pomponium Flaccum.* Quem laudat Ovidius, IV. de Ponto, Ep. IX. 20.

Præfuit his, Græcine, locis modò Flaccus; et illo

Ripa ferox Istri sub duce tuta fuit.

Bellum Pannonicum memorat, de quo Dio, LV. p. 569.

³ *Præsidia Romana.* Quæ erant in Mæsiâ, et Thraciæ contermina.

⁴ *Uxore Cotyis.* Pythodoridis, reginæ Ponti, matris optimæ filiâ optimâ. Nomen ejus ignoratur. Vide Strabonem, XII. p. 556.

⁵ *In Rhœmetalcen.* In Rhœmetalcen II. Rhescuporidis I. filium, qui postea universam Thraciam à Caio Principe accepit. Nummum ejus æreum V. Cl. Cary primus publicum fecit. Ex anticâ parte caput Caii laureatum ΓΑ..... ΜΑΝΙΚΩ ΣΕΒΑΣΤΩ, *Caio Germanico Augusto.* E posticâ.... ΥΣ ΠΟΙΜΗΤΑΛΚΑΣ, *rex Rhœme-*

paternis consiliis adversatum constabat, inque liberos Cotyis¹ dividitur: iisque nondum adultis Trebellienus Rufus præturâ functus datur, qui regnum interim tractaret, exemplo quo majores Marcum Lepidum² Ptolemæi liberis tutorem, in Ægyptum miserant. Rhescuporis Alexandriam devectus, atque illic fugam tentans, an ficto crimine, interficitur.

68. PER idem tempus Vonones, quem amotum in Ciliam memoravi,³ corruptis custodibus effugere ad Armenios, inde in Albanos Heniochosque,⁴ et consanguineum sibi regem Scytharum conatus est: specie venandi, omissis maritimis locis, avia saltuum petiit: mox pernicitate equi ad amnem Pyramum⁵ contendit, cujus pontes accolæ ruperant, auditâ regis fugâ: neque vado penetrari poterat. Igitur in ripâ fluminis, à Vibio Frontone⁶ præfecto equitum vincitur: mox Remmius, evocatus,⁷ priori custodiæ regis adpositus, quasi per iram gladio eum transigit: unde major fides, conscientia sceleris, et metu indicii, mortem Vononi inlatam.⁸

talces, viri duo, alter sedens, stans alter, sinistrâ hastam tenet. Fortè ipse Rhæmetalces, qui Thraciam totam ab imperatore accipit, ut conjectatur V. Cl. Cary, p. 79.

¹ *Inque liberos Cotyis.* Ita tamen ut non regnarent singuli Cotyis liberi, sed unus tantùm imperaret. Certè Strabo, XII. p. 556. ait unum, et natu maximum, cùm hæc scriberet, regnare. *Δυναστεύει δ' ὁ πρεσβύτατος αὐτῶν.* Anno U. C. 792. J. C. 39. cùm Caius Thraciam totam Rhæmetalei II. tradidit, Cotys Armeniam minorem, et quasdam Arabiæ partes accepit, ut docet Dio, LIX. p. 649. Vide et Supplementum Annal. II. 67.

² *Marcum Lepidum.* Marcum Æmilium Lepidum, Ptolemæi Philopatoris Ægypti regis liberorum tutorem. Vide not. et emend. ad Ann. II. 67.

³ *Memoravi.* Supra cap. 58.

⁴ *Albanos Heniochosque.* Albani, mari Caspio vicini; Heniochi, ponto Euxino: Scythæ verò ii sunt, qui intrâ Imaum habitant.

⁵ *Amnem Pyramum.* Pyramus, Cataoniæ et Ciliciæ Campestris fluvius, de quo plurima memorat Strabo, XII. p. 536. Nunc dicitur *Gihon*.

⁶ *Vibio Frontone.* Unius alæ præfecto. Vide not. et emend. ad Ann. II. 68.

⁷ *Remmius, evocatus.* Apud Romanos militiâ defuncti, et ad eam revocati, appellabantur evocati, Græcè *ἀνάκλητοι*; vide Dionem, XLV. p. 276. LV. p. 565. In veteribus quibusdam Taciti editionibus *evocatus* pro nomine proprio accipitur. At meliùs Beroaldus, recentiores, et optimi interpretes pro nomine militari usurpant. Evocatos sæpe memorant veteres lapides.

⁸ *Mortem Vononi inlatam.* Sue-

69. AT GERMANICUS Ægypto remeans, cuncta quæ apud legiones aut urbes jusserat, abolita, vel in contrarium versa cognoscit: hinc graves in Pisonem contumeliæ, nec minùs acerba, quæ ab illo in Cæsarem tentabantur. Dein Piso abire Syriâ statuit; mox adversâ Germanici valetudine detentus, ubi recreatum accepit, vota que pro incolumitate solvebantur, admotas hostias, sacrificalem apparatus, festam Antiochiensium¹ plebem, per lictores proturbat. Tum Seleuciam² degreditur, opperiens ægritudinem,³ quæ rursus Germanico acciderat: sævam vim morbi augebat persuasio veneni à Pisone accepti: et reperiebantur solo⁴ ac parietibus erutæ humanorum corporum reliquiæ, carmina, et devotiones, et nomen Germanici plumbeis tabulis⁵ insculptum, semiusti cineres, ac tabe obliti, aliaque maleficia, queis creditur⁶ animas numinibus infernis sacrari: simul missi à Pisone incusabantur, ut valetudinis adversa rimantes.

tonius, in Tiber. XLIX. ait *Vononem, regem Parthorum, qui pulsus à suis, quasi in fidem populi Romani cum ingenti gazâ Antiochiam se receperat, spoliatum perfidiâ Tiberii et occisum.* Verùm hæc in re se Tiberio iniquum probat. Accuratio et verior Tacitus.

¹ *Antiochiensium.* Antiochia, Syriæ caput, nunc *Antakia*.

² *Seleuciam.* Urbem Ciliciæ. Plin. v. 27. *Seleucia supra amnem Calycadnum, Tracheotis cognomine.* Nunc *Selefké*. Errat graviter Amelot de la Houssaie, cum ait Seleuciam illam esse urbem principem Mesopotamiæ Tigri fluvio appositam.

³ *Opperiens ægritudinem.* Eventum ægritudinis.

⁴ *Reperiebantur solo.* In eâ ipsâ domo, quam inhabitabat Germanicus, reperiebantur hæc incantationum monumenta, Vide Dionem, LVII. p. 615.

⁵ *Plumbeis tabulis.* Ad magicam defixionem hoc spectat, quâ nomen devovendi, in pugillaribus aut membranis aut laminis plumbeis exaratum, stylo atroci confodiebatur. Ita apud Ovid. Amor. III. 7. 29. *Saga Pœnicia defixit nomina cera,* et Heroid. VI. 91. *Medea devovet absentes simulacraque cerea figit,* et in Grut. thes. inscr. p. 19. 6. INFANDO LATROCINIO DEFIXA MONUMENTIS ORDINIS DECVRIONVM NOMINA memorantur. Laminarum plumbearum in scelesto hoc negotio mentionem facit Hieron. citatus Heinsio in Advers. et ad Ovid. l. c.

⁶ *Queis creditur.* Tiberianum seculum, ut ætates omnes politicæ, fuit rerum magicarum studiosissimum. Iisque prior Germanicus Samothracum sacra, Canopus, Memphim, Serapidis ac Apidis cultu et oraculis urbes celebratissimas, adire voluit.

70. EA GERMANICO haud minùs irâ, quàm per metum accepta; “ si limen obsideretur, si effundendus spiritus sub oculis inimicorum foret; quid deinde miserrimæ conjugî, quid infantibus liberis eventurum? lenta videri veneficia: “ festinare et urgere,¹ ut provinciam, ut legiones solus habeat: sed non usque eò defectum Germanicum, neque præmia cædes apud interfectorem mansura:” componit epistolas, “ queis amicitiam ei renuntiabat.”² Addunt plerique jussum “ provinciâ decedere:” nec Piso moratus ultra,³ naves solvit; moderabaturque cursui, quo propiùs regrederetur, si mors Germanici Syriam aperuisset.

71. CÆSAR paulisper ad spem erectus, dein fesso corpore, ubi finis aderat, adsistentes amicos in hunc modum adloquitur: “ Si fato concederem, justus mihi dolor etiam adversùs Deos esset, quòd me parentibus, liberis, patriæ, intrâ juventam præmaturo exitu raperent: nunc scelere Pisonis et Plancinæ interceptus, ultimas preces pectoribus vestris relinquo: referatis patri ac fratri,⁴ quibus acerbitatibus dilaceratus, quibus insidiis circumventus miserrimam vitam pessimâ morte finierim. Si quos spes meæ, quos propinquus sanguis, etiam quos invidia erga viventem movebat, inlacrymabunt, quondam florentem, et tot bellorum superstitem, muliebri fraude⁵ cecidisse. Erit vobis locus querendi apud senatum, invocandi leges. Non hoc præcipuum amicorum munus est, prosequi defunctum ignavo questu:⁶ sed quæ voluerit meminisse, quæ

¹ *Festinare et urgere.* Pisonem festinare et urgere, ut provinciam, &c.

² *Renuntiabat.* Componit epistolas, quibus amicitiam cum Pione dirimebat, eique domo, et, ut plerique addunt, provinciâ, interdicebat.

³ *Moratus ultra.* Seleuciæ.

⁴ *Patri ac fratri.* Tiberio et Druso.

⁵ *Muliebri fraude.* Fraude Li-

vix Augustæ, cujus artes increpat. Mox cap. seq. Agrippinam inonuit: *neu regressa in urbem emulatione potentia, validiores irritaret*, et cap. 77. Domitius ad Pisonem, *est tibi Augustæ conscientia, est Cæsaris favor, sed in occulto*. cap. 82. *Secretos Augustæ cum Plancinæ sermones.* Vide etiam Annual. III. 10.

⁶ *Prosequi defunctum ignavo*

“ mandaverit exsequi : flebunt Germanicum etiam ignoti :
 “ vindicabitis vos, si me potiùs quàm fortunam meam fove-
 “ batis. Ostendite populo Romano divi Augusti neptem,
 “ eamdemque conjugem meam : numerate sex liberos. Mi-
 “ sericordia cum accusantibus¹ erit : fingentibusque sce-
 “ lesta mandata, aut non credent homines, aut non ignos-
 “ cent.” Juravere amici, dextram morientis contingentes,²
 “ spiritum antè quàm ultionem amissuros.”

72. Tum ad uxorem versus, “ per memoriam sui, per
 “ communes liberos” oravit, “ exueret ferociam, sævienti
 “ fortunæ submitteret animum ; neu regressa in urbem
 “ æmulatione potentiæ validiores inritaret.” Hæc palam,
 et alia secretò, per quæ ostendere credebatur metum ex
 Tiberio. Neque multo pòst extinguitur, ingenti luctu
 provinciæ et circumjacentium populorum. Indoluere ex-
 teræ nationes regesque ; tanta illi comitas in socios, man-
 suetudo in hostes ; visuque et auditu juxta venerabilis, cùm
 magnitudinem et gravitatem summæ fortunæ retineret, in-
 vidiam et adrogantiam effugerat.³

73. FUNUS sine imaginibus⁴ et pompâ, per laudes, et
 memoriam virtutum ejus celebre fuit. Et erant qui for-
 mam, ætatem, genus mortis, ob propinquitatem etiam lo-

questu. Inani, sine vi et operâ,
 qualis deceat ignavos, imbelles et
 timidos, eorumque esse solet.

¹ *Accusantibus.* Hæc recensentes, accusantes scelera, misericordiam commovebitis.

² *Dextram morientis contingentes.* In pignus fidei, quam morienti datam fallere summum nefas. Morientes etiam amicis dextram suam porrigere, observant interp. Vide Xenoph. de Cyro, VIII. 7.

³ *Invidiam et adrogantiam effugerat.* Brevissima, sed egregia

laus. Ita quoque Dio, LVII. p. 615. Ἀλλὰ συνελόντι εἰπεῖν, ἐν ὀλίγοις τῶν πάποτε, ἔτε ἑξήμαρτέ τι εἰς τὴν ὑπάρξασαν αὐτῷ τύχην, ἔτ' αὐτὸς ὑπ' ἐκείνης διεθάρχη. Sed ut summatim dicam, quod paucis ex omni memoria contigit, neque contra fortunam, quâ utebatur, peccavit quicquam, neque ipse ab eâ corruptus est. Plura Suetonius in Caio, III. IV et V.

⁴ *Sine imaginibus.* Quia externas inter gentes mortuus. Imagines Romæ asservabantur. De his imaginibus egregia habet Polybius, VI. p. 495. Vide et Plinium, XXXV. 2.

corum,¹ in quibus interiit, Magni Alexandri fati adæquarent. “Nam utrumque corpore decoro, genere insigni, haud multum triginta annos egressum, suorum insidiis externas inter gentes occidisse: sed hunc mitem erga amicos, modicum voluptatum, uno matrimonio, certis liberis egisse: neque minus præliatorem, etiam si temeritas abfuerit, præpeditusque sit percussas tot victoriis Germanias servitio premere. Quod si solus arbiter rerum, si jure et nomine regio fuisset, tanto promtius adsecuturum gloriam militiæ, quantum clementiâ, temperantiâ, ceteris bonis artibus præstitisset.” Corpus antequam cremaretur, nudatum in foro Antiochiensium, qui locus sepulturæ destinabatur.² Prætuleritne veneficii signa, parum constitit:³ nam ut quis misericordiâ in Germanicum, et præsumptâ suspicionem, aut favore in Pisonem pronior, diversi interpretabantur.⁴

74. CONSULTATUM inde inter legatos, quique alii senatorum aderant, “quisnam Syriæ præficeretur:” et ceteris modicè nisis, inter Vibium Marsum, et Cn. Sentium diu quæsitum: dein Marsus seniori, et acrius tendenti⁵ Sentio concessit. Isque infamem veneficiis eâ in provinciâ, et Plancinæ percaram, nomine Martinam, in urbem misit, postulantis Vitellio⁶ ac Veranio, ceterisque qui crimina et

¹ *Propinquitatem etiam locorum.* In Syriâ mortuus est Germanicus, Alexander in Babyloniâ.

² *Sepulturæ destinabatur.* Destinabatur busto, quo cremaretur: vide infra cap. 83.

³ *Parum constitit.* Haud ita modeste Suetonius in Caio, 1.

⁴ *Diversi interpretabantur.* Germanici partibus addicti, eum veneno interiisse dicebant. In Pisonem proniores, Germanicum cardiaco morbo mortuum contendebant. Id accipimus à Plinio, xi. 37. Sect. 71. *Negatur cremari posse Cor*

in iis, qui cardiaco morbo obierint: negatur et veneno interemptis. Certè extat oratio Vitellii, quâ reum Pisonem ejus sceleris coarguit, hoc usus argumento: palamque testatus, non potuisse ob venenum cor Germanici Caesaris cremari. Contra genere morbi defensio est Piso. De Vitellio dicetur, cap. seq.

⁵ *Acrius tendenti.* Syriæ præfecturam acrius ambiens.

⁶ *Vitellio.* P. Vitellio, de quo supra Annal. i. 70. Vide stemma Vitelliorum Hist. i. 9.

accusationem tamquam adversus receptos jam reos instruebant.

75. At AGRIPPINA, quamquam defessa luctu, et corpore ægro, omnium tamen, quæ ultionem morarentur, intolerans, ascendit classem cum cineribus Germanici, et liberis; miserantibus cunctis, “quòd fœmina nobilitate princeps, pulcherrimo modò matrimonio, inter venerantes gratantesque aspici solita, tunc ferales reliquias sinu ferret, incerta ultionis, anxia sui, et infelici fœcunditate fortunæ totiens obnoxia.” Pisonem interim apud Coum insulam¹ nuntius adsequitur, “excessisse Germanicum.” Quo intemperanter accepto, cædit victimas, adit templa: neque ipse gaudium moderans, et magis insolescente Plancinâ, quæ luctum amissæ sororis tum primùm læto cultu mutavit.

76. ADFLUEBANT centuriones, monebantque “promta illi legionum studia: repeteret provinciam non jure ablatam, et vacuam.” Igitur “quid agendum” consultanti, M. Piso filius “properandum in urbem” censebat: “nihil adhuc inexpressibile admissum, neque suspiciones imbecillas, aut inania famæ pertimescenda: discordiam erga Germanicum odio fortasse dignam, non pœnâ: et ademtione provinciæ, satisfactum inimicis. Quòd si regrederetur, obsistente Sentio, civile bellum incipi: nec duraturos in partibus centuriones militesque, apud quos recens imperatoris sui memoria, et penitus infixus in Cæsares amor prævaleret.”

77. CONTRA Domitius Celer ex intimâ ejus amicitia disseruit, “Utendum eventu. Pisonem, non Sentium, Syriæ præpositum: huic fasces et jus prætoris, huic legiones datas: si quid hostile ingruat, quàm justius arma oppositum, qui legati auctoritatem,² et propria mandata

¹ *Coum insulam.* Cos, insula Ægæi maris, nunc *Stan Co.*

² *Qui legati auctoritatem.* Quàm justius arma oppositum illum,

“ acceperit? Relinquendum etiam rumoribus tempus, quo
 “ senescant: plerumque innocentes, recenti invidiæ impares.
 “ At si teneat exercitum, augeat vires, multa, quæ provideri
 “ non possint, fortuitò in melius casura. An festinamus
 “ cum Germanici cineribus adpellere, ut te inauditum et
 “ indefensum planctus Agrippinæ, ac vulgus imperitum,
 “ primo rumore raptant? Est tibi Augustæ conscientia, est
 “ Cæsaris favor, sed in occulto: et periisse Germanicum
 “ nulli jactantiùs mœrent, quàm qui maximè lætantur.”

78. HAUD magnâ mole¹ Piso, promptus ferocibus, in
 sententiam trahitur: missisque ad Tiberium epistolis, incu-
 sat “ Germanicum luxûs et superbiæ; seque pulsum, ut
 “ locus rebus novis patefieret, curam exercitûs, eâdem fide
 “ quâ tenuerit, repetivisse.” Simul Domitium impositum
 triremi “ vitare littorum oram, præterque insulas lato mari
 “ pergere in Syriam” jubet: concurrentes desertores per
 manipulos componit, armat lixas, trajectisque in continentem
 navibus vexillum tironum² in Syriam euntium intercipit.
 Regulis Cilicum “ ut se auxiliis juvarent” scribit; haud ig-
 navo ad ministeria belli juvene Pisone, quamquam suscipi-
 endum bellum abnuisset.

79. IGITUR oram Lyciæ ac Pamphyliæ prælegentes, ob-
 viis navibus, quæ Agrippinam vehebant, utrinque infensi,

qui legati auctoritatem, et propria
 mandata acceperit.

¹ *Haud magnâ mole.* Difficul-
 tate, i. e. facilè. Cf. ad Liv. I.
 38. 4.—*rebus novis*, seditioni, re-
 bellioni.

² *Vexillum tironum.* Tirones
 qui nondum in numeros relati.
 Quod egregiè illustrat Ulpianus,
 Digest. XLIX. tit. 1. *De testamen-*
to militis. art. 42. *Ex eo tempore*
quisque jure militari incipit posse
testari, ex quo in numeros relatus

est: antè non: proinde qui nondum
in numeris sunt, licet etiam lecti
tirones sint, et publicis expensis iter
faciant, nondum tamen milites sunt:
debent enim in numeros referri.
 Tirones illi, experimentis compro-
 bati, in numeros referebantur, seu
 punctis signorum inscribebantur,
 ut loquitur Vegetius, I. 8. Itaque
 dum altum petit Domitius, Piso
 oram Cariae legit, et, navibus con-
 tinenti admotis, vexillum tironum
 intercipit.

arma primò expedire: dein mutuâ formidine, non ultra jurgium processum est: Marsusque Vibius nuntiavit Pisoni, “Romam ad dicendam causam veniret.” Ille eludens respondit, “adfuturum, ubi prætor, qui de beneficiis quæreret, “reo atque accusatoribus diem prædixisset.” Interim Domitius Laodiceam,¹ urbem Syriæ, adpulsus, cùm hiberna sextæ legionis peteret, quòd eam maximè novis consiliis idoneam rebatur, à Pacuvio legato prævenitur. Id Sentius Pisoni per literas aperit, monetque “ne castra corruptoribus, “ne provinciam bello tentet:” quosque Germanici memores, aut inimicis ejus adversos cognoverat, contrahit, “magnitudinem Imperatoris”² identidem ingerens, et “republicam armis peti:” ducitque validam manum, et prælio paratam.

80. NEC PISO, quamquam cœpta secus cadebant, omisit tutissima è præsentibus: sed castellum Ciliciæ munitum admodum, cui nomen Celendris,³ occupat. Nam admixtis desertoribus, et tirone nuper intercepto, suisque et Plancinæ servitiis, auxilia Cilicum, quæ reguli miserant, in numerum legionis composuerat. “Cæsarisque se legatum” testabatur “provincia, quam is dedisset, arceri, non à legionibus “(earum quippe accitu venire) sed à Sentio, privatum “odium falsis criminibus tegente: consisterent in acie, non “pugnaturis militibus, ubi Pisonem ab ipsis⁴ parentem “quondam appellatum, si jure ageretur, potiolem, si armis, “non invalidum vidissent.” Tum pro munimentis castelli

¹ *Laodiceam*. Nunc *Ladik*, urbem Syriæ.

² *Magnitudinem Imperatoris*. Majestatem Tiberii Principis, ut rectè explicant Gronovius, Davanzati et Gordon. Malè autem Freinshemius et Amelot de la Houssaie, *magnitudinem Germanici*.

³ *Celendris*. Oppidum illud

maritimum, nunc *Kelmar* esse videtur, ad occasum urbis Seleuciæ.

⁴ *Ubi Pisonem ab ipsis*. Consisterent in acie, non pugnaturis militibus, ubi vidissent Pisonem, ab ipsis parentem quondam, supra cap. 55. appellatum; potiolem certè, si jure ageretur; nec etiam invalidum, si armis decertaretur.

manipulos explicat, colle arduo et derupto; nam cetera mari cinguntur. Contra veterani, ordinibus ac subsidiis instructi: hinc militum, inde locorum asperitas: sed non animus, non spes, ne tela quidem nisi agrestia ad subitum usum properata. Ut venere in manus, non ultra dubitatum, quàm dum Romanæ cohortes in æquum eniterentur: vertunt terga Cilices, seque castello claudunt.

81. INTERIM Piso classem, haud procul opperientem, adpugnare frustra tentavit: regressusque, et pro muris² modò semet afflicto, modò singulos nomine ciens, præmiis vocans, seditionem cœptabat; adeoque commoverat, ut signifer legionis sextæ³ signum ad eum transtulerit. Tum Sentius “occanere cornua tubasque, et peti aggerem, “erigi scalas” jussit, “ac promissimum quèmque succedere: alios tormentis hastas, saxa, et faces ingerere.” Tandem, victâ pertinaciâ, Piso oravit, “utî, traditis armis, “maneret in castello, dum Cæsar, cui Syriam permetteret, “consulitur.” Non receptæ conditiones: nec aliud, quàm naves et tutum in Urbem iter, concessum est.

82. AT ROMÆ, postquàm Germanici valetudo percrebuit, cunctaque, ut ex longinquo, aucta in deterius adferebantur, dolor, ira. Et erumpebant questus: “Ideo nimium in extremas terras relegatum: ideo Pisoni permissam provinciam: hoc egisse secretos Augustæ cum Plancinâ sermones: vera prorsus de Druso⁴ seniores locutos:

¹ *In æquum eniterentur.* In collem eniterentur, æquoque loco pugnarent.

² *Pro muris.* Id est, è summis mœnibus, ut rectè explicat Gronovius, vertuntque optimi quique interpretes. Haud ita probabiliter Freinshemius progressus extra muros.

³ *Signifer legionis sextæ.* Unus è signiferis, non verò ipse legionis

sextæ Aquilifer. Optinè vertit Davanzati, e tal commosso, che un' Alfiere della legion sesta gli portò l'insegna. Haud ita accuratè V. Cl. Gordon, and thus much he had already effected, that the Eagle-bearer of the sixth legion revolted to him with his Eagle.

⁴ *De Druso.* De Druso, Germanici patre, cujus magna apud populum Romanum memoria; cre-

“ displicere regnantibus civilia filiorum ingenia : neque ob
 “ aliud interceptos, quàm quia populum Romanum æquo
 “ jure complecti, redditâ libertate, agitarint.” Hos vulgi
 sermones audita mors adedò incendit, ut ante edictum magi-
 stratum, ante senatusconsultum, sumto justitio,¹ desere-
 rentur fora, clauderentur domus; passim silentia et gemitus,
 nihil compositum in ostentationem : et quamquam neque
 insignibus lugentium abstinerent, altiùs animis mœrebant.
 Fortè negotiatores, vivente adhuc Germanico, Syriâ egressi,
 lætiora de valetudine ejus attulere : statim credita, statim
 vulgata sunt : ut quisque obviis, quamvis leviter audita, in
 alios, atque illi in plures cumalata gaudio transferunt : cur-
 sant per urbem, moliantur templorum fores :² juvit credu-
 litatem nox, et promptior inter tenebras adfirmatio. Nec
 obstitit falsis Tiberius, donec tempore ac spatio vanescerent.
 Et populus, quasi rursum ereptum, acriùs doluit.

83. HONORES, ut quis amore in Germanicum, aut in-
 genio validus, reperti, decretique, “ ut nomen ejus Saliari
 “ carmine³ caneretur : sedes curules sacerdotum⁴ Augusta-

debaturque, si rerum potitus foret, libertatem redditurus. Unde in Germanicum favor, et spes eadem. Supra Annal. i. 33.

¹ *Sumto justitio.* De Justitio dictum est Annal. i. 16. Plurima habet Sueton. in Caio, v et vi.

² *Moliantur templorum fores.* Suetonius in Caio, vi. *Passim cum luminibus et victimis in capitolium concursus est, ac penè revulsa templi fores, ne quid gesti- entes vota reddere moraretur. Ex- pergefactus è somno Tiberius est gratulantium vocibus, atque undi- que concinentium.*

Salva Roma, salva Patria, salvus est Germanicus.

³ *Saliari carmine.* Salios et sali- are carmen instituit Numa. *Salios*

duodecim Marti Gradivo legit, tuni- caque pictæ insigne dedit, et super tunicam æneum pectori tegumen : caelestiaque arma, quæ ancilia appel- lantur, ferre ; ac per urbem ire canentes carmina cum tripudiis sol- lemnique saltatu jussit. Livius, i. 20. In his carminibus decantari gloriosissimum fuit. Id Augusto datum ut in hymnos juxta cum Diis immortalibus adscriberetur, ἵς τε τῶς ὕμνος αὐτὸν ἐξ ἴσας τοῖς θεοῖς ἰσὺς φερεται. Dio, i. i. p. 457.

⁴ *Sacerdotum Augustalium.* In- ter Augustales sacerdotes annunc- ratum vidimus Germanicum, Ann. i. 54. Erant etiam ludi Augus- tales, de quibus ibidem, et cap. 15. Itaque decretum ut in sacerdotum Augustalium conventibus et in Au- gustalibus ludis sedes curules pro-

“lium locis, superque eas querceæ coronæ¹ statuerentur :
 “ludos Circenses eburna effigies præiret : neve quis flamen
 “aut augur in locum Germanici, nisi gentis Juliæ, creare-
 “tur.” Arcus additi Romæ, et apud ripam Rheni, et in
 monte Syriæ Amano,² cum inscriptione rerum gestarum, ac
 “mortem ob rempublicam obiisse :” sepulcrum Antiochiæ³
 ubi crematus : tribunal⁴ Epidaphnæ, quo in loco vitam
 finierat. Statuarum locorumve in queis colerentur, haud
 facilè quis numerum inierit. Cùm censeretur clypeus,⁵
 auro et magnitudine insignis, inter auctores eloquentiæ ;
 adseveravit Tiberius, “solitum paremque ceteris dicatu-
 “rum : neque enim eloquentiam fortunâ discerni ; et satis
 “inlustre,⁶ si veteres inter scriptores haberetur.” Equester
 ordo *cuneum Germanici*⁷ appellavit, qui *Juniorum* diceba-

Germanico, licet defuncto, ponerentur. Id honoris Marcello olim tribuerat Augustus, teste Dione, LIII. p. 517. *Jussit ut ludis Romanis effigies Marcelli aurea cum aured coronâ et sellâ curuli in theatrum inferretur, mediaque inter præfectos iis ludis magistratus collocaretur.*

¹ *Querceæ coronæ.* Sæpe occurrunt in nummis cum inscriptione *OB CIVIS SERVATOS, ob cives servatos.* Propter egregium libertatis studium Germanico decretæ.

² *Monte Syriæ Amano.* Ciliam à Syriâ dividit mons Amanus, nunc *Bailan.*

³ *Antiochiæ.* Nunc *Antakia.* Plin. v. 21. *Intus ipsa Antiochia libera, Epidaphnes cognominata,* ob Daphnes vicum ab Antiochiâ XL. stadiis orientem versùs dissitum. Hic locus LXXX. stadiorum ambitu, in quo Apollinis ac Dianæ fanum. Strabo, xvi. p. 749 et 750. Habentur nummi plurimi *ANTIOXΕΩΝ ΤΩΝ ΠΡΟΣ ΔΑΦΝΗΝ.*

⁴ *Tribunal.* Id est altum tumultum. Apud Gruter. p. 751. n. 11.

P. AELIVS. VENERIANVS.

HOC. VAS. DISOMVM. SIBI. ET

FELICITATI. SVÆ. POSVIT. ET

TRIBVNAL. EX. PERMISSV. PONTIF.

PERFECIT.

Ita quoque *tumulos altos, aut tribunalia μεταφορικῶς* dixit Plin. xvi. l.

⁵ *Cùm censeretur clypeus.* Cùm decerneretur imaginem Germanici inter eloquentiæ auctores esse collocandam. Cur autem imagines illæ appellarentur clypei dicitur infra. Vide not. et emend. ad Ann. II. 83.

⁶ *Satis inlustre.* Ipsi principes ingenii laude inclarescunt; novumque exsurgit decus, si optimos inter scriptores haberi mereantur.

⁷ *Cuneum Germanici.* Equites, in plures cuneos divisi, cuneum Germanici appellavere, qui de gente Junia Juniorum dicebatur. Vide not. et emend. ad Ann. II. 83. Ab iis quoque institutum ut turmæ Idibus Julii imaginem Germanici in solenni decursione sequerentur.

tur; instituitque uti turmæ Idibus Juliis imaginem ejus sequerentur: pleraque manent: quædam statim ommissa sunt, aut vetustas obliteravit.

84. CETERUM recenti adhuc mœstitiâ, soror Germanici Livia, nupta Druso,¹ duos virilis sexûs simul enixa est: quod rarum² lætumque etiam modicis pœnatis, tanto gaudio Principem adfecit, ut non temperaverit, quin jactaret apud patres, "nulli antè Romanorum ejusdem fastigii viro" "geminam stirpem editam:" nam cuncta etiam fortuita ad gloriam vertebat. Sed populo tali in tempore id quoque dolorem tulit; tamquam auctus liberis Drusus,³ domum Germanici magis urgeret.

85. EODEM anno gravibus senatûs decretis libido fœminarum coercita; cautumque "ne quæstum corpore faceret, cui avus, aut pater, aut maritus eques Romanus" "fuisset:" nam Vistilia prætoriâ familiâ genita, licentiam stupri apud ædiles vulgaverat;⁴ more inter veteres recepto,

De his decursionibus vide quæ dicta sunt supra cap. 7.

¹ *Nupta Druso.* Tiberii filio. Vide stem. Cæs. n. 70, 71, 72 et 73.

² *Quod rarum.* Quæ res, rara lætaque etiam parentibus modicis, tanto gaudio adfecit Tiberium, ut non temperaverit, quin jactaret apud patres, nulli antè Romanorum ejusdem fastigii ac dignitatis viro, id est, nondum in regnatrice domo, geminam stirpem editam. Tiberianæ lætitiæ et Drusianæ fortunæ monumentum singulare extare voluit senatus in Musei nostri nummo, are magno: DRVSVS CÆSAR. TI. AVG. F. DIVI AVG. N. PONT. TR. POT. II. *Drusus Casar Tiberii Augusti filius, Divi Augusti nepos, pontifex, tribuniciæ*

potestatis anno secundo. In arcâ S C, *senatûs consulto.* Ex adversâ parte duæ cornucopiæ, ex quibus gemellorum duo capita exsurgunt, caduceo intermedio.

³ *Auctus liberis Drusus.* Ipse et liberi ejus, *domum Germanici magis urgeret*, premeret, ei gravis esset, imminutâ spe subcessionis in regno, et aucto metu periculi hujus inde imminentis.

⁴ *Apud ædiles vulgaverat.* Apud ædiles professa fuerat se stupro quæstum facere velle. Tam pudenda in nobilibus fœminis licentia, imperante Tiberio, cæperat, teste Suetonio in Tiber. xxxv. *Fœminæ famosæ, ut ad evitandas legum pœnas jure ac dignitate matronali exsolverentur, lenocinium profiteri cæperant.* Itaque quod subjungit Tacitus, *more inter re-*

qui satis pœnarum adversum impudicas in ipsâ professione flagitii credebant. Exactum et à Titidio Labeone, Vistiliæ marito, “cur in uxore delicti manifestâ ultionem legis “omisisset?” atque illo prætendente “sexaginta dies “ad consultandum datos necdum præterisse,” satis visum de Vistiliâ statuere. Eaque in insulam Seriphon² abdita est. Actum et de sacris Ægyptiis Judaicisque³ pellendis: factumque patrum consultum, “ut quatuor millia libertini “generis eâ superstitione infecta, queis idonea ætas, in in- “sulam Sardiniam veherentur,” coercendis illic latrociniis, et, si ob gravitatem cœli interiissent, vile damnum: “ceteri “cederent Italiâ, nisi certam ante diem profanos ritus “exuissent.”

86. Post quæ retulit Cæsar, “capiendam virginem⁴ “in locum Occiæ,” quæ septem et quinquaginta per annos summâ sanctimoniâ Vestalibus sacris præsederat: egitque grates Fonteio Agrippæ, et Domitio Pollioni, “quòd, “offerendo filias, de officio in rempublicam certarent.” Prælata est Pollionis filia, non ob aliud, quàm quòd mater ejus in eodem conjugio manebat: nam Agrippa discidio

teres recepto, intelligendum de ignobilibus fœminis, non verò de nobilibus. Hæc fœminarum libido repudio et exilio coercita est, ut docet Suetonius, loc. cit. Porro stuprum in virginem viduamve, adulterium in nuptam committitur. Hic stuprum pro adulterio accipitur, quâ significatione quoque usurpatur in lege Juliâ.

¹ *Sexaginta dies.* Lege Juliâ de adulteriis, sexaginta dies à commissi criminis die marito ad accusandum competunt; si extraneus fuerit, menses sex. Vide Anton. Augustinum de legibus, p. 73.

² *In insulam Seriphon.* Ægæi maris insulam, nunc *Serpho*.

³ *De sacris Ægyptiis Judaicisque.* Suetonius in Tiber. xxxvi. *Externas cærimonias, Ægyptios Judaicosque ritus compescuit, coactis qui superstitione cæ tenebantur, religiosos vestes cum instrumento omni comburere. Judæorum juventutem per speciem sacramenti, in provincias gravioris calis distribuit: reliquos gentis ejusdem, vel similia sectantes, Urbe submovit, sub pænâ perpetuæ servitutis, nisi obtemperassent.* Causas verò ipsas, sacrilega Judæorum latrocinia, sacrilegas Isiacorum impuritates, aliaque scelera recenset Josephus Antiq. Jud. xviii. 3. n. 4 et 5.

⁴ *Capiendam virginem.* Ut Occiæ succederet.

domum imminuerat: et Cæsar quamvis posthabitam,¹ decies sestertii² dote solatus est.

87. "SÆVITIAM annonæ" incusante plebe, statuit frumento pretium quod emtor penderet, "binosque nummos"³ se "additurum negotiatoribus in singulos modios."⁴ Neque tamen ob ea *parentis patriæ*, delatum et antea, vocabulum adsumsit, acerbèque increpuit eos, qui *divinas occupationes*,⁵ ipsumque *dominum* dixerant: unde angusta et lubrica oratio sub Principe, qui libertatem metuebat, adulationem oderat.

88. REPERIO apud scriptores senatoresque eorumdem temporum, Adgandestrii, principis Cattorum, lectas in senatu literas, quibus "mortem Arminii" promittebat "si "patrandæ neci venenum mitteretur:" responsumque esse, "non fraude, neque occultis, sed palam et armatum populum Romanum hostes suos ulcisci:" quâ gloriâ æquabat se Tiberius priscis imperatoribus, qui venenum in Pyrrhum regem vetuerant, prodiderantque.⁶ Ceterum Armi-

¹ *Posthabitam*. Filiam Fonteii Agrippæ.

² *Decies sestertii*. *Angl.* 8333l. 6s. 8d.

³ *Binosque nummos*. *Angl.* 4d.

⁴ *In singulos modios*. Modius Romanus, pro variâ tritici levitate aut ponderositate, xx vel xxii. Romanas libras tritici continebat, *Plin.* xviii. 7. Porro cùm Tiberius in singulos modios binos nummos negotiatoribus adderet, fermè quintam partem pretii solvisse videtur. Modium recentiorem, qui xxv. libras tritici continet, describit *Cl. Gori, Inscript. Antiq.* vol. i. p. 263. vol. iii. p. i et seq.

⁵ *Qui divinas occupationes*. Eadem habet *Suetonius* in *Tiber.* xxvii. *Dominus appellatus à quodam, denuntiavit ne se amplius con-*

tumeliæ causâ nominaret. Alium dicentem, sacras ejus occupationes—pro sacris, laboriosas dicere coegit.

⁶ *Vetuerant, prodiderantque*. Memorandum illud fidei et virtutis Romanæ exemplum contigit. anno U. C. 476. A. C. 277. *Timochares Ambraciensis*, (Ambrakia in Epirus) *Fabricio consuli pollicitus est, se Pyrrhum veneno per filium suum, qui potionibus ejus præerat, necaturum. Ea res cùm ad senatum esset delata, missis legatis Pyrrhum monuit, ut adversus hujus generis insidias cautiùs se gereret: memor Urbem à filio Martis conditam; et armis bella, non venenis, gerere debere. Valer. Maxim. vi. 5. n. 1. Literas Fabricii ad Pyrrhum recitat Plutarchus in Pyrrho, p. 396. Paulo diversas Gellius, iii. 8.*

nus, abscedentibus Romanis, et pulso Maroboduo, regnum adfectans, libertatem popularium adversam habuit : petitusque armis, cùm variâ fortunâ certaret, dolo propinquorum cecidit: liberator haud dubiè Germaniæ, et qui non primordia populi Romani,¹ sicut alii reges ducesque, sed florentissimum imperium laccessierit: præliis ambiguus,² bello non victus: septem et triginta annos vitæ, duodecim potentiæ explevit: caniturque adhuc³ barbaras apud gentes; Græcorum annalibus ignotus, qui sua tantùm mirantur: Romanis haud perinde celebris,⁴ dum vetera extollimus, recentium incuriosi.

¹ *Primordia populi Romani.* Populum Rom. primis ejus temporibus.—Ceterùm eodem anno perire Germanicus et Arminius, ut olim Hannibal, Scipio Africanus et Philopæmen.

² *Præliis ambiguus.* Variâ in iis fortunâ usus.

³ *Caniturque adhuc.* Vide not.

et emend. ad Ann. II. 88.

⁴ *Romanis haud perinde celebris.* Velleio tamen, II. 118. egregiè laudatus: *Juvenis, genere nobilis, manu fortis, sensu celer, ultra barbarum promptus ingenio, nomine Arminius—ardorem animi vultu oculisque præferens.*

The American Medical Association is a non-profit corporation organized for the purpose of promoting the science and art of medicine and the health of the people. It is composed of members who are physicians, surgeons, dentists, and other medical practitioners. The Association is organized into sections, each of which is devoted to a particular branch of medicine. The sections are: Anatomy, Physiology, Pathology, Therapeutics, Hygiene, and Public Health. The Association also publishes a journal, the Journal of the American Medical Association, which contains articles on the latest advances in medicine and surgery. The Association is also engaged in various other activities, such as the publication of books and the holding of conferences.

The American Medical Association is a non-profit corporation organized for the purpose of promoting the science and art of medicine and the health of the people. It is composed of members who are physicians, surgeons, dentists, and other medical practitioners. The Association is organized into sections, each of which is devoted to a particular branch of medicine. The sections are: Anatomy, Physiology, Pathology, Therapeutics, Hygiene, and Public Health. The Association also publishes a journal, the Journal of the American Medical Association, which contains articles on the latest advances in medicine and surgery. The Association is also engaged in various other activities, such as the publication of books and the holding of conferences.

BREVIARIUM

LIBRI TERTII.

1. AGRIPPINA cum Germanici reliquiis Brundisium, inde Romam pervenit. Eætunulo Augusti illatæ, et funus ductum. 7. Drusus in Illyricum rursus proficiscitur. 8. Cn. Piso, cùm Romam rediisset, veneni et majestatis postulatur. Dicta causâ, cùm omnia infensa et infesta experiretur, manus sibi adfert. 20. Tacfarinas bellum in Africâ renovat, quod opprimitur à L. Apronio proconsule. 22. Lepida Æmilia adulterii et veneni defertur, et damnatur. 25. Papia Poppæa lex ad id tempus asperius exercita, mollitur à Tiberio, et nexus ejus exsolvuntur. Legum initia et vices. 30. L. Volusii et Sallustii Crispi, insignium virorum, obitus. 31. Tiberius in Campaniam concedit. 32. Iterum Africam incurrit Tacfarinas: cui tutandæ Junius Blæsus deligitur. 37. Equites aliquot Romani majestatis damnantur. 38. Thracum discordia. 40. Galliarum civitates rebellant, ducibus Julio Sacroviro et Julio Floro. At infeliciter. A legionibus

BREVIARIUM.

Germanicis copiæ earum cæsæ ; et ipsæ ad vetus jugum retractæ. 49. C. Lutorius, eques, majestatis damnatus, et in carcere exanimatus. 52. Cura luxûs coercendi cœpta et omissa. 56. Drusus tribuniciam potestatem accipit. 58. Flamen Dialis vetitus provinciam sortiri. 60. Asyla Græcorum lustrata et repurgata. 66. C. Silanus repetundarum et majestatis damnatus. 73. Tacfarinatem Junius Blæsus proturbat et fratrem ejus capit. 76. Junia illustris fœminæ mors et funus.

Hæc triennio gesta.

A. U. C. J. C.

DCCLXXIII. 20. Coss. { M. Valerio Messalâ,
C. Aurelio Cottâ.

DCCLXXIV. 21. Coss. { Tiberio Augusto IV,
Druso Cæsare II.

DCCLXXV. 22. Coss. { D. Haterio Agrippâ,
C. Sulpicio Galbâ.

C. CORNELII
T A C I T I
ANNALES.

LIBER TERTIUS.

A. U. C. 772. J. C. 19.

1. N¹IL intermissâ navigatione hiberni maris, Agrippina Corcyram insulam¹ advehitur, littora Calabriae contra sitam. Illic paucos dies componendo animo insumit, violenta luctu, et nescia tolerandi. Interim adventu ejus audito, intimus quisque amicorum, et plerique militares, ut quisque sub Germanico stipendia fecerant, multique etiam ignoti vicinis è municipiis, pars officium in Principem rati, plures illos secuti, ruere ad oppidum Brundisium; ² quod naviganti celerrimum fidelissimumque adpulsu erat. Atque ubi primùm ex alto visa classis, complentur non modò portus et proxima maris, sed mœnia ac tecta, quàque longissimè prospectari poterat, mœrentium turbâ, et rogitan-

¹ Corcyram insulam. Nunc Corfu, Epiro vicinam.

² Oppidum Brundisium. Nunc Brindisi, Portus ille è Græciâ navigantibus celerrimus, ad quem recto itinere contenditur, fidelissimusque

adpulsu ac tutissimus. Plin. III. 11. Brundisium L. M. passuum ab Hydrunte, in primis Italiae portu nobile, ac velut certiore transitu, sic utique longiore.

tium inter se, “silentione, an voce aliquâ egredientem “exciperent?” neque satis constabat quid pro tempore foret: cùm classis paulatim successit, non alacri, ut adsolet, remigio, sed cunctis ad tristitiam compositis. Postquàm duobus cum liberis¹ feralem urnam tenens egressa navi, defixit oculos;² idem omnium gemitus, neque discerneres, proximos, alienos, virorum fœminarumve plancus: nisi quòd comitatum Agrippinæ longo mœrore fessum, obvii et recentes in dolore anteibant.

A. U. C. 773. J. C. 20.

2. MISERAT duas prætorias cohortes Cæsar, addito “ut “magistratus Calabriae, Apulique et Campani,³ suprema “erga memoriam filii sui munera fungerentur.” Igitur tribunorum centurionumque humeris cineres portabantur: præcedebant incomta signa,⁴ versi fascēs: atque ubi colonias transgrederentur, atrata plebes, trabeati equites,⁵ pro

¹ *Duobus cum liberis.* Caio, ut videtur, et Juliâ. Ceteri erant Romæ.

² *Defixit oculos.* Oculis in feralem urnam terramque defixis, constitit, ut rectè explicant Freinshemius in paraphrasi, et optimi interpretes Davanzati, Amelot de la Houssaie, Gordon, alique pluri-
mi. Non verò ubi omnium oculos in se unum defixos convertit, ut quibusdam placet. Vide D'Orvillii An. in Charit. p. 248.

³ *Calabriae, Apulique et Campani.* Nunc Calabria, Puglia, Capitanate, the exterior Principality of Terra di Lavoro, and part of the interior Principality. Magistratus illi erant municipales duumviri, decuriones, sevir Augustales, &c.

⁴ *Incomta signa.* Signa rebus lætis comita et uncta, tristibus in-

comita. Plin. XIII. 3. *Mirum est hanc unguentorum gratiam penetrasse et in castra. Aquilæ certè ac signa, pulcrulenta illa, et custodibus horrida, inunguntur festis diebus. Utinamque dicere possemus, quis primus instituisset. Ita est, nimirum hæc mercede corruptæ terrarum orbem devicere aquilæ. Ista patrocina querimus vitiis, ut per hoc jus sumantur sub casside unguenta. Itaque sine coronis, sine unguentis incomta militum signa: versi lictorum Germanici fascēs.*

⁵ *Trabeati equites.* Trabeati, non quidem luctūs, sed solemnitatis causâ, ut rectè explicat Illustr. Huetius. Trabea, vestis fuit militaris, quæ virgas instar trabium intextas haberet. Nonnunquam in monumentis obvia.

opibus loci, vestem, odores, aliaque funerum solemnia cremabant :¹ etiam quorum diversa oppida,² tamen obvii, et victimas atque aras Diis Manibus statuantes, lacrymis et conclamationibus dolorem testabantur. Drusus³ Tarracinam⁴ progressus est, cum Claudio fratre,⁵ liberisque Germanici, qui in Urbe fuerant. Consules M. Valerius⁶ et C. Aurelius (jam enim magistratum occœperant) et senatus, ac magna pars populi viam complevere, disjecti, et, ut cuique libitum, flentes : aberat quippe adulatio, gnaris omnibus lætam Tiberio Germanici mortem malè dissimulari.⁷

3. TIBERIUS atque Augusta⁸ publico abstinuere ; inferius majestate suâ rati, si palam lamentarentur, an ne, omnium oculis vultum eorum scrutantibus, falsi intelligerentur. Matrem Antoniam⁹ non apud auctores rerum,¹⁰ non diurnâ actorum scripturâ, reperio ullo insigni officio functam ; cùm super Agrippinam, et Drusum, et Claudium,

¹ *Cremabant.* Moris fuit apud veteres in funeribus ac sacrificiis dolorem ardentibus rogis testari. Quod nunc Germanico, olim Druso patri præstitum, teste Senecâ, consol. ad Marciam, III. *Accedebat ad hanc mortem, quam ille pro republicâ obierat, ingens civium provinciarumque et totius Italie desiderium, per quam effusus in officium lugubre municipiis coloniisque usque in Urbem ductum erat funus triumpho simillimum—Longo itinere reliquias Drusi sui prosecuta Livia, tot per omnem Italiam ardentibus rogis, quasi totiens illum amitteret, irritata.*

² *Quorum diversa oppida.* Non colonie tantum, sed diversa etiam oppida, et ob locorum situm ab Agrippinæ itinere nonnihil dissita.

³ *Drusus.* Tiberii filius.

⁴ *Tarracinam.* Nunc Terra-

cina, in agro Romano.

⁵ *Cum Claudio fratre.* Fratre Germanici, postea Principe. Et quatuor Germanici liberis, qui in Urbe fuerant, Nerone, Druso, Agrippinâ et Drusillâ.

⁶ *Consules M. Valerius.* Consules fuere A. U. C. 773. J. C. 20. M. Valerius Messala et C. Aurelius Cotta. Ipsi Kalendis Januarii magistratum occœperant.

⁷ *Malè dissimulari.* Ab illo senatus ac populi luctu aberat adulatio, cùm scirent omnes Germanici mortem lætam esse Tiberio, ejusque lætitiâ malè dissimulari.

⁸ *Augusta.* Livia, Tiberii mater.

⁹ *Matrem Antoniam.* Matrem Germanici. Vide stem. Cæs. n. 42.

¹⁰ *Apud auctores rerum.* Apud Scriptores. Vide infra cap. 30.

ceteri quoque consanguinei nominatim perscripti sint: seu valetudine præpediebatur, seu victus luctu animus, magnitudinem mali perferre visu non toleravit: facilius crediderim, Tiberio et Augustâ, qui domo non excedebant, cohibitam, ut par mœror, et matris exemplo, avia quoque et patruus¹ attineri viderentur.

4. DIES, quo reliquæ tumulo Augusti² inferebantur, modò per silentium vastus,³ modò ploratibus inquires: plena urbis itinera, conlucentes per campum Martis faces:⁴ illic miles cum armis, sine insignibus⁵ magistratus, populus per tribus, “concidisse rempublicam, nihil spei reliquum” clamitabant; promtiùs apertiùsque,⁶ quàm ut meminisse imperitantium crederes. Nihil tamen Tiberium magis penetravit, quàm studia hominum accensa in Agrippinam; cùm “decus patriæ, solum Augusti sanguinem,⁷ unicum “antiquitatis specimen” appellarent, versique ad cœlum ac Deos, “integram illi subolem, ac superstitem iniquorum” precarentur.

5. FUERE qui publici funeris pompam requirerent, com-

¹ *Avia quoque et patruus.* Livia et Tiberius.

² *Tumulo Augusti.* Tumulus Augusti in campo Martio inter Flaminiam viam ripamque Tiberis. Extant adhuc rudera, quæ exhibet d'Overbeke: *Restes de l'ancienne Rome*, vol. I. p. 87.

³ *Per silentium vastus.* Dies ille, modò propter silentium, vastitatem ac solitudinem referebat; modò propter ploratus, erat inquires ac tumultuosus.

⁴ *Conlucentes per campum Martis faces.* Nam qui funus prosequerantur puerorum, cereos manibus gestabant, qui adulatorum, candelas, funalia, faces, quia noctu olim cadavera solita efferri, ut Donatus censet: qui mos etiam in

parentatione annuâ obtinuit, vide Suet. Aug. 98. et adeò tritus fuit, ut Isidorus, 12. 2. *Funus dictum à funibus adensis velit, quos ante feretrum papyris circumdatis tulerint*; Lips. Cf. Kirchman. de fun. Rom. 2 et 3.

⁵ *Sine insignibus.* Sine togâ prætextâ, sine anulis, sine latò clavo, aliisque dignitatis insignibus ut rectè explicat Lipsius.

⁶ *Promtiùs apertiùsque.* Promtiùs apertiùsque clamitabant, quàm ut eos Tiberii ac Livie imperitantium meminisse crederes.

⁷ *Solum Augusti sanguinem.* Plurimus adhuc extabat Augusti sanguis. At una Agrippina Augusto digna.

pararentque “ quæ in Drusum,¹ patrem Germanici, honora
 “ et magnifica Augustus fecisset : ipsum quippe asperimo
 “ hiemis, Ticinum² usque progressum, neque absceden-
 “ tem à corpore simul urbem intravisse : circumfusas lecto
 “ Claudiorum Juliorumque³ imagines, defletum in foro,
 “ laudatum pro rostris, cuncta à majoribus reperta, aut quæ
 “ posterì invenerint, cumulata. At Germanico ne solitos qui-
 “ dem, et cuicumque nobili debitos honores, contigisse : sanè
 “ corpus ob longinquitatem itinerum externis terris quoquo
 “ modo crematum : sed tanto plura decora mox tribui par
 “ fuisse, quanto prima fors negavisset : non fratrem nisi
 “ unius diei viâ,⁴ non patrum⁵ saltem portâ tenus ob-
 “ vium : ubi illa veterum instituta ? præpositam toro⁶ effi-
 “ giem, meditata ad memoriam virtutis carmina, et lauda-
 “ tiones et lacrymas, vel doloris imitamenta ? ”

6. GNARUM id Tiberio fuit ; utque premeret vulgi ser-
 mones, monuit edicto : “ Multos inlustrum Romanorum ob
 “ rempublicam obiisse ; neminem tam flagranti desiderio
 “ celebratum : idque et sibi, et cunctis egregium, si modus
 “ adjiceretur : non enim eadem decora principibus viris, et
 “ imperatori populo,⁷ quæ modicis domibus, aut civitati-

¹ *Quæ in Drusum.* Vide quæ dicta sunt supra cap. 2. et in stem. Cæs. n. 79. De his quoque funeribus Dio, lvi. p. 749. Suetonius in Claud. i.

² *Ticinum.* Nunc *Pavia.*

³ *Claudiorum Juliorumque.* Ferrebantur Claudiorum imagines propter familiam. Claudie enim gentis erat Drusus ; Juliorum verò, honoris causâ. Nondum enim in familiam Juliam transierant Claudii. Sed Liviam, matrem Drusi, uxorem duxerat Augustus. Vide not. et emend. ad Ann. iii. 5.

⁴ *Nisi unius diei viâ.* Terracina progressus erat Drusus, ut dictum supra cap. 2. Nonnulli

emendant *fratres*, quod minimè probaverim. Hic enim de Druso agitur, non verò de Claudio, qui certè longius progressus fuisset, si per Tiberium ac Drusum licuisset. Sic infra cap. 8 et 12. Drusus, non verò Claudius memoratur.

⁵ *Patrum.* Tiberium.

⁶ *Præpositam toro.* Ubi illa veterum instituta ? Ubi præpositam toro effigiem ? Cereæ enim defuncti effigies lecto præponebatur, vide Dionem, lvi. p. 592. Ubi meditata ad memoriam virtutis carmina ? Ubi laudationes et lacrymas ; vel saltem doloris imitamenta ?

⁷ *Imperatori populo.* Romani

“bus: convenisse recenti dolori luctum, et ex mœrore¹
 “solatia: sed referendum jam animum ad firmitudinem,
 “ut quondam divus Julius, amissâ unicâ filiâ,² ut divus Au-
 “gustus, ereptis nepotibus,³ abstruserint tristitiam. Nil
 “opus vetustioribus exemplis: quotiens populus Romanus
 “clades exercituum, interitum ducum, funditûs amissas
 “nobiles familias constanter tulerit? Principes mortales,
 “republicam æternam esse. Proin repeterent solemnia:⁴
 “et” quia ludorum Megalesiûm⁵ spectaculum suberat,
 “etiam voluptates resumerent.”

7. Tum exuto justitio,⁶ reditum ad munia: et Drusus Illyricos ad exercitus profectus est, erectis omnium animis petendæ è Pisone ultionis:⁷ et crebro questu, “quòd vagus
 “interim per amœna Asiæ atque Achaïæ, adroganti et
 “subdolâ morâ, scelerum probationes subverteret.” Nam vulgatum erat “missam,” ut dixi,⁸ “à Cn. Sentio famo-
 “sam beneficiis Martinam, subitâ morte Brundisii extinc-

se imperatorem populum esse gloriabantur, fatebanturque exteri. Legati enim Pyrrhi quid de Româ sentirent, à rege suo interrogati, *Urbem templum sibi visam, senatum regum consessum esse* responderunt, Florus, I. 18. Et Tullius pro domo suâ, xc. *Ille, ille populus est dominus regum, victor atque imperator omnium gentium.*

¹ *Et ex mœrore.* Cùm adhuc recens esset dolor, convenisse luctum; nunc verò post mœrorem convenire solatia, et ex ipso mœrore enasci debere.

² *Unicâ filiâ.* Juliâ. Vide stem. Cæs. n. 6. De ejus morte Seneca consol. ad Marciam, xiv. *C. Cæsar cùm Britanniam peragraret, nec Oceano felicitatem suam continere posset, audivit decessisse filium, publica secum fata ducentem.*—Ta-

men intra tertium diem imperatoria obiit munia, et tam citò dolorem vixit, quàm omnia solebat.

³ *Ereptis nepotibus.* Caio et Lucio, de quibus dictum supra. Annal. I. 3.

⁴ *Repeterent solemnia.* Ut ad munia et negotiorum consuetudinem redirent. Suet. in Tib. l. II.

⁵ *Ludorum Megalesiûm.* Celebrabantur mense Aprili per dies septem. Vide not. et emend. ad Ann. III. 6. Mortuus erat Germanicus exeunte Mense Novembri, ut colligitur ex Suetonio in Caio, VI. Illi in urbe parentatum exeunte Martio.

⁶ *Exuto justitio.* De justitio supra Annal. I. 16.

⁷ *Ultionis.* Petendæ è Pisone ultionis causâ.

⁸ *Ut dixi.* Supra Ann. II. 74.

“ tam, venenumque nodo crinium ejus occultatum, nec ulla
 “ in corpore signa sumti exitii reperta.”

8. AT PISO, præmisso in urbem filio, datisque mandatis, per quæ Principem molliret, ad Drusum pergit; quem haud fratris interitu¹ trucem, quàm remoto æmulo æquorem sibi sperabat. Tiberius quo integrum judicium ostentaret, exceptum comiter juvenem, suetâ erga filios familiarum nobiles liberalitate auget.² Drusus Pisoni, “ si vera
 “ forent quæ jacerentur, præcipuum in dolore³ suum
 “ locum” respondit: “ sed malle falsa et inania, nec cuiquam
 “ mortem Germanici exitiosam esse.” Hæc palam, et vitato omni secreto: neque dubitabantur præscripta ei à Tiberio, cùm, incallidus alioqui et facilis juventâ, senilibus tum artibus uteretur.

9. PISO, Dalmatico mari⁴ tramisso, relictisque apud Anconam navibus, per Picenum,⁵ ac mox Flaminiam viam,⁶ adsequitur legionem, quæ è Pannoniâ in Urbem, dein præsidio Africæ,⁷ ducebatur: eaque res agitata rumoribus,

¹ *Haud fratris interitu.* Quem haud tam trucem fratris interitu, quàm sibi æquorem, remoto æmulo sperabat. Drusum non trucem, sed potius æquum sibi adpromittebat. Sic infra cap. 17. *miseratio, quàm invidia augebatur.* Sallust. in Jugurth. C. *non diffidentia futuri, quæ imperavisset, quàm uti militibus exæquatul cum imperatore labos volentibus esset.* Id est, non tam diffidentia futuri.

² *Liberalitate auget.* Quanti esset sueta illa liberalitas incomptum.

³ *Præcipuum in dolore.* Drusus Pisoni respondit, si vera forent, quæ de veneno jacerentur, fore ut præcipuum in dolore sibi locus esset, graviusque ceteris omnibus indoleret ac succenseret: sed malle hæc esse falsa et inania, nec mor-

tem Germanici cuiquam esse exitiosam. Quæ, cùm palam, et vitato omni secreto, protulisset Drusus, minimè dubitatum est quin præscripta à Tiberio esset locutus; præsertim cùm incallidus alioqui, et facilis juventâ, senilibus tamen artibus uteretur.

⁴ *Dalmatico mari.* Nunc the gulf of Venice.

⁵ *Picenum.* Nunc the marches of Ancona.

⁶ *Flaminiam viam.* Via Flaminia à Flaminio circa annum U. C. 533, A. C. 220. ab Urbe Arminium, nunc Rimini, deducta. Piso Anconâ ad locum, qui nunc dicitur *Casc Brugiate*, contendit, ibique viam Flaminiam ingressus est.

⁷ *Præsidio Africæ.* Adversus Tacfarinatem, de quo dicitur cap. 20.

“ ut in agmine atque itinere crebrò se militibus ostenta-
 “ visset.”¹ Ab Narniâ,² vitandæ suspicionis, an quia pa-
 vidis consilia in incerto sunt, Nare,³ ac mox Tiberi devec-
 tus, auxit vulgi iras, quia navem tumulto Cæsarum⁴ adpu-
 lerat; dieque, et ripâ frequenti, magno clientium agmine
 ipse, fœminarum comitatu Plancina, et vultu alacres in-
 cessere. Fuit inter inritamenta invidiæ domus foro immi-
 nens,⁵ festa ornatu,⁶ conviviumque et epulæ, et celebritate
 loci nihil occultum.⁷

10. POSTERA die, Fulcinius Trio Pisonem apud consules
 postulavit: contra Vitellius, ac Veranius,⁸ ceterique Ger-
 manicum comitati tendebant, “ nullas esse partes Trioni;”⁹
 “ neque se accusatores, sed rerum indices et testes, mandata
 “ Germanici perlaturus.” Ille, dimissâ ejus causæ dela-
 tione, “ ut priorem vitam¹⁰ accusaret” obtinuit; peti-
 tumque est¹¹ à principe, “ cognitionem exciperet.” Quod ne
 reus quidem abnuebat, studia populi et patrum metuens:
 contra, “ Tiberium spernendis rumoribus validum, et con-

¹ *Ostentavisset.* Ut eos cor-
 rumperet. Jam olim sermone vul-
 gi *parens legionum* appellatus, Ann.
 II. 55. Quam ob rem, vitandæne
 suspicionis causâ, an quia pavidor-
 um hominum incerta sunt consi-
 lia, ab Narniâ in Urbem Nare ac
 mox Tiberi devectus est.

² *Narniâ.* Nunc *Narni*, in Um-
 briâ.

³ *Nare.* Nunc *Nera*. Prope
 oppidum *Orte* in Tiberim influit.

⁴ *Tumulo Cæsarum.* Quem su-
 pra cap. 4. appellavit *tumulum*
Augusti. Quique, ut jam dixi,
 erat in campo Martio inter Flami-
 niam viam et ripam Tiberis. Huc
 adpulisse crimen fecit odium pub-
 licum.

⁵ *Foro imminens.* Forum Ro-
 manum in VIII. Urbis regione

Capitolinum inter et Palatinum
 montes.

⁶ *Festa ornatu.* Vide not. et
 emend. ad Ann. III. 9.

⁷ *Nihil occultum.* In tantâ loci
 celebritate nihil fuit occultum.

⁸ *Vitellius, ac Veranius.* De il-
 lis jam supra Ann. II. 74.

⁹ *Nullas esse partes Trioni.*
 Nullas esse in hac causâ Trionis
 partes, neque esse audiendum.

¹⁰ *Ut priorem vitam.* Fulcinius
 Trio obtinuit ut priorem Pisonis
 vitam, actam scilicet ante Syriæ
 præfecturam, accusaret. Vide in-
 fra cap. 13.

¹¹ *Petitumque est.* Petitum est
 à Tiberio, ut ipse causæ cogni-
 tionem exciperet: quod ne Piso
 quidem abnuebat, studia populi et
 patrum in Germanicum metuens.

“scientiæ matris¹ innexum esse: veraque, aut in deterius
 “credita, iudice ab uno faciliùs discerni: odium et invi-
 “diam apud multos valere.” Haud fallebat Tiberium
 moles cognitionis, quâque ipse famâ² distraheretur. Igi-
 tur, paucis familiarium adhibitis, minas accusantium,³ et
 hinc preces audit, integramque causam ad senatum remittit.

11. ATQUE interim Drusus rediens Illyrico, quamquam
 patres censuissent, “ob receptum Maroboduum,⁴ et res
 “prioræ æstate gestas, ut ovans iniret,” prolato honore
 Urbem intravit. Post quæ, reo “T. Arruntium, T. Vini-
 “cium, Asinium Gallum, Æserninum Marcellum, Sex.
 “Pompeium patronos” petenti, iisque diversa excusanti-
 bus, M. Lepidus, et L. Piso, et Livineius Regulus adfuere:
 arrectâ omni civitate, “quanta fides amicis Germanici,
 “quæ fiducia reo: satini⁵ cohiberet, an promeret sensus
 “suos Tiberius:” iis haud aliàs intentior⁵ populus, plus
 sibi in principem occultæ vocis, aut suspicacis silentii
 permisit.

12. DIE senatûs, Cæsar orationem habuit meditato tem-
 peramento:⁶ “Patris sui⁷ legatum atque amicum Pisonem

¹ *Conscientiæ matris.* De illâ Liviæ conscientia jam dictum Ann. 11. 77 et 82.

² *Quâque ipse famâ.* Latam enim Tiberio fuisse Germanici mortem omnes noverant, ut memoratum supra cap. 2. Propter eâ multifarium increpitem et per noctes creberrimè acclamatum est, Redde Germanicum. Quam suspicionem confirmavit ipse postea: conjugem etiam ac liberis Germanici crudellem in modum afflictis. Suet. in Tib. 111.

³ *Minas accusantium.* Inde minas Pisonem accusantium, hinc Pisonis preces audit.

⁴ *Ob receptum Maroboduum.* Receptum Maroboduum, et Ravennæ habitum vidimus supra Ann. 11. 63.

⁵ *Haud aliàs intentior.* Populus numquam aliàs se intentiorem præstitit, neque in Principem plus occultæ vocis, aut suspicacis silentii sibi permisit.

⁶ *Meditato temperamento.* Egrege dictum. Tiberius enim ita Pisonem accusat, ut Germanicum æquè urget.

⁷ *Patris sui.* Augusti, qui Tiberium adoptaverat, Pisonemque in Hispaniam legatum miserat, infra cap. 13.

“ fuisse, adiutoremque Germanico datum à se, auctore
 “ senatu, rebus apud Orientem administrandis: illic con-
 “ tumaciâ et certaminibus asperâsset juvenem, exituque
 “ ejus lætatus esset; an scelere extinxisset, integris animis
 “ dijudicandum. Nam si legatus¹ officii terminos, obse-
 “ quium erga imperatorem exuit, ejusdemque morte, et
 “ luctu meo lætatus est; odero, seponamque à domo meâ,
 “ et privatas inimicitias, non Principis ulciscar. Sin facinus
 “ in cujuscumque mortalium nece vindicandum detegitur;
 “ vos verò et liberos Germanici, et nos parentes² justis
 “ solatiis adficite: simulque illud reputate, turbidè et sedi-
 “ tiosè tractaverit exercitus Piso: quæsitæ sint per ambi-
 “ tionem studia militum; armis repetita provincia; an
 “ falsa hæc in majus vulgaverint accusatores: quorum ego
 “ nimis studiis jure succenseo. Nam quò pertinuit, nu-
 “ dare corpus, et contrectandum vulgi oculis permittere,
 “ differrique etiam³ per externos, tamquam veneno inter-
 “ ceptus esset, si incerta adhuc ista, et scrutanda sunt?
 “ Defleo equidem filium meum, semperque deflebo: sed
 “ neque reum prohibeo, quominus cuncta proferat, quibus
 “ innocentia ejus sublevari, aut, si qua fuit iniquitas Ger-
 “ manici, coargui possit: vosque oro, ne, quia dolori meo
 “ causa connexa est, objecta crimina pro adprobatis acci-
 “ piatis. Si quos propinquus sanguis, aut fides sua patronos
 “ dedit, quantum quisque eloquentiâ et curâ valet, juvate
 “ periclitantem. Ad eundem laborem, eandem constan-

¹ *Nam si legatus.* Si legatus filium meum non extinxit, sed tantummodò obsequium erga eum exuit, ejusdemque morte et luctu meo lætatus fuit, legatum quidem odero, seponam à domo meâ; non tamen violatum Principem, læsam majestatem, sed privatas tantum inimicitias ulciscar. Nec enim hæc publica, sed privata solùm injuria. At si filium meum interemit, si facinus illud in cujuscumque mortalium nece vindican-

dum detegitur, eum majestatis reum judicate; vosque, et liberos Germanici, et nos parentes justis solatiis adficite. Hæc enim justa judicium et offensorum solatia, sceleratorum pœna.

² *Nos parentes.* Tiberium et Liviam, parentes propter adoptionem.

³ *Differrique etiam.* Differri et disseminari etiam per externas gentes tamquam veneno interceptus esset Germanicus.

“tiam accusatores hortor. Id solùm Germanico super
 “leges præstiterim¹, quòd in curià potiùs quàm in foro,
 “apud senatum quàm apud iudices, de morte ejus an-
 “quiritur: cetera pari modestià tractentur: nemo Drusi
 “lacrymas, nemo mœstitiam meam spectet, nec siqua in
 “nos adversa² finguntur.”

13. EXIN “biduum criminibus objiciendis” statuitur,
 “utque sex dierum spatio interjecto, reus per triduum de-
 “fenderetur.” Tum Fulcinus vetera et inania orditur,
 “ambitosè, avarèque habitam Hispaniam.” Quod neque
 convictum³ noxæ reo, si recentia purgaret; neque defensum
 absolutioni erat, si teneretur majoribus flagitiis. Post quem
 Servæus, et Veranius, et Vitellius, consimili studio, sed
 multâ eloquentiâ Vitellius, objecere; “odio Germanici, et
 “rerum novarum studio, Pisonem vulgus militum, per
 “licentiam et sociorum injurias, eò usque corrupisse,⁴ ut
 “*parens legionum* à deterrimis appellaretur: contra, in
 “optimum quemque, maximè in comites et amicos Ger-
 “manici, sævisse: postremò ipsum devotionibus et veneno
 “peremisse: sacra hinc et immolationes nefandas⁵ ipsius
 “atque Plancinæ: petitam armis rempublicam; utque reus
 “agi posset, acie victum.”⁶

14. DEFENSIO in ceteris trepidavit: nam neque ambi-
 tionem militarem, neque provinciam pessimo cuique ob-

¹ *Quàm in foro.* Populi studia metuebant Piso et Tiberius: ideo in curià et apud senatum, non verò in foro et apud iudices de morte Germanici anquiritur.

² *Siqua in nos adversa.* Siqui in nos adversi rumores finguntur. Infra Hist. II. 26. *adverso rumore.*

³ *Neque convictum.* Quod quidem probatum licet et convictum, neque noxæ erat reo, si recentia

purgaret: neque etiam defensum et purgatum, erat absolutioni, si majoribus flagitiis teneretur.

⁴ *Eò usque corrupisse.* De hac legionum corruptelâ et licentiâ dictum supra Annal. II. 55 et 69.

⁵ *Et immolationes nefandas.* Post Germanici mortem. Supra Ann. II. 75.

⁶ *Acie victum.* Petitam armis rempublicam, et victum acie Pisonem vidimus, Ann. II. 80 et 81.

noxiam, ne contumelias quidem adversum imperatorem inficiari poterat: solum veneni crimen visus est diluisse; quod ne accusatores quidem satis firmabant, “in convivio Germanici, cum super eum Piso discumberet,¹ infectos “manibus ejus cibos” arguentes: quippe absurdum videbatur, inter aliena servitia, et tot adstantium visu, ipso Germanico coram, id ausum: offerebatque familiam² reus, et ministros in tormenta flagitabat. Sed iudices per diversa implacabiles erant: Cæsar ob bellum provinciæ inlatum;³ Senatus, numquam satis credito, sine fraude Germanicum interiisse: “scripsissent” expostulantes:⁴ quod haud minus Tiberius, quam Piso abnuere. Simul Populi ante curiam voces audiebantur, “non temperaturos manibus, si patrum sententias evasisset:” effigiesque Pisonis traxerant in Gemonias⁵ ac devellebant, ni jussu Principis protectæ repositæque forent. Igitur inditus lecticæ, et à tribuno prætoris cohortis deductus est: vario rumore, custos salutis, an mortis exactor sequeretur.

15. EADEM Plancinæ⁶ invidia, major gratia: eoque am-

¹ *Super eum Piso discumberet.* In dextro Stibadii cornu discumbebat Germanicus, in sinistro cornu Piso. Itaque licet secundum locum occuparet Piso, super Germanicum discumbebat. Quod paucis intellectum, ut fatetur Davanzati. De hoc ritu discumbendi vide eruditum Sirmondum, not. in Sidon. Apollinar. Epist. i. 11.

² *Offerebatque familiam.* Servos suos ad tormenta offerebat Piso: servos quoque Germanici, qui super mensam ministraverant, in tormenta flagitabat.

³ *Provinciæ inlatum.* A Pione bellum Ciliciæ illatum. Ann. ii. 80.

⁴ *Scripsissent expostulantes.* Senatores Germanici et Pisonis chartas omniaque Syriacæ legationis

diaria expostulant. Quod haud minus Tiberius, quam Piso, ausus est abnuere. Nec mirum. Fertur enim fuisse *litteras Tiberii et mandata in Germanicum*, ut dicitur cap. 16. et apud Suetonium in Tiberio, l. ii. Vide not. et emend. ad Ann. iii. 14.

⁵ *In Gemonias.* Gemoniæ scallæ, gradus erant in quibus reorum corpora populo spectanda proponebantur. Deinde unco gutturi infixo, in Tiberim trahebantur. Gemoniæ illæ Aventinum inter et Testaceum montem positæ.

⁶ *Eadem Plancinæ.* Eadem Plancinæ invidia, idem odium, sed major apud Principem et Augustam gratia. Quanto verò major gratia, tanto minus Tiberio in cam licebat.

biguum habebatur, quantum Cæsari in eam liceret. Atque ipsa, donec mediæ Pisoni spes, “sociam se cujuscumque fortunæ, et si ita ferret, comitem exitii” promittebat. Ut secretis Augustæ precibus veniam obtinuit; paulatim segregari à marito, dividere defensionem cœpit: quod reus postquàm sibi exitiabile intelligit, an adhuc experiretur dubitans, hortantibus filiis durat mentem, senatumque rursum ingreditur: redintegratamque accusationem, infensas patrum voces, adversa et sæva cuncta perpessus, nullo magis exterritus est, quàm quòd Tiberium sine miseratione, sine irâ, obstinatum, clausumque vidit, ne quo adfectu perrumperetur. Relatus domum, tamquam defensionem in posterum meditaretur, pauca conscribit, obsignatque, et liberto tradit. Tum solita curando corpori exsequitur: dein multam post noctem, egressâ cubiculo uxore, “operiri fores” jussit: et cœptâ luce, perfosso jugulo, jacente humi gladio, repertus est.

16. AUDIRE me memini ex senioribus, visum sæpiùs inter manus Pisonis libellum, quem ipse non vulgaverit; sed amicos ejus dictitavisse, “literas Tiberii, et mandata in Germanicum continere: ac destinatum promere apud patres, Principemque arguere, ni elusus à Sejano per vana promissa foret: nec illum sponte extinctum, verum immisso percussore:” quorum neutrum adseveraverim: neque tamen oculere debui narratum ab iis, qui nostram ad juventam duraverunt. Cæsar, flexo in mœstitiam ore, “suam invidiam tali morte¹ quæsitam” apud senatum, crebrisque interrogationibus exquirat “qualem Piso diem

¹ *Suam invidiam tali morte.* Cæsar, flexo in mœstitiam ore, queritur Pisonem Principis invidiam apud senatum tali morte quæsisse, quasi ipse mortis exactorem misisset; crebris interrogationibus exquirat qualem Piso diem supremum, noctemque ex-

gisset. Atque liberto, qui ejus codicillos attulerat, pleraque sapienter, quadam inconsultiùs respondente, ne plura inconsultò expromeret, statim codicillos recitat Tiberius. Hæc nonnulli perperam interpretantur; vide not. et emend. ad Ann. III. 16.

“supremum, noctemque exegisset.” Atque illo pleraque sapienter, quædam inconsultius respondente, recitat codicillos à Pisone in hunc fermè modum compositos: “Conspiratione inimicorum et invidiâ falsi criminis oppressus, quatenus veritati, et innocentie meæ nusquam locus est, Deos immortales testor, vixisse me, Cæsar, cum fide adversum te, neque aliâ in matrem tuam pietate: vosque oro liberis meis consulatis: ex quibus Cn. Piso qualicumque fortunæ meæ non est adjunctus, cum omne hoc tempus in Urbe egerit: M. Piso repetere Syriam dehortatus est: ¹ atque utinam ego potius filio juveni, quam ille patri seni cessisset! eò impensius precor, ne meæ pravitatis pœnas innoxius luat. Per quinque et quadraginta annorum obsequium, per collegium consulatus ² quondam divo Augusto parenti tuo probatus, et tibi amicus, nec quidquam post hæc rogaturus, salutem infelicis filii rogo.” De Plancinâ ³ nihil addidit.

17. Post quæ Tiberius adolescentem ⁴ crimine civilis belli purgavit: “patris quippe jussa, nec potuisse filium detrectare:” ⁵ simul “nobilitatem domûs, ⁶ etiam ipsius, ⁷ quoquo modo meriti, gravem casum” miseratus.

¹ *Dehortatus est.* Supra Ann. 11. 76.

² *Collegium consulatus.* Piso consul fuerat cum Augusto. A. U. C. 731. A. C. 22. cum Tiberio. A. U. C. 747. A. C. 6. Per hoc consulatus collegium Augusto probatus, Tiberio amicus.

³ *De Plancinâ.* Quia segregari à marito, et defensionem dividere cœperat. Supra cap. 15.

⁴ *Adolescentem.* M. Pisonem.

⁵ *Nec potuisse filium detrectare.* Mirum sanè hæc loqui Tiberium. Talia patris jussa potest ac debet detrectare filius. Neque enim sententia illa vera, et proba videri potest, omnia esse, quæ pater jus-

scrit, parendum. Quid enim? si prodicionem patriæ, si matris necem, si alia quædam imperavit turpia, aut impia. Media igitur sententia optima atque tutissima visa est; quædam esse parendum, quædam non obtemperandum, Gellius, 11. 7. Optimè quoque Quinctilianus, non omnia præstanda etiam parentibus. Alioquin nihil est perniciosius acceptis beneficiis, si in omnem nos obligant servitutem. Plura vide apud Grotium, de jure belli ac pacis, 11. 26.

⁶ *Nobilitatem domûs.* Domo Calpurniâ erat Piso.

⁷ *Ipsius.* Pisonis, patris, qui sibi mortem consciverat.

Pro Plancinâ cum pudore et flagitio¹ disseruit, “matris
 “preces” obtendens: in quam optimi cujusque secreti
 questus magis ardescebant. “Id ergò fas aviæ, interfec-
 “tricem nepotis aspicere, adloqui, eripere senatui? quod
 “pro omnibus civibus leges obtineant,² uni Germanico non
 “contigisse! Vitellii et Veranii voce defletum Cæsarem;
 “ab Imperatore et Augustâ defensam Plancinam! proinde
 “venena et artes tam feliciter expertas verteret in Agrip-
 “pinam,³ in liberos ejus, egregiamque aviam ac patrum
 “sanguine miserrimæ domûs exsatiaret.” Biduum super
 hæc, imagine cognitionis, absumentum; urgente Tiberio
 liberos Pisonis, “matrem uti tuerentur.” Et cùm accu-
 satores ac testes certatim perorarent, respondente nullo,
 miseratio quàm invidia⁴ augebatur. Primus sententiam
 rogatus Aurelius Cotta consul (nam referente Cæsare,⁵
 magistratus eo etiam munere fungebantur) “nomen Piso-
 “nis radendum fastis” censuit: “partem bonorum pub-
 “licandam; pars ut Cn. Pisoni filio concederetur, isque
 “prænomen mutaret.⁶ M. Piso exutâ dignitate, et accepto
 “quinquagies sestertio,⁷ in decem annos relegaretur, con-
 “cessâ Plancinæ incolumitate ob preces Augustæ.”

¹ *Cum pudore et flagitio.* Cum pudore, quòd ream defenderet. Cum flagitio, quòd matris preces obtenderet, eamque ipsam ream faceret. Atque inde in Liviam optimi cujusque civis questus magis ardescere.

² *Leges obtineant.* Quod pro omnibus civibus obtinent leges, ut interfectores morte puniantur, id uni Germanico non contigisse. Immo interfectricem non modò vivere, sed ab Imperatore, ab Augustâ defendi.

³ *In Agrippinam.* In uxorem Germanici, in ejus liberos. Et Liviam, egregiam illam aviam, Tiberium, egregium patrum, san-

guine miserrimæ domûs exsatiaret.

⁴ *Miseratio quàm invidia.* Quod reis omnibus indefensis commune est, indefensa Plancina miseratio- nem magis, quàm invidiam augebat.

⁵ *Referente Cæsare.* Principe causas referente, ipsi consules munere dicendi sententiam fungebantur. Absente verò Principe, sententiam rogabant, non dicebant, ut omnibus compertum.

⁶ *Prænomen mutaret.* Idem enim filii, ac patris, prænomen. Postcà L. Piso dictus est, ut videtur ex Dione, l. ix. p. 656.

⁷ *Quinquagies sestertio.* *Angl.* 41,666l. 13s. 4d.

18. *MULTA* ex eâ sententiâ mitigata sunt à Principe :
 “ ne nomen Pisonis fastis eximeretur, quandò M. Antonii,¹
 “ qui bellum patriæ fecisset, Juli Antonii,² qui domum
 “ Augusti violâsset, manerent:” et M. Pisonem ignominiaë
 exemit, concessitque ei paterna bona ; satis firmus, ut sæpe
 memoravi,³ adversum pecuniam, et tum pudore absolutæ
 Plancinæ placabilior.⁴ Atque idem, cùm Valerius Messa-
 linus “ signum aureum⁵ in æde Martis Ultoris;” Cæcina
 Severus “ aram Ultioni statuendam” censuissent, prohi-
 buit : “ ob externas ea victorias sacrari” dictitans, “ do-
 “ mestica mala trisitiâ operienda.” Addiderat Messalinus,
 “ Tiberio, et Augustæ, et Antoniaë, et Agrippinæ Druso-
 “ que, ob vindictam Germanici, grates agendas,” omiserat-
 que Claudii mentionem:⁶ et Messalinum quidem L. Aspre-
 nas senatu coram percunctatus est, “ an prudens præ-
 “ terisset?” ac tum demum nomen Claudii adscriptum est.
 Mihi, quanto plura recentium, seu veterum revolve, tanto
 magis ludibria rerum mortalium cunctis in negotiis obver-
 santur : quippe famâ, spe, veneratione, potiùs omnes des-
 tinabantur imperio, quàm quem futurum principem fortuna
 in occulto tenebat.

19. *PAUCIS* pòst diebus Cæsar auctor senatui fuit, “ Vitel-
 “ lio, atque Veranio, et Servæo sacerdotia tribuendi:” Ful-
 cinio “ suffragium ad honores” pollicitus, monuit, “ ne
 “ facundiam violentiâ præcipitaret.”⁷ Is finis fuit ulciscendâ⁸

¹ *M. Antonii.* Triumviri.

² *Juli Antonii.* Julius Antonius, triumviri filius, ob adulterium Juliae morte punitus. Infra Ann. IV. 44.

³ *Ut sæpe memoravi.* Annal. I. 75. II. 48.

⁴ *Placabilior.* Pudendum enim foret in patrem et filium sævire, Plancinæ verò longè nocentiori indulgere.

⁵ *Signum aureum.* Aureum Martis Ultoris signum, cujus ædes

erat in VIII. urbis regione.

⁶ *Claudii mentionem.* Claudius, Germanici frater, tunc summè despectus, vide Suetonium in Claud. II et X. Ibi mira rerum mortalium ludibria.

⁷ *Violentiâ præcipitaret.* Eâ sanè violentiâ abreptus, vetera et inania Pisoni objecit, ut dictum supra cap. 13.

⁸ *Ulciscendâ.* In ulciscendâ Germanici morte.

Germanici morte, non modò apud illos homines, qui tum agebant,¹ etiam secutis temporibus vario rumore jactatâ: adeò maxima quæque ambigua sunt, dum alii quoquo modo audita pro compertis habent; alii vera in contrarium verunt: et gliscit utrumque posteritate. At Drusus urbe egressus² repetendis auspiciis, mox ovans introiit, paucosque post dies Vipsania mater ejus³ excessit, una omnium Agrippæ liberorum miti obitu: nam ceteros⁴ manifestum ferro; vel creditum est, veneno aut fame extinctos.

20. EODEM anno Tacfarinas, quem priore æstate pulsum à Camillo memoravi,⁵ bellum in Africâ renovat, vagis primùm populationibus, et ob pernicitatem inultis: dein vicos exscindere, trahere graves prædas: postremò haud procul Pagydâ flumine,⁶ cohortem Romanam circumscedit. Præerat castello Decrius, impiger manu, exercitus militiâ, et illam obsidionem flagitii ratus.⁷ Is cohortatus milites, “ut copiam pugnæ in aperto facerent,” aciem pro castris instruit: primoque impetu pulsâ cohorte, promptus inter

¹ *Qui tum agebant.* Vitam agebant. Virg. Æn. v. 51.

—*Getulis agerem si Syrtibus exul.*

² *Urbe egressus.* Drusus, Urbem ingressus propter Germanici funera, supra cap. 11. auspicia et imperium deposuerat. Urbe egressus, repetit auspicia et imperium, ut ovans ob receptum Maroboduum introeat. Unus Augustus proconsularem dignitatem ita obtinuit, ut illam etiam intrâ Urbem servaret. Ceteri omnes, antequàm pomærium Urbis intrarent, magistratum et magistratûs insignia deponebant. Dio, xxxix. p. 120. l. iii. p. 519.

³ *Vipsania mater ejus.* Vipsania Agrippina, olim Tiberii uxor. Vide stem. Cæs. n. 69.

⁴ *Nam ceteros.* Ferro cecidit

Agrippa, Ann. i. 6. Lucium et Caium artibus Liviæ extinctos creditum est, Ann. i. 3. Agrippina fame enecta, Ann. vi. 25. Julia in exilio periit, Ann. iv. 71.

⁵ *Pulsum à Camillo memoravi.* Annal. ii. 52.

⁶ *Pagyddâ flumine.* Flumen illud in Numidiâ. Idem mihi videtur esse, quod nunc dicitur *Abcad*. Inter fontes fluminum *Abcad* et *Mejerda* erat Castellum Romanum. Alius *ricus Pagida* in Phœnice, de quo Plinius, v. 19.

⁷ *Flagitii ratus.* Obsidionem illam probrosam esse ratus. Probrosus enim Romanos ab inconditis predonibus, et militiæ rudibus, obsideri. *Flagitium* pro dedecore usurpant Livius aliique optimi scriptores.

tela occursat fugientibus, increpat signiferos, “quòd incon-
“ditis aut desertoribus miles Romanus terga daret:” simul
excepta vulnera, et quamquam transfosso oculo, adversum
os¹ in hostem intendit, neque prælium omisit, donec desertus
suis caderet.

21. QUÆ postquàm L. Apronio (nam Camillo succes-
serat) comperta; magis dedecore suorum, quàm gloriâ
hostis anxius, raro eâ tempestate, et è vetere memoriâ
facinore, decumum quemque² ignominiosæ cohortis sorte
ductos, fusti necat. Tantùmque severitate profectum, ut
vexillum veteranorum,³ non ampliùs quingenti numero,
easdem Tacfarinatis copias, præsidium, cui Thala nomen,⁴
adgressas fuderint: quo prælio Rufus Helvius, gregarius
miles, servati civis decus retulit, donatusque est ab Apronio
torquibus et hastâ: Cæsar addidit civicam coronam,⁵
“quòd non eam quoque Apronius jure proconsulis tri-
“buisset,” questus magis, quàm offensus. Sed Tacfarinas,
perculsis Numidis, et obsidia aspernantibus, spargit bel-
lum;⁶ ubi instaretur, cedens ac rursum in terga remeans:
et dum ea ratio barbaro fuit, inritum fessumque Romanum
impunè ludificabatur. Postquàm deflexit⁷ ad maritimos

¹ *Adversum os.* Et, quamquam transfosso oculo, acriùs adversum os oculumque in hostem intendit.

² *Decumum quemque.* Illâ decimandi ratione primus usus est Appius Claudius consul anno U. C. 259. A. C. 494. Vide Livium, II. 59. Polybium, VI. p. 482.

³ *Vexillum veteranorum.* De vexillariis dictum satis Annal. I. 38. in not. et emend.

⁴ *Cui Thala nomen.* Præsidium Thala in Numidiâ situm, et Pagydæ amni vicinum. Imperitante Jugurthâ, oppidum fuit magnum et opulentum, thesauro regis grave. Opinor fuisse in jugis montis *Auras.* Florus, I. 3. Sallust. in Ju-

gurth. LXXV.

⁵ *Civicam coronam.* Civica corona, *militum virtutis insigne clarissimum*, Plin. XVI. 4. quercea erat. Sæpe occurrit in nummis cum inscriptione OB CIVIS SERVATOS. De his militum præmiis plurima et egregia habet Polybius, VI. p. 483. Vide quæ dicta de donis militaribus Annal. I. 44. in not. et emend.

⁶ *Spargit bellum.* Numidas ad præsidium Thalam fusos, ideoque percussos, et obsidia aspernantes, in apertos campos deducit Tacfarinas, bellumque spargit.

⁷ *Postquàm deflexit.* Postquàm Tacfarinas ad maritimos locos de-

locos, inligatus prædâ, stativis castris adhærebat: missu patris Apronius Cæsianus cum equite et cohortibus auxiliariis, quæ velocissimos legionum addiderat, prosperam adversum Numidas pugnam facit, pellitque in deserta.

22. AT ROMÆ Lepida, cui super Æmiliorum decus¹ L. Sulla ac Cn. Pompeius proavi erant, defertur, “simulasse partum ex P. Quirinio² divite atque orbo:” adiciebantur “adulteria, venena; quæsitumque per Chaldæos “in domum Cæsaris,” defendente ream Manio Lepido,³ fratre. Quirinius, post dictum repudium adhuc infensus, quamvis infami ac nocenti miserationem addiderat.⁴ Haud facilè quis dispexerit illâ in cognitione mentem Principis: adeò vertit ac miscuit iræ et clementiæ signa; deprecatus primò senatum, “ne majestatis crimina⁵ tractarentur:” mox M. Servilium è consularibus, aliosque testes inlexit ad proferenda, quæ velut reticere voluerat. Idemque servos Lepidæ, cùm militari custodiâ⁶ haberentur, transtulit ad

flexit; prædâ gravis, nec jam velitationibus habilis, stativis castris adhærebat, ne vires deficerent, prædaque periret. Tum missus est Apronius, qui adversus Numidas pugnam fecit; eosque deserta repetere coegit. Stativa castra appellabantur mansiones illæ, in quibus stabant milites, cùm commicaret exercitus.

¹ *Super Æmiliorum decus.* E gente Æmiliâ erant Lepidi. Suetonius, Tiberio iniquior, Lepidam, *generosissimam fæminam* appellat, quam Tiberius, ad rapinas conversus, damnaverit. Suet. in Tib. XLIX. Lepida matrem habuerat Corneliam, Fausto Syllâ dictatoris filio et Pompeiâ Pompeii M. filiâ natam.

² *Ex P. Quirinio.* De Quirinio, homine sordidæ et præpotentis

senectæ, ut appellatur infra cap. 48. Vide not. et emend. ad Ann. II. 22.

³ *Manio Lepido.* Ut patet ex prænomine, diversus est iste Lepidus à M. Lepido, de quo supra Ann. I. 13.

⁴ *Miserationem addiderat.* Longiores gravioresque iræ invidiam minuunt; addunt miserationem.

⁵ *Majestatis crimina.* Crimen majestatis fuit, quod per Chaldæos in domum Cæsaris quæsierat; ipsumque Tiberium veneno petierat, ut dicetur cap. seq.

⁶ *Militari custodiâ.* Servos Lepidæ, qui custodiâ militari habebantur, ad consules transtulit, ut invidiam à se anoveret. Imperatoris enim erat custodia illa militaris. De custodiis Romanorum vide not. et emend. ad Ann. III. 22.

consules : neque per tormenta interrogari passus est de his, quæ ad domum suam pertinerent. Exemit etiam Drusum, consulem designatum, dicendæ primo loco sententiæ : quod alii civile rebantur,¹ “ ne ceteris adsentiendi necessitas “ fieret : ” quidam ad sævitiam trahebant ;² “ neque enim “ cessurum nisi damnaledi officio.”

23. LEPIDA ludorum diebus, qui cognitionem interverant, theatrum³ cum claris fœminis ingressa, lamentatione flebili “ majores suos ” ciens, “ ipsumque Pompeium,” cujus ea monimenta et adstantes imagines visebantur, tantum misericordiæ permovit, ut effusi in lacrymas, “ sæva “ et detestanda Quirinio ” clamitarent, “ cujus senectæ “ atque orbitati et obscurissimæ domui, destinata quondam “ uxor L. Cæsari,⁴ ac divo Augusto nurus, dederetur : ” dein tormentis servorum patefacta sunt flagitia, itumque in sententiam Rubellii Blandi, à quo aquâ atque igni arcebatur. Huic Drusus adsensit, quamquam alii mitiùs censuissent : mox Scauro, qui filiam ex eâ genuerat, datum, ne bona publicarentur. Tum demum aperuit Tiberius, “ compertum sibi etiam ex P. Quirinii servis, veneno eum “ à Lepidâ petitem.”

24. INLUSTRIUM domuum adversa (etenim haud multum

¹ *Civile rebantur.* Civile ac humanum, sententiam primo loco non dici ab illo, cui ceteri omnes adsentiuntur. Cur consul designatus sententiam primo loco diceret, conjectatus Appianus, Bell. civil. II. p. 430. ait : *eum multa ex consultis postea exsecuturum, sapientius et cunctius consulere.* Ἀντὸς, οἵμαι, πολλὰ τῶν κυρουμένων ἐργασόμενος, καὶ ἐκ τῆ δὲ εὐδουλότερον τε καὶ εὐλαβοῦστερον ἐνθυμησόμενος περὶ ἐκάστου.

² *Ad sævitiam trahebant.* Et existimabant Drusum non cessurum officio dicendæ primo loco

sententiæ, nisi ut Lepidam certiùs damnaret. Certiùs enim damnat, qui postremo loco sententiam dicit : immo penes illum tota judicii summa, cum in æquas partes dividuntur judicum sententiæ. Ita censuit Drusus, qui Rubellio Blando, duriora proponenti, adsensit.

³ *Theatrum.* Ipsum Pompeii theatrum anno U. C. 699. dictum, quod quadraginta hominum millia largè capiebat. Plin. XXXVI. 15. Tacit. Ann. XIV. 20. Dio, XXXIX. p. 107.

⁴ *Lucio Cæsari.* De quo supra Annal. I. 3.

distanti tempore Calpurnii Pisonem, Æmilii Lepidam amiserant) solatio adfecit D. Silanus, Juniaë familiæ redditus: casum ejus paucis repetam. Ut valida divo Augusto in rempublicam fortuna, ita domi improspere fuit, ob impudicitiam filiaë¹ ac neptis,² quas Urbe depulit, adulterosque earum morte aut fugâ³ punivit: nam culpam inter viros ac fœminas vulgatam,⁴ gravi nomine “læsarum religionum”⁵ ac “violatæ majestatis” appellando, clementiam majorum suasque ipse leges egrediebatur.⁶ Sed aliorum exitus, simul cetera illius ætatis memorabo, si effectis in quæ tendi,⁷ plures ad curas vitam produxero. D. Silanus, in nepti Augusti adulter, quamquam non ultra foret sævitum, quàm ut amicitia Cæsaris prohiberetur, exilium sibi demonstrari intellexit: nec, nisi Tiberio imperitante, deprecari senatum ac Principem ausus est, M. Silani⁸ fratris potentia, qui per insignem nobilitatem et eloquentiam præcellebat. Sed Tiberius grates agenti Silano, patribus coram respondit, “se quoque lætari, quòd frater ejus è peregrinatione longinquâ revertisset: idque jure licitum, quia non senatusconsulto, non lege pulsus foret: sibi tamen adversus eum integras parentis sui offensiones: neque reditu Silani dissoluta, quæ Augustus voluisset.” Fuit posthac in urbe, neque honores adeptus est.

¹ *Ob impudicitiam filiaë.* Ob adulteria Juliaë, Augusti filiaë, et consilia parricidæ palam facta. Plin. VII. 45. Tacit. Ann. I. 53. IV. 44. Velleius, II. 10. Vide stem. Cæs. n. 46.

² *Neptis.* Juliaë, Augusti neptis. Stem. Cæs. n. 52.

³ *Morte aut fugâ.* Morte punitus est Julius Antonius, in filia adulter; fugâ D. Silanus, adulter in nepti. Vide infra Ann. IV. 44.

⁴ *Vulgatam.* Usu ac consuetudine vulgatam.

⁵ *Læsarum religionum.* Læsas

religiones, quibus matrimonium consecrabatur; violatamque majestatem in filia et nepti querebatur Augustus.

⁶ *Egrediebatur.* Fortè quòd læsarum religionum et violatæ majestatis crimina diceret; non verò quòd morte puniret. Vide Antonium Augustinum de legibus, p. 71 et seq.

⁷ *In quæ tendi.* Vide not. et emend. ad Ann. III. 7.

⁸ *M. Silani.* De quo dicitur infra Ann. XIII. 1.

25. RELATUM deinde de moderandâ Papiâ Poppæâ,¹ quam senior Augustus post Julias rogationes² incitandis cœlibum pœnis, et augendo ærario³ sanxerat: nec ideo conjugia et educationes liberûm frequentabantur, prævalidâ orbitate.⁴ Ceterûm multitudo periclitantium gliscebat, cùm omnis domus delatorum interpretationibus subverteretur: utque antehâc flagitiis, ita tunc legibus laborabatur. Ea res admonet, ut de principiis juris, et quibus modis ad hanc multitudinem infinitam ac varietatem legum perventum sit, altiùs disseram.

26. VETUSTISSIMI mortalium, nullâ adhuc malâ libidine,⁵ sine probro, scelere, eoque sine pœnâ aut coercionibus, agebant: neque præmiis opus erat, cùm honesta suoapte ingenio peterentur; et ubi nihil contra morem cuperent, nihil per metum vetabantur. At postquàm exui æqualitas, et pro modestiâ ac pudore, ambitio et vis incedebat; provenire dominationes: multosque apud populos æternûm mansere. Quidam statim, aut postquàm regum

¹ *Papiâ Poppæâ*. Lex illa ita dicta est à M. Papio Mutilo, et Q. Poppæo Secundino suffectis consulibus anno U. C. 772. J. C. 19. Dio, LVI. p. 578. observat utrique consuli neque uxorem, neque liberos fuisse. Inde major legis, quæ maritos præmio, cœlibes pœnâ afficiebat, necessitas deprehenditur. De illâ infra cap. 28.

² *Julias rogationes*. Id est, post leges Julias. Eâdem significatione *rogationem* accepit Florus, III. 17. *Sed pretium rogationis statim socii flagitavere*. Vide not. et emend. ad Ann. III. 25.

³ *Augendo ærario*. Augebatur ærarium, cùm ei bona cœlibum addicerentur.

⁴ *Prævalidâ orbitate*. Scilicet, et animadvertit Anton. Augusti-

nus de legibus, p. 74. immaturitate sponsarum et matrimoniorum crebrâ mutatione vis legum eludebatur. Inde Martialis, VI. Epig. 7.

Julia lex populis ex quo, Faustine, renata est,
Atque intrare domos jussa pudicitia.
Aut minùs, aut certè non plus trigesima lux est,
Et nubit decimo jam Thelesina viro.
Quæ nubit toties, non nubit; adultera lege est.
Offendor mæchâ simpliciore minùs.

Unde verò tantum illud orbitatis studium? Ex orborum luxu, et superbiâ, variisque captatorum artibus.

⁵ *Nullâ adhuc malâ libidine*. Ætatem illam sine ullâ malâ libidine, sine probro, sine scelere, poetis excogitatam, à philosophis et maxime à Senecâ Epist. xc. laudatam, numquam extitisse docet religio, testanturque certissima historiæ monumenta.

pertæsum,¹ leges maluerunt. Hæ primò, rudibus hominum animis, simplices erant. Maximèque fama² celebravit Cretensium; quas Minos; Spartanorum, quas Lycurgus; ac mox Atheniensibus quæsitiones jam et plures Solon perscripsit. Nobis Romulus, ut libitum, imperitaverat :³ dein Numa religionibus et divino jure populum devinxit : reperi-
taque quædam à Tullo et Anco : sed præcipuus Servius Tullius sanctor legum fuit, quæis etiam reges obtemperarent.

27. PULSO Tarquinio, adversum patrum factiones multa populus paravit tuendæ libertatis, et firmandæ concordia: creatique decemviri, et accitis quæ usquam egregia,⁴ compositæ duodecim tabulæ, finis æqui juris: nam secutæ leges, etsi aliquandò in maleficos ex delicto, sæpiùs tamen dissensione ordinum, et apiscendi illicitos honores, aut pellendi claros viros, aliaque ob prava, per vim latæ sunt. Hinc Gracchi,⁵ et Saturnini,⁶ turbatores plebis: nec minor

¹ *Regum pertæsum.* Regum, qui pro arbitrio suo imperitabant. Justinus, I. 1. *Populus nullis legibus tenebatur: arbitria Principum pro legibus erant.*

² *Maximèque fama.* De Cretensium, Spartanorum et Atheniensium legibus egregiè scripsere Aristoteles et Plutarchus.

³ *Nobis Romulus, ut libitum, imperitaverat.* Sine lege et jure certo, quod civibus pro arbitrio reddebat, omniæque manu à regibus gubernabantur. Ita Pompon. de orig. Jur. Lib. 2. Leges tamen ab eo latas memorat Dionys. 2 et 9.

⁴ *Accitis quæ usquam egregia.* A. U. C. 300. A. C. 453. missi in Græciam, legum sapientiâ celebratissimam, Sp. Postumius, Ser. Sulpitius et A. Manlius, qui leges illas explorarent. Ita accitis, quæ usquam egregia, creati sunt A. U. C. 303. decemviri, qui populo Roma-

no conscriberent leges, quas summo perè commendat Tullius, I. de oratore, XLIV. *Frémant omnes licet, dicam quod sentio. Bibliothecus me herculè omnium Philosophorum unus mihi videtur XII Tabularum libellus, si quis legum fontes et capita viderit, et auctoritatis pondere, et utilitatis ubertate superare.* Leges illæ optimæ fuerunt finis ac terminus juris æqui, ob mox secularum legum vitia. V. Cl. de Montesquieu, *Esprit des loix*, VI. 15. leges illas redarguit; inhumanas et reipublicæ parum consentaneas appellat. Utri credendum, Romano, an Gallo?

⁵ *Gracchi.* Quas certaminum ac seditionum faces accenderint duo Gracchi, Tiberius A. U. C. 621. et Caius, frater, A. U. C. 633. dum populo nimis faverent, nobilitati adversarentur, explicat Florus, III. 14 et 15.

⁶ *Saturnini.* Gracchanarum

largitor, nomine senatûs, Drusus;¹ corrupti spe,² aut inlusi per intercessionem socii. Ac ne bello quidem Italico, mox civili omissum,³ quin multa et diversa sciscerentur; donec L. Sulla dictator,⁴ abolitis, vel conversis prioribus, cùm plura addidisset, otium ejus rei haud in longum paravit; statim turbidis Lepidi rogationibus,⁵ neque multo pòst tribunis redditâ licentiâ,⁶ quoquo vellent, populum agitando. Jamque non modò in commune, sed in singulos homines latae quæstiones: et corruptissimâ republicâ plurimæ leges.⁷

28. Tum Cn. Pompeius tertium consul,⁸ corrigendis moribus delectus, et gravior remediis, quàm delicta erant, sua-

legum assertor Apuleius Saturninus interfectus est A. U. C. 653. A. C. 100. Florus, III. 16.

¹ *Drusus.* Easdem leges asserere ipsius senatûs nomine ac auctoritate conatus est. M. Livius Drusus, ita splendidus largitor, ut vox ejus extet, *nihil se ad largitionem ulli reliquisse, nisi si quis aut cænum dividere vellet, aut calum.*

* Rebus temere motis imparem, ægrumque mors abstulit A. U. C. 663. A. C. 90. Florus, III. 17.

² *Corrupti spe.* Drusus socios spe civitatis donandæ corruperat, aut potiùs per intercessionem eos illuserat. Nihil enim præstitum, quod promissum: obstitit intercessio. Inde natum est A. U. C. 663. bellum Italicum, quod Florus, III. 18. bellum sociale appellat.

³ *Mox civili omissum.* Bellum Italicum ad A. U. C. 666. duraverat, cùm exceptum est bello civili Marium inter et Syllam, seculi sui ornamenta et pestes, Florus, III. 21. Nec iis etiam bellis omissum est, quin multæ et diversæ ob civium dissensionem sancirentur leges, et veteribus adsciscerentur.

⁴ *Sulla dictator.* Sylla dicta-

turam gessit ab A. U. C. 672. ad annum 675. Florus, III. 21 et 23.

⁵ *Turbidis Lepidi rogationibus.* Non diuturnum otium attulit Sylla. Abdicatâ enim dictaturâ, mortuus est A. U. C. 676. Et statim turbidas de ejus actis rescindendis leges promulgavit M. Lepidus. Florus, III. 23.

⁶ *Tribunis redditâ licentiâ.* Sylla tribunis plebis injuriæ faciendæ potestatem ademerat, auxilii ferendi reliquerat. Cn. Pompeius consul A. U. C. 684. tribunis potestatem, aut potiùs licentiam restituit. Quâ de re Cicero, III. de legibus IX. *Pompeium nostrum ceteris rebus omnibus semper amplissimis summisque effero laudibus. De tribuniciâ potestate taceo: nec enim reprehendere libet, nec laudare possum.*

⁷ *Plurimæ leges.* Numquam plures leges, quàm cùm corruptiora imperia.

⁸ *Tertium consul.* Pompeius tertium consulatum gessit A. U. C. 702. A. C. 51. Imperiosior remedia adhibuit delictis graviora; sicque omnia perdidit. Vide Dionem, XL. p. 145 et seq.

rumque legum auctor idem ac subversor,¹ quæ armis tuebatur, armis amisit.² Exin continua per viginti annos³ discordia: non mos, non jus: deterrima quæque impunè; ac multa honesta exitio fuere. Sexto demum consulatu Cæsar Augustus, potentiæ securus, quæ triumviratu jusserat, abolevit: deditque jura, quæ pace et Principe uteremur:⁴ acriora ex eo vincla,⁵ inditi custodes, et lege Papiâ Poppæâ præmiis inducti, ut, si à privilegiis parentum cessaretur, velut parens omnium populus vacantia teneret: sed altiùs penetrabant;⁶ Urbemque, et Italiam, et quod usquam civium, corripuerant: multorumque excisi status, et terror omnibus intentabatur; ni Tiberius statuendo remedio, quinque consularium, quinque è prætoriis, totidem è cetero senatu sorte duxisset: apud quos exsoluti plerique legis nexus, modicum in præsens levamentum fuere.

29. PER idem tempus Neronem è liberis Germanici jam ingressum juventam, commendavit patribus; utque

¹ *Auctor idem ac subversor.* Legum suarum reverà auctor et subversor. Confirmavit enim senatûs consultum ut, qui in Urbe magistratus gessissent, externas provincias ante anni quinti exitum ne sortirentur. Ipsum verò non puduit Hispaniæ imperium in aliud quinquennium paulopost accipere. Dio, XL. p. 147.

² *Armis amisit.* Quæ armis tuebatur terræ ac maris dominus, ea tandem armis amisit, Pharsalicis in campis devictus A. U. C. 706.

³ *Viginti annos.* Anni illi viginti non à tertio Pompeii consulatu, sed ab ejus morte numerari debent. Augustus enim sextum consulatum gessit A. U. C. 726. A. C. 27.

⁴ *Pace et Principe uteremur.* Quibus, firmatâ jam pace, et republicâ sub uno Principe constitutâ, uteremur, ut rectè explicat

Illustr. Huetius.

⁵ *Acriora ex eo vincla.* Post hunc sextum Pompeii consulatum, ac maximè A. U. C. 762. quo lata est lex Papia Poppæa, acriora fuerunt vincula, inditi custodes, iisque constituta præmia, ut cœlibibus, iisque omnibus, qui à privilegiis parentum cessarent, diligenter invigilarent. Si quis vero cœlebs aut sine liberis viveret, populus, velut omnium parens, bona vacantia, id est, hereditates, tenebat. Vide not. et emend. ad Ann. III. 28.

⁶ *Altius penetrabant.* Custodes illi ac delatores non solos cœlibes et orbos accusabant, sed ipsos parentes falsis accusationibus impetebant. Quæ quidem pestis Urbem, Italiam, et quod usquam civium erat Romanorum, corripuit. Inde multorum excisi sunt status, eversæ fortunæ.

“munere capessendi vigintiviratûs¹ solveretur, et quinquennio maturiûs, quàm per leges, quæsturam peteret,”² non sine inrisu³ audientium postulavit. Prætendebat “sibi atque fratri⁴ decreta eadem, petente Augusto:” sed neque tum fuisse dubitaverim,⁵ qui ejusmodi preces occulti inluderent: ac tamen initia fastigii Cæsaribus erant: magisque in oculis vetus mos, et privignis cum vitrico levior necessitudo, quàm avo adversum nepotem. Additur pontificatus,⁶ et quo primùm die forum ingressus est, congiarium plebi,⁷ admodum lætæ, quòd Germanici stirpem jam puberem aspiciebat. Auctum dehinc gaudium, nuptiis Neronis et Juliæ⁸ Drusi filiæ. Utque hæc secundo rumore, ita ad-

¹ *Vigintiviratûs*. Stante republicâ, viginti sex viri quotannis creati sunt, qui rempublicam curarent. Postea viginti tantum creati, quorum munia ita describit Dio, LIV. p. 540. Tres rebus capitalibus, tres signandæ pecuniæ præfecti, quatuor viarum urbanarum curatores, decem ad centumvitalia judicia delecti. Hoc munere ipsis Principum liberis aditus ad capessendos honores patebat. XX. VIROS EX SENATVS CONSVLTO R. P. CVRAN-
DAE memorat inscriptio apud Gruterum, p. 381. n. 3.

² *Quæsturam peteret*. Quæstura juxta leges post annum vigesimum quartum petebatur. Quinquennio maturiûs eam obtinuit Tiberius, quæstor undevicesimum annum agens. X. c. l. l. c. i. u. s., II. 94. Dio, LIII. p. 516.

³ *Non sine inrisu*. Patres irridebant, quòd Tiberius postularet, quæ ipse posset concedere.

⁴ *Atque fratri*. Claudio Druso, Tiberii fratri. Supra Ann. I. 3. Vide et stem. Cæs. n. 79.

⁵ *Fuisse dubitaverim*. Sed neque dubitaverim ipsâ Augusti ætate fuisse, qui ejus preces taciti

occultique illuderent. Ac tamen, imperitante Augusto, initium fastigii Cæsaribus erat: tunc etiam magis in oculis magisque obvia veteris moris pristinaque libertatis vestigia. Tiberio quoque et Druso, Augusti privignis, cum vitrico suo levior erat necessitudo, quàm Tiberio, Neronis avo, cum nepote suo, Germanici filio. Si igitur Augusti preces illuderent patres, quanto magis Tiberii preces debebant illudere.

⁶ *Additur pontificatus*. Vide not. et emend. ad Ann. III. 29.

⁷ *Congiarium plebi*. Militibus donativum, populo congiarium proponebatur. Dictum est congiarium à congio, mensurâ Romanâ, tribus sextariis constante, *Angl. about two quarts*, paulo ampliore. Olim oleo, vino datum est congiarium; postea argento et auro: sed pristinum nomen remansit. Antiquitus salis modios sex mille in congiario à rege Anco Marcio datos populo docet Plinius, XXXI. 7.

⁸ *Neronis et Juliæ*. Neroni pacatam Silani filiam vidimus supra Ann. II. 43. At uxorem duxit Juliam, Drusi Cæsaris filiam. Vide stem. Cæs. n. 82 et 74.

versis animis acceptum, quòd filio Claudii¹ socer Sejanus destinaretur: polluisse nobilitatem familiæ videbatur,² suspectumque jam nimiae spei Sejanum ultro extulisse.

30. FINE anni concessere vitâ insignes viri, L. Volusius, et Sallustius Crispus. Volusio vetus familia, neque tamen præturam egressa: ipse consulatum intulit,³ censoriâ etiam potestate legendis equitum decuriis functus, opumque, queis domus illa immensum viguit, primus adcumulator. Crispum,⁴ equestri ortum loco, C. Sallustius, rerum Romanarum florentissimus auctor, sororis nepotem in nomen adscivit: atque ille, quamquam prompto ad capessendos honores aditu, Mæcenatem æmulatus, sine dignitate senatoriâ, multos triumphalium consulariumque potentiâ anteit: diversus à veterum instituto, per cultum et munditias; copiâque et affluentia, luxu propior:⁵ suberat tamen vigor animi, ingentibus negotiis par; eò acrior, quòd somnum et inertiam magis ostentabat. Igitur, incolumi Mæcenate, proximus; mox præcipuus, cui secreta imperatorum inniterentur, et interficiendi Postumi Agrippæ conscius, ætate provectâ speciem magis in amicitia principis, quàm vim tenuit. Idque et Mæcenati acciderat; fato potentiae rarò sempiternæ: an satias capit, aut illos, cùm omnia tribuerunt, aut hos, cùm jam nihil reliquum est quod cupiant.

¹ *Filio Claudii.* Claudius frater erat Germanici. Filius ejus appellabatur Drusus; impubes adhuc, pyro per lulum in sublime jactato, et hiatu oris excepto Pompeiis fuit strangulatus. Suet. in Claud. xxvii. Vide stem. Cæs. n. 102.

² *Videbatur.* Tiberius Claudiorum nobilitatem municipali sponso polluisse videbatur.

³ *Consulatum intulit.* Suffectus tantum consul. Vide not. et

emend. ad Ann. iii. 30.

⁴ *Crispum.* De illo Crispo Sallustio interficiendi Postumi Agrippæ conscio jam dictum Annal. i. 6. Ejus hortos et Sallustianum aes, non levia luxûs argumenta, celebrat Plinius, vii. 16. xxxiv. 2.

⁵ *Luxu propior.* Luxu pro luxui. Sic saepe veteres, et ipse Tacitus infra cap. 33. *præsedisse decursu*, et cap. 34. *Exponi suo luxu.*

A. U. C. 774. J. C. 21.

31. SEQUITUR Tiberii quartus,¹ Drusi secundus consularis, patris atque filii collegio insignis: nam biennio antè,² Germanici cum Tiberio idem honor, neque patruo lætus,³ neque naturâ tam connexus fuerat. Ejus anni principio Tiberius, quasi firmandæ valetudini, in Campaniam⁴ concessit, longam et continuam absentiam paulatim meditans; sive ut, amoto patre, Drusus munia consulatûs solus impleret. Ac fortè parva res magnum ad certamen progressa, præbuit juveni materiem apiscendi favoris. Domitius Corbulo, præturâ functus, de L. Sullâ nobili juvene questus est apud senatum, “quòd sibi inter spectacula gladiatorum loco non decessisset.” Pro Corbulone ætas, patrius mos, studia seniorum erant: contra Mamercus Scaurus, et L. Arruntius, alique Sullæ propinqui nitebantur: certabant orationibus, et memorabantur “exempla majorum, qui ju-
“ventutis irreverentiam gravibus decretis notavissent:” donec Drusus apta temperandis animis disseruit; et satisfactum Corbuloni per Mamercum, qui patruus simul ac vitricus⁵ Sullæ, et oratorum eâ ætate uberrimus erat. Idem Corbulo, “plurima per Italiam itinera, fraude mancipum⁶

¹ *Tiberii quartus.* Tiberius Augustus IV. Drusus Cæsar II. consules fuere A. U. C. 774. J. C. 21.

² *Biennio antè.* A. U. C. 771. quo Tiberius et Germanicus coss.

³ *Neque patruo lætus.* Propter invidiam, quâ in Germanicum flagrabat patruus Tiberius.

⁴ *In Campaniam.* Nunc Terra di Lavoro, in regno Neapolitano.

⁵ *Patruus simul ac vitricus.* Mamercus Scaurus fratrem uterinum habuit L. Syllæ patrem; quo mortuo, Sexitiæ, L. Syllæ matri nupsit. Ita Mamercus Scaurus fuit

patruus simul et vitricus. De nomine illo nobilitate et orandis causis insigni, vitâ probroso dicetur infra Ann. VI. 29.

⁶ *Fraude mancipum.* Curatores viarum vectigalia earundem munitionesque certis hominibus locabant, quæ qui redimerent, *mancipes* sunt dicti. Mancipum fraude et magistratuum incuriâ, itinera sæpe interrupta et impervia. De ejusmodi mancipe inscriptionem protulit eruditus Panvinius, Descript. urbis Romæ apud Grævium The-saur. Antiq. Rom. vol. III. col. 262.

“et incuriâ magistratuum interrupta et impervia” clamitando, executionem ejus negotii libens suscepit: quod haud perinde publicè usui habitum, quàm exitiosum multis, quorum in pecuniam atque famam damnationibus et hastâ¹ sæviebat.

32. NEQUE multo pòst missis ad senatum literis Tiberius, “motam rursum² Africam incursu Tacfarinatis” docuit; “judicioque patrum deligendū proconsulem, gnam militiæ, corpore validum, et bello suffecturum:” quod initium Sex. Pompeius agitandi adversus M. Lepidum odii nactus, “ut secordem, inopem, et majoribus suis de-
“decorum, eoque etiam Asiæ sorte depellendum,”³ incusavit; adverso senatu, qui “Lepidum mitem magis quàm
“ignavum, paternas ei angustias, et nobilitatem sine probro
“actam, honori quàm ignominiae habendam” ducebat. Igitur missus in Asiam. Et de Africâ decretum “ut Cæsar
“legeret, cui mandanda foret.”

33. INTER quæ Severus Cæcina censuit, “ne quem
“magistratum, cui provincia obvenisset, uxor comitaretur:” multum antè repetito, “concordem sibi conjugem, et sex
“partus enixam: seque, quæ in publicum statueret, domi
“servavisse, cohibita intrâ Italiam, quamquam ipse plures

D. M. S.

CN. CORNELIO

CN. F. SAB.

MVSAEO

MANCIPI VIAE APPIAE

HERENNIA PRISCILLA

CONIVGI

BENE MERENTI

FECIT.

Damnationibus et hastâ in fraudulentos mancipēs sæviebat Corbulo: multis nunc exitiosus; plurimis adhuc, Caio imperitante, exitiosior. Tanta hæc damna resarcivit Claudius, ut dicemus in supplemento Annal. VIII. 2. IX. 44. Vide et Dionem, LIX. p. 651. LX. p. 676.

² *Motam rursum.* De belli initiis dictum supra Ann. II. 52.

³ *Asiæ sorte depellendum.* Sorte eligebantur viri consulares, qui in Asiam et Africam mitterentur. Ab illâ sorte M. Lepidum depellere studebant. In summis verò

¹ *Et hastâ.* Sub hastâ in foro positâ venalia proponebantur bona, quæ ad fiscum pertinebant. Si hasta non esset, venditio erat nulla.

“ per provincias quadraginta stipendia ¹ explevisset. Haud
 “ enim frustra placitum olim, ne foeminae in socios aut gen-
 “ tes externas traherentur: inesse mulierum comitatu²,
 “ quæ pacem luxu, bellum formidine morentur, et Roma-
 “ num agmen ad similitudinem barbari incessus convertant.
 “ Non imbecillum tantum, et imparem laboribus sexum;
 “ sed, si licentia adsit, sævum, ambitiosum, potestatis avi-
 “ dum: incedere inter milites, habere ad manum centuri-
 “ ones: præsedisse nuper foeminam ³ exercitio cohortium,
 “ decursu legionum. Cogitarent ipsi, quotiens repetunda-
 “ rum aliqui arguerentur, plura uxoribus objectari: his
 “ statim adhærescere deterrimum quemque provincialium:
 “ ab his negotia suscipi, transigi: duorum egressus coli,⁴
 “ duo esse prætoria; ⁵ pervicacibus magis et impotentibus
 “ mulierum jussis, quæ Oppiis ⁶ quondam, aliisque legibus
 “ constrictæ, nunc, vinclis exsolutis, domos, fora, jam et
 “ exercitus regerent.”

discriminibus, aliisve gravioribus de causis nonnumquam extra sortem mittebantur proconsules. Sic de Africâ decretum, ut adversus Tacfarinatem Tiberius ipse legeret, cui provinciam mandaret.

¹ *Quadraginta stipendia.* De Cæcinâ ejusque stipendiis, vide supra Annal. I. 64.

² *Inesse mulierum comitatu* momenta, *quæ pacem luxu morentur.* Id est, tales mulieres, quæ viros in provincias comitentur, impedimentum esse res ex præscripto legum et commodo sociorum administrandi; Freinsh. Cf. ad hæc et seq. Juvenal. I. 1.

³ *Præsedisse nuper faminam.* Plancinam, Pisonis uxorem. Supra Annal. II. 55. *Decursu pro decursui.*

⁴ *Duorum egressus coli.* Viri ac foeminae egressus coli, utriusque latus cingi salutantium et adulantium turbâ.

⁵ *Duo esse prætoria.* In prætorio jus dicebant imperatores, proconsules, alique magistratus, qui consulari potestate utebantur. Perviciaciâ et impotentia mulierum brevi fiebant duo prætoria, alterum juris, favoris alterum; at potius ex utroque unum numerat iniquissimum.

⁶ *Quæ Oppiis.* C. Oppius, tribunus plebis, legem tulerat A. U. C. 541. A. C. 212. quâ vetitum ne qua mulier plus semuncia auri haberet: neu vestimento versicolori uteretur: neu juncto vehiculo in urbe oppidove, nisi sacrorum publicorum causâ reheretur, Livius, XXXIV. 1. Abrogata est A. U. C. 559. M. Porcio Catone, L. Val. Flacco consulibus, frustra reluctantante Catone. Livius, XXXIV. 8. Aliis quoque legibus sumtuariis, de ambitu, de muneribus, constrictæ tenebantur foeminae, de quibus plurima apud Ant. Augustinum.

34. PAUCORUM hæc adsensu audita; plures obturbabant,¹ “ neque relatum de negotio; neque Cæcinam dignum tantæ rei censorem.” Mox Valerius Messalinus, cui parens Messala,² ineratque imago paternæ facundiæ, respondit: “ Multa duritiæ veterum in melius et lætius mutata. “ Neque enim, ut olim, obsideri urbem bellis, aut provincias hostiles esse; et pauca fœminarum necessitatibus concedi, quæ ne conjugum quidem penates, adeò socios non onerent: cetera promiscua cum marito, nec ullum in eo pacis impedimentum. Bella planè accinctis obeunda: sed revertentibus post laborem, quod honestius, quàm uxorium levamentum? At quasdam in ambitionem, aut avaritiam prolapsas. Quid? ipsorum magistratuum, nonne pleròsque variis libidinibus obnoxios? non tamen ideo neminem in provinciam mitti. Corruptos sæpe pravitatibus uxorum maritos: num ergò omnes cœlibes integros? Placuisse quondam Oppias leges, sic temporibus reipublicæ postulantibus: remissum aliquid postea, et mitigatum, quia expedierit.³ Frustra nostram ignaviam alia ad vocabula transferri: nam viri in eo culpam, si fœmina modum excedat: porrò ob unius aut alterius imbecillum animum, malè eripi maritis consortia rerum secundarum adversarumque. Simul sexum naturâ invalidum deseriri, et exponi suo luxu,⁴ cupidinibus alienis: vix præsentì custodiâ manere illæsa conjugia: quid fore, si per plures annos in modum discidii obliterentur? Sic obviam irent iis, quæ alibi peccarentur, ut flagitiorum Urbis meminissent.” Addidit pauca Drusus⁵ de matrimonio suo: nam Principibus adeunda sæpiùs longinqua imperii. Quotiens divum Augustum in Occidentem atque Orientem

¹ *Plures obturbabant.* Plures obturbabant, dictitantes neque relatum esse de negotio.

² *Cui parens Messala.* Infra Dial. de Orat. XVIII. Cicrone mitior Corvinus Messala, et dulcior,

et in verbis magis elaboratus.

³ *Expedierit.* Optimè Livius, XLV. 32. Usus, unus est legum corrector.

⁴ *Suo luxu.* Suo luxui. Sup. c. 30.

⁵ *Drusus.* Tiberii filius.

“ meavisse, comite Liviâ? se quoque in Illyricum profec-
 “ tum; et, si ita conducat, alias ad gentes iturum, haud
 “ semper æquo animo, si ab uxore carissimâ,¹ et tot com-
 “ munium liberorum parente, divelleretur.” Sic Cæcinæ
 sententia elusa.

35. ET PROXIMI senatûs die, Tiberius per literas casti-
 gatis obliquè patribus, “ quòd cuncta curarum ad Principem
 “ rejicerent,” M. Lepidum et Junium Blæsum nominavit:
 ex quæis proconsul Africæ legeretur. Tum audita ambo-
 rum verba, intentiùs excusante se Lepido, cùm “ valetudi-
 “ nem corporis, ætatem liberûm, nubilem filiam” obtende-
 ret: intelligereturque etiam, quod silebat, avunculum esse
 Sejani Blæsum, atque eò prævalidum. Respondit Blæsus
 specie recusantis, sed neque eâdem adseveratione, et con-
 sensu adulantium haud jutus est.

36. EXIN promptum,² quod multorum intimis questibus
 tegebatur. Incedebat enim deterrimo cuique licentia, im-
 punè probra, et invidiam in bonos excitandi, arreptâ imagine
 Cæsaris:³ libertique etiam ac servi, patrono vel domino,
 cùm voces, cùm manus intentarent, ultro metuebantur.
 Igitur C. Cæstius senator disseruit: “ Principes quidem in-
 “ star Deorum esse: sed neque à Diis nisi justas supplicum
 “ preces audiri, neque quemquam in Capitolium, aliave
 “ Urbis templa perfugere, ut eo subsidio ad flagitia utatur.
 “ Abolitas leges, et funditùs versas, ubi in foro, in limine
 “ curiæ, ab Anniâ Rufillâ, quam fraudis sub judice damna-
 “ visset, probra sibi et minæ intendantur: neque ipse audeat

¹ *Uxore carissimâ.* Liviâ, Ger-
 manici sorore.

² *Exin promptum.* Exin promptum
 ac manifestum fuit, quod, &c.

³ *Arreptâ imagine Cæsaris.* Ad
 imagines Principum, sicut ad asyla,
 confugiebatur. Illis supplicabant
 miseri. At novo usu, et profligatâ

adulatione, ipsi accusatores ima-
 gines illas invocabant, testes ap-
 pellabant, probraque et invidiam
 in bonos impunè excitabant. Eò
 audaciæ ventum est, ut si liberti
 ac servi manus aut voces minita-
 bundi intentarent, eos patroni ac
 domini ultro metuerent.

“jus experiri, ob effigiem Imperatoris oppositam.” Haud dissimilia alii, et quidam atrociora circumstrepebant; precabanturque Drusum, “daret ultionis exemplum:” donec accitam convictamque¹ attineri publicâ custodiâ jussit.

37. ET CONSIDIUS Æquus, et Cœlius Cursor equites Romani, quòd fictis majestatis criminibus Magium Cæcilianum, prætorem, petivissent, auctore Principe, ac decreto senatûs puniti. Utrumque in laudem Drusi trahebatur: “ab eo, in Urbe² inter cœtus et sermones hominum obversante, secreta patris mitigari:” neque luxus in juvene adeò displicebat: “huc potiùs intenderet, diem editionibus,³ noctem conviviis traheret, quàm solus et nullis voluptatibus avocatus, mœstam vigilantiam, et malas curas⁴ exerceret.”

38. NON enim Tiberius, non accusatores fatiscebant. Et Ancharius Priscus Cæsium Cordum,⁵ proconsulem Cretæ, postulaverat repetundis; addito majestatis crimine, quod tum omnium accusationum complementum⁶ erat. Cæsar Antistium Veterem, è primoribus Macedoniæ,⁷ absolutum adulterii, increpitis iudiciis, ad dicendam majestatis causam retraxit, ut turbidum, et Rhescuporidis consiliis permixtum, quâ tempestate Cotye, fratris F.⁸ interfecto, bellum adversus nos volverat. Igitur “aquâ et igni interdictum reo, ad-

¹ *Accitam convictamque.* An-niam Rufillam.

² *Ab eo, in Urbe.* A Druso, qui in Urbe inter cœtus et sermones hominum obversabatur, secretam patris sævitiam mitigari.

³ *Editionibus.* Spectaculis. Vide not. et emend. ad Ann. III. 38.

⁴ *Malas curas.* Quales exercebat Tiberius.

⁵ *Cæsium Cordum.* Damnatum postea. Vide infra cap. 70.

⁶ *Accusationum complementum.* Plin. in Panegy. XLII. *Locupletabant et fiscum et ararium non tam Voconie et Juliae leges, quàm majestatis singulare et unicum crimen eorum, qui crimine vacarent.*

⁷ *E primoribus Macedoniæ.* Vide not. et emend. ad Ann. III. 38.

⁸ *Cotye, fratris F.* Fratris filio. Cotyi pater fuit Rhæmetalces, Rhescuporidis frater. Vide not. et emend. ad Ann. III. 38.

“positumque ut teneretur insulâ, neque Macedoniæ, neque Thraciæ opportunâ.” Nam Thracia, diviso imperio in Rhæmetalcen¹ et liberos Cotyis, queis ob infantiam tutor erat Trebellienus Rufus, insolentiâ nostrî² discors agebat; neque minùs Rhæmetalcen, quàm Trebellienum incusans, popularium injurias inultas sinere. Cœletæ,³ Odrysæque,⁴ et Dii,⁵ validæ nationes, arma cepere, ducibus diversis et paribus inter se per ignobilitatem: quæ causa fuit, ne in bellum atrox coalescerent: pars turbant præsentia: alii montem Hæmum⁶ transgrediuntur, ut remotos populos concirent: plurimi ac maximè compositi regem,⁷ urbemque Philippopolim⁸ à Macedone Philippo sitam, circumsidunt.

39. QUÆ ubi cognita P. Velleio,⁹ (is proximum exercitum præsidebat) alarios equites,¹⁰ ac leves cohortium¹¹ mittit in eos, qui prædabundi, aut adsumendis auxiliis, vagabantur: ipse robur peditum, ad exsolvendum obsidium, ducit. Simulque cuncta prosperè acta, cæsis populatoribus, et dissensione ortâ apud obsidentes, regisque opportunâ eruptione, et adventu legionis: neque aciem aut prælium dici decuerit, in quo semermes ac palantes trucidati sunt, sine nostro sanguine.

¹ *In Rhæmetalcen.* Rhescupridis filium, quem paternis consiliis adversatum constabat. Ann. II. 67.

² *Insolentiâ nostrî.* Romanis parere non sueta.

³ *Cæletæ.* Nunc the northern part of Romania. Vide not. et emend. ad Ann. III. 38.

⁴ *Odrysæque.* Plin. IV. 11. Odrysarum gens fundit Hebrum. Nunc the western part of Romania.

⁵ *Et Dii.* Nunc the southern part of Romania. Vide not. et emend. ad Ann. III. 38.

⁶ *Montem Hæmum.* Nunc montem Argentaro. Bulgariam à Romania dividit.

⁷ *Regem.* Rhæmetalcen.

⁸ *Urbemque Philippopolim.* A Philippo, Alexandri patre, conditam, hodie *Philippopoli* in Romania, ad fluvium Hebrum, hodie *Marisa*. Plin. IV. 11. *Oppidum sub Rhodope, Poneropolis antea, mox à conditore Philippopolis, nunc à situ Trimontium dicta.*

⁹ *P. Velleio.* Plurimi existimant P. Velleium eundem esse ac M. immo C. Velleium Paterculum, historiæ scriptorem ingeniosum et aculeatum, sed adulatione fœdum. Prænominis diversitas hominum diversitatem potius arguere videtur.

¹⁰ *Alarios equites.* Non Romanos, sed auxiliares equites.

¹¹ *Leves cohortium.* Vide Misc. Obs. IX. 391.

40. EODEM anno Galliarum civitates, ob magnitudinem
 aris alieni,¹ rebellionem cœptaverē: cujus extimulator
 acerrimus inter Treveros² Julius Florus, apud Æduos³
 Julius Sacrovir: nobilitas ambobus, et majorum bona facta,
 eoque Romana⁴ civitas olim data, cū id rarum, nec nisi
 virtuti pretium esset. Ii secretis conloquiis, ferocissimo
 quoque adsumto, aut quibus ob egestatem, ac metum ex
 flagitiis maxima peccandi necessitudo, componunt, Florus
 Belgas, Sacrovir propiores Gallos concire. Igitur per con-
 ciliabula et cœtus seditiosa disserebant, “de continuatione tri-
 butorum, gravitate fœnoris, sævitiâ ac superbiâ præsi-
 dentium: et discordare militem, audito Germanici exitio:
 egregium resumendæ libertati tempus, si ipsi florentes,
 quàm inops Italia, quàm imbellis urbana plebes, nihil va-
 lidum in exercitibus, nisi quod externum, cogitarent.”

41. HAUD fermè ulla civitas intacta seminibus ejus mo-
 tus fuit: sed erupere primi Andecavi,⁵ ac Turonii:⁶
 quorum Andecavos Acilius Aviola⁷ legatus, excitâ co-
 horte,⁸ quæ Lugduni præsidium agitabat, coercuit: Turo-

¹ *Æris alieni.* Ut tributa sol-
 erent, Romæ mutuabantur pecu-
 nias. Inde as alienum ejusque
 magnitudo. Vide de his usuris
 cœcenda Annal. vi. 16.

² *Inter Treveros.* Nunc the
 country of Treves on the left bank
 of the Rhine.

³ *Æduos.* Nunc part of Bur-
 undy and Nivernois. Plinio, iv.
 8. *Hedui*; et in nummis Caro-
 line stirpis HEDVA XPI CIVI-
 TAS. Christi civitas.

⁴ *Eoque Romana.* Propterea
 Romana civitas olim iis data,
 cum adhuc id honoris rarum esset,
 et nisi virtutis pretium. Postea
 adulationi, opibus, ipsisque sce-
 ribus datum.

⁵ *Andecavi.* Plinio, iv. 18.

Andecavi, nunc Anjou. Fortè
 Librarianorum errore scriptum *An-
 decavi.* Sic enim in Caroli Calvi
 nummis, sequiore ævo cisis, AN-
 DECAVIS CIVITAS.

⁶ *Turonii.* Vulgò Turones,
 Plin. iv. 18. Nunc Touraine. In
 ipsis Caroli Magni et Ludovici
 Pii nummis, TVRONES.

⁷ *Acilius Aviola.* De illo Plin.
 vii. 52. *Aviola consularis in
 rogo revixit: et quoniam subveniri
 non potuerat, prævalente flammâ,
 vicus crematus est.* Plura Vale-
 rius Maximus, i. 8. n. 12.

⁸ *Excitâ cohorte.* Fortè co-
 horte duodevicesimâ, quæ solita
 hiberna Lugduni habebat. Infra
 Hist. i. 64.

nii, legionario milite, quem Visellius Varro, inferioris Germaniæ legatus, miserat, oppressi, eodem Aviolâ duce, et quibusdam Galliarum primoribus; qui tulere auxilium, quò dissimularent defectionem, magisque in tempore efferrent: ¹ spectatus et Sacrovir, intecto capite pugnam pro Romanis ciens, “ostentandæ,” ut ferebat, “virtutis:” sed captivi, “ne incesseretur telis, agnoscendum se præbuisse,” arguebant. Consultus super eo Tiberius, aspernatus est indicium, aluitque dubitatione bellum.

42. INTERIM Florus insistere destinatis, pellicere alam equitum, quæ conscripta Treveris, militiâ disciplinâque nostrâ habebatur, ut, cæsis negotiatoribus Romanis, ² bellum inciperet: paucique equitum corrupti, plures in officio mansere. Aliud vulgus ³ obæeratorum aut clientium arma cepit: petebantque saltus, quibus nomen *Arduenna*, ⁴ cùm legiones utroque ab exercitu, quas Visellius et C. Silius adversis itineribus objecerant, arcuerunt: præmissusque cum delectâ manu Julius Indus, è civitate eâdem, discors Floro, et ob id navandæ operæ avidior, inconditam multitudinem adhuc disjecit. Florus incertis latebris victores frustratus, postremò, visis militibus, qui effugia insederant, suâ manu cecidit: isque Treverici tumultûs finis.

43. APUD Æduos major moles exorta, quanto civitas opulentior, et comprimendi ⁵ procul præsidium. Augusto-

¹ *In tempore efferrent.* Certiusque proderent, opportunum tempus nacti.

² *Negotiatoribus Romanis.* Angl. Bankers.

³ *Aliud vulgus.* In Germanicâ inferiore vulgus quoque obæeratorum et clientium arma cepit.

⁴ *Quibus nomen Arduenna.* Nunc the forest of Ardenne in the Low Countries. Visellius inferioris Ger-

maniæ legatus, superioris C. Silius, legiones utriusque exercitûs diversis itineribus objecerunt, ut vulgus obæeratorum et clientium à saltibus arcerent.

⁵ *Et comprimendi.* Tanto major moles apud Æduos exorta, quanto opulentior civitas, et remotius præsidium, quo bellum comprimeretur. De Æduis vide infra Annal. xi. 25.

dunum¹ caput gentis, armatis cohortibus Sacrovir occu-
paverat, et nobilissimam Galliarum subolem, liberalibus
studiis ibi operatam, ut eo pignore parentes propinquosque
eorum adjungeret: simul arma occultè fabricata juventuti
dispertit. Quadraginta millia fuere, quintâ sui parte²
legionariis armis, ceteri cum venabulis³ et cultris, quæque
alia venantibus tela sunt: adduntur è servitiis gladiatoræ
destinati, quibus more gentico, continuum ferri tegimen
(*Crupellarios*⁴ vocant) inferendis ictibus inhabiles, acci-
piendis impenetrabiles. Augebantur hæ copiæ, vicinarum
civitatum ut nondum apertâ consensione, ita viritim promtis
studiis, et certamine ducum Romanorum,⁵ quos inter am-
bigebatur; utroque bellum sibi poscente. Mox Varro
invalidus senectâ, viginti Silio concessit.

44. AT ROMÆ “ non Treveros modò et Æduos, sed
“ quatuor et sexaginta Galliarum civitates descivisse; ad-
“ sumtos in societatem Germanos, dubias Hispanias:”
cuncta (ut mos famæ) in majus credita. Optimus quisque
reipublicæ curâ incerebat: multi odio præsenfium, et cupi-
dine mutationis, suis quoque periculis lætabantur; incre-
pabantque Tiberium, “ quòd in tanto rerum motu, libellis
“ accusatorum insumeret operam. An Julium Sacrovirum⁶

¹ *Augustodunum*. Nunc *Au-*
tun, olim Athenæ Gallicæ. De
opulentia Mela, III. 2. *urbes opu-*
lentissimæ, in Treveris Augusta, in
Æduis Augustodunum.

² *Quintâ sui parte*. Octo mil-
lia cum armis legionariis, id est,
clypris, gladiis et pilis.

³ *Venabulis*. Venabulum, te-
lum erat latissimum, et aciei lon-
gissimæ.

⁴ *Crupellarios*. Ita appellatos
existimo à voce Celticâ *Cropet*,
quæ significat torpere, *Angl. to be*
stupidified: indeque multe voces
Gallicæ, *croupir*, *crouppe*. Illi
enim gladiatores, continuo ferri
tegmine testudinati, stabant mole

suâ torpidi, inferendis ictibus in-
habiles, accipiendis impenetrabiles.
Ridiculè Boxbornius vocem dedu-
cit ab Hebraico כִּרְבֵּל, *Cirbel*, id
est, vestitus. Sic David stolâ bys-
sinâ indutus מְכַרְבֵּל, *Meccerbal*,
dicitur I. Chron. xv. 27. Quid
hæc ad gladiatores? Quid ad
Celtas?

⁵ *Ducum Romanorum*. Visellii
Varronis et C. Silii. Prompta viri-
tim studia, licet vicinarum urbium
nondum aperta esset consensio, ip-
sum certamen ducum Romano-
rum, quos inter ambigebatur, utro-
que bellum sibi poscente, has Sa-
croviri copias augebant.

⁶ *An Julium Sacrovirum*. Exis-

“majestatis crimine reum in senatu fore? extitisse tandem
 “viros, qui cruentas epistolas armis cohiberent: miseram
 “pacem vel bello benè mutari.” Tanto impensiùs in secu-
 ritatem compositus, neque loco, neque vultu mutato, sed,
 ut solitum, per illos dies egit: altitudine animi,¹ an com-
 pererat modica esse, et vulgatis leviora?

45. INTERIM Silius, cum legionibus duabus incedens, præmissâ auxiliari manu, vastat Sequanorum pagos,² qui finium extremi, et Æduis contermini, sociique in armis erant. Mox Augustodunum petit propero agmine, certantibus inter se signiferis, fremente etiam gregario milite: “ne suetam requiem, ne spatia noctium opperiretur: “viderent modò adversos, et aspicerentur: id satis ad “victoriam.” Duodecimum apud lapidem,³ Sacrovir, copiaeque patentibus locis apparuere: in fronte statuerat ferratos,⁴ in cornibus cohortes,⁵ à tergo semermos.⁶ Ipse inter primores equo insigni adire, memorare “veteres “Gallorum glorias,⁷ quæque Romanis adversa intulissent:

timatne Tiberius Julium Sacrovi-
 rum Romam venturum, ut in se-
 natu majestatis crimine reus ju-
 dicetur? Tandem viros, Florum
 scilicet et Sacrovirum, extitisse,
 qui cruentas Tiberii epistolas, san-
 guinolentaque senatûs decreta, ar-
 mis cohiberent. Miseram pacem,
 civibusque Romanis luctuosam,
 bello, periculoso licèt, benè mu-
 tari.

¹ *Altitudine animi.* Animi pro-
 funditate, quam laudatus ab Er-
 nesto, Tullius, Ep. ad Attic. iv. 6.
 v. 10. *καθύψιντα* appellat.

² *Sequanorum pagos.* Sequani,
 nunc *Franche-Comté*.

³ *Duodecimum apud lapidem.*
 Pugnatum inter *Autun* et *Beaune*.

⁴ *Ferratos.* Crupellarios, su-
 pra cap. 43.

⁵ *Cohortes.* Armatas Sacroviri

cohortes, seu octo millia hominum
 legionariis armis.

⁶ *Semermos.* Supra cap. 39.
Semermes. Dictum quoque *incr-
 mis* et *inermis*.

⁷ *Veteres Gallorum glorias,*
 Galli Thraces et Macedones vice-
 runt, Romam ceperunt, cum Julio
 Cæsare triginta præliis decertave-
 runt: antequàm luxus eorum ani-
 mos fregisset, Romanis adeò for-
 midabiles, ut in lege quâ immuni-
 tas militiæ senibus ac sacerdoti-
 bus concedebatur, exciperentur
 bella Gallica. Tunc enim nec
 senibus nec sacerdotibus vacatio
 permissa, *ἔτι δὲ τι Ρωμαίοις ἐπιφοβαί,*
(Κελτῶν ἔθνη) ὡς νόμον τῶν περὶ ἀσφα-
τείας ἱερέων καὶ γερόντων ἐγγραφεῖναι,
πλὴν εἰ μὴ Κελτικὸς πόλεμος ἐπιοί, τότε
δὲ καὶ γέροντας καὶ ἱερέας στρατεύεσθαι.
 Appian. Bell. civil. ii. p. 523.

“quàm decora victoribus libertas; quanto intolerantior¹
“servitus iterum victis.”

46. NON diu hæc, nec apud lætos: etenim propinquabat legionum acies: inconditque ac militiæ nescii oppidani, neque oculis neque auribus satis competeabant.² Contra Silius, etsi præsumpta spes hortandi causas exemerat, clami-
tabat tamen: “Pudendum ipsis, quòd Germaniarum vic-
“tores adversùm Gallos, tamquam in hostem, duceren-
“tur: una nuper cohors rebellem Turonium,³ una ala
“Treverum, paucæ hujus ipsius exercitûs turmæ profliga-
“vere Sequanos: quanto pecuniâ dites, et voluptatibus
“opulentos, tanto magis imbelles Æduos, evincite, et fu-
“gientibus consulite.” Ingens ad ea clamor; et circum-
fudit eques; frontemque pedites invasere: nec cunctatum
apud latera: paulum moræ attulere ferrati, restantibus la-
minis adversùm pila et gladios: sed miles, correptis secu-
ribus et dolabris, ut si murum perrumperet, cædere tegmina
et corpora: quidam trudibus⁴ aut furcis, inertem molem
prosternere; jacentesque nullo ad resurgendum nisu, quasi
exanimis linquebantur. Sacrovir primò Augustodunum,
dein metu deditionis in villam propinquam⁵ cum fidissimis
pergit. Illic suâ manu, reliqui mutuis ictibus occidere: in-
censa super villa, omnes cremavit.

47. Tum demum Tiberius ortum patratumque bellum
senatui scripsit: neque demisit, aut addidit vero; sed

¹ Quanto intolerantior. Quanto intolerabilior. Ita quoque Læ-
vius quidam poeta apud Gellium,
xix. 7. dixit curis intolerantibus
pro intolerandis.

² Satis competeabant. In hac re,
ut in plurimis, imitatus est Sal-
lustium, Frag. Hist. lib. 1. Sic
verò quasi formidine attonitus, ne-
que animo, neque auribus, aut lin-

guâ competere.

³ Rebellem Turonium. Potiùs
Andegacum, ut patet ex cap. 41.

⁴ Trudibus. Trudles, Angl. a
leter. Trudibus ligneis ferreisve
ad protrudenda ac sublevanda
onera utimur.

⁵ In villam propinquam. Hæc
villa nunc dicitur Sarrau, teste
Londono, Antiq. Æduorum p.

“fide ac virtute legatos, se consiliis superfuisse.” Simul causas, cur non ipse, non Drusus profecti ad id bellum forent, adjunxit, “magnitudinem imperii” extollens. “Neque decorum Principibus, si una alterave civitas “turbet, omissâ Urbe,² unde in omnia regimen: nunc quia “non metu ducatur, iturum, ut præsentia spectaret, com- “poneretque.” Decrevere patres vota pro reditu ejus, supplicationesque, et alia decora. Solus Dolabella Cornelius, dum anteire ceteros parat, absurdam in adulationem progressus, censuit “ut ovans è Campaniâ Urbem in- “troiret.” Igitur secutæ Cæsaris literæ, quibus “se non “tam vacuum gloriâ” prædicabat, “ut post ferocissimas “gentes perdomitas, tot receptos in juventâ, aut spretos “triumphos, jam senior peregrinationis suburbanæ inane “præmium peteret.”

48. SUB idem tempus, “ut mors Sulpicii Quiriniî “publicis exequiis³ frequentaretur,” petivit à senatu. Nihil ad veterem et patriciam Sulpiciorum familiam Quirinius pertinuit,⁴ ortus apud municipium Lanuvium:⁵ sed impiger militiæ, et acribus ministeriis, consulatum⁶ sub divo Augusto; mox expugnatis per Ciliciam Homonadensium castellis⁷ insignia triumphi adeptus, datusque rector

115 et 118. Ibi effossos ingentes lapides laceros et semiustos adseverat.

¹ *Consiliis superfuisse.* Fide ac virtute legatos, se consiliis rem confecisse.

² *Omissâ urbe.* Vide not. et emend. ad Ann. III. 47.

³ *Publicis exequiis.* In publicis exequiis luctus publicus, sumtus fit è publico. Vide Kirchman. de funer. Rom. I. 4.

⁴ *Quirinius pertinuit.* De Quirinio jam supra cap. 22.

⁵ *Municipium Lanuvium.* Lanuvium Româ XVI M passuum dista-

bat, nunc dicitur *Civita Lavinia*. Nec confundendum cum Lavinio, nunc *Pratica*. Vide Itinerarium Antonini et notas eruditi Wesselingii, p. 302.

⁶ *Consulatum.* Consulatum gessit anno U. C. 742. A. C. 11. In fastis *Quirinus* appellatur.

⁷ *Homonadensium castellis.* Homonadenses, montes, qui sunt inter Ciliciam, Pisidiam et Pamphyliam, in eo tractu, quem dicimus *Karamania*, habitabant. Eorum oppidum Homona, non valdè dissitum ab urbe *Ermenach*. Plin. v. 27. *Contermina illi Ciliciæ gens Homonudum, quorum intus*

C. Cæsari¹ Armeniam obtinenti, Tiberium quoque Rhodi agentem² coluerat: quod tunc patefecit in senatu: laudatis in se officiis, et incusato “M. Lollio.”³ quem “auctorem “C. Cæsari pravitatis et discordiarum” arguebat: sed ceteris haud læta memoria Quirinii erat, ob intenta, ut memoravi,⁴ Lepidæ pericula, sordidamque et præpotentem senectam.

49. FINE anni C. Lutorium Priscum,⁵ equitem Romanum, post celebre carmen, quo Germanici suprema defleverat, pecuniâ donatum à Cæsare, corripuit delator, obiectans, “ægro Druso⁶ composuisse, quod, si extinctus “foret, majore præmio vulgaretur.” Id C. Lutorius in domo P. Petronii, socru ejus Vitelliâ coram, multisque illustribus fœminis, per vaniloquentiam legerat. Ut delator extitit, ceteris ad dicendum testimonium exterritis, sola Vitellia “nihil se audivisse” adseveravit; sed arguentibus ad perniciem plus fidei fuit. Sententiâque Haterii Agrippæ⁷ consulis designati, indictum reo ultimum supplicium.

50. CONTRA M. Lepidus in hunc modum exorsus est. “Si, patres conscripti, unum id spectamus, quàm nefariâ “voce⁸ C. Lutorius Priscus mentem suam, et aures hominum polluerit; neque carcer, neque laqueus, ne serviles

oppidum Homona. Cetera castella XLIV. inter asperas convalles latent. Inexpugnabiles habebantur. Eos fame expugnavit Quirinius. Quatuor millia virorum vivos cepit, quos in vicinis urbibus collocavit, nec ullos vegetæ ætatis homines reliquit in eâ regione. Strabo, XII. p. 569.

num Caium Orienti præpositum, cum visendi gratiâ trajecisset Samum, alieniorem sibi sensit ex criminationibus Marci Lollii comitis et rectoris ejus.

⁴ *Ut memoravi.* Supra cap. 22.

⁵ *C. Lutorium Priscum.* Eadem narrat Dio, LVII. p. 616. Vide not. et. emend. ad Ann. III. 49.

⁶ *Ægro Druso.* Tiberii filio.

⁷ *Haterii Agrippæ.* Consulis anno sequenti.

⁸ *Nefariâ voce.* Nefaria vox, quòd, ægro Druso, lugubre carmen de ejus morte recitaverat.

¹ *C. Cæsari.* Supra Ann. I. 3.

² *Rhodi agentem.* Supra Annal. I. 4.

³ *M. Lollio.* Idem quoque testatur Suet. in Tib. XII. *Præi-*

“quidem cruciatus¹ in eum suffecerint: sin flagitia² et
 “facinora sine modo sunt; suppliciis ac remediis, Principis
 “moderatio, majorumque et vestra exempla temperant: et
 “vana à scelestis, dicta à maleficiis differunt: est locus
 “sententiæ, per quam neque huic delictum impune sit, et
 “nos clementiæ simul ac severitatis non pœniteat. Sæpe
 “audivi Principem nostrum conquerentem,³ si quis, sumtâ
 “morte, misericordiam ejus prævenisset. Vita C. Lutorii
 “in integro est, qui neque servatus in periculum reipublicæ,
 “neque interfectus in exemplum ibit: studia illi, ut plena
 “vecordiæ, ita inania et fluxa sunt: nec quidquam grave ac
 “serium ex eo metuas, qui suorum ipse flagitiorum pro-
 “ditor, non virorum animis, sed muliercularum adrepi-
 “Cedat tamen urbe, et, bonis amissis, aquâ et igni arceatur;
 “quod perinde censeo, ac si lege majestatis teneretur.”

51. SOLUS Lepido Rubellius Blandus è consularibus⁴
 adsensit: ceteri sententiam Agrippæ secuti; ductusque in
 carcerem Priscus, ac statim exanimatus. Id Tiberius solitis
 sibi ambagibus apud senatum incusavit, cùm extolleret
 “pietatem, quamvis modicas Principis injurias acriter ulcis-
 “centium;” deprecaretur “tam præcipites verborum
 “pœnas:” laudaret Lepidum, nec Agrippam argueret.
 Igitur factum senatusconsultum, “ne decreta patrum ante
 “diem decimum,⁵ ad ærarium deferrentur; idque vitæ

¹ *Serviles quidem cruciatus.*
 Tormenta, patibula, cruces, alii-
 que id genus servorum cruciatus.

² *Sin flagitia.* At si flagitia et
 facinora sine modo sunt, suppliciis
 tamen ac remediis, Principis mo-
 deratio, majorumque et vestra ex-
 empla temperant. Vana etiam ac
 superba à scelestis, verba à male-
 ficiis differunt. Est igitur locus
 sententiæ, per quam neque Luto-
 rio delictum impune sit, et nos
 clementiæ simul ac severitatis non
 pœniteat,

³ *Principem nostrum conqueren-
 tem.* Supra Annal. II. 31.

⁴ *Rubellius Blandus è consulari-
 bus.* Consul fuisse creditur, sed
 suffectus tantum, circa annum
 U. C. 770. In veteri lapide apud
 Muratori Thesaur. Inscr. vol. I.
 p. 301. C. RVBELLIVS C. F.
 BLANDVS SAC. DIVI AVG.
 TR. PL. PR. COS. In alio lapide,
 BLANDO ET POLLIONE
 COSS.

⁵ *Ante diem decimum.* Vox *de-
 cimum* abest ab editione princeps.

“spatium damnatis prorogaretur:” sed non senatui libertas ad pœnitendum erat; neque Tiberius interjectu temporis mitigabatur.

A. U. C. 775. J. C. 22.

52. C. Sulpicius,¹ D. Haterius consules sequuntur. In turbidus externis rebus annus, domi suspectâ severitate adversum luxum, qui immensum proruperat² ad cuncta, queis pecunia prodigitur. Sed alia sumtuum, quamvis graviora, dissimulatis plerumque pretiis, occultabantur; ventris et ganeæ³ paratus, assiduis sermonibus vulgati, fecerant curam, ne Princeps antiquæ parcimoniæ durius adverteret. Nam incipiente C. Bibulo, ceteri quoque ædiles disseruerant, “sperni sumtuariam legem,⁴ vetitaque utensilium “pretia augeri in dies: nec mediocribus remediis sisti “posse:” et consulti patres, integrum id negotium ad Principem distulerant. Sed Tiberius, sæpe apud se pensitato, an coerceri tam profusæ cupidines possent: num coercitio plus damni in rempublicam ferret; quàm indecorum ad-

Eam optimè restituit Lipsius ex Suet. in Tib. LXXV. et Dione, LVII. p. 617. LVIII. p. 638. Nam, teste Dione, Tiberius, Lutorium sine suâsententiâ damnatum fuisse questus, senatûs consultum fieri jussit, ne quis, à senatu damnatus, ante diem decimum necaretur; neve decretum, in hanc rem latum, ante id tempus in ærarium deferretur, ut Princeps, licet absens, de senatorum sententiâ cognoscere et judicium ferre posset. Postea novis legibus in diem xxx. dilatam fuisse reorum pœnam docet Sidonius Apollinaris, 1. Ep. 7. Vide notas eruditi Sirmondi. De ærario, quod erat in æde Saturni, dictum est supra Annal. II. 41.

¹ C. Sulpicius. C. Sulpicius Galba et D. Haterius Agrippa consules fuer. A. U. C. 775. J. C.

22. In fastis Haterius præponitur.

² Immensum proruperat. Quo luxus prorupisset, fusè dicimus in not. et emend. ad Ann. III. 52.

³ Ventris et ganeæ. Alia sumtuum, quamvis graviora, dissimulatis plerumque pretiis, occultabantur. At ventris et ganeæ paratus ita assiduis sermonibus erant vulgati, ut omnibus innotescerent, curamque facerent belluonibus, ne Princeps antiquæ parcimoniæ in illos durius animadverteret.

⁴ Sumtuariam legem. De vetere parcimoniâ, antiquisque sumtuariis legibus multa habet Gellius, II. 24. docet quoque hæc de re latam fuisse legem Juliam, Cæsare Augusto imperante: quâ profestis quidem diebus ducenti, Angl. II. 11s. finiuntur; Kalendis, Idibus, Nonis, et aliis quibusdam festivis trecenti, Angl. 21. 6s.

trectare quod non obtineret: vel retentum,¹ ignominiam et infamiam virorum illustrium posceret: postremò literas ad senatum composuit, quarum sententia in hunc modum fuit.

53. “CETERIS forsitan in rebus, patres conscripti, magis expediat me coram interrogari, et dicere quid è re publicâ censeam: in hâc relatione, subtrahi oculos meos melius fuit, ne denotantibus vobis ora, ac metum singulorum, qui pudendi luxûs arguerentur, ipse etiam viderem eos, ac velut deprehenderem. Quòd si mecum antè viri strenui, ædiles, consilium habuissent: nescio an suusururus fuerim omittere potiùs prævalida et adulta vitia, quàm hoc adsequi, ut palam fieret, quibus flagitiis impares essemus: sed illi quidem officio functi sunt, ut ceteros quoque magistratus sua munia implere velim: mihi autem neque honestum silere, neque proloqui expeditum, quia non ædilis, aut prætoris, aut consulis partes sustineo: majus aliquid et excelsius à Principe postulatur; et cùm rectè factorum² sibi quisque gratiam trahant, unius invidiâ ab omnibus peccatur. Quid enim primùm prohibere, et priscum ad morem recidere aggrediar? villarumne infinita spatia, familiarum numerum et nationes? argenti et auri pondus? æris, tabularumque miracula? promiscuas viris et fœminis vestes?³ atque illa fœminarum

nuptiis autem et repotiis HS mille, *Angl.* 8l. 2s. *Esse etiam dicit Capito Ateius edictum, divi ne Augusti, an Tiberii Caesaris, non satis commemini: quo edicto per dierum varias solemnitates à trecentis* HS *ad usque duo millia, Angl.* 16l. 4s. *sumtus canarum propagatus est; ut his saltem finibus luxuriæ effervescentis æstus coaceretur.*

¹ *Vel retentum.* Quàm indecorum ea adtrectare, quæ non obtinerentur; vel quæ retenta, et au-

gustiores intrâ fines conscripta, ignominiam et infamiam virorum illustrium poscerent.

² *Cùm rectè factorum.* Si quid rectè factum, sibi quisque gratiam trahunt; si quid verò peccatum, Princeps unus invidiâ laborat, omnium delicta uni imputantur. Vel ut à Tiberianâ brevitate minùs discedam; rectè factorum sibi quisque gratiam trahunt, at pro unius Principis invidiâ ab omnibus peccatur.

³ *Promiscuas viris et fœminis vestes.* Fœmineam vestium insa-

“ propria, quæ, lapidum causâ,¹ pecuniæ nostræ ad exter-
 “ nas, aut hostiles gentes transferuntur ? ”

54. “ NEC ignoro in conviviis et circulis incusari ista, et
 “ modum posci : sed si quis legem sanciat, pœnas indicat :
 “ iidem illi, civitatem verti, splendidissimo cuique exitium
 “ parari, neminem criminis expertem, clamitabunt. Atqui,
 “ ne corporis quidem morbos veteres, et diu auctos, nisi
 “ per dura et aspera coerceas : corruptus simul et corrup-
 “ tor, æger et flagrans animus, haud levioribus remediis
 “ restinguendus est, quàm libidinibus ardescit. Tot à ma-
 “ joribus repertæ leges, tot quas divus Augustus tulit, illæ
 “ oblivione, hæ (quod flagitiosius est) contemptu abolitæ,
 “ securiorem luxum fecere : nam si velis² quod nondum
 “ vetitum est ; timeas, ne veteres : at si prohibita impunè
 “ transenderis, neque metus ultra, neque pudor est. Cur
 “ ergò olim parcimonia pollebat ? quia sibi quisque modera-
 “ batur : quia unius urbis cives eramus : ne-inritamenta
 “ quidem eadem, intrâ Italianam dominantibus :³ externis
 “ victoriis, aliena ; civilibus, etiam nostra consumere didici-
 “ mus. Quantulum istud est, de quo ædiles admonent !
 “ Quàm, si cetera respicias, in levi habendum ! At herculè
 “ nemo refert, quòd Italia externæ opis indiget, quòd vita
 “ populi Romani⁴ per incerta maris et tempestatum quotidie

niam imitati, perlucens togas inducunt, quæ denudant corpus. Egregiè Plinius, xi. 23. *Nec puduit has vestes usurpare etiam viros, levitatem propter ætatem. In tantum à loricâ gerendâ discessere mores, ut oneri sit etiam vestis. Assyriâ tamen bombyce adhuc formis cedimus.* De his quoque bombycinis nebulis Seneca, Ep. xc. *Quid si contigerit illi videre has nostri temporis telas, quibus vestis nihil celatura conficitur, in quâ non dico nullum corpori auxilium, sed nullum pudori est ?*

¹ *Lapidum causâ.* Margarinarum. Vide quæ de Romanorum luxu diximus in not. et emend. ad Ann. III. 52.

² *Nam si velis.* Nam si velis, quæ nullis adhuc legibus sunt vetita, timeas ne veteris, id est, ne res illæ vetentur. At si prohibita impunè transenderis, nullus ultra metus, nullus est pudor.

³ *Intrâ Italianam dominantibus.* Ne eadem quidem luxûs et deliciarum irritamenta, dum intrâ Italianam tantum sumus dominati.

⁴ *Vita populi Romani.* Ex pro-

“volvitur; ac nisi provinciarum¹ copiae et dominis, et ser-
 “vitiis, et agris subvenerint, nostra nos scilicet nemora,
 “nostræque villæ tuebuntur. Hanc, patres conscripti,
 “curam sustinet Princeps: hæc ommissa, funditùs rempubli-
 “cam trahet. Reliquis intrà animum medendum est: nos,
 “pudor; pauperes, necessitas: divites, satias in melius
 “mutet. Aut, si quis ex magistratibus, tantam industriam
 “ac severitatem pollicetur, ut ire obviam queat; hunc et
 “laudo, et exonerari laborum meorum partem fateor: sin
 “accusare² vitia volunt, dein cùm gloriam ejus rei adepti
 “sunt, simultates faciunt, ac mihi relinquunt; credite,
 “patres conscripti, me quoque non esse offensionum avi-
 “dum: quas cùm graves, et plerumque iniquas pro re-
 “publicâ suscipiam, inanes et inritas, neque mihi aut vobis
 “usui futuras, jure deprecor.”

55. AUDITIS Cæsaris literis,³ remissa ædilibus talis cura;
 luxusque mensæ, à fine Actiaci belli, ad ea arma queis Ser.
 Galba rerum adeptus est, per annos centum⁴ profusis sum-

vinciis, ac maximè ex Ægypto, frumenta Romam advehebantur. Inde ut dictum supra Annal. II. 59. senatores equitesque Romani vetiti Ægyptum ingredi, ne fame urgerent Italiam, si eam provinciam claustraque terræ ac maris insedissent.

¹ *Nisi provinciarum.* Si provinciarum copiae nobis ipsis dominis, nostris servitiis, nostris agris et agrorum cultoribus non subvenerint, an nos tuebuntur umbrosa nostra nemora, nostræ villæ ad voluptates, ad luxum compositæ? Hanc, patres conscripti, curam sustinet Princeps. Hæc ommissa, rempublicam pessumdat et evertit funditùs. Reliquis vitiis intrà animum medendum est. Itaque me Principem, vos patres, pudor; pauperes, necessitas; divites, ipsa divitiarum satietas in melius mutet.

² *Sin accusare.* Sin volunt vitia accusare, ut cùm gloriam accusationis fuerint adepti, simultates faciant, mihiq; uni invidiam relinquunt; credite, patres conscripti, me quoque non esse avidum offensionum. Eas quidem graves, et plerumque iniquas pro republicâ suscipio; inanes verò et irritas, neque mihi, neque vobis usui futuras, jure deprecor.

³ *Cæsaris literis.* His Tiberii Cæsaris literis nihil prudentius, nihil acutius. In illis tota se prodit Tiberii mens, arsque Taciti. Earum sensum haud ita assecutus est V. Cl. de Montesquieu, ut diximus in not. et emend. ad Ann. III. 52.

⁴ *Per annos centum.* Bellum Actiacum gestum est A. U. C. 723. Galba occisus est A. U. C. 822.

tibus exerciti, paulatim exolvere. Causas ejus mutationis quærere libet. Dites olim familiæ nobilium, aut claritudine insignes, studio magnificentiæ prolabeantur: nam etiam tum plebem, socios, regna colere,¹ et coli licitum: ut quisque opibus, domo, paratu speciosus, per nomen et clientelas inlustrior habebatur: postquàm cædibus sævitum, et magnitudo famæ exitio erat;² ceteri ad sapientiora convertère: simul novi homines è municipiis et coloniis, atque etiam provinciis, in senatum crebrò adsumti, domesticam parcimoniam intulerunt: et quamquam fortunâ, vel industriâ, plerique pecuniosam ad senectam pervenirent, mansit tamen prior animus. Sed præcipuus adstricti moris auctor Vespasianus fuit, antiquo ipse cultu victuque: obsequium inde in Principem, et æmulandi amor validior, quàm pœna ex legibus et metus. Nisi fortè rebus cunctis inest quidam velut orbis, ut quemadmodum temporum vices, ita morum vertantur: nec omnia apud priores meliora, sed nostra quoque ætas multa laudis et artium, imitanda posteris, tulit. Verùm hæc nobis³ majores: certamina ex honesto maneant.

56. TIBERIUS, famâ moderationis partâ, quòd ingruentes accusatores represserat, mittit literas ad senatum, queis “potestatem tribuniciam” Druso petebat.⁴ Id summi

¹ *Plebem, socios, regna colere.* Nam etiam tum erat licitum plebem, socios, reges colere, et ab iis coli. Nobiles Romani colebant plebem, ut, eâ suffragante, ad magistratus promoverentur; socios verò ac reges colebant, ut eorum negotiorum cura sibi demandaretur. Plebs quoque nobiles Romanos colebat propter munera. Eos etiam colebant socii ac reges, ut res suas diligentius curarent. Hisce clientelis Romani plurimi regibus ipsis ditiores illustrioresque extitere.

² *Exitio erat.* Id maximè contigit, imperantibus Claudio ac Nerone. Quo quis ditior ac illustrior,

cò fuit exitio propior. At postquàm cædibus diu sævitum est, tandem ceteri, tot cædibus edocti, ad sapientiora se convertère.

³ *Verùm hæc nobis.* Verùm hæc nobis majores tulere, id est, verùm hæc luxûs et parcimoniæ exempla majores nobis reliquere. Certamina ex honesto maneant, id est, pergamus cum illis de honesto ac virtute certare. Vide not. et emend. ad Ann. III. 55.

⁴ *Druso petebat.* Tribunicia potestatis Drusi monumentum extat in nummo, quem laudavi supra Annal. II. 84. Cusus est A. U. C. 776.

fastigii vocabulum Augustus reperit,¹ ne *regis* aut *dictatoris* nomen adsumeret, ac tamen appellatione aliquâ cetera imperia præmineret.² M. deinde Agrippam³ socium ejus potestatis; quo defuncto, Tiberium Neronem delegit, ne successor in incerto foret: sic cohiberi pravas aliorum spes rebatur: simul modestiæ Neronis,⁴ et suæ magnitudini fidebat. Quo tunc exemplo, Tiberius Drusum summæ rei admovet; cùm, incolumi Germanico, integrum inter duos judicium tenuisset. Sed principio literarum veneratus deos, “ut consilia sua reipublicæ prosperarent,” modica de moribus adolescentis, neque in falsum aucta retulit: “esse illi conjugem et tres liberos, eamque ætatem,⁵ quâ ipse quondam à divo Augusto ad capessendum hoc munus vocatus sit. Neque nunc properè, sed per octo annos capto experimento, compressis seditionibus, compositis bellis, triumphalem et bis consulem,⁶ noti laboris participem sumi.”

57. PRÆCEPERANT animis⁷ orationem patres: quo quæ-

¹ *Augustus reperit.* Supra Annal. 1. 2.

² *Cetera imperia præmineret.* Itaque summi fastigii vocabulum fuit *tribunicia potestas*; illudque reperit Augustus, ut odiosum *regis* aut *dictatoris* nomen fugeret, auctoritatem adsumeret. Hâc appellatione cetera imperia præminebat. Tribunicia potestatis socius summæ rei admovebatur, nec successor in incerto habebatur. Augustum tamen anno tantum U. C. 735. A. C. 18. et consulatu perpetuo summam potestatem adeptum esse contendit, totamque Principum auctoritatem in hâc consulari potestate fuisse positam pronuntiat V. Cl. de la Bléterie: *Mém. de l'Acad. Roy. des Inscript.* vol. xxiv. p. 289 et seq.

³ *M. deinde Agrippam.* Jam laudatum supra Annal. 1. 3. Nummum argenteum ejus potestatis

tribunicia testem edidit Morellius, Thesaur. Num. vol. 1. p. 490. M. AGRIPPA TRIB. POT. COS. III. Utinam nummum illum à Goltzio, cujus suspecta fides, non accepisset.

⁴ *Neronis.* Tiberii Neronis, nunc Principis. Supra Annal. 1. 3.

⁵ *Eamque ætatem.* Natus est Tiberius A. U. C. 712. die decimâ sextâ Novembris, Sueton. in Tiber. v. Tribuniciam potestatem accepit anno 748. die 27. Junii, Dio, lvi. p. 544. cùm annum ætatis suæ 36. ageret. Ergo natus est filius ejus Drusus A. U. C. 739.

⁶ *Triumphalem et bis consulem.* De triumpho, aut potius ovatione Drusi Caesaris dictum supra cap. 19. consul fuerat annis U. C. 768 et 774.

⁷ *Præceperant animis.* Patres jam præceperant animis, quod pe-

sitior adulatio fuit: nec tamen repertum, nisi “ut effigies
 “Principum, aras Deûm, templa et arcus,” aliaque solita
 censerent. Nisi quòd M. Silanus ex contumeliâ consula-
 tûs, honorem Principibus petivit: dixitque pro sententiâ,
 “ut publicis privatisque monimentis, ad memoriam tem-
 “porum, non consulum nomina præscriberentur, sed eo-
 “rum, qui tribuniciam potestatem gererent.” At Q. Ha-
 terius, cûm “eius diei senatusconsulta aureis literis figen-
 “da in curiâ” censuisset, deridiculo fuit, senex fœdissimæ
 adulationis tantûm infamiâ usurus.²

58. INTER quæ, provinciâ Africâ Junio Blæso³ pro-
 rogatâ, Servius Maluginensis flamen Dialis, ut Asiam sorte
 haberet⁴ postulavit; “frustra vulgatum” dictitans: “non li-
 “cere Dialibus egredi Italiâ: neque aliud jus suum, quàm
 “Martialium, Quirinaliumque flaminum:”⁵ porrò si hi
 “duxissent provincias, cur Dialibus id vetitum? nulla de eo
 “populi scita, non in libris cærimoniarum reperiri. Sæpe
 “pontifices Dialia sacra fecisse, si flamen valetudine, aut
 “munere publico, impediretur. Sex et septuaginta annis⁶

tebat Tiberius. Ideo quæsitior
 fuit adulatio. Nec tamen reper-
 tum est, nisi ut censerent effigies
 Principum faciendas, aras Deûm,
 arcus, templa, extruenda, aliaque
 solita peragenda. Marcus tamen
 Silanus honorem, qui in consulum
 contumeliâ recidebat, Principi-
 bus petivit. Negligenter dictum
nisi ut — nisi quod. — Nec omnia in
 optimis scriptoribus laudanda.

¹ *Aureis literis.* Sententiæ in-
 solentiam, aureasque literas con-
 trapatrium morem arguit Tiberius,
 cap. 59.

² *Infamiâ usurus.* Nec aliud
 præter infamiam ex fœdissimâ suâ
 adulatione emolumentum percep-
 turus.

³ *Junio Blæso.* Avunculo Sc-

jani, supra cap. 35. Et sanè prop-
 ter consanguinitatem ei prorogata
 provincia.

⁴ *Asiam sorte haberet.* Ac pro-
 inde succederet M. Lepido, de quo
 supra cap. 32. Vide not. et emend.
 ad Ann. III. 58.

⁵ *Quirinaliumque flaminum.* Dia-
 lium Flaminumtolim idem jus fue-
 rat ac Martialium et Quirinalium,
 ut videre est apud Livium, XXXVII.
 51. Val. Max. I. 1. At ob pri-
 vatas pontificum simultates id Dia-
 libus vetitum. Flamines Diales,
 Jovis; Martiales, Martis; Quiri-
 nales, Romuli, dicti etiam Quirini,
 sacra curabant.

⁶ *Sex et septuaginta annis.* A.U.C.
 667. se ipse interemit Merula in
 execrationem Cinnae et Mariana-
 rum partium, Velleius, II. 22.

“ post Cornelii Merulæ cædem, neminem suffectum ;¹ ne-
 “ que tamen cessavisse religiones. Quodd si per tot annos
 “ possit non creari, nullo sacrorum damno ; quanto faciliùs
 “ abfuturum, ad unius anni proconsulare imperium ? Pri-
 “ vatis olim simultatibus effectum, ut à pontificibus maximis
 “ ire in provincias prohiberentur: nunc Deûm munere,
 “ summum pontificum² etiam summum hominum esse,
 “ non æmulationi, non odio, aut privatis adfectionibus ob-
 “ noxium.”

59. ADVERSUS quæ cùm augur Lentulus,³ aliique
 variè dissererent, eò decursum est, “ ut pontificis maximi
 “ sententiam opperirentur.” Tiberius, dilatâ notione de
 jure flaminis, decretas ob tribuniciam Drusi potestatem
 cærimonias⁴ temperavit ; nominatim arguens “ insolentiam
 “ sententiæ, aureasque literas contra patrium morem.”
 Recitatæ et Drusi epistolæ, quamquam ad modestiam flexæ,
 pro superbissimis accipiuntur : “ Huc decidisse⁵ cuncta,

Nec nisi A. U. C. 743. flaminem
 Dialem sufficit Augustus, Dio,
 LIV. p. 546. Ergò sex et septua-
 ginta annis nemo suffectus, ut jam
 ante nos observavit Vossius, not. in
 Velleium. In omnibus Taciti edi-
 tionibus legitur *duobus et septua-*
ginta annis, errore librariorum, qui,
 detritâ unâ quinarîi numeri parte,
 LXXII pro LXXVI. scripsere.

¹ *Neminem suffectum.* Julius
 Cæsar flamen Dialis destinatus
 fuerat A. U. C. 671. sed statim
 sacerdotio à dictatore Syllâ multat-
 us. Suet. in Jul. I.

² *Summum pontificum.* Nunc
 Deorum munere datum esse Roma-
 nis Tiberium, summum pontificum
 simul ac summum hominum, non
 æmulationi, non odio, non pri-
 vatis adfectionibus obnoxium.

³ *Augur Lentulus.* De quo
 dictum in dissertatione de Roma-
 norum luxu, cap. 52.

⁴ *Cærimonias.* De quibus su-
 pra cap. 57. Arguit insolentiam
 sententiæ M. Silani, et aureas li-
 teras à Q. Haterio propositas.

⁵ *Huc decidisse.* Recitatæ sunt
 Drusi epistolæ, quæ, quamquam
 ad modestiam flexæ, pro super-
 bissimis accipiuntur. Queruntur
 patres, huc ergò decidisse cuncta,
 ut ne juvenis quidem, tanto tribu-
 niciæ potestatis honore accepto,
 adiret Urbis Deos, ingrederetur
 senatum, munia dignitatis suæ gen-
 tile apud solum, id est, Romæ
 auspicaretur ! (*In externo solo*
auspicia concipi non posse testatur
Livius, xxii. 1. Aut saltem rarò,
 et gravissimas ob causas ibi con-
 cipiebantur. Sic Germanicus con-
 sulatum iniit Nicopoli, ut dictum
 est supra Annal. II. 53.) Bellum
 scilicet imminere, aut terrarum lon-
 ginqtate distineri juvenem, qui
 littora et lacus Campaniæ cùm

“ ut ne juvenis quidem, tanto honore accepto, adiret
 “ Urbis Deos, ingrederetur senatum, auspicia saltem gen-
 “ tile apud solum inciperet? Bellum scilicet, aut diverso
 “ terrarum distineri, littora et lacus Campaniæ cū maximè
 “ peragrantem: sic imbui rectorem generis humani: id
 “ primum è paternis consiliis discere: sanè gravaretur
 “ aspectum civium senex Imperator, fessamque ætatem, et
 “ actos labores prætenderet: Druso quod, nisi ex adrogan-
 “ tiâ, impedimentum?”

60. SED Tiberius, vim principatûs sibi firmans, imaginem antiquitatis senatui præbebat, postulata provinciarum ad disquisitionem patrum mittendo. Crebrescebat enim Græcas per urbes licentia atque impunitas asyla statuendi. Complebantur templa pessimis servitiorum: eodem subsidio obæratî adversum creditores, suspectique capitalium criminum receptabantur. Nec ullum satis validum imperium erat coercendis seditionibus populi, flagitia hominum, ut cærimonias Deûm, protegentis. Igitur placitum, ut mitterent civitates jura, atque legatos. Et quædam, quod falsò usurpaverant, sponte omisere: multæ vetustis superstitionibus, aut meritis in populum Romanum fidebant. Magnaque ejus diei species fuit, quo senatus majorum beneficia, sociorum pacta, regum etiam, qui ante vim Romanam valuerant, decreta, ipsorumque numinum religiones introspexit; libero, ut quondam,¹ quid firmaret mutaretve.

61. PRIMI omnium Ephesii² adiere, memorantes:

maximè peragrat. Sic imbui futurum generis humani rectorem. Id primum et paternis Tiberii consiliis discere. Sanè gravaretur aspectum civium senex imperator, fessamque ætatem et actos labores prætenderet. Quod verò impedimentum Druso, nisi ex adrogantiâ?

ut quondam, liberum fuit, quid firmaret, mutaretve. De Asyilis optima habet Grotius Jur. Bell. ac pac. II. 21. De eorum origine, variis generibus, et urbibus, quæ ΙΕΡΑΙ ΚΑΙ ΑΣΥΛΑΙ dicebantur, vide Spanheimium, de præst. et usu numism. vol. I. p. 659 et seq.

¹ Libero, ut quondam. Eique,

² Ephesii. In Ioniâ Ephesus, Dianæ Ephesinæ templo ac cultu

“ Non, ut vulgus crederet, Dianam atque Apollinem
 “ Delo¹ genitos : esse apud se Cenchrium amnem,² lucum
 “ Ortygiam,³ ubi Latonam, partu gravidam, et oleæ, quæ
 “ tum etiam maneat, adnissam, edidisse ea numina : deorum-
 “ quæ monitu sacratum nemus. Atque ipsum illic Apolli-
 “ nem, post interfectos Cyclopas,⁴ Jovis iram vitavisse.
 “ Mox Liberum patrem bello victorem, supplicibus Ama-
 “ zonum,⁵ quæ aram insederant, ignovisse. Auctam hinc,
 “ concessu Herculis, cùm Lydiâ potiretur, cærimoniam
 “ templo : neque Persarum ditione, deminutum jus. Pòst
 “ Macedonas, dein nos servavisse.”⁶

62. PROXIMO Magnetes⁷ L. Scipionis, et L. Sul-

celeberrima. Extant ejus rudera in loco, qui dicitur *Agio-tzoluc*, vel *Aiasoluk*. Vide Pococke, *Description of the east*, vol. II. part 2. p. 45 et seq.

¹ *Delo*. Delos insula, *Cycladum media ac templo Apollinis et mercatu celebrata*, Plin. IV. 12. Sect. 22. Nunc *Sailles*, appellatur.

² *Cenchrium amnem*. Cenchrius annis Ortygiam sylvam omnigenis arboribus ac maximè cupresso consitam intermeabat, Strabo, XIV. p. 639.

³ *Lucum Ortygiam*. Tota Delos dicta olim Ortygia, teste Plinio loc. cit. Sed Ephesii lucum Ortygiam, in quo pepererat Latona, se habere gloriabantur. Haud ita sentiebat Pindarus, quem laudat Strabo, X. p. 485. Lucus Ortygia medius erat mare inter et urbem Ephesum. Strabo, XIV. p. 639.

⁴ *Cyclopas*. Cyclopes, HomERICA et PLATONICA somnia. Vide Strabonem, XIII. p. 592.

⁵ *Amazonum*. Amazonas Ephesum condidisse, aliæque portentosa patrâsse ferebant. Nugæ, quas

meritò irridet Strabo, XI. p. 504 et 505. *Περὶ δὲ τῶν Ἀμαζόνων τὰ αὐτὰ λέγεται, καὶ νῦν, καὶ πάσαι, τετρατάδῃ τ' ὄντα, καὶ πέντε πύργῳ. De Amazonibus eadem et nunc, et antiquitùs traduntur, prodigiosa quidem, et à fide procul remota. De supplicibus Amazonibus pauca habet Pausanias, VII. 2. in Achaic.*

⁶ *Nos servavisse*. De origine Asyli multa mentiti sunt Ephesii. De ipso jure accuratiùs scripsit Strabo, XIV. p. 641. *Nunc, ut quondam, Asylum est templum. At fines Asyli immutari sæpe contigit. Alexander ad unum stadium extendit. Mithridates sagittâ ab angulo tecti emissâ, quod stadio paulo longius, dimensus est. Antonius id duplicavit, partemque urbis Asylo adjecit. Quod cùm damnosum videretur, et maleficis tutam urbem faceret, Antonianam amplificationem abrogavit Augustus.*

⁷ *Magnetes*. Ili non sunt Magnetes à Sipylo, populi Lydiae, de quibus supra Annal. II. 47. sed Magnetes ad Mæandrum in Cariâ, vide Strabonem, XIV. p. 647. Interpretationi tamen Latinae, quæ minimè accurata est, diffide, Mag-

læ¹ constitutis nitebantur : quorum ille Antiocho, hic Mithridate, pulsus, fidem atque virtutem Magnetum decoravere, “ uti Dianæ Leucophryenæ² perfugium inviolabile foret.” Aphrodisienses³ posthac, et Stratonicensēs⁴ dictatoris Cæsaris, ob vetusta in partes merita, et recens divi Augusti decretum attulere. Laudati, “ quòd Parthorum inruptionem, nihil mutatâ in populum Romanum constantiâ, “ pertulissent.”⁵ Sed Aphrodisiensium civitas, Veneris; Stratonicensium, Jovis et Triviæ⁶ religionem tuebantur. Altiùs Hierocæsarienses⁷ exposuere, “ Persicam apud se “ Dianam; delubrum, rege Cyro,⁸ dicatum:” et memorabantur “ Perpernae,⁹ Isaurici,”¹⁰ multaque alia imperato-

netum urbs princeps Magnesia, nunc *Guzelhizar*. Templi ruinas describit Pococke, *Description of the east*, vol. II. part. 2. p. 54 et seq. Vide not. et emend. ad Ann. III. 62.

¹ *I. Scipionis, et L. Sullæ*. L. Scipio Antiochum vicit A. U. C. 564. Mithridates Asiâ pulsus à L. Syllâ A. U. C. 670.

² *Dianæ Leucophryenæ*. Apud Magnetes templum erat Dianæ Leucophryenæ celeberrimum, ipso Ephesino templo, tum concinnitate, tum architecturâ præstantius. Strabo, XIV. p. 647. In nummis Hadriani Dianæ effigies ΔΕΥΚΟΦΡΥΣ ΜΑΓΝΗΤΩΝ. In nummis verò Otaciliæ Severæ, Dianæ templum, ΜΑΓΝΗΤΩΝ ΔΕΥΚΟΦΡΥΗΝΗ. Vide Harduinum, *Select. Opera*, p. 97. et *Marmora Oxoniensia*, p. 14 et 43.

³ *Aphrodisienses*. In Cariâ *Aphrodisienses liberi*, Plin. v. 29. Urbs princeps Aphrodisia, nunc *Geyra*. Vide not. et emend. ad Ann. III. 62. et Pococke loc. cit. p. 69.

⁴ *Stratonicensēs*. In Cariâ *Stratonicea libera*, Plin. v. 29. Nunc appellatur *Eski-hissar*. Vide not. et emend. ad Ann. III. 62.

⁵ *Pertulissent*. Ita fortiter pertulit Stratonicea, ut à Labieno diu obsessa A. U. C. 714. numquam capi potuerit. Dio, XLVIII. p. 379.

⁶ *Jovis et Triviæ*. Prope urbem Stratoniceam templum erat Jovis Chrysaoris, Χρυσαιοῦς Διὸς, Caribus omnibus commune. Eò ad sacrificia et deliberationes de republicâ conveniebant, et conventus ille *Chrysaoreus*, σύστημα Χρυσαιοῦς, dicebatur. Strabo, XIV. p. 660. Apud eosdem populos, in Laginorum pago, celeberrimum erat fanum Ilecata Deæ, quam in triviis natam et educatam Tacitus *Triviam* appellat. Strabo, ibid.

⁷ *Hierocæsarienses*. Populi Lydiæ, quorum urbem principem, Hierocæsaream, nocturno terræ motu collapsam vidimus supra Ann. II. 47. Vide not. et emend. ad Ann. III. 62.

⁸ *Rege Cyro*. Cyrus Persici imperii conditor fuit A. U. C. 195. A. C. 558. Vide Petavium *Doctrin. Temp.* x. 14.

⁹ *Perperna*. Marcus Perperna Aristonicum, qui Asiam invaserat, vicit A. U. C. 624. Justin. xxxvi. 4.

¹⁰ *Isaurici*. Publius Servilius

rum nomina, qui non modò templo, sed duobus millibus passuum eandem sanctitatem tribuerant. Exin Cyprii tribus delubris,¹ quorum vetustissimum Paphiæ Veneri auctor Aerias,² pòst filius ejus Amathus Veneri Amathusiæ, et Jovi Salaminio Teucer, Telamonis patris irâ profugus, possuissent.

63. AUDITÆ aliarum quoque civitatum legationes. Quorum copiâ fessi patres, et quia studiis certabatur, consulibus permisere, “ut perspecto jure, et si qua iniquitas involveretur, rem integram rursum ad senatum referrent.” Consules super eas civitates, quas memoravi, “apud Pergamum³ Æsculapii compertum asylum” retulerunt: “ceteros obscuris ob vetustatem initiis niti: nam Smyrnæos⁴ oraculum Apollinis, cuius imperio Stratonici Veneri⁵ templum dicaverint: Tenios⁶ ejusdem carmen referre, quo sacrare Neptuni effigiem, ædemque jussi sint: pro-
“piora Sardianos:⁷ Alexandri victoris id donum: neque

anno U. C. 679. piratas domuit, validissimas urbes Ciliciæ, ipsamque arcem Isauron evertit: Unde conscius sibi magni laboris, Isaurici cognomen adamavit. Florus, III. 6.

¹ *Tribus delubris.* Tria hæc Cypri insulæ delubra in tribus oppidis cognominibus posita. Templum Paphiæ Veneris Paphi, nunc *Bafò*; Amathusiæ, Amathunte, cujus rudera extant prope urbem *Limisso*; Jovis Salaminii, Salamine, nunc *Salamis*.

² *Aerias.* Rex de quo Hist. II. 3.

³ *Apud Pergamum.* Pergamus, urbs Mysiæ majoris, olim sub Attalicis regibus clarissima, nunc *Bergamo*. Nummi ΠΕΡΓΑΜΗΝΩΝ Æsculapium hujus asyli tutorem exhibent.

⁴ *Oraculum Apollinis.* Cultum Clarii Apollinis apud Smyrnæos testatur nummus ΚΛΑΡΩΣ ΣΜΥΡ.

ΕΠΙ ΕΡΜΟΓΕΝΟΥΣ, id est, *Clarii Apollinis Smyrnæorum sub Hermogene* prætoris. Vide Harduinum, Select. Opera, p. 158.

⁵ *Stratonici Veneri.* Ita dictæ in honorem Stratonices, aviæ Seleuci II. cognomento Callinici, qui sancivit templum Veneris Stratonici asylum fore, urbemque Smyrnæam sacram et asylum. Seleucus Callinicus regnum Syriæ auspiciatus est A. U. C. 507. A. C. 246. V. not. et emend. ad Ann. III. 63.

⁶ *Tenios.* Tenos insula, una Cycladum, nunc *Tino*. Obvii ΘΗΝΙΩΝ nummi cum tridente Neptuni, quem ut *medicum*, *ιατρὸν*, ob expulsos serpentes, colebant. Philocorus apud Clementem Alex. in Protrept. ad Gentes p. 18. Vide et Strabonem, XII. p. 487.

⁷ *Propiora Sardianos.* Sardianos et Milesios haud ita vetusta arcessere. Sed Sardianos asylum

“ minùs Milesios Dario rege niti: sed cultus¹ numinum
 “ utrisque, Dianam aut Apollinem venerandi. Petere et
 “ Crētenses² simulacro divi Augusti.” Factaque senatus-
 consulta, queis multo cum honore,³ modus tamen præscribe-
 batur; jussique “ ipsis in templis figere æra,⁴ sacrandam
 “ ad memoriam, neu specie religionis in ambitionem dela-
 “ berentur.”⁵

64. SUB idem tempus Juliæ Augustæ⁶ valetudo atrox,
 necessitudinem Principi fecit festinati in urbem reditûs:
 sincerâ adhuc inter matrem filiumque concordîâ; sive oc-
 cultis odiis. Neque enim multo antè, cùm haud procul
 theatro Marcelli, effigiem divo Augusto Julia dicaret, Ti-
 berii nomen suo postscripserat; idque ille credebatur, ut
 inferius majestate Principis, gravi et dissimulatâ offensione
 abdidisse. Sed tum “ supplicia Diis,⁷ ludique magni” ab
 senatu decernuntur, “ quos pontifices, et augures, et quin-
 “ decimviri, septemviris simul et sodalibus Augustalibus

suum Alexandro victori acceptum
 referre, Milesios Dario rege niti, et
 utrisque numina esse Dianam aut
 Apollinem. Apud Sardianos tem-
 plum *Dianæ Coloenes*, *ἱερὸν τῆς Κο-
 λούνης Ἀρτίμιδος*, Strabo, XIII. p.
 626. Milesii Apollinem Didym-
 næum colebant. Inde nummi
 ΜΙΑΗΣΙΩΝ ΔΙΔΥΜΕΥΣ; ejus tem-
 pli rudera, et insigne tres inscrip-
 tiones de donariis à rege Prusiâ
 aliisque, etiam cum inscriptione
 ΑΠΟΛΛΩΝΟΣ ΔΙΔΥΜΕΩΣ exhi-
 bet eruditus Chishull. *Antiq. Asiat.*
 p. 90 et seq. De Sardianis dictum
 supra *Annal.* II. 47 et 54.

¹ *Sed cultus.* Id est, *et cultus.*
Sed sententiam continuat, novam
 non incipit, quod optimis scripto-
 ribus non insolens. Sic ð apud
 Græcos. Vide Cortium in Sallust.
Catil. XLIII.

² *Cretenses.* Creta insula, nunc
 Candia.

³ *Multo cum honore.* Tum Deo-
 rum, tum populorum.

⁴ *Figere æra.* Tabulas æreas,
 quibus inscripta essent senatuscon-
 sulta de Asylis.

⁵ *In ambitionem delaberentur.*
 Specie religionis nova semper ac
 majora ambiunt populi. In hac
 de Asylis sententiâ, sicut in aliis
 plurimis, Tiberium calumniatus
 est Suet. in Tib. XXXVII. *Abole-
 vit et jus moremque asylorum, quæ
 usquam erant.* Asylorum licen-
 tiam, non verò jus et morem abole-
 vit Tiberius.

⁶ *Julia Augusta.* Liviæ, Ti-
 berii matris, in familiam Juliam et
 Augustæ nomen adsumptæ. *Annal.*
 I. 8.

⁷ *Supplicia Diis.* A senatu de-
 cernuntur supplicationes Diis, lu-
 dique magni, id est, circenses, quos
 pontifices, et augures, et quinde-
 cimviri, simul ac septemviri et

“ederent.” Censuerat L. Apronius, “ut feciales¹ quoque
 “iis ludis præsiderent:” contradixit Cæsar, distincto sacer-
 dotiorum jure, et repetitis exemplis: “neque enim um-
 “quam fecialibus hoc majestatis fuisse. Ideo Augustales
 “adjectos,² quia proprium ejus domûs sacerdotium esset,
 “pro quâ vota persolverentur.”

65. EXSEQUI sententias haud institui, nisi insignes per
 honestum, aut notabili dedecore: quod præcipuum munus
 annalium reor, ne virtutes sileantur, utque pravis dictis fac-
 tisque ex posteritate et infamiâ metus sit. Ceterum tempora
 illa adeò infecta, et adulatione sordida fuere, ut non modò
 primores civitatis, quibus claritudo sua obsequiis protegenda
 erat; sed omnes consulares, magna pars eorum, qui præ-
 turâ functi, multique etiam pedarii senatores³ certatim ex-
 surgerent, fœdaque et nimia censerent. Memoriae proditur,
 Tiberium, quotiens curiâ egrederetur, Græcis verbis in
 hunc modum eloqui solitum, *ô homines ad servitutem para-
 tos!* scilicet etiam illum, qui libertatem publicam nollet, tam
 projectæ servientium patientiæ tædebat.

66. PAULATIM dehinc, ab indecoris ad infesta transgre-
 diebantur. C. Silanum proconsulem Asiæ, repetundarum

sodales Augustales ederent. Sep-
 temviri dicti sunt quoque epulo-
 nes, quòd epulis et sacrificiis epu-
 laribus præessent. Simul, Græ-
 corum exemplo, cum dativo con-
 jungit Tacitus. Sic adhuc infra
 Annal. iv. 55. Vide G. Cuper.
 Obs. iv, 142 et 143.

¹ *Feciales.* Non ludorum, sed
fœderum, pacis, belli, induciarum,
oratores feciales judicesque sunt,
 Cicero de legibus, ii. 9.

² *Augustales adjectos.* Apud
 Romanos ludorum cura erat com-
 missa quatuor collegiis pontificum,
 augurum, quindecimviro- rum et

septemviro- rum. Ludis verò pro
 Juliâ editis adjecti sunt Augustâ-
 les, quòd hoc sacerdotium esset
 proprium Juliæ domûs, pro quâ
 vota persolverentur.

³ *Pedarii senatores.* Gellius, iii.
 18. *Senatores, qui magistratum*
curulem nondum ceperant, pedibus
itavisse in curiam. Propter eâ se-
natores, nondum majoribus honori-
bus functos, pedarios nominatos.
 Nec pedibus tantum in curiam ita-
 bant, sed in curiâ magis annuebant,
 quàm sententiam dicebant, juxta
 versum Laberii:

Caput sine linguâ, pedaria sententia
est.

à sociis postulatum, Mamercus Scaurus è consularibus, Junius Otho prætor, Brutidius Niger ædilis simul corripunt, objectantque “ violatum Augusti numen, spretam Tiberii “ majestatem.” Mamercus antiqua exempla jaciens, “ L. “ Cottam¹ à Scipione Africano, Ser. Galbam² à Catone “ censorio, P. Rutilium³ à M. Scauro accusatos.” Vide- licet Scipio⁴ et Cato talia ulciscebantur; aut ille Scaurus, quem proavum suum, opprobrium majorum Mamercus, in- fami operâ dehonestabat. Junio Othoni⁵ literarium ludum exercere vetus ars fuit: mox Sejani potentiâ senator, obscura initia impudentibus ausis propellebat. Brutidium artibus ho- nestis copiosum, et, si rectum iter pergeret, ad clarissima quæque iturum, festinatio extimulabat, dum æquales, dein superiores, postremò suasmet ipse spes anteire parat: quod multos etiam bonos pessum dedit, qui, spretis quæ tarda cum securitate, præmatura vel cum exitio properant.

67. AUXERE numerum accusatorum Gellius Poplicola et M. Paconius: ille quæstor Silani, hic legatus. Nec du-

¹ *L. Cottam.* P. Scipio Afri- canus L. Cottam ad prætorem ac- cusavit circa A. U. C. 622. Cottam, quàmquam gravissimorum crimi- num reum, absolverunt judices, ne accusatoris amplitudini damnatio ejus donata existimaretur, Val. Max. VIII. 1. n. 11.

² *Ser. Galbam.* Galba, quòd Lusitanos plurimos interemisset, à Libone et M. Catone accusatus, à judicibus, non æquitate, sed mise- ricordia motis, absolutus circa A. U. C. 604. Val. Max. loc. cit. n. 2. Cicero de claris orat. XXIII.

³ *P. Rutilium.* A. U. C. 645. cum unâ consulatum petivissent P. Rutilius et M. Scaurus; Rutilius, qui repulsam tulrat, accusavit am- bitus designatum competitorem: sed Scaurus etiam absolutus Rutilium

in judicium vocavit, Cicero de claris orat. xxx.

⁴ *Videlicet Scipio.* Tacitus hæc loquitur indignabundus. Quasi verò talia, tamque nefariis artibus, uli fuissent Scipio, et Cato, aut ille Scaurus, quem proavum suum Mamercus iste, majorum oppro- brium, infami delatoris operâ de- honestabat. De probroso isto Ma- merco dictum supra cap. 31. dice- tur infra Annal. VI. 29. Vide ad- huc longè fœdiora apud Senecam de Beneficiis, IV. 31.

⁵ *Junio Othoni.* De Junio Othone et Nigro Brutidio mentio apud Senecam II. Controvers. 9. in fine.

⁶ *M. Paconius.* Fortè idem, qui postea majestatis damnatus. Suet. in Tib. LXI.

bium habebatur, sævitiae captarumque pecuniarum teneri reum: sed multa adgerebantur etiam insontibus periculosa; cum, super tot senatores adversos, facundissimis totius Asiae, eoque ad accusandum delectis, responderet solus, et orandi nescius, proprio in metu, qui exercitam quoque eloquentiam debilitat: non temperante Tiberio, quin premeret voce, vultu, eò quòd ipse creberrimè interrogabat: neque refellere, aut eludere, dabatur; ac sæpe etiam confitendum erat, ne frustra quæsisisset. Servos quoque Silani, ut tormentis interrogarentur, actor publicus mancipio acceperat:¹ et ne quis necessariorum juvaret periclitantem, majestatis crimina subdebantur, vinclum et necessitas silendi. Igitur petito paucorum dierum interjectu, defensionem sui deseruit, ausis ad Cæsarem² codicillis, quibus invidiam et preces miscuerat.

68. TIBERIUS, quæ in Silanum parabat, quo excusatiùs sub exemplo acciperentur, libellos divi Augusti de Voleso Messalâ,³ ejusdem Asiae proconsule, factumque in eum senatusconsultum recitari jubet. Tum L. Pisonem sententiam rogat: ille multum de “clementiâ Principis” præfatus, “aquâ et igni Silano interdicendum” censuit, “ipsumque “in insulam Gyarum⁴ relegandum.” Eadem ceteri, nisi quòd Cn. Lentulus “separanda Silani materna bona (quippe

¹ *Mancipio acceperat.* De hoc Tiberiano usu dictum supra Annal. II. 30.

² *Ausis ad Cæsarem.* Vide not. et emend. ad Ann. III. 67.

³ *Voleso Messalâ.* Effero barbaroque homine, de quo Seneca, de Irâ, II. 5. *Volesus nuper sub divo Augusto, proconsul Asiae, cum trecentos undè die securi percussisset, incedens inter cadavera vultu superbo, quasi magnificum quiddam conspiciendumque fecisset, Gracè*

proclamavit: O rem regiam! Quid hic rex fecisset? Non fuit hæc ira, sed majus malum et insanabile.

⁴ *Gyarum.* Ægæi maris insulam, reorum exilio notissimam, nunc Joura. Juv. I. 73.

*Aude aliquid brevibus Gyaris, et carcere dignum,
Si vis esse aliquid,*—*

* [*aliquid.* Vide Burman. ad Ov. Heroid. XII. 31. Misc. Obs. v. 265. vulgò *aliquis.*]

“aliâ parente¹ geniti) reddendaque filio” dixit, adnuente Tiberio. At Cornelius Dolabella, dum adulationem longius sequitur, increpitis C. Silani moribus, addidit, “ne quis vitâ probrosus, et opertus infamiâ, provinciam sorti-
 “retur; idque Princeps dijudicaret; nam à legibus delicta
 “puniri: quanto fore mitius in ipsos, melius in socios, pro-
 “videri ne peccaretur?”

69. ADVERSUS quæ disseruit Cæsar: “Non quidem
 “sibi ignara, quæ de Silano vulgabantur, sed non ex rû-
 “more statuendum; multos in provinciis contra, quàm spes
 “aut metus de illis fuerit, egisse: excitari quosdam ad meli-
 “ora, magnitudine rerum; hebescere alios: neque posse
 “Principem suâ scientiâ cuncta complecti, neque expedire,
 “ut ambitione alienâ trahatur. Ideo leges in facta constitui,
 “quia futura in incerto sint: sic à majoribus institutum, ut
 “si anteissent delicta, pœnæ sequerentur. Ne verterent sa-
 “pienter reperta, et semper placita: satis onerum Princi-
 “pibus, satis etiam potentiæ: minui jura, quotiens gliscat²
 “potestas: nec utendum imperio, ubi legibus agi possit.”
 Quanto rarior apud Tiberium popularitas, tanto lætioribus
 animis accepta. Atque ille prudens moderandi, si propriâ
 irâ non impelleretur, addidit “insulam Gyarum immitem
 “et sine cultu hominum esse: darent Juniæ familiæ,³ et
 “viro quondam ordinis ejusdem, ut Cytheram⁴ potiùs con-
 “cederet: id sororem quoque Silani Torquatam,⁵ priscæ

¹ *Aliâ parente.* Silani mater non è gente Junia, sed ex aliâ familiâ, et fortè Manliâ; ejus enim soror *Torquata* appellatur cap. seq. Porro cùm Principum adulator quascumque nocendi causas prætexant, Cn. Lentulus censet separanda Silani materna bona, quippe aliâ parente nati, et filio *Æmilie Lepide*, Augusti proneptis marito, reddenda. Adnuvit Tiberius. Vide not. et emend. ad Ann.

III. 68.

² *Quotiens gliscat.* Quantum crescit nimia potestas, tantum minuuntur jura.

³ *Juniæ familiæ.* Claritudini Junie familiæ, et viro ordinis senatorii.

⁴ *Cytheram.* Græciæ insulam, nunc *Cerigo*, juxta Maleam promontorium, positam. Vide not. et emend. ad Ann. III. 69.

⁵ *Torquatam.* Ejus statua, ve-

“sanctimoniam virginem expetere.” In hanc sententiam facta discessio.

70. Post¹ auditi Cyrenenses, et, accusante Anchario Prisco, Cæsius Cordus repetundarum damnatur. L. Ennium, equitem Romanum, majestatis postulatum, “quod effigiem Principis promiscuum ad usum argenti vertisset,” recipi Cæsar inter reos vetuit; palam aspernante Ateio Capitone,² quasi per libertatem, “Non enim debere eripi pauperibus vim statuendi, neque tantum maleficio impune habendum: sanè lentus in suo dolore esset; reipublicæ injurias ne largiretur.” Intellexit hæc Tiberius, ut erant magis, quàm ut dicebantur: perstititque intercedere. Capito insignitior infamiam fuit, quòd humani divinique juris sciens, egregium publicum,³ et bonas domi artes dehonestavisset.

71. INCESSIT dein religio, quonam in templo locandum foret donum, quod pro valetudine Augustæ equites Romani voverant Equestri Fortunæ: nam etsi delubra ejus

lato capite, manibus ignem sacrum præferens, extat apud Sponium, *Miscellanea erudit. Antiq. p. 150.* cum hac insigni inscriptione:

IVNONI
IVNIAE C. SILANI F
TORQVATAE
SACERDOTI VESTALI
ANNIS LXIII
COELESTI PATRONAE
ACTIVS. L.

¹ *Cyrenenses.* Cyrenaicam, nunc the desert of Barca, habitabant. Auditi sunt autem Cyrenenses, licet Cordus Cretæ proconsul fuisset, ut dictum est supra cap. 38. quòd Creta et Cyrenaica uni et eidem proconsuli parerent, teste Strabone,

xvii. p. 840. Ὁ γδὲν δὲ (σεατη-
γίαν) Κρήτην μετὰ τῆς Κυρηναίας.

² *Ateio Capitone.* De quo plura infra cap. 75.

³ *Egregium publicum.* Ita quoque assiduus Taciti imitator Sulpitius Severus, *Hist. Sacr.* ii. p. 163. *Hoc ferè modo homines, luce indignissimi, pessimo exemplo necati, aut exiliis multati: quod initio jure judiciorum et egregio publico defensum.* Et Gellius, vii. 3. id, quod optimum esse publicum existimabat. *Egregium publicum, idem est quod vulgò dicimus the public good.* Contra Varrò de Re Rust. i. 13. *Nunc villam urbanam quàm maximam ac politissimam habeant, dant operam: ac cum Metelli ac Luculli villis, pessimo publico adificatis, certant.*

Deæ multa in Urbe, nullum tamen tali cognomento¹ erat : repertum est ædem esse apud Antium,² quæ sic nuncuparetur, “ cunctasque cærimonias Italicis in oppidis, templaque, “ et numinum effigies, juris atque imperii Romani esse : ” ita donum apud Antium statuitur. Et quandò de religionibus tractabatur, dilatum nuper responsum adversus Servium Maluginensem, flaminem Dialem, promisit Cæsar ; recitavitque decretum pontificum : “ Quotiens valetudo adversa “ flaminem Dialem incessisset, ut, pontificis maximi arbitrio, plusquàm binoctium abesset : dum ne diebus publici “ sacrificii, neu sæpiùs quàm bis eundem in annum.” Quæ, Principe Augusto constituta, satis ostendebant, annum absentiam et provinciarum administrationem Dialibus non concedi : memorabaturque L. Metelli, pontificis maximi, exemplum, qui Aulum Postumium, flaminem, attinuisset.³ Ita sors Asiæ in eum, qui consularium Maluginensi proximus erat, conlata.

72. IISDEM diebus Lepidus ab senatu petivit, “ ut basilicam Pauli,⁴ Æmilia monimenta, propriâ pecuniâ

¹ *Nullum tamen tali cognomento.* Ergò tunc dirutum templum Fortunæ Equestris, à Fulvio Flacco olim inauspicatò factum, de quo Livius, xl. 40. Val. Max. i. 1. n. 20. Nec emendandum, ut nonnullis placuit *Sequestri Fortunæ*. Vide eruditum Philippum à Turre, *Monumenta veteris Ant.* cap. 1. p. 16.

² *Apud Antium.* Urbem Latii. Manent rudera apud locum, qui nunc dicitur *Anzio*. Qui plura volet de Antio et Fortunâ Equestri Antiatum, adeat Vulpium, Soc. Jesu. *Vetus Latium*, vol. III. p. 18 et seq. Templi ruinas exhibet tabula xiv.

³ *Flaminem, attinuisset.* Ad sacra retinuisset. Hæc fusiùs explicat Livius, xxxvii. 51. *Patrum me-*

moriâ certamen inter L. Metellum et Postumium Albinum fuerat. Consulem illum cum C. Luctatio collegâ, in Siciliam ad classem proficiscentem, ad sacra retinuerat Metellus pontifex max. Et in senatu et ad populum magnis contentionibus certatum est, et imperia inhibita ultro citroque, et pignora capta, et mulctæ dictæ, et tribuni appellati, et provocatum ad populum est. Religio ad postremum vicit, ut dicto audiens esset flamen pontifici; et mulctæ ex jussu populi remissæ.

⁴ *Basilicam Pauli.* Basilicam illam, seu porticum, in viii. Urbis regione extruxerat Æmilius Paulus, qui consul fuit A. U. C. 704. Eam laudat Plinius, xxxvi. 15. *Nonne inter magnifica basilicam Pauli columnis è Phrygiis*

“firmaret ornaretque.” Erat etiam tum in more publica munificentia: nec Augustus arguerat Taurum,¹ Philippum, Balbum, hostiles exuvias, aut exundantes opes, ornatum ad urbis, et posterum gloriam conferre: quo tum exemplo Lepidus, quamquam pecuniæ modicus, avitum decus re-coluit. At Pompeii theatrum igne fortuito haustum, Cæsar extructurum pollicitus est, “eò quòd nemo è familiâ re-
“staurando sufficeret, manente tamen nomine Pompeii.” Simul laudibus Sejanum extulit, “tamquam labore vigi-
“lantiâque ejus, tanta vis unum intrâ damnum stetisset;” et censuere patres “effigiem Sejano,² quæ apud theatrum
“Pompeii locaretur.” Neque multo post Cæsar, cum Junium Blæsum, proconsulem Africæ, triumphî insignibus attolleret, “dare id se” dixit “honorî Sejani,” cujus ille avunculus erat.

73. AC TAMEN res Blæsi dignæ decore tali fuere: nam Tacfarinas,³ quamquam sæpius depulsus, reparatis per intima Africæ auxiliis, huc adrogantiæ venerat, ut legatos ad

mirabilem? Cic. ad Att. iv. Ep. 16. *Quid quaris? Nihil gratius illo monumento, nihil gloriosius. Illam exhibet nummus familiæ Æmiliæ apud Vaillant, Famil. Rom. vol. III. n. 39. Ex unâ parte caput Libertatis laureatum et velatum. Ex alterâ ipsa Basili-
lica AEMILIA REF. SC. M. LEPIDVS. Æmilia refecta senatusconsulto. M. Lepidus. Vide not. et emend. ad Ann. III. 62.*

¹ *Arguerat Taurum.* De illis operibus Velleius, II. 89. ac maxime Suet. in Aug. XXIX. *Multaque à multis extructa sunt: sicut à Marcio Philippo, ædes Herculis Musarum; à Lucio Cornificio, ædes Dianæ; ab Asinio Pollione, atrium Libertatis; à Munatio Planco, ædes Saturni; à Cornelio Balbo, theatrum; à Statilio Tauro,*

amphitheatrum; à Marco verò Agrippâ, complura et egregia. Cl. Ernestus, Lipsium et Gronovium secutus, emendavit, *arcuerat.* Sed frustra. Sic enim infra Annal. IV. 12. *Ut superbam fecunditate, subnixam popularibus studiis, inhiare dominationi apud Cæsarem arguerent.*

² *Effigiem Sejano.* Animose et verè Seneca, Consol. ad Marciam, XXII. *Decernebatur illi statua in Pompeii theatro ponenda, quod exustum Cæsar reficiebat. Exclamavit Cordus: Tunc verè theatrum perire. Quis ergò non rumperetur, supra cineres Cn. Pompeii constitui Sejanum, et in monumentis maximi imperatoris consecrari perfidum militem?*

³ *Tacfarinas.* De illo supra cap. 20. et Annal. II. 52.

Tiberium mitteret, “sedemque” ultro, “sibi atque exercitui” suo” postularet, aut “bellum inexplicabile” minitaretur. Non aliàs magis suâ populique Romani contumeliâ indoluisse Cæsarem ferunt, quàm “quòd desertor et “prædo, hostium more ageret. Ne Spartaco quidem,” “post tot consularium exercituum clades inultam Italiam “urenti, quamquam Sertorii atque Mithridatis² ingentibus “bellis labaret respublica, datum, ut pacto in fidem acciperetur: nedum pulcherrimo populi Romani fastigio, “latro Tacfarinas, pace et concessione agrorum redimeretur.” Dat negotium Blæso, “ceteros quidem ad spem “proliceret arma sine noxâ ponendi; ipsius autem ducis “quoquo modo potiretur.”

74. ET RECEPTI eâ veniâ plerique: mox adversum artes Tacfarinatis, haud dissimili modo belligeratum. Nam quia ille robore exercitûs impar, furandi melior, plures per globos incursaret, eluderetque, et insidias simul tentaret; tres incessus, totidem agmina parantur: ex quibus Cornelius Scipio legatus præfuit, quâ prædatio in Leptitanos,³ et

¹ *Ne Spartaco quidem.* A.U.C. 681. A.C. 72. Spartacus, Cnomaus et Crixus servile bellum in Italiâ concitârunt; Claudium Pulchrum legatum, ac Publium Varium prætorem bello vicerunt; tandem à Licinio Crasso superati fortiter occubuerunt. Florus, III. 20.

² *Mithridatis.* Pontici regis, odio in Romanos celeberrimi, qui cum Sertorio fœdus iniit A.U.C. 680. Florus, III. 5. Appian. in Mithridatic. p. 216 et seq.

³ *In Leptitanos.* Cl. Ernestus difficultatem Geographicam movet. Quomodo, inquit, è finibus Leptitanorum suffugium erat in Garamantas, cum Leptis sit ad mare, Garamantes in interiori Africâ? At si quis ad populorum situm attende-

rit, certè perspiciet facillimam fuisse Tacfarinati prædationem in Leptitanos, et inde in Garamantas suffugium. Itaque in extremâ Byzacenâ, haud procul à Tritone fluvio, ita positus Cornelius Scipio, ut Leptitanos protegeret, simul immineret Garamantibus. Contra verò in Numidiâ prope Ampsagam fluvium excubias agebat Blæsus filius, ne Cirtensium pagi impunè traherentur. Scipionem inter et Blæsum filium medius Blæsus pater arcta et infensa hostibus cuncta faciebat. Quoquò enim inclinaret Tacfarinas, occurrebat pars aliqua militis Romani. Si Africam peteret, in ore erat Blæsus pater, in latere dextro Blæsus filius, in sinistro Cornelius Scipio. Si fortè versis Blæsum filium aut Scipio-

suffugia Garamantum; alio latere, ne Cirtensium pagi impunè traherentur propriam manum Blæsus filius duxit: medio, cum delectis, castella et munitiones idoneis locis imponens, dux ipse arcta et infensa hostibus cuncta fecerat: quia quoquò inclinarent, pars aliqua militis Romani in ore, in latere, et sæpe à tergo erat: multique eo modo cæsi, aut circumventi. Tunc tripartitum exercitum plures in manus dispergit, præponitque centuriones virtutis expertæ: nec, ut mos fuerat, actâ æstate retrahit copias, aut in hibernaculis veteris provinciæ¹ componit: sed ut in limine belli, dispositis castellis, per expeditos et solitudinum gnaros, mutantem mapalia² Tacfarinatem proturbat: donec, fratre ejus capto, regressus est, properantiùs tamen quàm ex utilitate sociorum, relictis per quos resurgeret bellum. Sed Tiberius pro confecto interpretatus, id quoque Blæso tribuit, ut *imperator* à legionibus salutaretur; prisco erga duces honore, qui, benè gestâ republicâ, gaudio et impetu victoris exercitûs conclamabantur, erantque plures simul imperatores, nec super ceterorum æqualitatem: concessit quibusdam et Augustus id vocabulum; ac tunc Tiberius Blæso postremùm.³

75. OBIERE eo anno viri inlustres, Asinius Saloninus,⁴

nem progredere, tum alteruter erat in tergo. Hæc debetur Tacito laus maxima, quòd inter Historicos nullus sit rerum Geographicarum illo peritior. Leptitani, *between the gulfs of Cabes and Syrtis*. Garamantes, *the western part of Biledulgerid*. Cirtenses, *the western part of Algiers*. Africa et Byzacena, *the kingdom of Tunis*.

¹ *Veteris provinciæ*. Provinciæ, quæ Africa dicebatur.

² *Mutantem mapalia*. Sallust. in Jugurth. XVIII. *Ædificia Numidarum agrestium, quæ mapalia illi vocant, oblonga, incurvis lute-*

ribus tuta, quasi navium carinae sunt. Vide et Livium, xxx. 3.

³ *Blæso postremùm*. Id observatione dignum. Sic enim veteris populi mores obsolevere, evolvere virtutes.

⁴ *Asinius Saloninus*. Dictus est Saloninus à Saloniiis, Dalmatiæ populis, ab avo suo devictis. Ejus avi, Pollio Asinius et M. Vipsanius Agrippa. Drusi Cæsaris frater, quippe filius Vipsaniæ Agrippinæ, Drusi matris, quam Tiberius jam gravidam dimiserat. Tiberio progener destinatus, quòd ei destinata una ex Germanici filiabus. Vide not. et emend. ad Ann. III. 75.

M. Agrippâ et Pollione Asinio avis, fratre Druso insignis, Cæsarique progener destinatus: et Capito Ateius, de quo memoravi,¹ principem in civitate locum studiis civilibus adsecutus; sed avo centurione Sullano, patre prætorio. Consulatum² ei adceleraverat Augustus, ut Labeonem Antistium,³ iisdem artibus præcellentem, dignatione ejus magistratûs anteiret. Namque illa ætas duo pacis decora⁴ simul tulit: sed Labeo incorruptâ libertate,⁵ et ob id famâ celebratior: Capitonis obsequium⁶ dominantibus magis

Ibi stemina Pollionum, ad Anna-
lium Taciti intelligentiam utilissi-
mum, proponeretur.

¹ De quo memoravi. Supra cap. 70. et Annal. i. 76 et 79. *Atteium Capitonem*, virum eruditum, sed antiquiorem, memorat etiam Plinius, xiv. 13.

² Consulatum. A. U. C. 759. J. C. 6. consulatum gessere M. Æmilius Lepidus et L. Arruntius. Iis suffecti C. Ateius Capito et C. Vibius Postumius. In tesserâ gladiatorîâ apud Muratori, Thes. Inscript. vol. i. p. 299. C. VIB. C. ATEI. COS.

³ *Labeonem Antistium*. De literato illo homine, sed minutularum rerum amatore ridiculo, Plinius, xxxv. 4. *Parvis gloriabatur tabellis, extinctus nuper in longâ senectâ Antistius Labeo Prætorius, etiam proconsulatu provinciæ Narbonensis functus. Sed ea res in risu et contumeliâ erat.* Ideo fortè, et ob nimiam in originibus Latinarum vocum expiscandis diligentiam, irrisus ab Horatio, i. Sat. iii. 82.

*Labeone insanior inter
Sanos dicatur.*

⁴ *Duo pacis decora*. Labeo Antistius et Ateius Capito duo fuere pacis decora ob civilia legum studia, quibus ita præstitere, ut juris-

prudentiam, nullis ducibus hactenus mancipatam, in duas scholas diviserint, teste Pomponio, de origine Juris, Digest. i. Tit. ii. 47. *Ex his Ateius consul fuit: Labeo noluit, cum offerretur ei ab Augusto consulatus, quo suffectus fieret, honorem suscipere: sed plurimum studiis operam dedit: et totum annum ita diviserat, ut Romæ sex mensibus cum studiosis esset, sex mensibus secederet, et conscribendis libris operam daret. Itaque reliquit quadringenta volumina, ex quibus plurima inter manus versantur. Hi duo primùm veluti diversas sectas fecerunt: nam Ateius Capito in his, quæ ei tradita fuerant, perseverabat: Labeo ingenii qualitate et fiduciâ doctrinæ, qui et ceteris operis sapientiæ operam dedecrat, plurima innovare instituit.* De utroque jurisconsulto, qui plura volet, adeat eruditum Gravinam, orig. jur. civil. p. 105 et seq.

⁵ *Incorruptâ libertate*. Incorruptæ ejus libertatis, cum Augustum ipsum alloqueretur, exempla suppeditant Dio, liv. p. 531. Suet. in Aug. liv. Gellius, xiii. 12.

⁶ *Capitonis obsequium*. Ut Capitonis obsequium, dominantibus probatum, agnoscatur, haud silendum, quod memorat Suetonius de Illustr. Graminat. xxii. *Marcus Pomponius Marcellus, sermonis Latini exactor molestissimus—cum ex*

probabatur. Illi, quòd præturam intrà stetit, commendatio ex injuriâ; huic, quòd consulatum adeptus est, odium ex invidiâ oriebatur.

76. ET JUNIA,¹ sexagesimo quarto post Philippensem aciem² anno, supremum diem explevit, Catone avunculo genita, C. Cassii uxor, M. Bruti soror. Testamentum ejus multo apud vulgum rumore fuit; quia, in magnis opibus, cùm fermè cunctos procures cum honore nominavisset, Cæsarem omisit: quod civiliter acceptum: neque prohibuit quominùs laudatione pro rostris, ceterisque solemnibus funus cohonestaretur. Viginti clarissimarum familiarum³ imagines antelatae sunt, Manlii, Quinctii, aliaque ejusdem nobilitatis nomina: sed præfulgebant⁴ Cassius atque Brutus, eo ipso, quòd effigies eorum non visebantur.

oratione Tiberium reprehendisset: affirmante Ateio Capitone, et esse illud Latinum, et, si non esset, futurum: certè jam inde mentitur, inquit, Capito. Tu enim, Cæsar, civitatem dare potes hominibus, verbis non potes.

¹ *Junia.* D. Junius Silanus uxorem duxit Serviliam, M. Catonis Uticensis sororem. Iis genita Julia, cujus avunculus Cato. Soror erat M. Bruti, non ex patre, sed ex matre Serviliâ, nuptâ olim M. Junio Bruto, Bruti patri. Junia nupsit C. Cassio, et fortè etiam M. Lepido triumviro. Sic enim Velleius, II. 88. *Marcus Lepidus, juvenis formâ, quàm mente mellor; Lepidi ejus, qui triumvir*

fuerat reipublicæ constituendæ, filius; Junia, Bruti sorore, natus. Lepidi matrimonium silere potuit Tacitus, ut Catonem, Cassium, et Brutum magis commendaret.

² *Philippensem aciem.* Pugnatum ad Philippos in Thraciâ A. U. C. 712. A. C. 41. Manent adhuc Philipporum rudera, prope locum, qui nunc dicitur *Philippopoli*.

³ *Clarissimarum familiarum.* Affinitate cum Junia familiâ conjunctarum.

⁴ *Præfulgebant.* Inter tot nobilitatis decora Brutus et Cassius præfulgebant, eo ipso, quòd, oppressâ libertate, eorum imagines non visebantur. *Negatus honor gloriam intendit, Annal. IV. 26.*

BREVIARIUM

LIBRI QUARTI.

1. ÆLII Sejani origo et mores. 2. Militari et senatorio ambitu ad dominationem adspirat. 3. Qualem exercituum et reipublicæ statum nactus. 8. Primas dominandi spes, veneno Druso Cæsari dato, auspicatur, consciâ uxore ejus Liviâ. Senatum morte Drusi mœstum erigit Tiberius; patribusque commendat, ut imperii heredes, Germanici filios. 12. Iis, matrique Agrippinæ perniciem molitur Sejanus, scelera ferox. 12. Aliquot provinciarum legationes, et accusationes. Histiones Italiâ pulsi. 15. Templum ab Asiæ civitatibus Tiberio, Liviæ, et senatui decretum. 16. Neronem et Drusum, Germanici filios, Diis commendatos à pontificibus queritur Tiberius. 18. Quâ causâ promptissimos Germanici amicos subvertit Sejanus. Alii accusati ac damnati. 23. In Africâ bello finem imponit Dolabella, cæso Tacfarinate. 27. Mota per Italiam servilis

BREVIARIUM.

belli semina statim oppressa. 28. Vibius Serenus à filio accusatus. P. Suilius, Cremutius Cordus, aliique damnati. 36. Cyzicenis libertas adempta. 37. Tiberius spernit templi honorem ab Hispanis oblatum. 39. Sejanus, nimiam fortunam socors, Liviam sibi uxorem petit. 41. Matrimonii spe dejectus, Principem ad vitam procul Romam degendam impellit. 43. Legationes Græcorum de asylo-
rum jure. 44. Mors Cn. Lentuli et L. Domitii. 45. L. Piso in Hispaniam interficitur. 46. Contusis Thracum gentibus, triumphii insignia accipit Poppæus Sabinus. 52. Claudia Pulchra adulterii accusata et damnata. 53. Agrippina maritum sibi postulat, nec obtinet. 55. Undecim Asiæ urbes certant, in quam earum templum Tiberii statueretur. Smyrnæi prælati. 57. Tiberius in Campaniam secedit. Ibi repentino lapidum lapsu periclitantem, opposito corpore, periculo eximit Sejanus, ex eo major, et adversum Germanici stirpem audacior. 60. Neronem adgreditur. 62. Apud Fidenas amphitheatri casu quinquaginta hominum millia debilitata, vel obtrita. 64. Romæ deustus mons Cælius. 67. In insulam Capreas se abdit Tiberius. Sejanus apertis adversum Agrippinam et Neronem insidiis grassatur. 68. Titius Sabinus ob amicitiam Germanici ipsis Calendis Januarii punitur. 71. Mors Juliæ, Augusti neptis. 72. Frisii rebellant, et ægrè repressi. 75. Agrippina, Germanici filia, Cn. Domitio nupta.

Hæc sexennio ferè gesta.

A. U. C. - J. C.

DCCLXXVI. 23. Coss. { C. Asinio Pollione,
C. Antistio Vetere.


DCCLXXVII. 24. Coss. { Sergio Cornelio Cethego,
L. Visellio Varrone.

DCCLXXVIII. 25. Coss. { M. Asinio Agrippâ,
Cosso Cornelio Lentulo.

DCCLXXIX. 26. Coss. { Cn. Cornelio Lentulo
Gætulico,
C. Calvisio Sabino.

DCCLXXX. 27. Coss. { M. Licinio Crasso,
L. Calpurnio Pisone.

DCCLXXXI. 28. Coss. { Ap. Junio Silano,
P. Silio Nervâ.



C. CORNELII TACITI ANNALES.

LIBER QUARTUS.

A. U. C. 776. J. C. 23.

1. C. ASINIO, C. Antistio consulibus,¹ nonus Tiberio annus erat compositæ reipublicæ, florentis domûs: (nam Germanici mortem inter prospera ducebat) cùm repentinè turbare fortuna cœpit; sævire ipse, aut sævientibus vires præbere. Initium et causa penes Ælium Sejanum, cohortibus prætoriiis præfectum, cujus de potentiâ supra memoravi:² nunc originem, mores, et, quo facinore³ dominationem raptum ierit, expediam. Genitus Vulsiniis,⁴ patre Sejo Strabone,⁵ equite Romano, et primâ juventâ C. Cæsarem,⁶ divi Augusti nepotem, sectatus, non sine

¹ *C. Antistio coss.* C. Asinius Pollio et C. Antistius Vetus consules fuere A. U. C. 776. J. C. 23. His consulibus, in unitatem venit equester ordo, ut diximus Ann. III. 55. in not. et emend.

² *Supra memoravi.* Annal. I. 24. II. 72.

³ *Quo facinore.* Nece Drusi Cæsaris, infra cap. 8.

⁴ *Genitus Vulsiniis.* Volsinios appellat Plinius, II. 52. *Volsinii, oppidum Tuscorum opulentissimum, totum concrematum est fulmine.* Nunc Bolsina in Etruriâ.

⁵ *Sejo Strabone.* Vide not. et emend. ad Ann. IV. 1. Ibi Sejani stemma dabitur.

⁶ *C. Cæsarem.* De quo supra Annal. I. 3.

rumore Apicio diviti¹ et prodigo stuprum veno dedisse : mox Tiberium variis artibus devinxit adeò, ut obscurum adversum alios, sibi uni incautum intectumque efficeret ; non tam solertiâ,² (quippe iisdem artibus victus est) quàm Deum irâ in rem Romanam, cujus pari exitio viguit, ceciditque. Corpus illi laborum tolerans, animus audax : sui obtegens, in alios criminator : juxta adulatio³ et superbia : palam compositus pudor, intus summa apiscendi libido : ejusque causâ,⁴ modò largitio et luxus, sæpiùs

¹ *Apicio diviti.* Et prodigo homini, de quo Seneca consol. ad Helviam, x. *Apicius nostrâ memorid vixit : qui in eâ urbe, ex quâ aliquandò Philosophi, velut corruptores juventutis, abire jussi sunt, scientiam popinæ professus, disciplinâ suâ seculum infecit : cujus exitum nôsse, operæ pretium est. Cùm sestertiûm millies, Angl. 833,333l. 6s. 8d. in culinam congestisset, cùm tot congiaria Principum, et ingens capitolii vectigal singulis comessionibus exorsisset ; ære alieno oppressus, rationes suas tunc primùm coactus inspexit. Superfuturum sibi sestertiûm centies, Angl. 83,333l. 6s. 8d. computavit : et velut in ultimâ fame victurus, si in sestertio centies vixisset, veneno vitam finivit. Quanta luxuria erat, cui sestertiûm centies egestas fuit !*

² *Non tam solertiâ.* Non tam solertiâ dominationem obtinuit Sejanus, (quippe iisdem artibus, quas abhibuerat, victus est) quàm Deorum irâ in rem Romanam, cujus pari exitio viguit ceciditque. Ipsam Sejanus mortem in rei Romanæ exitium cessisse docet infra Tacitus Annal. vi. 51. *Tiberius obtegit libidinibus, dum Sejanum dilexit, timuitque : postremò in scelera simul ac dedecora prorupit.*

³ *Juxta adulatio.* Quanta adu-

latio, tanta superbia.

⁴ *Ejusque causâ.* Dominationem adipiscendi causâ, modò largitionem et luxum adhibebat, sæpiùs industriam ac vigilantiam, quæ haud minùs noxiæ sunt, quàm largitio et luxus, quoties parando regno fuguntur. Hæc vera, et egregiè dicta de Sejano : qui adulatoria et falsa desiderat, audiat Velleium, II. 127. *Tiberius Cæsar Sejanum Ælium, principe equestri ordinis patre natum, materno verò genere clarissimas, veteresque et insignes honoribus complexum familias, habentem consulares fratres, consobrinos, avunculum, ipsum verò laboris ac fidei capacissimum, sufficiente etiam vigori animi compage corporis, singularem principum onerum adiutorem in omnia habuit, atque habet ; virum severitatis lætissimæ, hilaritatis priscæ, actu otiosis simillimum, nihil sibi vindicantem, eoque assequentem omnia, semper infra aliorum æstimationes se metientem ; vultu vitæque tranquillum, animo exsomnem. In hujus virtutum æstimatione jam pridem judicia civitatis cum judiciis principis certant. Velleius hæc scribebat, cùm viveret ac fermè imperaret Sejanus, quod haud satis attendit Cl. Rapin, *Instructions pour l'Histoire*, xx. Velleii studiosior, Tacito iniquior.*

industria ac vigilantia, haud minùs noxiæ, quotiens parando regno finguntur.

2. *VIM præfecturæ*,¹ modicam antea, intendit, dispersas per Urbem² cohortes una in castra conducendo; ut simul imperia acciperent, numeroque et robore, et visu inter se, fiducia ipsis, in ceteros metus crederetur.³ Prætendebat “lascivire militem diductum: si quid subitum ingruat, “majore auxilio pariter subveniri: et severiùs acturos, si “vallum statuatur procul Urbis inlecebris.”⁴ Ut perfecta sunt castra, inrepere paulatim militares animos, adeundo, appellando: simul centuriones ac tribunos ipse deligere: neque senatorio ambitu⁵ abstinebat, clientes suos honoribus aut provinciis ornando, facili Tiberio, atque ita prono, ut *socium laborum*, non modò in sermonibus, sed apud patres et populum celebraret, colique per theatra et fora effigies ejus,⁶ interque principia legionum⁷ sineret.

3. *CETERUM* plena Cæsarum domus, juvenis filius,⁸ nepotes adulti,⁹ moram cupitis adferebant: et, quia vi tot simul corripere intutum, dolus intervalla scelerum poscebat.

¹ *Vim præfecturæ*. Vim præfecturæ cohortium prætoriarum, antea modicam, intendit, majoremque fecit.

² *Dispersas per Urbem*. Et fortè circa finitima oppida, ut solitum, imperitante Augusto. Suet. in Aug. XLIX.

³ *Metus crederetur*. Dispersas olim per Urbem prætorias cohortes una in castra conduxit, ut, cum simul imperia acciperent, numero, robore, et visu inter se majorem fiduciam ipsæ conciperent, vel concipere viderentur; ceteri verò magis timerent, aut saltem timere existimarentur. Hæc quidem vera novandæ rei causa. Verùm alia et minùs odiosa prætendebat Sejanus,

scilicet lascivire militem dispersum ac diductum.

⁴ *Procul Urbis inlecebris*. Hæc de re vide not. et emend. ad Ann. IV. 2.

⁵ *Senatorio ambitu*. Senatorum quoque gratiam aucupabatur.

⁶ *Effigies ejus*. Ut dictum supra Annal. III. 72.

⁷ *Principia legionum*. De principiis jam dictum Annal. I. 61. Ibi imagines imperatorum, tamquam divina et præsentia signa, à Romanis cultas dicitur infra cap. 5. not. 6.

⁸ *Juvenis filius*. Drusus, Tiberii filius.

⁹ *Nepotes adulti*. Filii Germanici, Tiberii nepotes.

Placuit tamen occultior via, et à Druso incipere, in quem recenti irâ ferebatur. Nam Drusus impatiens æmuli, et animo commotior, orto fortè jurgio intenderat Sejano manus, et contra tendentis os verberaverat. Igitur cuncta tentanti promptissimum visum, ad uxorem ejus Liviam¹ convertere; quæ soror Germanici, formæ initio ætatis indecoræ, mox pulchritudine præcellebat. Hanc, ut amore incensus, adulterio pellexit: et postquàm primi flagitii potitus est, (neque fœmina, amissâ pudicitîâ, alia abnuerit) ad conjugii spem, consortium regni, et necem mariti impulit. Atque illa, cui avunculus Augustus,² socer Tiberius, ex Druso liberi, seque ac majores et posteros municipali adultero³ fœdabat; ut pro honestis et præsentibus, flagitiosa et incerta expectaret. Sumitur in conscientiam Eudemus, amicus ac medicus⁴ Liviæ, specie artis⁵ frequens secretis: pellit domo Sejanus uxorem Apicatam, ex quâ tres liberos genuerat, ne pellici suspectaretur.⁶ Sed magnitudo facinoris metum, prolationes, diversa interdum consilia adferebat.

4. INTERIM anni principio, Drusus ex Germanici liberis togam virilem sumsit;⁷ quæque fratri ejus Neroni decreverat senatus, repetita:⁸ addidit orationem Cæsar, multâ

¹ *Uxorem ejus Liviam.* Liviam, sororem Germanici, Drusi uxorem pessimam. Vide stem. Cæs. n. 71.

² *Avunculus Augustus.* Liviæ, Antoniâ genitæ, magnus avunculus erat Augustus. Vide stem. Cæs. n. 43. 42. 71.

³ *Municipali adultero.* Sejanum, municipalem adulterum appellat, quòd è municipio Vulsiniensi esset oriundus; ac proinde obscurus et ignobilis.

⁴ *Eudemus, amicus ac medicus.* Inter varias, et fortè acriores artis medicæ criminationes, id recenset Plin. XXIX. 1. Sect. 8. *Quid enim arte medicâ venenorum fèrti-*

lius, aut unde plures testamentorum insidiæ? Jam verò et adulteria etiam in Principum domibus, ut Eudemi in Liviâ Drusi Cæsaris.

⁵ *Specie artis.* Reverà specie artis, quæ scelera obtegeret.

⁶ *Ne pellici suspectaretur.* Ne pellex Livia eam suspectam haberet.

⁷ *Togam virilem sumsit.* Natus annos quatuordecim.

⁸ *Repetita.* Ipsi quoque datum, ut munere capessendi vigintiviratus solveretur; et quinquennio maturiùs, quàm per leges, quæsturam peteret. Supra Annal. III. 29.

cum laude filii sui, “quodd patriâ benevolentîâ in fratris “liberos” foret.” Nam Drusus (quamquam arduum sit, eoddem loci potentiam et concordiam esse) æquus adolescentibus, aut certè non adversus habebatur. Exin vetus et sæpe simulatum proficiscendi in provincias consilium refertur: “multitudinem veteranorum” prætexebat Imperator, et “delectibus supplendos exercitus: nam voluntarium “militem deesse; ac si suppeditet, non eâdem virtute ac “modestiâ agere: quia plerumque inopes ac vagi sponte “militiam sumant:” percensuitque cursim numerum legionum, et quas provincias tutarentur. Quod mihi quoque exsequendum reor, quæ tum Romana copia in armis, qui socii reges, quanto sit angustius imperitatum.²

5. ITALIAM utroque mari³ duæ classes, Misenum apud et Ravennam,⁴ proximumque Galliæ⁵ littus rostratæ naves præsidebant, quas Actiacâ victoriâ captas Augustus in oppidum Forojuliense⁶ miserat, valido cum remige. Sed præcipuum robur Rhenum juxta,⁷ commune in Germanos

¹ *In fratris liberos.* In Germanici liberos. Germanicus à Tiberio fuerat adoptatus, ideo Drusi frater.

² *Quanto sit angustius imperitatum.* Quanto angustius ætate Tiberii imperitatum, quàm Trajani, optimi Principis, Germanici, Dacici, Parthici, Armeniæ et Mesopotamiæ domitoris, tempore, quo scribebat Tacitus. Principe Tiberio, Elephantine ac Syene claustra erant Romani imperii: Trajano imperante, rubrum ad mare patebat. Vide supra Annal. II. 61.

³ *Utroque mari.* Tyrrheno et Adriatico, quod Romani appellabant quoque mare inferum et superum. Vagas antea reipublicæ classes certis locis distribuit Augustus: alteram *Miseni*, alteram *Ravennæ*, ad tutelam superi et in-

feri maris collocavit. Suet. in Aug. XLIX. Mare superum aut Adriaticum, nunc *the gulf of Venice*. Mare inferum aut Tyrrhenum, nunc *the Tuscan Sea*.

⁴ *Misenum apud et Ravennam.* Misenum in mari Tyrrheno. Exstant tantum rudera ad Misenum promontorium, nunc *Cape Miseno*. Ravennam in sinu Adriatico, nunc *Ravenna*. Misenum classis, occidentalem imperii Romani partem præsidebat; Ravennatum verò, occidentalem.

⁵ *Galliæ.* Galliæ Narbonensis.

⁶ *In oppidum Forojuliense.* Nunc *Fregus*. Plinio, III. 4. *Forum Julii Octavianorum colonia, quæ Pacensis appellatur, et classica.*

⁷ *Rhenum juxta.* In superiore et inferiore Germaniâ.

Gallosque subsidium, octo legiones erant.¹ Hispaniæ recens perdomitæ, tribus habebantur.² Mauros Juba rex³ acceperat, donum populi Romani. Cetera Africæ per duas legiones,⁴ parique numero Ægyptus: dehinc initio⁵ ab Syriâ usque ad flumen Euphraten, quantum ingenti terrarum sinu ambitur, quatuor legionibus coercita; accolis Ibero,⁶ Albanoque,⁷ et aliis regibus, qui magnitudine nostrâ protegentur adversum externa imperia. Et Thraciam⁸ Rhœmetalces, ac liberi Cotyis; ripamque Danubii, legionum

¹ Octo legiones erant. Vegetius, II. 6. *Decem cohortibus legio plena fundatur, quæ habet pedites sex millia centum, equites septingentos viginti sex.*—Ex his decem cohortibus primâ cohors reliquas et numero militum et dignitate præcedit. Nam genere atque institutione literarum viros selectissimos querit. Hæc enim suscipit aquilam, quod præcipuum signum in Romano est semper exercitu, et totius legionis insigne. Hæc imagines imperatorum, hoc est, divina et præsentia signa veneratur. Habet pedites mille centum quinque: equites loricanos centum triginta duos: et appellatur cohors milliaria. Hæc caput est legionis.

² Tribus habebantur. Tribus legionibus habebantur.

³ Juba rex. Juba junior, senioris Juba filius, Maurorum regnum ab Augusto acceperat A. U. C. 724. A. C. 29. Dio, LI. p. 454. LIII. p. 514. Strabo, VI. p. 288. Plinius, V. 1. Juba, Ptolemæi pater—studiorum claritate memorabilior etiam, quam regno. De hoc literato, et Romanorum studioso, principe diligentissimè scripsit Cl. Sevin, *Mémoires de l'Académie Royale des Inscriptions*, Vol. IV. p. 457 et seq. In nummis REX IVBA, caput Juba diadematum. Ex

alterâ parte ΚΛΕΟΠΑΤΡΑ ΒΑΣΙΛΙΚΚΑ. Cleopatra regina, Juba uxor, Cleopatrarum et M. Antonii III. viri filia. Vide Harduinum, Select. opera, p. 102 et seq.

⁴ Per duas legiones. Una tantum legio Africam attinebat, teste ipso Tacito, Hist. II. 97. IV. 48. Sed propter diversos Tacfarinatis motus nona legio à Pannoniâ præsidio Africæ ducta fuerat, necdum in Pannoniam reportata Tacit. Annal. III. 9. IV. 23. Inde Tacitus duas legiones tribuit Africæ. Contra verò Pannoniæ, quæ tres legiones habebat, duas tantum assignat, quod tertia ex Africâ nondum redierat.

⁵ Dehinc initio. Dehinc initio ab Syriâ ducto usque ad flumen Euphraten, quantum ingenti terrarum sinu ambitur, hæc omnia quatuor legionibus coercita sunt. Earum adhuc præsidio tuti accolæ Iberus et Albanus, alique reges, qui magnitudine nostrâ protegentur adversum externa imperia Armenorum et Parthorum.

⁶ Ibero. Iberia, nunc Georgia.

⁷ Albanoque. Albania, nunc the Shirvan.

⁸ Thraciam. Nunc Romania. Thraciam obtinebant Rhœmetalces, filius Rhescuporidis, et liberi Cotyis, ut dictum est Annal. II. 67.

duæ in Pannoniâ,¹ duæ in Moesiâ² attinebant: totidem apud Dalmatiam³ locatis, quæ positu regionis à tergo⁴ illis, ac, si repentinum auxilium Italia posceret, haud procul accirentur. Quamquam insideret urbem proprius miles, tres urbanæ, novem prætoriae⁵ cohortes, Etruriâ⁶ fermè Umbriâque delectæ, aut vetere Latio,⁷ et coloniis antiquitus Romanis.⁸ At apud idonea provinciarum⁹ sociæ triremes, alæque, et auxilia cohortium: neque multo secus in iis virium:¹⁰ sed persequi incertum fuerit, cùm ex usu temporis huc illuc mearent, gliscerent numero, et aliquandò minuerentur.

¹ *Duæ in Pannoniâ.* Tres vulgò erant. Nunc duæ, quia tertia adhuc in Africâ, citò reditura, ut notatum supra. Pannonia, nunc *Lower Hungary and part of Austria.*

² *In Moesiâ.* Nunc *Servia and Bulgaria.*

³ *Dalmatiam.* *Dalmatiâ.*

⁴ *A tergo.* A tergo illis legionibus, quæ erant in Pannoniâ et Moesiâ.

⁵ *Tres urbanæ, novem prætoriae.* Ergò tunc, imminutus urbanarum et prætoriarum cohortium numerus. Nam Dio, l. v. p. 565. ait sub Augusto fuisse decem millia prætorianorum in x. cohortes divisos, et sex millia urbanorum, seu Urbis præsidiariorum, in iv. cohortes distributos. Septem vigiliam cohortes meritò omisit Tacitus. Militibus enim minimè annuerandi homines illi, restinguendis incendiis, agendisque nocturnis vigiliis constituti. Insigne eorum monumentum protulit Cl. Gori, *Inscr. Antiq.* Vol. i. p. 125.

⁶ *Etruriâ.* Nunc *Tuscany.*

⁷ *Vetere Latio.* Vetus Latium Tiberim inter et Antium continebatur.

⁸ *Antiquitus Romanis.* Dum viguit res Romana, non modò urba-

næ et prætoriae cohortes, sed legiones omnes civibus Romanis constabant. Quâ lege nihil fuit ad gloriam splendidius, ad præsidium tutius. Sed jure civitatis pluribus dato, ac tandem ab Antonino Caracallâ cum omnibus, qui sub Romano imperio erant, communicato, periit disciplina militaris, et res Romana pessum data.

⁹ *Apud idonea provinciarum.* At apud provincias, quæ seditio-num et hostium periculis objectabantur, erant sociorum triremes, alæ et auxilia cohortium. Scilicet tota res militaris Romanorum constabat legionibus, quæ Romanæ erant, et auxiliis, quæ à sociis, vel fœderatis gentibus mittebantur. Veget. 11. 1. In auxiliis erat fermè tantum virium, quantum in legionibus, si spectetur numerus, non verò si virtus. Hæc enim in legionibus præpollet. Unde ut ait Vegetius, 11. 2. *Legionibus auxilia, tamquam levis armatura, in acie jungebantur, ut in his præliandi magis adminiculum esset, quàm principale subsidium.*

¹⁰ *In iis virium.* De militaribus imperii Romani viribus ætate Tiberii, vide not. et cinend. ad Annal. 1v. 5.

6. CONGRUENS crediderim recensere ceteras quoque reipublicæ partes, quibus modis ad eam diem habitæ sint; quandò Tiberio mutati in deterius principatûs initium ille annus attulit. Jam primùm publica negotia, et privatorum maxima, apud patres tractabantur: dabaturque primoribus dissèrere; et in adulationem lapsos, cohibebat ipse: mandabatque honores, nobilitatem majorum, claritudinem militiæ, inlustres domi artes spectando; ut satis constaret, non alios potiores fuisse. Sua consulibus, sua prætoribus species: minorum quoque magistratuum exercita potestas; legesque, si majestatis quæstio¹ eximeretur, bono in usu. At frumenta, et pecuniæ vectigales, cetera publicorum fructuum, societatibus equitum Romanorum² agitabantur. Res suas³ Cæsar spectatissimo cuique, quibusdam ignotis ex famâ mandabat; semelque adsumti tenebantur; prorsus sine modo, cùm plerique iisdem negotiis insenescerent. Plebes acri quidem annonâ fatigabatur: sed nulla in eo culpa ex principe: quin infœcunditati terrarum,⁴ aut asperis maris⁵ obviam iit, quantum impendio, diligentîâque poterat. Et ne provinciæ novis oneribus turbarentur, utque vetera, sine avaritiâ aut crudelitate magistratuum, tolerarent, providebat: corporum verbera, ademptiones bonorum aberant.

7. RARI per Italiam Cæsar's agri; modesta servitia,⁶ intrâ paucos libertos domus: ac si quandò cum privatis

¹ *Si majestatis quæstio.* Si eximeretur quæstio de criminibus majestatis, quæ cuivis, ac levissimis de causis, imputabantur.

² *Societatibus equitum Romanorum.* Qui hæc à fisco redimebant. Vide Suppl. Ann. x. 32.

³ *Res suas.* Res verò suas Tiberius spectatissimo cuique, nonnunquam etiam quibusdam ignotis, sed famâ celebratis, mandabat.

⁴ *Infœcunditati terrarum.* Ob porticus, deambulationes, balnea,

vivaria, villas, maxima terrarum infœcunditas.

⁵ *Asperis maris.* Ex Africâ et Ægypto frumenta in Italiam asportabantur: inde maris aspera.

⁶ *Modesta servitia.* Modesta servitia, nec gratiâ, nec fastu tumida. Ne enim de servorum paucitate accipias. Id peccavit Davanzati, *non turbe di schiavi*. Benè Cl. Gordon, *the behaviour of his slaves modest*.

disceptaret, forum et jus.¹ Quæ cuncta, non quidem comi viâ, sed horridus, ac plerumque formidatus, retinebat tamen, donec morte Drusi verterentur:² nam dum superfuit, mansere; quia Sejanus, incipiente adhuc potentiâ, bonis consiliis notescere volebat; et ultor metuebatur,³ non occultus odii, et crebrò querens, “incolumi filio, adiutorem
“imperii alium vocari: et quantum superesse ut collega dicatur? Primas dominandi spes in arduo: ubi sis ingressus, adesse studia et ministros: exstructa jam, sponte præfecti, castra;⁴ datos in manum milites: cerni effigiem ejus in monimentis Cn. Pompeii:⁵ communes illi cum familiâ Drusorum fore nepotes:⁶ precandam post hæc modestiam,⁷ ut contentus esset.” Neque rarò, neque apud paucos talia jaciebat: et secreta quoque ejus, corruptâ uxore, prodebantur.

¹ *Forum et jus.* Forum et jus Principem inter ac privatos judicabant.

² *Morte Drusi verterentur.* Desinant ergò Tacitum calumniari: cumque virtutum et vitiorum æstimatorem æquissimum fuisse; nec malorum, sed optimorum principum præceptorem esse fateantur.

³ *Et ultor metuebatur.* Et ultor metuebatur Drusus, non occultus odii, et crebrò querens: incolumi filio, adiutorem imperii alium à Tiberio vocari; et quantum superesse, ut Sejanus collega dicatur? Primas quidem dominandi spes arduas esse ac difficiles. At, ubi illas sis ingressus, statim adesse studia et ministros. Exstructa jam sponte Sejani castra prætoria; datos in illius manum milites; cerni effigiem ejus in Cn. Pompeii monumentis; brevi communes illi cum Drusorum familiâ futuros nepotes: ac tandem precandam fore modestiam, ut contentus vivat. Fortè scripserat Tacitus, et Drusus ultor metuebatur. Aliter vix obs-

curitatem excuses.

⁴ *Castra.* Ut dictum supra cap. 2.

⁵ *In monimentis Cn. Pompeii.* Supra Annal. III. 72. et Rulinken. ad Vell. Patere. Lib. II. p. 43.

⁶ *Fore nepotes.* Jam enim Druso, filio Claudii, Germanici fratris, socer Sejanus fuerat destinatus. Annal. III. 29. Verùm licèt Drusus ille paucis diebus post sponsalia mortuus esset, teste Suetonio in Claud. XXVII. facile tamen fuit Sejano novas nuptias obtinere, sibi que nepotes ex Drusorum familiâ adpromittere. Nihil est ergò cur tot difficultates comminiscatur Lipsius. De Druso vide stem. Cæs. n. 102.

⁷ *Precandam post hæc modestiam.* Hæc ne intelligas de Deâ Modestiâ, quæ apud Romanos nulla memoratur, sed de ipsâ virtute, verè precandâ Sejano, viro minimè modesto. In editione principe aliisque optimis *modestiam*, non verò *Modestiam*, ut placuit Lipsio, quem tamen ægrè arguerim, cùm de Tacito sit tam bonè meritis.

8. IGITUR Sejanus maturandum ratus, deligit venenum, quo paulatim inrepente, fortuitus morbus adsimularetur: id Druso datum per Lygdum spadonem, ut octo post annos¹ cognitum est. Ceterum Tiberius per omnes valetudinis ejus dies, nullo metu, an ut firmitudinem animi ostentaret, etiam defuncto, necdum sepulto, curiam ingressus est: consulesque, sede vulgari,² per speciem mœstitiæ sedentes, honoris locique admonuit; et effusum in lacrymas senatum, victo gemitu, simul oratione continuâ erexit. “Non quidem sibi ignarum, posse argui, quòd tam recenti dolore subierit oculos senatûs: vix propinquorum adloquia tollerari, vix diem aspici à plerisque lugentium: neque illos imbecillitatis damnandos; se tamen fortiora solatia è complexu reipublicæ petivisse.” Miseratusque “Augustæ extremam senectam, rudem adhuc nepotum,³ et vergentem ætatem suam, ut Germanici liberi, unica præsentium malorum levamenta, inducerentur,” petivit. Egressi consules firmatos adloquio adolescentulos, deductosque ante Cæsarem statuunt. Quibus adprehensis, “Patres conscripti, hos,” inquit, “orbatos parente, tradidi patruo ipsorum,⁴ precatusque sum, quamquam esset illi propria soboles, ne secus quàm suum sanguinem foveret ac tolleret, sibi et posteris conformaret. Erepto Druso, preces ad vos converto, Diis et patriâ coram obtestor, Augusti pronepotes, clarissimis majoribus genitos suscipite,

¹ *Octo post annos.* A. U. C. 784. quo scelus per Apicatam, Sejani uxorem, et tormentis Eudemi ac Lygdi patefactum est. ut dicetur infra cap. 11. Vide et Dionem, LVIII. p. 628. Nos quoque diximus in suppl. Annal. v. 44.

² *Sede vulgari.* In imis senatorum subselliis, non verò in consulari sede, quæ sublimior.

³ *Rudem adhuc nepotum.* Miseratus Augustæ extremam senec-

tam, rudem adhuc nepotum ætatem, et suam vergentem. *Rudem*, id est, nondum adultam, et artis regnandi rudem. A ceteris omnibus dissentiens, Illustr. Huetius ita explicat: *Augustam rudem adhuc nepotum*, id est, quæ nondum nepotum funeribus assuevisset. *Solum enim Germanicum tunc amiserat.* Quod an cuiquam sit approbaturus nescio.

⁴ *Patruo ipsorum.* Druso, patruo adoptionis jure, non re.

“regite: vestram meamque vicem explete. Hi vobis,¹
 “Nero et Druse, parentum loco; ita nati estis, ut bona
 “malaque vestra ad rempublicam pertineant.”

9. MAGNO ea fletu, et mox precationibus faustis audita; ac, si modum orationi posuisset, misericordiâ sui gloriâque animos audientium impleverat: ad vana et totiens inrisa revolutus, “de reddendâ republicâ: utque consules, “seu quis alius, regimen susciperent,” vero quoque et honesto fidem demsit. Memoriae Drusi eadem, quæ in Germanicum,² decernuntur; plerisque additis, ut fermè amat posterior adulatio. Funus imaginum pompâ maximè illustre fuit, cùm origo Juliæ gentis Æneas, omnesque Albanorum reges, et conditor Urbis Romulus, pòst Sabina nobilitas, Attus Clausus,³ ceteræque Claudiorum effigies, longo ordine spectarentur.

10. IN TRADENDA morte Drusi, quæ plurimis maximèque fidis auctoribus memorata sunt, retuli: sed non omiserim eorundem temporum rumorem, validum adeò, ut nondum exolescat. “Corruptâ ad scelus Liviâ, Sejanum Lygdi
 “quoque spadonis animum stupro vinxisse: quòd is Lygdu⁴
 “ætate atque formâ carus domino, interque primores ministros erat: deinde, inter conscios ubi locus veneficii
 “tempusque composita sint, eò audaciæ provectum, ut verteret; et occulto indicio Drusum veneni in patrem arguens, moneret Tiberium, vitandam potionem, quæ prima
 “ei, apud filium epulanti, offerretur. Eâ fraude tum se-

¹ *Hi vobis.* Conversus ad filios Germanici, et senatores monstrando, hæc loquitur Tiberius.

² *Eadem, quæ in Germanicum.* Hæc vide Annal. II. 83.

³ *Attus Clausus.* A. U. C. 250. A. C. 503. Attus Clausus è Sabinis, magnâ clientum comitatus manu, Romam transfugit, ibique

appellatus *Appius Claudius*, auctor fuit gentis *Claudiæ*. Livius, II. 16. Vide et infra Annal. XI. 24.

⁴ *Is Lygdu.* *Lygdu* redundat: vixque lamina aures patiantur. Librariorum, aut scioli, additamentum est, ut jam monuit Cl. Ernestus.

“nem,¹ postquàm convivium inierat, exceptum poculum
 “Druso tradidisse; atque illo ignaro, et juveniliter hauriente,
 “auctam suspicionem, tamquam metu et pudore, sibimet
 “inrogaret mortem, quam patri struxerat.”

11. HÆC vulgò jactata, super id, quòd² nullo auctore certo firmantur, promptè refutaveris. Quis enim mediocri prudentiâ, nedum Tiberius, tantis rebus exercitus, inaudito filio exitium offerret, idque suâ manu, et nullo ad pœnitendum regressu? Quin potiùs ministerium veneni excruciaret, auctorem exquireret; insitâ denique, etiam in extraneos, cunctatione et morâ, adversum unicum, et nullius antè flagitii compertum, uteretur. Sed quia Sejanus facinorum omnium repertor habebatur, ex ninnâ caritate in eum Cæsaris, et ceterorum in utrumque odio, quamvis fabulosa et immania credebantur: atrocior semper famâ³ erga dominantium exitus. Ordo alioquî sceleris per Apicatam Sejani proditus, tormentis Eudemi ac Lygdi patefactus est: neque quisquam scriptor tam infensus extitit, ut Tiberio objectaret, cùm omnia alia conquirerent, interiderentque. Mihi tradendi arguendique rumoris causa fuit, ut, claro sub exemplo, falsas auditiones depellerem, peteremque ab iis, quorum in manus cura nostra venerit, ne divulgata atque incredibilia, avidè accepta, veris, neque in miraculum corruptis, antehabeant.

12. CETERUM laudante filium⁴ pro rostris Tiberio, se-

¹ *Tum senem.* Existimat Cl. Ernestus emendandum, *eâ fraude captum senem.* Quod tamen probare vix ausim. Nescio quid duri sonat *captum senem—exceptum poculum.* Mallem *victum senem.*

² *Super id, quòd.* Hæc vulgo jactata, nec ullo auctore certo firmata, promptè refutaveris.

³ *Atrocior semper famâ.* Verè et eleganter dictum. Atrocior

semper est fama erga dominantium exitus. Nec, ut vulgus hominum, moriuntur Principes. Semper vel suo, vel aliorum, scelere extincti dicuntur.

⁴ *Laudante filium.* Hæc illustrat Seneca, Consol. ad Marciam, xv. *Tiberius Cæsar, et quem genuerat, et quem adoptaverat, amisit: ipse tamen pro rostris laudavit filium, stetitque in conspectu, positò*

natus populusque habitum ac voces dolentum simulatione magis quàm libens induebat, domumque Germanici revirescere occulti lætabantur. Quod principium favoris, et mater Agrippina, spem malè tegens, perniciem adceleravere. Nam Sejanus, ubi videt mortem Drusi inultam interfectori- bus, sine mœrore publico esse, ferox scelerum, et quia pri- ma provenerant, volutare secum, quonam modo Germanici liberos perverteret, quorum non dubia successio: neque spargi venenum in tres poterat, egregiâ custodum fide, et pudiciâ Agrippinæ impenetrabili. Igitur contumaciam¹ ejus insectari, vetus Augustæ odium, recentem Liviæ consci- entiam exagitare, ut “superbam, fœcunditate subnixam, “popularibus studiis inhiare dominationi,” apud Cæsarem arguerent. Atque hæc callidis² criminatoribus: inter quos delegerat Julium Postumum, per adulterium Mutiliæ Priscæ inter intimos aviæ, et consiliis suis peridoneum: quia Prisca, in animo Augustæ valida, anum, suapte naturâ po- tentiæ anxiam, insociabilem nurui efficiebat. Agrippinæ quoque proximi inliciebantur, pravis sermonibus tumidos spiritus perstimulare.

13. AT TIBERIUS, nihil intermissâ rerum curâ, negotia pro solatiis accipiens, jus civium, preces sociorum tractabat. Factaque, auctore eo, senatusconsulta, “ut civitati Ciby-

*corpore, interjecto tantummodo ve-
lamento, quod pontificis oculos à
funere arceret, et, flente populo
Romano, non flexit vultum: experi-
endum se dedit Sejano ad latus
stanti, quàm patienter posset suos
perdere. Tacitum Senecâ morum
hominumque prudentiorem esse
nemo non videt.*

¹ *Igitur contumaciam.* Igitur contumaciam Agrippinæ insectari, vetus Juliæ Augustæ odium, re- centem Liviæ, olim Drusi uxoris, nunc pellicis Sejani conscientiam

exagitare, ut apud Cæsarem argu- erent Agrippinam, superbam, fœ- cunditate subnixam, popularibus studiis inhiare dominationi.

² *Atque hæc callidis.* Atque hæc dictitare callidis criminatoribus, inter quos delegerat Julium Postu- mum per adulterium Mutiliæ Priscæ inter intimos aviæ Augus- tæ, et consiliis suis peridoneum: quia Prisca, in animo Augustæ valida, anum *Augustam*, suapte naturâ potentiæ anxiam, insocia- bilem Agrippinæ efficiebat. Vide not. et emend. ad Annal. iv. 12.

“raticæ¹ apud Asiam, Ægiensi² apud Achaïam motu terræ
 “labefactis, subveniretur remissione tributi in triennium.”
 Et Vibius Serenus, proconsul ulterioris Hispaniæ,³ de vi
 publicâ⁴ damnatus, ob atrocitatem morum, in insulam
 Amorgum⁵ deportatur. Carsidius Sacerdos, reus, tam-
 quam frumento hostem Tacfarinatem juvisset, absolvitur;
 ejusdemque criminis C. Graccus. Hunc comitem exilii ad-
 modum infantem, pater Sempronius⁶ in insulam Cercinam⁷
 tulerat. Illic adultus inter extorres, et liberalium artium
 nescios, mox per Africam ac Siciliam mutando sordidas
 merces sustentabatur: nec tamen effugit magnæ fortunæ
 pericula. Ac ni Ælius Lamia, et L. Apronius, qui Afri-
 cam obtinuerant,⁸ insontem protexissent, claritudine infausti
 generis, et paternis adversis foret abstractus.

14. IS QUOQUE annus legationes Græcarum civitatum

¹ *Civitati Cibyraticæ.* In anti-
 quo marmore civitatum Asiatica-
 rum, à Tiberio restitutarum, de
 quo mentio facta Annal. II. 47.
 CIBYRA. Oppidum erat Phry-
 giæ ad Mæandrum, Laodiceæ prox-
 imum. Nunc periit.

² *Ægiensi.* Perperam in vulgatis
 libris *Ægirensi* vel *Æginensi*.
 Emendandum *Ægiensi* rectè mo-
 nuit Cl. Bulifon, apud Grævium
 Antiq. Græc. Vol. VII. p. 488.
 Ita quoque Seneca Nat. Quæst.
 VI. 25. *Cum laboravit Ægium,*
tam propinquas illi Patras de motu
solum audivisse. Urbs illa, quæ
 Græca fuit, non memoratur inter
 urbes Asiaticas, quæ Colossus,
 memoris animi testem, Tiberio di-
 cavere. De illâ verò Plinius, IV.
 5. inter Achaïæ provinciæ urbes—
Ægion. Videtur haud procul
 fuisse ab urbe, quæ nunc dicitur
Vostitza.

³ *Ulterioris Hispaniæ.* Id est,
 Bæticæ et Lusitaniæ, *Portugal,*
Andalusia, and the Kingdom of

Grenada.

⁴ *De vi publicâ.* Lege Juliâ de
 vi publicâ tenetur, qui, cum po-
 testatem imperiumve habet, civem
 Romanum adversus provocationem
 necaverit, verberaverit, jusseritve
 quid fieri, aut quid in collum in-
 jecerit, ut torqueatur. Item quod
 ad legatos, oratores, comitesve at-
 tinebit, si quis quem eorum pul-
 sasse, sive injuriam eis fecisse ar-
 guetur. Vide Ant. August. de le-
 gibus, p. 86 et 87.

⁵ *In insulam Amorgum.* Ægæi
 maris insulam, nunc *Amorgo.*

⁶ *Sempronius.* De Sempronio
 Gracco ejusque exilii causis dic-
 tum est Annal. I. 53.

⁷ *In insulam Cercinam.* Nunc
Kerkeni, ad lævum minoris Syrtis,
 hodie *the Gulf of Cabes.*

⁸ *Qui Africam obtinuerant.* Id
 est, qui fuerant Africæ procon-
 sules. De L. Apronio, supra III.
 21. De Ælio Lamia, infra Annal.
 VI. 27.

habuit, Samiis¹ “Junonis,” Cois² “Æsculapii delubro,
“vetustum asyli jus ut firmaretur,” petentibus. Samii
decreto Amphictyonum³ nitebantur, quæ præcipuum fuit
rerum omnium judicium, quâ tempestate Græci, conditis
per Asiam urbibus, orâ maris potiebantur. Neque dispar
apud Coos antiquitas; et accedebat meritum ex loco. Nam
cives Romanos templo Æsculapii induxerant, cùm, jussu
regis Mithridatis, apud cunctas Asiæ insulas et urbes truci-
darentur.⁴ Variis dehinc et sæpiùs inritis prætorum questi-
bus, postremò Cæsar “de immodestiâ histrionum” retulit.
“Multa ab iis in publicum seditiosè, fœda per domos ten-
“tari: Oscum quondam ludicrum,⁵ levissimæ apud vul-
“gum oblectationis, eò flagitiorum et virium venisse, ut
“auctoritate patrum coercendum sit.” Pulsi tum his-
triones Italiâ.

15. IDEM annus alio quoque luctu Cæsarem adficit;
alterum ex geminis⁶ Drusi liberis extinguendo: neque mi-

¹ Samiis. Samos, Ægæi maris insula, nunc Samo. Urbis principis rudera adhuc videntur haud procul ab urbe Megali Kora. Juno in nummis CAMION frequens.

² Cois. Cos, nunc Stan-co, Ægæi maris insula, patria Hippocratis, sacra Æsculapio, quem exhibent ΚΩΙΩΝ nummi.

³ Amphictyonum. Amphictyones, publicum Græciæ concilium ab Acrisio institutum; vere Delphis, autumno ad Thermopylas conveniebant, ut tum de re Græcorum publicâ, tum de sacris simul consultarent. Eruditissimè de Amphictyonibus scripsit Ant. Vandyke, Dissertationes de Antiq. et marmor. Diss. vi.

⁴ Trucidarentur. Dum mutuis Marii Syllæque odiis Roma laborabat, cives Romanos Asia tota Mithridatis jussu ad conductum

diem trucidavit A. U. C. 666. A. C. 87. Trucidatos 150000 uno die tradit Plutarchus in Syllâ, p. 467.

⁵ Oscum quondam ludicrum. Ab Oscis, Campaniæ populis, ab Etruriâ oriundis, reperta ludicra illa levis ac futilis oblectationis, quæ tamen eò flagitiorum atque etiam virium pervenerant, ut tandem auctoritate patrum coercenda fuerint. De eorum origine vide Livium, vii. 2. Strabo quoque, v. p. 233. fabulas illas Oscas, Osco sermone et cum patrio certamine habitas memorat. Atellanæ etiam appellabantur. Oscorum gens perierat: sed sermo, carmina, et mimi apud Romanos remanserant, teste Strabone, loc. cit.

⁶ Alterum ex geminis. Quadrimus erat. De illo supra Annal. ii. 84. Vide et stem. Cæs. n. 73.

nus morte amici. Is fuit Lucilius Longus, omnium illi tristitium lætorumque socius, unusque è senatoribus Rhodii secessus comes. Ita, quamquam novo homini, censorium funus,¹ effigiem apud forum Augusti, publicâ pecuniâ patres decrevere; apud quos etiam tum cuncta tractabantur: adeò ut procurator Asiæ Lucilius Capito, accusante provinciâ, causam dixerit, magnâ cum adseveratione Principis, “non se jus nisi in servitiâ, et pecunias familiares “dedisse: quòd si vim prætoris usurpâset, manibusque “militum usus foret, spreta in eo mandata sua: audirent “socios.” Ita reus, cognito negotio, damnatur.² Ob quam ultionem, et quia priore anno in C. Silanum³ vindicatum erat, decrevere Asiæ urbes “templum Tiberio⁴ matrique “ejus, ac senatui.” Et permissum statuere: egitque Nero⁵ grates eâ causâ patribus atque avo, lætas inter audientium adfectiones, qui, recenti memoriâ Germanici, illum aspici, illum audiri rebantur: aderantque juveni modestia, ac forma, principe viro digna, notis in eum Sejani odiis, ob periculum gratiora.

16. SUB idem tempus “de flamine Diali, in locum Ser-
“vii Maluginensis⁶ defuncti legendo, simul rogandâ novâ
“lege,” disseruit Cæsar. “Nam patricos confarreatis pa-
“rentibus⁷ genitos, tres simul nominari, ex quibus unus

¹ *Censorium funus*. Id est, quale, censore mortuo, celebrabatur. Purpuream vestem fuisse censorii funeris insigne docet Polybius, VI. p. 495. Quemadmodum censoria dignitas omnium maxima, ita quoque funerum magnificentissimum fuit censorium. Illo viri illustres, ipsique imperatores celebrabantur. Vide Kirchmannum de funeribus, I. 4. Meursium de funere, XVI.

² *Damnatur*. Et in exilium mittitur, ut docet Dio, LVII. p. 618.

³ *In C. Silanum*. De illo supra

Annal. III. 66 et seq.

⁴ *Templum Tiberio*. De hoc templo plura dicuntur infra cap. 55 et 56.

⁵ *Nero*. Liberorum Germanici natu maximus.

⁶ *Servii Maluginensis*. De illo supra Annal. III. 58 et 71.

⁷ *Confarreatis parentibus*. Parentibus confarreatione conjunctis genitos. *In sacris nihil religiosius confarreationis vinculo erat*, Plin. XVIII. 3. Usu quidem, vel coemptione initum matrimonium: at illud unum apud Romanos sanc-

“legeretur, vetusto more; neque adesse, ut olim, eam copiam, omissâ confarreandi adsuetudine, aut inter paucos retentâ: pluresque ejus rei causas” adferebat; “potissimam, penes incuriam virorum fœminarumque. Accedere ipsius cærimonix difficultates, quæ consulto vitarentur; et quandò exiret è jure patrio, qui id flaminium apisceretur, quæque in manum flaminis conveniret. Ita medendum senatûs decreto, aut lege: sicut Augustus quædam ex horridâ illâ antiquitate, ad præsentem usum flexisset.” Igitur tractatis religionibus, placitum “instituto flaminum nihil demutari:” sed lata lex, quâ “flaminica Dialiscrorum causâ in potestate viri, cetera promiscuo fœminarum jure ageret:” et filius Maluginensis patri suffectus.¹ Utque glisceret dignatio sacerdotum, atque ipsis promptior animus foret ad capessendas cæremonias, decretum “Corneliæ virgini, quæ in locum Scantix capiebatur,² LLS. “XX”;³ et quotiens Augusta theatrum introisset, ut sedes “inter Vestalium consideret.”

A. U. C. 777. J. C. 24.

17. CORNELIO Cethego, Visellio Varrone consulibus⁴ pontifices, eorumque exemplo ceteri sacerdotes, cum pro incolumitate Principis vota susciperent,⁵ Neronem quoque et

tissimum habebatur, quod confarreatione sacratum. De ritibus confarreationis vide not. et emend. ad Annal. iv. 16. Ibi tota hæc Tiberii oratio explanabitur.

¹ *Patri suffectus.* De Dialibus, seu Jovis flamine et flaminicâ, nihil illustrius hoc Taciti loco habet antiquitas.

² *In locum Scantix capiebatur.* Ut esset flaminica.

³ *LLS. XX.* Vicies centena millia sestertiûm, *Angl.* 1666*l.* 13*s.* 4*d.*

⁴ *Varrone coss.* Ser. Cornelius Cethegus et L. Visellius Varro consules fuere A. U. C. 777. J. C. 24.

⁵ *Vota susciperent.* Decennialia vota susciperent. Quo de more Dio, LIII. p. 507. “Ὡς ἐν τῇ τῶν δικηγιδῶν διαδοχῇ διὰ βίᾱ αὐτὸν μοναρχῆσαι. Καὶ διὰ τῆτο καὶ οἱ μετὰ ταῦτα αὐτοκράτορες, καίτοι πολλοὶ ἐς τακτὸν χρόνον, ἀλλ’ εἰς πάντα καθ’ ἅπασιν τὸν βίον ἀποδιδυνάμεινοι, ὡς καὶ διὰ τῶν ὁ καὶ αἰ ἐτῶν ἰσθλασαν, ὡς καὶ τῇ ἐγμονίᾳ αὐτοῖς τότε ἀναγκάσειν.”

Drusum iisdem Diis commendavere; non tam caritate juvenum, quàm adulatione: quæ moribus corruptis, perinde anceps¹ si nulla, et ubi nimia est. Nam Tiberius haud umquam domui Germanici mitis, tum verò “æquari adolescentēs senectæ suæ,” impatienter indoluit: accitosque pontifices percunctatus est, “num id precibus Agrippinæ, aut minis tribuissent.” Et illi quidem, quamquam abnuerent, modicè perstricti,² (etenim pars magna è propinquis ipsius, aut primores civitatis erant:) ceterùm in senatu, oratione monuit in posterum, “ne quis mobiles adolescentium animos, “præmaturis honoribus ad superbiam extolleret.” Instabat quippe Sejanus, incusabatque “diductam civitatem,³ ut “civili bello: esse qui se partium Agrippinæ vocent: ac nī “resistatur, fore plures: neque aliud gliscentis discordiæ re- “medium, quàm si unus alterve maximè prompti subverte- “rentur.”

18. QUA CAUSA C. Siliū, et Titium Sabinum,⁴ ad- greditur: amicitia Germanici perniciosa utrique; Silio⁵ et, quòd ingentis exercitūs septem per annos moderator, partis- que apud Germaniam triumphalibus, Sacroviriani belli victor, quanto majore mole procideret, plus formidinis in alios dispergebatur. Credebant plerique auctam offensio-

καὶ τὰτο καὶ οὐ γίγνεται. Cum Augustus continuatis decenniis per totam vitam imperii summam obtinuisset, eam ob causam posteriores quoque imperatores, et si non ampliùs ad certum tempus, sed per omne vitæ spatium iis imperium deferatur, tamen singulis decenniis festum, quasi ob ejus renovationem agunt, quod hodie etiam fit. Immo, ut patet ex nummis, numquam major, quàm sequiore ætate, fuit DECENNALIUM celebritas. Ita semper quādam libertatis imagine ludificatum.

¹ Perinde anceps. Moribus corruptis, perinde periculosum non adulari, et nimis adulari.

² Modicè perstricti. Sacerdotes quidem, quamquam abnuerent, modicā reprehensione perstrinxit. Eorum enim pars magna è propinquis Agrippinæ, aut primores civitatis erant, quos æquè oderat Tiberius.

³ Diductam civitatem. Diductam ac divisam esse civitatem.

⁴ Titium Sabinum. Vide infra cap. 68 et seq.

⁵ Silio. De C. Silio sæpe supra Annal. I. 31. II. 6, III. 43, 45.

nem ipsius intemperantiâ, immodicè jactantis, “ suum militem in obsequio duravisse, cùm alii ad seditiones prolaberentur: neque mansurum Tiberio imperium, si iis quodque legionibus cupido novandi fuisset.” Destruï per hæc fortunam suam Cæsar, imparemque¹ tanto merito rebatur. Nam beneficia eò usque læta sunt, dum videntur exsolvi posse; ubi multùm antevenire, pro gratiâ odium redditur.

19. ERAT uxor Silio Sosia Galla, caritate Agrippinæ in-visa Principi. Hos corripì, dilato ad tempus Sabino, placitum: immissusque Varro consul, qui “ paternas inimicitias” obtendens, odiis Sejani per dedecus suum gratificabatur. Precante reo, “ brevem moram, dum accusator consulatu “ abiret,” adversatus est Cæsar: “ solitum quippe magistratibus, diem privatis dicere: nec infringendum consulis “ jus, cujus vigiliis niteretur, ne quod respublica detrimentum caperet.” Proprium id Tiberio fuit, scelera nuper reperta priscis verbis² obtegere. Igitur multâ adseveratione, quasi aut legibus cum Silio ageretur, aut Varro consul,³ aut illud respublica esset, coguntur patres; silente reo, vel si defensionem cœptaret, non occultante,⁴ cujus irâ premeretur. “ Conscientiâ belli Sacrovir diu⁵ dissimulatus, victoria per avaritiam fœdata, et uxor Sosia” arguebantur:

¹ *Imparemque.* Per hæc immodicè jactata fortunam suam destrui, eamque tanto merito imparem esse rebatur Cæsar. Nam beneficia, eò usque læta sunt, dum videntur posse exsolvi: ubi multùm antevenire, nec exsolvi posse judicantur, pro gratiâ odium redditur. Verè Seneca Ep. XIX. *Quidam, quò plus debent, magis oderunt. Leve as alienum debitorem facit, grave, inimicum.*

² *Priscis verbis.* Priscis verbis et antiquis usibus nova jura, aut potiùs scelera, obtegebat Tiberius.

³ *Aut Varro consul.* Quasi aut

legibus cum Silio ageretur, aut Varro consulis auctoritatem; non verò speciem, ac inane nomen, haberet: aut denique illud pristinam reipublicæ libertatem ac formam argueret.

⁴ *Non occultante.* Non occultante se Tiberii irâ premi.

⁵ *Sacrovir diu.* Sacrovir diu dissimulatus, licèt Silio bellici apparatus conscientia esset; victoria per avaritiam fœdata; et uxoris Sosie vitia arguebantur. Aliter sed minùs probabiliter, explicat Illustr. Huetius. Vide not. et emend. ad Annal. IV. 19.

nec dubiè¹ repetundarum criminibus hærebant: sed cuncta quæstione majestatis exercita; et Silius imminentem damnationem voluntario fine² prævertit.

20. SÆVITUM tamen in bona, ut non stipendiariis,³ pecuniæ redderentur, quorum nemo repetebat: sed liberalitas⁴ Augusti avulsa, computatis singillatim quæ fisco petebantur: ea prima Tiberio erga pecuniam alienam diligentia fuit. Sosia in exilium pellitur Asinii Galli sententiâ, qui “ par-
“ tem bonorum publicandam, pars ut liberis relinqueretur,” censuerat. Contra M. Lepidus “ quartam accusatoribus,
“ secundùm necessitudinem legis, cetera liberis” concessit. Hunc ego Lepidum,⁵ temporibus illis, gravem et sapientem virum fuisse comperio. Nam pleraque ab sævis adulationibus aliorum, in melius flexit: neque tamen temperamenti egebat,⁶ cùm æquabili auctoritate et gratiâ apud Tiberium viguerit. Unde dubitare cogor, fato et sorte nascendi,⁷ ut cetera, ita principum inclinatio in hos, offensio in

¹ *Nec dubiè.* Satis certa repetundarum crimina; sed cuncta, ut in majestatis reum, exercita.

² *Voluntario fine.* Voluntariâ morte.

³ *Stipendiariis.* Gallis, qui tributum perdebant. Oppida stipendiaria passim memorat Plinius in *Geographicis*.

⁴ *Sed liberalitas.* Sed quæ ex liberalitate Augusti acceperat Silius avulsa sunt, ut Tiberio redderentur: singillatim verò computata, quæ fisco petebantur. Hæc quidem prima fuit Tiberio erga pecuniam alienam diligentia. Hactenus enim *satis firmus adversum pecuniam*, ut dictum est supra *Annal.* III. 18. Aliter explicat Cl. Ryckius. vide not. et emend. ad *Annal.* IV. 20.

⁵ *Hunc ego Lepidum.* Laudatum supra *Annal.* I. 13. III. 50. Laudandum infra *Annal.* VI. 27.

⁶ *Temperamenti egebat.* Sævas aliorum adulationes in melius flectebat; sed semper ita temperamento ac dexteritate usus, ut æquabili auctoritate et gratiâ apud Tiberium viguerit.

⁷ *Fato et sorte nascendi.* Hæc ne intelligas de fato ineluctabili, quod absurdum foret. Si enim fatum res regeret, cur historiam scribebat Tacitus ut virtutes per honestum insignes, scelera notabili dedecore infamia faceret, *Annal.* III. 65? Id tantum innuit ipsam Principum inclinationem et offensionem sæpissimè à quodam casu et sorte nascendi, rarò à nostris consiliis esse repetendam. Quid tamen hæc in re valeant consilia egregiè docet. Scilicet inter abruptam contumaciam et deforme obsequium, pergere iter ambitione ac periculis vacuum.

illos: an sit aliquid in nostris consiliis, liceatque inter abruptam contumaciam, et deforme obsequium, pergere iter ambitione ac periculis vacuum. At Messalinus Cotta, haud minùs claris majoribus, sed animo diversus, censuit “ca-
“ vendum senatusconsulto, ut quamquam insontes magis-
“ tratus, et culpæ alienæ nescii, provincialibus uxorum cri-
“ minibus, perinde quàm suis plecterentur.”

21. Actum dehinc de Calpurnio Pisone, nobili ac feroci viro.¹ Is namque, ut retuli, “cessurum se Urbe ob fac-
“ tiones accusatorum,” in senatu clamitaverat: et spretâ potentiâ Augustæ, trahere in jus Urgulanium, domoque Principis excire ausus erat. Quæ in præsens Tiberius civiliter habuit: sed in animo revolvente iras, etiam si impetus offensionis languerat, memoria valebat: Pisonem Q. Granius, secreti sermonis incusavit, adversum majestatem habiti: adjecitque “in domo ejus venenum esse, eumque
“ gladio accinctum introire curiam.” Quod, ut atrocius vero, tramissum:² ceterorum, quæ multa cumulabantur, receptus est reus; neque peractus, ob mortem opportunam. Relatum et de Cassio Severo³ exule, qui sordidæ originis, maleficæ vitæ, sed orandi validus, per immodicas inimicitias, ut judicio jurati senatûs⁴ Cretam⁵ amoveretur, effecerat: atque illic eadem actitando, recentia veteraque odia advertit: bonisque exutus, interdicto igni atque aquâ, saxo Seriphio⁶ consenuit.⁷

¹ *Feroci viro.* Virum intelligas fortem ac recti pervicacem, non verò atrocem et effærum. Vide Annal. II. 34.

² *Tramissum.* Quod prætermisum est, quasi atrocius, quàm ut verum videretur.

³ *Cassio Severo.* Sordido homine, de quo Annal. I. 72. Quàm misère vixerit et occubuerit testatur Euseb. Chron. ad annum quartum Olympiadis 202. Tiberii, 19. *Cassius Severus, orator egregius, qui Quintianum illud proverbium luserat, xxv. exilii sui anno*

summâ inopiâ moritur, vix panno verenda contextus.

⁴ *Jurati senatûs.* Jurati sententiam suam è republicâ esse. Vide infra cap. 31.

⁵ *Cretum.* Nunc *Candia.* In hanc insulam amotus fuerat A. U. C. 760.

⁶ *Saxo Seriphio.* Seriphus, nunc *Serpho*, parva Ægæi maris insula, de quâ Juvenal, vi. 563.

Et parvâ tandem caruisse Seripho.

⁷ *Consenuit.* Mortuus est A. U. C. 785. Tiberii 19. teste Eusebio, loc. cit.

22. PER idem tempus Plautius Silvanus, prætor, incertis causis Aproniam conjugem in præceps jecit; tractusque ad Cæsarem ab L. Apronio socero, turbatâ mente respondit, tamquam “ipse somno gravis, atque eò ignarus, et uxor “sponte mortem sumsisset.” Non cunctanter Tiberius pergit in domum, visit cubiculum: in quo reluctantis et impulsæ vestigia cernebantur. Refert ad senatum, datisque iudiciis, Urgulania, Silvani avia, pugionem nepoti misit. Quod perinde creditum, quasi Principis monitu, ob amicitiam Augustæ cum Urgulaniâ.¹ Reus, frustra tentatō ferro, venas præbuit exsolvendas. Mox Numantina, prior uxor ejus, accusata “injecisse carminibus et veneficiis ve- “cordiam marito,” insons judicatur.

23. IS DEMUM annus populum Romanum longo adversum Numidam Tacfarinatem bello absolvit. Nam priores duces, ubi impetrando triumphalium insigni sufficere res suas crediderant, hostem omittebant: jamque tres laureatæ² in Urbe statuæ; et adhuc raptabat Africam Tacfarinas, auctus Maurorum auxiliis, qui Ptolemæo, Jubæ filio³ juventâ incurioso, libertos regios, et servilia imperia bello mutaverant. Erat illi prædarum receptor, ac socius populandi, rex Garamantum;⁴ non ut cum exercitu incederet, sed missis levibus copiis, quæ ex longinquo in majus audiebantur: ipsâque è provinciâ,⁵ ut quis fortunæ inops, mo-

¹ Cum Urgulaniâ. De hac amicitia dictum supra Annal. II. 34.

² Tres laureatæ. Statuæ scilicet Furii Camilli, Annal. II. 52. L. Apronii, III. 21. et Junii Blæsi, III. 72.

³ Ptolemæo, Jubæ filio. Cùm Ptolemæus, Mauritanix rex, propter juventutem regni incuriosus viveret, omniaque libertis suis permetteret, Mauri bellum mulerant, quàm regios libertos et

servilia imperia perferre. Ptolemæum, Jubæ junioris, de quo supra cap. 5. et Cleopatrx filium, Cleopatrx, Egypti reginæ, nepotem, C. Caligula interemit A. U. C. 793. Vide Plinium, v. 17. Suet. in Caio, xxvi. Dionem, lxx, p. 659. Nos quoque in supplemento Annal. VIII. 34.

⁴ Rex Garamantum. Garamantes. *The Western part of Biledulgerid.*

⁵ E provinciâ. Ex ipsâ pro-

ribus turbidus, promtiùs ruebant, quia Cæsar, post res à Blæso gestas, quasi nullis jam in Africâ hostibus, reportari nonam legionem¹ jusserat: nec proconsul ejus anni P. Dolabella retinere ausus erat, jussa Principis magis quàm incerta belli, metuens.

24. IGITUR Tacfarinas, disperso rumore, “rem Roma-
“nam aliis quoque ab nationibus lacerari, eòque paulatim
“Africâ decedere, ac posse reliquos circumveniri, si cuncti,
“quibus libertas servitio potior, incubuissent;” auget vires,
positisque castris, Thubuscum oppidum² circumsidet. At
Dolabella, contracto quod erat militum, terrore nominis
Romani, et quia Numidæ peditum aciem ferre nequeunt,
primo sui incessu solvit obsidium, locorumque opportuna
permunivit: simul principes Musulanorum,³ defectionem
cœptantes, securi percutit. Dein, quia pluribus adversum
Tacfarinatem expeditionibus cognitum, non gravi, nec uno
incursu consectandum hostem vagum; excito cum popu-
laribus rege Ptolemæo,⁴ quatuor agmina parat, quæ legatis
aut tribunis data: et prædatorias manus, delecti Maurorum
duxere: ipse consultor aderat omnibus.

25. Nec multo pòst adfertur, “Numidas apud castellum
“semirutum, ab ipsis quondam incensum, cui nomen Auzea,⁵
“positis mapalibus consedis; fisos loco, quia vastis circùm

vinciâ, Africâ propriè dictâ, et Ro-
manis subditâ, nunc *the kingdom*
of *Tunis*.

¹ *Reportari nonam legionem.*
Reportari in Pannoniam. Vide
quæ observata sunt supra cap. 5.

² *Thubuscum oppidum.* Gra-
viter errant, qui Thubuscum urbem
Mauritaniæ fuisse existimant. Tunc
enim Ptolemæus, non verò Ro-
mani, in Mauritaniâ imperitabat;
et teste Plinio, v. 1. *Romana arma*
primum, Claudio Principe, in Mau-
ritaniâ bellare. Verùm cum in

provinciâ Africâ duplex esset hujus
nominis oppidum, alterum minus
nunc *Tuburb*, alterum majus nunc
Tubernock, de utro agatur dubi-
tari potest. De minore ad ripam
fluminis *Mejerda* posito, accipi-
endum mihi videtur.

³ *Musulanorum.* Musulani, *the*
Eastern part of Biledulgerid. De
his supra Annal. II. 52. Perperam
in libris editis *Musulamorun*.

⁴ *Rege Ptolemæo.* Rege Mau-
rorum.

⁵ *Cui nomen Auzea.* Castellum

“ saltibus claudebatur.” Tum expeditæ cohortes alæque, quam in partem ducerentur ignaræ, cito agmine rapiuntur. Simulque cœptus dies, et concentu tubarum, ac truci clamore aderant semisomnos in barbaros: præpeditis Numidarum equis, aut diversos pastus pererrantibus. Ab Romanis confertus pedes, dispositæ turmæ, cuncta prælio provisa: hostibus contra omnium nesciis, non arma, non ordo, non consilium, sed pecorum modo, trahi, occidi, capi. Infensus miles memoriâ laborum, et adversum eludentes optatæ totiens pugnæ, se quisque ultione et sanguine explebant. Differtur per manipulos, “ Tacfarinatem omnes, notum tot “ præliis, consecretur: non, nisi duce interfecto, requiem “ belli fore.” At ille, dejectis¹ circum stipatoribus, vinctoque jam filio, et effusis undique Romanis, ruendo in tela, captivitatem haud inultâ morte effugit. Isque finis armis impositus.

26. DOLABELLÆ petenti abnuuit triumphalia Tiberius, Sejanô tribuens, ne Blæsi avunculi ejus laus obsolesceret. Sed neque Blæsus ideo inlustrior, et huic² negatus honor gloriam intendit. Quippe minore exercitu, insignes captivos, cædem ducis, bellicque confecti famam deportârât. Sequebantur et Garamantum legati, rarò in Urbe visi, quos, Tacfarinate cæso, perculsa gens, nec culpæ nescia,³

illud fuit in Numidiâ. Nunc perit. Apud Ptolemæum, IV. 2. memoratur quidem urbs Auzia, Αὐζία, sic enim scriptum in Ms. nostro codice et in Palatino. At cum omnia, quæ ad Mauritaniam Caesariensem ac Sitifensem ipsamque Numidiam spectant, confuderit, et in longitudinum mensurâ gravissimè toto hoc capite aberravit, verus loci situs assignari non potest. Emendemus saltem Bertium, qui latinam Ptolemæi versionem omninò infidam edidit. In eâ notatur Auzia 22°. 10'. et 24°.

40'. corrigendum, ut patet ex Græcis tum editis, tum Mss. 22°. 10'. 29°. 40'. x⁶. 5. xθ. γ.

¹ *At ille, dejectis.* At Tacfarinas, dejectis circum stipatoribus suis, vinctoque jam filio, et effusis undique Romanis, ut suffugia intercluderent, ruendo in tela occubuit, sicque captivitatem haud inultâ morte effugit.

² *Et huic.* Et Dolabellæ.

³ *Nec culpæ nescia.* Perperam in libris editis *et culpæ nescia*, cum ipsa esset prædarum receptrix et socia, ut dictum supra cap. 23. et

ad satisfaciendum populo Romano miserat. Cognitis dehinc Ptolemæi¹ per id bellum studiis, repetitus ex vetusto mos, missusque è senatoribus, qui scipionem eburnum, togam pictam,² antiqua patrum³ munera, daret, “ regem-que et socium atque amicum” appellaret.

27. EADEM æstate, mota per Italiam servilis belli semina fors oppressit. Auctor tumultûs T. Curtisius, quondam prætoris cohortis miles, primò cœtibus clandestinis, apud Brundisium⁴ et circumjecta oppida; mox positis propalam libellis, ad libertatem vocabat agrestia per longinquos saltus et ferocia servitia: cùm, velut munere Deûm, tres birèmes adpulere ad usus commeantium illo mari.⁵ Et erat iisdem regionibus Curtius Lupus, quæstor, cui provincia vetere ex more Calles⁶ evenerat. Is, dispositâ Classiariorum⁷ copiâ, cœptantem eum maximè conjurationem dis-

Annal. III. 74. Meritò emendant Illustr. Huetius et Ryckius *nec culpæ nescia*. Haud ita feliciter Gronovius *et culpæ non nescia*, Lipsius, *et culpæ conscia*. Optimè vertit Cl. Gordon, *and conscious of guilt*.

¹ Ptolemæi. Maurorum regis.

² Togam pictam. Plin. VIII. 48. Accipio pictas vestes jam apud Romanos fuisse, unde triumphales natæ. Acu facere id Phryges invenerunt, idcirco Phrygionie appellata sunt. Aurum intexere in eadem Asiâ invenit Attalus rex; unde nomen Attalicis. Colores diversos picturæ intexere Babylon maximè celebravit, et nomen imposuit.

³ Antiqua patrum. Antiqua quidem. Nam Porsenæ regi data A. U. C. 249. A. C. 504. teste Dionysio Halicarnass. Antiq. Rom. v. 35. Senatus censuit mittenda Porsenæ sellam eburneam, et sceptrum, et coronam auream, et triumphalem testem, quâ reges ornabantur; Ἡ δὲ τῶν Γωμαιῶν βελή—ἐκ τῆς Πό-

σίνης μὲν πέμψαι θρόνον ἐλεφάντινον, καὶ σκήπτρον, καὶ εἴφανον χρύσειον, καὶ θριαμβοικὴν ἐσθῆτα, ὑφ' ἧς οἱ βασιλεῖς ἐκοσμήντο. Vestes triumphales fuisse auro intextas docet Polybius, VI. p. 495.

⁴ Brundisium. Nunc Brindisi.

⁵ Illo mari. Mari supero, nunc the gulf of Venice.

⁶ Calles evenerat. Cui evenerat cura publicorum saltuum et calium, in quibus pecora pascebantur. Provincia illa Julio Cæsari et M. Bibulo consulibus olim decreta, ne Caesar graviora agitare, et rempublicam turbaret. Suet. in Jul. XIX. Eandem ob causam opera optimatibus data est, ut provincie futuris consulibus minimi negotii, id est, sylvarum callesque decernerentur. Calles illos Angli dicimus, Commons. Vide not. et emend. ad Annal. IV. 27.

⁷ Classiariorum. Classiarii dicebantur, qui in classe stipendia merebant. Sordidum militiæ genus ex servis, vel infimâ Romanorum

jecit. Missusque à Cæsare properè Staius, tribunus, cum validâ manu, ducem ipsum, et proximos audaciæ in urbem traxit, jam trepidam, ob multitudinem familiarum,¹ quæ gliscebatur immensum, minore in dies plebe ingenuâ.

28. IISDEM consulibus, miseriarum ac sævitiae exemplum atrox, reus pater, accusator filius, (nomen utrique Vibius Serenus)² in senatum inducti sunt: ab exilio retractus, inlueque ac squalore obsitus, et tum catenâ vinctus, perorante filio, pater. Paratus³ adolescens multis munditiis, alacri vultu, “structas Principi insidias, missos in “Galliam concitores belli,” index idem et testis dicebat; adnectebatque, “Cæcilium Cornutum, prætorium, minis- “travisse pecuniam:” qui tædio curarum, et quia periculum pro exitio habebatur, mortem in se festinavit. At contra reus, nihil infracto animo, obversus in filium quaterere vincula, “vocare ultores Deos, ut sibi quidem redderent “exilium, ubi procul tali more ageret; filium autem quan- “dòque supplicia sequerentur.” Adseverabatque “inno- “centem Cornutum, et falsa exterritum:⁴ idque facile “intellectu, si proderentur alii: non enim se eadem Prin- “cipis, et res novas, uno socio, cogitasse.”

29. Tum accusator “Cn. Lentulum, et Sejum Tubero-

conditione conscriptum. De illis plurima et curiosa habet Cl. Gori, Inscrip. Antiq. vol. II. p. 181 et seq. vol. III. p. 95 et seq. Vide et Suet. in Vespasiano, VIII.

¹ Ob multitudinem familiarum. Ob multitudinem serviitorum, quæ crescebat immensum opulentiorum dominorum luxu. Contra verò minor erat indies plebs ingenua, et Urbe cedere cogebatur, acriore annonâ fatigata. Vide not. et emend. ad Annal. IV. 27.

² Vibius Serenus. De Vibio Sereno patre, jam dictum supra

cap. 13.

³ Filio, pater. Paratus. In libris editis perorante filio. Præparatur adolescens. Mutillum hunc locum ita feliciter restituit Cl. Ericus Memmius, Fori Gallici et literarum decus, ut de ejus emendatione, perorante filio, pater. Paratus adolescens multis munditiis, ne minima quidem haberi possit dubitatio. Inutiliter et minus probabiliter Jac. Gronovius, pater, orante filio. Præparatur adolescens.

⁴ Falsa exterritum. Græcorum

“nem,” nominat: magno pudore Cæsaris,¹ cùm primores civitatis, intimi ipsius amici, Lentulus senectutis extremæ, Tubero defecto corpore, tumultûs hostilis, et turbandæ rei publicæ arcesserentur. Sed hi quidem statim exempti. In patrem, ex servis quæsitum: et quæstio adversa accusatori fuit: qui scelere vecors, simul vulgi rumore territus, “rob-
 “bur et saxum, aut parricidarum pœnas”² minitanti-
 cessit Urbe: ac retractus Ravennâ, exsequi accusationem³
 adigitur; non occultante Tiberio vetus odium, adversûs ex-
 ulem Serenum.⁴ Nam post damnatum Libonem,⁵ missis
 ad Cæsarem literis exprobaverat, “suum tantum studium”
 “sine fructu fuisse;” addideratque quædam contumaciûs,
 quàm tutum apud aures superbas et offensioni proniores.
 Ea Cæsar octo post annos⁷ retulit, medium tempus variè
 arguens; etiam si tormenta, pervicaciâ servorum, contra
 evenissent.⁸

30. DICTIS dein sententiis, “ut Serenus more majorum”
 “puniretur,” quò molliret invidiam, intercessit.¹⁰ Gallus

more, pro falsis exterritum. Mu-
 retus emendabat, falsò. Tentabat
 Acidalius, pro falsa.

¹ Magno pudore Cæsaris. Quem
 enim tam absonæ, tam nefariæ ac-
 cusationis non puduisset?

² Robur, et saxum, aut parricidarum pœnas. Robur dicebant
 Romani cæcum carcerem, *Angl. the dungeon*; quò olim malefici
 in carcere robusteis arcis include-
 bantur. Vide Festum verbo *Robur*.
 Saxum illud, Tarpeium est, unde
 præcipites agebantur rei; de illo
 supra Annal. 11. 32. Parricidarum
 pœnas Tullius, juveniliter exultans,
 descripsit in oratione pro Roscio
 Amerino, xxvi. Insuebantur in
 culleum vivi, atque ita in flumende-
 jiciebantur.

³ Exsequi accusationem. Cæp-

tam accusationem persequi.

⁴ Exulem Serenum. Serenum
 patrem.

⁵ Post damnatum Libonem. De
 famosâ Libonis damnatione dictum
 est Annal. 11. 27 et seq.

⁶ Suum tantum studium. Libo-
 nem accusando.

⁷ Octo post annos. Damnatus
 erat Libo A. U. C. 769.

⁸ Contra evenissent. Non cum
 habuissent exitum, quem voluisset
 Tiberius. Pervicaces enim servi
 structas fuisse Principi insidias ne-
 gabant.

⁹ More majorum. Ut virgis ad
 necem caderetur. Vide quæ de
more prisco annotata sunt Annal.
 11. 32.

¹⁰ Intercessit. Intercessit Ti-
 berius jure tribuniciæ suæ potes-
 tatis.

Asinius, "Gyaro aut Donusâ¹ claudendum" censere: id quoque aspernatus est, "egenam aquæ utramque insulam" referens, "dandosque vitæ usus, cui vita concederetur." Ita Serenus Amorgum reportatur. Et quia Cornutus suâ manu ceciderat, "actum de præmiis accusatorum² abolendis, si quis majestatis postulatus ante perfectum iudicium se ipse vitâ privavisset:" ibaturque in eam sententiam, ni durius contraque morem suum palam pro accusatoribus Cæsar, "Inritas leges, rempublicam in præcipiti" conquestus esset: "subverterent potius jura, quàm custodes eorum amoverent." Sic delatores, genus hominum publico exitio repertum, et pœnis quidem nunquam satis coercitum, per præmia eliciebantur.

31. His tam adsiduis, tamque mœstis, modica lætitia interjicitur, quòd C. Cominium, equitem Romanum, probrosi in se carminis convictum, Cæsar precibus fratris, qui senator erat, concessit. Quò magis mirum habebatur, gnarum meliorum, et quæ fama clementiam sequeretur, tristiora malle; neque enim socordiâ peccabat; nec occultum est, quandò ex veritate, quandò adumbratâ lætitiâ, facta imperatorum celebrentur: quin ipse compositus aliàs, et velut eluctantium³ verborum, solutiùs promtiùsque eloquebatur, quotiens subveniret. At P. Suilium,⁴ quæstorem

¹ *Gyaro aut Donusâ.* Donusâ, Ægei maris insulâ, nunc *Stenosa*. De Gyaro dictum Annal. III. 68. De Amorgo, Annal. IV. 13.

² *De præmiis accusatorum.* Si accusatus damnaretur, tunc quarta pars bonorum accusatoribus cedebat. Sed si mortem in se festinasset, tunc bona ejus non fisci, sed heredum, erant. Solvendi itaque ex fisco accusatores; quod hâc ætate, accusationum fœcundâ, gravissimum. Ideo actum de præmiis accusatorum abolendis, si quis, majestatis postulatus, se ipse vitâ privavisset. De delatoribus dic-

tum in not. et emend. cap. 20. Eos Tiberius, suspiciosus Princeps, fovet ac protegit, ut dividat et regnet.

³ *Eluctantium.* Difficulter et ambigüe exeuntium; ut sensus suos occuleret.

⁴ *At P. Suilium.* P. Suilius Italiâ tantum ob quædam flagitia arcebat. At convictus pecuniam ob rem judicandam cepisse, eum in insulam amovendum censuit Tiberius. De Suilio, præpotenti et venali homine multa dicuntur infra Annal. XI et XIII.

quondam Germanici, cùm Italiâ arceretur, convictus pecuniam ob rem judicandam cepisse, “ amovendum in insulam” censuit; tantâ contentione animi, ut et jurando obstringeret “ è republicâ id esse.” Quod asperè acceptum ad præsens, mox in laudem vertit, regresso Suillio: quem vidit sequens ætas præpotentem, venalem, et Claudii Principis amicitia diu prosperè, numquam benè usum. Eadem pœna in Catum Firmium senatorem statuitur, tamquam falsis majestatis criminibus sororem petivisset. Catus, ut retuli,¹ Libonem inlexerat insidiis, deinde indicio perculnerat: ejus operæ memor Tiberius, sed alia prætendens, exiliū deprecatus est: quominus senatu pelleretur, non obstitit.

32. PLERAQUE eorum quæ retuli, quæque referam, parva forsitan, et levia memoratu videri, non nescius sum: sed nemo Annales nostros cum scripturâ eorum contenderit, qui veteres populi Romani res composuere. Ingentia illi bella, expugnationes urbium, fusos captosque reges; aut, si quandò ad interna præverterent, discordias consulum adversum tribunos, agrarias frumentariasque leges, plebis et optimatum certamina, libero egressu memorabant. Nobis in arcto, et inglorius labor. Immoti quippe, aut modicè lacessita pax, mœstæ urbis res, et Princeps proferendi imperii incuriosus erat. Non tamen sine usu fuerit, introspicere illa primo aspectu levia, ex quæis magnarum sæpe rerum motus oriuntur.

33. NAM cunctas nationes et urbes populus, aut priores, aut singuli regunt: delecta ex his² et consociata reipublicæ forma, laudari facilius, quàm evenire; vel si evenit, haud diuturna esse potest. Igitur ut olim, plebe

¹ *Ut retuli.* Supra Annal. II. 27.

² *Delecta ex his.* Forma reipublicæ ex his tribus, potestate scilicet populi, primorum, ac regis, delecta et consociata laudari fa-

cilius, quàm evenire potest; vel si evenit, haud diuturna esse potest. Evenit tandem, ac in Angliâ constitutam videmus. Utrū ad felicitatem ac diuturnitatem Anglici imperii, judicent Angli.

validâ, vel cùm patres pollerent, noscenda vulgi natura, et quibus modis temperanter haberetur; senatûsque et optimatum ingenia qui maximè perdidicerant, callidi temporum et sapientes credebantur: sic converso statu, neque aliâ re Romanâ,¹ quàm si unus imperitet, hæc conquiri tradique in rem fuerit: quia pauci prudentiâ, honesta ab deterioribus, utilia ab noxiis discernunt; plures, aliorum eventis docentur. Ceterùm ut profutura, ita minimum oblectationis adferunt: nam situs gentium, varietates præliorum, clari ducum exitus, retinent ac redintegrant legentium animum: nos sæva jussa, continuas accusationes, fallaces amicitias, perniciem innocentium, et easdem exitu causas jungimus; obviâ rerum similitudine, et satietate. Tum quòd antiquis scriptoribus rarus obtrectator; neque refert cujusquam, Punicas Romanasve acies lætiùs extuleris: at multorum, qui, Tiberio regente, poenam vel infamiam subiere, posterì manent: utque familiæ ipsæ jam extinctæ sint; reperies qui ob similitudinem morum, aliena malefacta sibi objectari putent: etiam gloria ac virtus infensos habet, ut nimis ex propinquo² diversa arguens. Sed ad incœpta redeo.

A. U. C. 778. J. C. 25.

34. CORNELIO CossO, ASINIO AGRIPPÂ Consulibus,³ Cremutius Cordus postulat, novo ac tunc primùm audito

¹ *Neque aliâ re Romanâ.* Converso statu, et re Romanâ sub uno Principe constitutâ. Vide not. et emend. ad Annal. iv. 33.

² *Ut nimis ex propinquo.* In nostris etiam scriptis gloria ac virtus offensos habet lectores, quia nimis ex propinquo diversa arguit. Priscarum virtutum laudes libenter legimus: nihil habent odii, nihil invidiæ. Eas ipsi laudamus, ut nobis communes fieri videantur.

At propinquas ac vicinas virtutes vix ullus laudat. Si enim vitiis diversus, tunc spernit. Si verò virtutis æmulus, tunc invidet: quantumque ceteris tribuitur, tantum sibi detrahi existimat. Vide not. et emend. ad Annal. iv. 33.

³ *Agrippâ Coss.* M. Asinius Agrippa et Cossus Cornelius Lentulus consules fuere A. U. C. 778. J. C. 25. In Fastis, Agrippa Lentulo præponitur.

crimine, quòd, editis annalibus, laudatoque M. Bruto, C. Cassium *Romanorum ultimum*¹ dixisset. Accusabant Satrius Secundus, et Pinarius Natta, Sejani clientes:² id perniciosabile reo, et Cæsar truci vultu defensionem accipiens: quam Cremutius, relinquendæ vitæ certus, in hunc modum exorsus est: “ Verba mea, patres conscripti, arguuntur: “ adeò factorum innocens sum. Sed neque hæc in Principem, aut Principis parentem, quos lex majestatis amplectitur: Brutum et Cassium laudavisse dicor; quorum res gestas cùm plurimi composuerint, nemo sine honore memoravit. Titus Livius, eloquentiæ ac fidei præclarus in primis, Cn. Pompeium tantis laudibus tulit, ut *Pompeianum* eum Augustus appellaret: neque id amicitiae eorum offecit. Scipionem, Afranium, hunc ipsum Cassium, hunc Brutum, nusquam *latrones et parricidas*,³ quæ nunc vocabula imponuntur, sæpe ut insignes viros nominat. Asinii Pollionis scripta, egregiam eorumdem memoriam tradunt. Messala Corvinus *imperatorem suum Cassium* prædicabat: et uterque opibusque⁴ atque hono-

¹ *Romanorum ultimum*. Sic quoque et veriùs, Romani appellaverunt Philopæmenen *ultimum Græcorum*, quasi nullum postea illustrem virum, ipsæve dignum genuerit Græcia. “Εσχάτοι αὐτὸν Ἑλλήνων προσέειπον, ὡς ἄνευ μέγαν μετὰ τῶτον ἔτι τῆς Ἑλλάδος ἀνδρα γενναίου, ἢ δὲ αὐτῆς ἄξιον. Plutarch. in Philopæmen. p. 356.

² *Sejani clientes*. Vide Senecam in consolatione ad Marciam, Cremutii Cordi filiam, xxii. Dicta in Sejanum liberiùs prolata, potius quàm Bruti ac Cassii laudes, mortem Cremutio arcessivere. Ejus scripta, audiente Augusto, olim recitata fuisse et probata docet Suetonius in Tiber. lxi.

³ *Parricidas*. Extabat quidem apud Romanos lex Valeria, quâ sacratum cum bonis caput ejus, qui regni occupandi consilia inisset,

Livius, ii. 8. Interfectori impunitas data, si indicia sceleris demonstrâsset, κτείναντα δὲ φόνος καθαρόν ἐποίησεν, εἰ παρὰ σχοίτο τῷ ἀδικήματος τῆς ἐλέγχης, Plutarch. in Publicolâ, p. 103. Cæsaris tamen, dictaturam perpetuam obtinentis, interfectores parricidas esse nemo sanioris mentis diffitebitur. Quanto majore cum scelere sancta, sacra, semperque verenda regum majestas violaretur docet ratio, clamat religio.

⁴ *Et uterque opibusque*. Hæc quidem dura multis videbuntur, et uterque opibusque atque honoribus perviguere. Nihil tamen mutaverim. Duriora habet Tullius. Id genus etiam plurima reperias in Platone, quo quis unquam elegantior ac suavior! Peregrinarum linguarum ne austeriores simus judices.

“ribus perviguere. Marci Ciceronis libro, quo Catonem
 “cœlo æquavit, quid aliud dictator Cæsar, quàm rescriptâ
 “oratione, velut apud iudices respondit? Antonii epistolæ,
 “Bruti conciones, falsa quidem in Augustum probra, sed
 “multâ cum acerbitate habent: carmina Bibaculi et Catulli,
 “referta contumeliis Cæsarum leguntur. Sed ipse divus
 “Julius, ipse divus Augustus, et tulere ista, et reliquere;
 “haud facilè dixerim, moderatione magis, an sapientiâ:
 “namque spreta exolescunt: si irascare, agnita videntur.”

35. “Non attingo Græcos, quorum non modò libertas,
 “etiam libido impunita: aut si quis advertit, dictis dicta
 “ultus est. Sed maximè solutum, et sine obtrectatore
 “fuit, prodere de iis quos mors odio aut gratiæ exemisset.
 “Num cum armatis Cassio et Bruto, ac Philippenses cam-
 “pos obtinentibus, belli civilis causâ populum per conci-
 “ones incendo? An illi quidem¹ sexagesimum ante an-
 “num² peremti, quo modo imaginibus suis noscuntur,
 “quas ne victor quidem abolevit, sic partem memoriæ
 “apud scriptores retinent? Suum cuique decus posteritas
 “rependit: nec deerunt, si damnatio ingruit, qui non mo-
 “dò Cassii et Bruti, sed etiam mei meminerint.” Egressus
 dein senatu, vitam abstinentiâ finivit: ³ libros per ædiles
 cremandos censuere patres, sed manserunt occultati, et
 editi.⁴ Quo magis socordiam eorum inridere libet, qui

¹ *An illi quidem.* An pro *An-
 non*, ut sæpe à Tullio, Horatio,
 aliisque usurpatur. Malè tentat
Pichena, at illi quidem.

² *Sexagesimum ante annum.* Pes-
 simè in libris editis *septuagesimum
 ante annum*. Sibi enim mortem
 intulere Cassius et Brutus A. U. C.
 712. Ergò ab eorum morte ad
 hunc annum 778. numerandi tan-
 tùm anni 66. Nec dicendum hæc
 rotundè accipi. Id non patitur
 præpositio *ante*.

³ *Abstinentiâ finivit.* Quarto

die se inediâ languidum absolvit.
 Mortem ejus fusè et luculenter
 describit Seneca in consolatione
 ad Marciam, XXII.

⁴ *Occultati, et editi.* Librorum
 damnatorum more, apud curiosos,
 sed clam, manserunt. Eos postea,
 probante Caio Caligulâ, juris pub-
 lici fecit filia ejus Marcia, quam
 laudat Seneca, Consol. ad Marc. 1.
*Ingenium patris tui, de quo sum-
 tum erat supplicium, in usum ho-
 minum reduxisti, et à verâ illum
 vindicasti morte, ac restituisti in*

præsenti potentiâ, credunt extingui posse etiam sequentis ævi memoriam. Nam contra, punitis ingeniis,¹ gliscit auctoritas: neque aliud externi reges, aut qui eâdem sævitiâ usi sunt, nisi dedecus sibi, atque illis gloriam peperere.

36. CETERUM postulandis reis, tam continuus annus fuit, ut feriarum Latinarum² diebus, Præfectum Urbis Drusum, auspicandi gratiâ tribunal ingressum, adierit Calpurnius Salvianus in Sex. Marium: quod à Cæsare palam increpitum, causa exilii Salviano fuit. Objecta publicè Cyzicenis³ “incuria cærimoniarum divi Augusti,” additis “violentiæ criminibus adversùm cives Romanos:” et amittere libertatem, quam bello Mithridatis meruerant⁴ circumsessi, nec minùs suâ constantiâ, quàm præsidio Luculli, pulso

publica monumenta libros, quos vir ille fortissimus sanguine suo scripserat. Optimè meruisti de Romanis studiis: magna illorum pars arserat. Optimè de posteris: ad quos veniet incorrupta rerum fides, auctori suo magno imputata. Optimè de ipso: cujus viget vigebitque memoria quamdiu fuerit in pretio Romana cognosci; quamdiu quisquam erit, qui reverti velit ad acta majorum; quamdiu quisquam, qui velit scire, quid sit vir Romanus; quid subactis jam cervicibus omnium, et ad Sejanianum jugum adactis, indomitus sit homo, ingenio, animo, manu liber. Extant Cremutii fragmenta apud Senecam Suasoria, VII.

¹ *Punitis ingeniis.* Punitis ingeniis ob veritatem, apud omnes; ob libertatem, apud plurimos; ob scelera, apud paucos, et pessimos tantùm, gliscit auctoritas. Vide not. et emend. ad Annal. IV. 35.

² *Feriarum Latinarum.* Feriæ Latinæ à Tarquinio Superbo institutæ, et Jovi Latiali sacræ, in monte Albano celebrabantur, Li-

vius, XLV. 11. Dionys. Halicarn. Antiq. Rom. IV. 49. Cùm huc consules ac magistratus proficiscentur, in tempus deligebatur è primâ nobilitate aliquis, qui consulare munus usurparet, jus redderet, ac subitis inderetur, vide infra VI. 2. Drusus, Germanici filius, tunc Urbis præfectus, primo magistratûs die aliquid muneris sui, more Romano, auspicii causâ delibabat. Sed à levibus, lætisque, non verò à gravibus et sævis ordiendum: quod meritò increpuit Cæsar.

³ *Cyzicenis.* Cyzicus, urbs Mysiæ minoris celeberrima. Omnino intercidit. De illâ urbe plurima habet Strabo, XII. p. 575 et 576.

⁴ *Bello Mithridatis meruerant.* Quàm benè meriti sint de Romanis Cyziceni in bello Mithridatico fusè prosequuntur Plutarchus in Lucullo, p. 497. Strabo, loc. cit. Deinde cùm Romanos aliquot flagris cæsos necassent, libertatem amiserant A. U. C. 739. Dio, LIV. p. 525 et 537. Iterum amittere, Principe Tiberio.

rege. At Fonteius Capito, qui proconsul Asiam curaverat, absolvitur, comperto ficta in eum crimina, per Vibium Serenum:¹ neque tamen id Sereno noxæ fuit, quem odium publicum tutiorem faciebat: nam ut quis districtior accusator, velut sacrosanctus erat: leves, ignobiles,² pœnis adiciebantur.

37. PER idem tempus Hispania ulterior,³ missis ad senatum legatis, oravit, “ ut exemplo Asiæ ⁴ delubrum Tiberio “ matrique ejus exstrueret:” quâ occasione Cæsar, validus alioqui spernendis honoribus, et respondendum ratus iis, quorum rumore arguebatur “ in ambitionem flexisse,” hujuscemodi orationem cœpit. “ Scio, patres conscripti, constantiam meam à plerisque desideratam, quòd Asiæ civitatibus nuper idem istud petentibus, non sim adversatus: “ ergò et prioris silentii defensionem, et quid in futurum “ statuerim, simul aperiā. Cùm divus Augustus, sibi “ atque Urbi Romæ templum apud Pergamum⁵ sisti non “ prohibuisset; qui omnia facta dictaque ejus vice legis ob- “ servem, placitum jam exemplum promtiùs secutus sum, “ quia cultui meo veneratio senatûs⁶ adjungebatur. Ceterum ut semel recepissem, veniam habuerim; ita per omnes “ provincias effigie numinum sacrari, ambitiosum, superbum: et vanescet Augusti honor, si promiscuis adulat- “ onibus vulgatur.”

38. “ EGO ME, patres conscripti, mortalem esse, et hominum officia fungi, satisque habere, si locum principem

¹ *Vibium Serenum.* Vibium Serenum filium, de quo supra cap. 28.

² *Leves, ignobiles.* Leves et ignobiles accusatores pœnis adiciebantur.

³ *Hispania ulterior.* Id est, Lusitania et Bætica, Portugal, Andalusia, and Grenada.

⁴ *Exemplo Asiæ.* Supra cap. 15.

⁵ *Apud Pergamum.* Pergamus, urbs Mysiæ majoris, olim Attalorum regum sedes, et Asiæ longè clarissima, teste Plinio, v. 30. Nunc Bergamo.

⁶ *Veneratio senatûs.* Decretum Asiæ urbes templum Tiberio, matrici ejus ac senatui, supra cap. 15.

“impleam, et vos testor, et meminisse posteros volo: qui
 “satis superque memoriæ meæ tribuent, ut majoribus meis
 “dignum, rerum vestrarum providum, constantem in peri-
 “culis, offensionum pro utilitate publicâ non pavidum cre-
 “dant. Hæc mihi in animis vestris templa, hæ pulcherri-
 “mæ effigies, et mansuræ: nam quæ saxo struuntur, si
 “judicium posterorum in odium vertit, pro sepulcris
 “spernuntur.¹ Proinde socios, cives, et Deos ipsos pre-
 “cor: hos, ut mihi ad finem usque vitæ, quietam et in-
 “telligentem humani divinique juris mentem duint;² illos,
 “ut quandoque concessero, cum laude et bonis recordationi-
 “bus, facta atque famam nominis mei prosequantur.”
 Perstititque posthæc, secretis etiam sermonibus, aspernari
 talem sui cultum: quod alii “modestiam,” multi, “quia
 “diffideret,”³ quidam, “ut degeneris animi,”⁴ interpreta-
 bantur. “Optimos quippe mortalium, altissima cupere.
 “Sic Herculem et Liberum⁴ apud Græcos, Quirinum⁵
 “apud nos; Deum numero additos. Meliùs Augustum,⁶
 “qui speraverit. Cetera Principibus statim adesse: unum
 “insatiabiliter parandum, prosperam sui memoriam: nam
 “contemptu famæ, contemni virtutes.”

39. AT SEJANUS nimiam fortunâ socors, et muliebri in-
 super cupidine incensus, promissum matrimonium flagitante
 Liviâ,⁷ componit ad Cæsarem codicillos: moris quippe tum

¹ Pro sepulcris spernuntur. Æquè ac sepulcra spernuntur. Hæc enim contemtorum Principi-um delubra, veriùs sepulcra erant, quàm templa.

² Duint. Dent. Sic Ter. et Plaut. passim.

³ Quia diffideret. Se cultum illum mereri posse.

⁴ Liberum. Bacchum.

⁵ Quirinum. Romulum.

⁶ Meliùs Augustum. Longè meliùs fensisse Augustum, qui divi-

nos honores speraverit, seque divis annumerandum confiderit. Cetera quidem omnia Principibus statim, ac pro ipsorum voluntate, adesse. Iis ergò in id unum esse incum-bendum, idque unum insatiabiliter parandum, ut prosperam sui me-moriam faciant. Contemptu famæ contemni virtutes.

⁷ Flagitante Liviâ. Germanici sorore, olim Drusi uxore, supra cap. 3.

erat,¹ quamquam præsentem, scripto adire: ejus talis forma fuit. “Benevolentia patris Augusti, et mox pluribus Tiberii judiciis, ita insuevisse, ut spes votaue sua non prius ad Deos, quam ad Principum aures conferret. Neque fulgorem honorum umquam precatum: excubias ac labores, ut unum è militibus, pro incolumitate Imperatoris malle. Attamen, quod pulcherrimum, adeptum, ut conjunctione Cæsaris² dignus crederetur: hinc initium spei. Et quoniam audiverit Augustum, in conlocanda filiâ,³ nonnihil etiam de equitibus Romanis consultavisse:⁴ ita si maritus Liviæ quæreretur, haberet in animo amicum, solâ necessitudinis gloriâ usurum. Non enim exuere imposita munia: satis æstimare, firmari domum adversum iniquas Agrippinæ offensiones; idque liberorum causâ.⁵ Nam sibi multum superque vitæ fore, quod tali cum Principe explevisset.”

40. AD EA Tiberius, laudatâ pietate Sejani, suisque in eum beneficiis modicè percursis, cùm tempus tamquam ad integram consultationem petivisset, adjunxit. “Ceteris mortalibus in eo stare consilia, quid sibi conducere putent: Principum diversam esse sortem, quibus præcipua rerum ad famam dirigenda: ideo se non illuc decurrere, quod promptum rescriptu:⁶ posse ipsam Liviam statuere,

¹ *Moris quippe tum erat.* Id moris reperit Julius Cæsar, ut in tantâ rerum multitudine facilius ad eum foret aditus, Plutarch. in Jul. Cæs. p. 716. Augustus cum singulis ipsâque Liviâ usurpavit, ne quid in tantâ rerum gravitate peccaret, si plus minùsve loqueretur ex tempore, Sueton. in Aug. 84. Tiberius retinuit, ut in politicâ suâ arte obscurior esset, imperiosius regnaret, certiusque falleret.

² *Conjunctione Cæsaris.* Druso, Claudii filio, olim desponsâ Sejani filiâ, ut dictum est supra III. 29. IV. 7.

³ *In conlocandâ filiâ.* Juliâ, Augusti et Scriboniæ filiâ.

⁴ *Consultavisse.* Agrippâ defuncto, multis, ac diu, ex equestri ordine, circumspectis conditionibus, Tiberium privignum suum elegit, Sueton. in Aug. LXIII.

⁵ *Idque liberorum causâ.* Idque petere non sibi, sed liberis suis; ut ipsis consulat adversus iniquas Agrippinæ offensiones. Sibi multum superque vitæ fore id, quod cum Tiberio Principe explevisset.

⁶ *Promptum rescriptu.* Ideo se non illuc decurrere, ut prompta et obvia respondeat. Liviam ipsam

“ nubendum post Drusum, an in penatibus iisdem toleran-
 “ dum haberet : esse illi matrem et aviam, propiora consi-
 “ lia: simpliciùs acturum : de inimiciis primùm Agrip-
 “ pinæ : quas longè acriùs arsuras, si matrimonium Liviae,
 “ velut in partes, domum Cæsarum distraxisset : sic quo-
 “ que erumpere æmulationem fœminarum, eâque discordiâ
 “ nepotes suos convelli : quid si intendatur certamen, tali
 “ conjugio ? Falleris enim, Sejane, si te mansurum in eodem
 “ ordine putas, et Liviam, quæ C. Cæsari, mox Druso
 “ nupta fuerit, eâ mente acturam, ut cum equite Romano

statuere posse utrum nubere post amissum Drusum, an in iisdem penatibus tolerare debeat. Illi esse matrem Antoniam, aviamque Liviam, propiora consilia, quibusque libentiùs pareat. At se simpliciùs consultiùsque cum Sejano acturum. Ac primò quidem de inimiciis Agrippinæ ; eas longè acriùs arsuras, si matrimonium Liviae cum Sejano, velut in partes, domum Cæsarum distraxisset. Sic quoque erumpere æmulationem fœminarum Agrippinam inter et Liviam, eâque discordiâ nepotes suos, tum Agrippinæ, tum Liviae filios, convelli. Quid si adhuc tali conjugio intendatur certamen, et ut nuptiis, sic quoque totâ vitæ conditione major esse volueris. Falleris enim, Sejane, si putas in eodem equitis, et præfecti cohortium prætoriarum ordine te mansurum ; et Liviam quæ Caio Cæsari, *stemma Cæsarum*, n. 48. mox Druso, *stemma Cæsarum*, n. 70. nupta fuerit, eâ mente acturam, ut cum equite Romano sènescat. Ego ut sinam, credisne id passuros, qui fratrem ejus Germanicum, qui patrem Tiberium Neronem, majoresque nostros in summis imperiis viderunt ? Vis tu quidem istum intrâ locum sistere, nec altiùs ascendere ? Esto. At illi magistra-

tus, et primores, qui, foribus tuis assidui, undique perrumpunt, teque, etiam invitum, tamquam Urbis Principem interpellant, atque de rebus omnibus consulunt, illi ipsi non occulti ferunt te jampridem excessisse equestre fastigium, longèque anteissee patris mei Augusti amicitias, quantæ fuerint in Vipsanum Agrippam et in Mæcenatem. Me quoque per tui invidiam incusant. Quanto vehementiùs quererentur, meque incusarent, si Liviam uxorem haberes ? At, inquis, Augustus filiam suam equiti Romano tradere meditatus est. An ergò mirum si Augustus, cùm in omnes curas distraheretur, ac provideret attolli immensum, quem conjugio tali super alios extulisset, C. Proculeium et quosdam alios viros insigni tranquillitate vitæ, nullis reipublicæ negotiis permixtos, ac proinde neque nimis spei suspectos, neque invidiæ obnoxios, quasi futuros generos, in sermonibus aliquandò habuit ? Sed si illâ ipsâ Augusti deliberatione movemur ; quanto validius est, quòd M. Agrippæ, triumphali viro, mox mihi, privigno suo, filiam suam collocavit ? Cetera explicatione haud indigent. Hæc verò omnia quàm Tiberio, quàm Tacito digna !

“ senescat. Ego ut sinam, credisne passuros, qui fratrem
 “ ejus, qui patrem majoresque nostros, in summis imperiis
 “ vidēre? Vis tu quidem istum intrā locum sistere: sed
 “ illi magistratus et primores qui, te invito, perrumpunt,
 “ omnibusque de rebus consulunt, excessisse jam pridem
 “ equestre fastigium, longēque anteisse patris mei amicitias,
 “ non occulti ferunt, perque invidiam tui me quoque in-
 “ cusant. At enim Augustus filiam suam equiti Romano
 “ tradere meditatus est. Mirum herculè, si, cū in omnes
 “ curas distraheretur, immensumque attolli provideret,
 “ quem conjunctione tali super alios extulisset, C. Procu-
 “ leium, et quosdam in sermonibus habuit, insigni tranquil-
 “ litate vitæ, nullis reipublicæ negotiis permixtos. Sed si
 “ dubitatione Augusti movemur; quanto validius est quòd
 “ M. Agrippæ, mox mihi conlocavit? Atque ego hæc, pro
 “ amicitia, non occultavi: ceterū neque tuis, neque Li-
 “ viæ destinatis, adversabor. Ipse quid intrā animum
 “ volutaverim, quibus adhuc necessitudinibus immiscere te
 “ mihi parem, omittam ad præsens referre: id tantū
 “ aperiam, nihil esse tam excelsum, quod non virtutes
 “ istæ, tuusque in me animus mereantur; datoque tempore,
 “ vel in senatu, vel in concione non reticebo.”

41. RURSUM Sejanus, non jam de matrimonio, sed al-
 tius metuens, “ tacita suspicionum,” vulgi rumorem, ingru-
 “ entem invidiam” deprecatur. Ac ne adsiduos in do-
 mum cœtus arcendo, infringeret potentiam, aut receptando,
 facultatem criminantibus præberet; huc flexit, ut Tiberium

¹ *Tacita suspicionum.* Tacita suspicionum in intricatis Tiberii verbis de affectato principatu, *magistratus et primores perrumpunt, omnibusque de rebus consulunt:* vulgi rumorem, Sejanum *excessisse jam pridem equestre fastigium:* ingruentem invidiam, per quam *ipsum Tiberium incusant:* hæc de-

precatur, compositis ad Cæsarem novis codicillis. Attamen ne, adsiduos in domum cœtus arcendo, infringeret potentiam; aut receptando, facultatem criminantibus præberet, huc flexit atque vertit, ut Tiberium, ad vitam procul Româ amœnis locis degendam, impelleret.

ad vitam procul Româ, amœnis locis degendam, impelleret. Multa quippe providebat : suâ in manu aditus : literarumque magnâ ex parte se arbitrum fore, cùm per milites commearent : mox Cæsarem, vergente jam senectâ, secretoque loci mollitum, munia imperii faciliùs tramissurum : et minui sibi invidiam, ademtâ salutantum turbâ ; sublatisque inanibus, verâ potentiâ augere.¹ Igitur paulatim negotia urbis, populi adkursus, multitudinem adfluentium increpat, extollens laudibus “ quietem et solitudinem : queis abesse “ tædia et offensiones, ac præcipua rerum² maximè agitari.”

42. AC FORTE habita per illos dies de Votieno Montano,³ celebris ingenii viro, cognitio, cunctantem jam Tiberium perpulit, ut vitandos crederet patrum cœtus vocesque, quæ plerumque veræ et graves coram ingerebantur : nam, postulato Votieno, “ ob contumelias in Cæsarem dictas,” testis Æmilius, è militaribus viris, dum studio probandi cuncta refert, et quamquam inter obstrepentes magnâ adseveratione nititur, audivit Tiberius probra, queis per occultum lacerabatur : adeoque perculsus est, ut “ se vel statim, “ vel in cognitione⁴ purgaturum ” clamitaret ; precibusque proximorum, adulatione omnium, ægrè componeret animum. Et Votienus quidem majestatis pœnis adfectus est.⁵ Cæsar objectam sibi adversùs reos inclementiam eò pervicaciùs amplexus, Aquiliam, adulterii delatam, cum Vario

¹ *Verâ potentiâ augere.* Sequere verâ potentiâ gliscere, crescere. Vide not. et emend. ad Annal. iv. 41.

² *Præcipua rerum.* Ibi res præcipuas meliùs, quàm in Urbis tumultu tractari ac peragi.

³ *Votieno Montano.* De illo Seneca, iv. Controvers. 28. *Montanus Votienus, homo rarissimi, etiamsi non emendatissimi ingenii.* Illum à Vinitio accusatum memo-

rat Lib. III. Controvers. 20.

⁴ *Vel statim, vel in cognitione.* Vel statim se purgaturum, vel si mallent, in peculiari cognitione et auditis testibus. Frustra quidam emendant, *in concione.*

⁵ *Pœnis adfectus est.* Eusebius in Chronic. ad annum tertium Olympiadis, 201. Tiberii, 14. *Votienus Montanus, Narbonensis orator, in Bulearibus insulis moritur, illuc à Tiberio relegatus.*

Ligure,¹ quamquam Lentulus Gætulicus, consul designatus, lege Juliâ² damnâsset, exilio punivit: Apidiumque Merulam, “quòd in acta divi Augusti³ non juraverat,” albo senatorio⁴ erasit.

43. AUDITÆ dehinc Lacedæmoniorum et Messeniorum⁵ legationes; de jure templi Dianæ Limnatidis,⁶ “quod suis “à majoribus, suâque in terrâ dicatum,” Lacedæmonii firmabant annalium memoriâ, vatumque carminibus: “sed “Macedonis Philippi, cum quo bellâsset, armis ademptum, “ac pòst C. Cæsaris⁷ et M. Antonii sententiâ redditum.” Contra Messenii, “veterem inter Herculis posteros divisio- “nem Peloponnesi” protulere, “suoque regi Denthelia- “tem agrum,⁸ in quo id delubrum, cecidisse: monimen- “taque ejus rei sculpta saxis, et ære prisco manere. Quòd

¹ *Vario Ligure.* Varius Ligur dictus videtur ob Ligures à majoribus suis devictos, ut Lentulus, Gætulicus, ob triumphatos Gætulos.

² *Lege Juliâ.* Adulterium gladio punitum diximus Annal. II. 50. ex Instit. IV. Tit. 18. Idem probat Ovidius, V. Trist. XI. 15. et I. De Ponto, VII. 41. Sæpe tamen relegatione multatus. Tibertius inclementiam amplexus, Aquiliam exilio punivit. Relegati enim civitatem non amittebant: amittebant exules.

³ *In acta divi Augusti.* De hoc usu dictum est supra Annal. I. 7.

⁴ *Albo senatorio.* In quo conscripta senatorum nomina publicè quotannis edebantur, ut instituerat Augustus, A. U. C. 745. vide Dionem, LV. p. 550.

⁵ *Lacedæmoniorum et Messeniorum.* Peloponnesi populorum. Lacedæmoniorum urbs princeps Sparta: manent tantùm rudera, nunc *Paleochori*. Messeniorum,

Messene, nunc *Maura-Matra*.

⁶ *Dianæ Limnatidis.* Templum illud erat in Laconicæ et Messeniæ finibus: ita dictum à lacubus. Ἀπὸ δὲ τῶν λιμνῶν λιμναῖον ἔχεται τῆς Ἀρτέμιδος ἱερὸν. Strabo, VIII. p. 362. Vide not. et emend. ad Annal. IV. 43.

⁷ *C. Cæsaris.* C. Julii Cæsaris dictatoris et M. Antonii triumviri.

⁸ *Dentheliatem agrum.* Nomen, *Dentheliatem*, variè sollicitant interpretes; sed frustra. Apud Stephanum *de Urbibus* memoratur urbs Messenios inter et Lacedæmonios multis contentionibus obnoxia, nomine Δελφίνιοι. Sed ex ipso literarum ordine, cum post Δελφίνιον, *Delphinium*, recenseatur, manifestum est hic errorem esse, et emendandum in Stephano Δενθάλιοι, qui fortè etiam dicti sunt Δελθήλιοι. Itaque ex Tacito Stephanus, non ex Stephano Tacitus est corrigendus, ut rectè monuit eruditus Holstenius in not. ac castig. ad Stephanum.

“ si vatum, annalium¹ ad testimonia vocentur, plures sibi
 “ ac locupletiores esse; neque Philippum potentiâ,² sed ex
 “ vero statuisset: idem regis Antigoni,³ idem imperatoris
 “ Mummii⁴ iudicium: sic Milesios,⁵ permissio publicè ar-
 “ bitrio, postremò Atidium Geminum, prætorem Achaiaë,
 “ decrevisse.” Ita secundùm Messenios datum.⁶ Et Se-
 gestani,⁷ “ ædem Veneris, montem apud Erycem,⁸ vetus-
 “ tate dilapsam, restaurari” postulavere: nota memorantes
 de origine ejus,⁹ et læta Tiberio: suscepit curam libens, ut
 consanguineus. Tunc tractatæ Massiliensium preces, pro-
 batumque P. Rutilii¹⁰ exemplum: namque eum legibus

¹ *Vatum, annalium.* Vide not. et emend. ad Annal. IV. 43.

² *Philippum. potentiâ.* Neque Philippum, Alexandri patrem, id auctoritate ac potentiâ, sed ex compertâ veritate statuisset.

³ *Regis Antigoni.* Antigonus, Macedonum rex, dictus *Doson*, seu *Daturus*, mortuus est anno quarto Olympiadis, 139. U. C. 533. cùm regnasset annos duodecim. Istius Antigoni, qui de Peloponneso triumphavit, non verò Antigoni Gonatæ iudicium fuisse videtur.

⁴ *Imperatoris Mummii.* L. Mummus, cognomine Achaicus, Corinthum evertit A. U. C. 608. Devictâ Achaia, Urbem, Italiam ac etiam provinciam signis tabulisque replevit. Ex tantis verò manubiis adeò nihil in suum convertit, ut filiam ejus inopem senatus ex publico dotaverit, Frontin. Strat. IV. 3. Plin. XXXIV. 7.

⁵ *Sic Milesios.* Sic Milesios, cùm Lacedæmonii et Messenii arbitrium iis publicè permisissent, decrevisse: sic quoque postremò statuisset Atidium Geminum, prætorem Achaiaë. Græcia à Romanis subacta, in provinciae formam redacta est, et appellata Achaia.

⁶ *Messenios datum.* Ita quoque

Romæ secundùm Messenios pronuntiatum, iisque templum Dianæ Limnatidis datum.

⁷ *Segestani.* Populi Sicilia, quorum caput Segesta, nunc a *Town near Mazzara.*

⁸ *Montem apud Erycem.* Eryx, mons Sicilia ad occidentem Segestæ, nunc *Monte san Giuliano.*

⁹ *De origine ejus.* Mela loc. cit. *Montium Eryx maximè memoratur ob delubrum Veneris ab Æneâ conditum.* Id sanè memoraverunt, quod latissimum fuit Tiberio, qui se ob familiam Juliam, Æneæ et Deæ Veneris consanguineum esse gloriabatur. Iis adversari videtur Suetonius in Claud. XXV. *Templum quoque in Sicilia Veneris Erycinæ vetustate collapsum, ut ex arario populi Romani reficeretur, auctor fuit.* Fortè nulla inter scriptores pugna; sed cæpit Tiberius, perfecit Claudius.

¹⁰ *P. Rutilii.* Velleius, II. 13. *Publium Rutilium, virum non seculi sui, sed omnis ævi optimum, interrogatum lege repetundarum, maximo cum gemitu civitatis damnaverant.* Ejus quoque innocentiam ac virtutem, acceptâ injuriâ, splendidiorem commendat Seneca, Ep. LXXIX.

pulsum, civem sibi Smyrnæi addiderant: quo jure Vulcatius Moschus, exul, in Massilienses¹ receptus, bona sua reipublicæ eorum, ut patriæ reliquerat.

44. OBIERE eo anno viri nobiles, Cn. Lentulus, et L. Domitius. Lentulo² super consulatum et triumphalia de Gætulis,³ gloriæ fuerat benè tolerata paupertas, dein magnæ opes innocenter paratæ et modestè habitæ. Domitium⁴ decoravit pater, civili bello maris potens, donec Antonii partibus, mox Cæsaris misceretur. Avus, Pharsalicâ acie, pro optimatibus⁵ ceciderat: ipse electus, cui minor Antonia,⁶ Octaviâ genita, in matrimonium daretur. Pòst, exercitu flumen Albim transcendit;⁷ longiùs penetratâ Germaniâ, quàm quisquam priorum: easque ob res insignia triumphi adeptus est. Obiit et L. Antonius,⁸ multâ claritudine generis, sed improspérâ: nam patre ejus, Julo Antonio,⁹ ob adulterium Juliæ morte punito, hunc admodum adolescentulum, sororis nepotem seposuit Augustus in civitatem Massiliensem, ubi specie studiorum nomen exilii te-

¹ *In Massilienses.* Inter Massilienses cives receptus. Massilia, *Marseilles*, in *Provence*, literarum studiis tunc clarissima, olim à Græcis Phocæensibus condita, Plin. III. 4.

² *Lentulo.* Cn. Lentulus, olim Druso comes additus in Germaniâ, Annal. I. 27. Consul A. U. C. 740. pater Lentuli Gætulici, de quo supra cap. 42. et mox cap. 46. De ejus victoriâ et triumphalibus ornamentis, Velleius, II. 116. Minimè confundendus cum Cn. Lentulo augure et sordido homine, de quo in dissert. de luxu Romanorum diximus.

³ *De Gætulis.* Gætuli, natio frequens ac multiplex quæ infra Mauritaniam longè latèque exspatiabatur. Nunc the most western part of Biledulgerid.

⁴ *Domitium.* L. Domitium Ahenobarbum, Neronis imperatoris avum. Vide stem. Cæs. n. 33. et Suet. in Ner. I et seq.

⁵ *Pro optimatibus.* Id est, in partibus Pompeianis, quæ optimatum erant.

⁶ *Minor Antonia.* Suetonio in Nerone, v. *major* dicitur, et fuisse videtur. Vide stem. Cæs. n. 32.

⁷ *Flumen Albim transcendit.* Haud satis accuratè gestis et scriptis auctor celeberrimus, *Mémoires de la Maison de Brandebourg*, p. 5. *On remarque cependant qu'ils (les Romains) n'ont jamais passé l'Elbe.*

⁸ *L. Antonius.* Nepos Octaviæ, sororis Augusti. Vide stem. Cæs. n. 30.

⁹ *Julo Antonio.* De illo dictum supra Annal. III. 18. Vide et stem. Cæs. n. 29.

geretur. Habitus tamen supremis honor : ossaque tumulo Octavio inlata, per decretum senatûs.

45. IISDEM consulibus, facinus atrôx, in citeriore Hispaniâ,¹ admissum à quodam agreste, nationis Termestinae :² is prætorem provinciæ, L. Pisonem, pace incuriosum, ex improvise in itinere adortus, uno vulnere in mortem adfecit : ac pernecitate equi profugus, postquàm saltuosos locos attigerat, dimisso equo, per dirupta et avia sequentes frustratus est : neque diu fefellit : nam prehensio ductoque per proximos pagos equo, cujus foret cognitum : et repertus, cùm tormentis edere conscios adigeretur, voce magnâ, sermone patrio, “ frustra se interrogari ” clamitavit : “ adsisterent socii ac spectarent : nullam vim tantam doloris fore, ut “ veritatem eliceret. ” Idemque cùm postero ad quæsitonem retraheretur, eo nisu proripuit se custodibus, saxoque caput adflixit, ut statim exanimaretur. Sed Piso Termestino dolo cæsus habetur : qui pecunias è publico interceptas,³ acriùs, quàm ut tolerarent barbari, coge-
bat.

A. U. C. 779. J. C. 26.

46. LENTULO Gætulico, C. Calvisio consulibus,⁴ decreta triumphii insignia Poppæo Sabino, contusis Thracum gentibus, qui montium editis,⁵ inculti, atque eò ferociùs agitabant. Causa motûs, super hominum ingenium, quòd pati delec-

¹ *In citeriore Hispaniâ.* Eâdem ac Tarraconensi, quæ si Lusitaniam et Bæticam exceperis, reliquam Hispaniam ad Pyrenæos montes complectitur.

² *Nationis Termestinae.* Nationis illius urbs princeps Termes, nunc Lerma, in Old Castile.

³ *E publico interceptas.* Pecunias è publicis vectigalibus à Ter-

mestinis interceptas L. Piso coge-
bat acriùs, quàm ut tolerarent barbari.

⁴ *C. Calvisio coss.* Cn. Cornelius Lentulus Gætulicus, C. Calvisius Sabinus consules fuere A. U. C. 779. J. C. 26.

⁵ *Montium editis.* Montem Hæmum habitabant ac vallabant. Plin. iv. 1.

tus,¹ et validissimum quemque militiae nostrae dare aspernabantur; ne regibus quidem parere nisi ex libidine soliti; aut, si mitterent auxilia, suos ductores praeficere, nec nisi adversum accolae² belligerare. Ac tum rumor incesserat fore, ut disjecti, aliisque nationibus permixti, diversas in terras traherentur. Sed antequam arma inciperent, misere legatos, “amicitiam, obsequiumque” memoraturos; “et mansura haec, si nullo novo onere tentarentur. Sin ut victis servitium indiceretur; esse sibi ferrum et juventutem, et promptum libertati, aut ad mortem animum.” Simul castella rupibus indita, conlatosque illuc parentes, et conjuges ostentabant, “bellumque impeditum, arduum, cruentum,” minitabantur.

47. AT SABINUS (donec exercitus³ in unum conduceret, datis mitibus responsis) postquam Pomponius Labeo è Mœsiâ cum legione, rex Rhoemetalces⁴ cum auxiliis popularium, qui fidem non mutaverant, venere, additâ praesenti copiâ,⁵ ad hostem pergit, compositum jam per angustias saltuum: quidam audentiùs apertis in collibus visebantur: quos dux Romanus acie suggestus, haud ægrè pepulit, sanguine barbarorum modico, ob propinqua suffugia. Mox castris in loco communis, validâ manu montem occupat, angustum, et æquali dorso continuum usque ad proximum castellum, quod magna vis armata, aut incondita,⁶ tuebatur: simul in ferocissimos, qui ante vallum more gentis cum carminibus et tripudiis persultabant, mittit delectos sagittariorum. Ii dum eminus grassabantur, crebra et inulta vulnera

¹ *Delectus*. *Angl. the levies*.

² *Adversum accolae*. Adversum vicinos populos.

³ *Donec exercitus*. Vide not. et emend. ad Ann. iv. 47.

⁴ *Rex Rhoemetalces*. Rex Thraciae, de quo saepe supra Annal. ii. 67. iii. 38.

⁵ *Additâ praesenti copiâ*. Licet

nulla esset legio in Thraciâ, praesentem tamen aliquot cohortium copiam habebat Sabinus, dux Romanus, quas legioni è Mœsiâ adductae, et Thracum auxiliis addidit.

⁶ *Aut incondita*. Imbelles, cap. 49.

fecere; propiùs incedentes, eruptione subitâ turbati sunt, receptique subsidio Sugambræ cohortis,¹ quam Romanus promptam ad pericula, nec minùs cantuum et armorum tumultu trucem, haud procul instruxerat.

48. *TRANSLATA* dehinc castra hostem propter,² relictis apud priora munimenta Thracibus, quos nobis adfuisse memoravi: iisque permissum “vastare, urere, trahere prædas, “dum populatio lucem intrâ sisteretur, noctemque in cas- “tris tutam et vigilem capessèrent:” id primò servatum: mox versi in luxum, et raptis opulenti, omittere stationes, lasciviâ epularum, aut somno et vino procumbere. Igitur hostes, incuriâ eorum compertâ, duo agmina parant: quorum altero, populos invaderentur; alii castra Romana adpugnarent, non spe capiendî, sed ut clamore, telis, suo quisque periculo intentus, sonorem alterius prælii non acciperet: tenebræ insuper delectæ, augendam ad formidinem. Sed qui vallum legionum tentabant, facilè pelluntur. Thracum auxilia, repentino incursu territa, cùm pars munitionibus adjacerent, plures extra palarentur, tanto infensiùs cæsi, quanto “perfugæ et proditores, ferre arma ad suum patri- “æque servitium,” incusabantur.

49. *POSTERA* die Sabinus exercitum æquo loco ostendit, si barbari, successu noctis alacres, prælium auderent: et postquàm castello, aut conjunctis tumulis non degrediebantur, obsidium cœpit per præsidia, quæ opportunè jam munebat: dein fossam lorica³mq^{ue} contexens, quatuor millia

¹ *Sugambræ cohortis.* Sicambri, vel Sugambri, Germaniæ populi, se jampridem Romanis dediderant, et in Gallias fuerant trājecti, *Annal.* II. 26. XII. 39.

² *Hostem propter.* Translata dehinc castra, et hosti propiùs admota.

³ *Loricamque.* Munimentum illud ita dictum à similitudine lori-

cæ, quâ pectus tegitur. Lorica- rum varia species pro munimento- rum diversitate. Illic significat, *a line of circumvallation.* Veget. IV. 28. *Obsidentes ultra jactum teli fossam faciunt, camque non solum tallo, et sudibus, sed etiam turriculis instruunt, ut erumpentibus et civitate possint obsistere, quod opus lorica^m vocant.*

passuum ambitu amplexus est. Tum paulatim, ut aquam pabulumque eriperet, contrahere claustra, arctaque circumdare: et struebatur agger, unde saxa, hastæ, ignes propinquum jam in hostem jacerentur. Sed nihil æquè, quàm sitis, fatigabat, cùm ingens multitudo bellatorum, imbellium uno reliquo fonte uterentur. Simul equi, armenta, ut mos barbaris, juxta clausa, egestate pabuli exanimari: adjacere corpora hominum, quos vulnera, quos sitis peremerat: pollui cuncta sanie, odore, contactu. Rebusque turbatis, malum extremum discordia accessit; his deditionem, aliis mortem, et mutuos inter se ictus parantibus: et erant, qui “non inultum exitium, sed eruptionem” suaderent: neque ignobiles,¹ quamvis diversi sententiis.

50. VERUM è ducibus, Dinis, provectus senectâ, et longo usu vim atque clementiam Romanam edoctus, “ponenda arma, unum adflictis id remedium,” disserebat. Primusque se cum conjuge et liberis victori permisit: secuti ætate aut sexu imbecilli, et quibus major vitæ, quàm gloriæ, cupidus. At juvenus Tarsam inter et Turesim distrahebatur: utrique destinatum cum libertate occidere: sed Tarsa “properum finem, abrumpendas pariter spes ac metus” clamitans, dedit exemplum, demisso in pectus ferro: nec defuere qui eodem modo oppeterent. Turesis suâ cum manu noctem opperitur, haud nescio duce nostro. Igitur firmatæ stationes densioribus globis: et ingruerat nox nimbo atrox, hostisque clamore turbido, modò per vastum silentium, incertos obsessores effecerat: cùm Sabinus circumire, hortari, “ne ad ambigua sonitûs, aut simulationem quietis, casum insidiantibus aperirent, sed sua quisque munia servarent immoti, telisque non in falsum jactis.”

51. INTEREA barbari catervis decurrentes, nunc in val-

¹ *Neque ignobiles.* Neque ii | versissimum: nobiles viri, perspicaciores et constantiores.
erant ignobiles, quamvis diversa
sentirent. Vulgus sententiis di-

lum manualia saxa,¹ præustas sudēs, decisa robora jacere : nunc virgultis, et cratibus, et corporibus exanimis, complere fossas : quidam, pontes et scalas antè fabricati, inferre propugnaculis, eaque prensare, detrahēre, et adversùs resistentes cominùs niti. Miles contra deturbare telis, pellere umbonibus, muralia pila,² congestas lapidum moles provolvere. His partæ victoriæ spes, et, si cedant, insignitius flagitium ; illis extrema jam salus, et adsistentes plerisque matres et conjuges, earumque lamenta addunt animos. Nox aliis in audaciam, aliis ad formidinem opportuna ; incerti ictus, vulnera improvisa ; suorum atque hostium ignoratio ; et montis anfractu repercussæ, velut à tergo, voces, adedò cuncta miscuerant, ut quædam munimenta Romani, quasi perrupta, omiserint. Neque tamen pervasere hostes, nisi admodùm pauci : ceteros, deletò promptissimo quoque aut saucio, adpetente jam luce, trusere in summa castelli : ubi tandem coacta deditio, et proxima sponte vicorum³ recepta : reliquis, quo minùs vi aut obsidio subigerentur, præmatura montis Hæmi et sæva hiems subvênit.

52. AT ROMÆ, commotâ Principis domo,⁴ ut series futuri in Agrippinam exitii inciperet, Claudia Pulchra⁵ sobrina ejus postulatur, accusante Domitio Afro.⁶ Is recens

¹ *Manualia saxa. Minima saxa—manibus jacienda.* Veget. iv. 8.

² *Muralia pila.* Pila graviora, quæ ex muris in oppugnatores jaciebantur. Cæsar de Bello Gall. vii. 82.

³ *Sponte vicorum.* In Cod. Flor. *sponte incorum.* Emendandum *vicorum* rectè conjecit Jac. Gronovius. Perperam in veteribus editionibus *sponte inimicorum.* Melius Minutianus, et recentiores *incolarum.* [Quod nobis placet præ Bipontanorum conjecturâ istorum. B. C. II. vi. 63. P.] Proxima recepta sunt sponte vicorum, qui hinc et inde in Hæmo monte habi-

tabantur. Remotiora verò non subacta sunt propter præmaturam et sævam montis Hæmi, nunc monte *Argentaro*, hiemem.

⁴ *Commotâ Principis domo.* Tiberii domum commotam Drusi morte vidimus supra cap. 8.

⁵ *Claudia Pulchra.* Quomodò Claudia Pulchra Agrippinæ sobrina sit non liquet. Nec mirum in hac veterum scriptorum paucitate. Filium ejus Varum Quinctilium à Domitio accusatum videbimus infra cap. 66.

⁶ *Domitio Afro.* Cn. Domitius Afer, patriâ Nemausensis, eloquentiæ præceptor optimus, illâ usus

præturâ, modicus dignationis; et quoquo facinore properus clarescere, “crimen impuditiæ, adulterum Furnium, ve-
 “neficia in Principem et devotiones” objectabat. Agrippina semper atrox,¹ tum et periculo propinquæ accensa, pergit ad Tiberium, ac fortè sacrificantem patri² reperit: quo initio invidiæ, “Non ejusdem” ait “mactare divo Augusto victimas, et posteros ejus insectari: non in effigies
 “mutas divinum spiritum transfusum; sed imaginem³ veram cœlesti sanguine ortam, intelligere discrimen, susci-
 “pere sordes. Frustra Pulchram præscribi,⁴ cui sola exiti causa sit, quòd Agrippinam stultè prorsus ad cultum
 “delegerit, oblita Sosiæ⁵ ob eadem adflicta.” Audita hæc⁶ raram occulti pectoris vocem elicuere, correptamque Græco versu admonuit; *ideo lædi, quia non regnaret.* Pulchra et Furnius damnantur. Afer, primoribus oratorum additus, divulgato ingenio, et secutâ adseveratione Cæsaris, quâ, “suo jure⁷ disertum” eum appellavit: mox capessendis accusationibus, aut reos tutando, prosperiore eloquentiæ quàm morum famâ fuit: nisi quòd ætas extrema multum

pessimè. Qui plura de hoc oratore desiderat, adeat Cl. Menard, *Histoire civile et eccles. de la ville de Nismes*, Vol. I. p. 39 et seq.

¹ *Agrippina semper atrox.* Cedere et flecti nescia. Sic Horatius, II. Od. I. 23.

*Et cuncta terrarum subacta,
 Præter atrocem animum Catonis.*

² *Sacrificantem patri.* Tiberium Augusto sacrificantem reperit: illumque iis allocuta est verbis, quæ fuerunt invidiæ initium. Non ejusdem esse mactare divo Augusto victimas, et posteros ejus insectari.

³ *Sed imaginem.* Sed se veram Augusti imaginem, cœlesti sanguine ortam, intelligere discrimen,

suscipere sordes. Nonnulli pro *sed* tentant *se*. At nihil mutandum duco. *Se* nonnumquam omittit Tacitus. Vide infra cap. 59.

⁴ *Frustra Pulchram præscribi.* Frustra Pulchram obtendi, ipsam, ipsam Agrippinam peti.

⁵ *Oblita Sosiæ.* Sosiæ Gallæ, Siliî uxoris, de quâ supra cap. 19 et 20.

⁶ *Audita hæc.* Hæc à Tiberio audita raram occulti istius pectoris vocem elicuere; correptamque Agrippinam Græco versu admonuit,

*Πεινῶν, ὅτι μὴ τυραννῶν.
 Lædi, quia non regnaret.*

Vide Suetonium in Tiber. LIII. Aristotelem Politic. III. 3.

⁷ *Suo jure.* Jure ac meritò.

etiam eloquentiæ demsit, dum fessâ mente retinet silentii impatientiam.¹

53. AT AGRIPPINA, pervicax iræ, et morbo corporis implicata, cùm videret eam Cæsar, profusis diu ac per silentium lacrymis, mox invidiam et preces orditur: “subveniret solitudini, daret maritum: habilem adhuc juventam sibi; neque aliud probis, quàm ex matrimonio solatium: esse in civitate, qui Germanici conjugem,² ac liberos ejus recipere dignarentur.” Sed Cæsar, non ignarus quantum ex republicâ peteretur;³ ne tamen offensionis aut metûs manifestus foret, sine responso, quamquam instantem, reliquit. Id ego à scriptoribus annalium non traditum, reperi in commentariis Agrippinæ, filiæ:⁴ quæ Neronis, Principis, mater, vitam suam et casus suorum posteris memoravit.

54. CETERUM Sejanus mœrentem et improvidam altiùs perculit: immissis, qui per speciem amicitiae monerent, “paratum ei venenum, vitandas soceri⁵ epulas.” Atque illa, simulationum nescia, cùm propter discumberet,⁶ non vultu aut sermone flecti, nullos attingere cibos; donec advertit Tiberius, fortè, an quia audiverat? idque quo acriùs

¹ *Silentii impatientiam.* Omnes literarum et artium alumnos spectat dictum Horatii, I. Ep. I. 8.

Solve senescentem maturè sanus equum, ne Peccet ad extremum ridendus, et ilia ducat.

Quantum ex suâ auctoritate ob hanc silentii impatientiam perdidit senex Domitius testatur Quintilianus, XII. II. Irridentes dicebant malle cum deficere, quàm desinere.

² *Qui Germanici conjugem.* In Ms. Flor. et libris omnibus editis *esse in civitate—Germanici conjugem.* Supplevi voculam, qui. Illam postulat ipsa rerum series.

Sicque vertunt optimi quique interpretes. Vertranius et Muretus addunt *Agrippinam*; quod redundat: restitui *dignarentur*, Ms. Flor. codicem secutus. Beroaldus et veteres *dignaretur*. Vide not. et emend. ad Annal. IV. 53.

³ *Quantum ex republicâ peteretur.* Summa enim fuisset Agrippinæ ejusque mariti potentia.

⁴ *Agrippinæ, filiæ.* Filiæ Germanici et Agrippinæ. Vide stem. Cæs. n. 93. Ejus commentarios laudat quoque Plinius, VII. 8.

⁵ *Soceri.* Tiberii.

⁶ *Propter discumberet.* Propter Tiberium.

experiretur, poma ut erant adposita laudans, nurui suâ manu tradidit. Aucta ex eo suspicio Agrippinæ, et intacta ore,¹ servis tramisit: nec tamen Tiberii vox coram secuta, sed obversus ad matrem,² “non mirum,” ait, “si quid se-
“verius in eam statuisset, à quâ veneficii insimularetur.” Inde rumor, “parari exitium: neque id Imperatorem pa-
“lam audere, secretum ad perpetrandum quæri.”

55. SED CÆSAR, quò famam averteret, adesse frequens senatui, legatosque Asiæ, ambigentes “quânam in civitate
“templum statueretur,”³ plures per dies audivit. Unde-
cim urbes certabant, pari ambitione, viribus diversæ: neque multum inter se distantia memorabant, “de vetustate ge-
“neris, studio in populum Romanum, per bella Persi⁴ et
“Aristonici⁵ aliorumque regum.” Verum Hypæpeni,⁶
Trallianique,⁷ Laodicens et Magnetibus simul,⁸ tramissi, ut parum validi. Ne Ilienses quidem,⁹ cum “parentem Urbis
“Romæ Trojam” referrent, nisi antiquitatis gloriâ pollebant.

¹ *Intacta ore.* Eadem narrat Suet. in Tiber. LIII. Sed minus accuratè.

² *Ad matrem.* Ad matrem suam Liviam.

³ *Templum statueretur.* De illo templo, Tiberio, Liviae ac senatui ab urbibus Asiæ decreto, dictum supra cap. 15 et 27.

⁴ *Bella Persi.* Bellum cum Perseo, rege Macedonum, cœpit A. U. C. 583. Desiit cum Macedonum imperio anno 586. Vulgò quidem dicitur *Persei*. Sic Plinius, XVII. 25. *Bello Persei*; et Lib. II. 12. *Pridie quàm Perseus rex superatus à Paulo est.* Sallustio tamen Frag. Hist. I. p. 934. memoratur *bellum Persi Macedonicum*. Nec illa genetivi forma apud veteres Grammaticos insolens.

⁵ *Et Aristonici.* Aristonicus, spurcius Eumenis filius, Asiam invasit A. U. C. 623. Eo devicto,

Asia, Romanorum facta, cum opibus suis vitia quoque Romanam transmisit, Justin. XXXVI. 4. Vide et Florum, II. 20.

⁶ *Hypæpeni.* Hypæpa, urbs parva Lydiae ad Hermum fluvium posita; nunc periit. In nummis ΥΠΑΙΠΗΝΩΝ.

⁷ *Trallianique.* Trallis, urbs Cariae, aliis Lydiae, nunc *Sultan-Hisar*. In nummis ΤΡΑΛΛΙΑΝΩΝ.

⁸ *Laodicens et Magnetibus simul.* Laodicea, urbs Phrygiae majoris, nunc *Ladik*. Magnesia ad Sipylum, urbs Lydiae, nunc *Guzel-Hisar*. Dativo utitur Tacitus Græcorum more, qui *ἀμα, simul*, cum hoc casu conjungunt.

⁹ *Ilienses quidem.* In Troade Ilienses veteris Trojæ ruinas habitabant. Vide Strabonem, XIII. p. 393 et seq. Novum illud Ilium adhuc dicitur *Troy*. In nummis ΙΛΙΕΩΝ.

Paulum addubitatum, quòd Halicarnassii ¹ “ mille et ducen-
 “ tos per annos nullo motu terræ nutavisse sedes suas, vi-
 “ voque in saxo ² fundamenta templi” adseveraverant. Per-
 gamenos ³ (eo ipso nitebantur) æde Augusto ibi sitâ, satis
 adeptos creditum. Ephesii, Milesiique, hi Apollinis, illi
 Dianæ cærimoniâ occupavisse civitates visi. Ita Sardianos
 inter, Smyrnæosque deliberatum. Sardiani decretum Etru-
 riæ recitavere, ut consanguinei: nam “ Tyrrhenum Ly-
 “ dumque Atye rege genitos,⁴ ob multitudinem divisisse
 “ gentem: Lydum patriis in terris resedissee; Tyrrheno
 “ datum, novas ut conderet sedes. Et ducum è nominibus
 “ indita vocabula, illis per Asiam, his in Italiâ: auctamque
 “ adhuc Lydorum opulentiam, missis in Græciam populis,
 “ cui mox à Pelope nomen:” ⁵ simul “ literas imperatorum,
 “ et icta nobiscum fœdera bello Macedonum, ubertatemque
 “ fluminum suorum, temperiem cœli, ac dices circùm ter-
 “ ras” memorabant.

56. AT SMYRNÆI,⁶ repetitâ vetustate, “ seu Tantalus
 “ Jove ortus illos, sive Theseus divinâ et ipse stirpe, sive
 “ una Amazonum condidisset,” transcendere ad ea, queis
 maximè fidebant in populum Romanum officiis, missâ na-
 vali copiâ, non modò externa ad bella, sed quæ in Italiâ to-

¹ *Halicarnassii*. Halicarnassus, urbs Doridis, ad sinum Ceramicum, the gulf of Stanco. Nunc castellum est, quod appellatur Bodrun.

² *Vicoque in saxo*. Seque fundamenta templi vivo in saxo locaturos adseveraverant. Stante Trojâ, vel statim eâ eversâ, extitit Halicarnassus, ut patet ex annorum numero.

³ *Pergamēnos*. De Pergamenis, Sardianis, Milesiis et Ephesiis dictum supra Annal. II. 47. III. 61, 63 et 67.

⁴ *Atye rege genitos*. Ergò Tyrrhenorum, seu Etruscorum, Ly-

dorum et Peloponnesiorum una et eadem origo: Communis eorum parens Atys Herculis et Omphales filius. Herodot. I. 94. Dionys. Halicarn. Antiq. Rom. I. 27 et 28. Justin. XX. I. Strabo, V. p. 219. Lydorum opulentiam satis probant immensæ Cræsi divitiæ.

⁵ *A Pelope nomen*. A Pelope tota regio dicta Peloponnesus, nunc Morea. Hanc quoque Λοδὴ Πέλοπος originem celebrat Pindarus, Olymp. Od. I.

⁶ *Smyrnæi*. De Smyrnæis dictum supra Annal. III. 63. In Ms. Flor. *Zmyrnæi, Zmyrnam*.

lerabantur : “ seque primos templum urbis Romæ statuisset, “ M. Porcio consule ; ¹ magnis quidem jam Romani populi “ rebus ; nondum tamen ad summum elatis, stante adhuc “ Punicâ urbe, et validis per Asiam regibus.” Simul “ L. “ Sullam testem” adferebant, “ gravissimo in discrimine exercitûs ob asperitatem hiemis, et penuriam vestis, cùm id “ Smyrnam in concionem nuntiatum foret, omnes, qui “ adstabant, detraxisse corpori tegmina, nostrisque legionibus misisse.” Ita rogati sententiam patres, Smyrnæos prætulere : ² censuitque Vibius Marsus, “ ut M. Lepido, “ cui ea provincia obvenerat, super numerum legaretur, ³ “ qui templi curam susciperet :” et quia Lepidus ipse deligere per modestiam abnuebat, Valerius Naso, è prætoriiis, sorte missus est.

57. INTER quæ, diu meditato, prolatoque sæpiùs consilio, tandem Cæsar iit Campaniam, ⁴ specie dedicandi templi apud Capuam ⁵ Jovi, apud Nola ⁶ Augusto, sed certus procul Urbe degere. Causam abscessûs, quamquam secu-

¹ *M. Porcio consule.* A. U. C. 559. quo M. Porcius Cato et L. Valerius Flaccus consulatum gessere. Urbs verò Punica, Carthago, à Scipione eversa est A. U. C. 608.

² *Smyrnæos prætulere.* Templum illud Tiberio, Liviæ, ac senatui sacrum exhibet æreus Musci nostri nummus : ΣΕΒΑΣΤΗ ΣΥΝΚΛΗΤΟΣ ΣΜΥΡΝΑΙΩΝ ΙΕΡΩΝΥΜΟΥ. *Augusta* Livia, *senatus* Romanus, nummus *Smyrnæorum*, sub magistratu *Hieronymi*. Capita Liviæ et senatûs Romani. In posticâ parte ΣΕΒΑΣΤΩ ΤΙΒΕΡΙΩ ΕΠΙ ΠΕΤΡΩΝΙΟΥ. *Augusto* Tiberio sub *Petronio* proconsule, Templum. In medio stat Tiberius togatus cum sceptro.

³ *Super numerum legaretur.* Cen-

suit Vibius, ut præter certum legatorum numerum, qui proconsulibus adsignabatur, alius super numerum M. Lepido adderetur, qui templi curam susciperet.

⁴ *Iit Campaniam.* Libri omnes editi *Cæsar in Campaniam*. Verbum iit librariorum errore omissum, vel quod verius videtur ex iit natum in. Illas enim præpositiones sæpe negligit Tacitus.

⁵ *Templa apud Capuam.* Ita editio Princeps et recentiores. In ceteris *templum*. Capuam non in dextrâ, sed in sinistrâ Vulturni fluminis, *Voltorno*, olim fuisse, ubi nunc *S. Maria Maggiore*, docet Camillus Pellegrino, *Dell' Antico sito di Capua*, p. 23.

⁶ *Nola.* Hâc in urbe extinctus Augustus, supra *Annal* 1. 5.

tus plurimos auctorum ad Sejani artes retuli,¹ quia tamen, cæde ejus patratâ, sex postea annos² pari secreto conjunxit, plerumque permoveor, num ad ipsum referri verius sit, sævitiam ac libidinem, cùm factis promeret, locis occultantem. Erant qui crederent, in senectute corporis quoque habitum pudori fuisse: quippe illi prægracilis et incurva³ proceritas nudus capillo vertex, ulcerosa facies,⁴ ac plerumque medicaminibus interstincta:⁵ et Rhodi secreto, vitare cœtus, recondere voluptates insuerat. Traditur etiam matris impotentia extrusum, quam dominationis sociam aspernabatur, neque depellere poterat, cùm dominationem ipsam donum ejus accepisset. Nam dubitaverat Augustus Germanicum sororis nepotem, et cunctis laudatum, rei Romanæ imponere: sed precibus uxoris evictus, Tiberio Germanicum,⁶ sibi Tiberium adscivit, Idque Augusta exprobrabat, repositabat.

58. PROPECTIO arcto comitatu fuit: unus senator consularu functus, Cocceius Nerva,⁷ cui legum peritia; eques Romanus, præter Sejanum, ex inlustribus Curtius Atticus:⁸ ceteri liberalibus studiis præditi, fermè Græci,⁹ quorum

¹ *Ad Sejani artes retuli.* Supra cap. 41.

² *Sex postea annos.* Secessit Tiberius A. U. C. 779. Cædes Sejani contigit A. 784. Tiberius adhuc sex annos pari secreto conjunxit, et mortuus est anno 790.

³ *Prægracilis et incurva.* Alium corporis habitum describit Suet. in Tiber. LXVIII. Fuit pro ætatis diversitate diversus.

⁴ *Ulcerosa facies.* Ex his Taciti verbis Hadrianus Valois contendit lucem Veneream morbum esse antiquissimum, eaque inveteratâ infectum fuisse Tiberium. Valesiana, p. 14 et seq. Dissensit olim Menagius; et meritò quidem. Vide not. et emend. ad Ann. iv. 57.

⁵ *Medicaminibus interstincta.*

Vide not. et emend. ad Ann. iv. 57.

⁶ *Tiberio Germanicum.* De his adoptionibus supra Ann. i. 3.

⁷ *Cocceius Nerva.* Cum C. Vibio Ruffino consul suffectus Agrippæ et Galbæ A. U. C. 775. ut accipimus ex inscriptione apud Gruterum, p. 187. n. 13. Cocceium laudat Tacitus, Ann. vi. 26. Nerva: imperatoris pater fuisse creditur. De illustrium equitum nomine dictum supra Annal. ii. 59.

⁸ *Curtius Atticus.* Quem oppressit Sejanus, Annal. vi. 10. ab Ovidio commendatus, ii. de Ponto, Eleg. 4 et 7.

⁹ *Fermè Græci.* Hos convictores Græculos, et Tiberii in eos inclementiam memorat Suet. in Tib.

sermonibus levaretur. Ferebant periti cœlestium, “ iis
 “ motibus siderum excessisse Româ Tiberium, ut reditus
 “ illi negaretur:” unde exitii causa multis fuit, properum
 finem vitæ conjectantibus, vulgantibusque: neque enim tam
 incredibilem casum¹ providebant, ut undecim per annos
 libens patriâ careret. Mox patuit breve confinium artis, et
 falsi; veraque quàm obscuris tegerentur: nam in Urbem
 non regressurum, haud fortè dictum: ceterorum nescii
 egere, cùm propinquo rure, aut littore, et sæpe mœnia
 Urbis adsidens, extremam senectam compleverit.

59. AC FORTE illis diebus oblatum Cæsari anceps pericu-
 lum, auxit vana rumoris: præbuitque ipsi materiem, cur ami-
 citiæ constantiæque Sejani magis fideret. Vescebantur in
 villâ, cui vocabulum *Speluncæ*,² mare Amuclanum³ inter
 Fundanosque montes,⁴ nativo in specu: ejus os, lapsis re-
 pentè saxis, obruit quosdam ministros: hinc metus in omnes,
 et fuga eorum, qui convivium celebrabant. Sejanus genū,
 vultuque,⁵ et manibus super Cæsarem suspensus, opposuit
 sese incidentibus: atque habitu tali repertus est à militibus,
 qui subsidio venerant. Major ex eo; et quamquam exitiosa

LVI. Aderat quoque Chaldaus
 astrologorum, seu mathematico-
 rum, grex, teste Juvenali, Satyr.
 x. 94.

¹ *Incredibilem casum.* Ita Ms.
 Flor. editiones veteres et recentio-
 res. Malè in ceteris *causam*.
 Neque enim providebant fore ut
 Tiberius undecim per annos libens
 patriâ careret. Mox patuit quàm
 breve sit divinationis ac falsitatis
 confinium, quàmque obscuris vera
 tegerentur. Nam haud fortè, nec
 falsò dixerant Tiberium in Urbem
 non regressurum. At ceterorum
 nescios se præstitere, cùm propin-
 quo rure, aut littore, sæpe etiam
 mœnia Urbis adsidens, extremam

senectam compleverit.

² *Vocabulum Speluncæ.* Hæc
 villa in Campaniâ juxta Terraci-
 nam posita, et mari vicina, nunc
Sperlonga. A Suetonio in Tib.
 xxxix. appellatur *prætorium*.

³ *Mare Amuclanum.* Ita dictum
 à vicinâ urbe Amyclis, nunc *the*
Gulf of Gaeta. Fortè scripserat
 Tacitus *Amyclanum*.

⁴ *Fundanosque montes.* Nunc
the Mountains of Fundi.

⁵ *Sejanus genu, vultuque.* Tibe-
 rius, vescentium more, in lecto dis-
 cumbebat. Inde facilè intelligas,
 quomodò Sejanus genu, vultu, et
 manibus super Cæsarem suspensus,
 incidentibus saxis sese opposuerit.

suaderet, ut non sui anxius, cum fide audiebatur. Adsimulabatque judicis¹ partes adversus Germanici stirpem, subditis qui accusatorum nomina sustinerent, maximèque insectarentur Neronem, proximum successioni, et quamquam modestâ juventâ, plerumque tamen quid in præsentiârum conduceret oblitum; dum à libertis et clientibus apiscendæ potentiæ properis, exstimulatur, “ut erectum et fidentem
“animi ostenderet: velle id populum Romanum: cupere
“exercitus: neque ausurum contra Sejanum, qui nunc
“patientiam senis,² et segnitiam juvenis juxta insultet.”

60. HÆC atque talia audienti, nihil quidem pravæ cogitationis, sed interdum voces procedebant contumaces, et inconsultæ; quas adpositi custodes exceptas auctasque cùm deferrent, neque Neroni defendere daretur, diversæ insuper³ solitudinum formæ oriebantur. Nam alius occursum ejus vitare: quidam, salutatione redditâ, statim averti: plerique inceptum sermonem abrumpere; insistentibus contra inidentibusque, qui Sejano fautores aderant. Enimverò Tiberius torvus, aut falsum renidens vultu; seu loqueretur, seu taceret juvenis, crimen ex silentio, ex voce: ne nox quidem secura, cùm uxor⁴ vigilas,

¹ *Adsimulabatque judicis.* Subditis, qui accusatorum nomina sustinerent, maximèque Neronem, Germanici filium, insectarentur, ut accusationes probabiliores faceret, alias firmabat, infirmabat alias; sicque Tiberium inter et Germanici stirpem judicis partes adsimulabat. Quidam emendant *indici partes*. Sed minùs acutè.

² *Patientiam senis.* Patientiam senis Tiberii, et segnitiam juvenis Neronis.

³ *Diversæ insuper.* Nihil hìc mutilum, ut quibusdam placuit; sed sana omnia et integra. Enimverò Neroni jam erant plurimæ formidinis causæ propter voces

suas contumaces et inconsultas, quæ exceptæ auctæque ad Tiberium deferbantur, quasque defendere minimè dabatur. Insuper diversæ solitudinum formæ oriebantur, cùm videret Nero alium, qui ipsius occursum vitaret; quosdam, qui, salutatione redditâ, statim averterentur, pluresque qui sermonem statim abrumperent, insistentibus contra, ipsumque inidentibus, qui Sejano fautores aderant. Insistebant et inridebant, ut Neronem magis ad contumaciam provocarent, novasve solitudines crearent.

⁴ *Cùm uxor.* Julia, Drusi Cæsaris filia. Vide stem. Cæs. n. 74.

somnos, suspiria matri Liviæ, atque illa Sejano patefaceret : qui fratrem quoque Neronis Drusum traxit in partes, spe objectâ principis loci, si priorem ætate et jam labefactum demovisset. Atrox Drusi ingenium, super cupidinem potentia, et solita fratribus odia, accendebatur invidia : quòd mater Agrippina promptior Neroni erat : neque tamen Sejanus ita Drusum fovebat, ut non in eum quoque semina futuri exitii meditaretur ; gnarus præferocem, et insidiis magis opportunum.

61. FINE anni excessere insignes viri, Asinius Agrippa,¹ claris majoribus quàm vetustis, vitæque non degener ; et Q. Haterius² familiâ senatoriâ, eloquentiæ, quoad vixit, celebratæ : monimenta ingenii ejus haud perinde retinentur. Scilicet impetu magis, quàm curâ vigeat : utque aliorum meditatio et labor in posterum valet : sic Haterii canorum illud et profluens, cum ipso simul extinctum est.

A. U. C. 780. J. C. 27.

62. M. LICINIO, L. Calpurnio consulibus,³ ingentium bellorum cladem æquavit malum improvisum : ejus initium simul et finis extitit. Nam cœpto apud Fidenas⁴ amphi-

¹ *Asinius Agrippa*. Quem consulem vidimus supra cap. 34. Auctor claritudinis Pollio, eloquentiâ, et Augusti amicitia, quàm majoribus insignior. Vide stemma Pollionum Annal. III. 75. inter not. et emend.

² *Q. Haterius*. Mortuus est nonagenarius, teste Eusebio in Chronic. Eum celeberrimum suis temporibus oratorem appellat Seneca, Ep. XL. Sed ejus præcipitem dicendo cursum ab homine sano abesse vult. *Numquam dubitavit, numquam intermisit : semel incipiebat, semel desinebat*. De illo D.

Hieronymus, Ep. LXI. ad Pammachium, cap. 4. *Quintus Haterius, ingenium in numero habebat, ut sine monitore tacere non posset. De quo egregiè Cæsar Augustus : Quintus, inquit, noster sufflammandus est : ductâ à curribus comparatione.*

³ *Calpurnio Coss.* M. Licinius Crassus et L. Calpurnius Piso consules fuere A. U. C. 780. J. C. 27.

⁴ *Apud Fidenas*. Pagum Sabinorum Romæ VI M. pass. distantem, nunc *Castello Giubileo*. Perperam in libris editis *apud Fidenam*.

theatro, Atilius quidam¹ libertini generis, quò spectaculum gladiatorum celebraret, neque fundamenta per solidum subdidit, neque firmis nexibus ligneam compagem superstruxit: ut qui non abundantia pecuniæ, nec municipali ambitione, sed in sordida mercede id negotium quæsivisset. Adfluxere² avidi talium, imperitante Tiberio procul voluptatibus habiti, virile ac muliebre secus,³ omnis ætas, ob propinquitatem loci effusiùs: unde gravior pestis fuit, conferta mole, dein convulsâ, dum ruit intus, aut in exteriora effunditur: immensamque vim mortalium, spectaculo intentos, aut qui circum adstabant, præceps trahit, atque operit. Et illi quidem quos principium stragis in mortem adflixerat, ut tali sorte, cruciatum effugere.⁴ Miserandi magis, quos, abruptâ parte corporis, nondum vita deseruerat; qui per diem visu, per noctem ululatibus et gemitu, conjuges aut liberos noscebant. Jam ceteri famâ exciti, hic fratrem, propinquum ille, alius parentes lamentari: etiam quorum diversâ de causâ amici aut necessarii aberant, pavere tamen; neque dum comperto,⁵ quos illa vis perculisset, latior ex incerto metus.

Scriptores omnes *Fidenas* appellant; ipseque Tacitus Hist. III. 79. Straloni quoque, v. l. 230. *Φιδναί*.

¹ *Atilius quidam.* Librariorum incuriâ hæc luxata videntur. Quæ restitueris, si, ut Cl. Ernesto placet, legeris: *Nam Atilius quidam, libertini generis, capto apud Fidenas amphitheatro, quò spectaculum gladiatorum celebraret, neque fundamenta per solidum subdidit, neque firmis nexibus ligneam compagem superstruxit; ut qui non divitiarum suarum abundantia et ostentatione, neque ambitione ut municipalium suorum gratiam ac magistratus obtineret, sed ut sordida mercede quæstum faceret, id negotium quæsivisset.*

² *Adfluxere.* Toto Latio ac

maximè Româ adfluxere, quod non satis attendit veteris Geographiæ peritissimus Brietius, Parallel. de Antiq. Ital. p. 612. Romani eò avidiores spectaculorum, quòd, imperitante Tiberio, procul voluptatibus habiti. Notum de populo Romano dictum Juvenalis Satyr. x. 80.

Duas tantum res anxius optat, Panem et Circenses.

³ *Virile ac muliebre secus.* Id est, virilis ac muliebris sexus. Vide not. et emend. ad Ann. iv. 62.

⁴ *Cruciatum effugere.* Quantum tali sorte licet, cruciatum effugerunt.

⁵ *Neque dum comperto.* Cùmque compertum nondum esset, quos vis illa perculisset, latior erat ex incerto metus.

63. UT cœpere dimoveri obruta; concursus ad exanimos, complectentium, osculantium: et sæpe certamen, si confusior facies, et par forma, aut ætas, errorem agnoscantibus fecerat. Quinquaginta hominum millia,¹ eo casu debilitata, vel obtrita sunt. Cautumque in posterum senatusconsulto, “ne quis gladiatorium munus ederit, cui
“ minor quadringentorum millium res:² neve amphitheatrum imponeretur, nisi solo firmitatis spectatæ.” Atilius in exilium actus est. Ceterum sub recentem cladem patuere procerum domus, fomenta, et medici passim præbiti: fuitque Urbs per illos dies, quamquam mœstâ facie, veterum institutis similis, qui magna post prælia saucios largitione, et curâ sustentabant.

64. NONDUM ea clades exoleverat, cùm ignis violentia Urbem ultra solitum adfecit, deusto monte Cælio:³ “fera-
“ lemque annum” ferebant, “et ominibus adversis susceptum Principi consilium absentiae,” qui mos vulgo, fortuita ad culpam trahentes, ni Cæsar obviam îsset,tribuendo pecunias ex modo detrimenti. Actæque ei grates, apud senatum ab inlustribus, famâque apud populum, quia sine ambitione, aut proximorum precibus, ignotos etiam, et ultro accitos, munificentiam juverat. Adduntur sententiæ, ut mons Cælius in posterum *Augustus* appellaretur:⁴ quandò cunctis circum flagrantibus, sola Tiberii effigies sita in domo Junii senatoris inviolata mansisset. “Evenisse
“ id olim Claudiae Quintæ, ejusque statuum vim ignium

¹ *Quinquaginta hominum millia.* Suet. in Tib. XL. *Apud Fidenas supra viginti hominum millia, gladiatorio munere, amphitheatri ruinâ periisse.* De obtritis Suetonius, de debilitatis et obtritis Tacitus.

² *Quadringentorum millium res.* Quadringentorum millium sester-tiorum, *Angl.* 3333l. 6s. 8d. Ex-

igua pecuniæ summa, ac proinde de annuo reditu intelligenda.

³ *Monte Cælio.* Cælius, unus è septem montibus, et secunda urbis regio.

⁴ *Augustus appellaretur.* Idem testatur Suet. in Tib. XLVIII. Sed pro more suo Tiberio injurius id in reprehensionem vertit.

“bis elapsam,¹ majores apud ædem Matris Deûm conse-
 “cravisse: sanctos acceptosque numinibus Claudios: et
 “augendam cærimoniam loco, in quo tantum in principem
 “honorem Dii ostenderint.”

65. HAUD fuerit absurdum tradere, montem eum antiquitus *Querquetulanum*² cognomento fuisse, quòd talis sylvæ frequens, fœcundusque erat: mox *Caelium* appellatum à Cæle Vibennâ,³ qui dux gentis Etruscæ, cùm auxilium ad bella ductavisset, sedem eam acceperat à Tarquinio Prisco, seu quis alius regum dedit: nam scriptores in eo dissentiunt: cetera non ambigua sunt, magnas eas copias per plana etiam ac foro propinqua⁴ habitavisse, unde *Tuscum vicum* è vocabulo advenarum dictum.

66. SED ut studia procerum, et largitio principis, adversum casum solatium tulerant; ita accusatorum major in dies et infestior vis sine levamento grassabatur: corripueratque Varum Quinctilium,⁵ divitem, et Cæsari propinquum,

¹ *Bis clapsam.* Eadem narrat Valer. Max. i. 8. n. 11. Idque contigisse ait, A. U. C. 643, Naticâ et Bestiâ coss. et 756, Servilio et Lamiâ coss. De Paganorum miraculis dicetur infra Hist. iv. 81. in peculiari dissertatione.

² *Querquetulanum.* Ita dictum à quernâ sylvâ.

³ *A Cæle Vibennâ.* Haud absurdum fuerit hæc tradere; certè minime fuit necessarium: nec ob rem levissimam ab egregiâ in Annalibus brevitate deflectendum. Clariùs etiam Varro de Ling. Lat. iv. p. 14. *Cælius mons à Cælio Vibennâ Tusco, duce nobili, qui cum suâ manu dicitur Romulo renisse anzilio contra Sabinum regem. Hi, post Cælii obitum, quòd nimis munita loca tenerent, neque sine suspitione essent, deducti dicuntur in planum. Ab eis dictus vicus*

Tuscus; et ideo ibi Fortumnus stare, quòd is Deus Etruriæ. Principes de Cæliancis, qui à suspitione liberi erant, traductos volunt in eum locum, qui dicitur Cæliolus. Varroni consentit Dionys. Halicarnass. Antiq. Rom. ii. 36. De hoc Tusco duce plura habet Tabula Lugdunensis, quam edemus infra Annal. xi. 24. Vide et Cl. Gori, Museum Etruscum, Vol. ii. p. 68.

⁴ *Foro propinqua.* Forum inter et montem Cælum. Aliam Tusci vici originem affert Livius, ii. 14. Utrumque scriptorem conciliare haud foret difficile. At hæc antiquiora sunt, et leviora.

⁵ *Varum Quinctilium.* Quinctilii Vari à Germanis superati filium, Germanici generum ut docet Seneca, i. Controvers. 3. Vol. iii. p. 82. Vide et stem.

Domitius Afer, Claudiae Pulchrae, matris ejus, condemnator; nullo mirante, quod diu egens, et parto nuper praemio male usus, plura ad flagitia accingeretur. Publium Dolabellam socium delationis extitisse, miraculo erat, quia claris majoribus, et Varo connexus, suam ipse nobilitatem, suum sanguinem perditum ibat. Restitit tamen senatus, et “op-
“perendum Imperatorem” censuit: quod unum, “ur-
gentium malorum suffugium in tempus erat.

67. AT Cæsar dedicatis per Campaniam templis,¹ quamquam edicto monuisset, “ne quis quietem ejus inrumperet,” concursusque oppidanorum disposito milite prohiberentur; perosus tamen municipia, et colonias, omniaque in continenti sita, Capreas se in insulam² abdidit, trium millium freto ab extremis Surrentini promontorii disjunctam. Solitudinem ejus placuisse maximè crediderim; quoniam importuosum circa mare, et vix modicis navigiis pauca subsidia; neque adpulerit quisquam,³ nisi gnaro custode: cæli temperies⁴ hieme mitis, objectu montis, quo sæva ventorum arcentur: æstas in Favonium obversa, et aperto circum pelago peramœna; prospectabatque pulcherrimum sinum,⁵

Cæs. n. 98. Claudiam Pulchram, Agrippinae sobrinam, à Domitio accusatam vidimus supra cap. 52.

¹ Per Campaniam templis. De quibus supra cap. 57.

² Capreas se in insulam. Plin. III. 6. A Surrento, nunc Sorrento, octo millibus passuum distantes, Tiberii Principis arce nobiles Capreae, nunc Capri, circuitu quadraginta millia passuum. Surrentinum promontorium, nunc Capo della Minerva.

³ Neque adpulerit quisquam. Quam inclemens fuerit Tiberius iis, qui injussi appellerent, docet Suetonius in Tiber. LX. In paucis diebus quam Capreas attigit, pis-

catori, qui sibi secretum agenti grandem mullum inopinanter obtulerat, perfricari eodem pisce faciem jussit Tiberius: territus, quod is à tergo insulae per aspera et devia erepsisset ad se. Gratulanti autem inter panem, quod non et locustam, quam praegrandem ceperat, obtulisset, locustâ quoque lacerari os imperavit.

⁴ Cali temperies. Hieme objectu montis arcebantur boreales venti. Æstate calor temperabatur Favonii, seu occidentalium ventorum, flatibus.

⁵ Pulcherrimum sinum. Sinus ille, quo nullus fortè pulchrior, vulgò dicitur, the Bay of Naples.

antequàm Vesuvius mons ardescens faciem loci verteret.¹ Græcos ea tenuisse, Capreasque Telebois habitatas,² fama tradit. Sed tum Tiberius duodecim villarum nominibus, et molibus insederat;³ quanto intentus olim publicas ad curas, tanto occultos in luxus,⁴ et malum otium resolutus. Manebat quippe suspicionum et credendi temeritas, quam Sejanus augere etiam in Urbe suetus, acriùs turbabat, non jam occultis adversum Agrippinam et Neronem insidiis. Queis additus miles,⁵ nuntios, introitus, aperta, secreta, velut in annales referebat: ultroque struebantur, qui monerent “perfugere⁶ ad Germaniæ exercitus, vel celeberrimo “fori⁷ effigiem divi Augusti amplecti, populumque ac “senatum auxilio vocare.” Eaque sprete ab illis, velut pararent, obijciebantur.

A. U. C. 781. J. C. 28.

68. JUNIO Silano et Silio Nervâ consulibus,⁸ fœdum anni

¹ *Faciem loci verteret.* Hæc clades contigit A. U. C. 832. J. C. 79. Eam Plinius junior describit in epistolis, quas ad Tacitum scripsit de Plinii avunculi sui exitu. Plin. vi. Ep. 16 et 20. Vide testimonia veterum.

² *Telebois habitatas.* Teleboæ olim Acarnaniam, Echinadas aliasque Ionii maris insulas habitavere. Inde profecti Capreas tenere: quas cum occupassent Neapolitani, eas, redditis Pithecusis, nunc *Ischia*, obtinuit Augustus, et ædificiis ornavit, Strabo, v. p. 248. Suetonius in Aug. xcii. Ænariam ab Augusto datam ait. Sed Pithecusæ dictæ sunt quoque Ænaria. Scribendum *Telebois*, non *Thelebois*; Græcè enim Τηλεβοίαι.

³ *Et molibus insederat.* Sed tum Tiberius Capreas insederat, conditis in hæc insulâ villis duo-

decim, quarum ob substructiones ac moles illustria erant nomina. Duodecim hæ villæ à duodecim magnis Diis nomen accepisse videntur. Etenim à Suetonio in Tiber. lxxv. memoratur *villa, quæ vocatur Jovis*.

⁴ *Occultos in luxus.* Vide not. et emend. ad Annal. iv. 67.

⁵ *Queis additus miles.* Agrippinæ et Neroni ad custodiam additus miles. Apertæ enim tunc insidiæ.

⁶ *Qui monerent perfugere.* Ut si parerent, vel etiam probare viderentur, eos rerum novarum cupidus, majestatisque reos facerent.

⁷ *Celeberrimo fori.* Celeberrimo ac frequentissimo foro.

⁸ *Nervâ coss.* Ap. Junius Silanus et P. Silius Nerva consules fuere A. U. C. 781. J. C. 28.

principium incessit, tracto in carcerem inlustri equite Romano, Titio Sabino,¹ ob amicitiam Germanici: neque enim omiserat conjugem, liberosque ejus percolare, sectator domi, comes in publico, post tot clientes unus; eoque apud bonos laudatus, et gravis iniquis. Hunc Latinius Latiaris, Porcius Cato, Petitus Rufus, M. Opsius, præturâ functi, adgrediuntur, cupidine consulatûs; ad quem non nisi per Sejanum aditus: neque Sejani voluntas, nisi scelere quærebatur. Compositum inter ipsos, ut Latiaris, qui modico usu Sabinum contingebat, strueret dolum, ceteri testes adessent: deinde accusationem inciperent. Igitur Latiaris jacere fortuitos primùm sermones: mox laudare constantiam, “quòd non, ut ceteri, florentis domûs amicus, afflictam
“deseruisset:” simul honora de Germanico, Agrippinam miserans, disserebat. Et postquàm Sabinus, ut sunt molles in calamitate mortalium animi, effudit lacrymas, junxit questus; audentiùs jam onerat Sejanum, sævitiam, superbiam, spes ejus: ne in Tiberium quidem convicio abstinet. Iique sermones, tamquam vetita² miscuissent, speciem arctæ amicitiae facere. Ac jam ultro Sabinus quærere Latialem, ventitare domum, dolores suos, quasi ad fidissimum, deferre.

69. CONSULTANT quos memoravi, quonam modo ea plurium auditu acciperentur: nam loco, in quem coibatur, servanda solitudinis facies; et si pone fores adsisterent, metus visûs,³ sonitûs, aut fortè ortæ suspicionis erat. Tectum inter et laquearia, tres senatores, haud minùs turpi latebrâ, quàm detestandâ fraude, sese abstrudunt; foraminibus et rimis aurem admovent. Intereà Latiaris repertum in pub-

¹ *Titio Sabino.* Quem Sejano Tiberioque invisum jam vidimus supra cap. 18. De hoc deplorando Sabini exitu legendus quoque Dio, LVIII. p. 621. Illustris equitis nomen explicatum supra Annal. II. 59.

² *Tamquam vetita.* Species est

et argumentum arctæ amicitiae, vetita colloqui, Muretus emendat fecere. Eleganter, sed non necessariò.

³ *Metus visûs.* Metus erat ne ex visu, ex sonitu, aut aliâ quavis causâ suspicio insidiarum in Sabino oriretur.

lico Sabinum, velut recens cognita narraturus, domum et in cubiculum trahit: præteritaque et instantia, quorum affatim copia, ac novos terrores cumulat. Eadem ille, et diutius; ¹ quanto mœsta, ubi semel prorupere, difficilius reticentur. Properata inde accusatio, missisque ad Cæsarem literis, ordinem fraudis, suumque ipsi dedecus narravere. Non aliàs magis anxia et pavens civitas, egens adversum proximos; ² congressus, colloquia, notæ ignotæque aures vitari: etiam muta atque inanima, tectum et parietes circumspectabantur.

70. SED Cæsar solemnia incipientis anni, Kalendis Januariis, epistolâ precatus; vertit in Sabinum, “corruptos quosdam libertorum, et petitem se” arguens, ultionemque haud obscure poscebat: nec mora, quin decerneretur: et trahebatur damnatus, quantum, obductâ veste, ³ et adstrictis faucibus, niti poterat, clamitans: “Sic inchoari annum, has “Sejano victimas cadere:” quod intendisset oculos, quod verba acciderent, fuga, vastitas: deserui itinera, fora: et quidam regrediebantur, ostentabantque se rursum, id ipsum paventes, quod timuissent. “Quem enim diem va-
“cum pœnâ, ubi inter sacra et vota, quo tempore verbis
“etiam profanis abstinere mos esset, vincla et laqueus indu-
“cantur? Non imprudentem ⁴ Tiberium tantam invidiam

¹ *Eadem ille, et diutius.* Sabinus eadem iterat, quibus Sejanum ipsumque Tiberium jam oneraverat, tantoque diutius, quanto difficilius reticentur mœsta, ubi semel prorupere.

² *Egens adversum proximos.* Eleganter dictum. Non aliàs magis anxia, magis pavens civitas, magis egens cautionis adversum ipsos proximos. Itaque colloquia, congressus, notæ ignotæque aures pariter vitari. Mallet Lipsius, *tegens adversum proximos.* Alii tentant, *satagens, vel etiam.* [Bi-

pontini tueritur *egens* contra interpretum correctiones. Nobis quoque retinendum videtur. Tacitus Græcam dictionem secutus est; quâ ἀποεὶν πρὸς τινα, est anxium esse quomodo te erga aliquem geras. B. C. II. VI. 63. P.]

³ *Obductâ veste.* Veste ori obductâ.

⁴ *Non imprudentem.* Scitum ac prudentem Tiberium tantam invidiam adhibere: id quæsitum meditatumque, ut palam innotesceret novos magistratus posse non modo delubra et altaria ad Deum ho-

“ adiisse : quæsitum meditatumque, ne quid impedire creda-
 “ tur, quominus novi magistratus, quomodò delubra et
 “ altaria, sic carcerem recludant.” Secutæ insuper literæ,
 grates agentis, “ quòd hominem infensum reipublicæ pu-
 “ nivissent :” adjecto, “ trepidam sibi vitam, suspectas ini-
 “ micorum insidias,” nullo nominatim compellato : neque
 tamen dubitabatur in Neronem et Agrippinam intendi.

71. NĪ MIHI destinatum foret, suum quæque in annum
 referre, avebat animus anteire, statimque memorare exitus,
 quos Latinius atque Opsius, ceterique flagitii ejus repertores
 habuere, non modò postquàm C. Cæsar¹ rerum potitus est,
 sed incolumi Tiberio : qui scelerum ministros, ut perverti
 ab aliis² nolebat, ita plerumque satiat, et oblati in eam-
 dem operam recentibus, veteres et prægraves adflixit : ve-
 rùm has atque alias sontium pœnas, in tempore trademus.
 Tum censuit Asinius Gallus, cujus liberorum Agrippina
 matertera³ erat, “ petendum à Principe, ut metus suos se-
 “ natui fateretur, amoverique sineret.” Nullam æquè Ti-
 berius, ut rebatur, ex virtutibus suis, quàm dissimulationem

nones, sed carcerem etiam ad ho-
 minum pœnas recludere. Dum
 ceteris oculatiores videri volunt
 Ryckius et Amelot de la Houssaie,
 tenebras offundunt, et Taciti verba
 pervertunt. Contendunt enim Sa-
 binum non ductum fuisse in car-
 cerem, sed ad supplicium, in co-
 que positam esse Tiberii pruden-
 tiam, cùm illo ipso die novi magis-
 tratus carceres recluderent, et in
 iis detentos liberarent. At Sabinum
 tractum fuisse in carcerem docet
 ipse Tacitus, cap. 68. Ibiq̃ue in-
 terfectum tum narrationis series,
 tum incipientis anni solemnium
 ratio, suadet. Vide et Plinium in
 not. et emend. ad Annal. iv. 70.
 laudatum.

¹ C. Cæsar. Dictus Caligula.

² Perverti ab aliis. Scelerum
 suorum ministros ab aliis perverti,
 et de fortunis suis deturbari nole-
 bat. Aliter, sed minùs probabiliter
 Illustr. Huetius, *nolebat quemquam
 iis uti adversum se, quibus adversum
 alios usus fuerat.*

³ Agrippina matertera. Asinius
 Gallus uxorem duxerat Vipsa-
 niam Agrippinam, Tiberio primùm
 nuptam, M. Agrippæ et Pom-
 ponix filiam, sororem, ex patrè,
 Agrippinæ, Germanici uxoris, quæ
 ex M. Agrippâ et Juliâ, Augusti
 filiâ, erat genita. Inde Agrippina
 filiorum Asinii Galli matertera.
 Vide stem. Cæs. n. 69 et 51. et
 stemma Pollionum, Annal. iii. 75.
 inter not. et emend.

diligebat: eò ægriùs accepit, recludi quæ premeret: sed mitigavit Sejanus, non Galli amore, verùm ut cunctationes Principis aperirentur:¹ gnarus lentum in meditando; ubi prorupisset, tristibus dictis atrocita facta conjungere. Per idem tempus Julia mortem obiit, quam neptem Augustus, convictam adulterii,² damnaverat, projeceratque in insulam Trimetum,³ haud procul Apulis littoribus. Illic viginti annis exilium toleravit, Augustæ ope sustentata: quæ florentes privignos⁴ cùm per occultum subvertisset, misericordiam erga adflictos palam ostentabat.

72. EODEM anno Frisii,⁵ transrhenanus populus, pacem exuere, nostrâ magis avaritiâ, quàm obsequii impatientes. Tributum iis Drusus⁶ jusserat modicum, pro angustîa rerum, “ut in usus militares, coria boum⁷ penderent:” non intentâ cujusquam curâ, quæ firmitudo, quæ mensura; donec Olennius, è primipilaribus,⁸ regendis Frisiis impositus, “terga urorum”⁹ delegit, quorum ad formam acciperentur. Id aliis quoque nationibus arduum, apud Germanos diffici-

¹ *Aperirentur.* Numquam tectior Tiberius, quàm cùm divinationis timidus. Itaque ægerrimè accepit recludi ea, quæ premeret. Sed illum mitigavit Sejanus, non quòd Gallum amaret, verùm ut cunctationes Tiberii aperirentur. Quidam emendant *opperirentur*, alii, et quidem feliciùs, *opperiretur*. Nihil tamen mutaverim, quòd non absurdum, immo elegans sit *aperirentur*. Vide not. et emend. ad Annal. iv. 71.

² *Convictam adulterii.* Cum D. Silano, ut dictum est supra Annal. III. 24.

³ *In insulam Trimetum.* Unam è Diomedæis insulis, nunc *the isle of Tremitti, in the Adriatic*. Scribendum *Trimetum*, non verò *Trimerum*, ut rectè observat Illustr. Pellicerius, veteris Geographiæ scientiâ celeberrimus.

⁴ *Florentes privignos.* Augusti nepotes, Caium, Lucium, Postumum Agrippam, ipsumque Germanicum.

⁵ *Frisii.* Frisii, maris accolæ, Rhenum inter et Amisiam habitabant.

⁶ *Drusus.* Germanici pater. Vide stem. Cæs. n. 79.

⁷ *Coria boum.* Quibus abundat regio, teste Bucherio Belg. Rom. iv. 3.

⁸ *E primipilaribus.* E centuri-
onibus primarum cohortium, seu primus legionis centurio. Vide quæ dicta sunt supra Annal. II. 11.

⁹ *Terga urorum.* Uri, quos Germani *Urohsen* appellant, teste Aldovrando, Quadruped. Bisulc. lib. I. cap. 2. p. 346. boves sunt agrestes, de quibus Plinius, VIII. 15. *Contermina Scythiæ Germania*

liùs tolerabatur, queis ingentium belluarum fêraces saltus, modica domi armenta sunt. Ac primò boves ipsos,¹ mox agros, postremò corpora conjugum aut liberorum, servitio tradebant. Hinc ira et questus; et postquàm non subveniebat, remedium ex bello: rapti, qui tributo aderant milites, et patibulo adfixi. Olennius infensos fugâ prævênit, receptus castello, cui nomen *Flevum*:² et haud spernenda illic civium sociorumque manus littora Oceani præsidebat.

73. QUOD ubi L. Apronio, inferioris Germaniæ proprætore,³ cognitum, vexilla legionum⁴ è superiore provinciâ,⁵ peditumque et equitum auxiliarium delectos accivit: ac simul utrumque exercitum Rheno devectum, Frisiis intulit; soluto jam castelli obsidio, et ad sua tutanda digressis rebellibus. Igitur proxima æstuaria aggeribus et pontibus, traducendo graviori agmini, firmat: atque interim, repertis vadis, alam Canninefatem,⁶ et quod peditum Germanorum inter nostros merebat, circumgredi terga hostium jubet: qui

insignia gignit boum ferorum genera, jubatos bisontes, excellentique et vi et velocitate uros, quibus imperitum vulgus bubalorum nomen imponit, Plura et accuratiora Cæsar de Bello Gall. vi. 28. Uri sunt magnitudine paulo infra elephantos; specie et colore et figurâ tauri. Magna vis est eorum, et magna velocitas; neque homini, neque feræ, quam conspexerint, parcent.

¹ *Ac primò boves ipsos.* Cùm tam magna boum coria pendere non possent, primò boves ipsos, mox agros, postremò corpora conjugum, aut liberorum, servitio tradebant. Ex hac egestate erupit ira et questus. Tandem, cùm questus ipse non subveniret, quæsitum est ex bello remedium. Rapti sunt, qui cogendo tributo aderant, milites, et patibulo adfixi.

Vide not. et emend. ad Ann. iv. 72.

² *Cui nomen Flevum.* Castellum illud Flevo fluvio erat adpositum. Verùm cùm ejus ostia mare occupaverit, periit castellum, sicut tres illæ provinciæ, aquis obrutæ, ubi nunc *Zuyder-zee*. Videtur fuisse inter insulas *Vlieland and Schelling*; ac fortè in ipsâ *Vlieland*.

³ *Proprætore.* L. Apronius, præturâ functus, inferiorem Germaniam, de quâ supra Annal. i. 31. administrabat.

⁴ *Vexilla legionum.* De vexillariis fusè dictum Annal. i. 38. inter not. et emend.

⁵ *E superiore provinciâ.* E Germaniâ superiore.

⁶ *Canninefatem.* Alam Canninefatum, populorum, qui occidentalem insulæ Batavorum partem habitabant. Vide not. et emend. ad Annal. iv. 73.

jam acie compositi pellunt turmas sociales, equitesque legionum subsidio missos. Tum tres leves cohortes; ac rursum duæ; dein tempore interjecto, alarius eques immissus: satis validi, si simul incubuissent: per intervallum adventantes, neque constantiam addiderant turbatis, et pavore fugientium auferebantur. Cethego Labeoni, legato quintæ legionis,¹ quod reliquum auxiliorum tradit: atque ille, dubiâ suorum re, in anceps tractus, missis nuntiis, vim legionum implorabat. Prorumpunt quintani ante alios, et acri pugnâ² hoste pulso, recipiunt cohortes alasque fessas vulneribus. Neque dux Romanus ultum iit, aut corpora humavit; quamquam multi tribunorum præfactorumque, et insignes centuriones³ cecidissent. Mox compertum à transfugis, nongentos Romanorum apud lucum, quem *Baduhennæ*⁴ vocant, pugnâ in posterum⁵ extractâ, confectos: et aliam quadringentorum manum, occupatâ Cruptoricis, quondam stipendiarii,⁶ villâ, postquàm proditio metuebatur, mutuis ictibus procubuisse.

74. CLARUM inde inter Germanos Frisium nomen: dissimulante Tiberio damna, ne cui bellum permetteret. Neque senatûs in eo cura, an imperii extrema dehonestarentur: pavor internus occupaverat animos, cui remedium adulatione quærebatur. Ita, quamquam diversis super rebus consulerentur, “aram Clementiæ, aram Amicitiae, effigiesque “circùm⁷ Cæsaris ac Sejani” censuere: crebrisque preci-

¹ *Quintæ legionis.* Quæ ad Vetera, nunc *Santen*, tendere solebat.

² *Acri pugnâ.* Acris illa pugna inter *Sneeck* and *Leeuwerden* commissa est. De eâ plurima et accuratissima habet *Alting*, Germ. Inf. Antiq. p. 14 et 15.

³ *Insignes centuriones.* Orline et donis militaribus insignes. Vide supra Annal. i. 44.

⁴ *Baduhennæ.* Nunc *Seven*

Wolden, sylva Frisiæ maxima.

⁵ *In posterum.* Pugnâ in posterum diem extractâ; acerrimè enim utrinque dimicatum.

⁶ *Cruptoricis, quondam stipendiarii.* Qui quondam stipendia in exercitu Romano meruerat. Ejus villa in Frisiâ haud procul ab urbe *Sneeck* fuisse videtur.

⁷ *Effigiesque circùm.* Aram Clementiæ, aram Amicitiae, effigiesque Cæsaris ac Sejani circùm aras illas

bus efflagitabant: “visendi sui copiam facerent.” Non illi tamen in Urbem, aut propinqua Urbi degressi sunt: satis visum, omittere insulam, et in proximo Campaniæ aspici: eò venire patres, eques, magna pars plebis, anxii erga Sejanum,¹ cujus durior congressus, atque eò per ambitum, et societate consiliorum parabatur. Satis constabat auctam ei adrogantiam, fœdum illud in propatulo servitium spectanti: quippe Romæ, sueti discursus; et magnitudine Urbis incertum, quod quisque ad negotium pergat. Ibi campo, aut litore jacentes, nullo discrimine, noctem ac diem, juxta gratiam, aut fastus janitorum perpetiebantur: donec idque vetitum, et revenere in Urbem trepidi, quos non sermone, non visu dignatus erat: quidam malè alacres, quibus infaustæ amicitiae gravis exitus imminebat,

75. CETERUM Tiberius neptem Agrippinam,² Germanico ortam, cùm coram Cn. Domitio tradidisset, in Urbe

ponendas censuere. Quasi verò Tiberius ac Sejanus se hostibus clementes, Romanis amicos hâc damnorum dissimulatione probâssent. Hâc quoque arâ mutua Tiberii ac Sejani amicitia consecrabatur.

¹ *Anxii erga Sejanum.* Eò venire patres, equites, magna pars plebis, omnes de Sejani, quàm Tiberii Principis, congressu magis anxii. Difficilior enim erat aditus ac durior: ideoque vel per ambitum, pecunias clargiendo, servos captando, dignitate et nobilitate cedendo, vel per scelus, crucientorum nefariorumque consiliorum societate parabatur. Spectantibus fœdum illud in propatulo servitium, satis constabat auctam esse Sejano arrogantiâ. Erant enim Romæ sueti discursus, et propter Urbis magnitudinem incertum, quod

quisque ad negotium pergeret. Ibi verò jacentes campo, aut litore, nullo conditionis ac dignitatis discrimine, noctem ac diem, juxta gratiam, aut fastus janitorum perpetiebantur. Donec id quoque vetitum est. Et revenere in Urbem trepidi, quos non sermone, non visu dignatus erat Sejanus. Quidam verò malè alacres; illis enim infaustæ amicitiae gravis exitus imminebat. Amicitiae, sceleribus nixæ, prope est pœna.

² *Neptem Agrippinam.* Neptem, non re, sed adoptionis jure. Vide stem. Cæs. n. 93. Agrippinam Tiberius ipse ac præsens Cn. Domitio uxorem tradidit; sed in Urbe celebrari nuptias jussit. In editionibus veteribus aliisque optimæ notæ *celebrari nuptias*. Perperam in quibusdam recentioribus *celebrare*.

celebrari nuptias jussit. In Domitio,¹ super vetustatem generis propinquum Cæsaribus sanguinem delegerat : nam is aviam Octaviam, et per eam Augustum avunculum² præferebat.

¹ *In Domitio.* De hoc pessimo homine, pessimi Neronis patre, vide stem. Cæs. n. 34.

² *Augustum avunculum.* Avun-

culum magnum, ut patet ex stemmate, et ex ipso nomine *Aviæ Octaviæ*. *Magnum* sæpe omittit Tacitus.

celebrated antiquaries in the 17th century, and the
newly discovered antiquities in the 18th century, and the
newly discovered antiquities in the 19th century, and the
newly discovered antiquities in the 20th century.

THE HISTORY OF THE
newly discovered antiquities in the 17th century, and the
newly discovered antiquities in the 18th century, and the
newly discovered antiquities in the 19th century, and the
newly discovered antiquities in the 20th century.

BREVIARIUM

LIBRI QUINTI.

1. *JULIA Augusta moritur.* 2. *Ex eo gravior Tiberii dominatio ; audacior Sejani ambitio. Agrippina et Nero accusantur.* (Ingenti literarum damno periere ferè omnia triennii acta, quæ supplemento, post VI. Annalium librum edendo, explevimus.) 7. *Everso tandem Sejano, in amicos ejus et liberos advertitur.* 10. *Pseudo-Drusus apud Cycladas visus.* 11. *Consulum discordia.*

Hæc triennio gesta.

A. U. C. J. C.

DCCLXXXII. 29. Coss. { L. Rubellio Gemino,
C. Fufio Gemino.

DCCLXXXIII. 30. Coss. { M. Vinicio,
L. Cassio Longino.

DCCLXXXIV. 31. Coss. { Tiberio Augusto V,
L. Ælio Sejano.

C. CORNELII T A C I T I ANNALES.

LIBER QUINTUS.

A. U. C. 782. J. C. 29.

1. RUBELLIO et Fufio consulibus,¹ quorum utrique Geminus cognomentum erat, Julia Augusta² mortem obiit, ætate extremâ,³ nobilitatis per Claudiam familiam,⁴ et adoptione Liviorum Juliorumque clarissimæ. Primum ei matrimonium et liberi fuere cum Tiberio Nerone,⁵ qui bello Perusino⁶

¹ *Fufio coss.* L. Rubellius Geminus et C. Fufius Geminus consulatum gessere A. U. C. 782. J. C. 29. Vide not. et emend. ad Ann. v. 1.

² *Julia Augusta.* Livia, Augusti uxor, appellata est Julia et Augusta, cum in familiam Juliam nomenque Augustæ ab Augusto fuit adsumta, ut dictum est supra Annal. I. 8.

³ *Ætate extremâ.* Nata annos duos et octoginta juxta Plinium, XIV. 6. At verisimilius juxta Dionem annos sex et octoginta, ἡ καὶ ὀγδοήκοντα ἔτη ζήσασα, Dio, LVIII. p. 621. Vide stem. Cæs. n. 66.

⁴ *Claudiam familiam.* Livia erat

gente Claudiâ, pater ejus in familiam Liviam adoptatus, ipsa in Juliam adsumta. Ideo adoptione Liviorum Juliorumque clarissima dicitur. De illâ Velleius, II. 75. *Livia nobilissimi et fortissimi viri Drusi Claudiani filia, genere, probitate, formâ, Romanorum eminentissima.* Vide etiam Dionem, 48. p. 383.

⁵ *Cum Tiberio Nerone.* Quem laudat Vell. Paterc. II. 75. *Tiberius Claudius Nero, prætorius et pontifex, Tiberii Caesaris pater, magni vir animi, doctissimique ingenii.*

⁶ *Bello Perusino.* A. U. C. 714. L. Antonium Perusiæ, nunc Pe-

profugus, pace inter Sex. Pompeium ac triumviros pactâ, in Urbem rediit. Exin Cæsar, cupidine formæ, aufert marito,¹ incertum an invitam, adeò properus, ut ne spatio quidem ad enitendum dato, penatibus suis gravidam induxerit. Nullam posthâc subolem edidit: ² sed sanguini Augusti ³ per conjunctionem Agrippinæ et Germanici adnexa, communes pronepotes habuit: sanctitate domûs⁴ priscum ad morem, comis ultra quàm antiquis fœminis probatum, mater impotens, uxor facilis, et cum artibus mariti, simulatione filii, benè composita. Funus ejus modicum,⁵ testamentum diu inritum fuit: laudata est pro rostris à C. Cæsare⁶ pronepote, qui mox rerum potitus est.

rugia, obsessum in deditionem accepit Octavius. Tiberius Nero, Antonii partes secutus, profugit in Siciliam: dein, pace inter Sex. Pompeium et triumviros pactâ, in Urbem rediit. Fugam Liviæ cum conjuge suo eleganter describit Velleius, loc. cit. Tum fugiens mox futuri sui Cæsaris arma, cujus himum hunc Tiberium Cæsarem, vindicem Romani imperii, futurumque ejusdem Cæsaris filium, gestans sinu, per avia itinerum, vitatis militum gladiis, uno comitante, quo facilius occultaretur fuga, pervenit ad mare, et cum viro Nerone perrecta in Siciliam est.

¹ *Aufert marito.* A. U. C. 716. Vide Dionem, loc. cit.

² *Subolem edidit.* Sueton. in Aug. LXIII. *Ex Liviâ nihil liberorum tulit Augustus, cum maxime cuperet. Infans, qui conceptus erat antequàm uxorem duceret, immaturus est editus.*

³ *Sanguini Augusti.* Agrippina uxor Germanici, neptis erat Augusti; Germanicus, nepos Liviæ. Per conjunctionem Agrippinæ et Germanici adnexa est Livia sanguini

Augusti, et communes pronepotes habuit.

⁴ *Sanctitate domûs.* Hæc breviter, sed elegantissimè et accuratissimè dicta. Quibusdam interpretibus obscura videntur, suo, non scriptoris vitio. Etenim Liviâ fuit sanctitate morum priscum ad morem, comis ultra quàm antiquis etiam fœminis probatum, mater impotens, uxor facilis, atque eò benè composita cum artibus mariti et cum dissimulatione filii. Facilitas uxoris ad varias multiplicesque artes, quibus maritus Augustus imperium obtinuit ac retinuit, voluptariasque suas libidines obtexit, solerter se flectebat. Impotentia matris, quæ dominationis societatem affectabat, egregiè concordabat cum dissimulatione filii, qui minùs imperiosam matrem aut amovisset, aut perdidisset: ita impotentem, et dominationem filii donum suum semper exprobrantem, semperque reposcentem, invitus licèt, tolerabat. De artibus Augusti vide not. et emend. ad Ann. v. 1.

⁵ *Funus ejus modicum.* Vide not. et emend. ad Ann. v. 1.

⁶ *C. Cæsare.* Dicto Caligulâ.

2. AT TIBERIUS, quòd supremis in matrem officiis defuisset, nihil mutatâ amœnitate vitæ, “ magnitudinem negotiorum ” per literas excusavit : honoresque memoriæ ejus ab senatu largè decretos, quasi per modestiam imminuit, paucis admodum receptis, et addito, “ ne cœlestis religio ” decerneretur ; sic ipsam maluisse.” Quin et parte ejusdem epistolæ increpuit “ amicitias muliebres,” Fufium consulem obliquè perstringens : is gratiâ Augustæ floruerat, aptus alliciendis fœminarum animis ; dicax idem, et Tiberium acerbis facetiis inridere solitus : quarum apud præpotentes in longum memoria est.

3. CETERUM ex eo prærupta jam et urgens dominatio : nam incolumi Augustâ, erat adhuc perfugium ; quia Tiberio inveteratum erga matrem obsequium, neque Sejanus audebat auctoritati parentis anteire. Tunc velut frenis exsoluti proruperunt : missæque in Agrippinam ac Neronem literæ, quas pridem adlatas, et cohibitas ab Augustâ, credit vulgus : haud enim multum post mortem ejus recitatae sunt. Verba inerant quæsitâ asperitate : sed non arma, non rerum novarum studium ; “ amores juvenum, et impudicitiam ” nepoti objectabat : in nurum ² ne id quidem confingere ausus, “ adrogantiam oris et contumacem animum ” incusavit, magno senatûs pavore ac silentio : donec pauci, quæis nulla ex honesto spes, ³ et publica mala singulis in occasionem gratiæ trahuntur, “ ut referretur ” postulavere, promptissimo Cottâ Messalino ⁴ cum atroci sententiâ : sed aliis à primoribus, maximèque à magistratibus, trepidabatur : quippe Tiberius, etsi infensè invectus, cetera ambigua reliquerat.

4. FUIT in senatu Junius Rusticus, componendis patrum

¹ *Cœlestis religio.* Vide not. et emend. ad Ann. v. 2.

² *In nurum.* In Agrippinam.

³ *Nulla ex honesto spes.* Ac proinde ex publicis malis occasionem

gratiæ captabant.

⁴ *Cottâ Messalino.* Infra Annal. vi. 5. ut *sævissimæ cujusque sententiæ auctor* arguitur.

actis¹ delectus à Cæsare, eoque meditationes ejus introspicere creditus: is fatali quodam motu (neque enim antè specimen constantiæ dederat) seu pravâ solertiâ, dum, imminuentium oblitus, incerta pavet, inserere se dubitantibus, ac monere consules “ne relationem inciperent:” disserebatque, “brevibus momentis summa verti posse; quandòque “Germanici² stirpem, ubi spatium pœnitentiæ senis, resurgere.” Simul populus effigies Agrippinæ ac Neronis gerens, circumstitt curiam, festisque in Cæsarem ominibus, “falsas literas, et Principe invito exitium domui ejus intendi,” clamat: ita nihil triste illo die patratum. Ferebantur etiam sub nominibus consularium fictæ in Sejanum sententiæ, exercentibus plerisque per occultum, atque eò procaciùs, libidinem ingeniorum: unde illi ira violentior, et materies criminandi, “spretum dolorem Principis ab senatu; “descivisse populum; audiri jam et legi novas conciones, “nova patrum consulta: quid reliquum, nisi ut caperent “ferrum? et quorum imagines pro vexillis secuti forent, “duces imperatoresque deligerent?”

5. Igitur Cæsar, repetitis adversum nepotem et nurum probris, increpitâque per edictum plebe, questus apud patres, “quòd fraude unius senatoris imperatoria majestas elusa “publicè foret, integra tamen sibi cuncta” postulavit: nec ultra deliberatum,³ quominùs, non quidem extrema decernerent, id enim vetitum, sed “paratos ad ultionem vi principis impediri” testarentur⁴—

¹ *Componendis patrum actis.* Vide not. et emend. ad Ann. v. 4. Ibi de Romanorum actis dicitur.

² *Quandòque Germanici.* Vide not. et emend. ad Ann. v. 4.

³ *Nec ultra deliberatum.* Nec ultra deliberatum quominùs decernerent, non quidem extrema; id enim vetitum: sed testarentur se

paratos esse ad ultionem, at vi Principis impediri.

⁴ *Impediri testarentur.* Hic cum summo literarum ac historiæ detrimento perierunt cetera acta anni 782. acta omnia 783. et pleraque anni 784. Ne tot tantarumque rerum memoria aboleretur, pro viribus hanc partem supplevimus. Vide libri v. supplementum.

A. U. C. 784. J. C. 31.

6. QUATUOR et quadraginta orationes super eâ re habitæ, ex quæis ob metum paucæ, plures adsuetudine—" mihi pudorem, aut Sejano invidiam allaturum censui—versa est fortuna, et ille quidem, qui collegam et generum¹ adsciverat, sibi ignoscit: ceteri, quem per dedecora fore, cum scelere insectantur—miserius sit ob amicitiam accusari, an amicum accusare, haud discreverim—non crudelitatem, non clementiam cujusquam experiar, sed liber et mihi ipsi probatus anteibo periculum. Vos obtestor, ne memoriam nostri per mœrorem quàm læti² retineatis, adjiciendo me quoque iis, qui fine egregio publica mala effugerunt."

7. TUNC singulos, ut cuique adsistere, adloqui animus erat, retinens, aut dimittens, partem diei absumsit; multoque adhuc cœtu, et cunctis intrepidum vultum ejus spectantibus, cùm superesse tempus novissimis³ crederent, gladio, quem sinu abdiderat, incubuit. Neque Cæsar ullis criminibus, aut probris, defunctum insectatus est, cùm in Blæsum⁴ multa fœdaque incusavisset.

¹ *Et generum.* Sejanum, olim cum Liviâ matrimonii spe dejectum, ne ad grandiora adspiraret; quam tamen postea illi despondit Tiberius, ut consul, collega, gener, imperio proximus, ferè imperator certius corrueret. Nec emendandum, ut quibusdam placet, *progenerum*, quasi ei desponsata Germanici filia. Vide infra Annal. vi. 8.

² *Quàm læti.* Magis, quàm læti. Id est, vos obtestor ne memoriam

nostri per mœrorem retineatis. At potius læti, me quoque adjicite iis, qui fine egregio publica mala effugerunt. Quis sit ille fortissimus Sejani amicus ignoratur. Vide not. et emend. ad Ann. v. 6.

³ *Tempus novissimis.* Cùm crederent superesse tempus novissimis, nec mortem ita imminere.

⁴ *In Blæsum.* In Junium Blæsum, Sejani avunculum, de quo sæpe libris superioribus.

8. RELATUM inde de P. Vitellio, et Pomponio Secundo : illum indices arguebant, “ claustra ærarii, cui præfectus “ erat, et militarem pecuniam rebus novis obtulisse :” huic à Considio, præturâ functo, objectabatur “ Ælii Galli ami- “ citia, qui, punito Sejano, in hortos Pomponii, quasi fidissi- “ mum ad subsidium, perfugisset :” neque aliud periclitantibus auxilii, quàm in fratrum constantiâ fuit, qui vades extitere :¹ mox, crebris prolationibus, spem ac metum juxta gravatus Vitellius,² petito per speciem studiorum³ scalpro, levem ictum venis intulit, vitamque ægritudine animi finivit. At Pomponius, multâ morum elegantîâ, et ingenio inlustri, dum adversam fortunam æquus tolerat, Tiberio superstes fuit.

9. PLACITUM posthàc, “ ut in reliquos Sejani liberos “ adverteretur ;” vanescente quamquam plebis irâ, ac ple- risque per priora supplicia lenitis. Igitur portantur in carce- rem, filius⁴ imminentium intelligens, puella adeò nescia, ut crebrò interrogaret, “ quod ob delictum, et quò traheretur ? “ neque facturam ultra,” et, “ posse se puerili verbere “ moneri.” Tradunt temporis ejus auctores, “ quia trium- “ virali supplicio⁵ affici virginem inauditum habebatur, à “ carnifice, laqueum juxta, compressam : exin obli- sis fauci- “ bus, id ætatis corpora in Gemonias abjecta.”

¹ *Vades extitere.* Illustres rei non in carcere, sed domibus magis- tratuum, Annal. VI. 3. custodie- bantur ; vel vadibus, seu fidejusso- ribus, tradebantur. De custodiis Romanorum diximus supra Ann. III. 22.

² *Gravatus Vitellius.* Hæc illus- trat Suetonius in Vitell. II. Pub- lius Vitellius Germanici comes Cn. Pisonem inimicum et interfectorem ejus accusavit, condemnavitque : ac post præturæ honorem inter Sejani conscios arreptus, et in custodiam fratri datus, scalpro librario venas sibi incidit : nec tam mortis pæni-

tentiâ, quàm suorum obtestatione, obligari curarique se passus in eadè custodiâ morbo periit. De eo sape supra, ac maximè Annal. III. 10 et 13. Stem. Vitelliorum dabitur infra, Hist. I. 9.

³ *Per speciem studiorum.* Histo- rias scripsisse videtur. Ejus com- mentarii citantur à Tertulliano, de animâ, XLVI.

⁴ *Filius.* Natu minor. Major statim post patris supplicium quasi paternæ conspirationis socius neca- tus videtur.

⁵ *Triumvirali supplicio.* Pompo- nio teste, Digest. I. Tit. II. 30.

10. *PER* idem tempus Asia atque Achaia¹ exterritæ sunt, acri magis, quàm diuturno rumore, “Drusum,² Germanici filium, apud Cycladas insulas, mox in continenti visum:” et erat juvenis haud dispari ætate, quibusdam Cæsaris libertis, velut agnitus, per dolumque comitantibus. Alliciebantur ignari famâ nominis, et promptis Græcorum animis ad nova et mira: quippe “elapsam custodiam,³ pergere ad “paternos exercitus,⁴ Ægyptum aut Syriam invasurum” fingeant simul, credebantque. Jam juventutis concursu, jam publicis studiis frequentabatur, lætus præsentibus et inanium spe; cùm auditum id Poppæo Sabino.⁵ Is Macedoniæ tum intentus, Achaiam quoque curabat. Igitur, quo vera seu falsa anteiret, Toronæum Thermæumque sinum⁶ præfestinans, mox Eubœam,⁷ Ægæi maris insulam, et Pi-

Triumviri capitales, qui carceris custodiam haberent, ut cùm animadverti oporteret, eorum intertentu fieret. At cùm inauditum haberetur virginem strangulari, filiam Sejani prius vitiavit carnifex. Hæc nova et infanda jura queritur Suetonius in Tiber. LXI. Immatura puellæ, quia more tradito nefas esset virgines strangulari, vitiata prius à carnifice, dein strangulata. Sic olim contra leges puerum in ephēbos fuisse relatum, ut necari posset, memorat Dio, XLVII. p. 330. De compressâ Sejani filiâ eundem vide LVIII. p. 628.

¹ *Achaia.* Græcia, ut diximus in not. Annal. IV. 43.

² *Drusum.* Pseudo-Drusum: Cl. Peyssonel, *Observations Historiques et Géographiques sur les Barbares, qui ont habité les bords du Danube et du Pont Euxin.* De vero Druso vide stem. Cæs. n. 83.

³ *Elapsam custodiam.* Quâ clausus fuerat Drusus, Germanici filius, anno superiore. Vide Dionem,

LVIII. p. 623. et infra Annal VI. 23. Nos quoque diximus in suppl. Annal. v. 13 et 14.

⁴ *Ad paternos exercitus.* Supra Annal. II. 53 et 59.

⁵ *Poppæo Sabino.* De illo Mæsiæ, Achaiæ et Macedoniæ præside dictum supra Annal. I. 80.

⁶ *Toronæum Thermæumque sinum.* Toronæus sinus ita dictus ab urbe Torone, nunc *Toron*, à Plinio, IV. 10. appellatus quoque *Mecybernæus*, nunc *the gulf of Casandra*. Sinus verò Thermæus, aut Thermaicus, juxta Plinium, loc. cit. ab urbe Therme, quæ in Thessalonicam, nunc *Salonichi*, transiit, cognominatus, nunc *the gulf of Salonichi*.

⁷ *Eubœam.* Nunc *Negropont*, olim avulsam Bœotiae, tam modico interfluente Euripo, ut ponte jungatur; at tam immodicè septies die ac nocte reciprocanti, ut ventos etiam ac plena ventis navigia frustretur. Vide Plinium, IV. 12. sect. 21. et II. 97. Melam. II. 7.

ræum¹ Atticæ oræ, dein Corinthiense littus,² angustiasque Isthmi evadit: marique alio Nicopolim, Romanam coloniam, ingressus, ibi demum cognoscit, solertiùs interrogatum,³ “quisnam foret,” dixisse, “M. Silano⁴ genitum,” et multis sectatorum dilapsis, ascendisse navem, tamquam Italiam peteret: scripsitque hæc Tiberio: neque nos originem finemve⁵ ejus rei ultra comperimus.

11. EXITU anni, diu aucta discordia consulum⁶ erupit: nam Trio,⁷ facilis capessendis inimiciis, et foro exercitus, “ut segnem Regulum ad opprimendos Sejani ministros” obliquè perstrinxerat: ille, nisi lacesseretur, modestiæ reti-

¹ *Piræum*. Celeberrimum Athenarum portum, nunc *Porto di Leone*; Appellatione sumtâ à grandi leonis marmorei effigie, quæ in ipso portûs aditu adhuc visitur.

² *Corinthiense littus*. Littus illud nunc dicitur *thê gulf of Engia*. Nec Peloponnesum legit Sabinus, sed Cenchræas, nunc *Kenkri* apulsus, angustias isthmi evasit, et mari alio, nunc *the gulf of Corinth*, ingressus est Nicopolim, coloniam Romanam, nunc *Preveza vecchia*. De hac coloniâ Romanâ dictum supra Annal. II. 53.

³ *Solertiùs interrogatum*. Non à judicibus, sed à sectatoribus.

⁴ *M. Silano*. Consule A. U. C. 772. Ann. II. 59. Postea socero Caii Cæsaris, Ann. VI. 20.

⁵ *Neque nos originem finemve*. Hæc Tacito incomperta. Dio et Zonaras quasi sibi comperta recensent, et plurima mentiuntur. Vide not. et emend. ad Ann. v. 10.

⁶ *Discordia consulum*. Trionis et Reguli, consulum suffectorum.

⁷ *Trio*. L. Fulcinus Trio, de quo supra Annal. II. 28. *Celebre inter accusatores Trionis ingenium erat, avidumque famæ malæ*. Ve-

rùm ad illustranda hæc tempora, et quæ in Tacito desiderantur supplenda, nihil utilius est, quàm fragmentum fastorum municipalium è vico S. Pauli prope Nolam, quod à doctissimo Sirmondo se accepisse testatur Gruterus, p. 1087. Inde enim intelligimus Sejani memoriam penitus fuisse oblitteratam, et è fastis erasam, unumque Tiberium Cæsarem dictum fuisse anni hujus consulem: idem patet ex fastis Vindobonensibus, in quibus notatum:

Tiberio Cæsare V. Solo.

Die nonâ Maii suffecti erant consules Faustus Cornelius Sulla et Sexteidius Catullinus. Iis adhuc suffecti, Kalendis Julii, L. Fulcinus Trio, accusator acerrimus, Kalendis Octobris, P. Meminius Regulus, haud ita violentus, non tamen segnis. Periit Sejanus quinto decimo Kalendas Novembris, seu 18. Octobris, ut dicitur infra Annal. VI. 25. Nunc verò fragmentum fastorum municipalium exhibemus, Gruteriano accuratius; qualeque extat in Bibliothecâ nostrâ manu ipsius Sirmondi descriptum:

nens, non modò retudit collegam, sed “ ut noxium conjurationis” ad disquisitionem trahebat. Multisque patrum orantibus, “ ponerent odia in perniciem itura,” mansere infensi ac minitantes, donec magistratu abirent.

SVF. A. PLAVTIVS. L. NONIVS.

T. SALVIVS. PARIANVS. A. TERENTIVS IIIVIR.

SEX. APONIVS, PROCVLVS. Q. NOLLENIVS AED

L. CASSIVS LONGINVS. M. VINICIVS COS.

SVF. C. CASSIVS LONGINVS.

L. NAEVIVS SVRDINVS.

M. SENTIVS RVFVS. Q. VIBIDIVS SEDATVS IIIVIR.

P. SVBIDIVS POLLIO. SEX. PARIANVS. SERENVS. AED.

TI. CAESAR. AVG. V COS.

SVF. VII. ID. MAI. FAVSTVS CORNELIVS SVLLA

SEXTETIDIVS CATVLL. COS.

SVF. K. IVL. L. FVLCINIVS TRIO. COS.

L. OPPIVS PROCVLVS. M. STAIVS FLACCVS IIIVIR. ITER.

M. ATINIVS FLORENS. A. CLVVIVS CELER AED.

SVF. K. OCTOB. P. MEMMIVS REGVLVS. COS.

CN. DOMITIVS AHENOBARBVS COS.

SVF. K. IVL. A. VITELLIVS. COS.

M. VALERIVS POSTVMVS. Q. LVCEIVS CLEMENS. IIIVIR.

C. SENTIVS. SEVERVS. L. IPPELLIVS ATTICVS AED

SER. SVLPICIVS GALBA. L. SVLLA FELIX. COS.

BREVIARIUM

LIBRI SEPTIMI.

1. TIBERII arcanæ et fœdæ libidines. 2. Multorum accusationes. 3. M. Terentii libera et egregia defensio. 4. L. Pisonis, præfecti Urbis, mors et funus. 5. Præfecturæ Urbis origo et progressus. 6. De libro Sibyllæ recipiendo consultatio. 7. Seditio Romæ ob gravitatem annonæ. 8. Quidam equites Romani cadunt conjunctionis crimine. 9. Germanici duæ filiae nuptum datæ L. Cassio et M. Vinicio. 10. Fœneratores accusati; repressa usura. Liberalitate Cæsaris fides multorum refecta. 11. Renovantur majestatis accusationes. 12. Accusati societatis cum Sejano, omnes uno edicto necantur. 13. C. Cæsar Claudiam uxorem accipit. Ejus mores. Tiberius, præceptore Thrasyllō, Chaldæorum artis studiosus, Galbæ imperium prænuntiat. 14. Drusi, Germanici filii, miseranda mors. 15. Æquè luc-

BREVIARIUM.

tuosus Agrippinæ obitus. 26. Nerva, Jureconsultus, inediâ voluntariâ obiit. Aliquot aliorum inlustrium mortes. 28. Phoenix avis in Ægypto visa. 29. Accusationes variæ et mortes. 31. Parthorum legati in Urbem venire, ad novum regem petendum. Tiberius unum, deinde alterum misit. L. Vitellius Orienti præfectus. 33. Prælia inter Armenios et Parthos. Artabanus regno exutus, et in Scythiam profugus, cui Tiridates sufficitur Vitellii consilio et armis. 38. Recrudescit delatorum sævitia. Accusati plurimi occumbunt: nec civium supplicia effugit rex Tigranes. Vitæ finem sibi ponit Æmilia Lepida. 41. Clitæ regi suo rebelles et repressi. Tiridates, Parthorum rex, dissidio procerum pellitur; et Artabanus in regnum iterum accitur. 45. Romæ incendium atrox. 46. Tiberii deliberatio de successore. 50. Ejus morbus, mors et mores.

Hæc gesta annis circiter sex.

A. U. C. J. C.

DCCLXXXV. 32. Coss.	{	Cn. Domitio Ahenobarbo, M. Furio Camillo Scriboniano.
---------------------	---	--

DCCLXXXVI. 33. Coss.	{	Ser. Sulpicio Galbâ, L. Cornelio Sullâ.
----------------------	---	--

BREVIARIUM.

A. U. C. J. C.

DCCLXXXVII. 34. Coss. { Paulo Fabio Persico,
L. Vitellio.

DCCLXXXVIII. 35. Coss. { C. Cestio Gallo,
M. Servilio Noniano.

DCCLXXXIX. 36. Coss. { Sex. Papinio Allenio,
Q. Plautio.

DCCXC. 37. Coss. { Cn. Acerronio Proculo,
C. Pontio Nigrino.

100

231

2

C. CORNELII
TACITI
ANNALES.

LIBER SEXTUS.

A. U. C. 785. J. C. 32.

1. CN. DOMITIUS et Camillus Scribonianus consulatum inierant; ¹ cū Cæsar, tramisso quod Capreas et Surrentum ² interluit freto, Campaniam prælegebat, ambiguus an Urbem intraret; seu, quia contra destinaverat, speciem venturi simulans: et sæpe in propinqua degressus, aditis juxta Tiberim hortis, ³ saxa rursum ⁴ et solitudinem maris repetiit, pudore scelerum et libidinum: quibus adeò indomitis exarserat, ut more regio ⁵ pubem ingenuam stupris pollueret: nec formam tantum et decora corpora, sed in his modestam pueritiam, in aliis imagines majorum, incitamentum cupidi.

¹ *Consulatum inierant.* Cn. Domitius Ahenobarbus et M. Furius Camillus Scribonianus consulatum iniere A. U. C. 785. J. C. 32. Vide not. et emend. ad Ann. vi. 1.

² *Capreas et Surrentum.* Nunc Capri et Surrento. Plura Ann. iv. 67.

³ *Juxta Tiberim hortis.* Horti illi, quos Cæsar dictator populo

Romano legaverat, erant in xiv. Urbis regione, ut dictum supra Ann. ii. 41.

⁴ *Saxa rursum.* Saxa insulæ Caprearum, et solitudinem maris repetiit.

⁵ *More regio.* More regum exterorum. Quam effrena fuerit hæc in re Orientalium et Græcorum regum libido nimis compertum,

nis habebat. Tuncque primùm ignota antè vocabula reperta sunt, *sellariorum* et *spintriarum*,¹ ex fœditate loci ac multiplici patientiâ :² præpositique servi qui quærerent, pertraherent : dona in pronitos, minas adversum abnuentes ; et si retinerent propinquus aut parens, vim, raptus, suaque ipsi libita,³ velut in captos, exercebant.

2. AT ROMÆ principio anni, quasi recens cognitis Liviæ flagitiis,⁴ ac non pridem etiam punitis, atroces sententiæ dicebantur, in effigies quoque ac memoriam ejus : et “ bona Sejani ablata ærario,⁵ ut in fiscum cogerentur,” tamquam referret. Scipiones hæc, et Silani, et Cassii, iisdem fermè, aut paulum immutatis verbis adseveratione multâ censebant ; cùm repentè Togonius Gallus, dum ignobilitatem suam magnis nominibus inserit, per deridiculum auditur. Nam Principem orabat, “ deligere senatores, ex quibus viginti sorte ducti, et ferro accincti, quotiens curiam inisset, salutem ejus defenderent :” crediderat nimirum epistolæ,⁶ “ subsidio sibi alterum ex consulibus” poscentis, “ ut tutus à Capreis Urbem peteret.” Tiberius tamen ludibria seriis permiscere solitus, egit grates benevolentiae patrum : “ sed quos omitti posse ? quos deligi ? semperne eosdem ?

¹ *Sellariorum et spintriarum.* Hæc Principis et naturæ dehonestamenta, quæ etiam appellare pudet, fusiùs recenset Suet. in Tiber. XLIII.

² *Multiplici patientiâ.* Multiplici, si quidem etiam muliebri, ut explicat illustr. Huetius.

³ *Suaque ipsi libita.* Suasque ipsi libidines. Sic infra Annal. XII. 6. *Arripi conjuges ad libita conjugum.*

⁴ *Liviæ flagitiis.* Drusi uxoris, sororis Germanici, in Sejano adulteræ, ejus scelerum et pœnarum sociæ. Vide Suppl. Lib. v. 44.

⁵ *Ablata ærario.* Ærarium populi, fiscus Principis erat, ut patet ex Plinio in Panegy. xxxvi.

Itaque cùm Sejanus non tam oppressi populi, quàm læsæ majestatis reus haberetur, totamque domum imperatoriam perditam voluisset, bona ejus ex ærario ablata, ut in fiscum cogerentur. Hæcque gravissimi senatores Scipiones, Silani, Cassii, adseveratione multâ censuere : parvi tamen referebat ; nam sub Tiberii principatu ærarium, fiscus, ceteraque omnia erant Principis.

⁶ *Crediderat nimirum epistolæ.* Epistolæ Tiberii, poscentis sibi subsidio alterum è consulibus, ut à Capreis discederet, et tutus Urbem peteret. De hac epistolâ vide Suppl. Lib. v. 37.

“ an subinde alios? et honoribus perfunctos,¹ an juvenes?
 “ privatos, an è magistratibus? Quam deinde speciem fore,
 “ sumentium in limine curiæ gladios? neque sibi vitam
 “ tanti, si armis tegenda foret.” Hæc adversus Togo-
 nium, verbis moderans: neque ultra abolitionem sententiæ
 suadere.

3. AT JUNIUM Gallionem,² qui censuerat, “ ut prætori-
 “ ani, actis stipendiis, jus apiscerentur in quatuordecim ordi-
 “ nibus³ sedendi,” violenter increpuit; velut coram, rogi-
 tans, “ quid illi cum militibus,⁴ quos neque dicta Imperato-
 “ ris, neque præmia nisi ab Imperatore accipere par esset?
 “ reperisse prorsus, quod divus Augustus non providerit?
 “ an potiùs discordiam et seditionem à satellite Sejani
 “ quæsitam, quâ rudes animos, nomine honoris, ad cor-
 “ rumpendum militiæ morem propelleret?” Hoc pretium
 Gallio meditatæ adulationis tulit, statim curiâ, deinde Italiâ
 exactus: et quia incusabatur facilè toleraturus exilium, de-
 lectâ Lesbo,⁵ insulâ nobili et amœnâ, retrahitur in Urbem,

¹ *Honoribus perfunctos.* De iis honoribus dicitur Ann. XIII. 25.

² *Junium Gallionem.* Senecæ fratrem, Annal. xv. 73.

³ *In quatuordecim ordinibus.* Ut, actis per annos sexdecim stipendiis, inter equites Romanos in spectaculis sederent. Olim immixtos plebi equites Romanos distinxerat L. Roscius Otho, tribunus plebis, et quatuordecim gradus proximè post patricios adsignaverat, unde spectarent, qui censum haberent quadringenta sestertia, *Angl.* 333*l.* 6*s.* 8*d.* Lex illa infelici paupertati durissima, suadente Cicerone, invaluit, et ab imperatoribus Romanis sæpe confirmata. De his supra Ann. i. 17. *Plin.* vii. 30. xxxiii. 7. *Juvenal.* iii. 152 et seq.

⁴ *Quid illi cum militibus.* Quid Gallioni cum militibus, quos neque

dicta imperatoris, neque præmia nisi ab imperatore accipi par esset? Homunculum reperisse prorsus, quod divus Augustus non providerit! An non potiùs ab illo Sejani satellite quæsitam discordiam et seditionem, quâ, nomine honoris, rudes animos ad corrumpendum militiæ morem propelleret? Singulis prætorianis, quod Sejano se non accommodassent, millia denariorum, *Angl.* 33*l.* 6*s.* 8*d.* largitus erat Tiberius, teste Suetonio in *Tiber.* xlviii. Hæc quidem digna Principe. Indigna verò et pernicioza, quæ censebat Gallio. Illis enim irritabantur legiones, prætorianis jam insensæ; mosque militiæ corrumpebatur. Ipse Augustus militem à populo in spectaculis secreverat, Sueton. in *Aug.* xlv.

⁵ *Delectâ Lesbo.* Lesbos, nunc *Mitylene*, Ægæi maris insula. In-

custoditurque domibus magistratuum.¹ Iisdem literis Cæsar Sextium Paconianum prætorium perculit, magno patrum gaudio, audacem, maleficum, omnium secreta rimantem, delectumque à Sejano, cujus ope dolus C. Cæsari² pararetur: quod postquam patefactum, prorupere concepta pridem odia, et summum supplicium decernebatur, ni professus indicium foret.

4. UT VERÒ Latinium Latiarem ingressus est,³ accusator ac reus juxta invisi, gratissimum spectaculum præbebatur. Latiaris, ut retuli,⁴ præcipuus olim circumveniendi Titii Sabini, et tunc luendæ poenæ primus fuit. Inter quæ Haterius Agrippa consules anni prioris⁵ invasit, “cur mutuâ accusatione intentâ, nunc silerent? metum prorsus et noxiam conscientiæ⁶ pro fœdere haberi: at non patribus reticenda, quæ audivissent.” Regulus “manere tempus ultionis, seque coram Principe exsecuturum:” Trio “æmulationem inter collegas, et si qua discordes jecissent meliùs obliterari,” respondit. Urgente Agrippâ, Sanquinius Maximus,⁷ è consularibus, oravit senatum, “ne curas Imperatoris, conquisitis insuper acerbitatibus augerent: sufficere ipsum statuendis remediis:” sic Regulo salus, et Trioni dilatio exitii quæsita. Haterius invisior fuit, quia

dicto exilii loco, Lesbum pro jure suo delegerat Gallio.

¹ *Domibus magistratuum.* De hoc usu dictum supra Ann. v. 8.

² *C. Cæsari.* Caligulæ.

³ *Ingressus est.* Ut verò Paconianus Latinium Latiarem aggressus est, accusator ac reus juxta invisi, gratissimum spectaculum præbebant. *Ingressus* verò pro *aggressus* non omnino novum. Sic enim Sallustius in Jugurth. XXVIII. *Calpurnius—acriter Numidiam ingressus est.*

⁴ *Ut retuli.* Supra Annal. IV.

68 et 70.

⁵ *Consules anni prioris.* Consules suffectos Trionem et Regulum, de quibus dictum est Annal. v. 11. Haterius Agrippa *propinquus Germanici* appellatur Annal. II. 15.

⁶ *Et noxiam conscientiæ.* Et ipsam noxiam, seu culpam, conscientiæ, quæ se olim, victa crimine, prodiderat, nunc verò silebat, pro fœdere haberi. *Noxia* pro *noxâ* Terentio ceterisque scriptoribus sæpe usurpatum.

⁷ *Sanquinius Maximus.* Præfectus Urbis, et consul suffectus A. U. C. 792. Dio, LIX. p. 649.

somno aut libidinis vigiliis marcidus, et ob segnitiam,¹ quamvis crudelem Principem non metuens, inlustribus viris perniciem, inter ganeam ac stupra, meditabatur.

5. EXIN Cotta Messalinus, sævissimæ cujusque sententiæ auctor, eoque inveteratâ invidiâ, ubi primùm facultas data, arguitur pleraque: “C. Cæsarem quasi incestæ virilitatis,”² et cùm die natali Augustæ inter sacerdotes epularetur, *Novemdialem*³ eam cœnam dixisse: querensque de potentiâ M. Lepidi, ac L. Arruntii, cum quibus ob rem pecuniariam disceptabat, addidisse, “illos quidem senatus, me autem tuebitor Tiberiolus meus:” neque cuncta⁴ à primoribus civitatis revincebatur; iisque instantibus, ad Imperatorem provocavit. Nec multo pòst literæ adferuntur, quibus in modum defensionis, repetito “inter se atque Cottam amicitiae principio, crebrisque ejus officiis” commemoratis, “ne verba pravè detorta, neu convivalium fabularum simplicitas in crimen duceretur,” postulavit.

6. INSIGNE visum est earum Cæsaris literarum initium; nam his verbis exorsus est. “Quid scribam vobis,”⁵ patres conscripti, aut quomodò scribam, aut quid omnino non

¹ *Et ob segnitiam.* Segnes aspernabatur Tiberius. Inde nullus Haterio metus.

² *Quasi incestæ virilitatis.* Vide not. et emend. ad Ann. vi. 5.

³ *Novemdialem.* Die nonâ mortuis parentabant Romani. Inde Cotta *novemdialem* cœnam appellaverat epulas illas, quæ die natali Augustæ celebrabantur. Existimo enim cum illust. Huetio hæc dicta fuisse, cùm adhuc viveret Livia, sed ob senectutem morti proxima, et ferè jam mortua haberetur. Notum enim hoc Syri:

Anus cùm ridet, mortis delicias facit.

Diem natalem Liviae celebratum post mortem fuisse nusquam reperitur. Nec emendandum, ut placuit Lipsio, *die natali Augusti*.

⁴ *Neque cuncta.* Vide not. et emend. ad Annal. vi. 5.

⁵ *Quid scribam vobis.* Idem literarum initium recitat Sueton. in Tiber. LXVI. Illustr. Huetius opinatur hæc scripsisse Tiberium propter senectutem, mortis adventantis nuntiam: ea verò perperam interpretatum esse Tacitum. Libentius crediderim illa conscientiae flagella ex reliquâ epistolâ innuisse. Nec credibile tam gravem scriptorem hæc temerè effutisse.

“ scribam hoc tempore, Dii me Deæque pejus perdant, quàm
 “ perire me quotidie sentio, si scio.” Adeò facinora atque
 flagitia sua ipsi quoque in supplicium verterant. Neque
 frustra præstantissimus sapientiæ¹ firmare solitus est, si re-
 cludantur tyrannorum mentes, posse aspici laniatus et ictus;
 quandò ut corpora verberibus, ita sævitiâ, libidine, malis
 consultis, animus dilaceretur. Quippe Tiberium non for-
 tuna, non solitudines protegebant, quin tormenta pectoris
 suasque ipse pœnas fateretur.

7. Tum factâ patribus potestate statuendi “ de Cæciliano
 “ senatore, qui plurima adversum Cottam promserat,” pla-
 citum “ eandem pœnam inrogari, quam in Aruseium et
 “ Sanquinium, accusatores L. Arruntii:”² quo non aliud
 honorificentius Cottæ evênit; qui nobilis quidem, sed egens
 ob luxum, per flagitia infamis, sanctissimis Arruntii artibus
 dignitate ultionis æquabatur. Quintus Servæus posthâc, et
 Minutius Thermus inducti;³ Servæus, præturâ functus, et
 quondam Germanici comes: Minutius equestri loco, mo-
 destè habitâ Sejani amicitia: unde illis major miseratio:
 contra Tiberius “ præcipuos ad scelera” increpans⁴ admo-
 nuit C. Cestium patrem “ dicere senatui, quæ sibi scripsis-
 “ set;” suscepitque Cestius accusationem: quod maximè
 exitiabile tulere illa tempora, cùm primores senatûs infimas

¹ *Præstantissimus sapientiæ.* So-
 crates, qui hæc marmore et cedro
 digna pronuntiat apud Platonem,
 Lib. ix. de Repub. p. 579. Ὁ τῷ
 ὄντι τύραννος, τῷ ὄντι δῆλος—ἐάν τις ὅλην
 ψυχὴν ἐπίσῃται βιάσασθαι, καὶ φόβου
 γέμων διὰ παντὸς τῷ βίῃ, σφαδασμῶν
 τε καὶ ὀδυνῶν πλήρης. Verè tyran-
 nus, est verè servus—siquis mentem
 ejus introspicere noverit, videbit
 hominem toto vitæ cursu timore
 anxium, solitudinum et dolorum
 plenum.

² *L. Arruntii.* De L. Arruntio
 dictum supra Annal. i. 13. eum

non indignum esse imperio, et si
 casus daretur, ausurum. Ejus ac-
 cusatio, sicut alia plurima libri
 quinti Annalium, periit.

³ *Inducti.* Id est, accusati, seu
 inducti in senatum ad causam di-
 cendam.

⁴ *Præcipuos ad scelera increpans.*
 Contra Tiberius increpans eos
 fuisse præcipuos ad scelera, admo-
 nuit C. Cestium patrem dicere se-
 natui, quæ sibi scripsisset. Sus-
 cepitque Cestius accusationem
 Quinti Servæi et Minutii Ther-
 mi.

etiam delationes exercerent, alii propalam, multi per occultum: neque discerneres alienos à conjunctis, amicos ab ignotis, quid repens,¹ aut vetustate obscurum: perinde in foro, in convivio, quaquâ de re² locuti incusabantur, ut quis praevenire et reum destinare properat; pars ad subsidium sui,³ plures infecti quasi valetudine et contactu. Sed Minutius et Servæus damñati, indicibus accessere.⁴ Tractique sunt in casum eundem Julius Africanus, è Santonis,⁵ Gallicâ civitate, Sejus Quadratus: originem non reperi. Neque sum ignarus à plerisque scriptoribus, omissa multorum pericula et pœnas, dum copiâ fatiscunt; aut, quæ ipsis nimia et mœsta fuerant, ne pari tædio lecturos adficerent, verentur. Nobis pleraque digna cognitū obvenere, quamquam ab aliis incelebrata.

8. NAM eâ tempestate, quâ Sejani amicitiam ceteri falsò exuerant, ausus est eques Romanus, M. Terentius,⁶ ob id reus, amplecti, ad hunc modum apud senatum ordiendo:
 “Fortunæ quidem meæ fortasse minùs expediat agnoscere
 “crimen, quàm abnuere: sed utcumque casura res est,
 “fatebor et fuisse me Sejano amicum, et ut essem expetisse,
 “et postquàm adeptus eram, lætatum. Videram collegam
 “patris, regendis prætoriiis cohortibus; mox Urbis et militiæ munia simul obeuntem: illius propinqui et adfines honoribus augebantur: ut quisque Sejano intimus, ita ad Cæsaris amicitiam validus: contra quibus infensus esset, metu ac sordibus conflictabantur: nec quemquam ex-

¹ *Quid repens.* Repens pro recens à Tacito sæpe usurpatum.

² *Quaquâ de re.* Vide not. et emend. ad Ann. vi. 7.

³ *Pars ad subsidium sui.* Pars accusare properabat ad sui subsidium; plures accusabant, quasi tetrâ accusandi valetudine ac lue infecti.

⁴ *Indicibus accessere.* Accessere indicibus fortasse, ut suigino sup-

plicio se eriperent. Nam ut dictum supra cap. 3. de Paconiano, summum supplicium decernebatur, ni professus indicium foret.

⁵ *Santonis.* Santones, dicti quoque *Santoni*, nunc *Saintonge*, between the Loire and Garonne. Lucan. Pharsal. i. 422.

Gaudetque amoto Santonus hoste.

⁶ *M. Terentius.* Eadem habet Dio, LVIII. p. 633.

“emplo adsumo : cunctos, qui novissimi consilii¹ expertes
 “fuimus, meo unius discrimine defendam. Non enim Se-
 “janum Vulsiniensem, sed Claudiae et Juliae domûs² par-
 “tem, quas adfinitate occupaverat, tuum, Cæsar, generum,
 “tui consulatûs socium, tua officia in republicâ capessentem
 “colebamus. Non est nostrum æstimare, quem supra ce-
 “teros, et quibus de causis extollas. Tibi summum rerum
 “judicium Dii dedere : nobis obsequii gloria relicta est.
 “Spectamus porrò, quæ coram habentur, cui ex te opes,
 “honores, quæ plurima juvandi nocendive potentia : quæ
 “Sejano fuisse, nemo negaverit : abditos Principis sensus,
 “et si quod occultius parat, exquirere, illicitum, anceps :
 “nec ideo adsequare. Ne, patres conscripti, ultimum Se-
 “jani diem, sed sexdecim annos cogitaveritis ; etiam Satri-
 “um atque Pomponium³ venerabamur : libertis quoque ac
 “janitoribus ejus notescere, pro magnifico accipiebatur.
 “Quid ergò ? indistincta hæc defensio et promiscua dabitur ?
 “immo justis terminis dividatur. Insidiæ in rempublicam,
 “consilia cædis adversum Imperatorem, puniantur : de ami-
 “citiâ et officiis, idem finis et te, Cæsar, et nos absolverit.”

9. CONSTANTIA orationis, et quia repertus erat, qui ef-ferret, quæ omnes animo agitabant, eò usque potuere, ut accusatores ejus, additis quæ antè deliquerant, exilio, aut

¹ *Novissimi consilii.* Qui novissimi consilii, quod contra patriam, contra Principem meditatus est Sejanus, expertes fuimus.

² *Claudiae et Juliae domûs.* Sejanus pars erat Claudiae familiae propter filiam suam, Claudii filio desponsatam, Ann. III. 29. pars quoque Juliae, propter sibi destinatam Liviam, Germanici sororem. Scio equidem apud Zonaram, Vol. I. p. 550. memorari Juliam, Drusi filiam, Sejano desponsatam. Sed sublestæ fidei Zonaras. Nec ex

eo emendandus, aut explicandus Tacitus, qui hîc et supra Ann. v. 6. Sejanum, Tiberii generum, non verò prognerum appellat. Et infra cap. 27. satis innuit Juliam numquam fuisse Sejano desponsatam.

³ *Satrium atque Pomponium.* Nefarios Sejani clientes. De Satrio, Cremutii Cordi accusatore, dictum supra Annal. IV. 34. Infra cap. 47. Sejanianæ conjurationis index fuisse dicitur. Vide et Suppl. Libri v. 32.

morte multarentur. Secutæ dehinc Tiberii literæ in Sex. Vestilium prætorium, quem, Druso fratri percarum, in cohortem suam¹ transtulerat. Causa offensionis Vestilio fuit, seu composuerat quædam in C. Cæsarem, ut impudicum, sive ficto habita fides: atque ob id convictu Principis² prohibitus, cùm senili manu ferrum tentavisset,³ obligavit venas: precatusque per codicillos, immiti rescripto, venas resolvit. Acervatim ex eo Annius Pollio, Appius Silanus, Scauro Mamerco simul, ac Sabinio Calvisio, majestatis postulatur, et Vinicianus Pollioni patri adjiciebatur, clari genus, et quidam summis honoribus: contremuerantque patres: nam quotusquisque adfinitatis, aut amicitiae tot illustrium virorum, expers erat? ni Celsus, urbanæ cohortis tribunus, tum inter indices, Appium et Calvisium discrimini exemisset. Cæsar Pollionis, ac Viniciani, Scaurique causam, ut ipse cum senatu nosceret, distulit; datis quibusdam in Scaurum tristibus notis.

10. NE FÆMINÆ quidem exsortes periculi: quæ occupandæ reipublicæ argui non poterant, ob lacrymas incusabantur: necataque est anus Vitia, Fufii Gemini⁴ mater, quodd filii necem flevisset. Hæc apud senatum: nec secus apud Principem, Vescularius Atticus, ac Julius Marinus ad

¹ *In cohortem suam.* In aulicorum, amicorumque suorum cohortem transtulerat. De hac cohorte, vide Sueton. in Tiber. XLVI. in Caio, XIX.

² *Convictu Principis.* Sueton. in Tiber. XLVI. Tiberius, pecuniæ parvus ac tenax, comites peregrinationum expeditionumque numquam salario, cibariis tantum sustentavit.

³ *Ferrum tentavisset.* Cùm ferrum senili manu tentavisset, sectas obligavit venas, vitamque ac veniam per codicillos precatus est. At immiti Tiberii rescripto victus, ve-

nas resolvit et occubuit. Post illum acervatim postulatur læsæ majestatis Annius Pollio, Appius Silanus, Scaurus Mamercus, Sabinus Calvisius; ipse Vinicianus Pollioni patri adjiciebatur, omnes clari genere, et quidam summis honoribus. Hæc quidem brevissima, sed fortè breviora: *precatusque per codicillos, immiti rescripto, venas resolvit.*

⁴ *Fufii Gemini.* Quem consulem, et dicacem vidimus Ann. v. 1 et 2. Interfectus videtur, cùm Livie familiaritates adflixit Tiberius, ut dictum in Suppl. Libri v. 7.

mortem aguntur, è vetustissimis familiarium Rhodum secuti, et apud Capreas individui. Vescularius, insidiarum in Libonem internuntius: ¹ Marino particeps, Sejanus Curtium Atticum ² oppresserat: quo lætiùs acceptum, sua exempla in consultores recidisce. Per idem tempus L. Piso, pontifex, ³ rarum in tantâ claritudine, fato obiit: nullius servilis sententiæ sponte auctor, et quotiens necessitas ingrueret, sapienter moderans. Patrem ei censorium fuisse memoravi: ⁴ ætas ad octogesimum annum processit: decus triumphale in Thraciâ meruerat: sed præcipua ex eo gloria, quòd præfectus Urbi recens, ⁵ continuam potestatem, et insolentiâ parendi graviolem, mirè temperavit.

11. NAMQUE antea, profectis domo regibus, ac mox

¹ *Internuntius.* Internuntius fuerat. De illis in Libonem insidiis, et Vesculario, cui tunc propior cum Tiberio usus erat, dictum supra Ann. II. 28.

² *Curtium Atticum.* De quo supra Ann. IV. 58.

³ *L. Piso, pontifex.* Thracicam ejus expeditionem fusè prosequitur Velleius, II. 98. et subdit: *De quo viro, quem hodieque diligentissimum, atque eundem lenissimum securitatis urbanæ custodem habemus, hoc omnibus sentiendum ac prædicandum est, esse mores ejus vigore ac lenitate mixtissimos, et rix quemquam reperiri posse, qui aut otium validiùs diligit, aut faciliùs sufficiat negotio, et magis, quæ agenda sunt, curet sine ullâ ostentatione agendi.* Hæc quidem eò magis miranda, quòd in ebriosum hominem cadant, de quo Seneca, Ep. LXXXIII. *L. Piso, Urbis custos, ebrius, ex quo semel factus est, fuit. Majorem partem noctis in convivio exigebat: usque in horam sextam ferè dormiebat: hoc erat ejus matutinum. Officium tamen suum, quo tutela Urbis continebatur, diligentissimè*

administravit. Huic et divus Augustus dedit secreta mandata, cum illum præponeret Thraciæ, quam perdomuit: et Tiberius proficiscens in Campaniam, cum multa in Urbe et suspecta relinqueret et invisita. Puto quia illi benè cesserat Pisonis ebrietas, postea Cossum fecit Urbis præfectum, virum gravem, moderatum, sed mersum vino et madentem. Quæ quidem retulisse haud erit inutile, ut quos secretorum suorum participes fecerint Augustus et Tiberius dignoscatur; et singularis quædam virtutis ac vitii societas habeatur.

⁴ *Fuisse memoravi.* In libro quinto Annalium, cujus pars maxima periit. Hic L. Piso, pater, consul fuit A. U. C. 696. censor anno 704. Filiam suam Cæsari collocaverat anno 695. Dio, XXXVIII. p. 63 et 66. XL. p. 150. Vide Suppl. Ann. v. 25.

⁵ *Præfectus Urbi recens.* Demum Urbis præfectus. Fuit enim senator, triumphalis, pontifex, ac demum Urbis præfectus. Nec pro recens emendandum creatus, ut suspicatur Cl. Ernestus.

magistratibus, ne Urbs sine imperio foret, in tempus deligebatur,⁶ qui jus redderet, ac subitis mederetur: feruntque ab Romulo Dentrem Romulium, pòst ab Tullo Hostilio Numam Marcium,¹ et ab Tarquinio Superbo Spurium Lucretium² impositos: dein consules mandabant: duratque simulacrum, quotiens ob ferias Latinas præficitur,³ qui consulare munus usurpet. Ceterùm Augustus bellis civilibus Cilnium Mæcenatem,⁴ equestris ordinis, cunctis apud Romam atque Italiam præposuit. Mox rerum potitus, ob magnitudinem populi, ac tarda legum auxilia, sumsit è consularibus, qui coaceret servitia,⁵ et quod civium⁶ audaciâ turbidum, nisi vim metuat:⁷ primusque Messala Corvinus eam potestatem, et paucos intrâ dies finem accepit,⁸ quasi nescius exercendi. Tum Taurus Statilius, quamquam pro vectâ ætate, egregiè toleravit. Dein Piso,⁹ viginti per annos¹⁰ pariter probatus, publico funere, ex decreto senatûs, celebratus est.

¹ *Numam Marcium.* Regis Ancii Marci patrem, de quo Livius, I. 20. Prorsus vana Merceri emendatio *Numæ N. Marcium*, id est, regem Ancum Marcium *Numæ nepotem*.

² *Spurium Lucretium.* Quem præfectum Urbis memorat Livius, I. 59.

³ *Ob ferias Latinas præficitur.* Ita præfectum vidimus Drusum supra Annal. IV. 36.

⁴ *Cilnium Mæcenatem.* Quem Augustus amicum habuit, et *Cilniorum smaragdum* appellabat, teste Macrobio Saturnal. II. 4. Civiliu bellorum tempore illum Romæ et Italiæ præposuit, ne Urbs et Italia sine imperio foret.

⁵ *Coaceret servitia.* Urbis præfecti primò jus fuit in servitia, postea concessu Principum in omnes cives, ipsosque senatores. Unde cùm Sidonius Apollinaris suam hanc præfecturam in sapphico describeret, IX. Ep. 16. ait:

Accepi capiens honorem

*Qui patrum ac plebis simul unus olim
Jura gubernat.*

⁶ *Et quod civium.* Et cives audaciâ turbidos.

⁷ *Nisi vim metuat.* Tunc enim id curabant urbanarum prætoriarumque cohortium præfecti.

⁸ *Paucos intrâ dies finem accepit.* Paucos quidem intrâ dies; nam *sexto die magistratu se abdicavit*, teste Eusebio in Chronic. ad Olympiad. 188. Finem *redundat*, ait Jos. Scaliger in not. ad Chronic. p. 154. *errore manifesto*. Nihil mutaverim; nec errorem agnosco.

⁹ *Dein Piso.* De quo Plinius, XIV. 22. *Ed vini commendatione credidere L. Pisonem urbis Romæ curæ ab eo, Tiberio, delectum, quoddiduo duabusque noctibus perpotationem continuasset apud ipsum jam Principem.* Eadem Sueton. in Tiber. XLII. Et plura jam diximus capite superiore.

¹⁰ *Viginti per annos.* Rotundè

12. **RELATUM** inde ad patres à Quintiliano, tribuno plebei, “de libro Sibyllæ,”¹ quem Caninius Gallus quindecimvir,² “recipi inter ceteros ejusdem vatis, et eâ de re “senatusconsultum” postulaverat: quo per discessionem facto,³ misit literas Cæsar modicè tribunum increpans, “ignarum antiqui moris ob juventam:” Gallo exprobrabat, “quòd scientiæ cærimoniarumque vetus,⁴ incerto auctore, “ante sententiam collegii, non, ut assolet, lecto per magistros,⁵ æstimatoque carmine, apud infrequentem senatum “egisset.” Simul commonefecit; “quia multa vana sub “nomine celebri vulgabantur, sanxisse Augustum,⁶ quem “intrà diem ad prætorem urbanum deferrentur, neque habere privatim liceret:” quod à majoribus quoque decretum erat, post exustum sociali bello Capitolium, quæsitis

dictum. Tiberius enim principatum adeptus est A. U. C. 767. mense Augusto; et mortuus est Piso A. U. C. 785. Vide not. et emend. ad Ann. VI. 11.

¹ *De libro Sibyllæ.* Plinius, XIII. 13. *Inter omnes convenit Sibyllam ad Tarquinium Superbum tres libros attulisse: ex quibus duo cremati ab ipsâ, tertius cum Capitolio Syllanis temporibus.* Contra verò Dionys. Halicarn. IV. 62. et Gellius, I. 19. tradunt Sibyllam novem libros attulisse; sex ab illâ crematos, et tres fuisse servatos. Sive unus, sive tres fuerint servati, hæc oracula absorpsit incendium Capitolinum A. U. C. 671. L. Scipione et Cn. Norbano coss. Tunc quidem flagrabat civile bellum, quod socialis belli appendix dici potest. Hæc de causâ hic exustum sociali bello Capitolium, et Hist. III. 72. civili bello incensum memoratur.

² *Quindecimvir.* Apud Romanos quatuor præcipua erant sacerdotum collegia: pontificum, augu-

rum, quindecimvirum et aruspicum. Quindecimviri, Sibyllini quoque dicebantur, iisque solis Cumææ Sibyllæ carmina inspicere fas habebatur, teste Lactantio divin. Institut. I. 6. Præter res sacras, ludos etiam curabant, ut dictum supra Ann. III. 64.

³ *Per discessionem facto.* Gellius, XIV. 7. *Senatusconsultum fieri duobus modis: aut per discessionem, si consentitur: aut, si res dubia esset, per singulorum sententias exquisitas: singulos autem debere consuli gradatim, incipique à consulari gradu.*

⁴ *Cærimoniarumque vetus.* Ita Silius, IV. 534.

Gnaros belli, veteresque laborum.

⁵ *Lecto per magistros.* Plin. XXVIII. 2. *Sacri precationem, quâ solet præire quindecimvirum collegii magister, si quis legat, profectò vim carminum fateatur.* Hæc Plinius, impius simul et superstitiosus: quod quidem turpe, minimè tamen insolens.

⁶ *Sanxisse Augustum.* Vide not. et emend. ad Ann. VI. 12.

Samo, Ilio,¹ Erythris, per Africam etiam, ac Siciliam, et Italicas colonias carminibus Sibyllæ, una seu plures fuere, datoque sacerdotibus negotio, quantum humanâ ope potuissent, vera discernere. Igitur tunc quoque notioni quindecimvirum is liber² subjicitur.

13. IISDEM consulibus, gravitate annonæ juxta seditionem³ ventum: multaque, et plures per dies, in theatro licentiùs efflagitata,⁴ quàm solitum adversum Imperatorem: queis commotus, incusavit magistratus patresque, “quòd “non publicâ auctoritate populum coercuissent:” addiditque “quibus è provinciis, et quanto majorem, quàm Augustus, rei frumentariæ copiam advectaret.” Ita castigandæ plebi compositum senatusconsultum, priscâ severitate: neque segniùs consules edixere: silentium ipsius⁵ non civile, ut crediderat, sed in superbiam accipiebatur.

14. FINE anni Geminius, Celsus, Pompeius, equites Romani, cecidere conjurationis crimine. Ex queis Geminius prodigentiâ opum, ac mollitiâ vitæ amicus Sejano, nihil adserium.⁶ Et Julius Celsus, tribunus, in vinclis laxatam ca-

¹ *Quæsitis Samo, Ilio.* Sibyllæ Cumanæ libris igne consumitis, cautum est ne vana sub nomine celebri vulgarentur: missique Samum, Ilium, Erythras, per Africam, Siciliam, et Italicas colonias, qui non modò Cumanæ, sed omnium Sibyllarum reliquias colligerent. De Samo, Annal. iv. 14. De Ilio, Annal. ii. 54. iv. 55. dictum est. Erythræ, urbs maritima Ionie, nunc *Erythri*, prope Chium insulam. Lactantius divin. Institut. i. 6. docet *misos esse Erythras P. Gabinium, M. Otacilium, L. Valerium, qui descriptos à privatis versus circa mille Romanos deportarunt.* Quid valuerint libri Sibyllini, olim penes lectores fuit judicium. Quæ sub

Sibyllarum nomine nunc circumferuntur, malè feriatarum hominum mendacia esse nemo dissitebitur.

² *Is liber.* De quo ad Patres retulerat Quintilianus.

³ *Juxta seditionem.* Fermè usque ad seditionem ventum est.

⁴ *Licentiùs efflagitata.* Summa Romanorum in theatro licentia. In simili annonæ gravitate fuit postea in circo adclamatum: *pone pretium carni humanæ.*

⁵ *Silentium ipsius.* Siluit Tiberius, nec edicto seditionem represit. At ipsius silentium non in humanitatem, ut crediderat, sed in superbiam fuit acceptum.

⁶ *Nihil ad serium.* Geminius amicus fuerat Sejani, qui tamen

tenam, et circumdatam in diversum tendens, suam ipse cervicem perfregit. At Rubrio Fabato, tamquam, desperatis rebus Romanis, Parthorum ad misericordiam fugeret, custodes additi: sanè is repertus apud fretum Siciliae,¹ retractusque per centurionem, nullas probabiles causas longinquæ peregrinationis adferebat. Mansit tamen incolumis, oblivione magis quàm clementiâ.

A. U. C. 786. J. C. 33.

15. SER. GALBA, L. Sullâ consulibus,² diu quæsito, quos neptibus suis maritos destinaret Cæsar, postquàm instabat virginum ætas,³ L. Cassium, M. Vinicium⁴ legit. Vinicio oppidanum genus; Calibus ortus,⁵ patre atque avo consularibus, cetera equestri familiâ erat, mitis ingenio, et comtæ facundiæ. Cassius plebei⁶ Romæ generis, verùm antiqui honoratique, et severâ patris disciplinâ eductus, facilitate sæpiùs quàm industriâ commendabatur. Huic Drusillam, Vinicio Juliam, Germanico genitas, conjungit: superque eâ re senatui scripsit, levi cum honore⁷ juvenum:

nihil serium illi commiserat propter mollitiem et prodigentiam, certissima levissimi ingenii indicia. Eo usus erat Sejanus ad libidinem et luxum; non verò ad seria et facinora.

¹ *Apud fretum Siciliae.* Nunc *the Strait of Messina.*

² *L. Sullâ coss.* Servius Sulpicius Galba et L. Cornelius Sulla consules fuere A. U. C. 786. J. C. 33. Videtur Galbæ prænomen in consulatu fuisse *Lucium*, testè Suetonio in Galb. III. *Lucium mox pro Servio usque ad tempus imperii usurpavit.* Et in tesserâ gladiatorii apud Muratori, Thesaur. Inscript. Vol. I. p. 308. L. SVLL. L. SVLP. *Servii* prænomen occur-

rit tamen in fastis municipalibus, quos edidimus supra Annal. v. 11. not. inf.

³ *Instabat virginum ætas.* Agrippina jam nupta Cn. Domitio, Dio, LVIII. p. 633. ac supra Annal. IV. 75. Drusilla et Julia, quarum ætas instabat, natæ erant, hæc annos quindecim, illa sexdecim. Tacit. Annal. II. 54. Vide stem. Cæs. n. 95 et 97.

⁴ *M. Vinicium.* Vide Ruhnken. ad Vell. Paterc. Lib. I. cap. 8. p. 28.

⁵ *Calibus ortus.* Cales, urbs mediterranea Campaniæ, nunc *Calvi.*

⁶ *Plebei.* Mallem *Plebei.*

⁷ *Levi cum honore.* Tunc Urbem prælegebat Tiberius, nec tamen intravit. Idèò Romæ sine ullo

dein redditis absentiae causis admodum vagis, flexit ad graviora, et offensiones ob rempublicam coeptas: ¹ “utque Macro praefectus, tribunorumque et centurionum pauci, secum introirent, quotiens curiam ingrederetur,” petivit. Factoque largè,² et sine praescriptione generis, aut numeri, senatusconsulto, ne tecta quidem Urbis, adeò publicum consilium numquam adiit, deviis plerumque itineribus ambigans patriam et declinans.

16. INTEREA magna vis accusatorum in eos inrupit, qui pecunias fœnore auctitabant, adversum legem dictatoris Caesaris, quâ “de modo credendi, possidendique ³ intrâ Italiam”

festo apparatu nuptiae peractae sunt, et eo ipso die senatus ac iudicia habita, Dio, LVIII. p. 634.

¹ Ob rempublicam coeptas. Alii, *captas*, alii *susceptas* emendant. Nihil mutandum. Opinosissimus ac suspicacissimus Princeps vel iungebat offensiones, vel coeptas existimabat. Hasque omnes ob nimium suum in rempublicam studium parari contendebat.

² Factoque largè. Patres senatusconsultum fecerunt largissimè, et sine ullâ praescriptione generis, aut numeri, ita ut, quos vellet Tiberius, milites etiam, et quotquot liberet, comites ac custodes adhiberet. At ne Urbis quidem tecta, adeò senatum numquam adiit. Sed deviis plerumque itineribus, quasi ambiguus, ad Urbem accedebat, et statim declinabat. Vide Dionem, loc. cit. *Ambigens patriam*, singulariter dictum, sed eleganter. Quis damnare audeat?

³ De modo credendi, possidendique. Cum aes alienum, immensum crevisset civilibus bellis, et fides totâ Italiâ esset angustior, neque credite pecuniae solverentur, Julius Caesar, A. U. C. 706. constituit, ut arbitri daren-

tur: per eos fierent aestimationes possessionum et rerum, quanti quaque earum ante bellum fuissent, atque ea creditoribus transderentur, Caesar de Bello Civ. III. 1. Ita tamen creditoribus traditæ, ut prius deductum fuerit *summae aëris alieni si quid usurae nomine numeratum aut perscriptum fuisset: quâ conditione quarta pars ferè crediti deperibat*, Sueton. in Jul. XLII. Hæc quidem de modo credendi; nunc verò quod ad possessionem spectat: cum plurimi magnam pecuniae vim asservarent, ac occultarent, edixit ne quis argento vel auro plusquam sexaginta sester tia, *Angl.* 500*l.* possideret: Ἐπειδὴ τε οὐχοὶ πολλὰ χρέματα τε ἔχειν καὶ πάντα αὐτὰ ἀποκρύπτειν ἐλπίοντο, ἀπηγόρευσε μηδὲνα πλείον πεντακισχιλίων καὶ μυρίων δραχμῶν ἐν ἀργυρίῳ ἢ χρυσίῳ κεκτῆσθαι, Dio, XLI. p. 171. Meursius, de luxu Romanorum, cap. 1. apud Grævium, Thesaur. Antiq. Vol. VIII. col. 1223. pro πεντακισχιλίων emendat πεντακοσιακισχιλίων, quod tum linguae Graecae, tum Juliae legi repugnat. Summa enim πεντακοσιακισχιλίων, efficeret ducenta sester tia, *Angl.* 1666*l.* 13*s.* 4*d.*

cavetur ; omissam olim,¹ quia privato usui bonum publicum postponitur. Sanè vetus Urbi fœnebre malum,² et seditio-
num discordiarumque creberrima causa : eòque cohibebatur antiquis quoque et minùs corruptis moribus. Nam primò duodecim tabulis³ sanctum, “ ne quis unciario fœnore am-
“ pliùs exerceret,” cùm antea ex libidine locupletium⁴ agi-
taretur : dein rogatione tribunicia, ad semuncias redacta :
postremò vetita versura :⁵ multisque plebis scitis obviam
itum fraudibus, quæ totiens repressæ, miras per artes rur-
sum oriebantur. Sed tum Gracchus Prætor, cui ea quæs-
tio evenerat, multitudine periclitantium subactus, retulit ad
senatum : trepidique patres (neque enim quisquam tali
culpâ vacuus⁶) veniam à Principe petivere : et concedente,
annus in posterum, sexque menses dati, quæ secundùm
jussa legis,⁷ rationes familiares quisque componerent.

17. HINC inopia⁸ rei nummaria, commoto simul om-

¹ *Omissam olim.* Novam legem non tulerat Cæsar, sed antiquatam revocaverat. Vide Dionem, loc. cit.

² *Vetus Urbi fœnebre malum.* Vide not. et emend. ad Ann. VI. 17. Ibi plurima de fœnore.

³ *Duodecim tabulis.* Cl. de Montesquieu, *Esprit des Loix*, XXII. 22. Tacitum errare, et legem de fœnore primùm latam esse A. U. C. 397. pronuntiat. Mihi Taciti ac jurisconsultorum potior videtur auctoritas. Nec credibile XII tabulas de fœnore nihil sanxisse.

⁴ *Ex libidine locupletium.* Tunc multiplex sors exsolvebatur, *mergentibus semper sortem usuris*, Livius, VI. 14.

⁵ *Vetita versura.* *Versuram* pro *usurâ* accepit Tacitus, quemadmodùm et Tullius ad Atticum, v. Ep. 21. *Salaminii cùm Romæ versuram facere vellent, non poterant ; quod lex Gabinia vetabat.*

⁶ *Tali culpâ vacuus.* Divites Romani non modò Romæ, sed etiam in provinciis fœnerabantur. Inde ingentes ac stupendæ eorum divitiæ. Inde quoque provinciarum rebelliones, cùm magnitudine aris alieni essent obrutæ, supra Annal. III. 40.

⁷ *Secundùm jussa legis.* Jussa legis Juliæ, à Tiberio renovatæ.

⁸ *Hinc inopia.* Rebus ita constitutis, summa fuit rei nummaria inopia, cùm commoveretur simul omnium æs alienum, et maxima argenti signati, *Angl. coin*, vis fisco Principis, vel ærario populi, tot civibus damnatis, bonisque eorum divenditis, attineretur. Quam ob rem senatus præscripserat, ut quisque fœnerator duas fœnoris partes, *Angl. two-thirds of his capital*, in agris per Italiam collocaret, et *debitores totidem aris alieni* partes statim solverent, Sueton. in Tiber. XLVIII. At nec ita subventum.

nium ære alieno; et quia tot damnatis, bonisque eorum divenditis, signatum argentum fisco, vel ærario attinebatur: ad hoc senatus præscripserat, “duas quisque fœnoris partes “in agris per Italiam collocaret.” Sed creditores in solidum appellabant: nec decorum appellatis, minuere fidem. Ita primò concursatio, et preces; dein strepere prætoris tribunal: eaque, quæ remedio quæsita, venditio, et emtio, in contrarium mutari; quia fœneratores omnem pecuniam mercandis agris condiderant. Copiam vendendi secutâ vilitate, quanto quis obæratior, ægriùs distrahebant; multique fortunis provolvebantur: eversio rei familiaris dignitatem ac famam præceps dabat: donec tulit opem Cæsar, disposito per mensas millies sestertio, factâque mutuandi copiâ sine usuris per triennium, si debitor populo in duplum prædiis cavisset. Sic refecta fides; et paulatim privati quoque creditores reperti: neque emtio agrorum exercita ad formam senatusconsulti, acribus, ut fermè talia, initiis, incurioso fine.

18. DEIN redeunt priores metus, postulato majestatis

Nam non in duas tantùm partes, sed juxta ipsa legis jussa in solidum appellabant creditores. Neque decorum erat appellatis, fidem minuere. Itaque primò debitorum concursare, precari; deinde strepere Gracchi, prætoris, tribunal. Quin immo ea ipsa, quæ remedio fuerant quæsita, venditio scilicet et emtio, in contrarium mutabantur. Fœneratores enim omnem pecuniam, ut agros viliùs mercarentur, condiderant. Prætercâ vendendi copiam secuta erat vilitas; et quanto quis obæratior, tanto ægriùs distrahebat, ac tandem necessitate victus agros suos minimo pretio collocare tenebatur. Multi igitur fortunis provolvebantur. Eversio rei familiaris dignitatem ac famam præceps dabat. Donec tot malis opem tulit Tiberius,

dispositis per mensas millies sestertiis, *Angl.* 833,333*l.* 6*s.* 8*d.* et factâ mutuandi copiâ sine usuris per triennium. Id unum cautum est, ut debitor assignaret populo prædia in duplum summæ, quam mutuabatur. Sic refecta est fides: et paulatim privati quoque creditores reperti sunt. Neque emtio agrorum exercita est ad perniciosam senatusconsulti formam. Tiberianæ legis acria, ut fermè in talibus, fuere initia, incuriosus verò finis. Reverà numquam graviore usuræ, quàm postea extitere. In hac inclementiâ, *civilis ac modica* habebatur usura ex semisse, *Angl.* *six per cent.* *Plin.* XIV. 4. Legitima verò centesima, *Angl.* *twelve per cent.* Vide eruditum Brissonium, *Select. Antiq. ex jure civil.* III. 1.

Considio Proculo : qui nullo pavore diem natalem celebrans, raptus in curiam, pariterque ¹ damnatus interfectusque : et sorori ejus Sanciae aqua atque igni interdictum, accusante Q. Pomponio. Is moribus inquires, “ hæc et hujuscemodi à se “ factitari” prætendebat, “ ut, partâ apud Principem gratiâ, “ periculis Pomponii Secundi² fratris mederetur.”³ Etiam in Pompeiam Macrinam exilium statuitur, cujus maritum, Argolicum,⁴ socerum, Laconem, è primoribus Achæorum, Cæsar adflixerat. Pater quoque inlustris eques Romanus, ac frater prætorius, cùm damnatio instaret, se ipsi interfecere: datum erat crimini, “ quòd Theophanem Mitylenæum⁵ proavum eorum, Cn. Magnus inter intimos “ habuisset: quòdque defuncto Theophani, cœlestes honores “ Græca adulatio tribuerat.”

19. Post quos Sex. Marius,⁶ Hispaniarum ditissimus,

¹ Pariterque. Et simul.

² Pomponii Secundi. Cui obiectabatur Ælii Galli amicitia, ut dictum supra Annal. v. 8.

³ Mederetur. Homo nequissimus, qui sceleribus se pium probat.

⁴ Argolicum. Argolicum, Iaconem, ut nomina propria, non verò patria, vertunt optimi interpretes.

⁵ Theophanem Mitylenæum. Locum hunc egregiè illustrat Strabo, XIII. p. 617 et 618. ὁ συγγραφεὺς Θεοφανῆς. ἕτος δὲ καὶ πολιτικὸς ἀνὴρ ὑπῆρξε, καὶ Πομπηίᾳ τῷ Μάρκῳ κατέστη φίλος, μάλιστα διὰ τὴν ἀρετὴν αὐτῆν, καὶ πάσας συγκατέβησεν αὐτῇ τὰς πράξεις· ὡς ὅν τὴν τε πατρίδα ἐκόσμησε, τὰ μὲν δι' ἐκείνη, τὰ δὲ δι' ἑαυτῆ· καὶ ἑαυτὸν πάντων Ἑλλήνων ἐπιφανέστατον ἀνέδειξεν· υἱὸν τε ἀπέλιπε Μάρκον Πομπηίον, ἐν τῇς Ἀσίας ἐπίσκοπον κατέστησε ποτε Καίσαρ ὁ Σέβαστος· καὶ νῦν ἀετιάζεται τῶν Τιβερίου φίλων. Ex urbe Mitylene prodit scriptor Theophanes, vir rei politici peritus,

cum Pompeio Magno propter suam virtutem conjunctissimus, omniumque ejus præclarorum facinorum socius. Sicque partim Pompeii, partim suâ ipsius operâ patriam ornavit, seque omnium Græcorum illustrissimum præstitit. Filium reliquit Marcum Pompeium, quem Cæsar Augustus Asiæ procuratorem constituit, nunc inter primos Tiberii amicos censetur. Vide et Velleium, II. 18. Hic itaque Theophanes proavus, filius ejus M. Pompeius avus. Mitylene, urbs Lesbûs insulæ.

⁶ Sextus Marius. Sextus Marius, Tiberii amicus, filiam suam, eximiâ oris venustate commendabilem, ablegaverat ne à Principe pollueretur. Ipse illam incestâsse defertur, et è rupe Tarpeiâ præceps dejicitur, Dio, LVIII. p. 635. Tarpeia illa rupes, pars Capitolini montis, et Tiberim spectans, adhuc alta palmos Romanos 80 visitur. Ficoroni, Roma Antica, I. 10.

defertur “incestâsse filiam,” et saxo Tarpeio dejicitur: ac ne dubium haberetur, magnitudinem pecuniæ malo vertisse, aurariasque ejus,¹ quamquam publicarentur, sibimet Tiberius seposuit. Inritatusque suppliciis,² cunctos, qui carcere attinebantur, accusati societatis cum Sejano, necari jubet. Jacuit immensa strages: omnis sexus, omnis ætas: inlustres, ignobiles: dispersi, aut aggerati: neque propinquis, aut amicis adstistere, inlacrymare, ne visere quidem diutiùs dabatur; sed circumjecti custodes, et in mœrorem cujusque intenti, corpora putrefacta adsectabantur,³ dum in Tiberim traherentur: ubi fluitantia, aut ripis adpulsa, non cremare quisquam, non contingere. Interciderat sortis humanæ commercium vi metûs: quantumque sævitia glisceret, miseratio arcebatur.

20. SUB idem tempus C. Cæsar,⁴ discedenti Capreas avo comes, Claudiam,⁵ M. Silani filiam, conjugio accepit; immanem animum subdolâ modestiâ tegens, non damnatione matris, non exilio fratrum ruptâ voce; qualem in diem⁶ Tiberius induisset, pari habitu, haud multùm distantibus verbis. Unde mox scitum Passieni oratoris dictum percrebuit, “Neque meliorem unquam servum, neque “deteriorem dominum fuisse.” Non omiserim præsa-

¹ *Aurariasque ejus.* Quam ferax auri fuerit Hispania docet Plinius, XXXIII. 4. Sect. 21. *Vicena millia pondo, Angl. 900,000l. ad hunc modum annis singulis Asturiam atque Gallæciam, et Lusitaniam præstare quidam prodiderunt, ita ut plurimum Asturia gignat. Neque in aliâ parte terrarum tot seculis hæc fertilitas.*

² *Inritatusque suppliciis.* Tot hominum suppliciis irritabatur imitior Tiberius. Animos magis ac magis effierat crudelitatis assuetudo.

³ *Adsectabantur.* Putrefacta illa corpora comitabantur, dum è

carcere unco detracta in Tiberim projicerentur.

⁴ *C. Cæsar.* Dictus Caligula.

⁵ *Claudiam.* Quam Suetonius in Caio, XII. *Juniam Claudillam* appellat. Vide stem. Cæs. n. 87.

⁶ *Qualem in diem.* Perperam in libris editis, *qualem diem.* Librariorum errore in excidisso optimè vidit Illustr. Huetius. Caius, ad adulationem compositus, pari erat habitu, qualem Tiberius in diem induisset, neque multùm distantibus verbis, ita ut avum suum referre videretur. Quâ arte ad devinciendos senes nulla melior ac certior potest excogitari.

gium Tiberii, de Ser. Galbâ, tum consule: quem accitum, et diversis sermonibus pertentatum, postremò Græcis verbis¹ in hanc sententiam adlocutus; “ Et tu, Galba, quandoque degustabis imperium:” seram ac brevem potentiam significans, scientiâ Chaldæorum artis, cujus apiscendæ, otium apud Rhodum, magistrum Thrasyllum,² habuit, peritiam ejus hoc modo expertus.

21. QUOTIENS super tali negotio consultaret, editâ domûs parte, ac liberti unius conscientiâ utebatur: is literarum ignarus, corpore valido, per avia ac derupta (nam saxis domus imminet) præibat eum, cujus artem experiri Tiberius statuisset; et regredientem, si vanitatis aut fraudum suspicio incesserat, in subjectum mare præcipitabat, ne index arcani existeret. Igitur Thrasyllus iisdem rupibus inductus, postquàm percunctantem commoverat, imperium ipsi, et futura solerter patefaciens: interrogatur, “ an suam quoque genitalem horam comperisset, quem tum annum, “ qualem diem haberet?” Ille positus siderum, ac spatia dimensus, hæcere primò, dein pavescere, et, quantum introspiceret, magis ac magis trepidus admirationis et metûs, postremò exclamat, “ ambiguum sibi ac prope ultimum “ discrimen instare.” Tum complexus eum Tiberius, “ præscium periculorum, et incolumem fore” gratatur; quæque dixerat, oraculi vice accipiens, inter intimos amicorum tenet.

22. SED mihi hæc, ac talia audienti, in incerto iudicium est, fatone res mortalium et necessitate immutabili, an fortè volvantur: quippe sapientissimos veterum,³ quique sectam

¹ *Græcis verbis.* Quæ ita effert Dio, LVII. p. 616. καὶ οὐ ποτὶ τῆς ἡγεμονίας γεύσῃ. Paulo aliter Sueton. in Galb. iv. Sed errat, dum ea ab Augusto dicta contendit. Tacito enim consentiunt Josephus Antiq. Judaic. XVIII. 6. n. 9. et

Dio, loc. cit.

² *Magistrum Thrasyllum.* Magistrum illum, artis Chaldæorum peritissimum, laudant Sueton. in Aug. xcviii. Dio, lv. p. 555. LVII. p. 612. et LVIII. p. 638.

³ *Sapientissimos veterum.* Proh

eorum æmulantur, diversos reperies, ac multis insitam opinionem, “ non initia nostri, non finem, non denique homines Diis curæ. Ideo creberrimè tristia in bonos, læta apud “ deteriores esse.” Contra alii, “ fatum quidem congruere “ rebus” putant, “ sed non è vagis stellis, verùm apud “ principia, et nexus naturalium causarum:” ac tamen “ electionem vitæ” nobis relinquunt; “ quam ubi elegeris, “ certum imminantium ordinem: neque mala, vel bona, “ quæ vulgus putet: multos, qui conflictari adversis videantur, beatos; ac plerosque, quamquam magnas per opes, “ miserrimos: si illi gravem fortunam constanter tolerant, “ hi prosperâ inconsultè utantur.” Ceterùm plurimis mortalium non eximitur,¹ quin “ primo cujusque ortu “ ventura destinentur: sed quædam secus quàm dicta sint “ cadere, fallaciis ignara dicentium: ita corrumpi fidem “ artis,² cujus clara documenta, et antiqua ætas et nostra “ tulerit.” Quippe à filio ejusdem Thrasylli, prædictum Neronis imperium, in tempore memorabitur,³ ne nunc incepto longiùs abierim.

23. IISDEM consulibus, Asinii Galli⁴ mors vulgatur,

sapientes homines! Cæcâ Epicuræ sortis, Stoicive fati, aut necessitatis immutabilis nocte voluntur, dum splendidam Dei, rerum hominumque conditoris sapientissimi, assidui rectoris, oppressarum virtutum superborumque scelerum, ut æternum decet vindicem, patientis, lucem aversantur. Inexplicabilia principia, nexus naturalium causarum, certos imminantium ordines, aliaque inaudita contingunt, sibi que inconditis verbis illudunt, ut errori et voluptatibus patrocinentur. Quodque luctuosissimum est anilia hæc deliria, superstitionis et libidinis plena, acerrimos animos perverte-

runt. Utinam neminem adhuc perverterent!

¹ *Non eximitur.* Non eximitur hæc opinio.

² *Corrumpi fidem artis.* Veriùs de hujus artis professoribus, infra Hist. i. 22. *Genus hominum potentibus infidum, sperantibus fallax, quod in civitate nostrâ et retabitur semper et retinebitur.*

³ *In tempore memorabitur.* Hoc periit.

⁴ *Asinii Galli.* De hoc illustrissimo viro, tot consularium parente, dictum supra Annal. iii. 75. Ejus casus ac mortem fusè narrat Dio, LVIII. p. 622 et 636. Nos quoque in Suppl. Ann. v, 20.

quem egestate cibi peremtum haud dubium; sponte, vel necessitate, incertum habebatur. Consultusque Cæsar, “an sepeliri sineret,” non erubuit permittere,¹ ultroque incusare “casus, qui reum abstulissent antequàm coram “convinceretur:” scilicet medio triennio² defuerat tempus subeundi iudicium consulari seni, tot consularium parenti. Drusus³ deinde extinguitur, cùm se miserandis alimentis, mandendo è cubili tomento,⁴ nonum ad diem detinuisset. Tradidere quidam, præscriptum fuisse Macroni, si arma ab Sejano tentarentur, extractum custodià juvenem (nam in palatio⁵ attinebatur) ducem populo imponere:⁶ mox quia rumor incedebat, “fore, ut nurui ac nepoti⁷ conciliaretur “Cæsar,” sævitiam, quàm pœnitentiam maluit.

24. QUIN et invectus in defunctum, “probra corporis, “exitiabilem in suos,⁸ infensum reipublicæ animum” objicit: “recitarique factorum dictorumque ejus descripta per “dies” jussit: quo non aliud atrocius visum: adstitisse tot per annos, qui vultum, gemitus, occultum etiam murmur exciperent, et potuisse avum audire, legere, in publicum

¹ Non erubuit permittere. Pudet Principem ea permittere, quæ natura jusque gentium permittunt. Hæc enim orari pudet.

² Medio triennio, A. U. C. 783. uno et eodem ipso die Tiberii conviva, et à senatu damnatus fuit Asinius Gallus, Dio, LVIII. p. 622. Nos in Suppl. loc. cit.

³ Drusus. Germanici filius. Vide stem. Cæs. n. 83. Quomodò Drusus in palatio clausus fuerit, narravimus in Suppl. Ann. v. 13 et 14.

⁴ Mandendo è cubili tomento. Tomentum illud non lana, plumave, fuit, sed gnaphalion, quo infarciuntur culcitæ. Plinius, XXVII. 10. Sect. 61. Gnaphalion, alii Chamæzelon vocant, cujus foliis

albis mollibusque pro tomento utuntur. Sanè et similia sunt.

⁵ In palatio. Romæ, in imâ parte Palatii, attinebatur. Sueton. in Tiber. LIV.

⁶ Ducem populo imponere. Vide Suppl. Ann. v. 34.

⁷ Nurui ac nepoti. Mox quia rumor incedebat, fore ut nurui suæ Agrippinæ ac nepoti suo Druso conciliaretur, sævitiam, quàm pœnitentiam maluit. Crudelior factus, ne mitior haberetur.

⁸ Exitiabilem in suos. Objicit probra corporis, id est, impudicitiam, et animum in suos exitiabilem. Drusus enim Sejani ac Livie partes adversus fratrem suum Neronem erat ingressus, ut vidimus supra Annal. IV. 60.

promere, vix fides; nisi quòd Actii centurionis, et Didymi liberti epistolæ, servorum nomina præferebant, ut quis egredientem cubiculo Drusum pulsaverat, exterruerat. Etiam sua verba centurio, sævitiae plena, tamquam egregium, vocesque deficientis adjecerat, queis primò alienationem mentis simulans, quasi per dementia, funesta Tiberio, mox ubi exspes vitæ fuit, meditata, compositasque diras imprecabatur: “ut quemadmodum nurum, filiumque fratris,¹ et “nepotes, domumque omnem cædibus complevisset; ita “pœnas nomini generique majorum, et posteris exsolveret.” Obturbabant quidem patres, specie detestandi: sed penetrabat pavor, et admiratio; callidum olim² et tegendis sceleribus obscurum, huc confidentiæ venisse, ut tamquam demotis parietibus ostenderet nepotem sub verbere centurionis, inter servorum ictus, extrema vitæ alimenta frustra orantem.

25. NONDUM is dolor exoleverat, cùm de Agrippinâ auditum,³ quam, interfecto Sejano, spe sustentatam provixisse reor, et, postquàm nihil de sævitiâ remittebatur, voluntate extinctam; nisi si, negatis alimentis, adsimulatus est finis, qui videretur sponte sumtus. Enimverò Tiberius fœdissimis criminationibus exarsit, “impudicitiam” arguens, “et Asinium Gallum adulterum, ejusque morte⁴ ad tædi-

¹ *Nurum, filiumque fratris. Nurum* Agrippinam, *filium fratris* Germanicum, *nepotes* Neronem et Drusum. Vide stem. Cæs. n. 51. 81. 82 et 83.

² *Callidum olim.* Tiberium. Scelerum assuetudine gliscit audacia.

³ *De Agrippinâ auditum.* Extrema Agrippinæ, Germanici uxoris, tempora illustrat Sueton. in Tiber. l. III. Novissimè calumniatus, modò ad statuam Augusti, modò ad exercitus confugere velle, Pandurariam relegavit: convitiisque oculum per centurionem ver-

beribus excussit. Rursus mori inedia destinanti, per vim ore diducto, infulciri cibum jussit. Sed et perseverantem, atque ita absumtam, criminosissemè insectatus est, cùm diem quoque natalem ejus inter nefastos referendum suavisset. Imputavit etiam, quòd non laqueo strangulatam in Gemonias abjecerit, proque tali clementiâ interponi decretum passus est, quo sibi gratiæ agerentur, et Capitolino Jovi donum ex auro sacraretur.

⁴ *Ejusque morte.* Morte Asinii Galli.

“um vitæ compulsam.” Sed Agrippina, æqui impatiens,¹ dominandi avida, virilibus curis, fœminarum vitia exuerat. “Eodem die defunctam, quo biennio antè Sejanus pœnas
“luisset, memoriæque id prodendum” addidit Cæsar: jactavitque “quòd non laqueo strangulata, neque in Gemonias projecta foret.” Actæ ob id grates,² decretumque “ut
“quintodecimo Kalendas Novembris, utriusque necis
“die, per omnes annos, donum Jovi sacraretur.”

26. HAUD multo pòst Cocceius Nerva,³ continuus Principis, omnis divini humanique juris sciens, integro statu, corpore inlæso, moriendi consilium cepit. Quod ut Tiberio cognitum, adsidere, causas requirere, addere preces, fateri postremò “grave conscientiæ, grave famæ suæ, si proximus
“amicorum, nullis moriendi rationibus, vitam fugeret:” aversatus sermonem Nerva, abstinentiam cibi conjunxit. Ferebant gnari cogitationum ejus, quanto propiùs mala rei publicæ viseret, irâ, et metu, dum integer, dum intentatus, honestum finem voluisse. Ceterùm Agrippinæ perniciēs, quod vix credibile, Plancinam⁴ traxit. Nupta olim Cn. Pisoni, et palam læta morte Germanici, cùm Piso caderet, precibus Augustæ, nec minùs inimicitiiis Agrippinæ defensa erat. Ut odium et gratia desiere, jus valuit: petitaque criminibus haud ignotis, suâ manu, sera magis, quàm immerita supplicia persolvit.

¹ *Æqui impatiens.* Agrippina, superatis fœminarum vitiis maxima; sortis suæ impatientiâ et dominandi aviditate infelix.

² *Actæ ob id grates.* Ob elementiam, actæ Tiberio grates: ob Deûm vigilantiam, qui eodem die duos Principis et imperii hostes peremissent, donum ex auro Jovi Capitolino sacratum. Illius doni extat memoria in vetere Kalendario, xv. Kal. Nov. JOVI LIBE-

RATORI.

³ *Cocceius Nerva.* De quo jam supra Annal. iv. 58. Mortis ejus causam minimè probabilem, leges scilicet Julii Cæsaris de fœnore à Tiberio renovatas, affert Dio, LVIII. p. 634.

⁴ *Plancinam.* Sceleratam Pisonis uxorem, ac in Germanici morte suspectam; de quâ plurima passim Annal. III.

27. Tot luctibus funestâ civitate, pars mœroris fuit, quodd Julia, Drusi filia,¹ quondam Neronis uxor, denupsit in domum Rubellii Blandi,² cujus avum, Tiburtem,³ equitem Romanum, plerique meminerant. Extremo anni mors Ælii Lamiae funere censorio⁴ celebrata, qui administrandæ Syriæ imagine tandem exsolutus,⁵ Urbi præfuerat:⁶ genus illi decorum, vivida senectus; et non permissa provincia dignationem addiderat.⁷ Exin Flacco Pomponio,⁸ Syriæ proprætore, defuncto, recitantur Cæsaris literæ, quæ incusabat “egregium quemque, et regendis exercitibus “idoneum, abnuere id munus: seque eâ necessitudine ad “preces cogi, per quas consularium aliqui capessere pro- “vincias adigerentur:” oblitus Arruntium ne in Hispaniam pergeret, decimum jam annum attineri. Obiit eodem anno et M. Lepidus, de cujus moderatione, atque sapientiâ in prioribus libris satis conlocavi:⁹ neque nobilitas diutius demonstranda est: quippe Æmilium genus¹⁰ fœcundum bonorum civium, et qui eâdem familiâ corruptis moribus, inlustri tamen fortunâ egêre.

¹ *Drusi filia.* Tiberii neptis. Vide stem. Cæs. n. 74.

² *Rubellii Blandi.* Illi avus eques Romanus, pater consul suffectus, de quo Annal. III. 51. Extat in Museo nostro nummus insignis ære minimo, C. RVBELLIVS BLANDVS IIIVIRAAFF, id est, triumvir Auro, Argento, Ære Flando Feriundo.

³ *Tiburtem.* Tibur, nunc *Tivoli*, in agro Romano.

⁴ *Funere censorio.* De hoc funere dictum supra Annal. IV. 15.

⁵ *Imaginem tandem exsolutus.* Ei quidem Syria fuerat demandata, sed numquam permissum ut provinciam illam adiret. De hoc Tiberiano usu supra Annal. I. 80.

⁶ *Urbi præfuerat.* Et L. Pisoni successerat, teste Dione, LVIII. p. 633. Videtur dictus fuisse

Cossus Ælius Lamia, vir gravis et moderatus, sed mersus vino et mādens, ut ex Senecâ observavimus supra cap. 10.

⁷ *Dignationem addiderat.* Eminentis enim virtutis argumentum. *Ex optimis periculum sibi metuebat* Tiberius, Annal. I. 80.

⁸ *Flacco Pomponio.* De hoc egregio Tiberii et Pisonis com-potore dictum in not. et emend. cap. 11.

⁹ *Satis conlocavi.* Id est, satis scripsi. Eodem sensu Varro, Cicero alique scriptores optimi utuntur verbo *ponere*. De M. Lepido dictum Annal. I. 13. IV. 20. et alibi sæpe.

¹⁰ *Æmilium genus.* Æmilium genus, bonorum civium adeo fœcundum, ut, qui ex eâdem familiâ corruptis moribus fuerunt, illustri

A. U. C. 787. J. C. 34.

28. PAULLO FABIO, L. Vitellio consulibus,¹ post longum seculorum ambitum, avis Phœnix in Ægyptum venit, præbuitque materiem doctissimis indigenarum, et Græcorum, multa super eo miraculo² disserendi: de quibus congruunt, et plura ambigua,³ sed cognitu non absurda, promere libet. Sacrum Soli id animal, et ore ac distinctu pinnarum à ceteris avibus diversum, consentiunt, qui formam ejus⁴ definire. De numero annorum varia traduntur: maximè vulgatum, quingentorum spatium:⁵ sunt qui adseverent, mille quadringentos sexaginta unum interjici:⁶ prioresque alites Sesostride primùm, pòst Amaside, dominantibus, dein Ptolemæo,⁷ qui ex Macedonibus tertius regnavit, in civi-

tamen fortunâ semper egerint. Eo genere prognati Scauri, Lepidi, inclyta Romanorum nomina.

¹ *Vitellio coss.* Paullus Fabius Persicus et L. Vitellius consulatum gessere A. U. C. 787. J. C. 34. Adventum Phœnicis in Ægyptum biennio pòst, Plautio et Papinio coss. memorat Plinius, x. 2. cui adstipulantur Dio, LVIII. p. 638. et Solinus, Plinium exscribere solitus, cap. 36.

² *Super eo miraculo.* Veriùs fabulâ. Phœnicem enim fabulosam esse avem nemo, naturæ studiosus, dubitat. Fabulam illam pro more suo doctissimè et longissimè confutat Samuel Bochart in Hierozoico, part. 2. lib. 6. cap. 6. col. 817 et seq. Totum illud narrationum portentum apud Ægyptios ex hieroglyphicâ conversionis magni anni figurâ; apud Græcos ex ambigûâ voce, Φοινίξ, quæ palmam ex cadente dactylo, aut surculo, quasi

ex se ipsâ renascentem significat, enatum esse credimus. Jam de Græcis præsenſerat Plinius, XIII. 4. Quæ de Phœnice ferebant Heliopolitani falsa esse pronuntiat ipse Hierodotus in Euterp. II. 73. Ἐμοὶ μὲν ἔπιστά λέγοντες.

³ *Et plura ambigua.* Etiam plura ambigua. Et in hâc significatione usurpatur: nihil itaque mutandum.

⁴ *Formam ejus.* De illâ formâ plura apud Plinium, x. 2. et Herodotum, cui ab Heliopolitanis effigies Phœnicis monstrata, ut testatur loc. cit. Occurrit etiam in nonnullis nummis.

⁵ *Quingentorum spatium.* Sic quoque Herodotus, loc. cit. Mela III. 9. Seneca Ep. XLII. Philostratus in vitâ Apollonii, III. 49. Aliter Plinius. Vide not. et emend. ad Annal. VI. 28.

⁶ *Sexaginta unum interjici.* Vide not. et emend. ad Annal. VI. 28.

⁷ *Dein Ptolemæo.* Is est Ptolemæus Evergetes; qui solium Ægypti

tatem, cui Heliopolis ¹ nomen, advolavisse, multo ceterarum volucrum comitatu, novam faciem mirantium. Sed antiquitas quidem obscura: inter Ptolemæum ac Tiberium minùs ducenti quinquaginta anni fuerunt: unde nonnulli falsum hunc Phœnicem, neque Arabum è terris credidere, nihilque usurpavisse ex his, quæ vetus memoria firmavit: confecto quippe annorum numero, ubi mors propinquet, suis in terris struere nidum, eique vim genitalem adfundere, ex quâ fœtum oriri: et primam adulto curam sepeliendi patris: neque id temere, sed sublato myrrhæ pondere, tentatoque ² per longum iter, ubi par oneri, par meatui sit, subire patrium corpus, inque Solis aram perferre, atque adolere. Hæc incerta et fabulosis aucta. Ceterùm aspici aliquandò in Ægypto eam volucrem, non ambigitur.³

29. AT ROMÆ cæde continuâ, Pomponius Labeo, quem præfuisse Mœsiæ retuli,⁴ per abruptas venas sanguinem effudit; æmulataque est conjunx Paxæa: nam promtas ejusmodi mortes metus carnificis faciebat: et quia damnati, publicatis bonis, sepulturâ prohibebantur; eorum qui de se statuebant, humabantur corpora, manebant testamenta,

conscendit A. U. C. 507. A. C. 246. et mortuus est A. U. C. 533. Inde si vel ab ipsâ morte Ptolemæi annos mille Ptolemæum inter et Sesostridem interjectos numeraveris, manifestum est Sesostridem non eundem esse ac Sesac, de quo III Reg. xiv. 25. ut eruditissimis nonnullis placuit, sed longè antiquiorem esse Sesostridem, et judicium temporibus imperasse. Quâ in re consentit Herodotus in Euterp. 11. 13 et 102.

¹ *Heliopolis.* Urbs inferioris Ægypti. Arabibus adhuc dicitur *Ain el chams*, id est, *oculus solis*. Vulgò *Matarca*.

² *Tentatoque.* Tentatis per

longum iter viribus, ubi se oneri meatuique parem sentit, patrium corpus subit, in Heliopolitanam Solis aram perfert, atque adolet.

³ *Non ambigitur.* Aldovrandus, Ornithologia, xii. 28. Tacitum incusat, quasi pugnancia loqueretur; Phœnicem videlicet esse fabulosam, et tamen aliquandò in Ægypto aspici. At Tacitus existimavit veram esse volucrem Phœnicem, sed de eâ plurima ferri incerta, et fabulosis auctitari. Nos verò confidentiùs dicimus fabulosam esse, et nusquam aspici.

⁴ *Præfuisse Mœsiæ retuli.* Supra Annal. iv. 47. De Labeonis, ejusque uxoris morte vide etiam Dionem, lvi. p. 636.

pretium festinandi.¹ Sed Cæsar, missis ad senatum literis, disseruit, “morem fuisse majoribus, quotiens dirimerent
 “amicitias, interdicere domo, eumque finem gratiæ ponere:
 “id se repetivisse in Labeone: atque illum, quia malè
 “administratæ provinciæ, aliorumque criminum² urge-
 “batur, culpam invidiâ velavisse,³ frustra conterritâ uxore,
 “quam, etsi nocentem, periculi tamen expertem fuisse.”
 Mamercus dein Scaurus rursum postulatur,⁴ insignis nobilitate et orandis causis, vitâ probrosus: nihil hunc amicitia Sejani, sed labefecit haud minùs validum ad exitia Macronis odium, qui easdem artes occultiùs exercebat: detuleratque argumentum tragœdiæ,⁵ à Scauro scriptæ, additis versibus, qui in Tiberium flecterentur. Verum ab Servilio et Cornelio accusatoribus, “adulterium Liviæ,⁶ magorum sacra” objectabantur. Scaurus, ut dignum veteribus Æmiliis, damnationem anteit; hortante Sexitiâ uxore, quæ incitamentum mortis, et particeps fuit.

30. AC TAMEN accusatores, si facultas incideret, poenis adiciebantur: ut Servilius Corneliusque, perditio Scauro famosi, quia pecuniam à Vario Ligure, omittendæ de-

¹ *Pretium festinandi.* De voluntariâ morte plura dicenda, quàm ut hic exscribantur. Vide not. et emend. ad Annal. vi. 29.

² *Aliorumque criminum.* Et quòd acceptis pecuniis corrumpi se esset passus. Dio, loc. cit.

³ *Culpam invidiâ velavisse.* Labeonem culpam suam velavisse morte, ut Principi invidiam faceret.

⁴ *Rursum postulatur.* Postulatum jam vidimus supra cap. 9. Vide et Annal. iii. 31. 66. ac Senecam in pref. Lib. v. Controvers. ubi plurima de ejus dicendi genere.

⁵ *Argumentum Tragœdiæ.* Tragœdiæ illius argumentum *Atreus*:

in eâ versum Eurip. Phœn. ver. 396.

Τὰς τῶν κρατέντων ἀμαθίας φέρειν χρεών.
Dominantium peccata ferre convenit,

imitatus, de Atreo dixerat *ferendam esse stultitiam Principis*—τὴν τῆς κρατέντος ἀμαθίαν φέρειν—Tiberius, patricidia sua argui arbitratus, ait: *Me fecit Atrea, faciam illum Ajaxem*, quia scilicet se ipse interemit Ajax. Vide Dionem, LVIII. p. 636 et 637.

⁶ *Adulterium Liviæ.* Drusi uxoris, perditissimæ feminae. Ob eam quidam meritis supplicii, plures per calumniam puniti. Dio, loc. cit.

lationis, ceperant, in insulas, interdicto igni atque aquâ, demoti sunt: et Abudius Ruso, functus ædilitate, dum Lentulo Gætulico, sub quo legioni præfuerat, periculum facessit, “quòd is Sejani filium generum destinâsset,” ultro damnatur, atque Urbe exigitur. Gætulicus eâ tempestate superioris Germaniæ legiones curabat, mirumque amorem adsecutus erat, effusæ clementiæ, modicus severitate, et proximo quoque exercitui,¹ per L. Apronium socerum, non ingratus. Unde fama constans, ausum mittere ad Cæsarem literas, “Adfinitatem sibi cum Sejano haud sponte, sed
 “ consilio Tiberii cœptam: perinde se, quàm Tiberium
 “ falli potuisse: neque errorem eundem illi sine fraude,
 “ aliis exitio habendum. Sibi fidem integram, et, si nullis
 “ insidiis peteretur, mansuram: successorem non aliter,
 “ quàm indicium mortis, accepturum: firmarent velut
 “ fœdus, quo Princeps ceterarum rerum potiretur, ipse
 “ provinciam retineret.” Hæc, mira quamquam, fidem ex eo trahebant, quòd unus omnium Sejani adfinium incolumis, multâque gratiâ mansit: reputante Tiberio publicum sibi odium, extremam ætatem, magisque famâ, quàm vi, stare res suas.

A. U. C. 788. J. C. 35.

31. C. CESTIO, M. Servilio consulibus,² nobiles Parthi in Urbem venêre, ignarò rege Artabano.³ Is metu Germanici fidus Romanis, æquabilis in suos; mox superbiam in nos, sævitiam in populares sumsit; fretus bellis, quæ secunda adversum circumjectas nationes exercuerat, et

¹ *Proximo quoque exercitui.* L. Apronius inferioris Germaniæ prætor erat, ut dictum est Annal. iv. 73.

² *Servilio Coss.* C. Cestius Gallus et M. Servilius Nonianus con-

sules fuere A. U. C. 788. J. C. 35.

³ *Rege Artabano.* Artabano II. Parthorum rege, de quo Annal. ii. 3 et 58. Vide et Canonem regum Parthorum inter not. et emend. Annal. ii. 1.

senectutem Tiberii, ut inermem,¹ despiciens, avidusque Armeniæ, cui, defuncto rege Artaxiâ,² Arsacen, liberorum suorum veterrimum, imposuit, additâ contumeliâ, et missis, qui “gazam, à Vonone³ relictam in Syriâ Ciliciâque,” reposcerent, simul “veteres Persarum ac Macedonum terminos:⁴ seque invasurum possessa Cyro, et post Alexandro,” per vaniloquentiam ac minas jaciebat. Sed Parthis mittendi secretos nuntios validissimus auctor fuit Sinnaces, insigni familiâ, ac perinde opibus, et proximus huic Abdus,⁵ ademtæ virilitatis. Non despectum id apud barbaros, ultroque potentiam habet. Ii, adscitis et aliis primoribus, quia neminem gentis Arsacidarum summæ rei imponere poterant, interfectis ab Artabano plerisque, aut nondum adultis, Phraaten,⁶ regis Phraatis filium, Româ poscebant: “Nomine tantum et auctore opus, ut, sponte Cæsaris, genus Arsacis⁷ ripam apud Euphratis cerne retur.”

¹ *Ut inermem.* Quia Tiberius belli incuriosus, et sine liberis, qui firma sunt imperii munimenta.

² *Rege Artaxiâ.* Artaxiâ III. quem Armeniorum regem fecerat Germanicus, Annal. II. 56 et 64. Vide et Canonem regum Armeniorum inter not. et emend. Annal. II. 3.

³ *A Vonone.* Vononen, Armeniæ regem, primò in Syriam profugum, deinde Pompeiopolim, Ciliciæ maritimam urbem, amotum vidimus Annal. II. 4 et 58.

⁴ *Persarum ac Macedonum terminos.* Simulque reposcerent provincias omnes, quas olim Persæ ac Macedones possederant, ita ut Romani omnibus Illyricum inter et Parthicum imperium provinciis cederent.

⁵ *Abdus.* Nomen à verbo עבד, *servus*, Syriacè *Abdô*, ductum. Antiquitus in Oriente receptum, quod adhuc ibi viget, ut potentiam suam

Eunuchis ultro committerent. Ab his enim hominibus nihil timent: et ministri dignitas in Principis gloriam tota recidit.

⁶ *Phraaten.* Phraaten, Phraatis IV. filium, fratrem Vononis, quem pater, ut amicitiam cum Augusto firmaret, Romam miserat, Annal. II. 1 et 2.

⁷ *Ut sponte Cæsaris, genus Arsacis.* Perperam in editis libris, ut sponte Cæsaris, ut genus Arsacis. Unum suppressendum, nec nisi ex mera repetitione ortum. Sensus est: rebus eò adactis, nomine tantum et auctore opus esse, ut sponte Cæsaris, genus Arsacis ripam apud Euphratis cerneretur. *Angl. That title, and the sanction of Rome, would be sufficient. Let a prince of the house of Arsaces, under the protection of Tiberius, show himself on the banks of the Euphrates, and nothing more was necessary: a revolution would be the certain consequence. Auc-*

32. CUPITUM id Tiberio: ornat Phraaten, accingitque paternum ad fastigium: destinata retinens, consiliis et astu res externas moliri, arma procul habere. Interea, cognitis insidiis, Artabanus tardari metu; modò cupidine vindictæ inardescere. Et barbaris cunctatio,¹ servilis: statim exsequi, regium videtur. Valuit tamen utilitas, ut Abdum, specie amicitiae vocatum ad epulas, lento veneno inligaret; Sinnacen dissimulatione ac donis, simul per negotia, moraretur. Et Phraates apud Syriam, dum, omisso cultu Romano, cui per tot annos insueverat, instituta Parthorum insumit, patriis moribus impar, morbo absumentus est. Sed non Tiberius omisit incepta. Tiridaten² sanguinis ejusdem, æmulum Artabano, recipere et Armeniæ Iberum Mithridaten deligit, conciliatque fratri Pharasmani, qui gentile imperium³ obtinebat; et cunctis quæ apud Orientem parabantur, L. Vitellium⁴ præfecit. Eo de homine haud sum ignarus sinistram in Urbe famam, pleraque fœda memorari: ceterum regendis provinciis priscâ virtute egit: unde regressus, et formidine C. Cæsaris, familiaritate Claudii, turpe in servitium mutatus; exemplar apud posteros adulatorii dedecoris habetur: cesseruntque prima postremis, et bona juventæ senectus flagitiosa obliteravit.

tor eodem sensu accipitur, cap. 36.

¹ *Et barbaris cunctatio.* Et dictum pro *insuper, præterea*. Cunctari prudentiæ est: statim exsequi, fortitudinis. Prudentiam ignorant barbari; inde cunctationem, ut quid timidum ac servile aspernantur. Primo et uno impetu feruntur; inde fortitudinem, ut quid nobile ac regium venerantur.

² *Tiridaten.* Phraatis IV. nepotem, et, ut videtur, Vononis filium. Infra cap. 37. Supra Annal. II. 1. in Canone regum Parthorum.

³ *Qui gentile imperium.* Qui imperium Iberiæ obtinebat. Iberia, nunc *Georgia*. Tiberius non omisit incepta. Sed Tiridaten sanguinis Arsacidarum, Artabano æmulum deligit; et recuperationem Armeniæ Ibero Mithridati committit. Quod ut felicius cederet, Mithridaten fratri suo Pharasmani conciliat, et cunctis, quæ apud Orientem parabantur, L. Vitellium præfecit.

⁴ *L. Vitellium.* Qui consul fuerat anno superiore, cap. 28. De ejus laude ac dedecore plurima Suetonius in Vitell. II. Vitelliorum stemma dabitur infra Hist. I. 9.

33. **AT EX REGULIS**, prior Mithridates Pharasmanen perpulit, dolo et vi conatus suos juvare: repertique corruptores, ministros Arsacis¹ multo auro ad scelus cogunt: simul Iberi magnis copiis Armeniam inrumpunt, et urbe Artaxatâ² potiuntur. Quæ postquam Artabano cognita, filium Oroden ultorem parat, datque Parthorum copias, mittit qui auxilia mercede facerent. Contra, Pharasmanes adungere Albanos, accire Sarmatas, quorum Sceptuchi,³ utrimque donis acceptis, more gentico diversa induere. Sed Iberi, locorum potentes, Caspiâ viâ⁴ Sarmatam in Armenios raptim effundunt. At qui Parthis adventabant,⁵ facile arcebantur, cùm alios incessus hostis clausisset; unum reliquum,⁶ mare inter et extremos Albanorum montes, æstas impediret: quia flatibus Etesiarum⁷ implentur vada;

¹ *Ministros Arsacis.* Arsaces, Artabani filius, de quo cap. 31.

² *Urbe Artaxatâ.* Urbe principe Armeniæ. De illâ supra Aun. II. 56.

³ *Sceptuchi.* Populi Sarmatiæ Asiaticæ, alienis stipendiis militare soliti. Pontum Euxinum inter et mare Caspium supra Iberiam et Albaniam habitabant. In quibusdam recentioribus editionibus perperam appellantur *Sceptruchi*.

⁴ *Caspiâ viâ.* Tacitus, veteres auctores secutus, *Caspiam viam* appellavit, quam recentiores postea accuratius dixerunt *Caucasiam viam*, seu *Caucasias portas*, aut *portas Iberiæ*. Vide Plinium, VI. 13. *Via illa*, seu *porta* in eo loco est ubi aperitur mons Caucasus. De eâ Plinius, VI. 11. *Ingens naturæ opus montibus interruptis repente, ubi fores obdita ferratis trabibus, subter medias amne diri odoris fluente, citraque in rupe castello (quod vocatur Cumania) communito ad arcendas transitu gentes innumeras: ibi loci, terrarum orbe portis discluso, ex adverso maxime Hærmastis oppidi Iberum.* Porta illa Caucasias Procopio de Bello

Gotthic. IV. 3. dicitur *Tzur*. Nobis vulgò *Teflis*.

⁵ *At qui Parthis adventabant.* At è conductitiis Sceptuchis, qui pro Parthis stabant, ii facile arcebantur. Nam Iberii, Albani, et pars Sceptuchorum, simul fœderati, alios incessus claudabant. Unum reliquum, mare inter et extremos Albanorum montes æstas impediebat. In tantâ antiquitate tantam rerum Geographicarum scientiam quis non miretur?

⁶ *Unum reliquum.* Unum reliquum iter per Albanas pylas, dictas quoque portas Caspias, nunc *Derbent*, in provinciâ *Shirvan*, *Derbent* idem sonat Persicè *the pass*. Turcis dicitur *Demour Capi*, Angl. *the iron gate*. Per hanc portam, ab Alexandro Magno olim communitam, et antiquitatum, viatorum incuriâ nobis nondum satis compertarum, fœcundam, è Moscoviâ in Persidem transitur.

⁷ *Flatibus Etesiarum.* Flatus Etesiarum juxta Plinium, II. 47. et Columellam, XI. 2. incipiunt sexto Idus Julii, et perflant diebus canicularibus. Inde verum

hibernus Auster revolvit fluctus, pulsoque introrsus freto, brevita littorum nudantur.

34. INTERIM Oroden, sociorum inopem, auctus auxilio Pharasmanes vocare ad pugnam; et detrectantem incessere, adequitare castris, infensare pabula; ac sæpe, in modum obsidii, stationibus cingebat: donec Parthi, contumeliarum insolentes, circumsisterent regem, poscerent prælium: atque illis sola in equite vis; Pharasmanes et pedite valebat. Nam Iberi Albanique, saltuosos locos incolentes, duritiæ patientiæque magis insuevere. Feruntque “se Thessalis ortos,¹ quâ tempestate Jason post avectam Medeam, genitosque ex eâ liberos, inanem mox regiam Æetæ,² vacuosque Colchos repetivit.” Multaque de nomine ejus,³ et oraculum Phrixi⁴ celebrant: nec quisquam ariete sacrificaverit, credito vexisse Phrixum: sive id animal, seu navis insigne⁵ fuit. Ceterum, directâ utrimque acie, Parthus “imperium Orientis, claritudinem Arsacidarum, contraque ignobilem

hujusce belli tempus accipimus. Etesias *Angl.* dicimus *the North East wind*: hibernum verò austrum, *the South West wind*. Amelot de la Houssaie aliique interpretes austrum illum malè appellant *the South wind*. Australi enim vento in mare Caspium fluctus revolvi non possunt. Quanto accuratior Tacitus!

¹ *Sc Thessalis ortos.* Ita quoque Plinius, vi. 13. *Per oram Albani, ut ferunt, à Jasone orti.* Minus probabiliter apud Justinum, xlii. 3. *Herculem, ex Italiâ ab Albano monte, cum, Geryone extincto, armenta ejus per Italiam duceret, secuti dicuntur.*

² *Regiam Æetæ.* Æetas, rex Colchorum, pater Medæ. Ejus regia ad Phasim posita. Colchis, nunc dicitur *Mingrelia*. Phasis, incolis dicitur *Fuoz*. Æetâ mor-

tuo, inanem regiam, vacuosque Colchos repetivit Jason.

³ *De nomine ejus.* Multa celebrantur loca, de nomine Jasonis appellata. τὰ Ἰασόνεια πολλαχῶ καὶ τῆς Ἀρμενίας, καὶ τῆς Μηδείας, καὶ τῶν πλησιόχωρων αὐταῖς τόπων δέκνυται, Strabo, i. p. 45.

⁴ *Oraculum Phrixi.* Ante ipsum Jasonem, Colchidis navigationem susceperat Phrixus, auri et argenti fodinis illectus. De ejus templo et oraculo vide Strabonem, loc. cit. Melam. i. 21.

⁵ *Seu navis insigne.* Navium proræ pictas aut sculptas hominum animaliumve effigies habebant, ut patet ex picturis Herculanensibus Tab. xlii et xlii. Inde naves nomina sortiebantur, et Centaurus, Chimæra, Tigris, Leo, Aries, Fides, Spes appellabantur, ut notum ex Virgilio, et classicis inscriptionibus.

“ Iberum mercenario milite,” disserebat. Pharasmanes,
 “ integros semet à Parthico dominatu; quanto majora
 “ peterent, plus decoris victores, aut si terga darent, flagitii
 “ atque periculi laturos:” simul horridam¹ suorum aciem,
 picta auro Medorum agmina; hinc viros inde prædam
 ostendere.

35. ENIMVERO apud Sarmatas non una vox ducis: se-
 quisque stimulant, “ ne pugnam per sagittas inirent; im-
 “ petu et cominùs præveniendum.” Variæ hinc bellan-
 tium species; cùm Parthus, sequi vel fugere pari arte
 suetus, distraheret turmas, spatium ictibus quæreretur: Sar-
 matae, omisso arcu, quo brevius valent,² contis gladiisque
 ruerent: modò equestris prælii more, frontis et tergi vices;³
 aliquandò, ut conferta acies, corporibus et pulsu armorum
 pellerent, pellerentur.⁴ Jamque et Albani Iberique pren-
 sare, detrudere, ancipitem pugnam hostibus facere; quos
 super, eques, et propioribus vulneribus pedites afflictabant.
 Inter quæ Pharasmanes Orodesque, dum strenuis adsunt,
 aut dubitantibus subveniunt, conspicui, eoque gnari, cla-
 more, telis, equis concurrunt: instantius Pharasmanes;
 nam vulnus per galeam adegit; nec iterare valuit, præ-

¹ *Simul horridam.* Simul Pharasmanes horridam suorum, tum Iberum, tum Sceptuchorum, aciem, et auro picta Parthorum agmina, hinc viros, inde prædam ostendere. Parthos hic appellat Medos, quòd Parthi, Medorum domitores, ab iis luxum, vel in ipsis armis, didicerant.

² *Quo brevius valent.* Omisso arcu, quo breviter, nec nisi primo congressu valent, contis, seu hastis ferro instructis, gladiisque ruunt. Valer. Flaccus, VI. 163.

Ingentis frenator Sarmata conti.

³ *Et tergi vices.* Variæ bellantium species, cùm modò, eques-

tris prælii more, frontis et tergi vices essent; aliquandò, ut conferta acies, corporibus et pulsu armorum pellerent et pellerentur. Optimè emendavit Cl. Ernestus *conferta*. Sic enim Livius, III. 70. Caesar de Bell. Gall. II. 23. Malè antèa *conserta*. Non ita feliciter tentaverunt Lipsius et Muræus, *tergi vice*.

⁴ *Pellerent, pellerentur.* Cf. Hom. II. Δ. 450. Xenoph. Cyropæd. VII. 1. 18. Hellenic. IV. 3. 12. Markl. ad Eur. Suppl. 699. Dio Cassius, XLVII. 45. T. I. p. 522. Toup. Emend. in Suid. T. II. P. 3. p. 105. Vide B. C. II. VI. 65.

latus equo,¹ et fortissimis satellitum protegentibus saucium. Fama tamen occisi falsò credita exterruit Parthos; victoriamque concessere.

36. Mox Artabanus totâ mole regni ultum iit; peritiâ locorum, ab Iberis meliùs pugnatum: ² nec ideo abscedebat, ni; contractis legionibus, Vitellius, et subdito rumore, tamquam Mesopotamiam invasurus, metum Romani belli fecisset. Tum omissa Armenia, versæque Artabani res; inlicente Vitellio, “desererent regem, sævum in pace, et adversis præliorum exitiosum.” Igitur Sinnaces, quem antea infensum memoravi,³ patrem Abdagesen, aliosque occultos consilii,⁴ et tunc continuis cladibus promptiores, ad defectionem trahit: affluentibus paulatim, qui, metu magis quàm benevolentia subjecti, repertis auctoribus sustulerant animum. Nec jam aliud Artabano reliquum, quàm, si qui externorum, corpori custodes aderant, suis quisque sedibus extorres, queis neque boni intellectus, neque mali cura, sed mercede aluntur, ministri sceleribus. His adsumtis, in longinqua et contermina Scythiæ⁵ fugam maturavit, spe auxilii, quia Hyrcanis Carmaniisque⁶ per adfinitatem in-

¹ *Prælatus equo.* Ob equi sui pernicitatem prælatus fuit, antequàm iterare valeret; et fortissimi satellitum protegebant saucium Orodem.

² *Meliùs pugnatum.* Nusquam præviator Tacitus. Nulla tamen obscuritas, nisi quorundam interpretum vitio: at plana sunt omnia. Audita Orodidis clade, mox Artabanus totâ mole regni ultum iit. Peritiâ locorum, ab Iberis meliùs pugnatum est, victusque Artabanus. Nec tamen abscessisset, nisi contractis legionibus Vitellius, et subdito rumore, tamquam Mesopotamiam invasurus, metum Romani belli fecisset. Cave

tamen ne existimes hæc A. U. C. 788. gesta esse. Expeditio Artabani ad annum 789. pertinet, ut ipse Tacitus docet infra cap. 38.

³ *Infensum memoravi.* Supra cap. 31.

⁴ *Occultos consilii.* Ita Freinsheimius, Petavius, Ernestus. Et quidem optimè. Vide not. et emend. ad Ann. vi. 37.

⁵ *Contermina Scythiæ.* Ad orientem maris Caspii.

⁶ *Hyrcanis Carmaniisque.* Hyrcani, ad austrum maris Caspii, nunc *Mazanderan and Corcan.* Carmanii mari Persico vicini, nunc *Kerman.*

nexus erat; atque interim posse Parthos absentium æquos,¹ præsentibus mobiles, ad poenitentiam mutari.

37. AT VITELLIUS, profugo Artabano, et flexis ad novum regem popularium animis, hortatus Tiridaten “parata “capessere,” robur legionum, sociorumque, ripam ad Euphratis ducit. Sacrificantibus, cùm hic more Romano Suovetaurilia² daret, ille equum placando amni³ adornâset; nuntiavere accolæ, “Euphraten, nullâ imbrium vi, sponte “et immensum attolli; simul albentibus spumis in modum “diadematis⁴ sinuare orbes; auspiciu prosperi transgres- “sûs:” quidam callidiùs interpretabantur, “initia conatûs “secunda, neque diuturna: quia eorum, quæ terrâ cœlove “portenderentur, certior fides; fluminum instabilis natura “simul ostenderet omina, raperetque.” Sed ponte navibus effecto, tramissoque exercitu, primus Ornospades multis equitum millibus in castra venit: exul quondam, et Tiberio, cùm Dalmaticum bellum⁵ conficeret, haud inglorius auxiliator, eoque civitate Romanâ donatus: mox repetitâ amicitia regis, multo apud eum honore, præfectus campis, qui Euphrate et Tigre, inclytis amnibus, circumflui, *Mesopotamiæ* nomen⁶ acceperunt. Neque multo post Sinnaces auget copias; et columen partium Abdageses, gazam et para-

¹ *Absentium æquos.* Absentibus Principibus æquos. Genitivis et variis casibus gaudet Tacitus.

² *Suovetaurilia.* Ita dicta à sue, ove et tauro, in his sacrificiis immolari solitis, Varro de Re Rustic. II. 1. Cato, CXLI.

³ *Placando amni.* Nec tentandum numini, ut placuit erudito Petavio. Quanta esset apud Persas fluviorum religio docet Herodotus, Clio, I. 138. Eos equo placabant Parthi: Romani, tauro, Plutarch. in Lucull. p. 507. Ipseque Lucullus propter transitum sacrifi-

cavit, “Εἰς τοὺς δὲ καὶ τῷ Εὐφράτῃ ταύρον διαβατήρια.

⁴ *In modum diadematis.* Diadematis Parthici in orbem sinuati, ut rectè ex nummo observat eruditus Masson apud Haym, *Tesoro Britannico*, Vol. I. p. 148.

⁵ *Dalmaticum bellum.* A. U. C. 763. bellum Dalmaticum confecit Tiberius, Dio, LVI. p. 579.

⁶ *Mesopotamiæ nomen.* Ita dicta, quia μέση ποταμῶν, inter fluvios Euphraten et Tigrim media. Nunc Al Gezirah.

rus regios¹ adjicit. Vitellius ostentâsse Romana arma satis ratur, monet Tiridaten primoresque: hunc, "Phraatis avi² et ultoris Cæsaris, quæ utrobique pulchra, meminerit:" illos, "obsequium in regem, reverentiam in nos, decus quisque suum et fidem retinerent." Exin cum legionibus in Syriam remeavit.

38. QUÆ duabus æstatibus³ gesta conjunxi, quò requiesceret animus à domesticis malis. Non enim Tiberium, quamquam triennio post cædem Sejani, quæ ceteros mollire solent, tempus, preces, satias, mitigabant, quin incerta, vel abolita, pro gravissimis et recentibus puniret. Eo metu Fulcinius Trio⁴ ingruentes accusatores haud perpressus, supremis tabulis multa et atrocia in Macronem, ac præcipuos libertorum Cæsaris composuit; ipsi "fluxam senio mentem et continuum abscessum,⁵ velut exilium," objectando. Quæ ab heredibus occultata, recitari Tiberius jussit: patientiam libertatis alienæ ostentans, et contemtor suæ infamiæ, an scelerum Sejani⁶ diu nescius, mox quoquo modo dicta vulgari malebat, veritatisque, cui adulatio officit, per probra saltem gnarus fieri. Iisdem diebus Granius Martianus, senator, à C. Graccho majestatis postulatus, vim vitæ suæ attulit: Tatusque Gratianus, præturâ functus, lege eâdem extremum ad supplicium damnatus.

¹ *Gazam et paratus regios.* Gazam imperii, et regios Parthorum Principum paratus. Vide infra cap. 43.

² *Phraatis avi.* Phraatis IV. Vide Canonem regum Parthorum inter not. et emend. Ann. II. 1.

³ *Duabus æstatibus.* A. U. C. 788 et 789. ut observatum supra cap. 36.

⁴ *Fulcinius Trio.* Accusator pervicax, et male famæ avidus, de quo dictum Annal. II. 28. v. 11. vi. 4.

⁵ *Et continuum abscessum.* In

editis libris *continuo abscessu*. At ipsa latinitas postulat *continuum abscessum*, ut vult Faernus, vel *continuos abscessus*, ut Illustr. Huetio placuit. At probabilior Faerniana emendatio. Natus enim error videtur ex antiquâ scripturâ *continuum abscessum*, id est, *continuum abscessum* ab Urbe.

⁶ *An scelerum Sejani.* An scelerum Sejani diu nescius, mox malebat quoquo modo dicta divulgari, et saltem per probra gnarus fieri veritatis, cui adulatio officit. Vide Suetonium in Tiber. LXVI.

39. NEC dispares Trebellieni Rufi,¹ et Sextii Paconiani² exitus. Nam Trebellienus suâ manu cecidit; Paconianus in carcere, ob carmina illic in principem factitata, strangulatus est. Hæc Tiberius non mari, ut olim, divisus, neque per longinquos nuntios accipiebat, sed Urbem juxta; eodem ut die, vel noctis interjectu, literis consulum rescriberet: quasi aspiciens undantem per domos sanguinem, aut manus carnificum. Fine anni Poppæus Sabinus³ concessit vitâ, modicus originis, principum amicitia consulatum ac triumphale decus adeptus: maximisque provinciis per quatuor et viginti annos impositus, nullam ob eximiam artem, sed quod par negotiis, neque supra erat.⁴

A. U. C. 789. J. C. 36.

40. Q. PLAUTIUS, Sex. Papinius, consules,⁵ sequuntur. Eo anno, neque quod L. Aruseius⁶—morte adfecti forent, adsuetudine malorum, ut atrox, advertebatur; sed exerruit, quod Vibulenus Agrippa, eques Romanus, cum perorassent accusatores, in ipsâ curiâ depromptum sinu venenum hausit; prolapsusque ac moribundus, festinatis lictorum manibus in carcerem raptus est, faucesque jam exanimis⁷

¹ *Trebellieni Rufi*. Illi olim commissa liberorum Cotyis, Thracum regis, tutela. Annal. II. 67. III. 38.

² *Sextii Paconiani*. Audacis ac malefici hominis. Supra cap. 3 et 4.

³ *Poppæus Sabinus*. Consulatum gessit A. U. C. 762. Mœsiæ, Achaïæ, Macedoniæ præfuit; triumphii insignia anno 779. adeptus est, Annal. I. 80. IV. 46. V. 10. Dio, LVI. p. 572. LVIII. p. 637.

⁴ *Neque supra erat*. Neque supra negotia ob ingenii mediocritatem. Ideo rerum novarum minimè suspectus.

⁵ *Papinius, Coss.* Q. Plautius et Sex. Papinius Allenius consules fuere A. U. C. 789. J. C. 36.

⁶ *L. Aruseius*. Hic periit nomen viri alicujus, celebris, qui cum L. Aruseio morte adfectus est. Minimè probabilis Gronovii conjectura, olim fuisse scriptum *L. Arusei*, ut pater et filius eodem supplicio adfecti indigiterentur.

⁷ *Faucesque jam exanimis*. Vibuleni jam exanimis fauces laqueo vexatæ, ut, tamquam damnatus, publicatis bonis, sepulturâ prohiberetur, supra cap. 29. Id maximè exterruit.

laqueo vexatæ. Ne Tigranes quidem,¹ Armeniâ quondam potitus, ac tunc reus, nomine regio supplicia civium effugit. At C. Galba² consularis, et duo Blæsi³ voluntario exitu cecidere. Galba, tristibus Cæsaris literis provinciam sortiri prohibitus; Blæsis sacerdotia, integrâ eorum domo destinata, convulsâ, distulerat: tunc, ut vacua, contulit in alios: quod signum mortis intellexere, et exsecuti sunt. Et Æmilia Lepida, quam juveni Druso nuptam retuli,⁴ crebris criminibus maritum insecuta, quamquam intestabilis,⁵ tamen impunita agebat, dum superfuit pater Lepidus;⁶ pòst à delatoribus corripitur, ob servum adulterum: nec dubitabatur de flagitio. Ergò omissâ defensione, finem vitæ sibi posuit.

41. PER idem tempus Clitarum natio,⁷ Cappadoci Archelao⁸ subjecta, quia nostrum in modum deferre census,

¹ *Ne Tigranes quidem.* Tigranes, rex minoris Armeniæ, quem Josephus Antiq. Jud. xviii. 5. ait nepotem fuisse Herodis, filium Alexandri et Glaphyræ, Archelai Cappadocum regis filius. Subdit: *Τιγράνης μὲν βασιλεὺς Ἀρμενίας, κατηγορίῳν αὐτῷ ἐπὶ Τάμης γενομένων, ἄπαις τελευτᾷ.* Tigranes, Armeniæ rex, dum Romæ accusationem subiret, sine liberis obiit. Recens Josephi interpretes Gallicus, R. P. Gillet, errat, cum Tigranem hunc, imperitante Nerone, occisum scribit. Alter fuit Tigranes, Archelai quoque nepos, qui sæpe memorabitur infra Annal. xiv. 26. xv. 1 et seq.

² *C. Galba.* Galbæ, postea Principis, frater, consul A. U. C. 775. De illo Suetonius in Galbâ, iii. *Caius, attritis fuculatibus, Urbe cessit: prohibitusque à Tiberio sortiri anno suo proconsulatum, voluntariâ morte obiit.*

³ *Duo Blæsi.* Fortè filii Junii

Blæsi, qui avunculus fuit Sejani, Annal. iii. 35.

⁴ *Druso nuptam retuli.* Id periit cum parte maximâ libri quinti Annalium. Nos diximus in Supplemto Annal. v. 6. Drusus ille fuit Germanici filius. Vide stem. Cæsar. n. 83 et 84.

⁵ *Intestabilis.* Id est, detestabilis, quæ maritum suum ita erat insecuta. Sallust. in Jugurth. cxc. *improbis intestabilisque videtur.*

⁶ *Pater Lepidus.* De quo supra cap. 27.

⁷ *Clitarum natio.* Clitæ, populi Ciliciæ asperæ et Tauri montis accolæ. De his adhuc dicetur infra Annal. xii. 55.

⁸ *Archelao.* Archelai senioris, ut videtur, filio. Patrem ejus Romanam evocatam, et regnum ejus in provinciam redactum vidimus supra Annal. ii. 42 et 56. Verùm ex hoc Taciti loco aliquot nationes ejus posteris relictas accipimus.

pati tributa adigebatur, in iuga Tauri montis abscessit: locorumque ingenio sese contra imbelles regis copias tutabatur; donec M. Trebellius, legatus, à Vitellio, præside Syriæ, cum quatuor millibus legionariorum, et delectis auxiliis missus, duos colles, quos barbari insederant (minori *Cadra*,¹ alteri *Davara* nomen est) operibus circumdedit: et erumpere ausos ferro, ceteros siti, ad deditionem coegit. At Tiridates, volentibus Parthis, Nicephorium et Anthemusiada,² ceterasque urbes, quæ Macedonibus sitæ, Græca vocabula usurpant, Halumque et Artemitam,³ Parthica oppida, recepit; certantibus gaudio, qui Artabanum, Scythas inter eductum, ob sævitiam exsecrati, come Tiridatis ingenium Romanas per artes sperabant.

42. PLURIMUM adulationis Seleucenses⁴ induère, civitas potens, septa muris, neque in barbarum corrupta, sed conditoris Seleuci retinens. Trecenti opibus, aut sapientiâ delecti, ut senatus: sua populo vis, et quotiens concordēs agunt, spernitur Parthus: ubi dissensere, dum sibi quisque contra æmulos subsidium vocant, accitus in partem, adver-

¹ *Minori Cadra.* *Cadra et Davara* colles Ciliciæ campestris, quæ nunc dicitur *Caramania*.

² *Nicephorium et Anthemusiada.* Urbes Mesopotamiæ. Nicephorium ad Euphraten, Anthemusias ad Niphaten montem, Euphraten inter et Tigrim posita. Utramque urbem memorat Plinius, v. 24. Eorum nomina ab Alexandro M. ceterisque Macedonibus indita. Vide Ammianum Marcellinum, xiv. 3.

³ *Halumque et Artemitam.* Halus uni Tacito memorata. Artemita quingentis stadiis Orientem versus Seleuciâ distabat, teste Strabone, xvi. p. 744. Urbs erat Assyriæ, non verò Mesopotamiæ, ut perperam dixit Plinius, vi. 26.

quod non advertit eruditus Harduinus.

⁴ *Seleucenses.* De urbe Seleuciâ Plinius, vi. 26. *Ad solitudinem rediit Babylon exhausta vicinitate Seleuciæ, ob id condita à Seleuco Nicator intra nonagesimum lapidem, in confluyente Euphratis fossâ perducti atque Tigris; quæ tamen Babylonia cognominatur. libera hodie ac sui juris, Macedonumque moris. Ferunt ei plebis urbanæ dcm esse: situm vero mæonium aquilæ pendentis alas: agrum totius orientis fertilissimum.* Seleucia, nunc vicus est, dictus *Al Modain*. Ex Seleuciæ et Ctesiphontis ruderibus urbem *Bagdad* condidit Abdalla Almansores anno Hegiræ, 140. J. C. 757.

sùm omnes valescit. Id nuper acciderat, Artabano regnante, qui plebem primoribus tradidit ex suo usu: ¹ nam populi imperium, juxta libertatem; paucorum dominatio, regiæ libidini propior est. Tum adventantem Tiridaten extollunt, veterum regum honoribus, et quos recens ætas largiùs invênit: simul probra in Artabanum fundebant, “maternâ origine ² Arsaciden, cetera degenerem.” Tiri-dates rem Seleucensem populo permittit: mox consultans, “quonam die solemnia regni capesseret;” literas Phraatis et Hieronis, qui validissimas præfecturas obtinebant, accipit, “brevem moram” precantium, placitumque “opperiri viros præpollentes.” Atque interim Ctesiphon, ³ sedes imperii, petita: sed ubi diem ex die prolatabant, multis coram et adprobantibus, Surena ⁴ patrio more Tiridaten insigni regio evinxit.

43. AC SI STATIM interiora, ceterasque nationes petivisset, oppressa cunctantium dubitatio, et omnes in unum cedebant: adsidendo castellum, in quod pecuniam et pellices Artabanus contulerat, dedit spatium exuendi pacta. Nam Phraates, et Hiero, et si qui alii delectum capiendi diademati diem haud concelebraverant, pars metu, quidam invidiâ in Abdagesen, qui tum aulâ, et novo rege potiebatur, ad Artabanum vertère. Isque in Hyrcanis repertus est, inlu-

¹ *Ex suo usu.* Ex suo usu suâque utilitate. Imperium enim populi ad libertatem nimis accedit. At paucorum dominatio est regiæ libidini propior. Inde Δημοκρατίαν aversantur Principes, Ὀλιγαρχίαν fovent.

² *Maternâ origine.* Quidam emendant *paternâ*. Sed immeritò. Alii ita accipiunt, quasi *maternâ*, non verò *paternâ origine* fuisset Arsacides. Fortè nec satis acutè; et Artabanum *maternâ origine Arsaciden* dixere, ut spurium indigarent.

³ *Ctesiphon.* Ctesiphon, fluvio Tigri interfluente, à Seleuciâ dividebatur. Seleucia in dextrâ, Ctesiphon in sinistrâ ripâ. Nunc *Al Modâin*, ut dictum supra.

⁴ *Surena.* Surena, non hominis, sed dignitatis, nomen. Ita appellabatur supremus rei bellicæ præfectus, et à rege secundus. Ammianus Marcellinus, xxiv. 2. *Surena post regem apud Persas promerita dignitatis.* Ita quoque Zosimus, III. Σαρήνας, ἀρχὴς δὲ τῆς τοῦ παρὰ Πέρσας ἑνομίας. Vide et Ap-pianum in Parthie. p. 150 et seq.

vie obsitus, et alimenta arcu expediens:¹ ac primò, tamquam dolus pararetur, territus; ubi data fides “reddendæ dominationi venisse,” adlevatur animum, et “quæ repentina mutatio” exquirat. Tum Hiero “pueritiam Tiridatis” increpat; “neque penes Arsaciden imperium, sed inane nomen apud imbellem externâ molliâ, vim in Abdagesis domo.”

44. SENSIT vetus regnandi, falsos in amore,² odia non fingere: nec ultra moratus, quàm dum Scytharum³ auxilia conciret, pergit properus, et præveniens inimicorum astus, amicorum pœnitentiam: neque exuerat pædorem,⁴ ut vulgum miseratione adverteret: non fraus, non preces, nihil omissum, quo ambiguos inliceret, prompti firmarentur. Jamque multâ manu propinqua Seleuciæ adventabat; cùm Tiridates, simul famâ atque ipso Artabano percussus, distrahi consiliis, iret contra, an bellum cunctatione tractaret. Quibus prælium et festinati casus placebant, “disiectos et longinquitate itineris fessos, ne animo quidem satis ad obsequium coaluisse” disserunt, “proditores nuper hostesque ejus, quem rursum foveant.” Verùm Abdageses “regrediendum in Mesopotamiam” censebat, “ut amne obiecto, Armeniis interim, Elymæisque,⁵ et ceteris à tergo excitis, aucti copiis socialibus, et quas dux Romanus mississet, fortunam tentarent.” Ea sententia valuit, quia plurima auctoritas penes Abdagesen, et Tiridates ignavus ad pericula erat: sed fugæ specie discessum; ac, principio

¹ *Arcu expediens.* Arcu ac venatu. De Hyrcanis supra cap. 36.

² *Falsos in amore.* Antea proditores et hostes, nunc amorem falso profitebantur. At in amore falsos, odia adversus Tiridatem non fingere rectè sensit Artabanus.

³ *Dum Scytharum.* Apud quos olim adultus, supra Annal. 11. 3.

⁴ *Neque exuerat pædorem.* Prudenter quidem squallidas lacerasque vestes non exuerat Artabanus. Hoc enim Principis pædore movetur vulgi misratio.

⁵ *Elymæisque.* Elymæi sint Persici accolæ Elymaiden, nunc the Southern part of Chusistan, habitabant.

à gente Arabum facto, ceteri domos abeunt, vel in castra Artabani: donec Tiridates cum paucis in Syriam revectus, pudore proditiōis¹ omnes exsolvit.

45. IDEM annus gravi igne Urbem adficit, deustâ parte Circi,² quæ Aventino contigua, ipsoque Aventino: quod damnum Cæsar ad gloriam vertit, exsolutis domuum et insularum³ pretiis. Millies sestertiūm⁴ eâ munificentia collocatum; tanto acceptius in vulgum, quanto modicus privatis ædificationibus. Ne publicè quidem nisi duo opera struxit, templum Augusto, et scenam Pompeiani theatri; eaque perfecta⁵ contemptu ambitionis, an per senectutem, haud dedicavit. Sed æstimando cujusque detrimento quatuor progeneri⁶ Cæsaris; Cn. Domitius, Cassius Longinus, M. Vinicius, Rubellius Blandus delecti, additusque, nominatione consulum, P. Petronius. Et, pro ingenio cujusque, quæsi decretique in Principem honores: quos omiserit receperitve in incerto fuit, ob propinquum vitæ finem. Neque enim multo pòst supremi Tiberio consules, Cn. Acerronius,⁷ C. Pontius magistratum occepere, nimiâ jam potentiâ Macronis, qui gratiam C. Cæsaris,⁸ numquam sibi neglectam,

¹ *Pudore proditiōis.* Eleganter dictum. Parthos pudore proditiōis exsolvit Tiridates, in Syriam revectus. Tum etiam sine ullâ proditiōis infamia ad Artabanum poterant accedere.

² *Parte Circi.* Parte Circi maximi, quæ contigua Aventino monti, in XIII Urbis regione. Hoc quoque incendium memorat Dio, LVIII. p. 638.

³ *Et insularum.* Domus et insulæ distinguebantur: domus, palaces; insulæ, houses. Dicebantur insulæ, quòd communibus parietibus cum vicinis non jungerentur.

⁴ *Millies sestertiūm.* Angl. 838,333l. 6s. 8d.

⁵ *Eaque perfecta.* Aliter Suetonius in Tiber. XLVII. in Caio, XXI. in Claud. quoque XXI. At nec satis accusatus, et Tiberio infensior. Vide Dionem, LX. 669.

⁶ *Quatuor progeneri.* Rubellius Blandus, Juliæ Drusi filiæ, Tiberii neptis, conjux, solus fuit naturâ progener: ceteri adoptionis jure. Cn. Domitius Agrippinam, Cassius Longinus Drusillam, M. Vinicius Juliam, dictam quoque Livillam, Germanici filias, uxores duxerant. Vide stem. Cæs. n. 74 et 75. 93 et 34. 96 et 95. 99 et 97.

⁷ *Cn. Acerronius.* Cn. Acerro-nius et C. Pontius Nigrinus consules fuere A.U.C. 790. J.C. 37.

⁸ *C. Cæsaris.* Caligulæ,

acriùs in dies fovebat, impuleratque post mortem Claudiae, quam nuptam ei retuli,¹ uxorem suam Enniam immittendo,² amore juvenem inlicere, pactoque matrimonii vincere, nihil abnuentem, dum dominationis apisceretur. Nam etsi comotus ingenio, simulationum tamen falsa,³ in sinu avi perdidicerat.

46. GNARUM hoc Principi, eoque dubitavit de tradendâ republicâ : primùm inter nepotes ; quorum Druso genitus,⁴ sanguine et caritate propior, sed nondum pubertatem ingressus : Germanici filio⁵ robur juventæ, vulgi studia, eaque apud avum odii causa. Etiam de Claudio⁶ agitati, quod is compositâ ætate, bonarum artium cupiens erat, imminuta mens ejus obstitit. Sin extra domum successor quæreretur, ne memoria Augusti, ne nomen Cæsarum in ludibria et contumelias verterent, metuebat : quippe illi non perinde curæ gratia præsentium, quàm in posteros ambitio. Mox incertus animi, fesso corpore, consilium, cui impar erat, fato permisit : jactis tamen vocibus, per quas intelligeretur providus futurorum. Namque Macroni, non abditâ ambage, “ Occidentem ab eo deseri, Orientem spectari ”⁷ exprobravit. Et C. Cæsari, fortè orto sermone, L. Sullam inridenti, “ omnia Sullæ vitia, et nullam ejusdem virtutem “ habiturum ” prædixit : simul crebris cum lacrymis mino-

¹ *Nuptam ei retuli.* Supra cap. 20. Eam ex partu amisit, teste Suetonio in Caio, XII.

² *Enniam immittendo.* Paulo aliter Suetonius, loc. cit. Caius Enniam Næviam Macronis uxorem, qui tum prætorianis cohortibus præerat, sollicitavit ad stuprum, pollicitus et matrimonium suum, si potitus imperio fuisset : deque eâ re et jurejurando et chirographo cavit.

³ *Simulationum tamen falsa.* De hac simulandi arte jam plura cap. 20.

⁴ *Druso genitus.* Dictus quoque Tiberius ; Sueton. in Tiber. LIV. Natus tantùm annos septemdecim, supra Annal. II. 84. Vide stem. Cæs. n. 72.

⁵ *Germanici filio.* Caio Caligulæ.

⁶ *De Claudio.* Germanici fratre.

⁷ *Orientem spectari.* Caius oriens à Macrone spectabatur, occidens Tiberius deserebatur. Similitudine à sole ducta. In posteriorum imperatorum nummis sæpe occurrit inscriptio SOLI INVICTO AVG.

rem ex nepotibus¹ complexus, truci alterius vultu: "occides hunc² tu," inquit, "et te alius." Sed gravescente valetudine, nihil è libidinibus omittebat, in patientiâ firmitudinem³ simulans; solitusque, eludere medicorum artes, atque eos, qui post tricesimum⁴ ætatis annum, ad internoscenda corpori suo utilia, vel noxia, alieni consilii indigerent.

47. INTERIM Romæ futuris etiam post Tiberium cædibus semina jaciebantur. Lælius Balbus Acutiam, P. Vitellii⁵ quondam uxorem, majestatis postulaverat: quâ damnatâ, cùm præmium accusatori decerneretur, Junius Otho, tribunus plebei, intercessit: unde illis odia, mox Othoni exilium. Dein multorum amoribus famosa Albucilla, cui matrimonium cum Satrio Secundo,⁶ conjurationis indice, fuerat, defertur impietatis in Principem: connectebantur ut conscii, et adulteri ejus, Cn. Domitius, Vibius Marsus, L. Arruntius. De claritudine Domitii supra memoravi:⁷ Marsus quoque vetustis honoribus, et inlustris studiis erat. Sed "testium interrogationi, tormentis servorum Macronem præsedisse," commentarii ad senatum missi ferebant; nullæque in eos Imperatoris literæ, suspicionem dabant, invali-

¹ Minorem ex nepotibus. Tiberium, Drusi filium, de quo mox dictum.

² Occides hunc. Reverà Caius eum occidit, Sueton. in Caio, xxviii. Ipse percussorum gladio occubuit, Sueton. lvihi. Hæc quoque nos diximus in Suppl. Annal. vii. 21. viii. 79.

³ In patientiâ firmitudinem. In gravescentis valetudinis patientiâ, et libidinum suarum retinens, firmitudinem simulabat Tiberius. Vide not. et emend. ad Annal. vi. 46.

⁴ Tricesimum ætatis annum. Aliter Plutarchus de Sanitate tu-

endâ, Vol. ii. p. 136. "Ἦκετα τοίνυν Τιβέριον ποτὲ Καίσαρα εἰπεῖν ὡς ἀνὴρ ὑπερῖζήκοντα γεγονώς ἐτη, καὶ προτείνων ἰατρῶν χεῖρα, καταγέλαστος εἶναι. Αὐτοὶ δὲ Τιβέριον σολῖτον εἰπεῖν ἄνδρα ἰλλοῦ ἐσσεῖν ῥιδικυλοῦ, καὶ, ἀννὸς νάτος ἑξαγίντα, μάνον ἰατροῦ πορρίγεραι. Ταῖσι τοῖσι συγγράμματα Σουητονίου ἐν Τιβέρι. lxxviii.

⁵ P. Vitellii. De quo supra Annal. v. 8.

⁶ Satrio Secundo. Olim Sejani cliente, postea eversore et conjurationis indice. Annal. iv. 34. vi. 8. Vide et Suppl. Libri v. 32.

⁷ Supra memoravi. Annal. iv. 75.

do ac fortasse ignaro, ficta pleraque, ob inimicitias Macronis notas in Arruntium.

48. Igitur Domitius defensionem meditans, Marsus tamquam inēdiam destinavisset, produxere vitam. Arruntius,¹ cunctationem et moras suadentibus amicis, “Non eadem omnibus decora,” respondit: “sibi satis ætatis: neque aliud pœnitendum, quàm quòd, inter ludibria et pericula, anxiam senectam toleravisset, diu Sejano, nunc Macroni, semper alicui potentium invisus; non culpâ, sed ut flagitiorum impatiens. Sanè paucos et supremos Principis dies posse vitari; quemadmodum evasurum imminentis² juventam? An cùm Tiberius, post tantam rerum experientiam, vi dominationis convulsus et mutatus sit, C. Cæsarem, vix finitâ pueritiâ, ignarum omnium, aut pessimis innutritum, meliora capessiturum, Macrone duce? qui, ut deterior, ad opprimendum Sejanum delectus, plura per scelera rempublicam conflictavisset. Prospectare jam se acrius servitium, eoque fugere simul acta et instantia.”³ Hæc vatis in modum dictitans, venas resolvit.⁴ Documento sequentia erunt, benè Arruntium morte usum. Albucilla inrito ictu à semet vulnerata, jussu senatûs in carcerem fertur. Stuprorum ejus ministri, “Carsidius Sacerdos,⁵ prætorius, ut in insulam deportaretur; Pontius Fregellanus amitteret ordinem Senatorium: et eadem pœnæ in Lælium Balbum” decernuntur: id quidem à lætantibus, quia Balbus truci eloquentiâ habebatur, promptus adversum insontes.

¹ *Arruntius.* L. Arruntius ab Augusto laudatus Annal. i. 13.

² *Imminentis.* Caii Caligulæ.

³ *Acta et instantia.* Acta, quæ odit; instantia, quæ metuit.

⁴ *Venas resolvit.* Extat adhuc

ejus monumentum cum inscriptione, in viâ Prænestinâ. Ficoroni, *Roma Antica*, i. 17.

⁵ *Sacerdos.* Nomen proprium, non verò dignitas.

49. *IISDEM* diebus Sex. Papinius¹ consulari familiâ, repentinum et informem exitum delegit, jacto in præceps corpore: causa ad matrem referebatur, quæ pridem repudiata,² adsentationibus atque luxu perpulisset juvenem ad ea, quorum effugium non nisi morte inveniret. Igitur accusata in senatu, quamquam genua patrum advolveretur, “luctum-
“que communem,³ et magis imbecillum tali super casu fœ-
“minarum animum,” aliaque in eundem dolorem mœsta, et miseranda diu ferret, Urbe tamen in decem annos prohibita est, donec minor filius lubricum juventæ exiret.

50. *JAM* Tiberium corpus, jam vires, nondum dissimulatio⁴ deserebat. Idem animi rigor: sermone ac vultu intentus, quæsitâ interdum comitate, quamvis manifestam defectionem⁵ tegebat: mutatisque sæpiùs locis, tandem apud promontorium Miseni⁶ consedit, in villâ, cui L. Lucullus⁷ quondam dominus: illic eum adpropinquare supremis, tali modo compertum. Erat medicus arte insignis, nomine Charicles, non quidem regere valetudines Principis solitus, consilii tamen copiam præbere. Is velut propria ad negotia digrediens, et per speciem officii manum complexus, pulsum venarum attigit; neque fefellit:⁸ nam Tiberius incertum an offensus, tantoque magis iram premens, “instaurari
“epulas” jubet, discumbitque ultra solitum; quasi honori

¹ *Sex Papinius.* De ejus consulari supra cap. 40.

² *Pridem repudiata.* Repudiata à filio, cum thalamum ejus nefariè invaderet.

³ *Luctumque communem.* Luctumque in filii morte parentibus omnibus communem, et graviolem adhuc in sœminis propter minorem animi firmitudinem.

⁴ *Nondum dissimulatio.* Tacit. Annal. iv. 71. *Nullam æquè Tiberius ex virtutibus suis, quàm dissimulationem dilexit; nullam diutius retinuit,*

⁵ *Manifestam defectionem.* Defectionem virium corporis, quamvis manifestam, tegebat.

⁶ *Promontorium Miseni.* Nunc cape Miseno, in Campaniâ ac sinu Putcolano.

⁷ *L. Lucullus.* Olim C. Marii villâ, quam L. Lucullus emit quingentis millibus ac ducentis denariis, *Angl.* 16,673l. 6s. 8d. Plutarch. in Mario, p. 425. Extant adhuc ejus rudera prope Miseni promontorium.

⁸ *Neque fefellit.* Tiberium.

abeuntis amici tribueret. Charicles tamen “labi spiritum, “nec ultra biduum duraturum” Macroni firmavit: inde cuncta colloquiis inter præsentes, nuntiis apud legatos et exercitus festinabantur: xvii. Kal. Aprilis,¹ interclusâ animâ, creditus est mortalitatem explevisse. Et multo gratantum concursu, ad capiendâ imperii primordia C. Cæsar egrediebatur: cùm repentè adfertur, “redire Tiberio vocem ac “visus, vocarique qui recreandæ defectioni cibum adferrent.” Pavor hinc in omnes; et ceteri passim dispergi, se quisque mœstum aut nescium fingere. Cæsar in silentium² fixus, à summâ spe, novissima expectabat. Macro intrepidus, “opprimi senem injectu multæ vestis” jubet, “discedique ab limine.” Sic Tiberius finivit,³ octavo et septuagesimo⁴ ætatis anno.

51. PATER ei Nero,⁵ et utrimque origo gentis Claudiæ, quamquam mater in Liviam, et mox Juliam familiam, adoptionibus transierit. Casus primâ ab infantiâ ancipites: nam proscriptum patrem exul secutus,⁶ ubi domum Augusti privignus introiit, multis æmulis conflictatus est, dum Marcellus et Agrippa,⁷ mox Caius Luciusque Cæsares, viguere: etiam frater ejus Drusus⁸ prosperiore civium amore erat. Sed maximè in lubrico egit, acceptâ in matrimonium Juliâ: impudicitiam uxoris tolerans, aut declinans. Dein Rhodò regressus, vacuos Principis⁹ penates duodecim annis, mox

¹ 17. Kal. Aprilis. Die 16. Martii.

² Cæsar in silentium. Caius, in silentium fixus, à summâ spe, quâ imperii primordia præceperat, novissima, id est, mortem citissimam, expectabat.

³ Sic Tiberius finivit. Alii, ut mos est, de Tiberii morte vulgati rumores, quos memorat Suetonius in Tiber. lxxiii. rumusculorum, quàm veritatis studiosior.

⁴ Octavo et septuagesimo. Vide not. et emend. ad Ann. vi. 50.

⁵ Pater ei Nero. Tiberius Claudius Nero. Vide stem. Cæs. n. 67. Mater Livia, stem. Cæs. n. 66. De eâ multa Annal. v. 1.

⁶ Exul secutus. In Siciliam. Vell. Patern. ii. 75.

⁷ Marcellus et Agrippa. De Marcello, Agrippâ, Caio et Lucio dictum supra Annal. i. 3. et in stem. Cæs. n. 17. 47. 48 et 49.

⁸ Frater ejus Drusus. Germanici pater. Vide stem. Cæs. n. 79.

⁹ Vacuos Principis. Vacuos Augusti penates, Caio et Lucio Cæs-

rei Romanæ arbitrium¹ tribus fermè et viginti obtinuit. Morum quoque tempora illi diversa : egregium vitâ famâ-que quoad privatus,² vel in imperiis sub Augusto fuit : occultum ac subdolum fingendis virtutibus, donec Germanicus ac Drusus³ superfuere. Idem inter bona malaque mixtus, incolumi matre :⁴ intestabilis⁵ sævitiâ, sed obtectis libidinibus, dum Sejanum dilexit, timuitve : postremò in scelera simul⁶ ac dedecora prorupit, postquàm, remoto pudore et metu, suo tantùm ingenio utebatur.

ribus defunctis, exule Postumo Agrippâ.

¹ *Rei Romanæ arbitrium.* Verè et eleganter dictum. Libertatem Romanam armis labefecerat Cæsar; luxu corruerat Augustus; dissimulatione oppressit Tiberius, Romani imperii et artis politicæ conditor: quo melior Princeps haberi faciliè potest, callidior vix potest excogitari. Cæsarem animo, Augustum ingenio expressurus, nisi certiore dominationis viam reperisset: virtutes ac vitia ita attemperans, ut in eo nec virtutes vitiiis, nec vitia virtutibus immi-
nuerentur. Τιβέριος μὲν δὴ πλείστας

μὲν ἀρετὰς, πλείστας δὲ κακίας ἔχων, καὶ ἐκατέραις αὐταῖς, ὡς καὶ μόναις, κεχρημένος, Dio, l. viii. p. 639.

² *Quoad privatus.* Hæc verè et elegantissimè laudavit Velleius, II. 103. 106, 114. In principatu gesta, sæpe mendax, sæpiùs adulator exaggerat, II. 126 et 127.

³ *Ac Drusus.* Tiberii filius. Vide stem. Cæs. n. 70.

⁴ *Incolumi matre.* Liviâ.

⁵ *Intestabilis.* Sævitia detestabilis. De hoc verbo jam supra cap. 40.

⁶ *In scelera simul.* In scelera cædibus, in dedecora impudicitiiis prorupit.

NOTÆ ET EMENDATIONES

AD

SEX PRIORES LIBROS

C. CORNELII TACITI

ANNALIUM.

NOTE ET EMENDATIONES

AD

REX PRINCIPES LIBROS

G. CORNELII TACITI

ANNALIUM

NOTÆ ET EMENDATIONES

AD LIBRUM PRIMUM ANNALIUM

C. CORNELII TACITI.

C. CORNELII TACITI. A vetustis editionibus abest prænomen. Deinde temerè editum, *P. Cornelii Taciti*. Errorem dedocuit Sidonius, iv. Epist. 14. de quâ actum inter testimonia Veterum. Sidonio adstipulantur MSS. Reg. et Farnes. In Reg. C. CORNELII TACITI HISTORICI ILLUSTRIS XXX LIBRORUM QUOS AEDIDIT FRAGMENTA INCIPIUNT. In Farnes. teste Lipsio, *C. Cornelii Taciti Romanas Historias scribentis ex his qui reperiuntur liber primus.*

Annales. Annales suos ipse Tacitus memorat, Annal. iv. 32. Et à Jornande, inter Veterum testimonia laudato, *Annalium Scriptor* appellatur. Itaque meritò antiquam inscriptionem restituit Rhenanus. Malè Puteolanus, *Actionum diurnalium*; alii ex MS. Vatican. *Actorum diurnalium*. Annales inter et Historiam id discriminis, quod Annales breviores et compressiores, amplior et fusior Historia. Plus artis et voluptatis in Historiâ, plus veritatis et utilitatis in Annalibus. At vel in ipsis Annalibus arte et voluptate præstat Tacitus.

CAP. I. *Urbem Romam.* Ab hexametro scribendi initium fecere Tacitus,

Urbem Romam à principio reges habuere,

et Sallustius in Jugurth. v.

Bellum scripturus sum quod populus Romanus.

Ab hemistichio Livius, 1. 1.

Facturusne operæ pretium sim.

Id, quod casu, non consilio, optimis scriptoribus excidit, neque arguerim, neque laudaverim. Aliquid tamen poeticum referre debet historici stilus. In vetustissimorum temporum historiis, in libris, qui chronici appellantur, numeris quidem solutæ narrationes videntur, non ita tamen, ut non facilè “invenias disjecti membra” poetæ; scilicet primordia gentium memoriæ, quasi *carmina necessaria*, mandabantur. Quorum exempla nullo negotio in T. Livii Hist. Libro 1. reperiās. Ceterum in aliis locis numerosiores versus Tacitus adhibet: ex. gr.

Auguriis patrum, et priscâ formidine sacram.

Germania, 39.

Sic apud Livium:

Hæc ubi dicta dedit, stringit gladium, cuneoque;

apud Sallustium:

Cnæi Pompeii veteres, fidosque clientes;

et apud Nepotum:

Post natos homines, ut cùm privatus obisset.

Veteris populi Romani. Sic MS. Flor. Perperam emendaverat Vertranius, *veteris reipublicæ.*

Deterrentur. Muretus alique nonnulli emendant, *detere-rentur*: non ineptè, sed minimè probabiliter, refragantibus libris omnibus. Inmo decora et optima ingenia deterrentur: honesta ac bona deteruntur.

CAP. 3. *Bonum militia.* Mallet Heinsius, *bonum militiæ.* At nihil mutandum. Vide Misc. Obs. 1x. 283.

Destinari consules. Optimè Ryckius et recentiores. Perperam in veteribus editionibus, *destinare*. Consules enim destinati, seu designati sunt, ut patet ex nummis. Nec omittendum monumentum Ancyranum, quod ex exemplari à Cl. Pitton de Tournefort Ancyrae, nunc *Angora*, descripto, auctius emendatiusque, quàm Gruterus, Gronovius, Pitiscusve, publicavit eruditus Chishull, *Antiquitates Asiaticae*, p. 173 :

Inter FILIOS. MEOS. QUOS. SINISTRA sors MIHI. ERIPVIT. EORVM. CAIVM. ET. LVCIVM, CAESARES. natu maximos. HONORIS. MEI. CAUSA. SENATVS. POPVLVSQVE. ROMANVS. ANNVM. QVINTVM. ET. DECIMVM. AGENTIS. (id est, agentes.) CONSULES. DESIGNAVIT. VT. EVM. MAGISTRATVM. INIRENT. POST. QVINQVENNIVM. ET. EX. EO. DIE. QVO. DEDVCTI. SVNT. IN. FORVM. VT. INTERESSENT. CONSILIIS. PVBLICIS. DECREVIT. SENATVS. EQVITES. AVTEM. ROMANI. VNIVERSI. PRINCIPEM. IVVENTVTIS. VTRVMQVE. EORVM. PARMIS. ET. HASTIS. ARGENTEIS. DONATVM. APPELLAVERVNT.

Mors fato propera. De his Cæsaribus Florus, iv. 12. *Ambo fato breves, sed alter inglorius*: Lucius scilicet, Massiliae extinctus. Alter verò egregius et laudandus, de quo ita Ceno-taphium Pisanum, cujus inscriptionem accuratissimè edidit Cl. Gori, *Inscript. Antiq.* vol. II. p. 10. tab. 2. *CVM AD. IIII. NONAS. APRILES. (A.U.C. 757.) ALLATVS. ESSET. NVNTIVS. CAESAREM. AVGVSTI. PATRIS. PATRIAE. PONTIF. MAXSVMI. CVSTODIS. IMPERI. ROMANI. TOTIVSQVE. ORBIS. TERRARVM. PRAESIDIS. FILIVM. DIVI. NEPOTEM. POST. CONSVLATVM. QVEM. VLTTRA. FINIS. EXTREMAS. POPULI. ROMANI. BELLVM. GERENS. FELICITER. PEREGERAT. BENE. GESTA. RE. PVBLICA. DEVICTEIS. AVT. IN. FIDEM. RECEPTIS. BELLICOSISSIMIS. AC. MAXSIMIS. GENTIBVS. IPSVM. VOLNERIBVS. PRO. RE. PVBLICA. EXCEPTIS. EX. EO. CASV. CRVDELIBVS. FATIS. EREP-TVM. POPVLO. ROMANO. IAM. DESIGNATVM. IVSTISSVMVM. AC. SIMILLVMVM. PARENTIS. SVI. VIRTVTIBVS. PRINCIPEM.*

Qui plura desiderant, eruditum Em. Norisii opus, de Cenotaphiis Pisanis. Velleium Paterculum, II. 102. Suetonium in Aug. LXV. adeant.

Pluribus munimentis. Optimè emendavit Lipsius. Mendosè Beroaldus, *pluribus monumentis.* Infra Hist. IV. 52. *Non legiones, non classes, perinde firma Imperii munimenta, quàm numerum liberorum.*

CAP. 4. *Omnes.* Vide Misc. Obs. IX. 282.

Ægro et corpore. Muretus mallet. *etiam.* Vellet Lipsius trajici, *et ægro corpore.* Nihil mutandum.

Exulem egerit. Mureto placeret, *exul egerit.* Eleganter quidem. Sicque ipse Tacitus Annal. III. 38 et 44. At aliter quoque Hist. III. 2. IV. 2.

Aliquid quàm. Tentat aliud quidquam. Benè: sed non necessariò.

CAP. 5. *Gnarum id Cæsari.* Optimè Lipsius. Perperam Beroaldus, *C. Navum id Cæsari.* Albericus Gentilis in Lectt. Virg. cap. XIX. p. 177. conj. *Liviam id Cæsari.*

Acribus namque custodiis. Incassum Heinsius, *arctioribus.* Paribus custodiis satius fore mihi videbatur olim: nam *acres custodias* vix alibi mihi lectas recorder: nunc præfero *arctius* vel *arctioribus* custodiis. Vide Misc. Obs. IX. 282 et 283.

CAP. 6. *Quandòque ipse.* Sic MS. Flor. Jac. Gronovius et recentiores. Malè Beroaldus et alii, *quandòcumque.* *Quandòque* sæpe usurpatum pro *quandòcumque.* Vide J. Fr. Gronovium in Livium, I. 24.

CAP. 7. *Tanto magis falsi.* Opinabar, *tanto magis fassi,* quò illustriores, eò apertiores ruebant in servitium, dum Tiberii benevolentiam hoc ipso aucuparentur. Sed et vulgata ferri potest. Vide Misc. Obs. IX. 283.

Ne lati. Emendabat Illustr. Pellicerius, *ne lati—neve tristiore primordio.* Malè in veteribus editionibus, *neve tristior.* Emendandum, *tristiores, rectè monuit* Beroaldus.

Adulationes miscebant. In veteribus omnibus editionibus, *adulatione*. Lipsius et recentiores, *adulationes*. Tentavit Muretus, *lacrymas gaudio, questus adulatione miscebant*. Ernestus, *lacrymis gaudium, questus adulatione*. Si quid mutandum, Ernestinam emendationem probarem. *Adulationem* scilicet reponi oportet, etsi nec malè Muretus. Vide Misc. Obs. ix. 283.

Apudque eos. *Apud Coss.* emendabat Muretus.

Inductam dubitationem. Frustra tentat Gronovius, *indutam*. Ante Gronovium id dubitanter proposuerat Latinus Latinus.

CAP. 8. *In familiam nomenque Augustæ.* Liviam in nomen et familiam Juliæ gentis fuisse adscitam nemo inficiari potest, cùm id conceptis verbis pronuntient Dio, lvi. p. 600. Velleius, ii. 75. Ovidius Fast. i. 532. Tacitus Annal. v. 1. Ipseque Plinius, x. 55. xiv. 6. Novi equidem eruditum Harduinum mentem mutasse, et in posteriore suâ editione *Liviam* pro *Juliâ* scripsisse: sed perperam, et refragantibus MSS. libris.

Trecenos nummos. De his Augusti legatis paulo aliter, et fortè accuratiùs, Suetonius in Aug. ci. *Legavit populo Romano quadringentis, tribubus tricies quinquies sestertiûm, prætorianis militibus singula millia nummorum, cohortibus urbanis quingenos, legionariis trecentos nummos.* Nec enim verisimile legionarios cohortibus Urbanis fuisse æquatos. Summa tota legatorum Augusti fuit fermè *Angl.* 875,000*l.* Emendavi, *legionariis atque cohortibus.* Malè enim Beroaldus aliique veteres, *legionariis autem cohortibus.* Meliùs Freinshemius et Ryckius, *legionariis autem et cohortibus.* At cùm in MS. Flor. legatur, *legionariis aut cohortibus*, mendosè quidem, licèt Jac. Gronovio et Recentioribus probatum, omnino emendandum *atque*, ut ipse sensus postulat. *Aut* et *atque* in MSS. sæpe permutari jam à Cortio ad Sallustium in Jugurth. lxxxii. observatum, et plurimis exemplis demonstratum. Cohortes civium Romanorum appellantur, ut à sociorum cohortibus distinguantur.

CAP. 9. *Idem dies accepti quondam imperii princeps, et vita supremus.* De anno accepti imperii nihil certi occurrebat, cùm notas edidi. Hæc postea mente revolvens, adverti huc optimè

referri posse partem hanc monumenti Ancyranı apud Cl. Chishull, *Antiquitates Asiaticæ*, p. 172. IMPERIVM. MIHI. DEDIT. RES-PVBLICA. VTI. PRAETORI. SIMVL. CVM. CONSVLIBVS irtio et *Pansâ*. Huic AVTEM. EODEM. ANNO. ME. *suffectum* CONSVLEM. *cum edidisset. ET. TRIVMVI RVM. REIPVBLICAE. CONSTITVENDÆ* QVI. PARENTEM. *coniurati occidissent.* IN. EXILIVM. EXPVLI. IVDICIIIS. LEGITIMIS. VLTVS. POSTEA. BELLYM. INFERENTIS. (id est, *inferentes.*) REIPVBLICAE. *Philippensi prælio oppressi.* Itaque ut Augustus obiit die 19. mensis Augusti, A. U. C. 767. ita imperium accepisse videtur die 19. Augusti, A. U. C. 711.

Valerium Corvinum. In MS. Flor. *Corvum*. At libri editi fermè omnes, et ceteri scriptores *Corvinum* vulgò appellant.

Dum interfectores. Ita Pichena et recentiores fermè omnes. In MS. Flor. et editione principe, *tunc interfectores*; Rhenanus *ut interfectores*. Mallet Jac. Gronovius, *multa Antonio tunc, interfectores patris ut ulcisceretur*. Melior Vulgata ac recepta emendatio.

CAP. 10. *Acceperit.* Muretus malebat *acceperat*: sc. quia mox *fecere*. Tacitus utroque modo utitur: paulo antè *invaserit*. Sed sæpius tamen plusquamperfecto, ut attentus lector faciliè observabit. ERN.

Qui fecere laudatas. Muretus, *qui cepere*. Nihil mutandum. *Capere*. Ita scripti; *an fecere?* Locus luxatus. fortè, *Qui reperere*. *Cæpere* est ex mutilatione vocis. Vide Misc. Obs. IX. 283 et 284.

Julos. In MS. Flor. *Julios*: ita quoque scriptores Græci Dio et Eusebius. At Horatius, IV. od. 2. Velleius et Suetonius *Julum* appellant. Ab Julo, Æneæ filio, ob maternum genus ita dictum fuisse probat Perizonius, *Animadvers. Historic. cap. 3. p. 151.*

Q. Tedii et Vedii Pollionis luxus. Luxum et crudelitatem Vedii Pollionis, qui Murænas humano sanguine saginabat, quomodò castigaverit Augustus, scribit Seneca, *de irâ*, III. 40. Pluribus Dio, LIV. p. 536. Vide et Plinium, IX. 23. Haud ita certum alterius ganeonis nomen. In MS. Flor. *nuberetque Tedii et Vedii.*

Beroaldus edidit, *nuberet quæ Tedii*; conjectans emendandum, *qui Tedii*. In recentioribus editionibus, *qui Atedii*, vel *qui Tedii*. Rhenanus, *Q. Vedii Pollionis*. *Que, quæ, qui* mendosa esse, et ex prænomine Q. nata, certum videtur. Ex ceteris litèris existimo olim scriptum fuisse, *Q. Haterii*. Hunc hominem fortè memorat Plinius, VII. 53. *Cornelius Gallus, Pratorius, et Q. Haterius; eques Romanus, in Venere obiere*. Nihil tamen ex levi conjecturâ mutandum. Infra Annal. III. 57. Beroaldus quoque ediderat, *atque Haterius*, pro *at Q. Haterius*; et Annal. IV. 21. *Pisonemque gravius*, pro *Pisonem Q. Granius*. [Anne corrigamus, *Q. Atedii*?]

Gravior domui. MS. Flor. *gravius*. Conjiciebat Beroaldus, *gravis*. Meliùs Pichena et recentiores, *gravior*.

Habitu cultuque. Ita emendandum rectè monuit Heinsius: recepere Ernestus et recentiores. Suffragatur Suetonius in Tiber. LXVIII. *Incedebat cervice rigidâ et obstipâ: adducto ferè vultu, plerumque tacitus*. Vide etiam Tacitum infra cap. 33. *Sermone, vultu, adrogantibus et obscuris*. Beroaldus et alii, *habitu cultuque*. Vide Misc. Obs. IX. 284. Tacitus autem conjungit *cultum habitumque*, XVI. 22. Hist. I. 17. II. 52. Sic et habitus cultusque junguntur ab iis, qui et indolem rei, φύσις, ingenium seu formam sc. constitutionem, et speciem exteriorem, à culturâ vel educatione additam exprimere cupiunt. Sic Virg. Georg. I. 52. *habitu cultumque* de agris sc. locis adhibet. Sed Tacitus infra II. 59. tria ista rursus conjungit: *Tiberius, cultu habituque ejus* (Germanici) *leniùs perstricto, acerrimè increpuit, quòd contra instituta Augusti, non sponte Principis, Alexandriam introisset*; tum Hist. IV. 64. *instituta cultumque patrium*. Ita non ambiguum sit, quomodò legi debeat. Et cum ex ingressu vultuque perspiciatur *habitus* animi, possit *cultus* omitti, habitusque Tiberii, in quo avita erat indoles arrogantiae, etiam arrogantiam vultus comprehendere. *Cultus* autem non solum est in vestitu, sed in omni vitâ, corpore, animo, quatenus hæc curantur. Neque profectò Tiberio cultus fuit comis, sed suus, silentii, obscuritatis sævitiam tegentis, affectationis, insignia habens, luxuriosus et atrox, cetera. Noster infra cap. 33. Germanicum conferens cum Tiberio inquit: *Nam juveni civile ingenium, mira comitas, et diversa à Tiberii sermone, vultu, arrogantibus et*

obscuris. Jam quo referas comitatem illam non vultu solùm, sed et sermone diversam, nisi ad cultum? Putem verò etiam, Tiberium, uti alienum se à Græcorum cultu, et sermone affectavit, ita in eo modum id temporis excusatum excessisse. Itaque melius sit retinere *habitum cultumque et instituta.* *Habitus* sequitur *cultus*, ab utroque sunt *instituta*, consuetudo et mores sc. vivendi ritus. Crollius, in Bipont. ed.

CAP. 11. *Opes publicæ continebantur. Opes publicæ eo continebantur*, ni fallor. Vide Misc. Obs. ix. 285.

Et largitiones. Largitiones suas, tanto dignas Principe, et nemini adhuc satis attentè observatas, fusè recenset Augustus in monumento Ancyrano apud Cl. Chishull, *Antiquitates Asiaticæ*, p. 173 et seq. PLEBEI. ROMANAE. VIRITIM. SS. TRECENOS. *Angl.* 2l. 10s. NVMERAVI. EX. TESTAMENTO. PATRIS. MEI. ET. NOMINE. MEO. QVADRINGENOS. *Angl.* 3l. 6s. 8d. EX. BELLORVM. MANIBIIS. CONSVL. QVINTVM. DEDI. ITERVM. AVTEM. IN. CONSVLATV. DECIMO. EX. PATRIMONIO. MEO. HS. QVADRINGENOS. CONGIARI. VIRITIM. PERNVMERAVI. ET. CONSVL. VNDECIMVM. DVODECIM. FRVMENTATIONES. FRVMENTO. PRIVATIM. COEMPTO. EMENSVS. SVM. ET. TRIBVNITIA. POTESTATE. DVODECIMVM. QVADRINGENOS. NVMMOS. TERTIVM. VIRITIM. DEDI. QVAE. MEA. CONGIARIA. PERVENERVNT. *ad civivm.* MILLIA. NVNQVAM. MINVS. QVINQVAGINTA. ET. DVCENTA. (malè supplevit eruditus Chishull, *ad sestertiũm millia nunquam minùs quinquaginta et ducenta*; quod adhuc pejùs taxavit *Angl.* 405,260l. 4s. 4d.) TRIBVNITIAE. POTESTATIS. DVODEVICINSIMVM. CONSVL. XII. TRECEN. ET. VIGINTI. MILLIBVS. PLEBEI. VRBANA. SEXAGENOS. DENARIOS. *Angl.* 2l. *totaque congiarii summa fuit Angl.* 621,730l. VIRITIM. DEDI. ET. CVOIVIS. pro cuivis. MILITVM. MEORVM CONSVL. QVINTVM. EX. MANIBIIS. VIRITIM. MILLIA. NVMMVM. SINGVLA. *Angl.* 8l. 6s. 8d. DEDI. ACCEPERVNT. ID. TRIUMPHALE. CONGIARIVM. IN. COLONIIS. HOMINVM. CIRCITER. CENTVM. ET. VIGINTI. MILLIA. CONSVL. TERTIVM. DECIMVM. SEXAGENOS. DENARIOS. PLEBEI. QVAE. TVM. FRVMENTVM. PVBLICVM. ACCEPERVNT. DEDI. EA.

MILLIA. HOMINVM. PAVLO. PLVRA. QVAM. DVCENTA. FVERVNT. PECVNIAM. *pro*. AGRIS. QVOS. IN. CONSVLATV. MEO. QVARTO. ET. POSTEA. CONSVLIBVS. *M. Crasso et Cn. Lentulo*. AVGVRE. ADSIGNAVI. MILITIBVS. SOLVI. MVNICIPIIS. EA. SESTERTIVM. CIRCITER. SEXIENS. MILLIENS. *Angl.* 5,000,000*l.* FVIT. QVAM. *ex*. COLLATIONIBVS. *pro* PRAEDIIS NVMERAVI. ET. CIRCITER. BIS. MILLIENS. ET. SESCENTIENS. *Angl.* 2,166,666*l.* 13*s.* 4*d.* QVOD. PRO. AGRIS. PRO. VINCIALIBVS. SOLVI. ID. PRIMVS. ET. SOLVS. OMNIVM. QVI. DEDVXERVNT. COLONIAS. MILITVM. IN. ITALIA. AVT. IN. PROVINCIIS. AD. MEMORIAM. AETATIS. MEAE. FECI. ET. POSTEA. *Ti. Neroni*. ET. *Cn. Pisoni*. CONSVLIBVS. ITEMQVE. *C. Antistio*. ET. *D. Laelio*. COS. ET. *C. Calvisio*. ET. *L. Pasieno*. CONSVLIBVS. *Lentulo et Messalino*. CONSVLIBVS. ET. *L. Caninio*. ET. *Q. Fabricio*. CONSVLIBVS. *Veteranis* quos. EMERITEIS. STIPENDIIS. IN. SVA. MVNICIPIA *reduxi*. PRAEMIA *ære* numerato. PERSOLVI. QVAM. IN. REM. *sestertium* MILLIENS *quinqviens*, aut *centiens*, aliusve id genus numerus extritus est. IMPENDI.

QVATER. PECVNIA. MEA. IVVI. AERARIVM. ITA. VT. SESTERTIVM. MILLIENS. ET. QVINQVIENS. *Angl.* 875,000*l.* AD. EOS. QVI. PRAERANT. AERARIO. DETVLERIM. ET. *M. Emilio*. ET. *L. Arvntio*. COS. IN. AERARIVM. MILITARE. QVOD. EX. CONSILIO. fortè *Tiberii* constitutvm. EST. EX. quo. PRAEMIA. DARENTVR. MILITIBVS. QVI. viginti stipendia. EMERVISSENT. HS. MILLIENS. ET. SEPTINGENTIENS. *Angl.* 1,458,333*l.* 6*s.* 8*d.* *Tib. Cæsaris* nomine et MEO DETVLI.

Miraris opes liberalitatemque Augusti, qui, minimâ computatione, nec æstimatis frumentationibus, annum agens ætatis suæ, quo hæc scripta sunt, septuagesimum sextum, *Angl.* 13,426,990*l.* erat elargitus. Beneficum Principem miratus, cogita nunc multo majores tum in ædificiis publicis, tum in ludis, impensas: et venerare Augustum, qui cùm tam multa profunderet, oblatis abstinuerit; et ad exemplum Principum magis, quàm ad sui ostentationem, scripserit in eodem monumento.

AVRI. CORONARI. PONDO. TRIGINTA. ET. QVINQVE. MILLIA. *Angl.* 1,575,000*l.* MVNICIPIIS. ET. COLONIIS. ITALIAE.

CONFERENTIBVS. AD. TRIVMPHOS. MEOS. QVINTVM. CONSVL. REMISI. ET. POSTEA. QVOTIENSCVMQVE. IMPERATOR. APPELLATVS. SVM. AVRVM. CORONARIVM. NON. ACCEPI. DECERNENTIBVS. MVNICIPIIS. ET. *conferentibus* quæ tunc ADQVE. pro *atque* ANTEA. DECREVERANT.

CAP. 12. *Legere aliquid aut evitare.* Repudiare, respuere, vel deprecari. *Rursum*, quod auribus est gratius, pro vulg. *rursus* recepit Rùperti cum Wolf. è cod. Flor. et antiq. edd. *etenim* è *vultu* Tiberii, non satis iram sc. indignationem dissimilantis. Præpositiones sæpe omittit Tacitus. Iram verò Tiberii Gallus adulatione lenire conatur et ingeniosâ arte.

Addidit laudem de Augusto. Fortè leg. *de laudibus Augusti* cum Mureto, vel *laudem Augusti* cum Wolf. qui tamen usum liberiores particulæ *de* sapiùs à se notatum dicit in optimis scriptoribus—in *togâ*, pace.

CAP. 13. *M. Lepidum.* Ita editiones veteres et recentiores. Perperam emendaverat Lipsius, *Manium Lepidum.*

Aridum, at minorem. In libris editis, *et minorem.* Pellicerius, Muretus emendabant, *sed minorem.* Ad sensum accommodatè. Sed ex veteris scripturæ reliquiis verius, *at.*

Non adesse caput reipublicæ. Ita Rhenanus. Corruptè MS. Flor. *adesse apud te reipublicæ.* Beroaldus, *apud te.* Frustra tentant alii, *non esse caput te*, vel *non esse apud te caput.* Aldus, *non adesse apud te rempublicam.*

Genua advolveretur. Mallet illustr. Pellicerius, *genibus.* Nihil tamen mutaverim.

Ejusque. Optimè Cujacius et Lipsius. Perperam in veteribus editionibus, *et usque.*

Curatissimis precibus. Sic MS. Flor. Beroaldus, *acuratissimis.* Minutianus, *accuratissimis.*

CAP. 14. *Deminutionem.* Sic MS. Flor. et passim scriptum, *deminuo.*

Se non excessurum. Excessit tamen, teste Dione, LVIII. p. 634. A. U. C. 786. *Quindecim fuerunt Praetores: idque multis annis*

accidit, ut nonnunquam sedecim, nonnunquam uno aut duobus pauciores. Πεντεκαίδεκα στρατηγοὶ ἐγένοντο· καὶ τοῦτο ἐπὶ πολλὰ ἔτη συνέβη· ὥστε ἔστι μὲν ὅτε ἑκκαίδεκα, ἔστι δ' ὅτε καὶ παρ' ἑνα ἢ καὶ δύο χεῖροτονεῖσθαι. A. U. C. 764. Principe Augusto, fuerant quoque sedecim, vide Dionem, LVI. p. 586.

CAP. 15. *E campo comitia ad patres translata.* Stante republicâ, viguere comitia, et suffragiorum libertas. Comitiorum jura minuit Julius Cæsar, eaque *cum populo partitus est*, Sueton. in Jul. xli. *Pristinum jus reduxit* Augustus, Sueton. in Aug. xli. ita tamen ut aliis artibus in comitiis imperaret, vide Dionem, liii. p. 511. lvi. p. 596. Callidior Tiberius ad patres transtulit, ut in se facilius et sine invidiâ traheret. Nec deinde, nisi simulata fuere comitia. Omnia pro Principis arbitrio gesta, Dio, lviii. p. 633 et 634.

Per circum triumphali veste. Existimat Cl. Ernestus transponenda verba, et emendandum: *utque triumphali veste uterentur.* *Per circum curru vehi haud permissum.* Minimè probaverim: scriptor adulteraretur.

Annua ad prætorem. In MS. Flor. *annum ad prætorem.* *Annua* emendârunt plurimi. Ad veterem scripturam propius accedit, *annuum*, Beroaldo, Aldo, Ernesto probatum.

Prætorias cohortes. Cujacius passim emendabat, *prætorianas.* At in inscriptionibus sæpe memorantur PRÆTORIÆ COHORTES. Vide Gruterum, p. 563. n. 11.

CAP. 17. *Binos denarios acciperent.* Ita Lipsius et recentiores. In veteribus editionibus, *acceperint.*

CAP. 18. *Properantibus Blasus.* Malè tentat Gronovius, *operantibus.*

Pænitentiam adcelerabo. Emendabat Cujacius, *pænam.* Nihil mutaverim. Plus elegantiae ac veritatis in *pænientiâ.*

CAP. 19. *Incipientes Principis.* Frigidè Acidalius, *incipientis.* *Vim meditentur.* Mallet Cl. Ernestus, *meditarentur.* Non necessario.

CAP. 20. *Vetus operis.* In MS. Flor. *intus operis.* Optimè Lipsius, *vetus operis*, ut in Silio, IV. 534.

Gnaros belli, veteresque laborum.

Haud ita feliciter Muretus, *immitis operis.* Heinsius, *intentus.* Gronovius, *tritus.* Alii plurimi, *invictus.* Boxhornius, *intentus operi ac labori.* Quid si *intentus operis*? *Intentus operi*, qui diligenter laborat ipse: *intentus operis*, severus exactor alieni laboris. Vide Misc. Obs. IX. 286 et 287.

CAP. 21. *Sibi jam miscent.* Mallent Faernus et Pichena, *sibi immiscent.* At nihil mutandum. Durum videtur, *jam*, ob capitulum divisionem. Non displicet, si conjunctim legeris.

Quominus invidiam, misericordiam, metum et iras permoverent.
Quominus invidiâ, misericordiâ, metu et irâ permoverent, ni fallor, nempe commilitones permoverent.

CAP. 22. *Sepulturæ incident.* MS. Flor. *sepultura.* Multi emendant *sepulturam.* Meliùs et ex usu Taciti, *sepulturæ.* Vide Misc. Obs. IX. 287.

Hi sepeliant. Optimè Muretus et Lipsius, *hi.* Perperam in MS. Flor. et editionibus veteribus, *ii*, Librariorum errore. *Hos* enim manu monstrabat.

CAP. 25. *Repentè quies.* Conjectat Lipsius, *repens quies.* Nihil novandum.

CAP. 26. *Quæ proferret.* In MS. Flor. et editionibus veteribus ac recentioribus, *perferret.* Quidam emendârunt, *præferret.* Omnino emendandum, *proferret.* Hâc in re sæpe errârunt librarii. Sic apud Juvenalem, v. 390. legitur, *protulit*; apud Plinium, XVIII. 3. *proferam*: ubi olim scriptum, *pertulit*, et *perferam.*

Ad se nisi filios. In MS. Flor. et editionibus veteribus, *nisi ad se filios.* Lipsius et recentiores meritò verba trajecere, *ad se nisi filios.*

CAP. 28. *Claro repentè calo.* Corruptè MS. Flor. *clamore*

pena cælo. Edidit Beroaldus, *clariore penè cælo.* Optimè emendavit Lipsius, *claro repentè cælo.* Miror Jac. Gronovium adhuc tentantem, *luna clarore plena, cælo visa languescere.*

Ac suis laboribus. Opinor, *hanc suis laboribus defectionem sideris adsimulans;* tum mox, *prosperèque cessura quò pergerent,* non *quæ:* cessura prosperè ea, ad quæ pergerent patranda. Aliter Gronovius. Vide Misc. Obs. ix. 288.

Quæ pergerent. Eleganter dictum. Malè Gronovius, *quæ urgerent.* Rhenanus, *quæ gererent.* Heinsius, *quo pergerent.* Davisius, *quæ agerent.* Si quid tentandum potiùs, *quæ peragerent:* et in MS. Flor. a margini additum. Sed inutile et frigidum.

Ii vigiliis. Optimè emendavit Lipsius. Pessimè in MS. Flor. et veteribus editionibus, *in vigiliis.*

CAP. 29. *L. Apronius.* Fortè idem de quo Plinius, xi. 37. sect. 85. *Quin et L. Apronii consularis viri filio detractos adipēs, levatumque corpus immobili onere.*

CAP. 30. *Consederant.* Editio princeps aliæque veteres, *considerant.*

CAP. 31. *Vi sua cuncta tracturus.* Malè tentat Freinshemius, *tracturis.* Elegantissimè verò Illustr. Pellicerius, *in sua cuncta tracturus.* Minimè tamen absurdum, *vi suâ.* Ideo nihil mutavi, licèt Pellicerianam emendationem plurimùm probem.

Ab unaetvicesimanis. In MS. Flor. *unetvicesimanis.* Perperam Beroaldus edidit, *undevicesimanis.* Nusquam enim legionis xix. passim verò xxi. mentio in Germaniâ occurrit, ut rectè animadvertit Lipsius. Edidi, *unaetvicesimanis,* non *unetvicesimanis,* quòd in Historiarum libris, quorum plurimi extant MSS. codices, *unaetvicesima, unaetvicesimani* sæpe appellantur.

Prima quoque. Prima legio dicta quoque Germanica, ut patet ex vetere lapide:

SEX. SAMMIO. VOLT
SEVERO. E. LEG. PRIMA
GERMANICA. &c.

quem eruditâ interpretatione illustravit Cl. de Bimard la Bastie apud Muratori, *Novus Thesaur. Inscript.* Vol. I. p. 91 et seq.

CAP. 32. *Destructis gladiis.* Beroaldus, *districtis.* In melioribus libris, *destrictis.* Horat. III. Od. I. 17.

Destructus ensis.

Verberibus mulcant. Ita MS. Flor. et editiones optimæ. Perperam Beroaldus, *mulcant.* Frequens librariorum error in vocibus *mulco*, *mulcto* vel *multo*.

Quòd neque disjecti. *Distracti* corrigunt viri summi. Sed id tantundem est: *disjecti* ponuntur pro separatis et dispersis. Vide Misc. Obs. IX. 288.

Vel paucorum instinctu. Optimè Rhenanus. Corruptè in MS. Flor. et editionibus veteribus, *nil paucorum instinctu.* Malè à quibusdam emendatum, *nec.* Ipsa vetus scriptura innuit, *vel.* Sicque Tacitus infra *Annal.* III. 54. *neque mihi aut vobis;* et Horatius, *Epod.* XVI. 5.

*Æmula nec virtus Capuæ, nec Spartacus acer,
Novisæ rebus infidelis Allobrox.*

CAP. 33. *Indomitum animum.* Puto *indomita animi;* ut *erectus et fidens animi.* *Annal.* IV. 59. *latus animi.* II. 26. *incertus animi.* VI. 46. Vide Misc. Obs. IX. 288.

CAP. 34. *Per speciem exosculandi.* Ita MS. Flor. et editiones veteres. Sine auctoritate recentiores, *osculandi.* Sic infra *Hist.* I. 45. *exosculari Othonis manum,* ut rectè observat Jac. Gronovius.

CAP. 35. *Nudant universi.* MS. Flor. et editiones veteres, *universa corpora.* Recentiores edidere, *universi.* Et meritò. *Universa*, librariorum incuriam, aut scioli alicujus argutiolam redolent.

Materia, lignorum. Heinsius existimat, *lignorum*, redundare. Nihil tamen mutandum.

Quærentur. Pellicerius et Heinsius mallent, *quærentur*: et distinguunt post, *Castrorum*. Retineri potest vulgata scriptura. Vide Misc. Obs. IX. 289.

Neu mortem. Hæc mutila esse opinatur Heinsius. Ernestus suspicatur emendandum, *ne morerentur*. Nihil mutaverim. Hæc enim antiquitatem, non errorem sapiunt.

In Germanicum ominibus. Frustra tentat Lipsius, *nominibus*.

Promptos ostentavere. MS. Flor. editiones veteres, et inter recentiores Jac. Gronovius, *promptas*. Meliùs, *promptos*, ut patet ex superioribus, *atrocissimus veteranorum—fuere etiam qui* Malè Heinsius, *prompta*. Illustr. Pellicerius, *se ostentavere*. Se omitti potest. Vide Misc. Obs. IX. 289.

Quidam singulè propiùs incidentes. Immo, *quidam*, et *singuli propiùs incidentes*, h. e. exhortantes.—Primò agit de extremâ concione, mox de singulis, qui propiùs adstabant. possis et *intendentes*. Vide Misc. Obs. IX. 289.

CAP. 36. *At si auxilia.* Ita veteres editiones; et quidem optimè. Malè recentiores, *ac si*.

Periculosa severitas. Accusativos frustra obtrudit Heinsius. Nominativi eleganter hic usurpantur.

In ancipiti Respublica. Ita MS. Flor. et recentiores. Malè emendatum à Beroaldo, *republicâ*. *Rempublicam*, scil. fore: quare et præcedentia castiganda forsân, *periculosam severitatem*, *flagitiosam largitionem*, ut ad superiora referatur, *augebat metum*. Vide Misc. Obs. IX. 289.

CAP. 37. *Largitio differebatur in hiberna cujusque.* Optimè MS. Flor. et editiones recentiores. Pessimè Beroaldus, *largitio differebatur*. *In hiberna cujusquam non abscessere*, &c. Scripturam codicis Florentini feliciter divinaverat Josias Mercerus, meritâ laude non defraudandus.

Non abscessere. Frustra tentat Heinsius, Misc. Obs. IX. 289. *non adsensere.* Adsenserant quidem Primani ac Vicesimani: at cùm Quintani et Unactvicesimani nollent in hibernia abscedere, donec largitio persolveretur, contracta est pecunia, et omnibus largitio persoluta.

Turpi agmine, cùm fisci. De fisci videndus Vegetius, II. 20. Eorum rationem et usum fusè prosequitur. Scilicet donativorum, quæ milites consequabantur, dimidia pars sequestrabatur, ne per luxum, aut per inaniam rerum comparationem, absumeretur: inter signa, interque aquilas servabatur, ut, depositi memores, de deserendo nihil cogitarent, et in acie fortiùs dimicarent. Quæque cohors decem folles, seu decem saccos, sepositæ isti pecuniæ destinatos habebat. *Addebatur etiam, teste Vegetio, saccus undecimus, in quem tota legio particulam aliquam conferebat, sepulturæ scilicet causâ, ut si quis ex contubernalibus defecisset, de illo undecimo sacco ad sepulturam ipsius promeretur expensa.* Domitianus verò, ut accipimus ex Suetonio in Domit. VII. *Geminari legionum castra prohibuit: nec plusquam mille nummos, Angl. 8l. 6s. 8d. à quoquam ad signa deponi: quòd Lucius Antonius apud duarum legionum hiberna, res novas moliens, fiduciam cepisse, etiam ex depositorum summâ videbatur.* Hâc ipsâ Domitiani lege una legio in fisci habere poterat $\overline{\text{XVI}}$ HS. *Angl. 13,333l. 6s. 8d.*

CAP. 38. *Præsidium agitantæ vexillarii.* Cùm frequens occurrat vexillariorum mentio, de iis juvat diligentius inquirere.

DE VEXILLARIIS.

Vexillarii, de quibus tot diversæ eruditorum opiniones circumferuntur, ii sunt, qui nec sub signis, nec sub aquilis, sed sub vexillis militabant. Cuique legioni vexillum unum erat adtributum: inde in inscriptionibus apud Gruterum, p. 256. 8. VEXILLATIO LEGI. XX. apud Cl. Schoepflinum, Alsat. Illustrat. Vol. I. p. 441. VEXILLATIO LEG. XXII. apud Tacit. Hist. II. 100. *Vexillarii quartæ decimæ et sextæ decimæ legionum, III. 22. Cum vexillis nonæ, secundæque, et vicesimæ, Britannicarum legionum; et Annal. XIV. 34. Quartadecima legio cum vexillariis vicesimariis: Annal. IV. 73. Vexilla legionum è superiore Germaniâ. Vexillationes legionariæ generatim appellabantur vexillarii è legionibus; Tacit. Hist. III. 48.*

At quibus militibus constabant hæ vexillationes? primò Veteranis, qui *sub vexillo* retinebantur, donec honestam missionem obtinerent, *teterorum immunes nisi propulsandi hostis*. Tacit. Annal. 1. 36 et 39. III. 21. Secundò *legionariis infirmis*, aut potius *convalescentibus*, Cæsar de Bello Gal. vi. 36. *Complures erant in castris ex legionibus ægri relictī: ex quibus, qui hoc spatio dierum convalescerant, circiter ccc. sub vexillo unà mittuntur*. Tertiò Tironibus: *vexillum Tironum* memorat ipse Tacitus, Annal. 11. 78. Quartò Romanis omnibus, qui militabant, nec in legiones erant adlegendi. Sic apud Suetonium in Aug. xxv. Libertini, qui in Illyrico et Germaniâ, imperitante Augusto, militavere, *sub vexillo* fuisse dicuntur.

Ex his patet vexillariorum numerum definitum non fuisse, sed pro diversis circumstantiis diversum. In castris minorem locum quàm legionarii obtinebant. Idque innuit Hyginus in Gromatic. p. 72. *Vexillarii legionum eandem pedaturam accipere debent quod cohors legionaria: ad sexcentenos homines computantur*. Cùm vexillationes in provincias mittebantur, iis virum aliquem insignem fuisse præpositum patet ex veteribus inscriptionibus apud Gruterum, p. ccccvii. n. 1. L. FABIO. M. F. GAL. CILONI.—PRAEPOSITO. VEXILLATION. PERINTHI. PERGENTIB. et p. ccccxli. n. 4. L. NERATIO. C. F. Vol. PROCVLO—MISSO. AB. IMP. ANTONINO. AVG. PIO. AD. DEDUCENDAS. VEXILLATIONES. IN. SYRIAM. OB. BELVM. PARTHICVM. PRAEF. AERARI. MILITARIS.

Nunc verò difficiliora quædam de vexillariis facilè explices. *Tredecim vexillariorum millia* recensentur, Tacit. Hist. 11. 83. Nec mirum, cùm plurimarum legionum vexillationes mitterentur, et plurimi essent tirones. *Vexillariis pulsīs*, dicuntur *vires legionis non affuisse*, Tacit. Hist. 11. 66. Meritò quidem: legio enim longè fortior fuit vexillariis, quorum vis exigua in convalescentibus; ars fermè nulla in tironibus: validiores veterani, sed numero impares, et longâ militiâ, atque annis, laborum intolerantes. Vexillationes ab Augusto inventas non fuisse ex earum dispositione, Julique Cæsar's verbis manifestum est. Aliorum opiniones refutare superfluum, proponere sit satis. Lipsius, Milit. Rom. 1. 8. contendit

vexillarios esse veteranos sub vexillo retentos. Pichena et J. F. Gronovius in Tacit. Annal. I. 38. De vit. Agric. 18. volunt esse legionarios aliquò et seorsim missos, *Angl. detachments*. Salmasius, Milit. Rom. cap. 19. pronuntiat esse levis armaturæ milites, *Angl. light troops*—Ernestus, edit. Taciti, Vol. II. p. 578. et in commentariis Societatis Regiæ Goettingensis, Vol. I. artic. XIII. docet esse tirones, *Angl. recruits*.

Utrùm fuerint quoque vexillationes auxiliorum, haud ita compertum. *Vexillarios* quidem è *cohortibus* memorat Tacitus, Hist. III. 6. *Germanicorum vexillationem* Suetonius in Galbâ, XX. *Germanorum vexilla* Tacitus, Hist. I. 31 et 70. Et C. Julius dicitur apud Gruterum, p. CCCCXV. n. 5. TRIB.—VEXIL. DACOR. PARTHIC. Id est, *tribunus vexillariorum Dacorum, Parthicorum*. At auxiliares illi, qui sub suis vexillis militabant, et particulatim mittebantur, dici potuerunt vexillationes, licet omnino diversi essent à vexillationibus legionariis.

Vexillationes posteriore ævo, non pedestri, sed equestri, nec legionariâ, sed externâ militiâ constitisse rectè probat eruditus Philip. à Turre, Monumenta veteris Antii, cap. IX. p. 127. quem consule, si volueris. Nec enim hæc recentioris ævi ad nos pertinent.

Mennius. Fortè corruptè, ut Hist. 3. 12. Suspiciari possis *M.* vel *M. Ennius*, (ut 3. 49. *Clutorius* pro *C. Lutorius*, 13. 22. *Pantellus* et *Panteius* pro *P. Anteius*, et 12. 7. *Talledius* pro *T. Alledius*, vulgò malè legitur) vel *Memnius* vel *Menenius*. Vide Misc. Obs. IX. 290.

CAP. 39. *Ab senatu regressum jam*. Ita MS. Flor. Lipsius et recentiores. Pessimè Beroaldus, *ab senatu regressi jam*.

Reum subdere. Emendabat Illustr. Pellicerius, *reum subdidere*. At nihil mutandum.

Vexillum in domo Germanici. Id ne accipias de vexillo, sub quo retinebantur vexillarii; sed de ipso imperatoris vexillo, de quo Cæsar Bell. Gall. II. 20. *Cæsari omnia uno tempore erant agenda: vexillum erat proponendum, quod erat insigne, cum ad arma concurrì oportebat*. Tunicam fuisse coccineam testatur Plutarchus in

Bruto, p. 1002. Ἀμα δ' ἡμέρᾳ προύκειτο μὲν τῷ Βρούτου χάρακι καὶ τῷ Κασσίου σύμβολον ἀγῶνος φοινικοῦς χιτῶν. *Orta luce, propositum in castris tum Bruti tum Cassii signum pugnae tunica coccinea.* In nummis, maximè Juliani aliorumque Imperatorum, hujus vexilli figuram adhuc extare existimo.

Recipitque in tribunal. Malè MS. Flor. et Beroaldus, *recepit.*

CAP. 40. *Eo in metu.* Frustra tentat Lipsius, *eo in motu.*

Si vilis ipsi salus. Malim, *si vilis ipsi salus sua.* Misc. Obs. IX. 290.

Diu cunctatus. Cunctandi quippe verbum cum quarto casu rectè conjungitur. Vide Misc. Obs. IX. 290.

Aspernatem uxorem. Minimè probabiliter Lipsius, *aspernante uxore.* Germanicus uxorem, pericula aspernantem, ut abiret perpulit.

Qui manebant. Mariti illarum foeminarum, qui manebant. Nec emendandum cum Lipsio, *quæ*, ut ad mulieres referatur.

CAP. 41. *Quod tam triste.* Quid scribendum. Vide Misc. Obs. IX. 290.

Et externa fidei. Heinsius, *et externa fidei.* Duriùs quàm ut probetur.

Recens dolore et irâ. Malè tentat Heinsius, *doloris et iræ.* Immo *dolo et iræ* maluit Heinsius. Vide Misc. Obs. IX. 291.

CAP. 43. *Ferrum illud—detraxistis.* *Retraxistis.* Sed nihil potiùs muta. Vide Misc. Obs. IX. 291.

Qui meam quidem mortem. Illustr. Pellicerius suspicabatur emendandum, *qui ut meam.* Ingeniosè; sed non necessariò.

Cum militibus. Malè emendat Grotius, *commilitibus.* Ne vox quidem latina est. Pro illâ stare dicuntur Plinius, XXXVII. 2. Cæsar de Bello civ. II. 29. At in optimis editionibus apud Plinium, *militibus* non *commilitibus*: apud Cæsarem, *commilitones*, non *commilites*.

CAP. 44. C. *Cetronium*. Forsan C. *Petronium*, inquit Illustr. Pellicerius. Ut nihil mutandum. Immo apud Gruterum, p. 299. n. 1. C. CÆTRONIUS AEDIL. Cæsare Augusto consule VI. memoratur; et quantum ex temporum ratione judicari potest, C. *Cetronii* legati pater fuisse videtur.

Centurionatum inde egit. Singulariter dictum: nihil tamen reprehenderim. Fortè etiam cum centurio milites recenseret, id dictum Romanis centurionatum agere: cum centuriones ipsos recenseret Germanicus, meritò dixit Tacitus, *centurionatum inde egit*. Malè divinat J. F. Gronovius, *centurionum inde delectum egit*, vel *centurionatus inde exegit*: Jac. Gronovius, *centurionatim inde egit*. Heinsius, *censum centurionum*, vel *centurionalem inde egit*. Pellicerius, *centurionata*. Alii, *centurionatum inde legit*. Vide Misc. Obs. 1x. 291 et 292.

Retinebat ordinem. Perperam Beroaldus, *ordines*.

Dona militaria. In libris omnibus, si unam exceperis Cl. Lallemand editionem, *donaria militaria*, librariorum errore satis obvio; sic enim infra in MS. Flor. Annal. vi. 48. *Inter ludibria et pericularia*, perperam repetitâ vocis terminatione, ut rectè monuit Cl. Ernestus. *Donaria* de Diis tantum latinè dicuntur, *dona* de hominibus. Moxque Annal. 11. 9. *militaria dona* memorantur. Hunc Taciti locum egregiè illustrat Siccii Dentati et Manlii Capitolini fortitudo, ad eruditionem, et virtutis ac laudis incitamentum memoranda. Plin. vii. 28. L. Siccus Dentatus, qui tribunus plebis fuit, Sp. Tarpeio, A. Aterio consulibus, A. U. C. 300. *haud multo post exactos reges, vel numerosissima maximæ fortitudinis suffragia habet, centies vicies præliatus, octies ex provocatione victor, quadraginta quinque cicatricibus adverso corpore insignis, nullâ in tergo. Item spolia cepit 34. donatus hastis puris duodeviginti, phaleris 25. torquibus tribus et 80. armillis 160. coronis 26. civicis 14. aureis 8. muralibus 3. obsidionali unâ, fisco æris 10. Angl. 546l. 17s. 6d.* (neque existimes cum erudito Harduino superpositam fuisse notæ denarii x. lineolam, quæ decies centena millia æris, Angl. 54,687l. 10s. significaret. Repugnat temporum et reipublicæ paupertas. At, ut opinor, olim scriptum xM. aut x. ∞. id est, æris decem millibus.) *Captivis et xx. simul bubus, imperatores novem*

ipsius maxime operâ triumphantes secutus—Rei militaris haud minora forent Manlii Capitolini decora, ni perdidisset illa exitu vitæ. Ante decimum septimum annum bina ceperat spolia. Primus omnium eques coronam muralem acceperat, 6. civicas, 37. dona, 23. cicatrices adverso corpore exceperat.

CAP. 45. *Unaetvicesimæ. Malim uniusetvicesimæ.* Displicet enim ab aliis hîc legi unetvicesimæ, et Hist. 1. 67. unaetvicesimæ. Certè melius, et ex usu linguæ Latinæ, in Tacito legerentur uniusetvicesimæ, unietvicesimæ, unametvicesimam.

CAP. 47. *Immotum adversus eos sermones. Optimè.* Lipsius improsperè tentat, *immotus.*

Quos igitur antefèreret? Rhenanus, Ecquos. Sine librorum auctoritate et necessitate.

Ac, ne postpositi. Frustra Heinsius, hâc ne. Misc. Obs. ix. 292.

Simul adolescentibus. Illustr. Pellicerius emendat, simul de adolescentibus. Utrumque latinè dicitur,

CAP. 48. *Quis finis. Mallet Ernestus, qui finis. Nihil mutandum.*

CAP. 49. *Honesta vulnera acceperant. Eleganter Muretus, excepissent. At non necessariò.*

CAP. 50. *Sylvam Cæsiam. Lipsius et Bucherius mallent sylvam Hesiam, propter Hesum Deum. Nihil tamen mutaverim, cum Deus ille appellaretur quoque Camulus, et summa sit nominum varietas.*

Limitem—scindit. Ita libri omnes editi. Emendandum scandit, conjectat Lipsius: quem secutus est Cl. Eccardus, de origine Germanorum, p. 278. Nihil tamen mutaverim: nec peccat vulgata scriptura.

Concædibus munitus. Optimè Beroaldus et recentiores. Malè in editionibus plurimis, munitur. Perperam alii tentant, munit.

Ac ne pax quidem. Sic libri omnes; et optimo sensu, ut in notis supra explicavimus. Tentabat tamen eruditus Petavius, *ac ne fax quidem.* Ingeniosè certè; sed non probabiliter: licèt castrorum ignes passim memorentur apud veteres scriptores, ipsumque Tacitum infra cap. 65.

CAP. 51. *Flammisque percastat.* Frustra tentat Freinshemius, *percastata.*

Sine vulnere milites. Mallet Freinshemius, *sine vulnere militis, qui semisomnos, inermos, aut palantes ceciderat.* Non ineleganter. Nihil tamen mutandum.

Per saltus porrigeretur. Malè Heinsius, *progredederetur,* nec ad rem militarem consultè. Vide quæ diximus in notis. Vide quoque Misc. Obs. 1x. 292.

CAP. 53. *Pandataria insula.* Libri omnes editi, *Pandateria.* Emendandum, *Pandataria,* ut patet ex ceteris scriptoribus, tum Græcis, tum Latinis. Eam cum Palmariâ insulâ confundere videtur Strabo, VII. p. 123. meritò distinxit Plinius, III. 6. Vicina est insulæ, *Vento tiene.*

Longinquitate exilii. Malè vir eruditus apud Ryckium emendat, *exitii.* Ita quoque Gronovius.

In maritum accendebat. Frustra tentat Ernestus, *accenderat.*

Frustra speraverat. Freinshemius et Ernestus mallent *speraverit.* Nihil mutandum.

CAP. 54. *Sodaliū Augustaliū.* Augustaliū dignitas in provinciis quoque pervulgata, sed sex tantum viris commissa, ut probant inscriptiones plurimæ, quarum hæ præcipuæ: apud Cl. Schoepflinum Alsat. Illustrat. Vol. I. p. 527.

TI. CL. CARATI. IIIII. AVG.

Id est, *Tiberius Claudius Curatius Sevir Augustalis.* In aliâ insigni inscriptione:

NERONI CAESARI

GERMANICI F

TI. AVGVSTI. N. DIVI AVG.

PRON. FLAMINI. AVGVSTALI

SODALI. AVGVSTALI.

memoratâ apud Gruterum, p. 237. n. 1. VI. VIR. AVGVST. *Seviri Augustales* appellantur. De his sodalibus vide Cl. Noris, *Cenotaph. Pisan. Dissert. I. cap. 6. p. 56. Gori, Inscript. Antiq. Vol. II. p. 54.*

Sodales Tatios. Ita MS. Flor. editiones veteres, Ernestus et recentiores. Lipsius et alii nonnulli sine librorum auctoritate emendant, *Titios*. Præterea plurima disputant interpretes, ut Tacitum secum minimè consentire evincant. Hic enim sodales Tatios à Tatio institutos tradit; et infra Hist. II. 95. eos à Romulo Tatio regi sacros dicit. Pugnam sic dirimi posse rectè existimat Pichena. Tattius, Sabinorum rex, in partem Romani imperii acceptus, Tatios sodales instituit, ne Sabinorum religio periret. Mortuo Tatio, sodales illos ipsi Tatio sacrauit Romulus, ut Sabinorum animos certius devinceret. A Tatiis sodalibus diversi videntur, *sodales Titii*; ita dicti à *Titiis avibus* quas in auguriis certis observare solent, Varro, de Linguâ Lat. IV. p. 23.

Tunc primùm capta. Beroaldus, *captos*. Optimè emendavit Lipsius, *capta*. Sic enim infra cap. 77. *At theatri licentia priore anno capta gravius tum erupit.* De multiplici Augustalium ludorum institutione vide Dionem, LIV. p. 527 et 545. LVI. p. 600. Alios ludos hoc anno à Liviâ institutos ibidem memorat. Lipsii emendationem, *capta*, editores omnes assenserunt in ordinem, Tacito ipso infra auctore, aiunt. Quid ille affert infra c. 77? Nempe hoc anno *captam theatri licentiam*. Tamne serò, et universam? Licentiam histrionum et fautorum jam dudum sub Aug. pantomimorum amatore studiosissimo invaluisse, et ipsa res et historiæ loquuntur. Jam Horatius plebem in theatro viderat *depugnare paratam, si discordaret eques*. Minimè ergò totum hoc genus licentiæ *tunc invectum* dici potuit, cum ludi Augustales darentur; sed hos ludos *tunc primùm institutos* turbavit discordia

quædam. Hoc affert vetus lectio, quam non solum ferendam, sed conjecturæ etiam præferendam censemus. Nam *primùm captos* licebat dicere *ludos*, qui tunc primùm solemniter modo acti et sive celebrati novum in modum, sive instaurati à senatu essent. Non enim est dubium, quin hi iidem ludi sunt, quorum pars, circense ludicrum, supra c. 15. in hunc annum Tribunis pl. concessum dicebatur.

CAP. 55. *Et repentino*. Muretus delebat particulam, *et*. Omitti, vel retineri potest.

Arminium ac Segestem. Utriusque, et Catumeri, Cattorum principis stemma proponendum, ad faciliorem hujus ac sequentis libri intelligentiam.

N Cheruscorum Princeps.		N Cheruscorum Princeps.	
SIGIMERUS Velleius, II. 118. Tacit. Annal. I. 60. Tacit. Annal. I. 60.	INGUIONERUS	SEGESTES Tacit. Annal. I. 57. 71.	SEGIMERUS Tacit. Annal. I. 71.
Uxor N Tacit. Annal. II. 10.		THUSNELDA Uxor Arminii Tacit. Ann. I. 57. Strabo, VII. p. 292.	SEGIMUNDUS Tacit. Ann. I. 57.
FLAVIUS Tacit. Annal. II. 9. Uxor N Catumeri Cattorum pr. filia Tacit. Annal. XI. 16.	ARMINIUS Uxor THUSNELDA Tacit. I. 57. Strabo, VII. p. 292.		SESITACHUS Strabo, VII. p. 291. Uxor RHAMIS Strabo, Ibid.
ITALICUS Tacit. Ann. XI. 16.	THUMELICUS Strabo, VII. p. 292.	N Cattorum Princeps.	
		CATUMERUS Tacit. Annal. XI. 16.	
		N Uxor Flavii Tacit. Annal. XI. 16.	RHAMIS Uxor Sesitachi Strabo, VII. p. 291.

CAP. 56. *Regredienti metuebatur*. Ita editiones veteres, Ernestus et recentiores. Perperam ab aliis emendatum, *metuebantur*.

Nando tramiserat. Optimè Pichena, Ryckius et recentiores. Malè Beroaldus, *tramiserit*, quòd hæc cum superioribus conjungeret.

CAP. 57. *Rebusque motis*. Ita Lipsius et recentiores omnes: sic fermè etiam Tacitus infra Annal. XIV. 61. *Ducem tantùm defuisse, qui, motis rebus, facilè reperiretur*. Beroaldus et alii veteres, *rebus commotis*.

Anno, quo Germanicæ descivere. Hæc pertinent ad immensum bellum, quod exarsit sub M. Vinicio, A. U. C. 754. J. C. 1. ut ex Velleio Paterculo, II. 104. rectè collegit eruditus Ryckius. Hoc ergò anno Segimundus sacerdos Augusti adhuc vivi creatus fuerat apud Aram Ubiorum. Postea ruperat vittas, profugus ad rebelles; et ut videtur, post Varianam cladem.

Bonæ societatis. Frustra tentat Ernestus, *nostræ aut Romanæ societatis*.

CAP. 58. *Idem conducere*. Quidam emendant, *conduceret*. At nihil peccat vetus scriptura.

Quam perniciem maluerit. Heinsius emendat, *maluerint*. Latine quidem, sed non necessariò. Vide Misc. Obs. IX. 292.

Vetera in provinciâ. Ita MS. Flor. Jac. Gronovius et recentiores. Beroaldus et antiquæ editiones, *veterem*. Alii, *vetere*. Tentabat quoque Lipsius, *uberem*. Nefas à MS. codice discedere, licèt duriuscula sit verborum conjunctio, *sedem Vetera in provinciâ*.

CAP. 59. *Hominem Germanos*. Grotius mallet, *homines*; Heinsius, *ignominiam*. Nihil mutandum. Vide Misc. Obs. IX. 292. *Hominem*. Grotius *homines*, quam quidem rationem ornavit Gronovius eleganterque explicuit. Verùm illud miramur, qui ei probari pòtuerit languidissimè additum *homines*, quod nusquam ap. Tac. ita legi contendimus. Primùm verò vitiosum esse *hominem*, nemo dubitabit. Nam oratio statim conversa ad *rem*, quæ inexcusabilis *hominis*, cujus illud commissum sit, commemorationi repugnat; quatenus objectivus casus inest his ipsis, *Quod—viderint*. Quanquam id ferendum esset, si hujus verbi loco legeretur *adduxerit* aut simile quodpiam, quod à Segeste penderet. Etiam hoc argueris, quàm ridiculè loquatur Arminius, qui optare videatur, ut invisus socer excusationem et veniam impetret? Præterea aliâ quoque parte laboramus in hoc loco, siquidem *sacerdotium* sic nudè prola-

tum loquentis animum non explet, et excidisse videtur aliquid quod peregrinæ religionis contentum indicaret. His incommodis omnibus medebitur conjectura nostra: *Redderet filio sacerdotium Romanum: Germanos, &c.* Nunc demum verbum *accusandi* nativâ fungitur potestate, quam obscurare temerè volebat Gronovius; simul ita vis et vigor redditur sententiæ. Wolf. Animad. in Tacit.

Satis excusatuos. Tentat Lipsius, accusatuos. Minimè necessariò.

Ignorantiâ populi Romani. Optimo sensu, alias gentes, ob longinquitatem et ignorantiam populi Romani, supplicia inexpertas, tributorum nescias, Romanis parère: se verò hæc mala expertos, sine probro parère non posse. Conjectat Lipsius emendandum *ignorantiam*.

Ille delectus Tiberius. Malè Heinsius, *ille Deo dilectus*. Id excogitavit, quòd in quibusdam editionibus, *dilectus* reperiatur, sciorum errore, qui passim emendârunt, *dilectus, dilecti, diligo*, pro *delectus, delecti, deligo*. At Beroaldus, aliæque editiones optimæ notæ habent, *delectus, delecti*. Vide Misc. Obs. IX. 292 et 293.

CAP. 60. *Insepultæ dicebantur.* Heinsius malè emendat, *visabantur*. Romanis nondum visæ, insepultæ dicebantur. Vide Misc. Obs. IX. 293.

CAP. 61. *Ac memoriâ deformes.* In MS. Flor. *deformides*. Ex hoc librariorum errore infeliciter tentat Jac. Gronovius, *deformi. Dein.* Heinsius, *deformi. Idem.* Vide Misc. Obs. IX. 293.

CAP. 63. *Castrametari in loco.* Mallet Heinsius, *ilicò*. Nihil mutandum. Sic enim infra Annal. IV. 47. *mox castris in loco communitis*. Vide Misc. Obs. IX. 293.

CAP. 64. *Inclinantes tum legiones.* *Tum*, redundare existimat Ernestus. Freinshemius mallet, *jam*. Certè meliùs abesset; et librariorum incuriâ ex sequentibus, *ne tum quidem*, arcessitum videtur. Vide Misc. Obs. IX. 293. Fortè *multum, &c.* vel *inclinantes opportunè, &c. exemit*: sed et *tum* potest servari.

CAP. 65. *Et eodem iterum fato.* Frustra Pichena et Heinsius tentant, *en eodem.* Immo Heinsius legit: *En Varus, en uno eodemque iterum fato.* Misc. Obs. IX. 293.

Excussis rectoribus. Vide Misc. Obs. IX. 294.

Petendus agger. Incassum Heinsius, *repetendus.* Vide Misc. Obs. IX. 294.

CAP. 67. *Sævitiā hostiū.* Ernestus existimat addendum, aut intelligendum, *aliā sævitiā.* Quod frigidum, nec Cornelianum.

Gloriam: quæ domi. Sic interpungunt, et rectè, MS. Flor. Beroaldus, et alii nonnulli. Ceteri malè distinguunt, *gloriam, quæ domi.*

Osrus à suis. Frustra tentat Lipsius, *orsus à suo.* Plures equos habere potuit, et habuit Cæcina.

CAP. 68. *Proruunt fossas.* Infeliciter tentant Turnebus et Freinshemius, *Proruunt, fossis injiciunt crates.* Mirum id Ryckium probasse, et veterem scripturam mutasse. *Proruunt fossas,* terrā prorutā explent, cratibus integunt, ut summa valli prensare valeant. Ita passim loquuntur Cæsar, Livius ac Tacitus. Perperam in MS. Flor. *fossos.* In hoc codice, *o* et *a* sæpe commutantur, ut observavit Jac. Gronovius.

Postquā hæsere munimentis. *Inhæsere* vel *adhæsere* præstat. Misc. Obs. IX. 294.

Hosti, facile excidium. Pessimè Lipsius, *Hostis facile excidium.*

Donec ira et dies. Frigidè et insulsè Heinsius, *donec iratis dies.* Misc. Obs. IX. 294.

CAP. 69. *In longum jaciens.* Malè Heinsius, *in longum acuens.*

CAP. 70. *Siccā humo, aut modicè adlabante æstu.* Fortasse castigandum est, *primum iter siccātū humo aut modicè udā, relabente æstu quietum habuit.* Possis quoque *ut modicè adlabante æstu:* tum mox scribendum, *magna pars udo, aut mulcato corpore, non nudo, quo spectat illud, sine igni, quo vestes udæ siccarentur.* Misc. Obs. IX. 294.

Sapiens ab imprudenti. In libris editis, *sapiens à prudenti*. Emendandum, *ab imprudenti* vident omnes; et ita vertunt optimi quique interpretes. Wolf. animad. in Tacit. Ubi nunc ex Lipsii conjecturâ legitur *sapiens ab imprudenti*, Cod. habuit *à prudenti*. Hoc forsân unq̃ Lampugnani larva, cum Lips. pugnans, proximè accessit ad verum. Leniter ea correxit *sapiens ab rude*. Sed ex bonorum scriptorum observatione et regulâ Plinii maj. apud Charis. I. p. 114. ac Prisciani, VII. p. 767. debebat esse *rudi*. Inde vitio irrepsisse videtur *aprudi*, tum corrector aliquis dedit *à prudenti*.

Sine igni. Ita libri veteres. Cl. Lallemand, *igne*.

Ad amnem Unsingin. In MS. Flor. et editionibus veteribus, *ad amnem Visurgin*, manifesto errore. Quomodò enim Vitellius Amisiâ profectus, ut Rhenum versùs itinere terrestri tenderet, ad amnem Visurgin, *the Weser*, perveniret? Jam Lipsius emendaverat *ad amnem Vidrum, the Wecht*. Verùm ne toto quidem triduo legiones cum utensilibus huc penetrâssent. Unus Cl. Alting, Not. Germ. Inf. Antiq. p. 130. felicissimè emendavit, *ad amnem Unsingin*: amnis ille adhuc, *Hunse* vel *Hunsing* appellatur; ei adjacet urbs *Groningen*. De hâc emendatione nulla suboriri potest dubitatio, et plana sunt omnia. Germanicus enim ab Amisiâ, *the Ems*, ad Unsingin, seu portum Marnamanem, nunc *Marnsters*, classe contenderat; pedes Vitellius eò pervenit. Legiones, classi impositæ, Rhenum petunt, ac tandem ad castra Vetera, et deinde in civitatem Ubiorum reduces salutis suæ fidem faciunt.

CAP. 71. *Cunctantiùs filio.* Ita MS. Flor. Pichena et recentiores. Malè Beroaldus, *cunctatiùs*.

CAP. 72. *Dictans.* Meliùs, *dictitans*, ut monuit Muretus; pronusque in hoc librariorum error.

Specie legis ejus tractavit. An, *specie legis vetustæ retractavit*, vel *iteravit*. Misc. Obs. IX. 294, 295.

CAP. 73. *Nomen Augusti.* Freinshemius mallet, *numen*.

Scriptis consulibus. Alia scribit Dio, LVII. p. 619. Errat Lipsius, qui eum, quasi eadem aliter narrantem, accusat.

CAP. 74. *Prætozem Bithyniæ.* Bythynia, populi, non verò Cæsaris erat provincia. Cùm tamen non modò à consularibus, sed etiam à prætoris viris administraretur, ejus rector appellari potuit prætor, sicut à Strabone, XIV. p. 684. Cyprus dicitur *prætoria provincia*, στρατηγικὴ ἐπαρχία. Nec *prætozem* in *proconsulem* mutandum, ut voluere Mercerus et Lipsius. Vide Cl. Spanheim. de Præstant. numism. Vol. II. p. 593. Norisium Cenotaph, Pis. Dissert. IV. p. 207. Bithynia, nunc *the western part of Natolia*.

Pænitiâ patiens. Frustra tentant Faernus et Muretus, *tanto patientiùs.* Heimsius, *pænitiæ patiens*: Misc. Obs. IX. 295. Ernestus *quandòque incautiùs*, ita ut *quandò pro quia* accipiat. Nobis scribendum videtur *pænitiæ patens*. Bibl. Crit. II. VI. 60.

CAP. 75. *Ærarii prætoribus.* Mallet Ernestus, *ærarii præfectis.* De prætoribus ærario præfectis vide infra Annal. XIII. 29. Hist. IV. 9.

CAP. 76. *Proconsulari imperio, tradique Cæsari.* Cùm hujus provinciarum divisionis frequens mentio in historicis occurrat, rem juvat altiùs repetere. A. U. C. 727. A. C. 26. Augustus consul VII. cum collegâ Agrippâ II. provincias Cæsarem inter et senatum populumque Romanum divisit. Obtigere

SENATUI AC POPULO R.

CÆSARI

Africa et Numidia,
Asia,
Achaia, seu Græcia,
Epirus,
Dalmatia,
Macedonia,
Sicilia,
Creta et Libya Cyrenaica,
Bithynia et Pontus,
Sardinia,
Bætica.

Hispania Tarraconensis et Lusitania,
Gallia, et Germania superior et inferior,
Cœlesyria,
Phœnice,
Cilicia,
Cyprus,
Ægyptus, et ceteræ omnes provinciae.

Vide Dionem, LIII. p. 503. Strabonem, XVII. p. ult. Postea Augustus Cyprum et Galliam Narbonensem populo reddidit, et mutuò Dalmatiam accepit. Achaïam et Macedoniam ad Tiberium translatas Claudius populo restituit, Sueton. in Claud. xxv. Dio, LX. p. 680. Qui provincias populi administrabant, sive consulatum gessissent, sive non gessissent, proconsules appellabantur. Rectores provinciarum Cæsaris, legati, prætores, proprætores dicebantur, etiam si consules fuissent. Proconsules sorte, prætores delectu mittebantur. Togati et sine gladio proconsules, sed tribus legatis et duodecim fascibus insignes. Paludati et cum gladio prætores, sed sex tantum fascibus et uno legato utebantur. Melior Cæsarianarum, quàm proconsularium provinciarum conditio, quodd Cæsar tranquillitatem provinciarum, imperii securitatem provideret; proconsules, non laudi atque gloriæ, sed libidinibus et divitiis inhiarent. In prætores, si quid peccassent, statim Cæsar, ac maximè Tiberius, animadvertibat. Proconsules, vel gravissimorum scelerum rei, à senatu judicabantur, ipsi senatores, vel senatoribus adfines. Itaque non mirum Achaïam ac Macedoniam onera deprecantes levare proconsulari imperio, et tradi Cæsari. Cl. de Montesquieu, *Esprit des Loix*, XIII. 19. p. 358. his Taciti verbis utitur, ut probet in imperio damnosam esse publicanorum societatem, *Angl. the rent of farms*; tributa verò, *Angl. the administration*, populorum felicitati maximè conducere. Longiùs, nec veriùs, arcessita auctoritas. De publicanis plura dicemus in notis ad Annal. XIII. 50. Intereà quibus et quàm nefariis artibus provincias diriperent proconsules, quomodò proconsul L. Piso Achaïam exhausserit, Macedoniam barbaris condonaverit, se ipse reipublicæ hostibus trecentis talentis, *Angl. 67,500l.* vendiderit, luculenter docet Tullius in Pisonem, xxxiv et seq. De proconsulum et prætorum, seu præsidum, officio plura et accurata vide apud eruditum Campianum, de Offic. et Potest. Magistrat. Rom. p. 259 et seq.

Quod vulgus formidolosum. Plurimum placet Lipsii conjectura, *quod in vulgus formidolosum.* Licet Tacitus, *formidolosum* cum dativo sæpe conjunxerit, haud ita eleganter tentat Gronovius, *quod vulgo formidolosum.*

Movendasque populi offensiones. Forendasque malim. Misc. Obs. IX. 295.

CAP. 77. *At theatri.* Ita MS. Flor. Pichena et recentiores. Perperam Beroaldus, à *theatri*.

De modo lucaris. In vetere marmore apud Ant. Augustinum, *de legibus*, Tab. 25. agitur, DE. LVCARI. LVDO RV M. SAECULARIUM—LVCARIS NOMINE. Cur pecunia, quæ in spectacula erogatur, *Lucar* appelletur quærit Plutarchus, *Quæstion. Roman.* Vol. II. p. 285. et innuit: quia multi erant circa urbem luci, quorum reditus in spectacula insumebantur. Διὰ τὸ τὸ τελούμενον εἰς θεᾶς λοῦκαρ καλοῦσιν; ἢ ὅτι πολλά ἐστὶν ἄλλα (corrigere ἄλση, vel ἄλσεα) περὶ τὴν πόλιν ἀνειμένα θεοῖς, ἃ καλοῦσι λούκους, καὶ τὴν ἀπὸ τούτων πρόσδοον εἰς τὰς θεᾶς ἀνήλυσκον. Itaque *ludorum ac munerum impensas corripuit Tiberius, mercedibus scenicorum recisis*, Sueton. in *Tiber.* XXXIV. At quousque mercedes illas reciderit, quem *lucaris* modum posuerit, fortè accipi potest à Luciano, Vol. II. p. 787. in Icaromenippo, cap. 29. ubi ait philosophos, virtutis nomine circumdatos, *similes esse Tragicis illis actoribus, quorum si personam auferas et vestem auro intextam, reliquum ridiculum est; homunciones septem drachmis, Angl. 5s. 3d. ad certamen conductos.* Ἐοικότες μάλιστα τοῖς τραγικοῖς ἐκείνοις ὑποκριταῖς, ὧν ἦν ἀφέλγης τὰ προσωπεῖα, καὶ τὴν χρυσοπάστον ἐκείνην στολὴν τὸ καταλειπόμενόν ἐστι γελοῖον, ἀνθρώπινον ἐπὶ δραχμῶν ἐς τὸν ἀγῶνα μεμισθωμένον. Nec fermè aliter Seneca, Ep. LXXX. *Ille qui in scenâ elatus incedit, et hæc resupinus dicit:*

En impero Argis; regna mihi liquit Pelops,

Quà Ponto ab Helles atque ab Ionio mari

Urgetur Isthmos;

sercus est, quinque modios accipit, et quinque denarios, Angl. 3s. 4d. Olim longè majus fuit *lucar*, aut potius maxima semper extitit fautorum insania, siquidem vel apud veterem populum Romanum *Roscius histrio* IIID annua, *Angl. 4166l. 13s. 4d. meritasse* proditur, Plin. VII. 39. Nec viliores operæ Clodii Æsopi, tragici histrionis, quem, teste Macrobio, *Saturnal.* II. 10. *ex histri-*

onicâ arte ducenties sestertiûm, *Angl.* 166,666*l.* 13*s.* 4*d.* reliquisse filio constat : quorum de luxu dicemus in not. et emend. ad *Annal.* III. 52. Inde patet quàm meritò de modo lucaris, et adversùs fautorum lasciviam fuerit decretum. Quantum verò hæc ludorum insania, imperante Nerone, recruduerit divinari facillè potest : nec prætorem puduit histrionico Principi *H S decies*, *Angl.* 8333*l.* 6*s.* 8*d.* offerre, Sueton. in *Ner.* XXI. Ut malo immensum grassanti occurreret M. Antoninus, *temperavit scenicas donationes, jubens ut quinos aureos*, *Angl.* 5*l.* *scenici acciperent : ita tamen, ut nullus editor decem aureos*, *Angl.* 10*l.* egrederetur. *Capitolin.* Vit. Antonin. XI. Tanto pretio mores perditum ibant Romani !

Spectarentur. Frustra tentat Heinsius, *sectarentur.*

CAP. 78. *Sexdecim stipendiorum.* Mallet Freinshemius, *sexto-decimo stipendio.* Vulgatam scripturam meritò retinet ac defendit Ernestus.

CAP. 79. *Ob moderandus.* Ernestus conjicit, *ad.* Utrumque latinè dicitur.

Verterentur flumina. Heinsius tentat, *avertentur.* Eleganter, sed non necessariò.

Idque ipsis. Latinus Latinius emendat, *id quod.* Satis probabiliter ; nihil tamen mutaverim. *Misc. Obs.* IX. 295.

CAP. 80. *Achaia et Macedonia.* Provinciæ illæ senatui à Claudio Principe sunt redditæ, teste Suetonio in *Claud.* XXV. et Dione, IX. p. 680. Inde à D. Lucâ, *Act. Apost.* XVIII. 12. memoratur Gallio, Achaïæ proconsul. Totam verò Græciam Romani Achaïam dixere, quòd Achæi rerum potirentur, cùm L. Mummius Corinthum evertit, totaque Græcia Romani juris facta est A. U. C. 608. A. C. 145. Καλοῦσι δὲ οὐχ Ἑλλάδος, ἀλλ' Ἀχαΐας ἡγέμονα οἱ Ῥωμαῖοι· διότι ἐχειρώσαντο Ἕλληνας δι' Ἀχαιῶν τότε τοῦ Ἑλληνικοῦ προεστηκότων, Pausanias, VII. 16. in Achaic.

NOTÆ ET EMENDATIONES

AD LIBRUM SECUNDUM ANNALIUM

C. CORNELII TACITI.

CAP. I. *A PHRAATE*. Cùm intricatissima sit regum Parthorum series, eorum Canonem, qui in obscuris consulatur, juvat proponere: regnorum verò annos et intervalla definire, silentibus veteribus scriptoribus, temerarium foret, ut rectè pronuntiat Jos. Scaliger, Canon. Isagogic. III. p. 316. Monuerim autem de hoc regum Parthorum Canone, multum lucis ope nummorum à Cl. Barthelemy et Pellerin fuisse adfusum; quos consule.

CANON REGUM PARTHIORUM.

A. U. C. 498. A. C. 255.

ARSACES I. ab Antiocho II. (perperam Justinus, xli. 4. à *Seleuco*) Syriæ rege deficit, L. Manlio Vulstone, M. Attilio Regulo consulibus; regnum Parthicum auspicatur, tantisque illustrat virtutibus, ut ejus successores dicantur ARSACIDAE. Maturâ senectute decessit. Justin. xli. 4 et 5. Strabo, xi. p. 515. Tacit. Annal. II. 1. Malè Petavius, Usserius, et recens Cl. Bayer, Histor. regni Græcor. Bactriani, p. 51. initium Æræ Parthicæ ab

A. U. C. 504. A. C. 249. repetunt, ut patet ex Tacito Annal. xi. 9. xii. 14. ex Dione, LXXVIII. p. 881 et 886. atque ex nummis Vologesis I. Vologesis II. et Artabani III. Moses Chorenensis, Hist. Armen. ii. 1 et 2. Arsacen memorat, imperiumque conditum anno 60. Seleucidarum, seu U. C. 500. tradit. Postea à Græcis Romanisque scriptoribus vulgò ita discrepat, ut ejus narrationi immorari non liceat.

ARSACES II. Arsacis I. filius. Justin. xli. 5. Polyb. x. p. 598. Arianus apud Syncellum, p. 284. ait Arsacen I. duos tantum annos regnasse: eique per annos 37. fratrem ejus Tiridaten successisse. Mihi potior Justinus, sive Trogi Pompeii, fides. Cl. Vaillant, Arsacid. Imper. p. 16. obtrudit ARTABANUM, quem Tiridatis, seu Arsacis II. filium fuisse, et per annos viginti imperasse, Elichmanum secutus, fingit. Nos Justinum et Polybium sectamur.

PRIAPATIUS, annos quindecim regnavit: dictus quoque ARSACES, sicut ceteri reges. Justin. xli. 5.

PHRAATES I. Priapatii filius, Mardos domuit. Justin. xli. 5.

MITHRIDATES I. Priapatii filius, vir insignis virtutis. Justin. xli. 5.

PHRAATES II. Mithridatis I. filius, à militibus interfectus. Justin. xlii. 1.

ARTABANUS I. Phraatis II. patruus, in bello vulneratus statim decedit, Justin. xlii. 2.

MITHRIDATES II. cognomento MAGNUS, Artabani I. filius. Justin. xlii. 2.

MNASCIRES, annos sex et nonaginta vixit. Lucian. Vol. iii. in Macrobiis, xvi.

SANATRUCES, annos natus octoginta regnare cepit: annis septem regnavit. Luciano, ibid. xv. dictus *Sintruces*: Appiano in Mithridatic. p. 242. *Sintricus*, At verior nummus ΒΑΣΙΛΕΥΣ ΑΡΣΑΚΟΥ ΣΑΝΑΤΡΟΙΚ. . ΜΕΓΑΛΟΥ ΘΕΟΠΑΤΟΡΟΣ ΕΤΕΡΕΤΟΡ, qui extat, apud Cl. Pellerin, *Recueil de Médailles de Rois*, Tab. xv.

PHRAATES III. Sanatrucis filius, cognomento DEUS. Appian. in Mithridatic. p. 242. Photius, Cod. xcvi.

MITHRIDATES III. Phraatis III. filius, propter crudelitatem regno pellitur, mox à fratre interficitur. Justin. XLII. 4. Appian. in Parthic. p. 134.

ORODES I. Mithridatis III. frater, Crassum et undecim legiones Romanas trucidavit A. U. C. 701. A. C. 52. Justin. XLII. 4. Florus, III. 2. Appian. in Parthic. p. 140 et seq. Tacit. Annal. II. 2.

PHRAATES IV. Orodus filius, homo sceleratissimus, patre et triginta suis fratribus interfectis, imperat. Antonium, et sexdecim legiones Romanas exturbavit A. U. C. 718. A. C. 35. Dio, XLIX. p. 406. Justin, XLII. 5. Appian. in Parthic. p. 155 et seq. Tacit. Annal. II. 2. Frœlich, Notit. Element. Numismat. p. 179. laudat è gazâ Imperatoriâ Phraatis IV. nummum cusum anno Æræ Parthicæ 235. seu U. C. 732. A. C. 21.

PHRAATACES, Phraatis IV. filius nothus et interfector; mox regno pulsus, Joseph. Antiq. Judaic. XVIII. 2. Tacit. Annal. II. 2.

ORODES II. Arsacidarum sanguine prognatus; brevi pulsus. Joseph. Antiq. Judaic. XVIII. 2. Tacit. Annal. II. 2.

Circa A. U. C. 766. J. C. 13.

VONONES I. Phraatis IV. filius, ob luxum, moresque Romanos regno pulsus. Tacit. Annal. II. 2.

ARTABANUS II. Arsacidarum è sanguine, à Parthis excitur, regnoque potitur. Tacit. Annal. II. 3.

A. U. C. 788. J. C. 35.

PHRAATES V. Phraatis IV. filius, contra Artabanum II. à Tiberio rex mittitur. At, apud Syriam morbo absumentus, perit. Tacit. Annal. VI. 31 et 32.

A. U. C. 788. J. C. 35.

TIRIDATES, Phraatis IV. nepos, et, ut videtur, Vononis I.

filius à Tiberio missus, Artabani II. regnum occupat : mox pellitur. Tacit. Annal. vi. 32. 37 et 44.

ARTABANUS II. secundum. Joseph. Antiq. Judaic. xx. 3.

CINNAMUS, Artabano II. profugo, imperat. Joseph. Ibid.

ARTABANUS II. tertium. Joseph. Ibid.

GOTARZES, interfecto fratre suo Artabano II. regnum occupat. Tacit. Annal. xi. 8.

A. U. C. 800. J. C. 47.

BARDANES, Artabani II. filius, de regno cum Gotarze paciscitur. Tacit. Annal. xi. 8 et 9.

GOTARZES iterum imperat, Bardane interfecto. Tacit. Annal. xi. 10.

MEHERDATES, Phraatis IV. nepos, Vononis I. filius, Gotarzis æmulus, et ab illo victus. Tacit. Annal. xi. 10. xii. 10 et 14.

VONONES II. Gotarze mortuo, in regnum accitus; brevi et inglorio imperio perfunctus est. Antea Medos præsidebat. Tacit. Annal. xii. 14.

Ante A. U. C. 804. J. C. 51.

VOLOGESES I. Vononis II. filius, maternâ origine ex pellice Græcâ, concessu fratrum regnum adeptus. Tacit. Annal. xii. 14 et 44. Extant ejus nummi cum notâ HT apud Vaillant, Arsacid. Imper. p. 293. cum notâ AAT apud Panel, *Lettre sur le Medailler de M. le Bret*, p. 4. Quæ notæ significant annos Æræ Parthicæ 308 et 331. seu U. C. 805 et 828. J. C. 52 et 75.

A. U. C. 807. J. C. 54.

VARDANES, Vologesis I. patris sui, æmulus. Tacit. Annal. xiii. 7.

PACORUS, Parthorum rex, sub Trajani principatu. Plin. x. Ep. 16. Vaillant, Imp. Arsacid. p. 302. memorat Pacori nummum cum notâ ENT. id est, Æræ Parthicæ 355. seu U. C. 852. J. C. 99.

CHOSROES, Dio, LXVIII. p. 778. Vaillant, Arsacid. Imp. p. 321. nummum ejus refert cum notâ ΔOT. id est, Æræ Parthicæ 374. seu U. C. 771. J. C. 118. alterum, Panel. loc. cit. cum notâ HOT. id est, Æræ Parthicæ 378. seu U. C. 875. J. C. 122.

VOLOGESES II. imperare cœpit circa annum U. C. 886. J. C. 133. Dio, LXIX. p. 794.

MONNESES, Vologesis II. æmulus. Vaillant, Arsacid. Imp. p. 339. protulit Monnesis nummum cum notâ TKB. id est, Æræ Parthicæ 422. seu U. C. 919. J. C. 166. Alterum Scipio Maffei, Galliæ Antiq. Ep. xxii. p. 106. cum notâ TKE. id est, Æræ Parthicæ 425. seu U. C. 922. J. C. 169.

VOLOGESES II. iterum. Paul. Oros. VII. 15. Extant ejus nummi cum notis Æræ Parthicæ 423, 424, 428, 429, 439. seu J. C. 167, 168, 172, 173, 183. Frœlich, Notit. Element. Numismat. p. 179. Cl. Pellerin, *Recueil de Médailles de Rois*, p. 151.

VOLOGESES III. Dio, LXXV. p. 854. LXXVII. p. 875. Habentur ejus nummi cum notis Æræ Parthicæ 451, 454, 460, 461, 465. seu J. C. 195, 198, 204, 205, 209. Frœlich, loc. cit.

ARTABANUS III. ultimus Parthorum rex, imperare cœperat ante A. U. C. 958. J. C. 215. Dio, LXXVIII. p. 881 et 886. At tribus præliis victus, ab Artaxerxe victore interficitur A. U. C. 986. J. C. 233. Finis imperii Parthici. Persicum regnum instaurat Artaxerxes. Dio, LXXX. p. 918. Herodian, iv. 2 et seq. Extant nummi Artabani III. cum notis Æræ Parthicæ 471, 472, 475, 480. seu J. C. 215, 216, 219, 224. Frœlich, loc. cit. Cl. Pellerin, *Recueil de Médailles de Rois*, p. 151.

CAP. 2. *Ipsorum moribus.* Beroaldus aliique veteres emendant, *ipsorum majoribus.* Emendandum, *moribus* rectè conjectavit Lipsius. Muretus, Gronovius ceterique recentiores probavere. Pessinè tentat Heinsius: *ignotæ Parthis virtutes, novitate invisæ, et quia ipsorum à moribus alienæ, perinde odio pravis et honestis.* Vid. Misc. Obs. ix. 383.

CAP. 3. *Artavasden regem*. Non minor est Armeniorum, quàm Parthorum, regum obscuritas. Eadem itaque cùm ad historiæ facilitatem, tum ad lectorum utilitatem, eorum canonis necessitas.

CANON REGUM ARMENIÆ MAJORIS.

A. U. C. 565. A. C. 188.

ARTAXIAS I. à rege Syriæ, Antiocho III. Magno deficit, et Armeniæ majoris regnum condit. Ab Antiocho IV. Epiphane, bello victus et captus A. U. C. 589. A. C. 164. Strabo, xi. p. 528. Diod. Sicul. in Excerpt. p. 325. Appian. in Syriac. p. 117. Moses Chorenensis, Hist. Armen. 11. 3. ait Valarsacen regnum Armeniæ à fratre suo Arsace II. Magno accepisse. In Armeniacis, ut in Parthicis, tam aliena à ceteris scriptoribus narrat, ut eo abstineamus.

ORTOADISTES (fortè dicendus ARTAVASDES) cui Mithridates II. Parthorum rex, bellum intulit, teste Justino, XLII. 2.

TIGRANES I. Appianus in Syriac. p. 118.

TIGRANES II. MAGNUS, Tigranis I. filius, Artaxiâ I. prognatus, vixit annos quinque et octoginta. Appian. in Syriac. p. 118. Justin. XXXVIII. 3. Lucian. Vol. III. in Macrobiis, cap. 15. Strabo. xi. p. 532.

Ante A. U. C. 700. A. C. 53.

ARTAVASDES I. (Appiano in Parthicis, p. 138. ARTABASES) Tigranis Magni filius, ab Antonio vinctus, pòst à Cleopatrâ interfectus A. U. C. 724. A. C. 29. Dio, XLIX. p. 407 et 415. 11. p. 446. Strabo, xi. p. 524 et 530. Plutarch. in Anton. p. 939. Tacit. Annal. 11. 3. Nummus æreus hujus Principis ΒΑΣΙΛΕΥΣ ΒΑΣΙΛΕΥΣ . . . ΠΤΑΤΑΣ . . . Id est, *regis regum Artavasdis*, nuper in lucem editus à Cl. Pellerin, *Recueil de Médailles de Rois*, Tab. xv. p. 152.

A. U. C. 734. A. C. 19.

ARTAXIAS II (Dioni, XLIX. p. 415. ARTAXES; et LIV. p. 526. ARTABASES) Artavasdis I. filius, dolo propinquorum occisus. Tacit. Annal. II. 3.

A. U. C. 734. A. C. 19.

TIGRANES III. (Velleio, II. 94. ARTAVASDES) Artavasdis filius, Armeniis ab Augusto rex datus, et in regnum à Tiberio deductus Dio, LIV. p. 526. Tacit. Annal. II. 3.

NN. Filii Tigranis III. quibus diuturnum non fuit imperium. Tacit. Annal. II. 3. Zonaras, Vol. I. p. 538.

A. U. C. 748. A. C. 5.

ARTAVASDES II. Armeniis jussu Augusti impositus; et solio dejectus A. U. C. 752. A. C. 1. Tacit. Annal. 2. 3. Zonaras, Vol. I. p. 539.

Circa A. U. C. 755. J. C. 2.

ARIOBARZANES, origine Medus, volentibus Armeniis à Caio Cæsare præficitur. Tacit. Annal. II. 4. Zonaras, Vol. I. p. 539.

ERATO, fœmina, brevi pulsa. Tacit. Annal. II. 4.

VONONES, Phraatis IV. filius, olim Parthorum rex. Tacit. Annal. II. 3 et 4.

A. U. C. 771. J. C. 18.

ZENO (Armeniis ARTAXIAS III.) Polemonis, regis Pontici, et Pythodoridae filius. Insigne regium ei imposuit Germanicus. Tacit. Annal. II. 56. VI. 31.

A. U. C. 788. J. C. 35.

ARSACES, Artabani II. Parthorum regis, filius natu maximus, regnum occupat. Tacit. Annal. VI. 31.

A. U. C. 788. J. C. 35.

MITHRIDATES, Iberus, à Caio Caligulâ in vincula conjectus, regno restitutus à Claudio. Tacit. Annal. vi. 32. xi. 8. xii. 44 et seq.

A. U. C. 804. J. C. 51.

RHADAMISTUS, filius Pharasmanis, Iberorum regis, occiso patruo suo Mithridate, à patre suo ipse interficitur. Tacit. Annal. xii. 44 et 47. xiii. 37.

A. U. C. 805. J. C. 52.

TIRIDATES, Vologesis, Parthorum regis, frater, mox regno pulsus. Tacit. Annal. xii. 51. xiii. 37. xiv. 26.

A. U. C. 813. J. C. 60.

TIGRANES, Archelai, Cappadocum regis, nepos, à Nerone Armeniis rex datus. Tacit. Annal. ii. 42. xiv. 26. xv. 24.

A. U. C. 816. J. C. 63.

TIRIDATES, olim pulsus, regnum à Nerone recipit. Tacit. Annal. xv. 28 et 29.

EXEDARES, Pacori, Parthorum regis, filius regno cessit. Dio, lxxviii. p. 778.

PARTHAMISIRIS, Exedaris frater, quem regno exturbavit Trajanus: Armeniaque factâ provincia Romana, A. U. C. 867. J. C. 114. Dio, lxxviii. p. 778 et 779. Postea restitutum Armeniæ regnum: sed nihil ad nos pertinet.

CAP. 5. *Præliorum vias*. Optimè dictum. Malè tentat Heinsius, *præliorum dubia*; Acidalius, *præliorum vices*. Vide Misc. Obs. ix. 383.

Sæva vel prospera. Mallet Lipsius, *scæva*, id est, *sinistra*. At nihil mutandum.

Damno armorum. Infeliciter emendat Boxhornius, *damno armentorum.* Romani, graves armis, ea in sylvis ac paludibus amittebant. Vide quæ dicta sunt supra Annal. i. 64. 68 et 71.

Promptam ipsis possessionem. Acidalius, Boxhornius, Ernestus mallent, *profectionem.* Sed perperam. Mare intrando, prompta erat Romanis Germaniæ possessio, et ignota hostibus, qui rarè utebantur navibus, neque hæc cogitabant. Ne corrigas cum Heinsio, *ut hostibus ignotam, pro et hostibus ignotam.* Vide Misc. Obs. ix. 383.

CAP. 6. C. *Antio.* In libris editis, *Cantio.* Divinabat Lipsius, *Scantio.* Malè vertit Cl. Gordon, *whilst Publius Vitellius and Publius Cantius.* Optimè Amelot de la Houssaie, *il envoie P. Vitellius et C. Antius.* Sicque emendandum monuerat Ursinus. Ad hunc C. Antium fortè pertinet inscriptio, apud Lingones reperta, Gruter. l. ii. 9.

DEO. MERCVRIO. ET. POS.
TVERTE. C. ANTIVS. TITI
FILIVS. EX. VOTO.

Majorum ejus memoria extat in nummis familiæ Antiæ, de quibus vide Vaillant. Famil. Rom. Vol. i. p. 77.

Appositis utrimque gubernaculis. Ejusmodi navem exhibet volumen alterum picturarum Herculanensium cum summâ literarum utilitate, summo literatorum plausu nuper editum, *Pitture Antiche d'Ercolano.* Vol. ii. Tab. xiv. p. 89.

Super quas tormenta. Ernestus Mallet, *super quos,* ut referatur ad pontes. Nihil mutandum.

Augebantur. Perperam conjectant Faernius et Muretus, *agebantur.*

In quam convenirent prædicta. Ryckii amicus malebat, *dicta.* At *prædicta,* pro *dicta* usurpari posse probat Ernestus, ipsâ Taciti, infra cap. 79. auctoritate.

Vahalem accola. MS. Flor. *Vahalam,* quod immeritò probat Gronovius. A Cæsare de Bello Gall. iv. 10. *Walis* appellatur.

CAP. 7. *Eò duxit.* Mallet Ernestus, *ducit.* Nihil mutandum.
Cum legionibus decucurrit. Funebris decursionis ritus describit
 Virgilius, *Æn.* XI. 183.

*Ter circum accensos, cincti fulgentibus armis
 Decurrere rogos: ter maestum funeris ignem,
 Lustravere in equis, ululatusque ore dedere.*

Fusiùs adhuc explicat Statius Thebaid. VI. 213 et seq. Anniver-
 sariam in honorem Drusi decursionem memorat Suetonius in
 Claud. I. *Supremum diem morbo obiit Drusus in æstivis castris,
 quæ ex eo scelerata sunt appellata. Corpus ejus per municipiorum
 coloniarumque primores, suscipientibus obviis scribarum decuriis,
 ad Urbem devectum, sepultum est in Martio campo. Ceterum
 exercitus honorarium ei tumulum excitavit, circa quem deinceps
 stato die quotannis miles decurreret, Galliarumque civitates publicè
 supplicarent.* Qui plura volet de decursionibus, adeat Kirchman-
 num de Funerib. Rom. III. 3. et Cl. Gori, Museum Etrusc.
 Vol. II. p. 376.

Inter castellum Alisonem. Vertranius et Lipsius distinguunt,
inter castellum, Alisonem, ac Rhenum. Castellum quidem Aliso-
 nem inter ac Rhenum erat exstructum, at *Aliso* dicebatur, ut patet
 ex Velleio, II. 120. et Ptolemæo, II. 11.

CAP. 8. *Relicta, lævo amne.* Perperam emendat Ursinus,
*classis Amisiæ relictæ, erratumque in eo, quod non subvexit, lævo
 amne transposuit militem dextras in terras iturum.* Optimè
 cohæret vulgata scriptura, [secundùm interpunctionem quam exhi-
 buit Brotier; ut ante *transposuit* subintelligatur *igitur*; cujus
 particulæ omissio non abhorret à T. oratione. Bibl. Crit. VII.
 P. vi. 61.]

CAP. 9. *Tum permissum.* Non displicet vulgata scriptura.
 Muretus tamen delet, *tum.* Heinsius emendat, *tum, ut permissum,
 progressus.* Amicus apud Ryckium, *id tum permissum.* Vide
 Misc. Obs. IX. 383.

CAP. 11. *E numero primipilariū.* Primipilaris aquilam, seu signum legionis, gestabat, si fides habenda Cl. Fabretti, Syntag. Colon. Trajan. VII. p. 188. Certè aquilæ præerat, teste Vegetio, 11. 3. *Vetus autem consuetudo tenuit, ut ex primo principe legionis, promoveretur centurio primipili: qui non solūm aquilæ præerat, verūm etiam quatuor centurias, hoc est, quadringentos milites, in primâ acie gubernabat. Hic tamquam caput totius legionis merita consequebatur et commoda.*

CAP. 12. *Incorruptum foret.* Mallet Heinsius, ferret. Nihil mutandum. Vide Misc. Obs. IX. 383.

CAP. 14. *Viditque.* Muretus delet *que.* Acidalius et Heinsius emendant, *vidit quippe.* Vulgatam scripturam meritò defendit Ernestus. Sicque Tacitus infra cap. 59. *levavitque.* Vide Misc. Obs. IX. 383.

Sanguine sacro. MS. Flor. *sanguine sacri.* Non ineptè. At meliùs libri editi.

Sapientiâ prævisa. Freinshemius, Ryckius, Heinsius et Ernestus mallent, *provisa.* Nihil tamen mutaverim. Præviderat Germanicus immensa barbarorum scuta, enormes hastas, inter truncos arborum et virgulta, malè tractari; densandos ictus, ora mucronibus quærenda. Immo Heinsius, *sapienter provisa.* Vide Misc. Obs. IX. 383.

Enata humo virgulta. *Elata humo virgulta* pro *enata* Heinsius legit. Vide Misc. Obs. IX. 384.

Densarent ictus. MS. Flor. *denserent ictus.* Non quidem inusitatum verbum, *denseo.* Nihil tamen mutandum.

CAP. 15. *Onusta vulneribus terga.* Muretus et Acidalius emendant, *onustum vulneribus tergum,* vel *onusta vulneribus terga.* Latine quidem. At verior, et ad Taciti stilum accommodatior Ernesti sententia, intelligendum esse, *sit,* vel *sint.* Cf. Misc. Obs. IX. 384.

Adversis Diis. Ita MS. Flor. Beroaldus, alijque veteres. Perperam Edit. Gryph. *adversis odiis.*

Nullâ boni spe. Ernestus dubitaverat de Latinitate dictionis *spes boni*, malueratque *bonâ spe*. Cujus opinionem cum verè repudiassent Bipontini, debebant vulgatam tueri, neque ad contortam ratiunculam confugere, quâ *boni* sumatur in nominativo pluralis. Bibl. Crit. II. vi. 61.

Aliud sibi reliquum. Frustra Rhenanus. *Nihil*, vel *non aliud*. Heinsius, *haud*. Lipsius, *an*. Ursinus è fictitio suo MS. codice, *quid*. Grotius, *aliud quid*.

CAP. 16. *Ripæ fluminis.* Malè Freinshemius, *flumini*. Ripæ fluminis cedunt, ubi sinuantur.

Ut ordo agminis in aciem adsisteret. Ità editiones veteres, Ernestus et recentiores. Alii distinguunt, *ut ordo agminis, in aciem adsisteret*. Frustra tentat Lipsius, *ut ordo agminis, in aciem adstiteret*.

CAP. 17. *Imperatorem advertère.* Emendabat Cl. Erric. Memmius, *imperato rem advertere*. Quod prorsus inutile, licèt à Lambiño laudatum in notis ad Æmiliū Probum, p. 446.

Romanas aves. Consulatu secundo C. Marii, A. U. C. 650. A. C. 103. aquilæ factæ sunt aves Romanæ. Rem egregiè illustrat Plinius, X. 3 et 4. *Negant unquam solam hanc alitem, aquilam, fulmine exanimatam: ideo armigeram Jovis consuetudo judicavit. Romanis eam legionibus C. Marius in secundo consulatu suo propriè dicavit. Erat et antea prima cum quatuor aliis: lupi, minotauri, equi, aprique singulos ordines anteibant. Paucis antè annis sola in aciem portari capta erat: reliqua in castris relinquebantur. Marius in totum ea abdicavit. Ex eo notatum, non ferè legionis unquam hibernasse castra, ubi aquilarum non sit jugum.* Aquilas legionarias exhibent nummi M. Antonii, ubique obvii, aliique plurimi.

Illâ ripturus. Muretus et Ursinus mallet *erupturus*. *Nihil mutandum*.

CAP. 22. *Conscientiam factis.* Ità MS. Flor. et editiones veteres. Postea, emendatum, *facti*. Latine quidem. sed nefas à veteribus libris discedere.

Atque illi supplices. Illustr. Huetius emendat, *statim illi supplices.* Nihil mutaverim.

CAP. 23. *In Austrum cessit.* Somnerus, *Portus Iccius illustratus*, p. 56. malè arguit Tacitum quasi Austro tribuat, quod tribuendum Coro. Non hìc Còrus, *North-West*, esse potest; sed *Africus, South-West.*

Saxis abruptis. Ita Ms. Flor. editiones veteres et recentiores. In intermediis perperam emendatum, *abruptas.*

Eòdemque quò ventus. Sic MS. Flor. editiones veteres et recentiores. Intermediæ omisere, *que.*

Præcipitantur. Mallet Ernestus, *præcipitabantur.* Rectè, sed non necessariò.

Alvei manantes. Perperam tentat Lipsius, *nantes.* Heinsius, *alternantes latera*, vel *innatantes alterno latere.* Vide Misc. Obs. ix. 384.

CAP. 24. *Tantùm illa clades.* In hoc capite plurima tentat Heinsius; omnia infelicitè: ut, *tantum alias illa clades*, pro *tantùm illa clades.* *Sine terminis*, pro *sine terris.* *Eòdem enisa*, pro *eòdem elisa.* *Intentis restibus*, pro *intentis vestibus.* Misc. Obs. ix. 385. 386.

Inauditas volucres. Ernestus mallet, *invisas* vel *invisitatas volucres.* Meliùs, *inauditas*; rectèque de peregrinis ac portentosis volucris dicitur. Portenta narrant viatores, ac maximè nautæ et naufragi.

CAP. 25. *Propinquo luco.* Beroaldus alique veteres, *propinquo loco*: Optunè emendavit Lipsius, *propinquo luco.*

Varianæ legionis aquilam. Tres aquilas amiserat Varus. Unam repertam vidimus supra Annual. i. 60. Hic alteram recepit Germanicus. Tertiam, Principe Claudio, recuperavit P. Gabinius A. U. C. 794. ut accipimus ex Dione, LX: p. 670. Errat ergò Florus, elegans, sed indiligens, scriptor, iv. 12. *Signa et aquilas duas adhuc barbari possident: tertiam signifer priùs, quàm in manus hostium veniret, evulsit, mersamque intrà baltei sui latebras gerens,*

in cruentâ palude sic latuit. Recepta à Germanico signa testatur munus, de quo dictum in notis, cap. 41.

CAP. 26. *Se novies.* Boxhornius emendat, *se toties*, quòd sæpe, non tamen *novies* in Germaniam missus fuerit Tiberius. Nihil mutaverim. Et, ut rectè conjicit Lipsius, missiones in Illyricum et Pannoniam simul annumerantur.

Consultum esset. Ita optimè emendavit Ernestus. Perperam in veteribus editionibus, *consultum est.* Vide infra Annal. VI. 6.

Nullo tum. Mallet Ernestus, *nullo dum*, quòd hæ non è Taciti, sed Tiberii, personâ dicantur. Hâc in re sæpe peccârunt librarii.

CAP. 27. *Augusti conjunx fuerat.* Mallet Heinsius, *fuerit.* Benè; sed non necessariò.

CAP. 28. *Qui servi eadem noscerent, reperit.* Heinsius; *qui è servis eadem*, &c. Vide Misc. Obs. IX. 386. Quibusdam, Aurelio Heinsioque placet, *reperit.* Nihil mutandum. Putat præterea Heinsius *et qui è servis eadem noscerent reperit.* Misc. Obs. IX. 386.

Poscit: et vocantur patres. Frustra tentat Faernus, *poscit, advocantur patres.*

CAP. 30. *C. Vibius.* In MS. Flor. et veteribus editionibus *C. Livius.* Ryckius et Ernestus meritò emendârunt ex Annal. IV, 28 et 29. *C. Vibius.* Lipsius conjectaverat, *Cluvius.*

Novi juris repertor Tiberius. Jus illud repererat Augustus, teste Dione, LV. p. 551. ὅτι δ' οὐκ ἐξὸν ὄν δοῦλον κατὰ δεσπότου βασι-
νισθῆναι, ἐκέλευσεν, ὥσᾳκίς ἂν χρεῖα τοιοῦτου τινὸς γένηται, τῷ δημοσίῳ
αὐτὸν, ἣ καὶ ἑαυτῷ πιπράσκεισθαι, ὅπως ἀλλότριος τοῦ κρινομένου ὄν,
ἐξετάζεται, οἱ μὲν ἡτιῶντο, ὅτι ὁ νόμος τῇ τοῦ δεσπότου μεταλλαγῇ κατα-
λύεσθαι ἔμελλεν· οἱ δ' ἀναγκαῖον αὐτὸ ἐφασκον εἶναι, ὅτι πολλοὶ διὰ τοῦτο
καὶ ἐπ' αὐτῷ ἐκείνῳ καὶ ἐπὶ ταῖς ἀρχαῖς συνίσταντο. *Cum non liceret
servum contra dominum adhibitis tormentis quæstioni subicere,
isque, Augustus, jussisset hujusmodi servum, si usus postularet,
vel reipublica, vel sibi vendi, ut dominio rei exemptus examinari*

posset; id à nonnullis culpatum, legem dissolvi eâ domini mutatione querentibus; aliis necessariò id fieri dicentibus, cùm multi hoc freti contra ipsum ac magistratus conspirarent. Quomodò jus illud amplificaverit Tiberius, nec servos tantùm, sed liberos, et cives tormentis subdiderit, docet Dio, LVII. p. 615.

P. Quirinio. MS. Flor. Editiones veteres, Ryckius et recentiores, *Quirino*. Alii, *P. Quirinio*, quos sum secutus. Ejus enim mentio sæpe occurrit in libro sequenti et semper *Quirinius* appellatur; sic etiam à Strabone, Josepho, et Dione sæpe nominatur.

CAP. 31. *Strepebant etiam.* Ita MS. Flor. Beroaldus, Pichena et recentiores. Alii, *strepebantque etiam*. Quod inutile et frigidum. Heinsius *strepebant jam et in vestibulo*. Vide Misc. Obs. IX. 386.

Adpositum mensâ. Groslotius mallet, *mensæ*. At potest intelligi præpositio, *in*.

CAP. 32. *Ut dona.* *Ut deletum volebat Freinshemius.* Certè abesse potest; nihil tamen mutaverim.

L. P. et Gallus Asinius. Sic MS. Flor. et editiones veteres. Divinabat Lipsius, *L. Pætus*, vel *L. Publius et Gallus Asinii*; Freinshemius, *L. Publius*, *L. Plancus*, *L. Paullus*; Gronovius, *L. Piso*. Edidit Ryckius, *L. Publius*: Ita quoque scribunt optimi interpretes. Vetera literarum compendia retinere debui et volui.

CAP. 33. *Antistent et aliis quæ ad requiem.* In MS. Flor. *antistent talisque ad requiem*. Beroaldus edidit, *antistent, talesque*. Conjectabat Lipsius, *dignationibus antistent, aliisque, quæ ad requiem*, vel *ita aliis, quæ ad requiem*. Propriùs ad veterem scripturam accessit Grotius, *et aliis quæ ad requiem*.

Confessio vitiorum. Egregiè dictum. Perperam tentat Lipsius, *consensio*. Confessio vitiorum nominibus honestis velata, et similitudo audientium Gallo facilem adsensum dedit.

CAP. 34. *Missus est prator.* Heinsius, *An misso prætore*. Vide Misc. Obs. IX. 386.

CAP. 35. *Abfuturum se.* MS. Flor. *Afuturum.* Beroaldus, *adfuturum.* Ipsa rerum series postulat, *abfuturum*: et plurimis probatum.

Magis agendas. Ita MS. Flor. Beroaldus sine necessitate emendavit, *agendum.*

Senatum et equites posse. Ita MS. Flor. Perperam emendavit Beroaldus, *ut absente Principe senatus et equites possent.*

Et adfluentes. MS. Flor. *et ei adfluentis.* *Ei* frigidum est, et meritò in editionibus omnibus omissum.

CAP. 36. *Jam tum prætores.* MS. Flor. *jam dum.*

Quasi augetur. MS. Flor. *auretur.* Optimè emendavit Beroaldus, *augetur.*

Quinquuplicari. Perperam in Lipsianis editionibus, *quintuplicari.*

CAP. 37. *Oratoris Hortensii.* De quo Plinius, xxxv. 11. *Fuit et Cydias, cujus tabulam Argonautas HS. 144. Angl. 1200l. Hortensius orator mercatus est, eique adem fecit in Tusculano suo.* Eum quoque signis Corinthiis ita captum esse, ut secum circumferret, *Splingem Verri reo ablatam,* docet idem Plinius, xxxiv. 8. *Quanta ei fuerit piscinarum ægrotorumque suorum piscium cura, vide apud Varronem, de Re Rustic. iii. 17.* Non mirum hominis eloquentissimi, sed vanissimi, posteros pauperes fuisse.

Decies sestertii. Ita MS. Flor. Ryckius et recentiores. Ceteri, *sestertiũ.*

CAP. 38. *Hic augeamus.* Illustr. Huetius *mallet, agamus.* Eleganter, sed non necessariò.

Preces sunt istuc. MS. Flor. *istut.* Libri editi, *istuc.* Jac. Gronovius *mallet, istud.*

In me transmittere. Corruptè MS. Flor. *in me transmerei.* Divinant-Rhenanus, *transumere*; Aldus, *transmitti*; Jac. Gronovius, *transjicere.* Benè Lipsius, *transmittere.*

Ad inopiam delaberetur. Ita Ernestus. In vulgatis libris, *dila-*
beretur. Infra Annal. III. 63. *in ambitionem delaberentur.*

CAP. 39. *Cosam.* Perperam in veteribus editionibus, *Coram.*
Optimè Lipsius, *Cosam.* *Cosanum littus* memorat Plinius, III. 6.

CAP. 40. *Ostiam.* Ita MS. Flor. Perperam in veteribus
editionibus, *Hostiam.*

Servum suum. Frustra tentat Acidalius, *statim pro suum.*
Groslotius, *tum.*

CAP. 41. *C. Cæcilio.* De nomine hujus consulis diu discep-
tatum. Panvinus, Dionem et Cassiodorum secutus, *Cæcilium*
appellabat. Alii, *Calium* vocabant: sicque in vulgatis Taciti
libris nominabatur. Litem diremit vetus lapis, à Cl. Muratori
editus, Nov. Thesaur. Inscr. vol. I. p. 301.

C. CAECILIO RVFO

L. POMPONIO FLACCO

} *Coss.*

CAP. 42. *Rex Archelaus.* Filius Archelai et Glaphyræ;
Archelai, qui contra Syllam bellum gessit, pronepos. Scribarum
vitio miserè deturpata ac luxata, quæ de Archelao et fine regni
Cappadociæ habet Riccioli Chronolog. Reform. v. 9. num. 5.
Hæc enim accuratiora videas in ejusdem operis parte secundâ, p.
33. quod non attendit Em. Norisius Cenotaphi. Pis. p. 226. Quod
verò observatu dignum magis, nuper prolati à Cl. Pellerin, *Recueil*
de Médailles de Rois, Tab. xx. p. 198. Archelai nummi duo
argentei. Caput regis diadematum in aversâ parte, *ΒΑΣΙΛΕΩΣ*
ΑΡΧΕΛΑΟΥ ΦΙΛΟΠΑΤΡΙΔΟΣ ΤΟΥ ΚΤΙΣΤΟΥ, id est,
Regis Archelai, amici patriæ, conditoris. In medio clava, cui
ad dextram adjacet litera K. Alter omnino similis. Sed ex unâ
parte clavæ M. ex alterâ B. Unde patet priorem nummum anno
20. Archelai, alterum anno 42. cusum esse. Hactenus nomen
ΦΙΛΟΠΑΤΡΙΔΟΣ in regum nummis fuerat ignotum.

Ad precandum veniret. Mallet Ernestus, venisset. Nihil mutandum.

CAP. 43. *Motum Orientem. Frustra tentat Lipsius, motum Orientis.*

Creticum Silanum. Rectorem Syriae, de quo supra cap. 4. Ad eum pertinet nummus hoc anno cusus, et ab Harduino Select. Oper. p. 22 et 626. à Vaillantio, Num. Imp. Græc. p. 8. laudatus, KAISAP ΣΕΒΑΣΤΟΣ ΣΕΒΑΣΤΟΤ. Caesar Augustus Tiberius Augusti filius. Caput Tiberii laureatum. Ex adversâ parte Γ. ΕΠΙ ΣΙΑΑΝΟΤ ΑΝΤΙΟΧΕΩΝ. ΖΜ. Anno tertio sub Silano nummus Antiochenorum, anno 47. ab Actiacâ victoriâ. Alium Silani nummum, sed præproperum, affert Harduinus ibid. cum notâ ΘΜ, id est, 49. Antiochenorum.

Plancinae nobilitate. Dio, LVIII. p. 635. eam, Munatiam Plancinam appellat. Videtur fuisse filia L. Munatii Planci, quem Augustus censorem fecit A. U. C. 732. Dio, LIV. p. 521. In veteri lapide apud Gruterum, p. 985.

DIS MANIBVS

L. MVNATI

PLANCINAE L.

POLYCLITI.

Polycliti Plancinae liberti.

CAP. 44. *Discessu Romanorum. Frustra tentat Ernestus, decessu.*

Tum et æmulatione. In editis libris, et tum æmulatione: quod aures latinæ respuunt. Itaque vel emendandum, tum et, ut placet Heinsio; vel omnino delendum, et, quod mallet Ernestus.

CAP. 45. *Clientium. Ita MS. Flor. Beroaldus, clientum. Adversum nos. MS. Flor. Beroaldus, adversus. Romanis derepta. MS. Flor. Beroaldus, direpta.*

CAP. 46. *Discessum: neque panitere.* Distinguit Acidalius, *discessum, neque panitere.* Melior est vulgata distinctio.

Transfugis paulatim nudatus. Mallet Lipsius, *transfugiis.* Benè. Nihil tamen mutaverim.

CAP. 47. *Nocturno motu terræ.* Luctuosam illam stragem, aliamque, quæ memoratur infra Annal. iv. 13. illustrat basis marmorea monumenti, in Tiberii honorem exstructi, Puteolis effossa anno 1693. In eâ eversarum, et postea à Tiberio restitutarum, urbium imagines videntur, quas erudito commentario explicarunt Antonius Bulifo, et Gronovius, Antiq. Græc. vol. vii. p. 446. Inde lucem plurimam mutuabimur, de singulis urbibus dicturi.

Visa in arduo. Legit Heinsius, *enisa in arduum.* Vide Misc. Obs. ix. 387.

In Sardonos. Sardes, urbs Lydiæ in latere montis Tmoli. Nunc dicitur, *Sardia.* In monumento Tiberiano nomen corruptum. Ex ductu tamen literarum legendum videtur PARTHENIA SARDIVM. Plurimi habentur nummi *CAPAIANON*, extat in Anthologiâ, i. Tit. 70. εἰς πόλεις, Bianoris epigramma, cùm ob urbis ruinam, tum ob MS. Grotii versionem haud silendum. Br. Anal. Græc. vol. ii. p. 157. xii.

Σάρδιες αἱ τοπάλαι Γύγου πόλις, αἴτ' Ἀλυάττου

Σάρδιες, ἃ βασιλεῖ Περσὶς ἐν Ἀσιᾷδι,

Αἱ Κροίσῳ τὸ παλαιὸν ἐπλινθώσασθε μέλαθρον,

Ὅλβον Πακτωλοῦ ῥεύματι δεξάμεναι

Νῦν δὲ ὅλαι δύστηνοι ἐς ἐν κακὸν ἀρπασθεῖσαι,

Ἐς βυθὸν ἐξ ἀχανοῦς χάσματος ἤριπετε,

Βούρα καὶ εἰς Ἑλίκην κεκλωσμέναι· αἱ δ' ἐνὶ χέρσῳ

Σάρδιες, ἐν βυθίοις εἰς ἐν ἔκεισθε τέλος.

Gygiacæ Sardes, Halyattæ regia, quondam

Persarum dominis altera Persis eras:

Cræseos molita lares, ubi multa micabat

E Pactoleis dives arena tadis.

At nunc vasta suo tellus te sorpsit hiatu

Tot bona seclorum perdidit una lues.

Contigit hoc Euris, Helicæ quoque. Sed maris æstus

Quos casus aliis, hos tibi terra dedit.

Magnetes à Sipylø. Magnesia ad montem Sipylum posita in Lydiâ. Nunc *Magnisa*. In monumento Tiberiano **MAGNESIA**: in nummis **ΜΑΓΝΗΤΩΝ ΣΙΠΥΛΑΟΡ**.

Temnios. Temnos, urbs Æolidis, nunc diruta. In monumento Tiberiano **TEMNOS**. In nummis **ΤΗΜΝΟC** et **ΤΗΜΝΕΙΤΩΝ**.

Philadelphenos. Philadelphea, urbs Lydiæ, nunc *Allachachere*. In monumento Tiberiano **PHILADELPHEA**. In nummis **ΦΙΛΑΔΕΛΦΕΩΝ**.

Ægeatas. Ægæ, urbs Æolidis interioris, perierunt. Vox quoque detrita in monumento Tiberiano: ultima tantum litera superstes **E**: videtur fuisse scriptum **ÆGEAE**. Plinius quidem v. 30. *Ægas* appellavit; sic quoque Strabo, et in nummis **ΑΙΓΑΕΩΝ**. At in Herodoto, i. 149. In Clio *Αἰγαῖαι* leguntur.

Apollonidienses. Beroaldus, *Apollonienses*. Ernestus, *Apollonidenses*. Emendandum, *Apollonidienses*, ut patet ex Plinio, v. 30. qui *Apollonidienses* appellat. In monumento Tiberiano **APOLLONIDEA**. Eusebius in *Chronic.* eam vocat *Apollonidiam*: errore quidem librariorum scriptum *Apolloniam diam*, et gravius errant qui *Diam Hyrcaniam* scribunt. Utrumque corrigendum. Urbs illa Troadis à Strabone, XIII. p. 625. Ἀπολλωνίς dicitur, triginta stadiis à Pergamo et Sardibus distans. Nunc periit. Harduinus, *Select. Oper.* p. 26. ad Apollonidienses refert nummos **ΑΠΟΛΛΩΝΙΕΩΝ** à Goltzio laudatos. At Goltzius, auctor sublestæ fidei.

Mosteni. Optimè Beroaldus et recentiores. Perperam in intermediis quibusdam editionibus, *Mosceni*. In monumento Tiberiano **MOSTENE**, urbs Lydiæ, nunc omnino diruta. In nummis **ΜΟΣΤΗΝΩΝ**. **ΜΟCΤΗΝΩΝ ΑΤΑΩΝ**.

Atque Macedones Hyrcani. In editis libris, aut *Macedones Hyrcani*, quasi Mosteni et Macedones Hyrcani unus et idem populus essent; quod decepit Cl. Gordon, qui vertit *the Egeatæans, Apollonians, with those called the Mostenians or Macedonians of Hyrcania*. Cl. Murphy contra. *The inhabitants of Ægæa,*

and Apollonia, as also the Mosthenians, and the people called the Macedonians of Hyrcania. Manifestum est ex Cornelianâ duodecim urbium enumeratione Mostenos et Macedones Hyrcanos esse omnino diversos. Igitur emendandum, atque Macedones, Hyrcani. Quàm sæpe in MSS. aut. et atque permutentur, abundè docet Cortius ad Sallustium in Jugurth. LXXXII. Macedones, Hyrcani cognominati memorantur Plinio, v. 29. In monumento Tiberiano urbs dicitur HYRCANIA. In nummis ΤΡΚΑΝΩΝ.

Hierocæsaream. Urbem Lydiæ, nunc dirutam. Ex plurimis literis superstitibus scriptum quoque in monumento Tiberiano HIEROCAESAREA. In nummis ΙΕΡΟΚΑΙΣΑΡΕΩΝ et ΙΕΡΟΚΑΙΣΑΡ. ΚΟΜΑΝΕΩΝ.

Myrinam. Myrina, inquit Plinius, v. 30. quæ se Sebastopolim vocat, urbs Æolidis, servat pòsterius nomen, nunc Sebastopoli: dicitur quoque Sandali. In monumento Tiberiano MYRINA. In nummis ΜΥΡΙΝΑΙΩΝ.

Cymen. Urbem Æolidis, nunc Namourt. In monumento Tiberiano CYME. In nummis ΚΥΜΑΙΩΝ.

Tmolum. In medio Tmoli montis in Lydiâ positam. Inde cives Plinio, v. 29. dicti Mesotmolitæ. In monumento Tiberiano TMOLUS. In nummis ΤΜΩΛΕΙΤΩΝ. Periiit. Tiberii in afflictas istas urbes liberalitas ita accepta fuit, ut plurimis monumentis commendata reperiatur. Eximii habentur nummi ære magno, qui eum laureatum, ac togatum, sedentem exhibent, cum inscriptione CIVITATIBVS ASIAE RESTITVTIS. Ex aversâ parte, TI. CAESAR DIVI AVG. F. AVGVST. P. M. TR. P. XXI. Id est, tribunicia potestatis anno XXI. Alius est in museo nostro, TR. POST. XXIII. seu tribunicia potestatis XXIV. quo ipso anno Cibræ et Ægio subvenit Tiberius, ut dictum est Annal. iv. 13. Utrùm verò hanc ob rem exstructus fuerit Romæ Colossus subdubito; licèt id prodiderit Phlegon, de Rebus Mirabil. xiii. Ἀπολλώνιος δὲ ὁ γραμματικὸς ἱστορεῖ ἐπὶ Τιβερίου Νέρωνος σεισμὸν γεγενῆσθαι, καὶ πολλὰς καὶ ὀνομαστάς πόλεις τῆς Ἀσίας ἄρδην ἀφανισθῆναι ὥς ὕστερον ὁ Τιβερίος οἰκεία δαπάνη πάλιν ἀνάρθρωσεν ἀν' ὧν κολοσσόν τε αὐτῷ κατασκευάσαντες ἀνέθεσαν παρὰ τῷ τῆς Ἀφροδίτης ἱερῷ, ὃ ἐστὶν ἐν τῇ Ῥωμαίων ἀγορᾷ, καὶ τῶν πόλεων

ἐκάστης ἐφ' ἑξῆς ἀνδριάντας παρέστησαν. *Apollonius Grammaticus* narrat, *Tiberii Neronis ætate terræ motum fuisse, quo multæ ac celebres Asiæ urbes funditùs deletæ sint; quas deinde Tiberius suo sumtu instauravit. Propterea colossus ei posuerunt prope templum Veneris, in foro Romano, et singularum deinceps urbium statuas subjunxerunt.* Nemini enim alii veterum memoratur iste colossus: et librum *Περὶ κατεψευσμένης ιστορίας, de Historiæ mendaciis*, scripserat Apollonius, unde fortè id hauserit Phlegon, ut adnotat Meursius. Certior colossus Puteolis ab Augustalibus positus anno TR. POT. 32. seu U. C. 783. postea *reipublicæ*, seu urbis Puteolanæ sumtibus restitutus, ut patet ex inscriptione monumenti marmorei, de quo jam dictum supra.

TI. CAESAR I DIVI

AVGVSTI F. DIVI

IVLI N. AVGVSTO

PONTIF. MAXIMO COS. IIII.

IMP. VIII. TRIB. POTESTAT. XXXII.

AUGUSTALES.

RESPVBLICA RESTITVIT.

De hoc monumento vide Cl. Le Beau, *Mémoires de l'Académie royale des Inscriptions*, Vol. XXIV. p. 152.

CAP. 49. *Quam A. Postumius.* Lipsius optimè emendavit, *quam.* Una erat ædes, non plures.

CAP. 52. *Auxiliaria stipendia.* Ita Beroaldus et veteres, Gronovius et recentiores. Lipsius *auxiliaris* emendavit. *Auxiliaria*, de homine inter *Auxiliares* stipendia meritò, rectè dicitur.

Musulanorum. A Ptolemæo, IV. 3. appellantur *Μισούλαμοι*. At cum in MSS. codicibus Plinii, V. 5. ab Harduino laudatis. *Musulani* quoque dicantur, hæc vera scriptura esse videtur.

Etiam tum. Mallet Ernestus, *etiam dum.*

Disciplinâ et imperiis. Pichena emendat, *disciplinæ.* Latine quidem; at æquè latine dicitur, *disciplinâ.*

Cinithios. Illustr. Pellicerius, veteris Geographiæ peritissimus emendabat, *Ciniphios*. Ptolemæo, iv. 3. ΚΙΝΗΘΙΟΙ populi memorant: sed ex optimo nostro Ptolemæi MS. codice ΚΙΝΥ-ΘΙΟΙ scribendum; et fortè meliùs ΚΙΝΥΦΙΟΙ. In his Taciti et Ptolemæi locis *Cinyphios*, qui intrà minorem Syrtim et fluvium *Cinyps*, vel *Cinyphum*, habitabant, intelligendum nullus dubito. Nihil tamen mutavi: potuit enim Tacitus scribere *Cinithios*. Nec quæritur quid scribere debuerit, sed quid scripserit. Sidonius Apollinaris, carm. ix. 203.

*Non hîc Cinyphius canetur Ammon,
Mitratum caput elevans arenis.*

In unum conductos. Frustra tentat Heinsius, *conductos*, vel *coactos*. Misc. Obs. ix. 387. Sic adhuc infra Annal. iv. 47. *donec exercitus in unumduceret*.

Metu eluderent. Malè Rhenanus, *astu*, pro *metu*.

Quem memoramus. Ita MS. Flor. teste Jac. Gronovio. Perperam Beroaldus aliique veteres, *memoravimus*.

CAP. 53. *Urbem Achaia Nicopolim*. In eâ Epiri parte, quæ Acarnania dicitur, urbs erat Nicopolis, quam Plinius, iv. 1. appellat civitatem liberam Nicopolitanam. Tacitus illam Achaia attribuit, quòd ejus præsidii pareret, et commune Achaia nomen. Infra Annal. v. 10. colonia Romana dicitur.

Dalmatia. MS. Flor. *Delmatia*. Sic sæpe MSS. et veteres lapides. Rectè utrumque scribitur.

Sacratus ab Augusto manubias. De illis Suetonius in Aug. xviii. Quòd *Actiæ victoria memoria celebratio in posterum esset, urbem Nicopolim apud Actium condidit: ludosque illic quinquennales constituit: et ampliato vetere Apollinis templo, locum castrorum quibus fuerat usus, exornatum navalibus spoliis Neptuno ac Marti consecravit*. Hæc adhuc magis illustrent Plinius, iv. 1. et Strabo, vii. p. 324 et 325. scilicet in ipso more Ambracii sinûs fuit ad sinistram civitas libera Nicopolitana: ad dextram verò colonia Augusti Actium; ibi nobile Actii Apollinis templum, et infra campus cum luco et navalibus, in quibus Augustus de hostium

manubiis dedicavit decem naves ἀπὸ μονοκρότου μέχρι δεκῆρους, id est, *ab uno remorum ordine ad decirem.* Hæc visit Germanicus. Postea navalia et naves igni absorpta sunt, ut testatur Strabo, ibid.

Vetera suorum facta dictaque præferentes. Interpretum plurimi de Germanici majoribus locum hunc acceperunt. Nempe existimant Græcos, ut Germanico magis adularentur, vetera Claudiorum facta, eorumque dicta prætulisse. At eorum explicationem vix patitur latinitas: neque hæc adulatio Græcos decet. Aliter quidem Cl. Ernestus; et *præferentes* corruptum suspicatur: emendat, *præfantes*. Scilicet opinatur Græcos, cum Germanicum exciperent, præfatos esse quidquid à suis majoribus ad Marathona, ad Salamina, aliaque loca gestum, quidquid ab illustrioribus viris dictum, indeque apparuisse eos non esse, quos deceret, aut qui solerent humiliter adulari, neque spernendum honorem ab iis habitum. Hæc explicatio nondum probabilis videtur. Si quis veterum recentiumque pomparum exempla reputaverit, is sanè existimabit obvio sensu, quem in notis exposuimus, hæc accipienda.

CAP. 54. *Sacra Samothracum.* Plinius, IV. 12. *Insula Samothrace, quæ libera. . . à Thraciæ orâ triginta octo mill. . . circuitu triginta duo mill. . . vel importuosissima omnium. Callimachus eam antiquo nomine Dardaniam vocat. A Dionysio Perieget. v. 424. appellatur:*

Θρηκίη τε Σάμος Κορυβάντιον ἄστυ.

Thracia Samos, Corybantica civitas.

Sacra hujus insulæ quondam celebratissima. Iis enim initiati, credebantur adversa omnia propellere; quod exprimit Aristophanes, *Pax*, v. 275 et seq. fusiùsque prosequitur ejus Scholiastes: οἱ ἐν κινδύνοις γενομένοι ἐπεκαλοῦντο τούτους τοὺς δαίμονας, τοὺς ἐν Σαμοθράκῃ, τοὺς τε Κορύβαντας καὶ τὴν Ἑκάτην· ἐξ ἧς καὶ διαβόητον ἦν τὸ Ζήρινθον ἄντρον· ἐνθα ταύτῃ ὠργιάζον καὶ ἡλευθεροῦντο. *In periculis versati, invocabant illos demonas, qui in Samothrace colebantur, Corybantesque et Hecaten. Ex hac insulâ præcipuè celebrabatur Zerinthum antrum. Ibi sacrificabant et liberabantur. Deos Samothraces fuisse Castorem et Pollucem docet Varro, de Ling. Lat. IV. p. 17. Eorum mysteria vocabantur quoque mysteria*

Cabiri, τὰ μυστήρια τοῦ Καβείρου, teste eodem Aristophanis Scholiaste. Erant secretissima, nec nisi initiatis revelabantur: iis sæpe adesse præsentēs Deos, initiatosque pietate, sanctitate eminere, seque ipsis meliores, periculisque majores fieri ferebatur. Inde observat Diodorus Sicul. Bibl. v. 49. p. 323. Καὶ τῶν ἀρχαίων ἡρώων τε καὶ ἡμιθέων τοὺς ἐπιφανεστάτους πεφιλοτιμῆσθαι μεταβαλεῖν τῆς τελετῆς· καὶ γὰρ Ἰάσονα καὶ Διοσκούρους, ἔτι δ' Ἡρακλέα καὶ Ὀρφέα μνησθέντας ἐπιτυχεῖν ἐν πάσαις ταῖς στρατείαις, διὰ τὴν τῶν θεῶν τούτων ἐπιφάνειαν. *Ex priscis heroibus et semideis omnium illustrissimos hisce ritibus consecrari summoperè cupiisse: Jasonem, Dioscuros* (ergò Cabiri mysteria Castore et Polluce antiquiora) *ipsumque Herculem et Orpheum in omnibus bellis felices fuisse, præsens Deorum illorum auxilium expertos.* A Phœniciis vocibus כביר et כבירים *Cabbir et Cabbirim, Divipotens, Divipotentes dicti sunt Cabirus et Cabiri.* Porro Germanicus, suspicacem Tiberii animum semper veritus, Samothracum sacra visere nitebatur, ut iis initiaretur, malaque sibi imminētia averteret.

Igitur Ilio. Beroaldus ediderat, *igitur aliaque quæ ibi varietate.* Monuit Pichena legi in MS. Flor. *igitur alio*: unde optimè emendavit Freinshemius, *igitur Ilio, quæque ibi varietate.* Mallet Heinsius, *ab Ilio.* Idem sensus; *igitur Ilio*, vel *ab Ilio*, et iis omnibus locis, *quæ ibi varietate fortuna, et nostri origine veneranda, relegit Asiam.* Nec tentandum cum Pichenâ, *igitur viso Ilio*; nec cum Salinerio, *igitur relegit Asiam, aliaque, quæ ibi varietate, &c.*

CAP. 56. *Regis Pontici.* Frustra tentat Lipsius, *regis Ponti.* Cf. Annal. xiii. 49. Hist. iii. 47.

Ex nomine urbis. Mallet Jac. Gronovius, *ex conditore urbis, vel ex nomine conditoris urbis.* Perperam. Urbs enim Artaxata Artaxiæ regi ab Annibale condita est, Ἀρτάξατά τε, ἣν καὶ Ἀρταξιάσατα καλοῦσιν, Ἀννίβα κτίσαντος Ἀρταξίᾳ τῷ βασιλεῖ, Strabo, xi. p. 528. Ob eam causam, ut videtur, dixit Tacitus, *ex nomine urbis.* In ed. Societ. Bipont. post Freinshemium ad Curt. viii. 12. monetur, populis Asiaticis hunc fuisse morem, ut regibus suis ab urbe primariâ nomen adderent. B. C. ii. vi. 61.

CAP. 57. *Et filios variis modis.* Malè tentat Lipsius, *et filium.* De Pisonis filiis, quos variis modis criminari potuit, vide infra Annal. III. 16.

Ira et dissimulatio. Malè Muretus, *iræ dissimulatio.*

CAP. 58. *Neu proceres gentium.* Mallent Mercerus et Pichena, *ne.* Nihil mutandum. *Proceres gentium*, de Satrapis gentium, imperio Parthorum subditarum, dici rectè monuit Gronovius.

CAP. 59. *Pcdibus intectis.* Ægyptiorum more, qui vel nudis pedibus incedebant, vel crepidis tantum utebantur: unde intecti pedes. Contra verò Romani, Horat. I. Satyr. VI. 27.

*Ut quisque insanus nigris medium impediit crus
Pellibus.*

Calceorum illorum formæ exhibentur in præstantissimo, nec unquam satis laudando, opere, *le Pitture Antiche d'Ercolano*, Vol. I. Tab. XXXV.

Dominationis arcana. Meritò quidem inter dominationis suæ arcana Ægyptum seposuerat Augustus, cum non modò frugum esset fertilissima, sed etiam apud eam essent Romanæ *annonæ claustra*, ut loquitur Tacitus, Hist. III. 8. Unde Plinius in Panegyric. XXXI. *Percrebuerat antiquitus Urbem nostram, nisi opibus Ægypti, ali sustentarique non posse. Superbiebat ventosa et insolens natio, quòd victorem quidem populum pasceret tamen; quòdque in suo flumine, in suis manibus, vel abundantia nostra, vel fames esset.* Juxta Aurelium Victorem, Epitom. I. *Augusti tempore ex Ægypto Urbi annua ducenties centena millia modiorum frumenti inferebantur.* Longè plura percipiebat Ptolemæus Philadelphus, siquidem, teste D. Hieronymo in caput XI. Danielis, *de Ægypto per singulos annos quatuordecim millia et octingenta talenta argenti, Angl. 3,330,000l. et frumenti artabas quinquies et decies centena millia, seu 50,000,000. modios accipiebat.*

CAP. 60. *Canopo.* Canopus ita dicta à Canopo, rectore navis, qui, cum Menelaus, Agamemnonis frater et Helenæ conjux, Trojâ

Græciam repeteret, ad diversum mare, Lycium scilicet, Issicum; Syriacum, Phoenicium et Libycum dejectus est. Ibi mortuo ac sepulto, urbem cognominem ædificavit Menelaus. De his omnibus vide Dionysium Perieget. v. 9 et seq. et Eustathium interpretem, qui hæc fusè prosequitur.

Terramque Libyam dejectus. In MS. Flor. *delectus*. Beroaldus emendavit, *delatus*. Melius Jac. Gronovius et recentiores. Vide Livium, xxi. 34, et notas J. F. Gronovii. *Dejici*. Elegans et legitimum verbum esse de navigantibus, qui ab instituto curru depelluntur, docent interpretes ad Liv. loc. cit. et ad xli. 19. Pro quo Tacitus *detrusus* dicit, Hist. ii. 8. Vide Ruhnken. ad Vell. Patere. lib. i. cap. 1. p. 4.

Inde proximum annis. Perperam Acidalius, *inde ad proximum annis*. Intelligendum, *visit*, rectè monuit Ernestus.

Septingenta millia. Quidam emendant, *septuaginta millia*; sicque Tacitum et veritatem extenuant. Alii existimant septingenta millia ætate militari quondam Thebis habitasse; quod cum pro quartâ civium parte accipiant, fuisse Thebis 2,800,000. incolarum contendunt, et exaggeratis numeris historiam deturpant: saniores tamen Catone et Stephano Byzantio, qui verbo *Διόσπολις* docent eam habuisse, antequàm à Persis everteretur, *ἀνθρώπων μυριάδας ἑπτακισίας*, hominum 7,000,000. Neque accuratior Pomponius Mela, i. 9. hæc in re infidus Homeri Iliad. ix. 383. interpres. Mihi verò verba Taciti, et quid Herodotus, ii. 164 et 166. in Euterp. de Ægyptiorum militiâ scripserit reputanti, certissimum videtur septingenta hæc hominum millia, non de Thebanis incolis, sed de militibus Ægyptiis esse accipienda: eosque non conditione tantum, verum etiam ætate militari fuisse. Quæ verò fuerit apud Ægyptios ætas militaris minimè compertum. Apud Romanos anno decimo septimo et quadragesimo sexto definiebatur, Gellius, x. 28. Apud Athenienses, qui ab Ægyptiis plurima sunt mutuati, intrà annum decimum octavum et quadragesimum continebatur, Ulpianus in Demosthen. Olynthiac. iii. p. 29.

Regem Rhamse n. Rhamses ille idem esse videtur ac Remphis, quem Diodorus Siculus Bibl. i. 62. p. 56. ait fuisse superiorum omnium regum ditissimum et argenti ac auri talenta quadringenties mille coegisse, *ἀργύρου γὰρ καὶ χρυσοῦ παραδέδοται συναγαγεῖν αὐτὸν*

εἰς τετταράκοντα μυριάδας ταλάντων, *Angl.* 90,000,000*l.* Rhampsinium eum appellat Herodotus, II. 121. in Euterp. et testatur neminem successorum divitias ejus æquavisse, ac ne proximè quidem ad eas accessisse. Rhamsen, Josaphat regi Judæ supparem fecit eruditus Marsham, Canon. *Ægypt.* p. 393. Quod minimè probabile. Illum Trojani excidii tempore vixisse, certiùs colligitur ex Diodoro, et Herodoto, loc. cit. Consentit et Plinius, qui Ramisen, *quo regnante Ilium captum est*, memorat lib. XXXVI. 8. successorem Sesostris fuisse docet Manetho apud Josephum contra Appion. p. 1052.

Vocalem sonum reddens. Saxeam Memnonis effigiem exhibet Pococke, *Description of the East*, vol. I. p. 102. Tab. XXXVI et XXXVII. In utroque ejus crure plurimæ extant inscriptiones eorum, qui sonum audiere; sed à Cl. Pococke pessimè descriptæ. Aliquot tamen, haud ita deformes, referre et emendare non pigebit.

ANNO VII IMP CAESARIS
NERVAE TRAIANI AUG
Q. VIBIVS MAXIMVS PRAEP
AVDIT MEMNONEM
HORA II S SECVNDA

Id est, *horâ secundâ semis.*

V. NIANAS AAPTIAS
FELIX AVG CLIBERTVS
PROCVRATOR VSILCVS
HORA PRIMA SEMIS
MEMNONEM
AVDIVIT

Id est, *Quinto nonas martias Felix, Augusti libertus, fortè colli-
bertus, procurator horâ primâ semis Memnonem audivit.*

IVNI SVLANA VE
CLELIA AFRICANI
VXOR AVDI MEMNONEM
PR. ID. FEBR. HORA I. S
ANNO I. IMP. DOMITIANI AVG
CVM IAM TERTIO VENISSEM.

Id est, ut opinor, *Junia Silani Vera Clelia*, vel *Clalia*, *Africani* uxor, *audivi Memnonem pridie Idus Februarii, horâ primâ semis, anno primo, Imperatoris Domitiani Augusti, cùm jam tertio tenuissem.*

T E T T I T L X I

P R A F A E G

A U D I T

M E M N O N E M

X I I I K A P R I L I S

V E R O I I I R I A A A B I R V I O C

H O R A I

Hæc ita corrupta, ut nomen proprium divinare laud liceat. Cetera sic emendanda: *Præfectus Ægypti audit Memnonem XIII. Kalendas Aprilis Vero III. id est, tertium. Vario Ambibulo Consulibus, horâ primâ. Annii Verus, III et L. Varius Ambibulus, seu ut placet erudito Muratori, Thesaur. Inscript. Vol. I. p. 323. Eggii Ambibulus, consules fuere A. U. C. 879. J. C. 126. Juvat quoque Græcam unam aut alteram, subnectere.*

ΚΑΙΚΙΑΙΑ ΤΡΕΒΟΥΜΑ

ΔΕΤΤΕΡΟΝ ΑΚΟΥΤΑΧΑ

ΜΕΜΝΟΝΟC

Id est, *Cæcilia Trebura*, fortè *Trebonia*, secundùm audiens *Memnonem*.

ΑΦΛΑΔΟΥΙΑΝΟC

ΦΙΛΙΠΠΙΟC

ΕΚΛΤΟΝ ΜΕ

ΜΝΟΝ ΤΟΥ ΘΕΙΟΤΑΤΟΥ

ΑΥΤΟΚΡΑΤΟΡΟC ΑΔΡΙΑΝΟ

Id est, *Lucius Flavianus Philippus* *audivi Memnonem divinissimum Imperatore Hadriano.*

Inde patet quàm optandum sit, ut præstantissimum illud antiquitatis monumentum ab eruditis viris adhuc inspiciatur,* et accuratissimè describatur. Fortè ipsius Germanici memoria in illo reperietur.

CAP. 61. *Disjectasque inter.* Malè tentat Ernestus, *desertasque inter.....arenas.* Non ineptè vertit Amelot de la Houssaie, *parmi des sables mouvants presque impénétrables.* Meliùs Gordon, *amongst rolling and almost impassable waves of sand.* Murphy quoque, *amidst a waste of sands almost impassable.* Ad augenda miracula, montibus saxeis ac sterilibus, inter disjectas vixque pervias arenas, lapidibus Æthiopicis et Arabicis pyramides extruxerunt reges, otiosâ et stultâ pecuniæ ostentatione superbi. Quàm hîc mobiles sint arenæ constat ex viatorum experientiâ, ipsisque pyramidibus, quæ haud exiguâ sui parte sub arenis delitescunt.

Alibi angustia. Quid essent illæ angustiae Taciti interpretibus hactenus incompertum. Eas Σύγρυγας appellat Pausanias, I. p. 78. in Attic. et accuratè describit Ammianus Marcellinus, XXII. 15. *Sunt et Syringes subterranei quidam et flexuosi secessus, quos, ut fertur, periti rituum vetustorum adventare diluvium præscii, metuentesque ne cærimoniarum oblitteraretur memoria, penitus operosis digestos fodinis per loca diversa struxerunt: et excisis parietibus volucrum ferarumque genera multa sculpsērunt, et animalium species innumeras, quas hierographicas literas appellârunt.* Inde Heliodorus Æthiopic, II. p. 108. ait: ἄλλος πυραμίδων κατασκευὴν, ἕτερος σύγρυγων πλάνην ἐπυθάνετο, alter de pyramidum constructione, alter de angustiarum anfractibus interrogabat. Angustiae illæ erant propter Thebas, trans Nilum; nec longè aberat Memnonis statua, teste Pausaniâ, loc. cit. Vide adhuc Dionysium Perieget. v. 259. et interpretem Eustathium.

Nullis inquirentium spatiis. Frustra tentat Heinsius, *nulli inquirentium satis penetrabilis, vel nullis inquirentium spatiis penetrabilis.*

CAP. 62. *Gothones.* Beroaldus, *Gotones.*

In agrum transtulit. Sic sæpe veteres. Nos dicerimus, *trans-tulerat.*

CAP. 63. *Nam multis.* Fortè, *tam multis.* Nam potest tamen accipi pro *scilicet.* Haud ita feliciter innuit Ernestus, *quam*

multis . . . prætulisset. De Maroboduo ejusque potentiâ vide Velleium Patercul. II. 108 et 109.

Quasi rediturus. Ita optinè emendavit Rhenanus. In MS. Flor. et veteribus editionibus, *reditus*. Malè tentat Jac. Gronovius, *reditui*.

Vibilio. Ryckius mallet, *Vibillio*, quòd Cæsari *Vibullius* memoretur. *Vibidius*, in inscriptionibus sæpe laudatus, Ernesto placet. Scriptura veterum librorum retinenda.

CAP. 64. *Filio Cotyi.* Ad Cotyn exul ac miser Ovidius epistolam scripsit, de Ponto, II. Ep. 1X.

Regia progenies, cui nobilitatis origo

Nomen in Eumolpi pervenit usque, Coty,

Supplicis exaudi, juvenum mitissime, vocem:

Quamque potes profugo (nam potes) offer opem.

CAP. 66. *Veterem stipendiis.* Frustra tentant Pichena, Freinsheimius, et Ryckius, *veterem stipendii*.

CAP. 67. *Trebellienus Rufus.* Mallet Freinsheimius, *Trebellianus*. At in nominibus nihil audendum sine auctoritate, vel necessitate.

Marcum Lepidum. Ptolemæo Philopatore mortuo A. U. C. 550. Alexandriini, Syriæ regis Antiochi, et Philippi Macedoniæ, ambitionem veriti, legatos Romam misere, qui regi Ptolemæo Epiphani quinquenni tutorem peterent. Senatus, legatione plurimis victoriis clariore superbus, virum amplissimum et integerrimum *M. Æmilium Lepidum, Pontificem maximum, bis consulem* misit, *ne*, inquit Valerius Maxim. VI. 6. *fides civitatis nostræ frustra petita existimaretur.* Cujus beneficio regia incunabula conservata pariter ac decorata incertum Ptolemæum reddiderunt, patrisne fortunâ magis, an tutoris majestate gloriari deberet. Regiæ hujus tutelæ monumentum extare voluit iuvir Lepidus in nummo argenteo; caput Alexandriæ turritum exhibet, ALEXANDREA: ex alterâ parte, Lepidus coronam imponit capiti Ptolemæi, juvenis, dextrâ scipionem eburneum cum aquilâ tenentis: M. LEPIDUS PONT. MAX. TUTOR REG. S. C.

CAP. 68. *Specie venandi, omissis. Specie venandi*, quidam cum superioribus, *conatus est*, conjungunt. Melius distinxerunt Beroaldus et recentiores. Gronovius mallet, *conatus, specie venandi, omissis maritimis locis, avia saltuum petiit*. Non malè, si libri suffragarentur. At minimè necessariò.

Vibio Frontone præfecto equitum. Frustra tentat Cl. Bimardus apud Muratori, Nov. Thesaur. Inscript. Vol. 1. Col. 114. *Julio Frontone, pro Vibio Frontone*. At egregiè evincit adversùs eruditum Steph. Souciet, *præfectum equitum* appellari, qui alæ ex equitum turnis conflatae præerat. *Præfectum equitum* eundem esse ac magistrum equitum perperam opinabatur P. Souciet, *Mémoires de Trévoux*, Decembr. 1719. p. 92. Decretorius hâc de re locus Frontini, in Strateg. iv. 1. n. 28. *Domitius Corbulo in Armeniâ, Emilio Rufo præfecto equitum, quia hostibus cesserat, et parùm instructam armis alam habebat, vestimenta per lictorem scindi, eidemque, ut erat fœdato habitu, perstare in principiis, donec mitterentur, imperavit*. Pluribus tamen alis *præfectum equitum* aliquandò præfuisse minimè negaverim.

CAP. 69. *Dein Piso*. Nihil deest, licèt aliter suspicetur Lipsius. Fortè pro *Dein* scriptum olim *inde*. Acidalius et Ernestus conjiciunt, *denique*. Ex fictitio MS. Codice Mirandulano laudatur *proin*.

Solo ac parietibus. Muretus frustra conjicit, *parietinis*.

Tabe obliti. Mallet Lipsius, *tabo*. At, *cadaverum tabem* dixit quoque Suetonius in Vitell. x. cùm detestabilem Principis vocem efferret, *optimè olere occisum hostem, et meliùs civem*.

CAP. 70. *Haud minùs ira*. Malè Heinsius, *iræ*.

Naves solvit. In editis libris *navis* legitur, vetere scribendi modo pro *naves*. Amelot de la Houssaie perperam vertit, *son vaisseau*. De multis Pisonis navibus vide infra cap. 78. 79 et 81.

Quo propiùs. Malè tentat Lipsius, *quò properiùs*.

CAP. 73. *Formam, ætatem*. Mallet Ursinus, *ob formam, ætatem*. Nihil mutandum, ut rectè monuit Ernestus. Germanici formam, ætatem, genus mortis, Alexandri Magni fati adæquabant.

Ed prouiores in hanc comparisonem, quòd propinqua essent loca, in quibus Alexander interiisset.

Interpretabantur. Optimè emendavit Beroaldus. Perperam in MS. Flor. *interpretantur.*

CAP. 75. *Anxia sui, et infelici fœcunditate fortunæ totiens obnoxia.* Ernestus dubio procul aberravit à mente Taciti, cùm dividendam putaret vocem *in felici fœc.* Et sanè fuit felix Agrippina, quoties olim pepererat. Fuit, inquam; sed jam in infelicitatem versa ejus fœcunditas; quæ viduata præsidio, et Tiberio inuisa, toties fortunam tristem subire poterat, quoties olim felix fuisset. Metuendum certè ei erat ex Tiberio, odii suspecto; neque ea, quæ metuebantur, eventu dein caruere. Facit huc quodam modo exclamatio Cicer. Philipp. 11. 24. quâ Juliæ matris Antonii miseriam deplorat, quæ nunquam id subitura fuisset indignitatis, nisi filium peperisset: *O miseræ mulieris fœcunditatem calamitosam! Fœcunditatem verò felicem dicere, supervacuum foret.* Sed jam existiment alii, num infeliciùs conjiciam: *infelix fœcunditate, fortunæ toties obnoxia.*

Luctum amissæ sororis. In luctu fœnebri nigris, cœruleis, albis vestibus usæ sunt Romanæ fœminæ. Qui color diversis reipublicæ et imperii temporibus inualuerit, definire difficile foret et inutile. De his multa Lipsius in excursu m. Cœruleum colorem omisit, de quo Servius ad 111. Æn. ex Catone. Vestis verò purpurea, aurum, margaritæ, aliaque id luxûs ornamenta, erant lætitiæ signa.

CAP. 77. *Huic fasces.* *Huic* ad Pisonem, licèt Sentio remotiorem, pertinet: quod optimis scriptoribus non insolens. Sic infra cap. 82. *Illi, pro hi.*

Quàm justiùs arma. In MS. Flor. et editione Principe, *quem justiùs arma oppositurum, qui.* Rectè emendavit Pichena, *quàm justiùs;* et recentioribus omnibus probatum. Non ita feliciter alii, *quem justiùs arma oppositurum, quàm qui.*

CAP. 78. *Lato mari.* Lipsius mallet, *alto mari.* Eleganter, sed non necessariò.

CAP. 79. *Diem prædixisset.* Frustra tentat Acidalius, *pro-*
dixisset. Utrumque latinè dicitur.

CAP. 80. *Celendris.* Ita MS. Flor. Pichena et recentiores.
Beroaldus, *Celenderis.* Græcè Κέλενδρις et Κελένδρις æquè dicitur.

CAP. 81. *Adpugnare.* Ita MS. Flor. Editiones veteres et
recentiores. In intermediis, *oppugnare.* Infra Annal. iv. 48.
Castra Romana adpugnarent.

Peti aggerem. Freinshemius, *aggerem* accipit de terrâ, cespite,
quibus aggeres struuntur, ad oppugnandum. Veriùs Ernestus alii-
que de ipsis castelli muris intelligunt. Sic Virgilius *Æneid.* x. 23.

Quin intrâ portas atque ipsis prælia miscent
Aggeribus murorum, et inundant sanguine fossæ.

Ad hos versus, *muros et munimenta omnia, aggerem* dici observat
Servius ab Ernesto laudatus.

CAP. 82. *Dolor, ira: et erumpebant.* Beroaldus, *adfere-*
bantur, dolor, ira, et erumpebant questus. Lipsius, *adferebantur:*
dolor, &c. Meliùs distinxit Ernestus, quem sumus secuti.

In extremas terras. Boxhornius frustra tentat, *in externas.*

CAP. 83. *In quæis colerentur.* Ita MS. Flor. Jac. Gronovius
et Ernestus. Sine auctoritate ac necessitate à Beroaldo emen-
datum, *in quæis coleretur.* Germanici statuæ colebantur: sic de
Sejano dicitur infra Annal. iv. 2. *coli per theatra et fora effigies*
ejus interque principia legionum permisit Tiberius.

Cùm censeretur clypeus. Cur imagines illæ appellentur Clypei
docet Plinius, xxxv. 3. Scilicet, *scutis, qualiter apud Trojam*
pugnatum, continebantur imagines, unde et nomen habuere Clype-
orum: non, ut perversa grammaticorum subtilitas voluit, à
cluendo. Origo plena virtutis, *faciem reddi in scuto cujusque,*
qui fuerit usus illo. Appius Claudius, qui consul fuit A. U. C.
259. *suorum Clypeos in sacro vel publico privatim dicare primus*
instituit. . . Posuit enim in Bellonæ ade majores suos, *placuitque*
in excelso spectari, et titulos honorum legi . . . quales Clypeos nemo

non gaudens favensque aspicit. Porro non modò inter imperatores, sed etiam inter scriptores collocandæ erant imagines Germanici, qui militiæ ac literaturæ laude perinde floruit. Teste Suetonio, in Caio, III. *Oravit causus etiam triumphalis: atque inter cetera studiorum monumenta reliquit et comædias Græcas.* Extant quoque quædam ejus epigrammata in Anthologiâ. Nec immeritò Ovidius, cùm Fastos Germanico dicaret, ita eum alloquitur, Fast. i. 19.

*Pagina judicium docti subitura moretur
Principis, ut Clario missa legenda Deo.
Quæ sit enim culti facundia sensimus oris,
Civica pro trepidis cùm tulit arma reis.
Scimus et, ad nostras cùm se tulit impetus artes,
Ingeniû currant flumina quanta tui.*

Adseveravit. In MS. Flor. *adseveravit.* Perperam Beroaldus aliique plurimi edidere, *adseruit*, quod hoc sensu acceptum minimè latinum est. Optimè Jac. Gronovius et recentiores, *adseveravit.* Sic infra Annal. III. 49. in MS. Flor. *adseveravit*, pro *adseveravit.*

Cuneum Germanici appellavit, qui Juniorum dicebatur. Ernestus opinatur cuneum *Juniorum* appellatum esse ab equitibus, qui *κατ' ἐξοχὴν juventus* dicebantur: unde *Principes juventutis.* At hîc non de totâ juventute, seu de equestri ordine, sed de uno tantùm cuneo agitur. Itaque multo verisimilius à Juniis dictum esse *Juniorum* cuneum: sicque vertunt optimi interpretes. Davanzati, *l'ordine d' Cavalieri, la punta de' cavalli, nomata de' Giunii,* nomò di Germanico. Amelot de la Houssaie, *l'ordre des Chevaliers donna le nom de Germanicus à l'escadron qui portoit celui de Juniens.* Gordon, *the Battalion called after the name of the Junii, was now, by the Equestrian order, entitled the Battalion of Germanicus.* Murphy quoque, *The Equestrian order came to a resolution, that the troop called the youthful squadron should for the future take its name from Germanicus.*

CAP. 84. *Duos virilis sexus.* In MS. Flor. *viriles.* Inde tentat Jac. Gronovius, *duos virile secus.* Non spernendum, si magis faveret MS. codicis scriptura. Vide dicenda infra Annal. IV. 62.

CAP. 85. *Exactum et à Titidio.* In veteribus editionibus, *exacta*. Benè Vertranius et recentiores, *exactum*. Faernus tentabat, *exacta ratio*.

Necdum præterisse. Ita veteres libri; et mox, *interiissent*. In recentioribus editionibus, *præterisse, interiissent*.

Veherentur. Malim *deveherentur*. Misc. Obs. IX. 388.

Vile damnum. Freinshemius incassum tentat, *utile damnum*. Cf. Ruhnken. ad Vell. Paterc. II. 46. 14.

CAP. 86. *Vestalibus sacris.* Vide *l'Histoire des Vestales, par l'Abbé Nadal, in the Mémoires de l'Académie des Inscriptions*.

Discidio domum. Ita MS. Flor. et libri omnes veteres et recentiores. In intermediis, *dissidio*. At viris eruditis et MSS. codicum peritis meritò observatum, *dissidio* de animorum dissensione, *discidium* de corporum disjunctione usurpari.

Decies sestertii. Malè emendat Ursinus, *decies sestertiûm*.

CAP. 88. *Senatoresque eorumdem temporum.* Lipsius et quidam alii mallent, *senioresque*. Freinshemius alique plurimi vulgatam scripturam meritò tuentur. Id enim reperit Tacitus apud scriptores, et in diariis senatorum illius temporis.

Caniturque adhuc. Arminius non inter gentis heroas tantùm, sed inter ipsos Deos habitus; idemque postea fuit ac Deus Irminus: viaque lactea appellata est *Irminstrate*, seu *Arminii via*. Ejus statuam, dictam *Irmensulam*, barbaro cultu celeberrimam, Eresburgi, nunc *Stadtberg*, destruxit Carolus Magnus anno 772. Sed manet, manebitque semper, herois, meliore fato digni, memoria. De cultu Arminii vide Cl. Eccardum, *Orig. German.* p. 305. et *Commentar. de Rebus Franciæ Oriental.* Vol. I. p. 406. 436 et 620. Ejus nummos imaginesque, quæ circumferuntur, spuria esse nemo ignorat.

Haud perinde celebris. Optimi Latinae linguæ scriptores, *celeber*, pro masculino genere usurpant. At cum infra *Annal.* XIII. 47. XIV. 19. adhuc occurrat, *celebris*; et auctor ad *Herennium*, II. 4. dixerit quoque, *celebris, an desertus?* nihil mutandum meritò pronuntiat Ernestus, licèt ipse conjiciat, *celebratus*.

NOTÆ ET EMENDATIONES

AD LIBRUM TERTIUM ANNALIUM

C. CORNELII TACITI.

CAP. 1. *Ut quique sub Germanico.* Ita libri omnes veteres et recentiores. Perperam J. F. Gronovius et Ryckius, *quisque*, emendant.

Fidissimumque. Sic libri veteres & recentiores. In paucis editionibus, *fidelissimum*, operarum vitio irrepsit.

Proxima maris. Muretus & Freinshemius mallent, *mari*. Nihil mutaverim. Livius enim, l. 30. *proximi Etruscorum Veientes*. Velleius, ll. 114. *M. Lepidus, vir nominis ac fortunæ eorum proximus*.

Non alacri, ut adsolet. Ita libri omnes. Unus Cl. Lallemand edidit, *nec*.

Obvii et recentes in dolore anteibant. Cl. Bongarsius, et ineptum, *in* fortè subditiuum existimabat. Mihi non displicet vulgata scriptura. Dictum tamen Annal. l. 41. *recens dolore et irâ*.

CAP. 2. *Tarracinam.* Ita veteres & recentes editiones. Aliæ, *Terracinam*. Straboni, v. p. 233. *Ταράκιννα*.

C. Aurelius. Ita MS. Flor. veteresque editiones & recentiores. In intermediis ex consularibus Dionis et Cassiodori indicibus emendatum, *M. Aurelius*. Nihil mutandum, nisi major adsit librorum inscriptionumve auctoritas.

CAP. 3. *Perferre visu non toleravit.* Cl. Ernestus, *perferre* insititium esse existimat. Ego verò nec damnare ausim, nec abesse posse sine sensûs dispendio opinor.

Ut par mæror. Mallet Heinsius, *ut pari mærore*. Plus elegantiae et Correlliani stili in vulgatâ scripturâ.

CAP. 4. *Per silentium vastus.* Egregiè dictum. Malè tentat Pichena, *vastum*.

Miles cum armis. Cl. De Harlay emendat, *sine armis*. Perperam. Vide quæ de Augusti funere dicta sunt supra Annal. 1. 8. In funere armati milites, magistratus sine insignibus plurimum habent luctûs.

Superstitem iniquorum. Frustra tentat Rhenanus, *inimicorum*.

CAP. 5. *Claudiorum Juliorumque.* Ita veteres omnes libri. Muretus, Lipsius et Freinshemius mallent, *Liviorumque*: recepit Ernestus, quem pro more suo secutus est Cl. Lallemand. Ego verò, licèt Claudiorum imagines Juliorum imaginibus præposuerit Tacitus, nihil mutaverim. Immo, cùm *cuncta à majoribus reperta, aut quæ posterì invenerint*, in Drusi funere fuerint *cumulata*, existimo non modò Claudiorum, Liviorum, aliarumque affinium familiarum, sed Juliorum etiam, ob summam Augusti benevolentiam, antelatas esse imagines. Optimè vertit Cl. Gordon, *round his head were placed the images of the Claudii and Julii*. Murphy quoque, *the bier was decorated with the images of the Claudian and the Livian families*. Quinetiam si quis ad Juniae funus, infra cap. 76. attenderit, Claudiorum Liviorumque imagines hîc memorari frigidum illi videbitur.

Quanto prima. Perperam Muretus, *quandò*. Quanto, pro quanto magis, accipe, ut rectè observat Ernestus.

Præpositam toro. Muretus, Grotius, et Ryckius emendant,

propositam in. Placet plurimum: sæpeque, *præ et pro* in MSS. mutantur. Veterem tamen scripturam, non omnino vitiosam, retinui. Malè Gronovius, *repòstam*.

CAP. 6. *Idque et sibi.* Frustra tentat Ernestus, *itaque sibi*.

Et cunctis. Pessimè Lipsius, *et functis*.

Si modus adjiceretur. Malè Ernestus, *adhiberetur.* *Adjicere-* tur, id est, si ad ceteras laudes modus accederet.

Et imperatori populo, quæ. Ita MS. Flor. Pichena et recentiores. Perperam Beroaldus aliique veteres, *et imperatori populoque Modicis domibus, aut civitatibus, convenisse recenti dolori,* Lipsius, *dolore, luctum.*

Abstruserint. Malè Acidalius, *absterserint.*

Ludorum Megalesium. Ita MS. Flor. editiones veteres et recentiores. Perperam aliæ, *Megalensium.* In vetere nostro MS. Kalendario notantur PRID. NON. mensis Aprilis, LUDI MEGALESIACI et IV. ID. MEGALESIACI. Ludos illos, matri magnæ Idææ sacros, primos scenicos fuisse et *Megalesia* appellatos, ex Valerio Antiate narrat Livius, XXXVI. 36. Eos more institutisque maximè castos, solemnes et religiosos commendat Tullius in Or. de Haruspicum responsis, XII. *Megalesia* dicebantur ab ipsâ Deâ, quæ *μεγάλη θεά* et *μήτηρ* vocabatur.

Spectaculum suberat. Incassum Ryckius, *subierat.*

CAP. 7. *Petendæ è Pisone.* Conjicit Freinshemius, *spē petendæ è Pisone ultionis.* Latine et eleganter. At genitivis gaudet Tacitus, quod agnovit ipse Heinsius, qui tentaverat, *ultioni.* Vide infra cap. 9.

Vagus interim. Malè Heinsius, *vagus itinerum.*

CAP. 8. *Erga filios familiarum.* Malè Beroaldus, *familiarium.* Coniunctim scribi potest, *filios familiarum.* Sicque MS. Flor. approbantibus Pichenâ et Mercero.

Præscripta ei à Tiberio. Optimè emendavit Lipsius. Perperam libri omnes et Beroaldus, *præscripta et à Tiberio.*

CAP. 9. *Festa ornatu.* Ita MS. Flor. Editiones veteres et

recentiores. In intermediis malè emendatum, *festo ornatu*. Sic supra Annal. II. 69. dixit Tacitus, *festam Antiochensium plebem*, et Horatius, III. Od. XVIII. 11.

*Festus in pratis vacat otioso
Cum bove pagus.*

Festis diebus domorum postes lauro, coronis, fronde ornabantur, Hinc Juvenalis, VI. 79.

Ornentur postes, et grandi janua lauro,

et Vers. 226.

*Ornatas paulo antè fores, pendentia liquit
Vela domûs, vel adhuc virides in limine ramos,*

Satyr. IX. 85.

Foribus suspende coronas.

CAP. 10. *Nullas esse partes Trioni*. Muretus mallet, *Trionis*. Utrumque latinè dicitur.

Cognitionem exciperet. Rectè. Nec tentandum, ut Acidaliò placuit, *acciperet*, vel *susciperet*.

CAP. 11. *Post quæ reo*. Ita MS. Flor. et Minutianus. Perperam Beroaldus, *postquàm*.

T. Arruntium. Nicolaus Faber, Lipsio ob probitatem et eruditionem laudatus, corrigebat, *L. Arruntium*, et ad eum, de quo supra Annal. I. 13. referebat. Nihil mutaverim, licèt verisimiliter excogitatum.

T. Vinicium. In MS. Flor. *Fulnicium*. Beroaldus aliique veteres edidere, *Fulcinium*. Ryckius, quem secuti sunt recentiores, conjecit *T. Vinicium*. Probavi ipse: ad literarum ductum, ceterorumque nominum prænominis insignitorum morem nihil accommodatius video. Minimè probabiliter Muretus hæc nomina ita refinge-

bat: *T. Arellium Fuscum, Cneium Asinium Gallum, Æserninum Marcellum, Sex. Pompeium*. Perperam distinctum in veteribus editionibus, *Æserninum, Marcellum*. De Sex. Pompeio, quem Valerius Maximus, II. 6. num. 8. laudat, *ut omnibus virtutibus, ita humanitatis quoque laudibus instructissimum...facundissimoque sermone, qui ore ejus quasi è beato quodam eloquentiæ fonte manabat*, dictum supra Annal. I. 7. Asinium Gallum, Asinii Pollionis filium, et Marcellum Æserninum, ejus nepotem egregiè commendat Seneca, Declam. IV. Præf. Vide et stemma Pollionum infra cap. 75.

L. Piso. De quo supra Annal. II. 34. Illum rei fratrem appellat Muretus.

Livineius Regulus. De eo infra Annal. XIV. 17. Frustra, nec ex Taciti more primam literam, ut sit *L. Livineius*, geminandam censet Muretus.

An promeret. Ita Beroaldus ceterique libri editi præter Antuerpianam editionem anni 1648. in quâ hæc omissa. MS. Flor. *ac premeret*, quod ex superioribus repetitum, et deletum vult Pichena. Utroque in loco *ac premeret* omittendum censet Gruterus. Beroaldina emendatio non displicet, et cum oratione Cæsaris, meditato temperamento habitâ, egregiè stat. Heinsius confidenter delevit.

Iis haud aliàs intentior. *Iis*, delet Acidalius. Certè expungi potest sine ullo sententiæ dispendio. Fortè tamen quondam scriptum, *iis intentior populus haud aliàs plus sibi in principem occultæ vocis, aut suspicacis silentii permisit*. In MS. Flor. *is haud aliàs intentior: populus* &c. Ita ut, *intentior*, ad Tiberium referatur. At tunc disjuncta omnia, hiulca, nec Corneliana: hæc tamen approbavit Cl. Gordon.

CAP. 12. *Non principis ulciscar*. Libri omnes veteres, et *privatas inimicitias novi Principis ulciscar*. Emendavit Faernus, *non Principis*, quod in optimæ notæ editionibus receptum. Tentavit quoque Antonius Augustinus, *non ut Princeps*. Muretus et Mercerus, *non vi Principis*, ut infra Annal. V. 5. *paratos ad ultionem vi Principis impediri*: hoc probavere Freinshemius et Ernestus. Displicet tamen ob nescio quid asperum, nec Cornelianum. Optimè vertit Gordon, *And, for domestic injuries, exert*

domestic revenge, not the revenge of an Emperor. Sic Davanzati, *Leggevasi "novi Principis" male; fu racconto "non Principis," non male; ora veggo, "non vi principis," benissimo e correggomi "Non da principe con la forza."*

Si qua in nos adversa fiuntur. Aliquid hic excidisse malè suspicatur Acidalius. Haud felicius Gronovius qui tentat *diversa*, pro *adversa*. Adversos rumores lætam sibi esse Germanici mortem, supra cap. 2. perstringit.

CAP. 14. *Adstantium visu.* Heinsius legebat *visus*. B. C. 11. VI. 67. Vide quoque Misc. Obs. IX. 389.

Scriptissent expostulantes. Ita libri omnes. Idem in omnibus vitium. Verba, *scriptissent expostulantes: quod haud minùs Tiberius, quàm Piso, abnuère, loco suo mota existimat* Lipsius. Muretus omnino expungit, *scriptissent expostulantes: cetera superioribus verbis, infectos manibus ejus cibos arguentes* subjungit, at minimè probabiliter. Mercerus infelicitè tentat, *submissè expostulantes, quòd haud minùs Tiberius, quàm Piso, abnueret*, quasi submissâ voce quereretur senatus, quòd haud minùs Tiberius, quàm Piso mortem Germanico esse illatam negarent. Illustr. Huetius, *scriptissent insititium* putat, et ex *interiise* enatum arbitratur. Ex fictitio Codice MS. Faernus et Ursinus addunt, *scriptissent: instabant accusatores statim scribi sententias expostulantes.* Absurdè Boxbornius, *cur interfecisset expostulantes.* In tantis salebris, Gronovius et Ernestus, taciti inhærent. Fortè duæ tantùm vocolæ, et quæ, vel quæque, excidère. *Judices per diversa implacabiles erant: Caesar ob bellum provinciæ inlatum: Senatus, nunquam satis credito sine fraude Germanicum interiise, et quæ scriptissent expostulantes, ut ex Germanici, Pisonis, ipsiusque Tiberii et Liviae, qui occultè perstringuntur, chartis veritas pateret: quod haud minùs Tiberius, quàm Piso, abnuère, ne dominationis arcana proderentur.* Non ita probabiliter Freinshemius in Paraphrasi Corneli. *Quidam etiam longiùs procehebantur, exhiberi recitarique literas, quas amici Pisonis ad ipsum scriptissent, expostulantes, cui flagitationi haud minùs Tiberius, quàm ipse Piso, restitit.* Vide Misc. Obs. VIII. 290. Sic Murphy vertit, *A motion was made for the production of all letters written*

to the criminal by Tiberius and Livia. Davanzati, Senza le parole "scripsissent expostulantes" torna benissimo il sentimento; io le ho lasciate: o elle vi sono frammesse per errore, o altre parole vi mancano che con quelle facciano sentimento. Il Merceri legge submissè "expostulantes:" il sentimento torna bene; ma il mutamento è ardito.

Lacunam; quæ ibi notata est, nemo commentatorum benè explevit: et Lipsius nodum magis discidit, quàm explicavit, aliunde huc ingesta statuens verba *scripsissent expostulantes*; quod haud minùs Tiberius quàm Piso abnuère: quibus h. l. omissis cetera satis cohærere videntur. Sed ipsi non liquebat, quo illa, quæ sic superent, remittenda essent. Venerat amico in mentem, posse ea finem facere superiori capiti, subdique accusationi; unde dein melius illud consequatur: *Defensio in ceteris trepidavit*. Sed et sic nova turba existit, novaque lacuna, quam ingenio explere temerarium sit. Atque cùm sine melioribus argumentis vetitum sit, adversùs verba, quæ olim locum possident, vim fieri, probabiliùs alii vocem *expostulantes* ad *Senatum* per synesin referunt, quasi Patres expostularent, *quæ scripsissent* Piso et Plancina, (cf. L. II. cap. 78.) forsàn laudes et grates Tiberio, tanquam ob res novas, quas petiùsse Germanicum finxissent, fractas; unde credi potuerit, Pisonem cum uxore auctorem mortis fuisse. Talia scripta negare poterant uterque, et Tiberius et Piso. Sed locum desperatum, in quem quid alii commentati sint, pariter relinquimus. Bipont. Ed. 1792.

Devellebant. Optimè Ernestus. Malè Beroaldus aliique veteres, *divellebant*.

CAP. 15. *Comitem exitii*. Illustr. Huetius et Ernestus tentant, *exilii*. Ingeniosè quidem. Verùm cùm mediæ essent spes, nec imminens periculum, potuit Plancina se comitem exitii, sociamque mortis promittere.

CAP. 16. *Apud senatum*. Hic aliquid excidit. Existimo olim fuisse scriptum, *Casar, flexo in mæstitiam ore, suam invidiam tali morte quæsitam apud senatum indolet*; *Pisonis libertum appellat, crebrisque interrogationibus exquirat qualem Piso diem supremum, noctemque exegisset*. Atque illo pleraque sapienter,

quædam inconsultiùs respondente, &c. Aliquid desiderari post *Senatum*, non animadvertit Lipsius. Sed mutat, *atque illo*, scribendumque putat, *atque filio*; quod perperam probat Ryckius. Libertum in senatum fuisse admissum Ernesto vix credibile videtur. Miror equidem: aliter enim sonant ab ipso laudata Suetonii verba in Tiber. XXIII. *Illatum deinde Augusti testamentum, non admissis signatoribus nisi senatorii ordinis, ceteris extra curiam signa agnoscentibus, recitavit per libertum.*

Atque illo. Malè Heinsius, *ad quæ illo.*

Quatenus veritati. Mallet Lipsius, *Quatinus.* Veteres quidem Grammatici observant, *quatinus* pro *quoniam* scribi, et *quatenus* pro *quâ parte, quousque.* At vulgò neque in MSS. neque in libris editis, id discriminis reperitur. Nihil ergò mutandum.

CAP. 17. *Proinde venena.* Optimè Rhenanus et recentiores. Perperam Beroaldus aliique veteres *perinde.* Hæc sæpe mutantur.

Super hâc imagine cognitionis. Malè Beroaldus et veteres, *super hæc.* Dicendum foret, *super his*; et adhuc ineleganter. Verè Ryckius, *super hâc*: idque postulat ipsa rerum series. Frustra tentat Ernestus, *biduum per hæc.* Cf. Ed. Bipont. ubi rectè explicatur *super hæc* pro *post hæc.* B. C. 11. VI. 61.

Relegaretur. Optimè Lipsius. Pessimè Beroaldus ceterique veteres, *relegatur.*


CAP. 19. *Audita pro compertis.* In MS. Flor. et veteribus editionibus, *audire pro compertis.* Rectè emendârunt recentiores, *audita.* Antiquam scripturam immeritò tuetur Gronovius.

CAP. 20. *Pagydá flumine.* Ita MS. Flor. et veteres editiones. In recentioribus, *Pagidâ.*

Simul excepta vulnera. Hæc occlamans, simul adverso corpore vulnera excipiebat, ut rectè explicat Freinshemius in Paraphrasi. Nimis argutè, nec probabiliter Ernestus, simul vulnera, quæ fortiter pugnando exceperat, militibus suis ostentabat. Post *vulnera*, excidisse ostendit, existimat.

CAP. 21. *Fusti necat.* Ita MS. Flor. Pichena et recentiores. Beroaldus et veteres, *fuste.*

ie anyway.



Inligatus prædâ. Frustra Heinsius, *inlectatus prædâ.* *Inligatus prædâ*, id est, copiosiore prædâ impeditus.

Stativis castris adhærebat. Ita MS. Flor. et optimæ notæ editiones. Beroaldus, *harebat.*

Missu patris. Ita MS. Flor. editiones veteres et recentiores. Voculam addidit Rhenanus, *missuque patris.*

Apronius Casianus. In veteribus editionibus, *Apronius Cesianus.*

CAP. 22. *Ex P. Quirinio.* Eruditi censent, nec immeritò, Quirinium illum eundem esse ac *Cyrimum*, de quo D. Lucas, II. 2. In Græcis legitur ἡγεμονεύοντος τῆς Συρίας Κυρήνιος. A Strabone, XII. p. 569. appellatur Κυρήνιος. Consulatum gesserat A. U. C. 742. A. C. 11. In fastis Vindobonensibus ad hunc annum MESSALA et QVIRINO. Extat quoque apud Suetonium in Tiber. XLIX. *Quirini* mentio. In recentioribus Taciti editionibus emendatum, *Quirino.* At cùm veteres omnes editiones habeant, *Quirinio*; nihil mutandum censui. Ad eum pertinet vetus marmor, quod fusè illustrat Cl. Gori, Inscript. Ant. Vol. III. p. 114 et seq.

Ad proferenda. In MS. Flor. *profenda.* Inde frustra tentat Gronovius, *profunda.*

Quæ velut reticere voluerat. Incassum Acidalius, *reticere.* Muretus, *voluerant.* Verba illa duriora esse vixque sana pronuntiat Ernestus, cui haud ita assentior.

Cum militari custodiâ. Rex Ancus Martius, *ad terrorem incrementis audaciæ, mediâ Urbe*, carcerem foro imminuentem ædificavit, teste Livio, I. 33. Postea triplex fuit apud Romanos custodia: prima militaris, quâ vel intrâ, vel extra carcerem, reus cum custode milite alligabatur. Inde Seneca Ep. v. *Eadem catena et custodiam et militem copulat.* Aliquando duo milites cum duabus catenis additi. Ita D. Petrus, Act. 12. 6. κοιμώμενος μεταξύ δύο στρατιωτῶν, δεδεμένος ἀλύσει δυοί. Triplices catenas memorat Suetonius in Ner. XXXVI. De D. Paulô, habitante extra carcerem cum custode milite, vide Act. XXVIII. 16. Secunda custodia erat apud consules ceterosque magistratus. Infra Annal. VI. 3. Gallio

custoditur domibus magistratum, quas Sallustius in Catilin. 47. *liberas custodias* appellat. Tertia custodia apud vades, seu fidejussores; sic infra Annal. v. 8. P. Vitellius et Pomponius Secundus fratres suos vades habuere. Castrenses quoque erant carceres, ut vidimus supra Annal. i. 21.

Neque enim cessurum. Malè Ferrarius, *adsensurum*.

CAP. 23. *Monimenta.* Ita editiones omnes veteres. In recentioribus, *monumenta*.

CAP. 24. *In rempublicam fortuna.* Illustr. Huetius et Ernestus mallent, *in republicâ*. Benè: sed non necessariò. De hâc varietate fortunæ, quam expertus est Augustus, meritò observat Plinius, VII. 45. *Id Divo quoque Augusto, quem universa mortalitas in hâc felicium hominum censurâ nuncupat, si diligenter æstimentur cuncta, magna sortis humanæ reperientur volumina.... adulterium filia, et consilia parricidæ palam facta.... aliud neptis adulterium.... In summâ, deus ille, cælumque, nescio adeptus magis, an meritis, herede hostis sui filio, excessit.*

In quæ tendi. Heinsius corrigit, *intendi*. At cùm Seneca Hercul. Fur. vers. 538. dixerit,

Et, quâ plena rates Carbasa tenderant.

Nihil mutaverim, licèt Heinsianam emendationem approbem.

Qui per insignem nobilitatem. Tentat Acidalius, *qui super insignem nobilitatem et eloquentiâ præcellebat*, ita ut et pro etiam usurpetur. Non ineleganter, sed audacter.

Quia non senatusconsulto. Quadruplex è patriâ abeundi ratio. Prima, decreto senatûs, quo nihil gravius. Ita sævitum in Posthumum Agrippam, Annal. i. 6. Secunda, lege, cùm judices exilio multabant. Tertia, voluntate Principis, cùm edicto exilium, vel potiùs relegationem imperabat. Quarta, voluntate propriâ, cùm quis, ut legum severitatem, iram Principis declinaret, sponte proficiscebatur. De his vide Ovidium, II. Trist. Eleg. i. 131 et seq. à Lipsio laudatum.

CAP. 25. *Post Julias rogationes.* Lex, *rogatio* dicebatur, quòd, stante republicâ, omnium legum ferendarum auctor populus rogabatur: cujus quidem rogationis formulam habemus in his verbis Ciceronis pro domo suâ, **VELITIS IVBEATIS VT M. TVLLIO AQVA ET IGNIS INTERDICATVR.** Itaque cùm ferretur lex, *rogatio*: cùm lata esset, *jussio* propriè dicebatur. Quænam sint illæ rogationes, aut leges Juliæ, haud ita compertum. Accipimus quidem à Dione, XLIII. p. 226. Julium Cæsarem, Urbe civibus exhaustâ post civilia bella, iis, qui multos liberos procreâssent, præmia proposuisse A. U. C. 708. Πολυπαιδίας ἄθλα ἐπέθηκεν. Leges etiam hæc de re tulisse videtur. A. U. C. 736. Augustus pænis gravioribus cœlibes multavit, et iterum nuptiarum et liberorum multitudinis præmia constituit. Τοῖς τε ἀγάμοις καὶ ταῖς ἀνάνδροις βαρύτερα τὰ ἐπιτίμια ἐπέταξε· καὶ ἔμπαινον τοῦ τε γάμου καὶ τῆς παιδοποιίας ἄθλα ἔθηκεν, Dio, LIV. p. 531. Vide et Gellium, II. 15. Statuit quoque ingenuos omnes, modò ne senatores essent, libertinas uxeres accipere posse. Hæc est celeberrima lex Julia, *de maritandis ordinibus* dicta, eruditissimis tum veterum, tum recentiorum Jurisconsultorum commentariis illustrata. At invalidæ erant leges, validioribus ad libidinem Augusti exemplis, Dio, loc. cit. Lex Papia Poppæa, de quâ mox dicetur, lata A. U. C. 762. malum latiùs serpere probavit, non repressit. Παιδοποιία legibus imperari potest; obtineri non potest nisi patriæ amore, civiumque virtute.

Incitandis cœlibum pænis. Mallet Lipsius, *incitandi cœlibes pænis*, vel *intendendis cœlibum pænis*. Tentat Heinsius, *irritandis*, vel *invitandis*. Misc. Obs. IX. 389. 390. Nihil mutandum. Plurimum vis et elegantix in *incitandis*, id est, augendis, promovendis. Veteres omnes editiones habent, *Calibum*; recentiores *Calibum*. Antiquam scripturam, honestâ missione, à Galbâ Principe datâ, apud Gori, Inscript. Ant. Vol. I. p. 257. in quâ scriptum **AVT SI QVI CAELIBES ESSENT**, confirmatam retinui.

Subverteretur. Ita MS. Flor. veteres editiones, et inter recentiores optimæ. In alijs, *subverterentur*. Vide Heinsium ad Nason. III. Fast. 189.

CAP. 26. *Suapte ingenio peterentur.* Acidalio et Muteto placet, *peterent.* Eleganter; at nihil mutandum, libris reclamantibus. *Suapte ingenio*, id est, suâ naturâ.

Solon. MS. Flor. *Solo.*

CAP. 27. *Finis æqui juris.* Non de extremo tempore capiari cum Freinsh. sed de absolute et perfectione juris. Tabulis XII. perfectis absolutum quoddam juris æqui corpus extitit, quam ei laudem Cicero et alii tribuunt: neque ei quicquam accessit magnoperè novis legibus. Sic Ciceroni Planc. 25. *Consulatus* dicitur *finis honorum populi*, eodemque modo Tuscul. 2. 1. *finis sperandi* est summum, quod quis sperare potest. Ceterum ea, quæ sequuntur, ex historiis illustrare, nihil attinere putavi, cum ex omnibus historiæ R. compendiis, Floro, Velleio, etc. cognoscere de iis liceat. ERN.

Otium ejus rei. Ita MS. Flor. editiones veteres et recentiores. In intermediis emendatum sine necessitate, *ei rei.* Sensus est, legum ferendarum finem fecit: at otium illud haud in longum paravit.

CAP. 28. *Deditque jura, quæ pace et Principe uteremur.* Opinor, *quæ pacem se Principe tueremur.* Heinsius, Misc. Obs. IX. 390.

Acriora ex eo vincla. Pichena et Lipsius mallent, *arctiora.* Nonnihil elegantiae in voce, *acriora*, quam non mutaverim.

Inditi custodes, et lege. Emendat Muretus, *custodes lege:* cetera omittit. Tentat Heinsius, *arctiora ex eo vincula indi, ac custodes lege.* In his emendationibus nulla utilitas, nulla auctorum laus. Egregia sunt vulgata.

Lege Papiâ Poppæâ præmiis inducti. Post sextum Augusti consulatum acriora fuerunt vincula, ac maximè A. U. C. 762. quo lata est lex Papia Poppæa. Tunc enim inditi custodes, iisque constituta præmia, ut cœlibus diligenter invigilarent, ac si quis à privilegiis parentum cessaret, statim populus, velut omnium parens, teneret bona, non quidem omnia, sed vacantia tantum; id est, bona testamento relicta, quæ cœlebs adire non poterat, nisi intra diem

centesimum, uxorem duxisset. Inde bona illa vacantia dicebantur quoque *caduca*, quòd sub conditionem caderent. Nec in cœlibes tantùm, sed etiam in maritos sine liberis animadvertabant leges; unde Juvenalis, IX. 85.

Foribus suspende coronas

Jam pater es; dedimus quod famæ opponere possis.

Jura parentis habes: propter me scriberis heres,

Legatum omne capis, nec non et dulce caducum.

Commoda præterea junguntur multa caducis,

Si numerum, si tres implevero.

Itaque si quis pater esset, statim privilegiis parentum utebatur, heres scribebatur, legata caducaque capiebat: si verò numerum impleret, id est, si tres liberos susciperet, tunc caducis multa jungebantur; scilicet in magistratibus, eorumque insignibus obtinendis, potior habebatur, ut dictum supra Annal. 11. 51. Vide et Dionem, LVI. p. 578. Gellium, 11. 15. Antonium Augustinum de legibus Romanis, p. 74 et seq. ac maximè Gravinam, Origin. Juris civil. p. 556 et seq. Multa etiam habet Lipsius ad hunc Taciti locum in excursu C. Plura et accuratissima Lævinus Torrentius in additamenti ad Horatium, p. 755. Postea jus in caducis à populo ad fiscum Principis lege Antonini translatum est, ut docet Ulpianus. Vide Gravinam, libr. cit. p. 608. At, cùm tam acrem in maritis legibus promovendis diligentiam videas, inde fœdas Urbis libidines argue, ne verò, ut recentioribus quibusdam scriptoribus placuit, cœlibatum reipublicæ benè constitutæ adversari existimes. Suas ipsi virgines habuere Romani: habuere quoque Ægyptii, Græci, ceterique sapientissimi populi. Quid hæc in re, tot disputationibus celebratâ, sentiam, paucis aperiam. Quatuor fermè sunt cœlibum genera. Alii propter religionem, alii propter utilitatem publicam, alii propter libertatem, alii propter voluptatem, à matrimonio abstinere. Duo priora genera retineat regnum benè constitutum; duo posteriora acerrimis legibus coerceat. Hæc enim in detrimentum et dedecus imperii cedunt: illa imperii majestati et prosperitati inserviunt. Verè enim, nec suspectus testis, Illustr. Baconus,

Sermones Fideles, Serm. VIII. *Qui uxorem duxit, et liberos suscepit, obsides fortunæ dedit: sunt enim magnorum conatuum impedimenta; sive ad virtutem tendat quis, sive ad improbitatem. Certè præstantissima (ut alibi diximus) in usum reipublicæ opera et merita à viris profecta sunt prole carentibus; qui tam affectu, quàm fortunis rempublicam connubio sibi junxerunt, et dotârunt..... Vita cælebs Ecclesiasticis benè convenit. Non enim facile quis eriget solum, si prius stagni alicujus receptaculum interveniat. Hæc vera, hæc philosophica, hæc Christiana. Deliramenta verò, quæ scriptor opiniosissimus (l'Abbé de S. Pierre) excogitavit.*

Ut si à privilegiis. Optimè emendavit Lipsius. Beroaldus aliique veteres, visi à privilegiis, nullo sensu, ut fatetur ipse Beroaldus.

Vacantia teneret. Pessimè Vertranius, teneretur.

CAP. 29. *Quæsturam peteret. Beroaldus aliique veteres, quæsituram. Meliùs recentiores, quæsturam. Passim alibi in Taciti libris occurrit, quæstura.*

Ac tamen. Mallet Muretus, Hæc tamen. Eleganter, sed non necessariò. Heinsius scribit, jacta vel jacti tamen initia fastigii. Misc. Obs. IX. 391.

Additur Pontificatus. In vetere lapide apud Muratori Thes. nov. Inscript. Vol. I. p. CLXXXVIII. 3.

NERONI CAESARI
GERMANICI CAESARIS F.
TI. CAESARIS AVGVSTI N.
FLAMINI AVGVSTALI
SODALI TITIO. FRATRI ARVALI
FETIALI QVAESTORI
EX S. C.

In duabus aliis Inscriptionibus à Lipsio laudatis, et quarum una post Neronis mortem posita est, appellatur tantùm FLAMIN. AVGVSTALIS. non verò PONTIFEX. Unde subveretur Lipsius ne Tacitus in cognato nomine aberraverit.

Argutior Ryckius, qui existimat, primum locum, qui in collegio pontificum vacaret, Neroni decretum : quod cùm tardiùs eveniret, interim factum esse flaminem Augustalem. Lipsio assentior : fortè etiam, *pontificatum* pro flaminio usurpare potuit Tacitus.

Aspiciebat. Adspiciebant rectiùs Heinsius, vide Misc. Obs. IX. 391.

Familie videbatur. Beroaldus aliique veteres, *videbantur*. Benè recentiores, *videbatur*, scilicet Tiberius.

Ultro extulisse. MS. Flor. et Beroaldus, *ultra*, quod retinent Jac. Gronovius et Ernestus, et explicant, *ultra*, quàm oportuit, quàm par esset, quàm illi sperandum esset. Rhenanus et ceteri recentiores, *ultro* : Latinitati et sententiæ magis convenit. Dureau et Ernestus, *ultra*. Sic ille vertit: *Tibère avait beaucoup trop élevé un favori.*

CAP. 30. *Consulatum intulit.* Consulatus ille L. Volusii Saturnini nusquam in Fastis consularibus occurrit. Debet ergò Volusius suffectis consulibus, quorum plurimi desiderantur, annumerari. Consul fuisse videtur post A. U. C. 750. Etenim ab Harduino, Select. Oper. p. 21 et 624. et à Cl. Vaillant, Famil. Rom. Vol. II. p. 575. Antiochensium nummus laudatur *ΕΠΙ ΣΑΤΟΡΜΙΝΟΤ ΟΥΟΑΟ...ΕΑ*. Cusus est *sub* præside Syriæ Saturnino Volusio, anno trigesimo quinto Æræ Antiochenæ; quæ cùm ab Actiacis annis incipiat, nummus ad A. U. C. 758. J. C. 5. referri debet. Hujus Volusii posteros, L. Volusium, et Q. Volusium, videbimus infra Annal. XIII. 30 et 25.

CAP. 31. *Tam connexus.* Gronovius conjicit, *connexis*.

Materiem apiscendi favoris. Ita MS. Flor. editiones veteres et Gronovius. Ceteri, *materiam*.

CAP. 32. *Deligendum proconsulem.* MS. Flor. Beroaldus, Gronovius et recentiores, *proconsule*. Alii plurimi, *proconsulem*. Rectè quidem. In MSS. enim passim occurrit, *proconsule*, *pro consul*, *proconsulem*. Optimi quique editores, *pro consul*, *proconsulem* exhibent. Altero scribendi modo scriptores obscurantur, non illustrantur.

M. Lepidum. Ryckius edidit *M. Lepidum*, id est, *Manium Lepidum*. Malè, veteribus libris refragantibus.

Missus in Asiam. Cl. Lallemand, *missus est in Asiam*; sine auctoritate ac necessitate.

CAP. 33. *Vinclis exsolutis.* Frustra Acidalius, *exsolutæ*.

CAP. 34. *Multa duritiæ veterum.* MS. Flor. editiones veteres et Ernestus, *duritie*. Muretus et Acidalius emendant, à *duritie*. Quidam, *duritie*, pro *duritiei* dictum putant, ut apud Livium, v. 13. *Insanabili perniciæ* pro *insanabili perniciæ*: si plures Taciti MSS. codices in *duritie* consentirent, retinerem. At cum unus tantum habeatur, et sæpe vitiosus, recepi cum ceteris, *duritiæ*. Heinsius, *multa duritiæ veteris*. Vide Misc. Obs. 1x. 391.

In melius ac latius. Præpositio abest ab editionibus veteribus: in recentioribus rectè addita; sic enim Tacitus, Hist. 1. 50.

Revertentibus post laborem. *Post laborem*, librariorum esse additamentum opinabatur Cl. Bongarsius.

CAP. 35. *Haud jutus est.* In MS. Flor. *haud justus est*. Optimè emendavit Jac. Gronovius, in quo Ernestus et nos acquiescimus, *haud jutus est*. Sic Annal. xiv. 4. *solertia, tempore etiam juta*. Pessimè et contra Taciti mentem, *auditus est*. Æquè infelicitè alii, *adjutus est*. Bipontini quoque ipsi promunt conjecturam suam, *haud pisus est*. B. C. 11. vi. 62.

CAP. 36. *C. Cestius senator.* Tentat Lipsius, *senior*, vel *senatu*. Leviora, quàm ut à Ryckio ita diligenter confutentur.

Et quidam. Mallet Heinsius, *et quidem*. Nec benè, nec malè; sed inutiliter.

CAP. 37. *Diem editionibus.* Beroaldus alique veteres, *edificationibus*. Optimè Lipsius et recentiores, *editionibus*. Diem spectaculis, noctem convivii trahebat Drusus. Quantum cruentatis etiam spectaculis gauderet, animadvertit Tacitus supra Annal. 1. 76.

Vide et Dionem, LVII. p. 612. Porro sicut *spectacula editiones*, sic qui ea edebant, *editores* appellabantur. Hinc Vopiscus in Carino, XXI. *Et hæc quidem idcirco ego in literas retuli, quod futuros editores pudor tangeret, ne patrimonium sua proscriptis legitimis heredibus, mimis et balatronibus deputarent.*

CAP. 33. *E primoribus Macedoniae.* Conjiciebat Muretus, è provinciâ Macedoniae; Petavius, è prætoribus Macedoniae. Nihil mutandum. Nomine quidem et origine Romanâ Antistius Vetus; at potuit degere in Macedonia, et inter primores haberi. Infra cap. 41. dicitur, *de Galliarum primoribus*, et Annal. VI. 18. memoratur, *Laco è primoribus Achæorum.*

Cotye fratris F. interfecto. De hac cæde dictum supra Annal. II. 65. In libris hactenus editis legitur, *Cotye fratre interfecto.* Mendosè quidem. Cotys enim non frater erat Rhescuporidis, sed fratris filius, ut ait ipse Tacitus, ibid. cap. 64. et Velleius, II. 129. *Rhescupolim*, (corrigere, *Rhescuporim*) interemptorem fratris sui filii Cotys (corrigere, *Cotyis*) consortisque ejusdem imperii, evocavit. Optimè vidit Muretus, *Fr. F.* vel potius *Fratr. F.* olim fuisse scriptum: et inde librariorum errore natum, *fratre.*

Cæletæ. Libri omnes editi, *Cælaletæ.* Corruptè, ut rectè animadvertit eruditus Harduinus. Cæletas enim appellant Livius, XXXVIII. 40. et Plinius, IV. 11. Ptolemæus quoque, III. 2. *Κοιλητικήν στρατηγίαν*, præfecturam Cæleticam memorat.

Odryæ. In vulgatis libris, *Odrusæ.* At Plinius ceterique, *Odrysas* nominant.

Et Dii. In libris editis, *et alii.* Ineptè; sed facili librariorum, aut lectorum errore. Antiquitùs enim scriptum, *et Dii.* Qui MSS. codices versant, nôrunt, quàm facilè irrepserit, *et alii.* Dios illos, suis legibus viventes et ensiferos, quorum pars maxima Rhodopen incolebat, memorat Thucydides, II. 96. *Παρεκάλει δὲ καὶ τῶν ὀρεινῶν Θρακῶν πολλοὺς τῶν αὐτονόμων, καὶ μαχαιοφόρων, οἱ δὲ τοὶ καλοῦνται, τὴν Ῥοδόπην οἱ πλεῖστοι οἰκοῦντες.*

A Macedone Philippo. Frustra Freinshemius, *Macedoni Philippo.*

CAP. 40. *Majorum bona facta.* Rhenanus frustra conjicit, *benè facta.*

CAP. 41. *Dubitatione bellum.* Malè Heinsius, *dilatione.* Vide Misc. Obs. IX. 393.

CAP. 42. *Visis militibus.* Perperam Heinsius, *obvis militibus.*

CAP. 43. *Et nobilissimam.* Pessimè Beroaldus, *occupaverat nobilissimarum Galliarum sobolem liberalibus studiis sibi operatam.* Optimè Lipsius, *occupaverat, et nobilissimam Galliarum sobolem liberalibus studiis ibi operatam.* Malè Heinsius, *nobilissimâ Galliarum sobole operatâ.* Tricatur Boxhornius, cùm emendat, *operantem.*

Crupellarios. Incassum tentat Lipsius, *clibanarios.*

CAP. 45. *Quanto intolerantior.* Illustr. Huetius emendabat, *tanto.* At acrior vividiorque oratio, si *quanto* retineatur. Mallet Grotius, *intoleratior*, ut infra Annal. XII. 11. *toleratior*: verùm hìc etiam in MS. Reg. *tolerantior.* Latinè dici posse, *intolerantior*, jam probatum in notis.

Veteres Gallorum glorias. Hìc juvat veteres Gallorum glorias explicare. Egregium argumentum, Gallicarum tamen rerum scriptoribus intactum. Ita apud eos invaluit Francorum nomen, ut Gallorum prorsus obliviscantur. Haud diffiteor post expeditionem Francorum in multis apud Gallos invaluisse Francorum leges. At manet semper Gallica natura, Gallicum ingenium, Gallici mores; idque ita illis insitum, ut, quæ suâ ætate de Gallis scripsit Julius Cæsar, apud eos adhuc vigeant, et post tot tantasque seculorum, bellorum, imperiorumque conversiones maneat semper Gallica indoles, cum Gallico sanguine semper mansura.

IN VETERES GALLORUM GLORIAS.

Arctissima erat A. U. C. 140. A. C. 613. sub Tarquinio Prisco Romana res, cùm florentissimum jam vigeat Gallorum regnum. Summa imperii tum fuit penes Bituriges, *Berry*. Ii regem dabant, qui Celtico, seu omni Galliæ, imperitaret; eaque erat regni felicitas, ut in terrâ frugum hominumque fertilissimâ abundans multitudo vix regi posse videretur. Ambigatus rex, virtute fortunæque cùm suâ tum publicâ præpollens, et magno jam natu, exonerare prægravante turbâ regnum cupiit. Bellovesum ac Sigovesum, sororis filios, impigros juvenes, monuit, ut sortirentur novas terras, quas quærent; permisitque quantum ipsi vellent numerum hominum excirent, ne qua gens arcere advenientes posset. Sortes Sigoveso Hercynios saltus, Belloveso Italiam, adsignavere.

Fortunam cùm ita essent sortiti, Bellovesus, quod eis ex populis abundabat, Bituriges, Arvernos, Senones, Æduos, Ambarros, Carnutes, Aulercos excivit, nunc *Berry, Auvergne, the Dioceses of Sens and Auxerre, Burgundy and Nivernois, Maconois and Bresse, Chartrain and Orleanois, Maine and the Diocese of Evreux*. Profectus ingentibus peditum equitumque copiis, in Tricastinos, *the Dioceses of Valence and Saint-Paul-trois-châteaux*, venit. Alpes oppositæ erant, nullâ dum viâ (nisi cui de Hercule fabulis credere libet) superatæ. Galli, duce Belloveso, Taurino saltu, *mount Cenis*, eas transcenderunt; fuscisque Tuscis, *the Tuscans*, qui quidquid est Alpes inter et Padum, *the Po*, obtinebant, haud procul Ticino flumine, *the Tesino*, consedère. Audito agrum Insubrium appellari, cognomine Insubribus pago Æduorum, ibi, omen sequentes loci, condidere urbem, et Mediolanum, *Milan*, appellârunt. Livius, v. 34.

Cenomani, *people of Maine*, favente Belloveso, duceque Elitovio, eodem saltu secuti, locos occupavere, ubi nunc Brixia ac Verona, *Brescia et Verona*, urbes sunt. Salluvii, *people of Aix in Provence*, exemplo et fortunâ invitati, non adedò tamen progressi, circa Ticinum amnem, *the Tesino*, incoluere. Boii et Lingones, *part of Franche-Comté and Langres*, Pœnino saltu, *Great Saint-Bernard*, Alpes transgressi sunt; at cùm jam inter Padum atque Alpes omnia tenerentur, Pado ratibus trajecto, non Etruscos modò, *the Tuscans*, sed etiam Umbros, *people of Umbria*, agro pellunt: intrâ Apenninum tamen se tenuere. Tum Senones, *people of Sens and Auxerre*, recentissimi advenarum, cùm cuncta occupata reperissent, ultra progredi coacti sunt, sedesque posuere ab Ufente flumine, *Aufente*, prope Ravennam, ad fluvium *Æsim, Esina*, haud procul Anconâ. Livius, v. 35.

Huc usque protendebatur Cisalpinorum Gallorum imperium, ducentisque fermè abhinc annis non modò Italiæ dominabantur, sed eam inexhaustâ fœcunditate oppleverant, cùm Senones, quæsitis in Etruriâ novis sedibus, Clusium, *Chiusi*, obsedere, Romæ imminentes. Ob commune periculum missi Romanorum legati, à Clusinis acciti, qui quærerent quodnam id jus esset agrum à possessoribus petere, aut minari arma. Respondère Galli se in armis jus ferre, et omnia fortium virorum esse. Cùmque legati, contra jus gentium, arma capere essent ausi, Gallorumque legatio Romam missa, ut eam injuriam quereretur, indignè fuisset excepta, Galli, irâ succensi, Clusinos omittunt, et concitato agmine Romam petunt, Brenno duce, A. U. C. 364. A. C. 389. Victi ad Alliam flumen, *Torrente di Catino*, Romani. Capta Roma: fermè expugnatum Capitolium; et à victoribus Gallis factum populi Romani pretium mille pondo auri: *Angl. 45,000l.* Livius, v. 35 et seq. Plinius, xxxiii. 1. Sect. 5.

Haud illætior fuerat Sigovesi fortuna. Occupatâ Hercyniâ sylvâ, quæ maximam Germaniæ partem tum obtinebat, Galli, quos inter insignes erant Volcæ Tectosages, *Toulouse*, per strages barbarorum, Illyricos sinus, *Carniola, Sclavonia*, penetravere, consedèreque in Pannoniâ, *Hungary, Austria*. Domitis Pannoniis, per multos annos cum finitimis varia bella gesserunt. Ibi cùm gens

aspera, audax, bellicosa, numero et fortunâ crevisset, novam laudis materiem amplioresque opes quæsivit. Petitâ, Cambaule duce, Thraciâ, *Romania*: eâque vastatâ, Galli spoliis onusti Pannoniam vicinasque sedes repetiere. Pausanias, in Phocicis, Libr. x. p. 843.

Nec diuturna fuit quies; iterumque recrudescente belli et prædæ cupidine, Galli tres in partes exercitum dividunt, A. U. C. 473. A. C. 280. Pars, Bolgio duce, Macedoniam aggressa est; annoque sequenti, victo acie et interfecto Ptolemæo Cerauno, Macedonum rege, nondum ausi Græciam ingredi, suas in sedes rediere. Pars altera, Brenno (Is Brenno Romanorum victore junior.) et Acichorio ducibus, universæ Græciæ minas intentabat: direptâ Ætoliâ, *Ulakia, in Greece*, Delphos, locum immensis thesauris ob Apollinis religionem clarissimum, petebat. Græcia, religionis, gloriæ, opum discrimine commota, Brenno obviam iit. Ad Thermopylas Parnassumque montem Delphis, *Castri*, vicinum victus est: tanta tamque atrox tempestatum, fulminum, frigorumque vis terræ motu exorta est, ut ingens ejus exercitus deletus occubuerit, vixque superstes fuerit, qui cladis nuntium ferret. Brennus, confectus vulneribus, largiùs hausto vino, sibi vitæ finem, et cladis solatium fecit, A. U. C. 476. A. C. 277. Pars tertia, Brenno concors, et cum eo in Dardanos, *Servia*, usque profecta, ibi militaribus dissidiis meliorique fato ab eo divulsa, Thraciam repetiit, ducibus Leonorio et Lutario: Byzantium occupavit, oram Propontidis, vectigalem habuit, ejusque urbes obtinuit. Tum auditâ Asiæ ubertate, cupido invasit in eam transeundi. Lysimachia, *Heramili*, fraude capta; Chersonesoque omni possessâ, ad Hellespontum ventum est. Ibi Lutarius, Macedonibus, quos per speciem legationis Antipater, præfectus ejus oræ, ad speculandum miserat, duas tectas naves et tres limbos adimit: his alios atque alios dies noctesque transvehendo, intrâ paucos dies omnes copias trajicit, A. U. C. 477. A. C. 276. Jam Leonorius, exoratus à Nicomede Bithyniæ rege ut ipsi opem ferret, à Byzantio transmiserat. Coeunt Lutarius et Leonorius, auxilia Nicomedi dant adversùs Zybœam, qui partem Bithyniæ tenebat: eorum maximè operâ devictus Zybœa est, Bithyniaque omnis, *the western*

part of Bursia, in ditionem Nicomedis concessit. Pausanias, loc. cit. Polyb. Libr. IV. p. 436. Livius, XXXVIII. 16.

Victores Galli, et de Nicomede optimè meriti, profecti ex Bithyniâ in Asiam processerunt. Nec plus ex viginti millibus hominum, quàm decem millia armata erant; tamen tantum terroris omnibus, quæ cis Taurum montem incolunt, gentibus injecerunt, ut quas adissent, quasque non adissent, pariterque ultimæ propinquis imperio parerent. Nova eorum dominatio de eorum nomine Gallogræcia, Galatiave, nuncupata est. Vectigalemque Asiam ita inter se divisere, ut Trocmis Hellesponti ora data sit, Tolistoboi Æolida atque Ioniam, Tectosages mediterranea Asiæ sortiti sint, et stipendium totâ cis Taurum Asiâ, *Natolia*, exigebant. Sedem autem ipsi circa Halyn flumen, *Kisil Ermak*, ceperunt: tantusque terror eorum nominis erat, multitudine etiam magnâ sobole auctâ, ut Syriæ quoque ad postremum reges stipendium dare non abnuerent. Immo ita penes Gallos fuit in Oriente belli pacisque arbitrium, ut, cùm eorum juvenus quàm maximæ fœcunditatis Asiam omnem velut examine aliquo implêset, neque reges Orientis, teste Justino, sine mercenario Gallorum exercitu ulla bella gesserint: neque pulsi regno ad alios quàm ad Gallos confugerint. Isque erat terror Gallici nominis, et armorum invicta felicitas, ut aliter neque majestatem suam tutam, neque amissam recuperare se posse sine Gallicâ virtute arbitrarentur. Livius, loc. cit. Justinus, xxv. 2.

Quot quantisque postea in Asiâ, in Europâ, victoriis atque claudibus exercita fuerit virtus Gallica, quas novas terras quæsierit, quomodò cum Hiberis, *the western part of New Castille, and a great part of Aragon*, fortissimis Hispaniæ populis, arma, nomen, sanguinemque sociaverit, quantum inclaruerit Celtiberorum nomen, quæ fuerint Gallorum cum Britannis, cum Germanis commercia, prodere immensum foret, et nostræ dissertationis fines longè egredieretur. At satis sit veteres Gallorum glorias indigitasse. Verùm quod in antiquâ Historiâ utilissimum est, ad recentiorum memoriam animum revolvamus, et in tantis rerum seculorumque vicissitudinibus eundem in Gallis animum recognoscamus. Inde irrequieta illa Caroli Magni virtus, quæ tot bellis periculisque tanta tamque disjuncta terrarum spatia nobilitavit. Inde tantis Gallorum

animis quæsitum ac fundatum à Godefrido de Bouillon, Heroum maximo, Hierosolymitanum regnum. Inde toties à Gallicis regibus nobilitateque Gallicâ tentata Ægyptus, occupatum Constantinopolitanum imperium, Asia Gallicis dominationibus respersa. Inde tot bella per Italiam gesta. Inde cùm acerrimis Ferdinandi et Caroli V. judiciis adserta est publica tranquillitas, et politicis ponderibus librata Europa, nec jam ullus superfuit bellicis incursionibus locus, Galli irrequietâ suâ nobilitate aguntur semper et circumaguntur; atque, licèt patriam suam plurimùm faciant, externam quamque plerumque spernant, militiâ tamen, artibus, literis, commerciis, ministeriis denique omnibus utuntur et quandòque abutuntur, ut totum pervagentur orbem, ita ut, maximè in Europâ, non urbs, non oppidum, sæpe ne unus quidem sit vicus, in quo Gallus aliquis non occurrat. Inde, si bellici facinoris, bellicæ gloriæ spes uspiam adfulgeat, statim prætervolat Gallus, nec locorum intervallis, nec periculorum difficultatibus deterritus, ut vidimus, cùm exiguiissima Gallorum manus, duce viro avitis Boiis, *people of Bourbon*, qui totum fermè orbem militaribus suis expeditionibus perlustrârunt, animo et virtute simillimo, Cracoviam expugnavit, et, quod fermè incredibile, tamdiu servavit. Adeò in Gallico sanguine constans et sui similis natura!

CAP. 46. *Et fugientibus consulite.* In veteribus omnibus editionibus, *consilite*, quod explicabat Freinshemius, *fugientes cursu sequimini*. Optimè Heinsius, *consulite*, id est, *parcite*. Annal. XI. 36. et XIV. 38. Vide quoque Misc. Obs. IX. 392. Frigidè, nec Cornelianè Gronovius, qui ait ita consulendum, ut Gallis detrahantur arma, sicque leviores sint ac fugæ paratiores. Illustr. Huetius emendabat, *et fugientes concidite*. Minimè probabiliter. Virtutis enim Romanæ erat vincere: clementiæ oppidanis inconditis, militiæ nesciis, et fugientibus consulere ac parcere. Infra cap. 52. Beroaldus quoque edidit, *dissimilatis*, pro *dissimulatis*.

Incensa super villa. MS. Flor. et editiones veteres, *ingressa*. Optimè Rhenanus et recentiores, *incensa*. Malè Jac. Gronovius, *ingesta*.

CAP. 47. *Omissâ urbe.* Emendat Freinshemius, *omississâ urbem.* Heinsius, *omissam urbem.* Veriùs vel intelligendum, vel omissum *ire* aut *proficisci.*

CAP. 48. *M. Lollio.* Pessimè Beroaldus aliique veteres, *M. Folio.* Optimè Lipsius ex Suetonio emendavit, *M. Lollio.*

CAP. 49. *C. Lutorium Priscum.* Corruptè in veteribus editionibus, *Clutorium Priscum.* Benè Lipsius, *C. Lutorium.* A Dione, LVII. p. 616. Γάιος Λουτώριος Περίσκος, ἱππεὺς, ἄλλως τε μέγα ἐπὶ ποιήσει φρονῶν, *C. Lutorius Priscus, eques et magni nominis poeta* appellatur. Ab illo Lutorio, ut videtur, spadonem emerat Sejanus, de quo Plinius, VII. 39. sed locus ipsâ Harduini editione mutilus, quem tum ex veteribus editionibus, tum ex optimo nostro Plinii MS. Codice ita corrigo: *sed hoc pretium belli, non hominis fuit: tam herculè quàm libidinis, non formæ Paronetemes spadonis, Sejano* II $\overline{\text{D}}$ *mercante à Lutorio Prisco. Quam quidem injuriam lucrifecit illè mercatus in luctu civitatis, quoniam arguere nulli vacabat.* Tum plana omnia. Sejanus, non hominis, sed belli pretio, potiùsque ob libidinem quàm ob formam, emit à C. Lutorio Prisco Paronetemen, spadonem, quingenties centena millia sestertiûm, *Angl.* 416, 666*l.* 13*s.* 4*d.* Tam immane spadonis pretium fuit injuria patriæ ac moribus illata. Nemo tamen id arguere ausus est in tanto civitatis luctu, et prævalidâ Sejanî potentîâ. Miror eruditum Harduinum hæc non vidisse, immo alia legisse in ipso suo MS. codice; quem, ut et ego, præ manibus habebat. Præterea quis unquam credat ab equite Romano spadonem unum emtum fuisse II $\overline{\text{D}}$, fermè *Angl.* 420,000*l.* Emendationi nostræ adstipulantur MSS. codices Bibliothecæ Regiæ 6802. 6803. 6805 et 6806. Non fortè immeritò conjectaverim Sejanum, ne sibi periret tanta pecuniæ summa, accusationem Lutorii promovisse.

CAP. 50. *Vita C. Lutorii in integro est.* Mallet Lipsius, *esto.* Nihil peccat vetus scriptura: nec ex usu Corneliano, *esto.* Ex antiquis editionibus, in quibus, *Clutorii*, edidi, *C. Lutorii.*

CAP. 51. *Verborum pœnas.* Vulgatam scripturam probat Lipsius: conjicit tamen, sed frustra, *reorum pœnas.*

Libertas ad pœnitendum erat. Ita libri omnes, et rectè. Unus Cl. Lallemand edidit, *ad pœnitentiam.*

CAP. 52. *Immensum proruperat.* In hâc Annalium parte, mox secuturis Tiberii literis nihil illustrius. Ad earum intelligentiam nonnulla de Romanorum luxu dicenda. Utinam in alienis vitiis nostra erubescamus; saltem si iis adhuc flagraverit animus, nos in tantâ paupertate ineptos esse pudeat.

DE LUXU ROMANORUM.

M. Scaurus, Syllæ, tot millium proscriptione funestissimi, privignus, luxu suo funestior, mores civiles ædilitate suâ prostravit circa A. U. C. 678. theatrumque temporarium, vix uno mense futurum in usu, posuit. *Scena ei triplex in altitudinem 360. columnarum*—*ima pars scenæ è marmore fuit: media è vitro, inaudito etiam postea luxuriæ genere: summa è tabulis inauratis. Columnæ imæ duodequadragenum pedum. Signa area inter columnas fuerunt tria millia numero. Cavea ipsa cepit hominum 80. millia*—*Reliquus apparatus tantus Atticâ veste, tabulis pictis, ceteroque choragio fuit, ut in Tusculanam villam reportatis, quæ superfluebant, quotidiani usus deliciis incensâ villâ ab iratis servis, concremaretur ad* HS. millies, *Angl. 833,333l. 6s. 8d. Plin. xxxvi. 2. 6 et 15.*

Luxus ille domesticus brevi apud Romanos eviluit. In hâc rerum suarum satietate, alienarum avidi, peregrinos odores ex felici Arabiâ, ex Indiâ et Seribus margaritas petiere tam effrænâ luxuriâ, ut *minimâ computatione millies centena millia sestertium, Angl. 833,333l. 6s. 8d. annis omnibus imperio adimerent. Tanto illis deliciæ et fœminæ constabant, Plin. xii. 18.*

At quod portentosum magis, post Actiacam victoriam luxus in ingluviem transiit. Pisces hominum, coqui triumphorum pretiis

parati : et M. Apicius, inter gulæ proceres maximus, de quo plura dicentur Annal. iv. 1. immensâ re familiari comessionibus exsorbitâ, cùm superesse sibi tantum sestertiûm centies, *Angl.* 83,333l. 6s. 8d. computâset, vitam veneno finivit, ne in ultimâ fame viveret. Juvenal. iv. 25. Plin. ix. 17. Senec. Consol. ad Helviam, x.

Quid hæc? si cogitemus margaritas ipsas in gulas fuisse conditas. Cleopatram enim, solam se centies HS. *Angl.* 83,333l. 6s. 8d. cœnaturam gloriatam, et margaritâ, singulari ac verè unico naturæ opere, aceto liquefactâ et epotâ superbam, æmulati sunt, ne hâc luxuriæ gloriâ spoliarentur. Prior id fecit Romæ in unionibus magnæ taxationis Clodius, histrionis *Æsopi filius* : expertus enim in gloriâ palati quid saperent margaritæ, atque ut decies HS. *Angl.* 8333l. 6s. 8d. solidum absorpsit, mirumque placuit; ne solus hoc sciret, singulos uniones convivis quoque absorbendos dedit : quod Romæ in promiscuum ac frequentem usum venit. Plin. ix. 35. Horat. ii. Satyr. iii. 240. Tali filio dignum patrem, *Æsopum* non puduerat patinam habere HS centum, *Angl.* 833l. 6s. 8d. taxatam : in quâ posuerat aves cantu aliquo aut humano sermone vocales, HS sex, *Angl.* 50l. singulas coemptas, nullâ aliâ inductus suavitatis, nisi ut in his imitationem hominis manderet, ne quæstus quidem suos reveritus illos opimos, et voce meritos, Plin. x. 51.

Quis postea miretur P. Clodium, à Milone occisum, sestertiûm centies et quadragies octies, Anglicè circiter 1,170,000l. domo emtâ, habitâsse, Plin. xxxvi. 15. Vasa coquinaria ex argento Calvum oratorem habuisse; et duos scyphos Mentoris artificis cœlatos sestertiis c. *Angl.* 833l. 6s. 8d. nunquam his uti propter verecundiam ausum : inventas carrucas ex argento cœlatas; lances è centenariis libris argenti factas; lectos mulierum totos opertos argento, postea aureos fuisse, Plin. xxxiii. 2. Ipsum M. Tullium Ciceronem in illâ suâ paupertate, et illo ævo, veteris parcimonie nondum oblito, mensam citream HS x. *Angl.* 8333l. 6s. 8d. emisse : aliam à Cethegis descendente HS xiv. Anglicè circiter 12,000l. fuisse permutatam, Plin. xiii. 15. Quid loquar libidinis portenta, et unum spadonem, de quo supra cap. 49. à Sejano HS D.

Angl. 416,666*l.* 13*s.* 4*d.* emtum? Quid dicam tanto acriorem circa tabulas et statuas insaniam, quanto honestiori specie?

At quas ergò opes habebant Romani, ut tanto luxui sufficerent? Illas æstimemus, non ex Crasso, ætatis suæ Quiritium post Syllam ditissimo, qui in agris HS $\overline{\text{MM}}$. *Angl.* 1,700,000*l.* possedit; sed ex C. Cæcilio Claudio Isidoro, homine satis ignobili, qui *Asinio Gallo et Marcio Censorino Coss. A. U. C.* 746. *A. C.* 7. vi. *Kal. Febr.* testamento suo edixit, *quamvis multa civili bello perdidisset, tamen relinquere servorum quatuor millia centum sedecim: jugaboum tria millia sexcenta, reliqui pecoris cc. quinquaginta septem millia: in numerato HS* $\overline{\text{DC}}$. *Angl.* 500,000*l.* *Funerari si jussit HS* $\overline{\text{XI}}$. *Angl.* 9,200*l.* *Plin.* xxxiii. 10. Ipse augur Cn. Lentulus, homo ingenii tam sterilis, quàm pusilli animi, ab Augusto, ad quem attulerat paupertatem, ditatus, *quater millies sestertiûm, Angl.* 3,400,000*l.* congescit. *Senec. de Benefic.* ii. 27.

• Observandum adhuc hîc luxûs initia recenseri; adolevisse sub Caligulâ; sub Claudio, et Nerone, ita adcrevisse, ut philosophus Seneca, qui præter villas aliaque plurima, quingentas citreas mensas, et HS ter millies, *Angl.* 2,500,000*l.* paraverat, vix locuples appellaretur, et libertinis pauperior esset, *Dio, Lxi. p.* 694. *Tacit. Annal.* xiii. 42. xiv. 55.

Ita luxuriæ pestis grassata est in populo, cui olim bina jugera satis fuerant, nec ullis majorem modum attribuerat Romulus, *Plin.* xviii. 2. qui arantem quatuor sua jugera, nudum, et pleno pulveris ore, cùm Viator dictaturam ei attulit, *A. U. C.* 296. Quinctium Cincinnatum laudaverat, *Plin.* xviii. 3. qui *Cornelium Rufinum, bis consulem, et dictaturâ functum, à censore Fabricio senatu motum, ob luxuriæ notam, quòd decem pondo libras, Angl.* 30*l.* *argenti facti haberet, A. U. C.* 479. irriserat, *Gellius, iv.* 8. At devicta Asia, *A. U. C.* 664. luxuriam in Italiam misit. Lentè et verecundè exceptâ, Scipio Africanus, *A. U. C.* 571. libras xxxii. *argenti, Anglicè circiter 90l.* heredi reliquit. Frater ejus Allobrogicus primus omnium pondo mille, *Anglicè circiter 2,800l.* habuit.

Malorum feracior extitit annus Urbis 608. quo eversa Carthago æmulationem, virtutis parentem, sustulit; incensa Corinthus, capta Achaia, signa et tabulas pictas invexere. Donata demum ab

Attalo Asia, A. U. C. 621. civitatem paulatim assuetam amare et admirari opulentiam externam, ultroque in insanias, quas memoravimus, ruituram, penitus perdidit.

Verùm ne tota hæc disquisitio in admirationem indignationemve exeat, singularem Cl. de Montesquieu, *Esprit des Loix*, VII. 4. Vol. I. p. 158. de luxu sententiam paucis expendamus. Hæc præcipua ejus, quæ nos spectant, capita: Tiberium existimâsse luxum in regnis esse necessarium; illum in literis, quæ capite sequenti leguntur, approbâsse. Unde adstruit in regnis luxûs necessitatem; nullas in iis debere esse leges sumtuarias: et concludit respublicas luxu, regna egestate perire. *Tibere voyoit bien qu'il ne falloit plus de loix somptuaires—Le luxe est donc nécessaire dans les Etats Monarchiques—Tout ceci mene à une réflexion. Les Républiques finissent par le luxe; les Monarchies par la pauvreté.*

At *Tiberius Caesar*, minimè comis imperator, immo tristissimus, ut constat, hominum, teste Plinio, XXXV. 4. et XXVIII. 2. luxui fuit semper infensissimus, Sueton. in *Tiber.* XXXIV. In egregiis suis hæc de re literis luxum toleravit, non approbavit. Noverat Princeps callidus, et regnatricis artis peritissimus, irrepentibus vitiis citò occurrendum; vigentibus acriter, sed lentè obsistendum; insanabilibus, ne crescant, connivendum. Vitia esse atrocia, quæ severitate extermines: esse dulcia, quæ severitate irrites. Luxum dulce esse vitium, extremis reipublicæ exemplis et Augusti libidinibus factum insanabile; igitur dissimulandum, malique remedium, vel ex austeritate Principum, quorum exempla plurimùm valent, luxûsque infamiâ, petendum; vel tempori, quod, ut virtutes in vitia, ita quoque, sed rarò, vitia in melius mutat, permittendum. Fateor respublicas luxu perire: regna quoque luxu perire contendo. Nec unquam audiavi Babylonica, Assyria, Ægyptia, Parthica, aliaque luxu celebratissima regna egestate periisse. Luxu pereunt respublicæ, crescente ambitione: luxu pereunt regna, decrescente virtute. In republicâ luxus erigit animos: in regno deprimit. Luxu reipublicæ civis, æqualitate exutâ, dominationem affectat: luxu regnorum civis, indutâ æqualitate, dominationem aspernatur. Optima respublica, in quâ nullus est luxus: regnum

optimum, in quo luxus pro conditionum varietate varius, et in singulis modestus. Vide Misc. Obs. 1x. 393.

Remediis sisti posse. In MS. Flor. *remedii isti posse.* Beroaldus aliique veteres, *remediis resisti.* Optimè Pichena et recentiores, *sisti.* Gronov. ad Liv. 1v. 12.

Quod non obtineret. Ita MS. Flor. veteres editiones, Gronovius et recentiores. Rhenanus aliique eum secuti, *obtineretur.*

CAP. 53. *Ac velut deprehenderem.* MS. Flor. Jac. Gronovius et recentiores, *deprenderem.* In veteribus editionibus ceterisque scriptoribus vulgatam scripturam, ex MS. Codice, haud perantiquo, et sæpe mendoso, immutare nolui.

CAP. 54. *Ac nisi provinciarum.* Mallet Ernestus, *nam nisi.* *Ac*, non displicet.

Aut si qui ex magistratibus. Tentat Ernestus, *quod si qui.* Retineri tamen posse vulgatam scripturam fatetur.

Laborum meorum partem. Heinsius corrigit, *parte*, ut intelligatur, *me* exonerari.

Simultates faciunt, ac mihi relinquunt. Mercerus et Grotius emendant, *simultates faciundas mihi relinquunt.* Benè, si suffragarentur veteres libri. At nihil peccat vulgata scriptura.

CAP. 55. *Remissa Ædilibus talis cura.* Talem curam suscipere noluit Princeps; ad Ædiles remissa est; permissumque ut veteribus uterentur legibus, id est, divitibus ganeonibus parcerent, in plebem aliquandò sævirent. Hæc ita esse accipienda patet ex Suetonio in Tiber. xxxiv. *dato Ædilibus negotio, popinas ganeasque usque eò inhibendi, ut ne opera quidem pistoria proponi venalia sinerent.* Cùmque equites acerrimi essent luxuriæ institores, et dignitate suâ defenderentur, equestrem ordinem in arctiorem formam redegit Tiberius, ut minor esset licentia. Id contigit, teste Plinio, anno sequente; et miror Tacitum rem adeò gravem in Annalibus suis siluisse. Itaque audiamus Plinium, xxxiii. 2. *Tiberii demum principatús nono anno in unitatem venit equester ordo: anulorumque auctoritati forma constituta est, C. Asinio*

*Pollione, C. Antistio vetere Coss. A. U. C. 775. quod miremur
 futili pænè de causâ, cùm C. Sulpicius Galba, dum juvenalem
 famam apud Principem popinarum pænis aucupatur, questus esset
 in senatu, vulgò institores ejus culpæ defendi anulis. Hâc de
 causâ constitutum, ne cui jus id esset, nisi cui ingenuo ipsi, patri
 avoque paterno sestertia cccc. Angl. 3333l. 6s. 8d. census
 fuisset, et lege Juliâ theatri in 14. ordinibus sedendi. Nunc
 verò remittere, pro iterum mittere, permittere, dici ita compertum,
 ut exemplis supersedeam, licèt id latinitati repugnare pronuntiet
 Ernestus, et cum Lipsio, Freinshemio aliisque plurimis Ædiles
 curâ coercendi luxûs fuisse exoneratos contendat. Sic Dureau,
*dispensa les Ediles de pareils soins.**

Rerum adeptus est. Quidam emendant, *republicam*. Imme-
 ritò. Archaismus enim est, ut rectè observat Lipsius; sic infra
Annal. vi. 45. dum dominationis apisceretur.

Ad senectam pervenirent. Mallet Ernestus, *pervenissent*, vel
pervenerant. Grammaticè. Sed haud ita diligens Tacitus.

Verùm hæc nobis. In editione princeps legitur, *verùm hæc nobis
 majores certamina ex honesto maneant.* Sana omnia, et orationem
 ad majores converti existimant Heinsius, et Salinerius. Vide Misc.
 Obs. ix. 395. Ceteri vitiata putant, et emendare student. Corri-
 git Lipsius, *in majores*: Rhenanus, *erga majores*: Faernus,
adversùs majores: Acidalius, *quorum hæc nobis in majores.* Viam
 aliam, et perspicaci suo ingenio dignam, iniit Illustr. Huetius,
quid si legamus, inquit, *verùm hæc nobis major res, hoc sensu:*
Verùm in pristinâ honestate retinendâ vel recuperandâ plus nobis
erit laborandum, quòd plura luxûs et corruptelæ exempla habeamus.
 At felicior Boxhornius egregiè distinxit. *Verùm hæc nobis majores.*
Certamina ex honesto maneant. Hæc nobis majores ab Actiacâ
 victoriâ ad Galbam luxûs, à Galbâ ad nos parcimoniæ exempla
 reliquere. Non ex luxu, sed ex honesto certamina maneant.

CAP. 57. *Publicis privativisve monimentis.* Ita veteres et
 recentes editiones. In mediis quibusdam, *privatisque.* Quod
 Mureto quoque placebat.

At Q. Haterius. Beroaldus aliique veteres, *atque Haterius.* Optimè Lipsius et recentiores, *at Q. Haterius.*

Tantum infamiâ usurus. Frustra tentat Heinsius, *ausurus.* Vide Misc. Obs. IX. 394.

CAP. 58. *Asiam sorte haberet.* Gronovius emendat, *Asia sortem haberet.* Nec malè, si tamen locus emendatione indigeat. Licèt enim duæ illæ provinciæ, Asia et Africa, sorte haberentur, ac proinde, prorogatâ Asiâ, nulla jam pro Asiâ sors esset, potuit tamen Servius postulare, ut, tamquam consularium antiquissimus, Asiam sorte haberet. Eam enim ipsi sors permittebat.

Si hi duxissent provincias. Perperam emendatur, *direxissent, rexissent;* vel *duxissent,* pro sorte *duxissent* accipitur. Meliùs Rutgersius, Venusin. Lectiones cap. 25. observat, *ducere* hìc usurpari ut à Thucydide ceterisque Græcis ἡγεῖσθαι, *regere.*

Non æmulationi. Optimè Muretus. Malè in veteribus editionibus, *æmulatione.*

Aut privatis adfectionibus. Acidalius omittebat, *aut.* Retineri potest.

CAP. 59. *Huc decidisse.* Ita MS. Flor. editiones veteres et recentiores. Lipsius emendaverat, *recidisse.* Quod magis vulgatum, sed minimè necessarium.

Bellum scilicet. Mallet Lipsius, *bello,* vel *bello eum.* At potest intelligi, *esse.*

Diverso terrarum distineri. Corrigebat Heinsius, *diversa terrarum distinere.* In quibusdam editionibus minimè antiquis additum, *diverso terrarum tractu.* Nihil addendum, nihil mutandum.

Cum maximè peragrantem. Ita MS. Flor. Muretus, Pichena et recentiores. Perperam Beroaldus aliique veteres, *tum maximè.*

CAP. 61. *Et lucum Ortygiam.* Optimè emendavit Pichena, quem recentiores sunt secuti. Perperam Beroaldus aliique veteres, *et locum Ortigiam.* Lucus ille aliæque Ephesiorum fabulæ memorantur à Strabone, XIV. p. 639. Ἐν δὲ τῇ αὐτῇ παραλίᾳ αἰκρὸν ὑπὲρ τῆς θαλάττης ἑστὶ καὶ ἡ Ὀρτυγία, διαπρεπὲς ἄλσος

παντοδαπῆς ὕλης, κυπαρίττου δὲ τῆς πλείστης. Διαρρεῖ δὲ ὁ Κέγχριος ποταμὸς, οὗ φασὶ νήψασθαι τὴν Λητὴν μετὰ τὰς ὠδίνας· ἐνταῦθα γὰρ μυθεύουσι τὴν λοχείαν, καὶ τὴν τροφὸν τὴν Ὀρτυγίαν, καὶ τὸ αἶδυτον ἐν ᾧ ἡ λοχεία, καὶ τὴν πλησίον ἐλαίαν, ἥ πρῶτον ἐπαναπαύσασθαι φασὶ τὴν θεὸν ἀπολυθεῖσαν τῶν ὠδίνων· ὑπέρεται δὲ τοῦ ἄλσους ὄρος ὁ Σολμισσὸς ὅπου στάντας φασὶ τοὺς Κουρήτας, τῷ ψόφῳ τὴν Ἥραν τῶν ὅπλων ἐκπληῆσαι, ζηλοτύπως ἐφεδρεύουσιν, καὶ λαθεῖν συμπράξαντας τὴν λοχείαν τῇ Λητοῖ. *In eadem orā paululum supra mare Ortygia est lucus elegans omnis generis arboribus, plurimā tamen Cupresso. Interfluit Cenchrius fluvius, quo se abluisse à partu Latonæ perhibent. Istis enim in locis partum Latonæ ponunt fabulæ, et Ortygiam nutricem, et adytum in quo enixa fuerit, et proximam oleam, in quā primum soluta doloribus, Dea acquieverit. Supra lucum situs est mons Solmissus: in quo stantes aiunt Curetas armorum sonitu Junonem, rivalitatis causâ insidiā absterruisse, et ut occultè pareret Latonæ adjumento fuisse.*

CAP. 62. *Castigandum è proximo. Vide Misc. Obs. ix. 394. Magnetes. Marmora Oxoniensia, opus eruditissimum, Smyrnæorum et Magnetum fœdus exhibent, quod hunc Taciti locum egregiè illustrat. Ibi enim, p. 3. num. 85. memoratur templum Dianæ Leucophryenæ, in quo hujus fœderis exemplar fuit consecratum.*
ΕΜΜΑΓΝΗΣΙΑΙΤΗΙΠΡΟΣΤΩΙΜΑΙΑΝΔΡΩΙΕΝΤΩΙΤΗΣΑΡΤΕΜΙΔ ΝΗΣΙΕΡΩΙ, id est, ἐμ (pro ἐν) Μαγνησίᾳ τῇ πρὸς τῷ Μαιάνδρῳ ἐν τῷ τῆς Ἀρτεμίδος τῆς Λευκοφρυγῆς ἱερῷ, Smyrnæi columnas fœderis consecrant Magnesiæ ad Mæandrum in Dianæ Leucophryenæ templo.

Mithridate. Ita veteres editiones et recentiores. Quædam mediæ, *Mithradate*. Habentur quidem nummi ΜΙΘΡΑΔΑΤΟΥ. Nihil tamen novandum.

Dianæ Leucophryenæ. Ita Beroaldus et editiones omnes veteres. Lipsius emendavit, *Leucophryenæ*. At nihil mutandum; maximè cùm habeantur nummi in quibus appellatur ΑΕΤΚΟΦΡΗΝΗ, quam sic vocatam à Leucophryne, in hoc templo sepultâ, docet Zeno Myndius apud Clementem Alexandrin. in Protrept. p. 39.

Aphrodisienses. Plurimi extant *ΑΦΡΟΔΙΣΙΕΩΝ* nummi. Cf. D' Orvillii Animad. in Charit. p. 3. At quod nummis pretiosius, et ad illustrandam historiam utilius, extat decretum, quo senatus Romanus concessa à dictatore Cæsare, et triumviris Lepido, Antonio, Octavio, Aphrodisiensibus beneficia confirmavit, anno, ut videtur, U. C. 715. A. C. 38. Egregium illud antiquitatis monumentum, fortè idem, ac decretum Augusti, cui postea acta triumvirorum attributa, Aphrodisiade reportavit anno 1716. Cl. Lisle : et inter *Antiquitates Asiaticas*, p. 152. publicavit eruditus Edmundus Chishull, meritò confisus, p. 155. *non fore abfuturum tam cognatum, tam illustre ornamentum à splendidioribus, quæ pòst dabuntur, Annalium Taciti editionibus.* Illud accuratè et aliquanto meliùs, ultro dabimus.

MONUMENTUM APHRODISIENSE.

* * * * *

- 1 ΔΙ] ΚΑΙΑΕΣΘΛΑΤΕ [ΠΑΝΤ] ΑΕΛΕΤΘ
ΕΡΟΤΣΕΙΝΑΙΤΩ [ΤΕ] ΔΙΚΑΙΩΚΑΙ
ΤΑΙΣ [ΝΟΜΟΘΕΣΙΑΙΣΤΑΙΣΙΔΙΑ
ΙΣΤΗΝΠΟΛ
- 2 ΙΝ] ΤΗΝΠΛΑΡΑΣΕΩΝΚΑΙΑΦΡΟΔΕΙ
ΣΙΕΩΝΧΡΗΣΘΑΙΜΗΤΕΕΓΓΤΗΝ
Ε [ΙΣΦΕΡΕΙΝΤΟΤΤΟΙΣΚΑΤΑΤΟ
ΠΑΡΟΝΔΟΓΜΑ
- 3 Κ] ΑΙΚΕΛΕΤΣΙΝΟΜΟΛΟΓΕΙΝΑΤΕΤ
ΙΝΑΕΠΑΘΛΑΤΕΙΜΑΣΦΙΛΑΝΘΡΩ
[ΠΑΟΙΤΡΕΙΣΑΝΔΡΕΣΟ]

Id est,

[Ἵπατοι λόγους ἐποίησαντο.
Ἀρέσκειν τῇ Συγκλήτῳ, περὶ ὧν ὁ
Γάιος Καῖσαρ ὑπὲρ Πλαρασέων καὶ
Ἀφροδισιέων ἔκρινεν, αὐτοὺς κατὰ
τὰ δι]καια ἐσθλά τε [πάντ]α ἐλευ-
θέρους εἶναι, τῷ τε δικαίῳ, καὶ ταῖς
[νομοθεσίαις ταῖς ἰδίαις τὴν πόλιν
τὴν Πλαρασέων καὶ Ἀφροδισιέων
χρῆσθαι, μήτε ἐγγύην εἰσφέρειν,
τούτοις κατὰ τὸ παρὸν δόγμα κ]αὶ
κέλευσιν ὁμολογεῖν. Ἄ τέ τινα
ἐπαθλὰ τειμὰς (pro τιμὰς) φιλάν-
θρω[πα οἱ τρεῖς ἄνδρες, οἱ] τῆς τῶν

[Consules retulerunt. Placere
senatui quantum ad ea, quæ de
Plarasensibus et Aphrodisien-
sibus Caius Cæsar censuit;
quoad] jura commodaque om-
nia liberos eos fore; suo quoque
jure suisque legibus patriis uti,
neve sponsionem aliquam afferre
Plarasensium et Aphrodisien-
sium civitatem; his omnibus
per præsens hoc decretum et
jussionem consentire. Quine-
tiam quæcumque præmia, ho-

- 4 ΙΤΗΣΤΩΝ ΔΗΜΟΣΙΩΝ ΠΡΑΓΜΑΤΩΝ
ΔΙΑΤΑΞΕΩΣ ΤΩ ΙΔΙΩ ΕΠΙΚΡΙΜΑ
ΤΙ ΠΛ[ΑΡΑΣΕΥΣΙΚΑΙΑ ΦΡΟΔΕΙΣ
ΙΕΤΣ]
- 5 Ι] ΠΡΟΣΕΜΕΡΙΣΑΝ ΠΡΟΣΜΕΡΙΟΥΣ
ΙΝΣΤΝΕΧΩΡΗΣΑΝΣΤΝΧΩΡΗΣΟ
ΥΣΙΝ ΤΑ[ΥΤΑ ΠΑΝΤΑ ΒΕΒΑΙΑ
- 6 Γ] ΕΝΕΣΘΑΙ ΟΜΟΙΩΣ ΤΕ ΑΡΕΣΚΕΙΝ
ΤΗΣ ΤΓΚΛΗΤΩ ΤΟΝ ΔΗΜΟΝ ΤΟΝ Π
ΛΑ[ΡΑΣΕΩΝ ΚΑΙΑ ΦΡΟΔΕΙΣΙΕ]
- 7 ΩΝ ΤΗ ΝΕΛΕΤΘΕΡΙΑΝ ΚΑΙ ΤΗΝ ΑΤΕΛ
ΕΙΑΝ ΑΥΤΟΥΣ ΠΑΝΤΩΝ ΠΡΑΓ[ΜΑ
ΤΩΝ ΕΧΕΙΝ Κ
- 8 ΑΘ] ΑΠΕΡΚΑΙ ΤΙΣ ΠΟΛΙΤΕΙΑ ΤΩ ΚΑΛ
ΛΙΣ ΤΩ ΔΙΚΑΙΩ ΚΑΛΛΙΣ ΤΩ ΤΕ ΝΟΜ
Ω ΕΣΤΙΝ [ΧΡΩΜΕΝΗ Η ΑΠΟ

δημοσίων πραγμάτων διατάξεως, τῷ ἰδίῳ ἐπικρίματι Πλ[αρασεῦσι καὶ Ἀφροδισιεύσιν] προσεμέρισαν, προσμεριούσιν, συνεχώρησαν, συνχωρήσουσιν ταῦτα, βέβαια γίνεσθαι. Ὅμοιως τε ἀρέσκειν τῇ Συγκλήτῳ τὸν δῆμον τὸν Πλα[ρασέων καὶ Ἀφροδισιέων] τὴν ἐλευθερίαν καὶ τὴν ἀτέλειαν αὐτοῦς πάντων τῶν πραγμάτων ἔχειν, καθ' ἅπερ καὶ τις πολιτεία τῷ καλλίστῳ δικάῳ καλλίστῳ τε νόμῳ

nores, beneficia triumviri reipublicae constituendae, propria sua comprobatione Plarasensibus et Aphrodisiensibus largiti sunt, largienturve, concesserunt, concedentve, ea rata et firma fore. Simili etiam modo senatui placere populum Plarasensium et Aphrodisiensium quoad res omnes libertatem habere et immunitatem, prout quævis alia civitas optimo jure optimaque lege

- 9 ΔΗΜΟ] ΥΤΟΤΡΩΜΑΙΩΝΤΗΝΕΛΕΤΘΕ
 ΡΙΑΝΚΑΙΤΗΝΑΤΕΛΕΙΑΝΕΧΕΙΦΙ
 ΛΗΤΕΚΑΙΣΥ[ΜΜΑΧΟΣ
- 10 ΟΥΣΑΤΟΔΕ] ΤΕΜΕΝΟΣΘΕΑΣΑΦΡΟ
 ΔΙΤΗΣΕΝΠΟΛΕΙΠΛΑΡΑΣΕΩΝΚΑ
 ΙΑΦΡΟΔΕΙΣΙΕΩ[N
- 11 ΙΕΡΟΝΕ] ΣΤΩΤΑΥΤΩΤΩΔΙΚΑΙΩΤΑ
 ΤΗΤΕΔΕΙΣΙΔΑΙΜΟΝΙΑΩΔΙΚΑΙ
 ΩΚΑΙΗΔΕΙΣ[ΙΔΑΙΜΟΝΙΑ
- 12 ΤΟΕΦΕ] ΣΙΑΣΕΣΤΙΝΕΝΕΦΕΣΩΚΤ
 ΚΛΩΤΕΕΚΕΙΝΟΥΤΟΤΙΕΡΟΤΕΙΤ
 ΕΤΕΜΕΝΟΣΕΙΤ[ΕΙΕ
- 13 ΡΟΣ] ΤΟΠΟΣΑΣΥΛΟΣΕΣΤΩΟΠΩΣΤ
 ΕΗΠΟΛΙΣΚΑΙΟΙΠΟΛΕΙΤΑΙΟΙΠ
 ΛΑΡΑΣΕΩΝ[ΚΑΙΑΦΡΟΔΕΙΣΙΕ

ἐστὶν [χρωμένη, ἡ ἀπὸ δήμου] τοῦ
 Ῥωμαίων τὴν ἐλευθερίαν καὶ τὴν
 ἀτέλειαν ἔχει, φίλη τε καὶ σύ[μ-
 μαχος οὖσα. Τὸ δὲ] τέμενος θεᾶς
 Ἀφροδίτης ἐν πόλει Πλαρασέων καὶ
 Ἀφροδισιέω[ν ἱερὸν ἔ]στω ταυτῷ
 τῷ δικαίῳ, ταυτῇ τε δεισιδαιμονίᾳ,
 ᾧ δικαίῳ, καὶ ᾗ δεισ[ιδαιμονίᾳ, τὸ
 Ἐφε]σίᾳ ἐστὶν ἐν Ἐφέσῳ. Κύκλω
 τε ἐκείνου τοῦ ἱεροῦ εἴτε τέμενος,
 εἴτ[ε ἱερὸς] τόπος ἄσυλος ἔστω.
 Ὅπως τε ἡ πόλις καὶ οἱ πολεῖται
 οἱ Πλαρασέων [καὶ Ἀφροδισιέων

usa, quæ à populo Romano
 libertatem habet et immunitatem
 amica sociaque nostra. Tem-
 plum autem Deæ Veneris in
 urbe Plarasensium et Aphrodi-
 siensium sacrum eodem jure,
 eâdemque religione esto, quo
 jure quâque religione est Deæ
 Ephesinæ in Epheso. Quodque
 in circuitu est istius templi, sive
 septum, sive sacer locus, jure
 asyli esto. Ut autem civitas
 civesque Plarasenses et Aphro-

14 ΩΝΤΩ] ΝΚΩΜΩΝΧΩΡΙΩΝΟΧΥΡΩΜ
ΑΤΩΝΟΡΩΝΠΡΟΣΟΔΩΝΠΡΟΣΤ
ΗΝΦΙΛΙΑΝΤΟ [Ε

15 ΦΗΜ] ΙΝΚΡΑΤΩΣΙΝΧΡΩΝΤΑΙΚΑΡ
ΠΙΖΩΝΤΑΙΤΕΠΑΝΤΩΝΠΡΑΓΜΑ
ΤΩΝΑΤΕ [ΛΕΙΣΜΗΤΕ

16 ΦΟΡΟΝΔ] ΙΑΤΙΝΑΑΙΤΙΑΝΕΚΕΙΝΩ
ΝΔΙΔΟΝΑΙΜΗΔΕΣΤΝΕΙΣΦΕΡΕΙ
ΝΟΦΕΙΛΩΣΙΝ

17 [ΑΛΛΑΤΤ] ΟΙΣΚΑΤΟΤΣΑΝΜΕΤΑΤΑ
ΥΤΑΕΝΕΑΥΤΟΙΣΚΤΡΩΣΙΝΧΡΩΝ
[ΤΑΙ

τω]ν κωμῶν, χωρίων, ὀχυρωμάτων,
ὄρων, προσόδων, πρὸς τὴν φιλίαν,
τὸ [ἐφ' ἡμ]ῖν, κρατῶσιν, χρωῦνται
καρπίζονται τε, πάντων πραγμάτων
ἀτε]λεῖς, μήτε φόρον, διὰ τινὰ αἰ-
τίαν ἐκείνων διδόναι, μηδὲ συνεισφέ-
ρειν ὀφείλωσιν, [ἀλλ' αὐτ]οῖς κατ'
οὔσαν μετὰ ταῦτα ἐν αὐτοῖς κύρω-
σιν χρωῦν[ται].

disienses, vicos, castella, muni-
tiones, fines, proventus, amico-
rum ritu, quantum in nobis est,
possideant, utantur, fruanturque,
rerum omnium immunes; neve
tributum eorum nomine qualem-
cunque ob causam pendent; neve
pecuniam conferre teneantur; sed
liberè iis utantur juxta propriam

post hæc decreta competentem ipsis potestatem. . . .

Decreti proœmium supplevit cruditus Chishull ex simili formulâ
apud Josephum Antiq. Jud. xiv. 10. n. 10. Consules tunc fuisse
L. Marcium, & *C. Sabinum* haud temerè conjectat ex Dione,
xlviii. p. 377. Iis enim consulibus, acta triumvirorum, ex quo
ad hos paucos summa rerum pervenerat, auctoritatem à senatu
acceperè, τότε ὑπὸ τῶν τριῶν ἀνδρῶν πραχθέντα, ἀφ' οὗ ἐς τὴν ὀλιγαρ-

χίαν ἐσῆλθον, κύρος παρὰ τῆς βουλῆς ἔλαβε. Ex hoc monumento adhuc accipimus Plarasenses religione, jure ac fœdere fuisse cum Aphrodisiensibus conjunctos. Apud Stephanum Byzant. memoratur ΠΛΑΡΑΣΣΑ, πόλις Καρίας, *Plarassa, urbs Cariae*.

Concesso à senatu decreto, Plarasenses et Aphrodisienses ad M. Antonium Triumvirum secundò, id est, A. U. C. 717. miserunt Solonem, qui exemplaria confirmationis, sibi concessæ, peterent. Antonii hâc de re epistolam Aphrodisiade anno 1705. reppererat doctissimus Sherardus, hîc quoque describendam.

[ΜΑΝΤΩΝΙΟΣ ΑΥΤΟΚΡΑΤΩΡ ΤΗΠΑΤΟΣ Α
ΠΟΔΕΔΕΙ] ΓΜΕΝΟΣ ΤΟ Β ΚΑΙ [ΤΟ Γ] ΤΡ
ΙΩΝΑΝ ΔΡΩΝΤΗ Δ ΤΩΝ ΔΗΜ
ΟΣΙΩΝ ΠΡΑΓΜΑΤΩΝ ΔΙΑΤΑΞΕΩΣ ΠΛΑΡ
ΑΣΕΩΝ ΚΑΙ ΑΦΡΟΔΕΙΣΙΕΩΝ ΑΡΧΟΤΣΙΝ
ΒΟΤΛΗ ΔΗΜΩ ΧΑΙΡΕΙΝ ΕΙΕΡΡΩΣΘΕΕΤΑ
ΝΕΧΟΙΤΓΓΙΑΙΝΩ ΔΕ ΚΑΙ ΑΤΤΟΣ ΜΕΤΑΣΤΡ
ΑΤΕΤΜΑΤΟΣ ΣΟΔΩΝ ΔΗΜΗΤΡΙΟΥ ΤΜΕ
ΤΕΡΟΣ ΠΡΕΣΒΕΥΤΗΣ ΕΠΙΜΕΛΕΣΤΑΤ
ΑΠΕΦΡΟΝΤΙΚΩΣ ΤΩΝΤΗΣ ΠΟΔΕΩΣ ΤΜ
ΩΝ ΠΡΑΓΜΑΤΩΝ ΟΥ ΜΟΝΟΝ ΗΡΚΕΣΘΗ

[Μ. Ἀντώνιος αὐτοκράτωρ ὑπα-
τος ἀποδεδεῖ] γμένος τὸ β καὶ [τὸ γ]
τριῶν ἀνδρῶν τῇ δευτεραίᾳ τῶν δη-
μοσίων πραγμάτων διατάξεως Πλα-
ράσεων καὶ Ἀφροδισιέων ἀρχουσιν,
βουλῇ, δῆμω χαίρειν.

Εἰ ἔρρωσθε, εὖ αὖ ἔχοι, ὑγιαίνω
δὲ καὶ αὐτὸς μετὰ στρατεύματος.
Σόλων Δημητρίου ὑμέτερος πρεσ-
βευτῆς ἐπιμελέστατα πεφροντικῶς
ἐπὶ τῆς πόλεως ὑμῶν πραγμάτων,

M. Antonius, imperator, con-
sul designatus iterum et tertium,
triumvir secundò reipublicæ
constituendæ, Plarasensium et
Aphrodisiensium archontibus,
concilio, populo salutem.

Si valetis, benè sit; ego quo-
que cum exercitu benè valeo.
Solon, Demetrii filius, legatus
vester, adhibitâ de rebus civitatis
vestræ diligentissimâ curâ, non

ΕΠΙΤΟΙΣΓΕΓΟΝΟΣΙΝΟΙΚΟΝΟΜΗΜΑ
 ΣΙΝΑΛΛΑΚΑΙΗΜΑΣΠΑΡΕΚΑΛΕΣΕΝΕ
 ΙΣΤΟΤΟΤΓΕΓΟΝΟΤΟΣΤΜΕΙΝΕΠΙΚΡΙ
 ΜΑΤΟΣΚΑΙΔΟΓΜΑΤΟΣΚΑΙΟΡΚΙΟΥΚΑ
 ΙΝΟΜΟΤΑΝΤΙΠΕΦΩΝΗΜΕΝΑΕΚΤΩΝ
 ΔΗΜΟΣΙΩΝΔΕΛΤΩΝΕΞΑΠΟΣΤΕΙΛΑΙ
 ΤΜΕΙΝΤΑΑΝΤΙΓΡΑΦΑΕΦΟΙΣΕΠΑΙΝΕ
 ΣΑΣΤΟΝΣΟΛΩΝΑΜΑΛΛΟΝΑΠΕΔΕΞΑΜ
 ΗΝΕΣΧΟΝΤΕΕΝΤΟΙΣΤΗΜΟΤΓΕΙΝΩ
 ΣΚΟΜΕΝΟΙΣΩΚΑΙΤΑΚΑΘΗΚΟΝΤΑΑΠ
 ΕΜΕΡΙΣΑΦΙΛΑΝΘΡΩΠΑΛΞΙΟΝΗΓΗΣ
 ΑΜΕΝΟΣΤΟΝΑΝΔΡΑΤΗΣΕΞΗΜΩΝΤΕ
 ΙΜΗΣΤΜΕΙΝΤΕΣΤΗΝΔΟΜΑΙΕΠΙΤΩΕΧ
 ΕΙΝΤΟΙΟΥΤΟΝΠΟΛΕΙΤΗΝΕΣΤΙΝΔΕΑ
 ΝΤΙΓΡΑΦΑΤΩΝΓΕΓΟΝΟΤΩΝΤΜΕΙΝΦΙ

οὐ μόνον ἤρκεσθῃ ἐπὶ τοῖς γεγονόσιν
 εἰκονομήμασιν, ἀλλὰ καὶ ἡμᾶς πα-
 ρεκάλεσεν εἰς τὸ τοῦ γεγονότος ὑμῖν
 ἐπικρίματος, καὶ δόγματος, καὶ
 ὀρκίου, καὶ νόμου, ἀντιπεφωνημένα,
 ἐκ τῶν δημοσίων δέλτων ἐξαποστεί-
 λαι ὑμῖν τὰ ἀντίγραφα. Ἐφ' οἷς
 ἐπαινέσας τὸν Σόλωνα μᾶλλον ἀπε-
 δεξάμεν, ἔσχον τε ἐν τοῖς ὑπ' ἐμοῦ
 γινωσκομένοις, ὃ καὶ τὰ καθήκοντα
 ἀπεμέρισα φιλάνθρωπα, ἄξιον ἡγη-
 σάμενος τὸν ἄνδρα τῆς ἐξ ἡμῶν τιμῆς.
 Ὅτι μὲν τε συνήδουμαι ἐπὶ τῷ ἔχειν
 τοιοῦτον πολεῖτην. Ὅστιν δὲ ἀντί-
 γραφα τῶν γεγονότων ὑμῖν φιλαν-

solūm eā, quæ facta est, disposi-
 tione contentus fuit, sed et nos
 rogavit, ut exemplaria confirma-
 tionis vobis concessæ, et decreti,
 et juramenti, et legis, expressa
 ex publicis tabulis vobis trans-
 mitterem. Hanc ob rem col-
 laudans Solonem, familiariùs
 eum accepi, habuique inter mihi
 cognitos; cui etiam ea, quæ
 par erat, beneficia impertitus
 sum; dignum existimans homi-
 nem illo apud nos honore. Vo-
 bisque congratulor, qui talem
 habeatis civem. Sunt verò infra

ΛΑΝΘΡΩΠΩΝΙΑΤΠΟΓΕΓΡΑΜΜΕΝΑΑΤ
 ΜΑΣΒΟΤΑΟΜΑΙΕΝΤΟΙΣΔΗΜΟΣΙΟΙΣ
 ΤΟΙΣΠΑΡΤΜΕΙΝΓΡΑΜΜΑΣΙΝΕΝΤΑΞ
 ΑΙΓΡΑΜΜΑΤΑΚΑΙΣΑΡΟΣ

θρώπων τὰ ὑπογεγραμμένα, ἃ ὑμᾶς
 βούλομαι ἐν τοῖς δημοσίοις τοῖς παρ'
 ὑμῖν γράμμασιν ἐντάξαι. Γράμ-
 ματα Καίσαρος.

scripta beneficiorum vobis in-
 dultorum exemplaria; quæ vos
 inter publica apud vos scripta re-
 ferre volo. LITERÆ CÆSARIS.

Docet hæc epistola, in decreto supra memorato periisse ὄρκιον καὶ νόμον, *jusjurandum et legem*: ὄρκιον Plarasensium et Aphrodisiensium, qui se in Romanorum fide et amicitia permansuros jurabant: νόμον senatûs, quâ lege cavebatur, ut data Plarasensibus et Aphrodisiensibus promissa servarentur. Periere quoque γράμματα Καίσαρος, *literæ Cæsaris*, quæ vetusta populorum illorum in dictatoris partes merita continerent.

Stratonicensæ. Stratonicea Straboni, xiv. p. 660. dicitur *Macedonum colonia, à regibus splendidè ornata*: Κατοικία Μακεδόνων· ἐκοσμήθη δὲ καὶ αὕτη κατασκευαῖς πολυτελέσιν ὑπὸ τῶν βασιλέων· ἔστι δ' ἐν τῇ χώρᾳ τῶν Στρατονικέων δύο ἱερά· ἐν μὲν Λαγίνοις, τὸ τῆς Ἐκάτης ἐπιφανέστατον, πανηγύρεις μεγάλας συνάγον κατ' ἐνιαυτόν· ἐγγὺς δὲ τῆς πόλεως τὸ τοῦ χρυσαορέως Διὸς κοινὸν ἀπάντων Καρῶν, εἰς δ' συνίασι θύσαντές τε καὶ βουλευσάμενοι περὶ τῶν κοινῶν. *In agro Stratonicenseno duo sunt templa: unum in Laginis, Hecatae sacrum, illustrissimum, ubi quotannis magnos conventus agitant. Prope ipsam autem urbem, fanum Jovis Chrysaoris, commune Caribus omnibus: qui eò ad sacrificia et deliberationes de republicâ conveniunt.* De Stratonicensium Deis eorumque religionibus et asyis egregium apud laudatum Chishull, *Antiq. Asiatic.* p. 156. extat monumentum ab erudito consule Sherardo, de re literariâ egregiè merito, Stratoniceæ, anno 1709. inventum: ad Taciti illustrationem, sacrorumque veterum notitiam eò libentiùs hîc edendum, quòd rarissimæ sunt hujusce antiquitatis reliquiae; et eruditorum virorum voluptati ac utilitati plurimùm inserviunt.

MONUMENTUM STRATONICENSE.

ΕΠΙΣΤΕΦΑΝΗΦΟΡΟΥΠΤΟΛΕ [ΜΑΙΟΥ
 [ΔΙΟΝ] ΤΣΙΟΥΤΓΡΑΜΜΑΤΕΩΣ
 [ΣΕΒΑΣ] ΤΗΣΒΟΥΛΗΣΕ

ΙΠΟΝΤΟΣΤΗΝΠΟΛΙΝΑΝΩΘΕΝΤΗΤΩΝ
 ΠΡΟΕΣΤΟΤΩΝΑΥΤΗΣΜΕΓΙΣΤΩΝΘ
 ΕΩΝ [ΠΡΟΝΟΙΑΧΡΥΤΣΑΟΡΕΩΣΔΙΟ
 ΣΚΑΙΕΚ] ΑΤΗΣΕΚΠΟΛΛΩΝΚΑΙΜΕ
 ΓΑΛΩΝΚΑΙΣΤΝΕΧΩΝ

ΚΙΝΔΥΝΩΝΣΕΣΩΣΘΑΙΩΝΚΑΙΤΑΙΕΡΑ
 ΑΣΤΑΚΑΙΙΚΕΤΑΙΚΑΙΙΕΡΑΣΤΗΝΚΑ
 ΗΤΟΣΔΟΓΜΑΤΙΣΕ [ΒΑΣΤΟΤΚΑΙΣΑ
 ΡΟΣΚΑΙ] ΤΗΣΤΩΝΚΤΡΙΩΝΡΩΜΑΙΩ
 ΝΑΙΩΝΙΟΤΑΡΧΗΣ

Ἐπὶ Στεφανηφόρου Πτολεμαίου
 . . [Διονυσίου γραμματέως [σε-
 βασ]τῆς βουλῆς εἰπόντος, τὴν πόλιν
 ἄνωθεν τῇ τῶν προσεστώτων αὐτῆς
 μεγίστων θεῶν [προνοίᾳ χρυσαορέως
 Διὸς καὶ Ἑκ]άτης, ἐκ πολλῶν καὶ
 μεγάλων καὶ συνεχῶν κινδύνων σεί-
 σθῆναι, ὧν καὶ τὰ ἱερὰ ἄσυλα, καὶ
 ἰκίται, καὶ ἱερὰ σύνκλητος, δόγ-
 ματι Σε[βαστοῦ Καίσαρος, καὶ]
 τῆς τῶν κυρίων Ῥωμαίων αἰωνίου

Sub Stephanephoro Ptole-
 maeo——sententiam dicente
 ——Dionysii filio, scribâ vене-
 rabilis concilii ; hanc ab antiquo
 urbem, maximorum Deorum,
 ejus præsidium, Chrysaoris Jovis
 et Hecates providentiâ, ex mul-
 tis magnisque et continuis peri-
 culis servatam fuisse, quorum et
 sacra asyla, et confugientes ad
 ea supplices, quin et sacer sena-

ΕΠΟΙΗΣΑΝΤΟ ΠΡΟΦΑΝΕΙΣ ΕΝΑΡΓΕΙ
 ΑΣΚΑΛΩΣ ΔΕ ΕΧΗ ΠΑΣΑΝ ΣΠΟΥΔΗΝ
 ΕΙΣΦΕΡΕΣΘΑΙ ΕΙΣ ΤΗΝ ΠΡΟΣ [ΘΕ
 ΟΥΣ ΕΥΣΕΒ] ΕΙΑΝ ΚΑΙ ΜΗ ΔΕΝΑ ΚΑΙ
 ΡΟΝ ΠΑΡΑΛΙΠΕΙΝ ΤΟ ΤΕΤΣΕΒΕΙΝ
 ΚΑΙ ΛΙΤΑΝΕΤΕΙΝ ΑΤΤΟΤΣ ΚΑΘΙΔΡΤΤΑ
 ΙΔΕΑΓΑΛΜΑΤΑ ΕΝ ΤΩ ΣΕΒΑΣΤΩ ΒΟ
 ΥΛΕΥΤΗΡΙΩ ΤΩΝ ΠΡΟΕΙΡΗΜΕΝΩ
 [ΝΘΕΩΝ ΕΠΙΦΑΝ] ΕΣΤΑΤΑΣ ΠΑΡΕ
 ΧΟΝΤΑ ΤΗΣ ΘΕΙΑΣ ΔΥΝΑ

ΜΕΩΣ ΑΡΕΤΑΣ ΔΙΑΣΚΑΙΤΟΣ ΤΗ ΠΑΝΗΛ
 ΗΘΟΣ ΘΥΕΙΤΕ ΚΑΙ ΕΠΙΘΥΜΙΑ ΚΑΙ Ε
 ΥΧΕΤΑΙ ΚΑΙ ΕΥΧΑΡΙΣΤΕΙΑ [ΙΕΙΤΟΙ
 ΟΙΣ] ΔΕ ΟΥ ΤΩ ΣΕΠΙΦΑΝΕΣΤΑΤΟΙΣ
 ΘΕΟΙΣ ΚΑΚΤΗΣ

ἀρχῆς, ἐποίησαντο προφανεῖς ἐναρ-
 γείας. Καλῶς δὲ ἔχῃ πᾶσαν σπου-
 δὴν εἰσφέρεισθαι εἰς τὴν πρὸς [θεοὺς
 εὐσέβ]ειαν, καὶ μηδὲνα καιρὸν παρα-
 λιπεῖν τοῦ εὐσεβεῖν, καὶ λιτανεῦν
 αὐτοὺς. Καθίδρυται δὲ ἀγάλματα
 ἐν τῷ σεβαστῷ βουλευτηρίῳ τῶν
 προειρημένω[ν θεῶν, ἐπιφαν]εστάτας
 παρέχοντα τῆς θείας δυνάμεως ἀρε-
 τὰς, δι' αἷς καὶ τὸ σύνπαν (vulgò
 σύμπαν) πλῆθος θύει τε καὶ ἐπιθυμῶ,
 καὶ εὐχεται, καὶ εὐχαριστεῖ α[ἱ]
 τοιοῖς]δε οὕτως ἐπιφανεστάτοις θεοῖς,
 κακτῆς δ' ὕμνωδίας προσόδου καὶ θρησ-

tus, decreto Augusti Cæsaris,
 æternique dominorum Romano-
 rum imperii, præclara fecere
 indicia ; oportere autem omnem
 adhiberi curam de pietate erga
 Deos, neque ullam omitti occa-
 sionem eos colendi supplican-
 dique. Porro in augustâ curiâ
 dedicata esse prædictorum Deo-
 rum simulacra, præbentia divinæ
 potentie manifestissimas virtutes,
 ob quas universa etiam multitu-
 do, et sacrificat, et thura adolet,
 et precatur, et gratias agit con-

ΔΙΤΜΝΩΔΙΑΣΠΡΟΣΟΔΟΤΚΑΙΘΡΗΣΚΕ
ΙΑΣΕΤΣΕΒΟΤΝΑΤΤΟΤΣ [ΔΙΑΤΕΛΕΙ]
ΕΔΟΞΕΤΗΒΟΤΑΗΑ [ΙΡΕΙΣΘΑΙ] ΝΤ
ΝΕΚΤΙΝΩΝΕΤΓΕΓΟΝΟΤΩΝΠΑΙΔΑ
ΣΤΡΙΑΚΟΝ

ΤΑΟΥΣΤΙΝΑΣΚΑΘΕΚΑΣΤΗΝΤΗΝΗΜΕ
ΡΑΝΜΕΤΑΤΩΝΔΗΜΟΣΙΩΝΠΑΙΔΟΦ
ΥΛΑΚΩΝ [ΑΝΙΕΝ] ΑΙΟΠΑΔΟΥ [ΝΤΑ
ΣΕΙΣΒ] ΟΥΔΕΤΤΗΡΙΟΝΔΕΤΧΕΙΜΟ
ΝΟΥΝΤΑΣΚΑΙΕΣΤΕ

ΦΑΝΟΜΕΝΟΥΣΘΑΛΛΟΥΤΕΧΟΝΤΑΣΔΕΜΕ
ΤΑΧΕΙΡΑΣΟΜΟΙΩΣΘΑΛΛΟΥΤΣΟΙΤΙΝ
ΕΣΣΤΗΝΠΑΡΟΝ [ΤΟΣΚΑΙ] ΚΙΘΑΡΙΣ
ΤΟΤΚΑΙΚΗΡΥΚΟΣΑΣΟΝΤΑΙΤΜΝΟΝ
ΟΝ

ΑΝΣΤΗΝΤΑΞΗΣΩΣΑΝΔΡΟΣΔΙΟΜΗΔΟΥΣ
ΟΓΡΑΜΜΑΤΕΤΣΕΑΝΔΕΤΙΝΕΣΤΩΝ

χείας εὔσεβούν αὐτοὺς [διατελεῖ].
Ἐδοξε τῇ βουλῇ α[ἱρεῖσθαι] νῦν, ἐκ
τινῶν ἐδ' γεγονότων, παῖδας τριά-
κοντα, οὓς τινες καθ' ἑκάστην τὴν
ἡμέραν μετὰ τῶν δημοσίων παιδοφυ-
λάκων [ἀνιέν]αι ὁπαδοῦ[ντας εἰς
β]ουλευτήριον, λευχειμονοῦντας, καὶ
ἴσπεφανομένους θάλλου, ἔχοντας δὲ
μετὰ χειρᾶς ὁμοίως θάλλους, οἳ τινες,
συνπαρόν[τος καὶ] κιθαριστοῦ καὶ
κίθρυκος, ᾄδονται ὕμνον, ὃν ἂν συν-
τάξῃ Σώσανδρος Διομήδους ὁ γραμ-

tinuas Diis tam eximie præsen-
tibus, atque eâ quæ per hymnodiam
fit supplicatione et obsecratione
eos colendo perseverat. Placuit
concilio, deligi nunc ex clarè
genitis pueros triginta, eosque
singulis diebus unâ cum publicis
puerorum custodibus junctos
comites ad curiam procedere
albis indutos, et olivâ coronatos,
ramosque similiter oleaginos
manibus gestantes, qui præsentē

ΑΙΡΕΘΕΝ [ΤΩΝ ΠΑΙΔΩΝ ΕΝ ΚΡ] ΙΘΩ
ΣΙΝ ΕΙΣ ΤΟΤΣ ΕΦΗΒΟΥΣ Η ΟΜΗΔΕΙ
Σ ΘΕΩΝ

ΒΟΤΛΗ ΣΕΙ ΕΝ ΤΕΛΕΤΤΗΣ ΩΣΙΝ ΜΗ ΕΝ Κ
ΡΙΘΕΝ ΤΕ ΣΕΙΣ ΤΟΤΣ ΕΦΗΒΟΥΣ ΑΛ
ΛΟΥΣ ΑΝΘΑΙΡΕΙΣΘΑΙ [ΤΟΣΟΥΤΟΥ
Σ] ΕΠΙ ΤΗΝ ΑΤΤΗΝ ΤΜΝΩΔΙΑΝ ΤΩΝ
ΠΑΙΔΟΥ

ΔΑΚΩΝ ΚΑΙ ΤΟΤ ΠΑΙΔΟΝΟΜΟΥ ΦΑΝΕΡ
ΟΝ ΤΟΤ ΤΟ ΕΝ ΓΡΑΦΩΣ ΠΟΙΟΥΝΤΩΝ
ΥΠΕΡ ΤΟΥ [ΙΣΗΝ ΕΙΣ ΤΟΝ ΠΑΝΤΑ]
ΑΙΩΝΑ ΤΗΝ ΑΤΤΗΝ ΔΙΑΜΕΙΝΑΙ ΤΗΣ
ΑΝΘΑΙ

ΡΕΣΕΩΣ ΤΑΞΙΝ ΚΑΙ ΘΡΗΣΚΕΙΑΝ ΚΑΙ Ε
ΤΣ ΕΒΕΙΑΝ ΤΩΝ ΘΕΩΝ ΟΤΣ ΗΣΕΞΟΥΣ

ματεύς. Ἐὰν δέ τινες τῶν αἰρεθέν
[τῶν παιδῶν ἐν κρ[ιθῶσιν εἰς τοὺς
ἐφήβους, ἢ, ὃ μὴδεὶς θεῶν βουλήσει
(corrige βουληθείη), ἐντελευτήσωσιν
μὴ ἐνκριθέντες εἰς τοὺς ἐφήβους,
ἄλλους ἀνθαιρεῖσθαι [τοσούτους] ἐπὶ
τὴν αὐτὴν ὑμνωδίαν, τῶν παιδοφυ-
λάκων, καὶ τοῦ παιδονόμου φανερὸν
τοῦτο ἐγγράφως (pro ἐγγράφως)
ποιούντων, ὑπὲρ τοῦ [ἴσην εἰς τὸν
πάντα] αἰῶνα τὴν αὐτὴν διαμείναι
τῆς ἀνθαιρέσεως τάξιν, καὶ ἰθρησ-
κείαν, καὶ εὐσέβειαν τῶν θεῶν, οὐσης
ἐξουσίας [αὐτοῖς ὁπότα] ν τινὲς αὐτῶν

tum citharistâ, tum præcone,
decantabunt hymnum, qualem
Sosander, Diomedis filius, scriba
composuerit. Si qui autem è
pueris sic delectis inter ephebos
adsciscantur, eorumve aliqui,
morianur, quod Dii avertant,
inter ephebos nondum adsciti,
alios eorum loco ad eamdem
hymnodiam deligi, puerorum
custodibus et pædonomo rem
scripto notam facientibus, ut
in omne ævum idem perma-
neat ordo electionis, et obse-

ΙΑΣ [ΑΥΤΟΙΣ ΟΠΟΤΑ] ΝΤΙΝΕΣ ΑΥΤ
ΩΝ ΜΗΩΣ ΙΝ ΤΓΙΕΙΣ ΗΠΕΝΘΕΙ

ΟΙΚΕΙΩ ΚΑΤΕΧΩΝΤΑΙ ΕΑΝ ΔΕ ΤΙ ΤΟ ΤΩ
Ν ΜΗ ΠΡΑΧΘΗΟΙΜΕΝ ΑΡΧΟΝΤΕΣ Κ
ΑΙ Ο Π[ΑΙΔΟΝΟΜΟΣ] ΕΣΤΩ ΣΑΝΤΗΕ
ΤΟΥ ΝΟΙΑΣ ΕΒΕΙΑ ΟΙΔΕ

ΔΗΜΟΣΙΟΙ ΠΑΙΔΟΦΥΛΑΚΕΣ ΔΕ ΣΜΩ[ΤΗ
ΡΙΩΝ ΕΝΕΧΩΝΤΑΙ] ΕΤΙ ΔΕ ΚΑΙ ΤΟΝ ΚΑ
ΘΕΚΑΣ [ΤΟΝ ΕΝΙΑΥΤΟΝ] ΓΕΙΝΟΜΕ
ΝΟΝ ΙΕΡΕΑ ΤΗΣ ΕΚΑΤΗΣ ΚΑΤΑΔΕ

ΓΕΙΝΕΚΤΩΝ ΕΝ ΤΩ ΠΕΡΙΠΟΛΙΩ ΤΗΣ ΘΕ
ΟΥ ΚΑΙ ΤΩΝ ΣΥΝΕΓΓΥΣ ΠΑΙΔΑΣ ΚΑ
ΘΕΚΑΣ ΤΟΝ [ΕΝΙΑΥΤΟΝ] ΚΑΙ ΑΥΤΟ
ΤΣΑΣΟΝΤΑΣ ΤΟΝ ΣΥΝΗΘΗΤ

ΜΝΟΝ ΤΩ ΘΕΩ ΚΑΘΩΣ ΑΝΩΘΕΝ ΕΓΕΙΝ

μη ὥσιν ὑγιεῖς, ἣ πένθει οἰκείῳ κατέ-
χωνται. Ἐὰν δέ τι τούτων μὴ
πραχθῇ, οἱ μὲν ἄρχοντες καὶ ὁ π[αι-
δονόμος] ἔστωσαν ὑπεύθυνοι ἀσεβείᾳ.
Οἱ δὲ δημόσιαι παιδοφύλακες δεσμω-
[τηρίῳ ἐνέχωνται]. Ἔτι δὲ καὶ
τὸν καθ' ἕκασ[τον ἐνιαυτὸν] γεινό-
μενον ἱερεὶα τῆς Ἑκάτης καταλέγειν
ἐκ τῶν ἐν τῷ περιπολίῳ τῆς θεοῦ καὶ
τῶν συνεγγυῶν παῖδας καθ' ἕκαστον
[ἐνιαυτὸν] καὶ αὐτοὺς ἄγοντας τὸν
συνήθη ὕμνον τῷ (potius τῇ) θεῷ,
καθὼς ἀνωθεν ἐγείνεται, ἔχοντα ἐξου-

crationis, et cultus Deorum;
concessa tamen iis licentiâ, quo-
ties eorum aliqui aut non benè
valeant, aut luctu domestico
impediantur. Horum autem si
quid omittatur, archontes, et
puerorum rector impietatis rei
aguntur: puerorum verò pub-
lici custodes in vincula conji-
ciuntur. Porro placet, ut qui
quotannis fuerit Hecates sacer-
dos quosdam, ex iis qui in
sacro Deæ circuitu et in vi-

ΕΤΟΕΧΟΝΤΑΕΞΟΥΣΙΑΝΚΑΙΚΑΤΑ
ΤΩΝΠΑΤΕΡ[ΩΝΩΤΡΟΠ]ΩΚΑΤΑΤΤ
ΩΝΤΩΝΠΑΙΔΩΝΕΑΝΟΙ

ΜΕΝΠΑΤΕΡΕΣΜΗΠΑΡΕΧΩΣΙΝΑΤΤΟ
ΤΣΠΡΟΣΤΜΝΩΔΙΑΝΚΑΙΕΤΣΕΒΕΙ
ΑΝ[ΟΙΔΕΠ]ΑΙΔΕΣΜΗΠΡΟΣΕΔΡΕ
ΤΩΣΙΝΔΙΚΗΝΕΙΣΑΝΓΕΛΙΑΣΗΑΛΛ
ΗΣΗΣΑΝΒΟΥΛΗΤΑΙΠΟΙΟΥΝΤΑΔΙΑ
ΟΝΤΟΣΤΟΥΙΕΡΕΩΣΚΑΙ[ΤΟΥΠΑΙΔ
ΕΤΤΙ]ΚΟΥΕΤΝΟΥΧΟΤΤΑΘΝΟΜΑΤΑ
ΤΩ[ΠΑΡΕΔΡΩ]ΕΝΓΡΑΦΩΣΜΙΑΤΗΣΒ
ΟΥΛΗΣΚΑΘΩΣΚΑΙΕΠΙΤΩΝΕΝΤΗ
ΠΟ[ΔΕΙΔΙΚΑΣΘΕΝΤΩΝΔΙΗΓ]ΟΡΕ
ΤΤΑΙΕΑΝΔΕΤΙΤΟΥΤΤΩΝΟΙΕΡΕΤΣ
ΗΟ[ΕΤΝΟΥΧΟΣ]ΜΗΠΟΙΗΣΗΕΝΟΧΟΥ
ΣΑΤΤΟΥΤΣΕΙΝΑΙΤΟΙΣΑΤΤΟΙΣΟΙΣΚ

σίαν καὶ κατὰ τῶν πατέρ[ων, ὧς
τρόπῳ] κατ' αὐτῶν τῶν παιδων,
ἐὰν οἱ μὲν πατέρες μὴ παρέχωσιν
αὐτοὺς πρὸς ὑμνωδίαν καὶ εὐσέβειαν,
[οἱ δὲ π]αῖδες μὴ προσεδρεύωσιν,
δίκην εἰσανγγελίας (προεῖσανγγελίας),
ἢ ἄλλης ἣς ἂν βούληται, ποιῶντα,
διδόντος τοῦ ἱερέως καὶ [τοῦ παι-
δευτι] καὶ εὐνοῦχου τὰ ὀνόματα τῶ
[παγέδρῳ] ἐν γράφῳ μιᾷ τῆς βουλῆς,
καθὼς καὶ ἐπὶ τῶν ἐν τῇ πό[λει δικασ-
θέντων διηγ]όρευται. Ἐὰν δέ τι
τούτων ὁ ἱερεὺς, ἢ ὁ [εὐνοχος] μὴ

ciniâ degunt, pueros quotan-
nis conscribat, qui et ipsi con-
suetum Deæ hymnum concinent,
prout ab antiquo factum est:
idemque habeat in puerorum
parentes, æquè ac in ipsos pue-
ros, auctoritatem; si parentes
quidem ad hymnodiam et sup-
plicationem liberos non submit-
tant, et si pueri non se assiduos
sistant; litem intendendo, seu
delatione, seu aliâ, quâ voluerit,
viâ; exhibente adessori nomi-

ΑΙ [ΑΜΑΡΤΑΝΟΝΤΑΣ ΤΟ ΤΣΗΑΙ] ΔΑ
Σ ΤΟ ΝΔΕ ΤΩ ΝΗΑΙ ΔΩ ΝΜΕ

[ΘΕΙΜΕΝΗΣ] ΤΗΣ ΤΜΝΩΔΙΑΣ ΕΝ [ΚΡΙ
ΘΕΝΤΑ] ΕΙΣ ΤΟ ΤΣΕΦΗΒΟΥΣ. . ΤΗΣ
ΠΟΛΕΩΣ.

ποιήσῃ, ἐνόχους αὐτοὺς εἶναι τοῖς
αὐτοῖς, οἷς καὶ [ἀμαρτάνοντας τοὺς
παῖ]δας. Τὸν δὲ τῶν παίδων, με-
[θριμένῃς] τῆς ὑμνωδίας, ἐν[χρηθέν-
τα] εἰς τοὺς ἐφεβους . . τῆς πόλεως.
aliquid prætermiserit sacerdos, aut eunuchus, pœnis iisdem fore
obnoxios, quibus et ipsi delinquentes pueri. Puerum verò,
perfunctum hymnodîâ, adlectum inter ephebos, honores civitatis
adsecuturum, aliaque similia de præmiis, quæ excidère.

Religionem tuebantur. Nonne religione se tuebantur.

Hierocasarienses. Insignem Hierocæsariensium Deæque Persicæ nummum è Cimelio regio, Severi ætate cusum laudat Harduinus, Select. Oper. p. 73. Nummus exhibet caput Dianæ cum pharetrâ retro appositâ: inscriptio *ΙΕΡΟΚΑΙΣΑΡΕΩΝ ΠΕΡ-
ΣΙΚΗ*. Ad magicum, vel potius fraudulentum Persicæ cultum pertinere videntur, quæ habet Pausanias, v. 27. in Eliac. p. 448.

Ἄλλο ἐν Λυδίᾳ θεασάμενος οἶδα, . . . μάγων μὲν τοι σοφίας οὐδὲ αὐτὸ
ἀπηλλαγμένον ἔστι γὰρ Λυδοῖς ἐπὶ κλησὶν Περσικοῖς ἱερὰ, ἐν τε Ἱεροκαί-
σαρείᾳ καλουμένη, πόλει, καὶ ἐν Ὑπαίποις· ἐν ἑκατέρῳ δὲ τῶν ἱερῶν, οἴκη-
μά τε, καὶ ἐν τῷ οἴκηματί ἐστιν ἐπὶ βωμοῦ τέφρα· χρῶα δὲ οὐ κατὰ τέφ-
ραν ἔστιν αὐτὴ τὴν ἄλλην· ἐσελθὼν δὲ ἐς τὸ οἶκημα ἀνὴρ μάγος, καὶ ξύλα
ἐπιφορῆσας αὐτὰ ἐπὶ τὸν βωμὸν, πρῶτα μὲν τιάραν ἐπέθετο ἐπὶ τῇ κεφαλῇ,
δεύτερα δὲ ἐπὶ κλησὶν ὅτου δὴ θεῶν ἐπάδει βάρβαρα, καὶ οὐδαμῶς συνετὰ
Ἑλλῃσιν· ἐπάδει δὲ ἐπιλεγόμενος ἐκ βιβλίου· ἄνευ δὲ δὴ πυρὸς ἀνάγκει
πάντα ἀφθῆναι τὰ ξύλα, καὶ περιφανῇ φλόγᾳ ἐξ αὐτῶν ἐκλάμψαι. *Aliud
in Lydiâ miraculum vidi, . . . magorum artis minimè expers.
Sunt enim in Lydis, qui Persici cognominantur, urbes Hierocæ
sarea et Hypæra. In utriusque urbis templo est cella. In cellâ*

ara supra quam cinis, vulgari cineri minimè concolor. Huc ingressus magus, arida ligna altari imponit: deinde, velato tiarâ capite, Deos, nescio quos, invocât, carmina barbarica, et linguâ Græcis planè ignotâ, ex libro recitans. Tum nullo igne admoto, ardent ligna, et purissima ex iis emicat flamma. Lydos illos dictos esse *Persicos* à sacris Persicis, rege Cyro, advectis, verisimillimum est. Quæ de Persicâ Amazone Harduinus scripserat, loc. cit. ipse in suo libro, qui hîc extat auctor et emendatior, deletit.

Rege Cyro. Mallet Freinsheinius, *regi Cyro*. Vel à rege Cyro, vel saltem post Lydiacam ejus victoriam, dicatum est delubrum.

Ærias. Nomen illud ab ære Cyprio confictum existimabat Illustr. Huetius.

CAP. 63. *Quorum copiâ.* Fortè scriptum olim, *quarum*. Potest tamen intelligi, *negotiorum* vel *legatorum*, ut monet Ernestus.

Stratonicidi Veneri. Inter marmora Oxoniensia habetur, p. 1. fœdus Smyrnæorum et Magnetum de Seleuci Callinici, Asiæ regis, majestate adversùs Ptolemæum Evergeten tuendâ percussum anno Periodi Julianæ 4470. A. C. 244. Ex hoc præstantissimo monumento sacra Smyrnæorum illustranda.

6 ΟΒΑΣΙΛΕΥΣΣΕΛΕΥΚΟΣΕΥΣΕΒΩΣΤ
ΑΠΡΟΣΤΟ...ΣΘΕΟΥΣΔΙΑΚΕΙΜΕ
ΝΟΣΚΑΙΦΙΛΟΣΤΟΡΓΩΣΤΑΠΡΟΣΤ
ΟΤΣΓΟΝΕΙΣΜΕΓΑ

7 ΛΟΨΥΧΟΣΩΝΚΑΙΕΠΙΣΤΑΜΕΝΟΣΧ
ΑΡΙΤΑΣΑΠΟΔΙΔΟΝΑΙΤΟΙΣΕΑΥΤ

Ὁ βασιλεὺς Σέλευκος εὐσεβῶς
τὰ πρὸς τοὺς θεοὺς διακείμενος, καὶ
φιλοστόργως τὰ πρὸς τοὺς γονεῖς,
μεγαλόψυχος ὦν, καὶ ἐπιστάμενος

Rex Seleucus, Deorum cultui
religiosè deditus, pius erga pa-
rentes, magnanimus, et ad bene-
ficia benè de se merentibus re-

ΟΝΕΤΕΡΓΕΤΟΤΥΣΙΝΕΤΙΜΗΣΕΝΤ
ΗΜΠΟΛΙΝΗΜΩΝΔΙΑ

8 ΤΕΤΗΝΤΟΤΔΗΜΟΥΕΥΝΟΙΑΝΚΑΙΦΙ
ΛΟΤΙΜΙΑΝΗΝΕΠΕΠΟΙΗΤΟΕΙΣΤΑ
ΠΡΑΓΜΑΤΑΑΥΤΟΥΚΑΙΔΙΑΤΟΤΟ
ΜΠΑΤΕ

9 ΡΑΑΥΤΟΤΘΕΟΝΑΝΤΙΟΧΟΝΚΑΙΤΗΜ
ΜΗΤΕΡΑΤΗΝΤΟΤΗΑΤΡΟΣΘΕΑΝΣ'
ΤΡΑΤΟΝΙΚΗΝΙΔΡΥΣΘΑΙΠΑΡΗΜ
ΙΝΤΙΜΩΜΕ

10 ΝΟΥΣΤΙΜΑΙΣΑΞΙΟΛΟΓΟΙΣΚΑΙΚΟΙ
ΝΗΙΤΠΟΤΟΥΠΛΗΘΟΥΣΚΑΙΙΔΙΑΙ
ΤΦΕΚΑΣΤΟΥΤΩΜΠΟΛΙΤΩΝΚΑΙΕ
ΒΕΒΑΙΩΣΕΝΤΩΙΔΗΜΩΙΤΗΝΑΥΤΟ

11 ΝΟΜΙΑΝΚΑΙΔΗΜΟΚΡΑΤΙΑΝΕΓΡΑ
ΨΕΝΔΕΚΑΙΗΡΟΣΤΟΤΣΒΑΣΙΛΕΙ

χαρίτας ἀποδιδόναι τοῖς ἑαυτὸν εὖεργετοῦσιν, ἐτίμησεν τὴν (pro τὴν) πόλιν ἡμῶν διὰ τε τὴν τοῦ δήμου εὐνοίαν, καὶ φιλοτιμίαν, ἣν ἐπεποίητο εἰς τὰ πρᾶγματα αὐτοῦ, καὶ διὰ τὸ τὸν πατέρα αὐτοῦ θεὸν Ἀντίοχον, καὶ τὴν μητέρα τὴν τοῦ πατρὸς θεᾶν Στρατονίχην ἱδρυσθαι παρ' ἡμῶν, τιμωμένους τιμαῖς ἀξιολόγοις καὶ κοινῇ ὑπὸ τοῦ πλῆθους καὶ ἰδιᾶ ὑφ' ἑκάστου τῶν πολιτῶν, καὶ ἐβεβαίωσεν τῷ δήμῳ τὴν αὐτενομίαν καὶ δημοκρατίαν· ἔγραψεν δὲ καὶ πρὸς

pendenda alacris, honoravit civitatem nostram ob benevolentiam et studium, quo populus res ejus procuraverat, tum quodd pater ejus, Deus Antiochus, et mater patris, Dea Stratonice, consecrati apud nos essent, et honoribus egregiis honorati, tum publicè à plebe, tum privatim ab unoquoque civium, et stabilivit populo libertatem, et statum popularem: quin etiam scripsit ad reges, principes, civitates,

ΣΚΑΙΤΟΤΣΔΤΝΑΣΤΑΣΚΑΙΤΑΣΗΘ
ΛΕΙΣΚΑΙΤΑΕΘΝΗΑΞΙ

12 ΩΣΑΣΑΠΟΔΕΞΑΣΘΑΙΤΟΤΕΙΕΡΟΝ
ΤΗΣΣΤΡΑΤΟΝΙΚΙΔΟΣΑΦΡΟΔΙΤΗ
ΣΑΣΤΛΟΝΕΙΝΑΙΚΑΙΤΗΜΠΟΛΙΝΗ
ΜΩΝΙΕΡΑΝΚΑΙΑΣΤΛΟΝ

τοὺς βασιλεῖς, καὶ τοὺς δυνάστας, καὶ gentesque, dignatus iis notum
τὰς πόλεις, καὶ τὰ ἔθνη ἁξιώσας ἀπο- facere templum Stratonigidis
δέξασθαι τό τε ἱερὸν τῆς Στρατονί- Veneris asyllum esse, et urbem
κιδος Ἀφροδίτης ἄσυλον εἶναι, καὶ nostram sacram et asyllum.
τὴν πόλιν ἡμῶν ἱερὰν καὶ ἄσυλον.

In senatu Romano Smyrnæi oraculum Apollinis, non verò Seleuci decretum memoravere, ut sacra sua plus dignationis ac venerationis haberent. Perperam in veteribus Taciti editionibus, *Stratonici Divæ Veneri*.

Milesios Dario rege niti. Optimè Pichena et recentiores. Beroaldus aliique veteres, *uti, pro niti*. Quàm magnificum apud Milesios fuerit Apollinis templum docet Strabo, xiv. p. 634. Οἱ Μιλήσιοι μέγιστον νεῶν τῶν πάντων κατεσκεύασαν, διέμεινε δὲ χωρὶς ὀροφῆς διὰ τὸ μέγεθος· κώμης γοῦν κατοικίαν ὁ τοῦ σηκοῦ περίβολος δέδεκται, καὶ ἄλλος ἐντὸς τε καὶ ἐκτὸς πολυτελής· ἄλλοι δὲ σηκοὶ τὸ μαντεῖον καὶ τὰ ἱερὰ συνέχουσιν. Ἐνταῦθα δὲ μυθεύεται καὶ τὰ περὶ τὸν Βράγχον, καὶ τὸν ἔρωτα τοῦ Ἀπόλλωνος. Κεκόσμηται δ' ἀναθήμασι τῶν ἀρχαίων τεχνῶν πολυτελέστατα. *Milesii templum omnium maximum construxerunt, quod ob magnitudinem sine culmine mansit: nam ambitus delubri pagi amplitudinem æquat: estque intus et extra lucus pretiosus: alia delubra oraculum et sacra continent. Ibi fabulæ Branchum fuisse dicunt, et amorem Apollinis. Ornatum est templum donariis antiquarum gentium sumtuosissimè.* De sumtuosis istis donariis, præter jam laudatam in notis inscriptionem, aliam vide apud eruditum Chishull, *Antiq. Asiatic.* p. 67 et seq. ex quâ accipimus Seleucum Callinicum et Antiochum Hieracem, fratres, Asiæ-

que reges, ob salutem suam, prosperitatemque imperii, seniel misisse decem vasa aurea pondo drachmarum trium millium, ducen- tarum quadraginta octo, trium obolorum; duo vasa argentea pondo IXMCCC. drachmarum. Addidere vim magnam thuris, myrrhæ, casiam, cinnamomum, costum, candelabrum grande areum; et mandavere ut Deo fieret sacrificium, nulle victimæ cæderentur, aræ duodecim ponerentur.

Petere et Cretenses. Ita veteres editiones et recentiores. Lipsius et quidam alii, *petiere*.

Figere æra. In MS. Flor. *fieri æra*. Optimè emendavit Piche- na, quem recentiores sunt secuti, *figere æra*. Malè Beroaldus et veteres, *facere aras*.

CAP. 64. *Effigiem divo Augusto.* Pro Romanorum more, recuperatâ sanitate, effigiem divo Augusto dicavit Livia, et fortè sic inscripsit:

DIVO AVGVSTO

SACRVM

IVLIA AVGVSTA

TIBERII AVGVSTIM.

V. S. L. M.

Et dissimulatâ offensione abdidisse. Frustra tentat Ernestus, *accepiisse*.

CAP. 65. *C. Silanum.* Esse eum, qui consul fuit A. U. C. 763. meritò opinantur Lipsius et Ryckius. Dubitat Rupertus, quòd, non consul, sed senatorii tantùm ordinis fuisse dicatur infra cap. 69.


Propellebat. Faber, Beroaldus, aliique veteres, *propolluebat*. Tentabant Nic. Faber, *perpolluebat*; Acidalius, *protollebat*; Jac. Gronovius, *provoluebat*. Alii, *propalabat*, porrò *polluebat*. Benè Groslotius, quem J. F. Gronovius, Ryckius, et recentiores omnes secuti, *propellebat*. Perperam in editione Pichenæ, *prator polluebat*. Vide Misc. Obs. IX. 395.

CAP. 67. *Eò quòd.* Mallet Lipsius, *et eò quòd.* Acidalius, *eòque quòd.* Nihil addendum.

Tormèntis interrogarentur. Optimè emendavit Lipsius. Perperam Beroaldus et veteres, *interrogentur.*

Ausis ad Cæsarem. Faernus corrigit, *missis.* Latinè; at minimè probabiliter. *Ausus ad Cæsarem codicillos,* placet Ryckio et Ernesto, nec nobis displicet. Sic enim infra Annal. xii. 32. *non ausis aciem hostibus;* et Hist. i. 48. *stuprum ausa.* Quis tamen pronuntiet, *ausis,* Latinum non esse? Uti nollem: damnare non audeo. *An ausus codicillos.* Vide Misc. Obs. ix. 396.

CAP. 68. *Quippe aliâ parente geniti.* Locum hunc mirè sollicitant interpretes, ut Cn. Lentuli sententiæ causas extricent. Reinesius, quem Ryckius, Amelot de la Houssaie, et Gordon sequuntur, pro *aliâ* emendant, *Corneliâ,* quasi Lentulus, gente Corneliâ oriundus, bona illa fisco exempta voluerit, ut Silani filio, suoque consobрино, redderentur. Heinsius corrigit, *Æliâ,* in Sejani gratiam. Mallet Grotius, *Malliâ,* vel *Manliâ,* quòd C. Silanus Torquatam sororem habuerit. Pichena fingit Silano fuisse matrem et novercam. Freinshemius pro *aliâ* divinât, *Julîâ,* [vel *Æliâ*: posterius verum: occultè innuit, hoc datum Sejano, qui adoptione transierat in gentem Æliam. Vide Misc. Obs. ix. 396.] ut id Juliæ familiæ dignitati datum videatur. Eòdem recidit Lipsii sententia; conjiciebat, *quippe tali parente,* vel *quippe illâ parente geniti,* veluti per admirationem dictum: veterem librum Hispanum laudat, in quo non *aliâ,* sed *altâ* legebatur. Ego verò vulgatam scripturam defendi posse existimo: scilicet ubi quis miser, illi quâcumque de causâ nocetur. Piso aquâ atque igni Silano interdicendum, ipsumque relegandum censuerat; ut maximâ fortunarum parte exturbaretur, Cn. Lentulus dixit separanda Silani materna bona, quippe qui parentem, non Junîâ, sed *aliâ,* et ut videtur, Manliâ gente genitam haberet. Adnuit Tiberius in austeriora et duriora promptus, maxime cùm alii suaderent. Ad majorem historiæ lucem Silani stemma ita concinnandum mihi videtur:



De iis vide stemma Cæsarum, n. 56 et seq.

Cornelius Dolabella. Olim consulatûs collega, ut patet ex veteri lapide apud Gruterum, 176. 2.

P. CORNELIUS P. F. DOLABELLA

C. IVNIVS C. F. SILANVS FLAMEN. MARTIAL. COS.

Ex S. C.

FACIENDVM CVRAVERVNT. IDEMQVE PROBAVERVNT.

CAP. 69. *Vulgabantur.* Mallet Ernestus, *vulgarentur.* Benè, sed non necessariò, ut ipse fatetur.

Anteissent. In libris hactenùs editis, *antissent.* Illustr. Pellerius, literariæ antiquitatis et MSS. Codicum peritissimus, verè emendavit, *anteissent.* Nec magis dicendum, *antissent,* quàm *antibam, antirem.* Porro passim Tacitus, *anteibam, anteirem* scripsit: sicque ipsi poetæ: Virgil. *Æneid.* XII. 84.

Qui candore nives anteirent, cursibus auras.

Minui jura. Sic optimè emendavit Lipsius. Perperam Beroaldus aliique veteres, *minutura quotiens gliscat potestas.*

Cytheram. In MS. Flor. *Cythenum;* non verò *Cythonium,* ut scripsit Lipsius. Inde tamen fortè suspiceris, *Cythnum,* quâ de insulâ dicetur infra Hist. II. 9.

CAP. 70. *Largiretur.* Elegans, sed rarior est hæc verbi potestas. Vide Ruhnken. ad Rut. Lup. 58.

Insignitior infamiâ. Ita MS. Flor. Pichena et recentiores omnes. Perperam Beroaldus aliique veteres, *insignior.* Malè tentat Heinsius, *infamiæ.*

Egregium publicum. Legerim, et *gratiam publicam,* vel *gratiam publicam.* Rep. of Lett. for April, 1734. p. 246.

CAP. 71. *Valetudo adversa.* In editione principe hîc et alibi, sicut et passim in MSS. libris, *valitudo.* Quod sit satis monuisse.

Plusquàm binoctium abesset. Ita MS. Flor. editiones veteres et recentiores. Frustra emendat Rhenanus, *ne plusquàm binoctium abesset:* Ferretus, *dum ne plusquàm binoctium abesset: ne diebus,* &c. ætate quidem dictatoris Camilli A. U. C. 364. *Flamini Diali noctem unam manere extra Urbem nefas erat,* Livius, v. 52. Austeriore hæc lege vel antiquatâ, vel, ut solent humana omnia, saltem paululum remissâ, binoctium abesse potuit. Nunc permittitur, ut propter valetudinem adversam, pontificis maximi arbitrio, plusquàm binoctium abesse possit: dum ne diebus publici sacrificii, neu sæpiùs quàm bis eundem in annum. Si ne binoctium quidem Urbe abesse potuisset flamen, sortem Asiæ postulare nunquam ausus esset Servius Maluginensis. Vide quæ dicta sunt supra cap. 58.

CAP. 72. *Ab senatu petivit.* Ita MS. Flor. editiones veteres et recentiores. In intermediis, *à senatu.* Sic mox infra correctum, *monumenta.* In MS. Flor. et veteribus editionibus, *monimenta.*

Basilicam Pauli. Cùm L. Æmilius Paulus, Æmilii Lepidi triumviri frater, M. D. talenta, *Angl.* 337,500*l.* à Julio Cæsare, ut non adversaretur, accepisset, pecuniam illam in extruendâ basilicâ impendit, Παῦλος μὲν δὴ τὴν Παύλου λεγομένην Βασιλικὴν ἀπὸ τῶνδε τῶν χρημάτων ἀνέθηκε Ῥωμαίοις, οἰκοδόμημα περικαλλές, Appian. Bell. civil. II. p. 443. Eam perfecit et dicavit Æmilius Lepidus Paulus, Pauli filius, A. U. C. 720. quo consul fuit suffectus, Dio, XLIX. p. 416. Igni absunta fuit A. U. C. 740. ab Augusto et Æmilii amicis restaurata, Dio, LIV. p. 538. pristinum nomen

retinuit; tuncque cusus est nummus, de quo dictum in notis. M. Lepidus in nummo memoratus, Æmilii Pauli, basilicæ conditoris, nepos. postea fuit consul A. U. C. 759. Neroniano incendio iterum exhaustam restituit optimus princeps Trajanus, ut docet nummus olim è cimelio D. Rothelin: ex unâ parte, velatum caput Vestæ, retro corona, antè sinpulum: ex alterâ parte, AEMILIA REF. S. C. M. LEPIDVS, Basilica, appensis Clypeis, cum inscriptione IMP. CAES. TRAIAN. AVG. GER. DAC. P. P. REST. *Imperator Cæsar Trajanus Augustus, Germanicus, Dacicus, Pater Patriæ, restituit.* Alia fuit in iv. Urbis regione basilica, seu porticus Æmilia, quam censores Q. Fulvius Placcus et A. Posthumius Albinus, *reficiendam curârunt* A. U. C. 580. Livius, xli. 27. Plin. xxxv. 3. Quidam tertiam Basilicam Æmiliam, quæ in viii. Urbis regione quoque fuerit, obtrudunt, quam unquam extitisse meritò negant viri eruditissimi, Havercamp, in n. consul. Morel. p. 641. et le Beau, qui accuratè de his basilicis scripsit, *Mémoires de l'Académie Royale des Inscriptions*, Vol. xxiv. p. 205 et seq.

Tanta vis. Muretus addidit, *ignium*: malè. Vide Misc. Obs. ix. 396.

CAP. 73. *Ac tamen.* Ita libri veteres et recentiores. Medii quidam et pauci, *At tamen.*

Suâ populiq̃ue Romani contumeliâ. Ita Beroaldus, editiones veteres et recentiores. Operarum vitio in Aldinâ editione irrepperat, *populiq̃ue contumeliâ Romani*, quod, cùm nesciret J. F. Gronovius, quasi antiquum et magnificum defendebat. Adeò falluntur ipsæ eruditorum aures.

Ingentibus bellis labaret. Mallet Acidalius, *laboraret.* In hâc vocum similitudine facilè errare potuerunt librarii.

CAP. 74. *Tres incessus.* Emendabat Illustr. Pellicerius, *tres insessus.* Elèganter, si vox Latina sit.


In Leptitanos. Libri editi, *in Leptinos*, errore librariorum, qui maximè in Tacito voces plurimas detruncârunt. Emendandum, *Leptitanos*, nemo non videt. Idque jam monuere Freins-

hemius et Ryckius. Infra etiam Hist. iv. 50. *Leptitani* appellantur.

Tunc tripartitum. Mallet Illustr. Huetius, *tum tripartitum.*

Ac tunc Tiberius Blæso postremum. Ita ex MS. Flor. Pichena et recentiores. Perperam Beroaldus, *Blæso postremum obiere.* Ernesto aptius videtur, *at tunc, quàm, ac tunc.*

CAP. 75. *Asinius Saloninus.* Parentibus æquè ac fratribus illustris, quorum ad majorem historiæ lucem stemma hîc proponendum.



NOTÆ ET EMENDATIONES

AD LIBRUM QUARTUM ANNALIIUM

C. CORNELII TACITI.

CAP. 1. *Raptum ierit.* In Ms. Flor. *raptum perit.* Optimè Pichena, *raptum ierit.* Malè Beroaldus, *captaverit.*

Seio Strabone. Patre Sejani, quo nemo unquam extitit fortunâ et ruinâ famosior. Ejus stemma proponendum, ut quid scelera valeant, quæ fata potentiam, non suâ vi nixam, maneant, dignoscatur.

SEIUS STRABO
Eques Romanus
Uxor,
ut videtur,
JUNIA.

JUNIUS BLÆSUS
Avunculus, proconsul,
triumphalis,
imperator.

L. ÆLIUS SEJANUS
Uxor
APICATA

Fratres
consulares.
Velleius, II.
127.

Consobrini,
consulares.
Velleius, II. 127.

N. Filius.	N. Filius.	Filia.
Uxor	Tacit. Annal.	Tacit. Annal.
N. Filia	V. 9.	V. 9.

Lentuli Gætulici.
Tacit. Annal.
VI. 30.

Veno dedisse. Ita MS. Flor. Pichena, Gronovius et, recentiores. Perperam Beroaldus et veteres, *venum dedisse.*

CAP. 2. *Metus crederetur.* In MS. Flor. *credetur.* Emendabant Muretus et Grotius, *cresceret*: Mercerus, *dederetur* vel *dideretur*: Savilius, *crearetur*: Faernus, *oriretur.* Pichenæ non displicet vulgata scriptura. Si quid mutandum, Savilium sequeretur. Eadem quoque Freinshemii, Ryckii, et Ernesti sententia. [Bipontini corrigunt *inderetur*, idque adeò in contextum recipiunt. B. C. II. VI. 62. Nonne legendum *cuderetur*?]

Procul Urbis inlecebris. Licet prætoria castra fuerint ad ipsam Urbem, juxta Viminalem portam, milites tamen castris clausi, militari disciplinâ coerciti, procul Urbis illecebris, severiùs agere tenebantur.

Aut provinciis ornando. In MS. Flor. *ornandi*, quod minimè spernit Gronovius, quasi *ambitu ornandi* non cessâset Sejanus in senatu se venditare, ac gratiosum et potentem reddere. Melior videtur vulgata scriptura.

CAP. 3. *Corripere intutum.* Malè emendat Cl. de Harlay, *eripere.* *Corripere*, elegantius dicitur. Mox frustra delet, *tamen*; Gronovius conjicit, *tandem.* Nihil mutandum.

Alia abnuerit. Incassum Freinshemius, *abnueret.* Faernus, *abnuvit.*

CAP. 5. *Initio ab Syriâ.* Emendabat Muretus, *initio ab Syriæ.* Placet plurimùm, nisi fortè intelligatur, *ducto.* Ernestus existimat, *initio*, insititium esse, et corrigit, *hinc, ab Syriâ usque ad Euphraten,* &c. quod probabile non videtur. [Bipontini modestâ crisi *regio* corrigunt, nec tamen statuere volunt. Nobis in mentem venit *ditio.* B. C. II. VI. 62.]

Legionibus coercita. Ita MS. Flor. editiones veteres et recentiores. Emendatum in quibusdam intermediis, *coercitum.*

Et coloniis. Beroaldus ac veteres, *et colonis.* Verè Lipsius ac recentiores, *et coloniis.*

In iis virium. Milite stant imperia. Quænam fuerint militares Romanorum vires Tiberii ætate disquirere supervacaneum haud arbitror.

DE MILITARIBUS ROMANORUM VIRIBUS.

Tiberii ætate militares Romanorum vires constitere quinque et viginti legionibus, quæ, si ex Vegetianâ, II. 6. computatione æstimentur, efficiunt peditum 152,500
equitum 18,150

Cuique legioni sua erat vexillatio, quæ videtur fuisse circiter 1,200 hominum. Numerus itaque vexillariorum 30,000

Novem erant prætorie cohortes 9,000

Tres urbanae cohortes 4,500

Præterea "Romanus populus pro decore et utilitate magnitudinis suæ, non propter necessitatem tumultus alicujus classem parabat ex tempore: sed, ne quandò necessitatem sustineret, semper habuit præparatam," Veget. v. 1. Nec unam fingamus classem: sex habuit populus Romanus, quatuor maritimas, duas fluviatiles. Maritimæ triremibus, liburnis, navibus rostratis constabant: fluviatiles, *tusoriis*, ut eas appellat Vegetius, II. 1. Inter maritimas duæ erant primariæ et *Prætorie* ut in Inscriptionibus nominantur: altera Misenatium, Ravennatium altera: utraque singulis legionibus instructa, teste Vegetio, v. 1. Prætoriarum veluti vicariæ erant duæ aliæ maritimæ classes cum valido remigio; altera Forojulii, seu Gallica: altera in Ponto, seu Pontica, Tacit. Hist. II. 83. E fluviatilibus classibus, altera in Rheno, quam Germanicam classem appellat Tacitus, Hist. I. 58. In Danubio altera, de quâ Tacitus, Annal. XII. 30. At quot navibus, quot hominibus constarent classes illæ, haud ita compertum. Maritimas imperii vires ex Actiacâ puguâ æstimemus: ad illam convenere naves 1,200. Plusquàm quadringentas habebat Octavius, Antonius octingentas, annumeratis onerariis, Plutarch. in Anton. p. 941. Demus dimidiam tantem partem postea fuisse: sunt 600 naves; quibus si singulis 150 homines attribuamus, dant homines 90,000

Haud multò secus virium in sociorum navibus, alis et auxiliis.

Tota ergò militaris Romanorum res fuit Tiberii ætate hominum.....608,300

Computationi nostræ suffragatur Agathias, qui, cùm rei militaris incuriam in Justiniano reprehenderet, ait, Hist. Justinian. v. p. 152.

Τὰ γὰρ τῶν Ῥωμαίων στρατεύματα οὐ τοσαῦτα διαμεμενηκότα ὅποσα τὴν ἀρχὴν ὑπὸ τῶν πάλαι βασιλείων ἐξεύρηται, ἐς ἐλαχίστην δέ τινα μοῖραν περιελθόντα, οὐκ ἔτι τῷ μεγέθει τῆς πολιτείας ἐξήρκουν· δέον γὰρ ἐς πέντε καὶ τεσσαράκοντα καὶ ἑξακοσίας χιλιάδας μαχίμων ἀνδρῶν τὴν ὅλην ἀγείρεσθαι δυνάμιν, μόλις ἐν τῷ τότε εἰς πεντήκοντα καὶ ἑκατὸν περιεστῆκει. “ Romanorum exercitus non tanti, quanti olim sub veteribus imperatoribus fuerant, permanserant; sed ad minimam quandam portionem redacti, non ampliùs magnitudini imperii pares erant. Cùm enim universæ Romanorum vires sexcentis quadraginta quinque bellatorum millibus constare deberent, ægrè tum temporis centum quinquaginta millibus constabant.”

Quæ de militaribus Romanorum viribus hactenùs diximus, de pacificâ Tiberii ætate sunt intelligenda. Cùm gravia enim flagrant bella, immensa erant sociorum auxilia: legiones quoque multiplicabantur. Ante Mutinensem pugnam, in quâ Brutus et Cassius cecidere, XLIII. legiones numerat Appianus de Bell. civil. v. p. 674. XXVIII. habebat Antonius, teste eodem Appiano, ibid. Vide et Antonii nummos. Cùm latiùs imperitatum, auctior quoque legionum numerus. Triginta legiones habuit Trajanus: novas adhuc addidere M. Antonius et Severus, vide Dionem, LV. p. 564.

Incertum fuerit. Ita Lipsius et recentiores. Malè Beroaldus et veteres, *incertum fuit.*

CAP. 7. *Comi viâ.* Verè et eleganter dictum. Neque aliter Plinius, XXXV. 4. *Tiberius Caesar minimè comis imperator.* Pes-simè ergò Acidalius emendat, *cum vi.*

CAP. 8. *Quibus adprehensis.* Ita libri omnes editi. MS. Flor. *adprensis.*

Sibique et posteris conformaret. Ita MS. Flor. editiones veteres et recentiores. Lipsius, *confirmaret.*

CAP. 9. *Attus Clausus*. Sic MS. Flor. Pichena et recentiores. Beroaldus aliique veteres, *Appius Clausus*. Idem *Attus Clausus* in plurimis MSS. Codicibus appellatur infra Annal. xii. 25. et apud Livium, ii. 16. *Appius* tamen *Claudius* dicitur in MS. Reg. Codice Taciti, et in MS. nostro Livii codice, *Attius Clausus*.

CAP. 10. *Tempusque composita sint*. Ita MS. Flor. Pichena et recentiores. Beroaldus et veteres, *composita sunt*. Copulam *que* omiserat Lipsius.

CAP. 11. *Hæc vulgò jactata*. Et ipsi Orosio, vii. 4. credita. Quod quidem eò ferendum minùs, quòd ipse Tacitum legerat. Quibusdam autem hominibus commune est, ut, siquis vitiosus sit, eum statim vitiis omnibus contaminatum faciliè pronuntient, credant faciliùs. Falsâ virtutis specie, veritatem et humanitatem exuunt. Turpe et odiosum in ceteris hominibus ingenium, in scriptoribus pestiferum.

Cura nostra venerit. Ita libri omnes editi, et supra Annal. iii. 24. *Si... plures ad curas vitam produxero*. Muretus ait quibusdam in libris antiquis legi, *scripta*; et supra, *inania*, pro *immania*. Vereor ne, Ursinum imitatus, antiquos libros hîc commiscatur, ut opiniones suas approbet.

CAP. 12. *Ut superbam*. In libris editis, *ut superbiam*. Emenandum, *superbam*, optinè monuit Muretus; probavere Gruterus et Ernestus. Idque ipsa rerum series postulat.

Atque hæc callidis criminatoribus. Ita Beroaldus et veteres editiones. Lipsius verò aliter distinxit: "Atque hæc callidis criminatoribus (inter quos dilegerat Julium Postumum, per adulterium Mutiliæ Priscæ inter intimos aviæ, et consiliis suis peridoneum: quia Prisca in animo Augustæ valida) anum suapte naturâ potentiæ anxiam, insociabilem nurui efficiebat." Lipsianæ distinctioni Acidalianam conjecturam addidit Ernestus, et pro *atque hæc callidis criminatoribus*, edidit, *adque hæc callidis criminatoribus*.

Parùm probabiliter. Melior est vetus scriptura; eamque egregiâ animi sagacitate divinaverat Illustr. Huetius.

Mutiliæ Priscæ. Publiam Priscam memorat Dio, LVIII. p. 623. sed diversa videtur, licèt eandem esse existimaverit Freinshemius.

CAP. 13. *Ægiensi apud Achaïam.* In MS. Flor. *Ægiēnsi.* Unde Beroaldus aliique veteres edidere, *Æginensi.* At cùm nulla sit urbs Ægina in Achaïâ, Rhenanus aliique plurimi emendavere, *Ægirensi.* Meliùs recentiores, *Ægiensi.*

Ob atrocitatem morum. In veteribus editionibus, *ob atrocitatem temporum.* Benè recentiores, *ob atrocitatem morum.*

Carsidius Sacerdos. MS. Flor. et editiones veteres, *Carsius Sacerdos.* Rectè emendavit Ernestus, *Carsidius Sacerdos.* Idem enim est, qui infra Annal. VI. 48. *Garsidius Sacerdos* perperam dicitur. Hicque, *Sacerdos*, cognomen est, non verò dignitatis appellatio. Vide et veterem lapidem apud Gruterum, p. 767. n. 10.

CAP. 15. *Lucilius Longus.* Ita MS. Flor. et mox, *Lucilius Capito*, ut docet Jac. Gronovius. Perperam Beroaldus et veteres, *Lucillius Longus*.... *Lucillius Capito.*

CAP. 16. *Confarreatis parentibus.* Confarreationis cærimonias egregiè illustrant excerpta è Servio MS. in I. Georgic. ab erudito Petro Pithæo laudata, in Mosaycarum et Romanarum legum collatione, Tit. XVI. “Tribus modis apud veteres nuptiæ fiebant; usu, si verbi gratiâ, mulier anno uno cum viro, licèt sine legibus fuisset: farre, cùm per pontificem maximum et Dialem flaminem, per fruges et molam salsam conjungebantur, unde confarreatio appellatur, ex quibus patrini et matrini nascebantur.” Idem Servius in IV. Æneid. “Quòque omnis iste mos coemptionis et citra nominis nuncupationem dotis datæ taxatione expediretur, quæ res in manum conventio dicitur, subjunxit.

Dotalesque tuæ Tyrios permittere dextræ.

Quid est enim aliud dextræ, quàm in manum convenire? Quæ

conventio eo ritu perficitur, ut, aquâ et igni adhibitis duobus maximis elementis, natura conjuncta habeatur: quæ res ad farreatas nuptias pertinet, quibus flaminem et flaminicam jure pontificio in matrimonium necesse est convenire." Et paulo pòst, "mos apud veteres fuit flamini ac flaminicæ, ut per farreationem in nuptias convenirent, sellas duas jugatas ovili pelle superinjectâ poni ejus ovis quæ hostia fuisset, et ibi nubentes, velatis capitibus, in confarreatione flamen ac flaminica residerent. Ait igitur," locavi, "locata enim uxor dicitur, quòd simul cum eo sedeat dum confarreatur. Confarreationes autem tonitru dirimit." Cetera matrimonia, ut observat Pithæus, ex XII. tabulis facilè dissolvebantur, muliere domo exactâ, et res suas habere jussâ, clavibusque ademptis. Farreatæ verò nuptiæ non dirimebantur nisi diffarreatione, id est, solenni sacrificio, libo farreo adhibito, et præsentibus decem testibus. Vide Festum verbo, *diffarreatio*, et eruditum Brissonium, *de Ritu nuptiarum*, p. 9 et 10. Hic itaque videre est confarrectorum patrum, et farreatarum nuptiarum ritus. Ut verò nihil difficultatis supersit, tota Tiberii oratio paucis explananda. Disservit itaque Cæsar, "patricios confarreatis parentibus genitos, tres simul nominari, ex quibus unus legeretur, vetusto more; neque jam adesse, ut olim, eam copiam, omissâ confarreandi aduetudine aut inter paucos retentâ: plures ejus rei causas esse; potissimam verò, penes incuriam virorum fœminarumque. Accedere ipsius cærimonix difficultates, quæ consultò vitantur: præterea eum, qui id flaminium adipisceretur, quæque in manum flaminis conveniret, è jure patrio exire. Veteri quidem, sed durissimæ consuetudini mœdendum senatûs decreto, aut lege. Sic Augustum quædam ex horridâ illâ antiquitate, ad præsentem usum flexisse." . . . Tractatæ sunt religiones: placuit instituto flaminum nihil demutari. Sanctum tamen flaminicam Dialem sacrorum causâ in potestate viri futuram, cetera promiscuo fœminarum jure acturam. In oratione Tiberii, *et quandò exiret*, id est, *et quia exiret*. Nihilque hic truncum ac mutilum, ut volebat Lipsius.

CAP. 18. *Silio et*, quòd. Ita meritò distinxere Acidalius et Ernestus. In veteribus libris, *Silio, et quòd*.

CAP. 19. *Sacrovir diu dissimulatus.* Explicatio Illustr. Huetii, licèt minimè probabilis, haud tamen silenda. “Vulgò,” inquit, “exponunt, objectum est illi quòd Sacroviri rebellionem diu dissimulâsset. Quid si ita interpretemur, quòd adversùs Sacrovirum rem præclarè gessisset, diu id dissimulârunt accusatores, ne favorem reo conciliarent? Tantùm arguebant avaritiam in victoriâ, et Sosiæ uxoris sordes.” Hæc quidem ingeniosa esse nemo inficiabitur. Jac. Gronovius, ut nescio quid venustatis sectetur, novam distinctionem inducit, “coguntur patres. Silente reo, vel si defensionem cœptaret, non occultante, cujus irâ premeretur, conscientia,” &c.

CAP. 20. *Sed liberalitas.* Ryckio videtur hæc fuisse Taciti mens, “Tiberium in hâc Silii condemnatione recessisse primùm ab imitatione abstinentiæ et liberalitatis Augusti, qui non sustinuerat nec ex bonis illorum, qui damnati erant, capere, si hi liberos haberent; nec ex testamentis amicorum, qui parentes essent.” Existimat “igitur senatusconsulto omnia bona Silii confiscata. Cùm verò quarta illorum pars, ex lege Juliâ majestatis, accusatoribus deberetur, hinc in duodecim quasi uncias hæc dividi debebant, ut illis quadrans, seu tres uncia darentur; dodrans verò, seu novem uncia redigerentur in fiscum. Quod cùm nunc primùm fuerit executioni mandatum in casu quo damnatus liberos relinqueret, exclamat Tacitus,” sed liberalitas Augusti avulsa, computatis singillatim, quæ fisco petebantur. In hâc explicatione nihil nativum: eamque confutat vel una vox *singillatim*. Nec audiendus Lipsius, qui ea de *Augusti*, id est, *Tiberii* liberalitate accipit, quasi tunc *avulsa*, aut ut corrigit, *convulsa* fuerit Tiberii, adversùs pecuniam antea satis firmi, liberalitas. Hæc dura, nec ex usu Taciti, qui Tiberium nunquam Augustum appellavit. Potior est vulgata interpretatio, Freinshemio, Huetio, Ernesto, aliisque plurimis probata.

Secundum necessitudinem legis. Quæ sit lex illa haud ita constat. De lege majestatis interpretatur Lipsius, satis probabiliter. Ab illâ quartâ parte honorum pro accusationis præmio acceptâ, accusatores dicti sunt quadruplatores. At invalescente

accusationum rabie, majoribus præmiis dignitatibusque aucti. Eos tandem undique et quasi latrones nefariè grassantes repressit vel pessimus Princeps Domitianus, cujus hæc meliori Principe digna vox, **PRINCEPS, QUI DELATORES NON CASTIGAT, IRRITAT.** De delatorum præmiis eorumque coercionem vide eruditum Brissonium, *Selectæ ex jure civil. Antiq.* III. 17.

Cavendum senatusconsulto. Hæc de re legem latam esse quadriennio antè, *Cottâ et Messalâ Coss.* tradit Ulpianus de *Offic. procons.* At vel errat, vel potiùs errârunt librarii, et corrigendum, *Cottâ Messalino consulente*, ut monuit eruditissimus Cujacius, observat. VI. 30. Vide quæ dicta sunt supra *Annal.* III. 33.

CAP. 21. *Pisonem Q. Granius.* Ita Lipsius et recentiores. Corruptè Beroaldus et veteres, *Pisonemque gravius.*

CAP. 23. *Ubi impetrando.* Ita Lipsius et recentiores. Malè Beroaldus, *sub impetrando.* In mediis quibusdam editionibus, *sibi impetrando.*

Raptabat Africam. Sic Beroaldus, et optimæ notæ editiones. In editione Gryphii et quibusdam aliis, *reptabat.*

CAP. 24. *Primo sui incessu.* *Sui*, deletum vult Acidalius; vel mutatum in *statim.* Benè: sed vulgata scriptura nihil peccat.

Aut tribunis. Ita MS. Flor. Jac. Gronovius et recentiores. Beroaldus, *ac tribunis*,

CAP. 25. *Dejectis circum stipatoribus.* Ita Gronovius et recentiores. Beroaldus, *delectis.* Emendabat Mercerus, *disjectis: Pichena, deletis.*

Et effusis. Tentat Lipsius, et *offusis.*

CAP. 27. *T. Curtisius.* Mallet Reimesius, *Curtilius*, quòd quidam *Curtilius* memoretur apud Tullium ad Attic. XI. Ep. 6. apud Tacitum *Annal.* XIII. 56. Levior hæc mutationis causa.

Calles evenerat. Ita MS. Flor. Editiones veteres, et inter

recentiores Ryckius ac Gronovius. Lipsius et quidam alii emendant, *'cales*, quasi quæstor Lupus provinciam *Caleticam* obtinuerit. Nota quidem urbs Cales, nunc *Calvi*, de quâ infra Annal. vi. 15. At de *Caleticâ* provinciâ nihil unquam auditum : nec juvat fingere, cum vulgata scriptura minimè sit absurda.

Cæptantem cum maximè. Ita MS. Flor. Rhenanus et recentiores. Malè Beroaldus, *tum maximè*.

Ob multitudinem familiarum. Scipio Africanus, tot bellorum superstes et victor, missusque ut regna adsignaret, quinque tantum servos habuerat : ipse Julius Cæsar in Britanniam cum mille navibus trajecturus, tres solum servos habere voluit. At Romæ tandem eò prorupit luxus, ut infinita esset familiarum multitudo : “inter Romanos plurimi habebant Mancipiorum decem aut viginti millia, atque etiam plura ; nec utilitatis ac quæstus causâ, quam ob rem Nicias Græcorum ditissimus servos olim comparaverat, verum ut anteambulones et pedissequos ostentarent.” *Ῥωμαίων ἕκαστος . . . πλείστος ὅσους κεκτημένος οἰκέτας· καὶ γὰρ μυγίους καὶ δισμυγίους, καὶ ἔτι πλείους δὲ πάμπολλοι κέκτηνται, οὐκ ἐπὶ προσόδοις δὲ ὥσπερ ὁ τῶν Ἑλλήνων ζάπλουτος Νικίας· ἀλλ’ οἱ πλείους τῶν Ῥωμαίων συμπεριόντας ἔχουσι τοὺς πλείστους.* Athenæus, vi. p. 272 et 273.

CAP. 28. *Nomen utrique Vibius Serenus.* MS. Flor. *nomen virique.* Infeliciter emendaverat Beroaldus, *nomen viri Q. Vibius Serenus.* Verè Lipsius, *nomen utrique Vibius Serenus.* Frustra J. F. Gronovius, *nomen utrisque Quintis Vibis Serenis.*

Inducti sunt : ab exilio. Addebat Acidalius, *inducti sunt : stabant ab exilio.* Mutabat Ernestus, *inducti : stabat ab exilio.* Nihil novandum. Assumptâ Pichenæ correctione, quâ sunt mutatur in *senex*, totum locum ita constituunt editores Bipontini :—*in inducti. Senex præparatur. Adolescens cet.* Probabilis correctionis ratio uberius explicatur in notis adjectis ad calcem secundi voluminis. Dubitatio de verbo *perorare* ita tollitur, ut doctè ostendatur, illud nonnumquam idem valere ac simplex *orare.* B. C. II. vi. 62, 3.

Missos in Galliam. Ita MS. Flor. editiones veteres et recentiores. In intermediis additum, *missosque.*

CAP. 29. *Arcesserentur.* Beroaldus, *accerserentur.* De his verbis aliàs dicitur.

CAP. 30. *Claudendum censere.* In MS. Flor. et editionibus veteribus ac recentioribus, *censeret.* Unde emendabat Muretus, *cùm Gallus....censeret.* Mallent Illustr. Huetius et Ernestus, *censuerat.* Aliquid omissum existimabat Freinshemius, et corripiebat, *Gallus Asinius Gyaro, Cotta Donusâ claudendum censuere.* Meliùs Lipsius, *censere.* Nec, *censeret,* nisi ex librariorum errore, superioreque verbo, *molliret,* profectum.

CAP. 31. *Ob rem judicandam.* Ita editiones veteres et recentiores. In quibusdam intermediis, *judicatam.*

Indicio perculerat. Malè Beroaldus, *judicio.* Verè Lipsius et alii plurimi, *indicio,* ut videre est ex *Annal. 11. 27.*

CAP. 32. *Veteres populi Romani res.* Mallet Freinshemius, *veteris.* Rectè utrumque.

Rerum motus oriuntur. Tentat Lipsius, *rerum monitus oriuntur.* Non displicet vulgata scriptura.

CAP. 33. *Et consociata.* MS. Flor. *consciata.* Beroaldus et veteres, *constituta.* Divinabat Jac. Gronovius, *concinuata.* Benè Ernestus, *consociata.*

Aliâ re Romanâ. Beroaldus et veteres, *alia rerum.* Infelici-ter emendabat Ryckius, *alio rerum.* Optimè Lipsius, *aliâ re Romanâ.* Olim scriptum, *aliâ re rom;* Inde natum, *alia rerum.*

Easdem exitu causas. Mallet Pichena, *easdem exitii causas,* ut majestatis lex indigitetur. Nec spreverim, nec probaverim.

Panem vel infamiam. Beroaldus et veteres, *infamias.* Rectè Lipsius, *infamiam.* Videtur enim olim fuisse scriptum, *infamiâ:s,* ex sequente voce, *subiere,* arcessitum.

Ut nimis ex propinquo diversa arguens. Beroaldus et veteres, *ut animus ex propinquo:* eamque scripturam retinent, duo literarum decora, Petavius ac Huetius; quam tamen haud satis probabilem faciunt, licèt hic de lectorum animo intelligat, *qui res temporibus suis adeò propinquas, à rebus tamen suis adeò diversas,*

tamque præcellentes invitus agnoscit: ille verò comparisonem instituat, remque totam ita explicet: Etiam gloria ac virtus infensos habet, quemadmodum bonorum virorum, dum vivunt, animus alios offendit, quia vitia illorum ex propinquo oppositus arguit. Verè Muretus, Lipsius, Gronovius, Ernestus et alii, *ut nimis ex propinquo.* Aliter verba nihil Corneliani sonant.

Ad incæpta redeo. Ita libri omnes editi, vel *incepta.* Corruptè MS. Flor. *ancepto.* Tentabat Jac. Gronovius, *ad cæpta.*

CAP. 34. *Asinii Pollionis scripta.* Historiarum Romanarum libros XVII. scripsit, teste Suidâ in Ἀσίννιος.

Rescriptâ oratione. In quâ “ magnam criminum vim in Catonem congegissit. Libello Anticatonii titulum fecit.” Ἐγραψεν οὖν πολλάς τινὰς κατὰ τοῦ Κάτωνος αἰτίας συναγαγὼν τὸ δὲ βιβλίον Ἀντικάτων ἐπιγέγραπται. Plutarch. in Jul. Cæs. p. 753.

Namque spreta exolescunt. Emendabat Muretus, *nam quæ spreta exolescunt.* Elegantissimè, sed non necessariò.

CAP. 35. *Ne victor quidem.* Optimè Ernestus. In veteribus editionibus, *nec victor quidem,* obvio librariorum errore.

Occultati et editi. Mallet Vertranius, *et abdit.* Minimè ex usu Taciti, qui nusquam inanibus verbis ludit. Tentat Ernestus, *redditi.* Meliùs, sed sine acumine.

Punitis ingeniis. Servitute deteruntur ingenia, vigent libertate, licentiâ corrumpuntur, quam nisi arctioribus legum vinculis coerceas, atrociam in scelera erumpit. Inde severissimæ illæ gentium omnium adversùs ingeniorum licentiam leges; quas ut novâ auctoritate confirmemus, haud piget eam ex MS. nostro veteri Basilicorum glossario sententiam afferre, Ἰστέον δὲ ὅτι καὶ οἱ τὰ φάμοσα ποιοῦντες, καὶ οἱ εὐρίσκοντες, καὶ οἱ ἀναγινώσκοντες, καὶ μὴ παραχρῆμα διαῤῥηγνύντες, κεφαλικῶς τιμωροῦνται. “ Sciendum est eos qui famosos libellos componunt, inveniunt, legunt, nec statim dilacerant, esse capite puniendos.” Quæ dicta sint, non in Cremutium Cordum, fortissimum Sejanianæ insolentiæ vindicem, sed adversùs licentiosos religionis et humanitatis, patriæ ac Principis hostes. Suidæ quoque memorantur φάμωσσα. Ipsisque XII. Tabulis,

quæ perpaucas res capite sanxerant, edictum: "Si quis occentasisit malum carmen, sive condisit, quod infamiam faxit flagitiumve alteri, capital esto." Egregièque dixit Julius Paulus sentent. v. Tit. 4. "Interest enim publicæ disciplinæ, opinionem uniuscujusque turpi carminis infamiâ vindicare." Vide et codicem ix. Tit. 36.

CAP. 36. *Præfectum Urbis*. Ita MS. Flor. et libri omnes editi. Ursinus ex fictitio suo MS. codice laudat, *Urbi*.

Objecta publicè Cyzicenis. *Publicè*, non ad *objecta*, sed ad *Cyzicenis*, refert Ernestus, id est, *Cyzicena civitati*.

CAP. 38. *Ut majoribus meis*. Pro ut tentat Ernestus, si vel *ubi*. At optimis scriptoribus probatum, ut pro *dum*, *dummodò*. Si quid novandum, potiùs adderem, ut *me majoribus meis dignum*. *Me* potuit facilè excidere; potest quoque intelligi.

Pro sepulcris. Frustra tentat Ernestus, pro *sepultis*. Sepulcris destinantur, æquè ac sepulcra spernuntur.

Et Deos ipsos precor. In MS. Flor. et *Deos et Deos ipsos*. Beroaldus et veteres edidere, et *Deos et Deas ipsas*. Meliùs Pichena et recentiores omisere, et *Deas*. Ab oscitante enim librario geminatum, et *Deos*: plurima id genus exempla suppeditant MSS. Codices. Quantum licèt conjicere, *Deos Deasque*, non verò, *Deas ipsas*, dixisset Tiberius.

Quandòque. Ita MS. Flor. Jac. Gronovius et recentiores. Beroaldus et vèteres, *quandòcumque*. Latine quidem. Sed æquè Latine, *quandòque*.

Prosperam sui memoriam. Eleganter dictum. Malè tentat Cl. Chiffletius, *posteram*.

CAP. 39. *Nimiâ fortunâ socors*. Mallet Lipsius, *vecors*. Nihil mutandum.

Benevolentia. Beroaldus, *benivolentia*. Rectè utrumque: *piùs, benevolentia*, occurrit.

CAP. 40. *Istum intrâ locum sistere.* Pessimè quidam tentant, *subsistere.*

Qui, te invito, perrumpunt. Verè et eleganter dictum. Frigidè et obscurè emendat Boxhornius, *qui te invita præferunt*, id est, ut ipse explicat, *qui te, reluctantè quanquam animo, sibi præferunt, æstimant, colunt.*

CAP. 41. *Non jam de matrimonio.* Ita Muretus et recentiores. Beroaldus aliique veteres, *non tam.*

Ac ne adsiduos. Mallet Muretus, *ac ne aut adsiduos.*

Verâ potentiâ augere. Emendat Rhenanus, *augeri.* Muretus, *veram potentiam.* Ryckius, *vera potentiæ.* Omnes Latinè. Sed nec satis antiquè, nec satis Cornelianè. Haud aliter Sallustius, Frag. Hist. p. 947. “Ceterùm illi, qui gentis Æmiliæ benefacta extollebant, et ignoscendo populi Romani magnitudinem auxisse,” id est, auctam esse, “nusquam etiam tum Lepidum progressum aiebant.” Et Cato apud Gellium, XVIII. 12. “Eodem convenæ complures ex agro accessitavere: eò res eorum auxit.” Unde meritò Gellius, “Id quoque habitum est in oratione faciendâ elegantiae genus, ut pro verbis habentibus patiendi figuram, agentia ponerent: ac deinde hæc vice inter se mutuâ verterent.”

CAP. 42. *Cunctantem jam Tiberium.* Tentat Muretus, *nutantem.* Mallet Ernestus, *dubitantem*; at ipse fatetur, *cunctantem*, rectè dici pro *dubitantem*: ut apud Suetonium in Domit. II. “Patre defuncto, diu cunctatus an duplum donativum militi donaret.”

CAP. 43. *Diana Limnatidis.* In MS. Flor. *Liminatidis*, unde Gronovius et recentiores edidere, *Limenatidis*. Beroaldus aliique veteres, *Limenetidis*. Optimè monuit Lipsius emendandum *Limnatidis*, ut patet ex Strabone, in notis jam laudato, et ex Pausaniâ, IV. 4. p. 287. in Messen. “Ἔστιν ἐπὶ τοῖς ὄρεσι τῆς Μεσσηνίας ἱερὸν Ἀρτέμιδος, καλουμένης Λιμνάτιδος· μετεῖχον δὲ αὐτοῦ μόνοι Δωριέων, οἳ τε Μεσσηνιοὶ, καὶ οἱ Λακεδαιμόνιοι.” In Messeniorum

finibus est Dianæ cognomento Limnatidis templum commune solis Doriensium Messeniis et Lacedæmoniis." De hoc templo sæpe Pausanias in Laconic. III. 2. p. 208. In Messen. IV. 31. p. 356. In Achaic. VII. 20. p. 575. Quantum ex Pausaniâ assequi licet, templum illud Dianæ Limnatidis, castellumque Limnæ haud procul fuere à loco, qui nunc dicitur Zarnata, *near the Gulf of Coron in the Morea*.

Suoque regi Dentheliatem agrum. Corruptissimè ediderat Beroaldus, *suoque recident Heliatem agrum.* Ex veteri scripturâ rectè emendatum, *regi Dentheliatem agrum.* Delthanii enim, vel potiùs Denthallii, ut dictum in notis, "urbs, una ex iis de quibus inter se pugnabant Messenii ac Lacedæmonii," *Δελθάνιοι, πόλις, μία τῶν περιμαχήτων Μεσσηνίων καὶ Λακεδαιμονίων*, Stephanus, de Urbib. Tentaverat Lipsius, *regi Penthilo Eleatem agrum*, vel *regi Pentheo.* Mercerus, *regi dein Thuriatem agrum.* Meursius, *Delthematem agrum.*

Quòd si vatum, Annalium, ad testimonia. Corrigit Lipsius, *quòd si vatum, atque annalium testimonia.* Gruterus, *vatum annaliumque testimonia.* Certè melius esset, *quòd si ad vatum annaliumque testimonia vocentur*, vel *quòd si vatum, annalium, testimonia advocentur.* Nihil tamen mutatum volui. *Vatum*, de poetarum carminibus, non de oraculis accipe.

Montem apud Erycem. In libris editis, *montem apud Erycum.* Emendandum, *Erycem*, verè monuit Lipsius, ut patet ex Melâ, II. 7. Plinio, III. 8. Apud Tullium quidem in Verr. II. 8. legitur quoque, *Erycum.* Sed optimis editoribus minimè probatum. Alii emendant, *Erycium*; alii, *Erycinum.*

Vetustate dilapsam. Benè Ernestus, *dilapsam.* Malè Beroaldus et veteres, *delapsam.*

CAP. 44. *Innocenter paratæ.* Ita MS. Flor. Beroaldus, Pichena et recentiores. In Lipsianis editionibus, *partæ.*

Ipsè electus. Ita Beroaldus et veteres omnes. In recentioribus editionibus, *delectus.* Benè quidem. Sed nec malè, *electus.*

Cui minor Antonia. Malè emendat Jac. Gronovius, *cui minori*, quasi puero adhuc Domitio promissa fuerit Antonia.

CAP. 47. *Donec exercitus.* In libris hactenus editis legitur: at Sabinus, *donec exercitus in unum conduceret, datis mitibus responsis, dum Pomponius Labeo è Mæsiâ cum legione, rex Rhæmetalces cum auxiliis popularium, qui fidem non mutaverant, veniret, additâ præsentî copiâ ad hostem pergit.* Nemo non videt hæc omnia disjecta esse, nec sibi cohærentia. Idem fermè Flor. MS. Codicis vitium; ex quo tamen non nihil lucis haurire possis: *dati mitibus responsis, quam Pomponius Labeo è Mæsiâ cum legione, rex Rhæmetalces cum auxiliis popularium qui fidem non mutaverant, venire.* Si enim, duce Jacobo Gronovio, veteris scripturæ vestigia persequamur, patet emendandum, *postquàm Pomponius Labeo.... venîre.* Deinde si superiora, *donec exercitus in unum conduceret, datis mitibus responsis,* parenthesi concluderis, nihil superest difficultatis: sana omnia, omnia Corneliana.

Magna vis armata, aut incondita. Muretus omittebat, *armata.* Emendabat Rhenanus, *at.* Nulla mutandi necessitas.

• *Persultabant.* In Lipsianis editionibus, *præsultabant.*

Crebra et inulta vulnera. Malè in posterioribus Lipsii editionibus, *et multa.*

CAP. 49. *Raptis opulenti.* Ita MS. Flor. Pichena et recentiores. Malè Beroaldus et veteres, *rapti opulentiâ.* In Lipsianis editionibus, *capti.*

Non degrediebantur. Ita MS. Flor. Pichena et recentiores. Corruptè Beroaldus, *digrediabatur.* Alii, *digrediebantur.*

Simul equi, armenta. MS. Flor. *simul eque.* Beroaldus et veteres, *simul æquè.* Meliùs Lipsius et recentiores, *simul equi,* emendavere.

Malum extremum. Mallet Lipsius, *malorum extremum.*

CAP. 51. *Trusere in summa castelli.* Ita MS. Flor. Jac. Gronovius, Ernestus, et recentiores. Beroaldus et veteres, *ad summa.*

CAP. 52. *Recens Pratura.* Frustra tentat Heinsius, *recens pratura.*

Cælesti sanguine ortam. Malè emendat Gronovius, *ortos*.

Ideo lædi. Ita Beroaldus et veteres. At MS. Flor. *ñ ideo lædi.* Unde divinabat Pichena, *num ideo lædi, quia non regnaret?* At hæc interrogantis sunt, non admonentis. Ernestus et recentiores, *non ideo lædi, quia non regnaret*, nullo sensu. Vel dicendum, *ideo lædi, quia non regnaret; vel, non ideo lædi, sed quia non regnaret.*

Οὐ διὰ τοῦτο πεινῆν, ἀλλ' ὅτε μὴ τυραννοῖ.

Morum famâ. Ita editio princeps, aliæque veteres. Fortè operarum vitio, in quibusdam recentioribus irrepsit, *morum formâ.*

CAP. 53. *Esse in civitate, qui Agrippinam Germanici conjugem.* Locum hunc ita restituendum, in notis diximus. Aliter Petavius; sed minùs probabiliter, *neque aliud probis, quàm ex matrimonio solatium esse in civitate: Germanici conjugem, ac liberos ejus recipere dignaretur.* Rutgersius, Acta erudit. Lipsiens. ann. 1699. p. 370. *ex matrimonio solatium esse. In orbitate Germanici conjugem ac liberos &c.* Franciscus Malherbe, *habilem adhuc juventam sibi, neque aliud probis quàm ex matrimonio solatium in eâ ætate. Germanici conjugem ac liberos recipere, vel respicere dignaretur:* quæ quidem conjectura, licèt Gevartio, Elect. III. 3. summoperè laudata, à primigeniâ scripturâ, Agrippinæ Tacitique mente, plurimùm discedit. Verùm, cùm adseverat Gevartius Agrippinam, mulierem animosam et arrogantem, nunquam adeò demissè et abjectè de se sensisse, ut diceret aliquos fortè non defuturos in civitate, qui ejus connubium rejecturi non essent, non adtendit vir eruditus atroces animos et Principibus insensos, esse subditis molles ac faciles: nec conjugem tantùm, sed dominationis æmulum, ipsamque rempublicam, peti. Quod apprimè sensit Tiberius, princeps perspicacissimus.

CAP. 55. *Distantia inter se.* Ita MS. Flor. Jac. Gronovius et recentiores. Beroaldus et veteres, inverso ordine, *inter se distantia.*

Halicarnassii. MS. Flor. *Alicarnassii*, quod immeritò defendit Jac. Gronovius.

CAP. 56. *Smyrnam in concionem nuntiatum.* Quidam, *Smyrnæ*: alii, *in concione*. Vetus scriptura retineri potest, si *nuntiatum* pro *perlatum* accipiatur, ut animadvertit Pichena.

Prætulere. Ita MS. Flor. Jac. Gronovius et recentiores. Beroaldus ac veteres, *prætulerunt*. Hæc quidem minutula pudet scribere: scribenda tamen, ne negligentiae temeritatisve reus videar.

CAP. 57. *Corporis quoque habitum.* Verborum ordinem è MS. Flor. benè refinxit Ernestus. In vulgatis libris, *quoque corporis habitum*.

Ulcerosa facies. Non faciem tantum, sed totum Tiberii corpus ulcerosum fuisse docet Julianus, in Cæsaribus, p. 309. Τρίτος ἐπεισέδραμεν αὐτοῖς Τιβέριος, σεμνὸς τὰ πρόσωπα, καὶ βλοσυρὸς; σώφρων τε ἅμα, καὶ πολεμικὸν βλέπων. Ἐπιστραφέντος δὲ πρὸς τὴν καθέδραν, ὥφθησαν ὡτειλαὶ κατὰ τὸν νῶτον μυρίαι, καυτῆρές τινες, καὶ ξέσματα, καὶ πληγαὶ χαλεπαὶ, καὶ μώλωπες, ὑπὸ τε ἀκολασίας καὶ ὠμότητος ψῶραί τινες, καὶ λειχῆνες, οἷον ἐγκεκαυμένοι. “Tertius accessit ad ipsos Tiberius, gravis vultu, et truculentus aspectu, simulque prudens, ac militariter intuens. Quo ad cathedram converso, sese oculis obtulerunt cicatrices à tergo infinitæ, ulcerationes quædam, ac maculæ, plagæ graves et vibices, lepra quædam et lichene ex intemperantiâ et cruditate quasi inustæ.” Hæc omnia ad cutis vitia, ulcerososque morbos, non verò ad luem veneream, traxerim, ducibus eruditis medicis Ricardo Mead, *Medica sacra*, p. 6. et Johanne Astruc, de morbis venereis, l. 3 et 4. Libidinis verò, vel in ipsâ senectute, ita immodicus fuit Tiberius, ut in Atellanico exodio, plaudente populo, *hircus vetulus* dictus fuerit, Sueton. in Tiber. XLV. Appellatus quoque à Juliano, loc. cit. *senex satyrus*, ὁ γέγων οὕτως ὁ Σάτυρος.

Medicaminibus interstincta. Formula medicamenti, ad illos Tiberii herpetas præscripta, extat apud Galenum, de composit. medicament. per genera v. 12. Vol. XIII. p. 794. Edit. Char-

terii. Πρὸς ἑρπητας ὁ Τιβερίου Καίσαρος. ἂ διφρυγῶς, μηχανείου, σχιστῆς, ἀκκίας ἀνὰ οὐγγίας γ' ὄξει, ἢ ὕδατι ἀναλαμβάνων, χρῶ. "Ad herpetas Tiberii Caesaris, ἂ Diphrygis, Meconii, Aluminis fissi, Acaciæ, singulorum uncias tres aceto vel aquâ diluens, utitor."

CAP. 59. *Adsimulabatque. Ineleganter Faernus, adsumebatque. Erectum et fidentem animi.* Malè tentat Pichena, *animum.* Intelligendum, *se*, ut jam aliàs monuimus.

CAP. 60. *Falsùm renidens vultu.* Optimè distinxere Beroaldus et Lipsius. Malè plurimi, *falsum renidens vultu, seu loqueretur, seu taceret. Juvenis crimen ex silentio, ex voce.*

Promptior Neroni erat. Nonnulli mallent, *pronior.* Ita quidem vulgò dicimus: an ita quoque Tacitus?

CAP. 62. *In sordidâ mercede.* Mallet Pichena, *in sordidam mercedem.* Sic olim scriptum fuisse probabilissimum videtur.

Virile ac muliebre secus. Ita MS. Flor. Jac. Gronovius et recentiores. Perperam Beroaldus et veteres, *virilis ac muliebris sexus.* Quàm multa antiquitatis et Romanæ linguæ monumenta obliteravit hoc insanabile emendandi cacoethes! Minimè tamen insolens id dicendi genus. Sic enim Sallustius, Frag. Hist. II. p. 960. "Magna gloria concurrentium undique virile et muliebre secus, per vias ac tecta omnium visebatur." Livius, XXVI. 47. "Liberorum capitum virile secus ad decem millia capta." Ipseque Priscianus, v. de generibus, masculinum est.—"Sexus, quamvis Plautus et hoc sexus, hujus sexi, neutro genere protulit in Rudente. Virile sexus numquam ullum habui." Ita libri edita, et antiquissimus noster MS. Codex Prisciani.

Præceps trahit. Ita MS. Flor. veteres editiones et recentiores. In quibusdam intermediis malè emendatum, *in præceps trahit.*

CAP. 64. *Claudiæ Quintæ.* Ita MS. Flor. Malè Beroaldus *Quintia.* *Quinta*, vel *Quinta* ex ordine nascendi dicebatur, ut rectè observat Lipsius ex Cicerone de Senect. XI. "Quatuor

robustos filios, quinque filias, tantam domum, tantas clientelas, Appius regebat, et senex, et cæcus."

CAP. 65. *Cæle Vibennâ*. Scribendum, *Cæle*, mons *Cælius*, ut patet ex tabulâ Lugdunensi, non verò *Cæle*, *Cælius*.

Auxilium ad bella ductavisset. In MS. Flor. et editione principe, *auxilium appellatum tavisset*; corruptè. Aldus, *appellitavisset*; malè, cùm antè, *appellitatum*, dictum fuerit. Ceteri libri editi, *appellatum ductavisset*; durè, nec Cornelianè: quis unquam ferat, *auxilium appellatum ductavisset*? Frigidè etiam diceretur, *appellatus ductavisset*; nec probabiliter, cùm superius sit, *appellitatum*. Paulo meliùs *appellatum* esse insititium et omittendum existimabat Lipsius. At feliciter emendavit Vertranus, *ad bella ductavisset*, obvio scioli librarii, qui *adpella*, mox *adpellatum* scripsit, errore.

CAP. 66. *Adversum casum*. Frustra tentat Muretus, *adversis casuum*.

CAP. 67. *Villarum nominibus*. Acquieveramus, cum Gronovio et Ernesto, in voce *nominibus*, ut essent villæ celebres pristinis possessoribus vel nominibus Deorum. Neque tamen absurdè Bipontini reponere tentant *montibus*. B. C. II. VI. 63.

Occultos in luxus. Ita optimè emendavit J. Fr. Gronovius. Perperam in libris editis, *tanto occultior in luxus, et malum otium resolutus*. Posset fortè conjici, *tanto occultior in luxus, et in malum otium resolutus*. At potior est Gronoviana emendatio.

CAP. 68. *Silio Nervâ*. Mallet Perizonius, *Siliano Nervâ*, quòd patre Silio natus, à Nervâ fuerit adoptatus. De his plura, Annal. xv. 48.

Titio Sabino. Ita quoque Plinius, VIII. 40. in emendatissimâ Harduini editione.

Petitus Rufus. Ita editiones veteres. Lipsius et recentiores, *Petilius*. At cùm in antiquis inscriptionibus apud Gruterum memorentur *Petitus*, *Peticus Rufus*, nihil mutandum.

CAP. 69. *Ortæ suspicionis erat.* Ita Rhenanus et recentiores In MS. Flor. et veteribus editionibus, *ortæ suspensiones erant.* Mallet Ernestus, *metu vel metui visûs, sonitûs, aut fortè ortæ suspensiones erant.* Meliùs Rhenanus.

Tectum inter et laquearia. Domus Romanorum, ut et nunc nostra palatia, ornatae erant laquearibus, *ceilings*; inter laquearia et tectum est vacuum spatium, ut, si quid est vitii in laquearibus, emendetur; et pro domorum altitudine spatium illud quatuor quinqueve pedes altum est. Tale spatium videre est Parisiis in palatio Luxemburgensi, aliisque. Hæc est turpis latebra, quâ sese abstruserunt senatores.

Quanto mæsta. Sic editiones veteres et recentiores. In intermediis, *quandò.* MS. Flor. corruptè, *qaranto.*

CAP. 70. *Kalendis Januariis.* Beroaldus et veteres, *Kal. Januarias.* MS. Flor. *Januarius.* Verè recentiores, *Kalendis Januariis.* Kalendæ Januariæ apud Romanos, ut apud nos, erant mutuis salutationum officiis celebres. *Primùm,* inquit Plinius, *xxviii. 2. anni incipientis diem latis precationibus invicem faustum ominamur.* Jano quoque litabant,

Auspiciis epulisque sacris,

teste Prudentio contra Symmach. i. 233.

Non imprudentem. Ita Lipsius et recentiores, præter Jac. Gronovium, qui ex MS. Flor. codice, quem per fas et nefas pro more suo defendit, retinet, *non prudentem.*

Punivissent. Non in unum Sabinum, sed in ejus quoque servitia sævitum esse memorabili exemplo tradidit Plinius, viii. 40. "Super omnia in nostro ævo actis populi Romani testatum, Appio Junio et P. Silio coss. cùm animadverteretur ex causâ Neronis, Germanici filii in Titium Sabinum, et servitia ejus, unius ex his canem nec à carcere abigi potuisse, nec à corpore recessisse, abjecti in gradibus gemitoriis, mæstos edentem ululatus, magnâ populi Romani coronâ: ex quâ cùm quidam ei cibum objecisset,

ad os defuncti tulisse. Innatavit idem, cadaver in Tiberim abjecti sustentare conatus, effusâ multitudine ad spectandum animalis fidem."

CAP. 71. *Cunctationes Principis operirentur*. Locum hunc non infeliciter vertit Davanzati: "Ma Sejano il mitigò: non per giovare a Gallo, ma perchè il Principe desse fuori mai più que' nomi, sapendo con che tuoni, e folgori di parole, e fatti, da quel nugoloso petto scoppierebbe la sobbollita ira.

In insulam Trimetum. MS. Flor. et libri editi, *Trimerum*. Freinshemius, *Tremetum*.

CAP. 72. *Postquàm non subveniebat*. Ita MS. Flor. Beroaldus, veteres plurimi, Gronovius et Ernestus. Minutianus verò, Lipsius et recentiores nonnulli, *subveniebatur*. Nihil mutandum, tum ob veterum librorum auctoritatem, tum ex sententiâ Petavii, qui ita scribit: Lipsius corrigit vel *subveniebatur*, vel *nemo subveniebat*. Ego, *subveniebat*, retineo, ut questus subaudiatur.

CAP. 73. *Canninefatem*. Sic MS. Flor. et veteres editiones. Recentiores verò, *Caninefatem*. In Inscriptionibus apud Gruterum, Reinesium, et Gorium appellantur CANNANEFATES. CANONEFATES. CANANIVATES. Memoratur quoque Plinio, IV. 15. insula *Cannunefatum*. De his plura Alting Germ. inf. Antiq. p. 25. Fortè scripserat Tacitus, *alam Canninefatum*, ut apud Gruterum, p. 385. n. 1.

M. HELVIVS M. F. CLEMENS

PRAEF. EQ. ALAE PRIMAE CANNANEFATVM.

Pellunt turmas sociales. Ita Rhenanus et recentiores. Mallet Jac. Gronovius, *pellunt vi*; sic enim habet MS. Flor. In editionibus veteribus, *pelluntur*.

Alarius eques immissus. Sic emendavit Freinshemius, quem recentiores omnes meritò sunt secuti. Perperam Beroaldus et veteres, *acriùs eques*. Alarius eques sociorum erat, et diversus ab

equitibus legionum, ut patet ex hoc Taciti loco, et ex Livio, XL. 40. qui *legionarios equites* et *alarios equites* memorat, ipsosque legionarios, *Romanos equites* appellat. Eos quidem fuisse equestris ordinis minimè dixerim; at cives Romanos esse existimo. Diu quidem legiones equitibus caruere; sed postea, *proprios et sibi insitos equites legionarios, iisdem matriculis* tenuere, Veget. II. 2. Nec probabilis videtur Cl. Ernesti sententia, istis temporibus equitatum omnem è sociis constitisse.

CAP. 74. *Degressi sunt.* Ita Ernestus et recentiores. Beroaldus verò et veteres, *digressi sunt.* *Digredi* est propriè, “alium in locum abire.” Vide supra cap. 49.

Donec idque vetitum. Fortè, *id quoque.*

NOTÆ ET EMENDATIONES

AD LIBRUM QUINTUM ANNALIIUM

C. CORNELII TACITI.

CAP. 1. *Rubellio et Fusio Coss.* Malè Beroaldus, *Fusio*. *Rubellius* quoque dictus est *Lucius*, non verò *Caius*, ut vulgò creditur. Sic enim in veteri inscriptione apud Muratori, Nov. Thesaur. Inscr. Vol. i. p. 301. n. 4.

C. FVFIO GEMINO Cos.

L. RVBELLIO GEMINO Cos.

Utrique Geminus. Cl. Burmannus emendat, *Geminis*. Latinè: sed non necessariò. Supra Annal. iv. 28. *nomen utrique Vibius Serenus.*

Cum artibus mariti. Dio, LVIII. p. 662. Πυθόμενου τέ τινος αὐτῆς (Λιουΐας), πῶς καὶ τί δρῶσα οὕτω τοῦ Αὐγούστου κατεκράτησεν, ἀπεκρίνατο, ὅτι αὐτὴ τε ἀκριβῶς σωφρονοῦσα, καὶ πάντα τὰ δοκοῦντα αὐτῇ ἡδέως ποιοῦσα, καὶ μήτε ἄλλο τι τῶν ἐκείνου πολυπραγμονοῦσα, καὶ τὰ ἀφροδίσια αὐτοῦ ἀθύσματα μήτε διώκουσα, μήτε αἰσθάνεσθαι προσποιουμένη. “ Interroganti cuidam Liviam, quomodò Augustum ita sibi obsequentem reddidisset, respondit: exquisitâ pudicitîâ, omnia

ejus mandata lubenter exsequendo, nullas ejus res scrutando, lusus ejus venereos non tantùm non insectando, sed penitus dissimulando.”

Funus ejus modicum. Sueton. in Tiber. LI. “Toto quidem triennio, quo, vivente matre, abfuit *Tiberius*, semel omninò eam, nec ampliùs quàm uno die, ac paucissimis vidit horis, ac mox, neque ægræ adesse curavit, defunctamque, et dum adventûs sui spem facit, complurium dierum morâ, corrupto demum et tabido corpore funeratam prohibuit consecrari.”

CAP. 2. *Celestis religio.* Inde falsitatis arguas nummum æreum, magni moduli, à Morellio, Thes. Num. Vol. I. p. 477. editum. S. P. Q. R. DIVAE IULIAE AVG. DIVI FIL. Bigæ mularum cum thensâ. In posticâ parte. TI. CAESAR DIVI AVG. F. AVGVST. P. M. TR. POT. XXIII. In medio, S. C. id est, *senatus pòpulusque Romanus divæ Juliae, Augustæ, divi filiae. Tiberius Cæsar, divi Augusti filius, Augustus, pontifex maximus, tribuniciæ potestatis anno quarto et vigesimo*, U. C. 782. *Senatusconsulto.* Quod negaverat Tiberius, tribuit Claudius, teste Suetonio in Claud. XI. “*Aviæ Liviae divinos honores, et circensi pompâ currum elephantorū Augusteo similem decernendum curavit.*” Tunc cusus Musei Theupolitani, Vol. I. p. 388. nummus: DIVVS AVGVSTVS, capite radiato. Ex alterâ parte, DIVA AVGVSTA, Livia sedens, dextrâ rārum, sinistrâ hastam tenet.

CAP. 3. *Urgens dominatio.* Ita editiones veteres et recentiores. Malè Lipsius, *vergens dominatio.* *Urgens*, id est, *gravior. Et cohibitas.* Frustra tentat Acidalius, *sed cohibitas.*

CAP. 4. *Componendis patrum actis.* Sunt veluti quædam rerum humanarum vicissitudines, quibus circumactis, iidem fermè hominū, ingeniorum et eventorum ordines revolvuntur. Nihil igitur ad præsentis futuriq̃ prudentiam, præteriti scientiâ aptius, nihil magis necessarium. Inde apud gentes omnes invaluit Actorum usus; et, si literarum rudes essent, cantibus aliisve signis veterem memoriā consecrāvere. Ut mos ille, apud Romanos pervulgatus, illustretur, pauca Lipsii exemplo disserendum.

DE ROMANORUM ACTIS.

Cùm adhuc raræ essent literæ, numerus A. U. C. clavo, quem prætor maximus, aut dictator, in æde Jovis figebat, fuit consignatus, Liv. v. 11. 3. In hac tantâ hominum ruditate, necdum enatâ quævis scribendi, seu mentiendi, libidine, cavebatur tamen ne vetus memoria periret: "Pontifex maximus res omnes singulorum annorum mandabat literis, efferebatque in album, et proponebat tabulam domi, potestas ut esset populo cognoscendi," Cicero de Orat. II. 12. Hæc primæva Acta; ob scriptorum dignitatem *Annales maximi* appellati, et à rerum Romanarum initio ad Mutii Scævola pontificis maximi mortem, seu A. U. C. 672. continuati. Tunc valescentibus vitiis, legum, rogationum, consiliorum multitudine copiosiora fuere Acta. Julius Cæsar, ut animos quâdam libertatis et gloriæ imagine ludificaret, "primus omnium instituit, ut tam senatûs, quàm populi diurna acta conficerentur, et publicarentur," Sueton. in Jul. xx. Augustus Julio, virtute, non dominationis cupidine, inferior, occultisque artibus potiùs, quàm animi excelsitate, imperium retenturus, auctor fuit "ne acta senatûs publicarentur," Sueton. in Aug. xxxvi. Augusti cœpta prosecutus est Tiberius, semper obscurus, et servituti imminens. Fortè etiam sanxit ut senator, à se delectus, Acta senatûs componeret, Tacit. Annal. v. 4. de rebus quoque in Acta publica referendis omittendisve pronuntiavit, Dio, LVII. p. 617. Pristinæ tamen memoriæ retinendæ minimè incuriosus, cùm Actorum publicorum partes periissent, aut vetustate fermè vanescerent, quæ extarent à tribus senatoribus describi, cetera conquiri jussit A. U. C. 769. Dio, LVII. p. 613.

Quatuor itaque fuere apud Romanos Actorum genera. Primum Principis, Sueton. in Domit. xv. Alterum senatûs, Tacit. Annal. v. 4. Duo postrema, populi: publica scilicet, Tacit. Annal. XII. 24. diurna, Tacit. Annal. XIII. 31. Res leviores, ludos, quotidianos

Urbis nuntios continebant Diurna; et per provincias, per exercitus à curiosis et otiosis legebantur, Tacit. Annal. xvi. 22. Publicorum Actorum non una species, sed pro rerum varietate et multitudine multiplex. In iis enim scripti dies natales, Sueton. in Tiber. v. nuptiales, Juvenal. Satyr. ii. 36. emortuales, Dio, xlvii. p. 330. res illustres, artium miracula, Dio, lvii. p. 617. casus singulares et inauditi, Plin. viii. 40. Præterea Acta erant *municipalia*, *præsidialia*, Brisson. de Verb. signific. *oppidana* etiam, Sueton. in Caio, viii. Actis illis conficiendis aderant scribæ, ut patet ex Pisano Lucii Cæsaris monumento, quod emendatissimum edidit Cl. Gori. Inscript. Antiq. Vol. ii. p. 10. Apud eundem, Vol. i. p. 308. in marmore veteri memoratur Cn. Sentius patronus DECVRIAE SCRIBAR. CEREARIOR. ET LIBRARIOR. id est, *Scribarum*, *Cereariorum*, qui ceratas tabellas curabant, et *librariorum*. Iis, ut videtur, præerant Romæ, senatores; in provinciis, magistratus.

Quandòque Germanici. Quanto magis de hoc Taciti loco, ab omnibus conclamatum, tanto magis nostram, si quâ valemus, industriam in illo experiri decet ac juvat. Hæc verò editio princeps, *disserebatque brevibus momentis summa verti posse quandòque Germanicis Titium pænitiæ senis.... Simul populis*, &c. Ita quoque MS. Flor. sed in *Germanicis* et *Titium*. *G* et *T* non majusculæ, at communes sunt literæ. Malum celavit potius, quàm sanavit Rhenanus, cùm correxit, *brevibus momentis summa verti posse, dandumque interstitium pænitiæ senis. Simul populus*, &c. Plurima etiam peccat, tum quòd, *interstitium* vox sit Macrobiana, Corneliani ævi auribus insolens, in novum adhuc sensum detorta; tum quòd mutetur, *quandòque*, omittatur *Germanicis*, lacuna sileatur. Inde sanè optimi editores Ryckius, Jac. Gronovius et Ernestus, cùm hæc probare non possent, nec meliora viderent, malucere mutilam et hiuleam MS. Flor. codicis scripturam retinere. Tentavit tamen Ernestus, sed omnino infelicitè, *dandumque in Germanicis spatium pænitiæ senis*. Quis ferat unquam, *in Germanicis*? Nec felicior Heinsius, *dandumque domui Germanici interstitium pænitiæ senilis*. Miror hoc placuisse Grævio, qui, mutato *senilis*, *senis* retinebat. Post irritos tot erudi-

torum virorum conatus veterem scripturam meditati mihi hæc non modò potior, sed etiam certissima visa est emendatio: *disserebatque brevibus momentis summa verti posse, quandòque Germanici stirpem, ubi spatium pœnitentiæ senis, resurgere. In eâ enim plurimùm veteris scripturæ; ipsa est Taciti mens ac Latinitas: lacuna expletur. Quandòque hîc usurpatur, ut supra Annal. I. 4. duobusque insuper adolescentibus, qui rempublicam interim premant, quandòque distrahanť.*

Festisque in Cæsarem ominibus. Mallet Acidalius, faustisque. Nihil tamen mutaverim.

Principis ab senatu: descivisse. Ita optimè distinxit Lipsius. Perperam Beroaldus et veteres, principis: ab senatu descivisse populum.

CAP. 6. *Ob amicitiam accusari. Boxhornius omittit, accusari: mox emendat, amicum accusari. Pessimè. Vide supplementum, cap. 46.*

Anteibo periculum. Libri omnes editi, anteibo periculum. De hoc verbo jam dictum supra Annal. III. 69.

Quàm lati. Vulgò diceremus, vos obtestor, ut memoriam nostri lati potiùs, quàm per mærorem, retineatis. Nihil tamen peccat vulgata scriptura, ut placet Boxhornio.

CAP. 7. *Ut cuique adsistere. Malè Vertranius, ut cuique adstitere. Boxhornius, ut cuique adstiterat.*

Cùm in Blæsum. Mallet Lipsius præpositionem, in, omitti. Eam Gronovius meritò tuetur auctoritate Livii, XXVII. 1.

CAP. 8. *Ælii Galli. Sic optimè emendavit Lipsius. Æliæ enim gentis cognomen Gallus. Perperam Beroaldus, Veliî Galli.*

CAP. 10. *Elapsum custodiam. Beroaldus et veteres, lapsum custodiæ. Rhenanus et è recentioribus plurimi, elapsum custodiâ. Ernestus, elapsum custodiæ. Rectè corrigitur, elapsum; excidit, è, ob præcedentem vocem, quippe. Placet quoque, custodiam; sic enim supra Annal. I. 61. pugnam aut vincula elapsi: et infra Hist. III. 59. Custodias Vitellii elapsum.*

Solertius interrogatum....dixisse. Ita MS. Flor. editiones veteres et recentiores. Malè in intermediis, *ibi demum cognoscit.* *Solertiùs interrogato, quisnam foret? dixit se M. Silano genitum.*

Neque nos originem finemve. Dio et Zonaras, ut oculatiores videantur, fingunt mendacia. Ac primò quidem Dio, LVIII. p. 637. ait hæc contigisse A. U. C. 787. Vitellio et Persico consulibus, Drusumque occupaturum fuisse exercitus, nisi si quis eum agnitum detinuerat, et ad Tiberium miserat, ἐς τὴν Συρίαν προχωρήσας τὰ στρατόπεδα κατέσχευ, εἰ μὴ γνωρίσας τις αὐτὸν κατέσχε, καὶ πρὸς τὸν Τιβέριον ἀνήγαγεν. Eadem exscribit et mendaciis exornat Zonaras, Vol. 1. p. 551. Καὶ ἐδέξαντο αὐτὸν ἀσμένως αἱ πόλεις, καὶ καὶ ἐς τὴν Συρίαν προχωρήσας κατέσχε τὰ στρατόπεδα, εἰ μὴ τις ἐπιγνοὺς αὐτὸν συνέλαβε, καὶ πρὸς τὸν Τιβέριον ἤγαγεν· ὁ δὲ ἐν Ἀντίῳ τοὺς τοῦ Γαίου γάμους ἐώρταζεν. “Cupidè à civitatibus exceptus, et in Syriam usque progressus, legiones etiam subornâsset, nisi à quodam agnitus et captus, ad Tiberium, Caii nuptias Antii celebrantem, perductus esset.” Nuptiæ Caii celebratæ sunt A. U. C. 788.

NOTÆ ET EMENDATIONES

AD LIBRUM SEXTUM ANNALIUM

C. CORNELII TACITI.

LIBER VI. In veteribus editionibus hic liber cum superiore conjungitur.

CAP. 1. *Consulatum inierant.* In appellandis hujus anni consulibus summa scriptorum varietas. Idacius, Fastique Vindobonenses, *Arruntio et Ahenobarbo*. Suffragatur Suetonius in Othone, 11. "Otho imperator quarto Kalendas Maii natus est, Camillo Arruntio, Domitio Ahenobarbo consulibus." Panvinus verò consules ordinarios fuisse, *Domitium Ahenobarbum* et *A. Vitellium* perperam existimavit: siquidem Vitellius fuit tantum suffectus, ut patet ex Nolanâ Tabulâ apud Gruterum, p. 1087. n. 1.

CN. DOMITIUS AHENOBARBUS Cos.

SVF. KAL. IVL. A. VITELLIVS Cos.

Potior Taciti et Dionis, LVIII. p. 631. auctoritas, Cl. Norisio in Epist. Consul. Col. 864. Vol. 11. Oper. et eruditissimis omnibus probata.

In propinqua degressus. Ita Ernestus et recentiores. In veteribus editionibus, *digressus*. De his verbis dictum Annal. IV. 74.

CAP. 2. *Tamquam referret.* Optimè Lipsius et recentiores. In MS. Flor. *tam referret.* Malè Beroaldus et veteres, *tum retulere Scipiones. Hæc et Sillani.* Acidalius omittit, *tum retulere.* Tentat Salinerius, *tum referre Scipiones:* Boxhornius, *jam refertur.*

Grates benevolentia. Beroaldus, Gronovius et recentiores, *gratis.* Edidi, *grates,* ne lector offenderetur. De veteri scripturâ sæpe dictum supra. Lipsius et alii plurimi, *gratias.*

CAP. 3. *Neque dicta imperatoris.* Ita libri omnes. Lipsius mallet, *dicta non imperatoris:* Rhenanus, *dicta nisi imperatoris.* Grotius delet vocem, *imperatoris.* Nihil peccat vulgata scriptura. *Sextium Paconianum.* Beroaldus et veteres, *Sestium Pagonianum.* At infra cap. 39. memoratur, *Sextii Paconiani exitus.*

Concepta pridem odia. Optimè emendavit Lipsius. Perperam Beroaldus et veteres, *concepta per idem odia.*

CAP. 4. *Accusator ac reus.* Benè Lipsius. Malè Beroaldus, *accusator acrius.* In aliis veteribus editionibus, *accusator Acrius.*

Præbatur. Mallet Muretus, *præbebant.* Nihil tamen mutaverim.

Noxiam conscientia. Ita MS. Flor. editiones veteres et recentiores. Rhenanus, *noxam conscientia.* Mallet Muretus, *noxæ conscientiam.* Pichena, *noxiam conscientiam.* Nihil novandum.

Inter ganeam. Ita MS. Flor. et recentiores editiones. Beroaldus verò et veteres, *ganeum.*

CAP. 5. *Quasi incestæ virilitatis.* C. Cæsar meritò dicitur, *virilitatis quasi incestæ:* quippe qui sororem suam *Drusillam* vitiâsse virginem, *prætextatus adhuc,* credebatur, Sueton. in Caio, XXIV. Mallet Lipsius, *quasi incertæ virilitatis;* frigide, et parùm Cornelianè. Ut locus in verbis habeatur, existimat Freinshemius Cottam Messalinum argui, quòd *Caïam Casarem,* quasi incestæ virilitatis dixerit. Sic fermè vertit Cl. Gordon, *as that he had called Caius Caligula by the feminine name of Caia Caligula, and branded him with constuprations of both kinds.* Ego à veteri scripturâ sine necessitate minime discesserim.

Querensque de potentiâ. Ita MS. Flor. editiones veteres et recentiores. Malè Lipsius et alii nonnulli, *querentemque*. Frustra quoque tentatum, *dixisset, addidisset*, pro *dixisse, addidisse*.

Neque cuncta à primoribus. Ita MS. Flor. Jac. Gronovius et recentiores. Perperam Beroaldus, *neque cunctatus*: Lipsius *contatiùs*. Ridiculè tentat Jac. Gronovius, *illos quidem senatus, me autem? Tuebitur Tiberiolus meus me: quæ cuncta*. Pichena verò et Freinshemius mallent, *eaque cuncta*. Quod tamen vix probaverim: nec enim ita indiligens Tacitus, ut scripserit, *eaque cuncta . . . iisque instantibus*. Si quid mutandum, mallem, *atque cuncta*. Græcorum more dictum, *cuncta revincebatur*. Primores civitatis non revincebant cuncta, quæ obiciebantur, ab eo fuisse prolata.

CAP. 6. *Firmare solitus.* Sic infra cap. 50. *Macroni firmavit*. Frustra tentat Muretus, *affirmare solitus*.

CAP. 7. *C. Cestium patrem.* Mallet Lipsius, *prætorem*. In veteribus editionibus, *Castium*. Infra cap. 31. et à Plinio, XXXIV. 8. *Cestius* appellatur.

Quaquâ de re. Ita editiones veteres et recentiores. In intermediis, *quâque*. Quàm effræna fuerit hæc accusandi rabies docet Seneca de Beneficiis, 111. 26. "Cœnabat Paulus prætorius in convivio quodam, imaginem Tiberii Cæsaris habens, ectypâ, et eminente gemmâ. Rem ineptissimam fecero, si nunc verba quæsierò, quemadmodum dicam illum matellam sumisisse. Quod factum, simul et Maro, ex notis illius temporis vestigatoribus, notavit. At servus ejus cui nectebantur insidiæ, ei ebrio anulum extraxit. Et cùm Maro convivas testaretur, admotam esse imaginem obscænis, et jam subscriptionem componeret: ostendit in manu suâ servus anulum. Si quis hunc servum vocat, et illum convivam vocabit."

Destinare properat. Muretus ac Lipsius tentant, *poterat*.

CAP. 8. *Sed Claudiæ et Juliæ.* In MS. Flor. veteribusque editionibus, et *Claudiæ et Juliæ*: fortè non vitiosè. At clariùs, *sed Claudiæ*; nec immeritò Lipsio et recentioribus editoribus, si

Jac. Gronovium exceperis, probatum. Bipontini at emendârunt, et in contextum receperunt.

CAP. 9. *Et Vinicianus.* Ita MS. Flor. Pichena et recentiores, ipseque Dio, LX. p. 674. Perperam Beroaldus alique veteres, et *Vicinianus.*

CAP. 10. *Quà occupandæ.* Tentabat Pichena, quia occupandæ. Melius Illustr. Huetius, quæ occupandæ. Minimè tamen displicet vulgata scriptura.

Vesularius Atticus. Supra Annal. II. 28. *Flaccus Vesularius* appellatur. Fortè, damnato Curtio Attico, novum cognomen sibi adscivit. Certè non hîc cum Pichenâ et J. Fr. Gronovio emendandum, *Flaccus Vesularius*, refragantibus MS. Flor. et veteribus omnibus libris.

Rhodum secuti. Mallet J. Fr. Gronovius, *Rhodum secutis.* Nihil mutandum.

L. Piso Pontifex. Lipsius et Muretus errorem ex notis suspicantur: scribendumque, *L. Piso P. F.* id est, *Præfectus Urbi*, valdè probabiliter existimant. Suffragantur Velcius, II. 98. Seneca, Ep. LXXXIII. Plinius, XIV. 22. Suetonius in Tiber. XLII. quibus omnibus *Præfectus Urbi*, non *Pontifex*, dicitur. Pisonem quemdam, à L. Pisone omnino diversum, post morem Tiberii Urbi præfectum memorat Josephus Antiq. Jud. XV. II. 6. n. 10. si in nomine nihil fuerit erratum.

CAP. 11. *Viginti per annos.* Sueton. in Tiber. LXII. “*Tiberius* in castris tiro etiam tum, propter nimiam vini aviditatem, pro Tiberio, Biberius: pro Claudio, Caldius: pro Nerone, Mero vocabatur. Postea princeps in ipsâ publicorum morum correctione cum Pomponio Flacco et Lucio Pisone noctem continuumque biduum epulando potandoque consumit: quorum alteri Syriam provinciam, alteri præfecturam Urbis confestim detulit, codicillis quoque jucundissimos et omnium horarum amicos professus.” Cum Pomponius Flaccus, ex Annalibus, II. 66. non videatur fuisse Syriæ prætor nisi post A. U. C. 782. existimant

Lipsius, Norisius aliique nonnulli, Pisonem non *viginti per annos*, sed *per decem* tantum Urbi præfuisse. Malè tentat Ernestus, *XV. per annos*. Aut emendandum, *decem per annos*: aut, *viginti per annos*, retinendum, et rotundè accipiendum. Suffragari mihi videtur Plinius, xiv. 22. si quis ad ejus verba, et Tiberii ætatem attenderit.

CAP. 12. *A Quintiliano*. Ita MS. Flor. et editiones veteres. In recentioribus, à *Quinctiliano*.

Caninius Gallus, quindecimvir. In MS. Flor. *quindecimvirum*, id est, è numero *quindecimvirorum*. Forma quidem dicendi non omnino insolens, ut patet ex Hist. i. 31. neque tamen ita elegans, ut *castitatem Taciti susdeque habitam* à Beroaldo aliisque, qui edidere, *quindecimvir*, queratur Jac. Gronovius, iræ et convitiis ridiculè intemperans.

Sanxisse Augustum. Suetonius in Aug. xxxi. "Postquam verò pontificatum maximum, quem numquam vivo Lepido auferre sustinuerat, mortuo demum suscepit, *Augustus*, quidquid fatidicorum librorum Græci Latinique generis, nullis vel parùm idoneis auctoribus vulgò ferebatur, supra duo millia contracta undique cremavit: ac solos retinuit Sibyllinos: hos quoque delectu habito: condiditque luobus forulis auratis sub Palatini Apollinis basi." Quàm verò privatim haberentur docet Dio, liv. p. 533. Καὶ τὰ ἔπη Σιβύλλει, ἐξίτηλα ὑπὸ τοῦ χρόνου γεγονότα, τοὺς ἱερέας αὐτοχειρίᾳ ἐκγράψασθαι ἐκέλευσεν, ἵνα μηδεὶς ἕτερος αὐτὰ ἀναλέξηται, "Cum libri Sibyllini vetustate exolescerent, *Augustus* A. U. C. 736. pontificibus negotium dedit, ut suâ manu eos describerent, ne quis alius eos legeret."

CAP. 13. *Neque segniùs*. Lipsius mallet, *neque sequiùs*, vel *neque seciùs*. Plus vis et elegantix, si retineatur, *segniùs*.

CAP. 14. *Sanè is repertus*. Optimè Mercerus et recentiores. Corruptè Beroaldus et veteres, *sanus repertus*.

CAP. 15. *Admodum vagis*. Frustra tentat Lipsius, *vanis*. *Curiam ingraleretur, petivit*. Ita editio princeps et libri omnes

editi. Ab Ernesto (fortè tamen operarum error est) omissum, *petivit*. Idem Cl. Lallemant, Ernesti assecla, omisit.

Ambigens patriam. Malè tentat Rhenanus, *ambiens*.

CAP. 16. *Vetus urbi fœnebre malum.* Fœnebre malum, vetus Urbi; imperiis omnibus, nisi sapientissimis legibus coerceatur, commune et luctuosum, nobis, ut hic Taciti locus illustretur, expendendum.

DE FÆNORE ET USURA APUD ROMANOS.

Ex summâ conditionum inæqualitate exortum est apud Romanos fœnebre malum, tantoque acriùs invaluit, quòd auctoritas penes locupletes esset, omniaque ex eorum libidine agitantur. Laboranti populo subvenire leges; sanctumque duodecim tabulis A. U. C. 303. “ne quis unciario fœnore ampliùs exerceret,” Tacit. *Annal.* vi. 16. atque ut pejorem civem ostenderent fœneratorem, quàm furem, “posuerunt furem duplo condemnari, fœneratorem quadruplo,” Cato de Re Rustic. proœm. Ex his Taciti et Catonis verbis, in Tabulâ III. hanc legem scripsit Cl. Gothofredus, *Fragment. XII. Tabul. SI QVIS UNCIARIO FÆNORE AMPLIUS FÆNERASIT, QVADRVPLIONE LVITO.*

Hâc quidem lege iisque temporibus, satis locupletibus, plurimùm pauperibus consulebatur. At cùm gravissimis, ac maximè pecuniosis malis difficillima sint remedia, mox abrogatis decenviris, recrudit locupletium aviditas: et populo patientiam indidere, popularia vitia, imbecillitas, egestas, futuri incuria. Tum, pro cupiditate, quæ duriùs sævit, cùm paululum retardata, atrociùs exercitum est fœnus.

Populus verò nunquam validior, et violentior, quàm cùm oppressus magis: ne in seditiones erumperet, lex XII. tabularum renovata est A. U. C. 397. “C. Marcio, Cn. Manlio consulibus de unciario fœnore à M. Duilio, L. Mœnio, tribunis plebis rogatio

est perlata," minimè læta patribus: eam plebs cupidè scivit, cupidius accepit. Livius, vii. 16.

At populus, quanto felicitatis rarior, tanto intemperantior, et locupletibus semper infensus, fœnus adhuc imminutum voluit. Et A. U. C. 407. "T. Manlio Torquato, C. Plautio consulibus, semunciarium tantum ex unciario fœnus factum," Livius, vii. 27.

Tum votorum immodicus, et successu ferox, non modò se locupletibus æqualem fecit, sed omnia etiam damna in eos recidere voluit. A. U. C. 412. L. Genucius, tribunus plebis, tulit ad populum, "ne fœnerare liceret, Liv. vii. 42. De hæc quoque lege Appianus, Bell. Civil. i. p. 382. Νόμου τινὸς παλαιοῦ προαγορεύοντος μὴ δανείζειν ἐπὶ τόκοις, ἢ ζημίαν τὸν οὕτω δανείσαντα προσόφλιν. Ἀποστραφῆναι γάρ μοι δοκοῦσιν οἱ πάλαι Ῥωμαῖοι, καθάπερ Ἕλληνες, τὸ δανείζειν, ὡς καπηλεύειν, καὶ βαρὺ τοῖς πένησι καὶ δύσερι, καὶ ἐχθροποιόν· ὃ λόγῳ καὶ Πέρσαι τὸ κιχρᾶσθαι, ὡς ἀπάθηνον τε καὶ φιλοψευδές·

"Lege quâdam vetere imperante ne quis fœneraretur, vel fœneratores multari. Mihi enim videntur prisci illi Romani, sicut et Græci, abhorruisse à fœnore, ut à sordidâ negotiatione, pauperibus et miseris gravi, atque inimicitiarum fœcundâ. Persis quoque visum est fœnus, fraudis et mendacii plenum."

Hæc quidem sancita sunt, cùm angustissima esset res Romana, exiguis prædiis, paucò ære contenta, sine peregrinis commerciis, sine auro et argento. At demum, gliscente ambitione, victoriâ duce, magistrâ cupiditate, paupertatis rusticæque severitatis pudum est, et Romanas inter artes maxima fuit ars fœneratoria. A. U. C. 654. Valerius Flaccus "creditoribus quadrantem solvi" jussit, Velleius, ii. 23. Asellio, prætor, à fœneratoribus interemtus est A. U. C. 665. quòd legem, "ne fœnerare liceret," revocare vellet, Appian. Bell. Civil. i. p. 382.

Gravia olim et odiosa nomina, *semunciarium*, *unciarium fœnus*, eviluerè. Tritæ verò ac familiares usuræ *ex quincunce*, *ex semisse*, *ex deunce*, *centesima*, *centesima quaterna*, atque etiam cùm *anatomismo*. Hæc fœnoris et usuræ portenta genuit respublica, aluit imperium. Et, ut malarum omnium sobolum est natura, in parentum interitum adolevere. Hæc enim unica fuit tum reipublicæ, tum imperii ruinæ causa, venalis libertas, venalis dominatio.

Nunc, ne quid lector desideret, funesta fœnoris nomina superant explicanda.

FŒNUS { Semunciarium, *a half per cent.*
 { Unciarium, *one per cent.*

USURA { Triens, *three per cent.*
 { Quadrans, *four per cent.*
 { Quincunx, *five per cent.*
 { Semis, *six per cent.*
 { Bes, *eight per cent.*
 { Deunx, *eleven per cent.*
 { Centesima, *twelve per cent.*
 { Centesima quaterna, *forty eight per cent.*

ANATOCISMUS, *compound interest.*

Et concedente. Mallet Pichena, *eo concedente.*

CAP. 17. *Duas quisque fœnoris.* Frustra tentat Muretus, *patrimonii pro fœnoris.* Licet enim Suetonius in Tiber. XLVIII. dixerit, “cùm per senatusconsultum sanxisset, ut fœneratores duas patrimonii partes in solo collocarent, debitores totidem æris alieni statim solverent,” nihil tamen mutaverim. Sed, *patrimonium et fœnus pro pecuniâ, sub fœnore positâ, sunt accipienda.*

Mercandis agris condiderant. Salmasius mallet, *in mercandis agris condiderant*, id est, *collocaverant.* Verior est Pichenæ ceterorumque omnium explicatio, *ut agros mercarentur pecuniam suam condiderant, seu abdiderant.*

Præceps dabat. Ursinus, Muretus, Acidalius, corrigunt *in præceps*, malè. Vide Annal. IV. 62. “immensamque vim mortalium spectaculo intentos, aut qui circùm adstabant, *præceps* trahit.”

“mox in sublime citatos

Cernua subjectum dare *præceps* corpora in annem.”

Auson. *Mosel.* 271.

Vide Misc. Obs. x. 192.

CAP. 19. *Aurariasque ejus.* Malè emendat Faernus, *argentarias ejus.* Muretus delet particulam, *que*; meritò quidem. Certè redundat. Haud ita probabiliter emendat Nic. Heinsius, *magnitudinem pecuniæ malo vertisse aurariasque, eas, quamquam publicarentur, sibimet Tiberius seposuit.*

Jacuit immensa strages. Huc fortè spectant verba Suetonii in Tiber. LXI. "Nemo punitorum non et in Gemonias abjectus, uncoque tractus. Viginti uno die abjecti tractique sunt: inter eos pueri et fœminæ." Corruptum esse numerum, *Viginti*, existimat Lipsius, substituitque ∞ , id est, *mille*: quod parùm probabile videtur. De hâc immensâ stragè vide Dionem, LVIII. p. 630. Plurimos ab ipsis tribunis plebis et consulibus è Tarpeio saxo fuisse præcipitados docet. Pudorem simul ac humanitatem exue- rant, servilibus animis infames.

Aut aggerati. Ita MS. Flor. editiones veteres et recentiores. In intermediis, *aggregati.*

Vi metûs. Rectè dictum. Nec tentandum cum Lipsio et Freinshemio, *vi, metu.*

CAP. 20. *Qualem in diem Tiberius induisset.* Malè libri editi, *qualem diem.* Divinabat Vertranius, *qualem die.* Verè illustr. Huetius, *qualem in diem.* Brotier et Bipontini non satis percepisse videntur elegantiam J. F. Gronovii, qui libb. editorum scripturam tuetur observatione imitationis Homericæ, quâ Tacitus expressit nobile illud dictum, Od. Σ. 135, 6. *Induisset*, quod nos quidem non repudiamus; non tamen repugnamus, si quis ad exemplum Homericum mutet in *induxisset.* B. C. II. VI. 64.

Thrasyllum. Veteres libri, *Trasullum.* Benè Dio, L. p. 556. Θράσυλλον.

CAP. 21. *Super tali negotio.* In MS. Flor. *super ta negotio.* Libri editi, *super negotio.* Pichena conjecit, *super tali*, vel *super eo negotio.* Meliùs, *tali.*

Dein pavescere. MS. Flor. *pavescere.* Inde conjiciebat Jac. Gronovius, *pavescens.* Rectè quoque, *pavescere.*

CAP. 22. *Creberrimè tristia*. Beroaldus et veteres, *creberrima et tristia*. Omnino emendandum, *creberrimè tristia*, pronuntiat Freinshemius, suffragatur Ernestus. Jac. Gronovius tentat, *creberrima tristia*. Gronovium secutus est Cl. Lallemand. Plus veteris scripturæ et *εὐφωλίας* esse in *creberrimè* existimo.

Quam ubi elegeris. Frustra tentat Ernestus, *quam ubi feceris*, vel *quam ubi decenteris*. Haud ineleganter, *quam ubi elegeris*; licet prius dictum, *electionem vitæ*.

Non eximitur. Ita MS. Flor. editiones veteres et recentiores. In paucis Rhenani et aliorum editionibus, *eximi*.

Et antiqua ætus. Ita MS. Flor. editiones veteres et recentiores. In intermediis omissum, *et*.

CAP. 23. *Præscriptum fuisse Macroni*. Perperam Rhenanus, *descriptum*. In MS. Flor. et editionibus veteribus ac recentioribus, *præscriptum*.

CAP. 24. *Filiumque*. Ita MS. Flor. et optimæ editiones. In paucis omissum, *que*.

Et nepotes. Verbum excidisse opinatur Acidalius. Nihil periit, sed intelligendum, *oppressisset*: quod rectè omissum, ut major sit orationis vis.

Demotis parietibus. Benè Ernestus et recentiores. Ceteri, *dimotis*.

CAP. 25. *Æqui impatiens*. Optimè dictum: nec tentandum cum Heinsio, *obsequii impatiens*.

Quintumdecimum. Ita MS. Flor. editiones veteres, Gronovius et Ernestus. Ceteri emendant, *quintodecimo*: quod haud valdè improbandum, cum mox sequatur, *die*. A vetere scripturâ, quæ æquè Latina est, et fortè magis Corneliana, minimè discedendum censui. Infra Annal. xii. 69. *tertium ante idus Octobris*, legitur.

CAP. 27. *Satis conlocari*. Mallet Muretus, *commemorari*. Nihil mutandum.

CAP. 28. *Et ore ac distinctu pinnarum.* Ita libri omnes editi. Mailet Pichena, *colore ac distinctu pinnarum*; nulla mutandi necessitas. De ejus formâ et colore Plinius, x. 2. "Ante omnes nobilem Arabia jert Phœnicem, haud scio an fabulosè, unum in toto orbe, nec visum magnoperè. Aquilæ narratur magnitudine, auri fulgore circa colla, cetero purpureus, cœruleam roseis caudam pennis distinguuntibus, cristis fauces, caputque plumeo apice honestante."

Formam ejus definire. Ita libri omnes editi. In MS. Flor. *Definere.* Unde perperam tentat Pichena, *effinxere.* Bipontini addunt, meliùs forte fuerit *depinxere.* Meliùs quidem correctione Pichenæ, non item lectione vulgatâ. B. C. II. VI. 65.

Quingentorum spatium. Plinius, x. 2. ait Phœnicem "vivere annis quingentis sexaginta;" ita totidem apicibus, MS. noster Plinii codex. Ita quoque libri veteres. Miror Cl. Harduinum in priore suâ editione, *annis DXL.* in posteriore, *annis DIX.* scripsisse.

Sexaginta unum interjici. In quibusdam editionibus legitur, suadente Mureto, *sunt qui adseverent, mille quadringentos sexaginta: unum in terris,* id est, *unum in terris* esse phœnicem. Sic præposteris emendationibus adulterantur veterum scripta. Ait Tacitus quosdam adseverare Phœnicem vivere annos mille quadringentos sexaginta unum: idem fermè tradit Plinius, x. 2. "cum hujus alitis vitâ magni conversionem anni fieri prodidit Manilius, iterumque significationes tempestatum et siderum easdem reverti." Quæ quidem de Cyclo solis per Cyclum lunæ multiplicato, et periodo annorum 532. perperam interpretatur Cl. Harduinus. Hic enim agitur de magni anni conversione, in quâ post annos Ægyptios 1460. Julianos verò 1461. primus dies mensis Thoth ad idem caniculæ principium revolvitur. Ab eo deflexerat quotannis horis sex, quia Ægyptii civilem annum habebant dierum 365. sine ullo interkalari. Illa est celeberrima magni anni conversio, et quasi reparatio Zodiaci, ἀποκατάστασις τοῦ Ζωδιακοῦ, quam ave Soli sacrâ, et ex se renascente adumbrabant, unde nata apud Ægyptios Phœnicis fabula. De hâc periodo sothiacâ, seu caniculari, plurima habet Petavius in Auctuario de Doctr. Temp. v. 6 et seq. et

Marshamus in Canone Ægypt. p. 9 et 295. Phœnicem adhuc vivaciorem tradit Ægyptius Chæremôn apud Tzetzem, Chiliad. v. 395.

Ὡς δ' ὁ Αἰγύπτιος ἱερογραμματεὺς Χαιρήμων
 Ἔδειξεν ἐν διδάγμασι τῶν ἱερῶν γραμμάτων,
 Ὁ Φοῖνιξ ἔξ τοῖς ἔτεσι καὶ ἑπτακισχίλοις
 Θνήσκει, παραγενόμενος ἐν τόποις τοῖς Αἰγύπτου.

“ Ut autem Ægyptius sacer scriba Chæremôn
 “ Ostendit in disciplinis sacrarum literarum,
 “ Phœnix sex annis et septem millibus
 “ Moritur, cùm fuerit in locis Ægypti.”

Priorisque alites Sesostride primùm. Corruptè in MS. Flor. *priorisque aliter esse: Soside primùm.* Ita quoque Beroaldus et veteres. Meritò Muretus ac recentiores emendârunt, *priorisque alites Sesostride primùm.* Malè tentat Jac. Gronovius, *Sesoside.*

Pòst Amaside. Ita libri omnes. Frustra tentat Cl. Perizonius, *Anysi*, vel *Anyside.*

Suis in terris. Emendat Heinsius, *surculis è thuris*, vel *surculis thureis*. Satis ingeniosè: sed minimè probabiliter. *Suis in terris*, id est, *in Arabum terris*. Fabulosam Phœnicis generationem siluit Tacitus, generalibus ac communibus placitis contentus, illum, *struere nidum, eique vim genitalem adfundere, ex quâ factum oriri.* Plinius verò, miraculorum avidus, fusè narrat, x. 2. Phœnicem, “ senescentem casiae thurisque surculis construere nidum, replere odoribus, et superemori. Ex ossibus deinde et medullis ejus nasci primò ceu vermiculum: inde fieri pullum: principioque justa funera priori reddere, et totum deferre nidum prope Panchaiam in Solis urbem, et in arâ ibi deponere.” Non veriùs, sed elegantius Mela, III. 9. “ De volucris præcipuè referenda Phœnix, semper unica. Non enim coitu concipitur, partuve generatur: sed ubi quingentorum annorum ævo perpetua duravit, super exaggeratam variis odoribus struem sibi ipsa incubat, solviturque: deinde putrescentium membrorum tabe conerescens, ipsa se concipit, atque ex se rursus renascitur: cùm adolevit, ossa pristini corporis inclusa

myrrâ Ægyptum exportat, atque in urbem, quam Solis appellant, fragrantibus nardo bustis inferens, memorando funere consecrat."

Tentatoque per longum iter. Mallet Heinsius, *itinere*. Nihil mutaverim.

Subire patrium corpus. Pessimè emendat Salmasius, *subicere*, quod antiquitùs dictum pro, *subjicere*. *Subire patrium corpus*, ut rectè explicat Cl. Ernestus, est "dorso efferre:" haud aliter Virgilius Æneid. iv. 599.

"Quem subiisse humeris confectum ætate parentem."

De hoc quoque usu vide Artemidorum, *Oneirocritic.* iv. 49. nonnulla et nova de Phœnice effutientem.

Atque adolere. Frustra tentat Cl. Ryckius, *atque avolare*: quomodò Phœnix patrium corpus adolere possit non imaginatur. Neque id imaginandum: inter tot fabulas quid scriptum sit quæritur.

CAP. 29. *Romæ cade continuâ.* Benè. Nec tentandum, *cades continua*, vel *continua*.

Pretium festinandi. Utinam solas virtutes loquerentur nostræ literæ! At nulla potest esse hominum historia, quin plurima occurrant scelera. Hæc inter numeraverim efferam voluntariæ mortis insaniam, quam cùm multis laudatam repererim, hîc non silebo.

DE VOLUNTARIA MORTE, vulgò "SUICIDE."

Ob inauditum scelus, aut numquam nisi virtutis desperatione ausum, ac proinde rarissimum, nullæ in republicâ Romanâ leges extitere adversùs eos, qui sibi violentas manus afferrent. Humanda corpora, mansura testamenta, properatæ mortis præmia fuere sub Imperatoribus, quorum intererat per fas et nefas domi-

nationem firmare. Firmatâ licèt dominatione, gliscente in dies opum cupidine, sanxit Antoninus, duobus Aspris consulibus A. U. C. 965. J. C. 212. bona eorum, *qui conscientiâ delati admissique criminis, metuque futuræ sententiæ manus sibi intulerunt*, fisco vindicari. Eorum verò, qui, *nullo delato crimine, dolore aliquo corporis, aut tadio vitæ, aut furore, vel insaniâ, aut aliquo casu, vitam finisse* constiterint, *bona tam ex testamento, quàm ab intestato, ad successores pertinere*, Cod. 1x. Tit. 50. *de bonis eorum qui mortem sibi consciverunt*.

Apud nos consultiùs provisum ut in eos, qui sibi mortem conscivissent, nisi si id casu aut morbo contigerat, animadverteretur. Voluntariam enim mortem sanis et ratione utentibus hominibus licitam esse Stoicum et impium est placitum. Nec remedium est animi, sed furor, Plinii, xxviii. 1. sententiâ: “ex omnibus bonis, quæ homini tribuit natura, nullum melius esse tempestivâ morte: idque in eâ optimum, quòd illam sibi quisque præstare poterit.”

Veriùs Philosophiæ procures, Socrates apud Platonem in Phædone, p. 62. Vol. 1. *Μὴ θεμιτὸν εἶναι ἑαυτὸν βιάζεσθαι . . . Ὡς ἔν τινι φρουρᾷ ἔσμεν οἱ ἄνθρωποι, καὶ οὐ δεῖ δὴ ἑαυτὸν ἐκ ταύτης λύειν, οὐδ' ἀποδιδράσκειν*. “Non licet sibi violentas manus inferre . . Ut in quâdam custodiâ nos homines sumus; nec decet quemquam ex hâc se ipsum solvere, neque aufugere.” Aristoteles Ethic. ad Nicom. iii. 11. *Τὸ δ' ἀποδύσκειν φεύγοντα πενίαν, ἢ ἔρωτα, ἢ τι λυπηρὸν, οὐκ ἀνδρείου, ἀλλὰ μᾶλλον δειλοῦ. Μαλακία γάρ, τὸ φεύγειν τὰ ἐπίπονα· καὶ οὐχ' ὅτι καλὸν, ὑπομένει, ἀλλὰ φεύγων κακόν*. “Mori ob inopiam, aut amorem, aut aliud molestum, non est fortis viri, sed timidi. Mollities enim est, fugere operosa et aspera; neque mortem, ut bonum sustinet, sed malum fugit.” Pythagoras, laudatus à Cicerone de Senect. lxxiii. “vetat injussu imperatoris,” id est, “Dei, de præsidio et statione vitæ decedere.” Ipseque Tullius, in somnio Scipion. vii. “Piis omnibus retinendus est animus in custodiâ corporis: nec injussu ejus, à quo ille est vobis datus, ex hominum vitâ migrandum est, ne munus humanum assignatum à Deo defugisse videamini.”

Pudeat ergò nuperos voluntariæ mortis patronos, inbelles homines, pro patriâ, pro familiâ, pro se, nihil unquam viriliter

ausos, umbraticis tantum in scriptis audaces, Stoicam ἀπάθειαν ridiculè ostentare.

Urgebatur. Ita libri omnes. Nec emendandum, *arguebatur.*

Sed labefecit. Mallet Ernestus, *labefecit, sed.* Nihil mutandum.

Sextiâ uxore. Mallet Lipsius, *Sextiâ.* In nominibus facilis conjectura, et error.

CAP. 30. *Modicus severitate.* Muretus frustra tentat, *severitatis.*

CAP. 31. *Imposuit.* Cl. Ernestus censet emendandum, *imposuerat.* Nihil mutaverim. Summa enim temporum varietas apud optimos scriptores occurrit.

CAP. 32. *Instituta Parthorum insumit.* Ita MS. Flor. editiones veteres et recentiores. In Lipsianis editionibus, *sumit.* Pichena, *resumit.* Nescio quid duri sonant, *insueverat, instituta .. insumit.* Mallem, *resumit.* Sed à veteri scripturâ haud facilè discedendum.

CAP. 33. *Urbe Artaxatâ.* Mallet Lipsius, *urbem Artaxata.* Rectè utrumque. At priùs in omnibus libris occurrit.

Datque Parthorum. In MS. Flor. *dat Parthorumque:* quod immeritò defendit Jac. Gronovius. Ernestus verò existimat emendandum, *datque Parthorum copias, qui auxilia mercede facerent.* Omnino infeliciter. Nihil peccat in vulgatâ scripturâ, *datque Parthorum copias, mittit qui auxilia mercede conducerent.* Artabanus, non modò filium suum Orodem ultorem parat, eique dat Parthorum copias, sed mittit qui Sceptuchos aliosque Sarmatas auxiliares mercede conducerent.

Accire Sarmatas. Beroaldus ac veteres, *accipere Sarmatas.* Olim scriptum fuisse, *acciere Sarmatas,* conjiciebat Lipsius. J. Frid. Gronovius, quem recentiores sunt secuti, *accire.* Nec certè unquam scripsit Tacitus, *accipere Sarmatas ... utrimque donis acceptis.*

Æstas impediret. Ita veteres et recentiores editiones. In intermediis, *æstus*.

CAP. 34. *In modum obsidii stationibus cingebat.* Libri omnes præter Cl. Lallemant editionem, *modum obsidii*. Addendum, *in*, et ob sequentem litteram *m* excidisse rectè monuere Muretus, Acidalius, Ernestus et alii.

Mercenario milite. Mallet Acidalius, *mercenarium militem*: probatque Ernestus. Non spernendum, si veteres libri suffragarentur.

CAP. 35. *Falsò credita.* Tentat Lipsius, *dedita*, vel *didita*. Nihil mutandum. Adhuc infra Hist. IV. 34. *credita per utrumque exercitum fama*.

CAP. 36. *Ultum iit, peritiâ.* Optimè emendavit Lipsius. Corruptè in veteribus editionibus, *ultimi id peritiâ*.

Occultos consilii. Malè MS. Flor. et editiones veteres, *occultos consilit*. Lipsius et alii *consulit*. Infeliciter emendabat Illustr. Huetius, *occultò consulit*. Verè, *occultos consilii*, ut dictum in notis.

CAP. 37. *Auspicium prosperi transgressus.* Benè Rhenanus et recentiores. Malè Beroaldus et veteres, *prosperè*.

Paratus nimios adjicit. Veteres editores, *adicit*, nimio vetustatis studio.

Retinerent. Ita MS. Flor. editiones veteres et recentiores. In quibusdam intermediis, *retinerent*.

CAP. 38. *Quoquo modo dicta.* Sic MS. Flor. editiones veteres et recentiores. In paucis intermediis, *quoque modo*.

Tatiusque Gratianus. Ita libri omnes editi. In MS. Flor. *Tarius*.

CAP. 40. Q. *Plautius.* In editionibus veteribus, *Quintius Plautius*.

Vibulenus Agrippa. Dioni, LVIII. p. 634. 'Ουϊβουλῆνος 'Αγρίππας, fortè pro 'Ουϊβουλῆνος.

Duo Blæsi. Veteres editiones, *duo Blæsii.* At cùm mox in MS. Flor. *Blæsis* legatur, et hæc ad Junii Blæsi domum referenda videantur, meritò Ryckius et recentiores emendavere, *duo Blæsi.*

CAP. 41. *Clitarum natio Cappadoci Archelao.* Perperam Beroaldus aliique veteres, *Citarum natio Cappadociæ Archelao.* In MS. Flor. *Cappadoci.* Rectè quoque Lipsius et recentiores emendavere, *Clitarum*, ex Annal. XII. 55. Infeliciter verò corrigebat eruditus Norisius cenotaph. Pis. Dissert. II. 10. p. 309. *Calitarum.*

CAP. 43. *Oppressa cunctantium dubitatio.* Mallet Freinshemius, *oppressâ cunctantium dubitatione, omnes in unum cedebant.* Eleganter quidem. Nihil tamen mutaverim: nec displicet vulgata scriptura.

Haud concelebraverant. MS. Flor. et veteres editiones corruptè, *haci concelebraverant.* Benè Pichena, *haud.* Rhenanus, *non.*

CAP. 44. *Artabano percussus.* Optimè emendavit Rhenanus. Corruptè MS. Flor. et editiones veteres, *percussus.*

Ignarus ad pericula. Benè MS. Flor. Pichena et recentiores. Malè Beroaldus et veteres, *ignarus.*

CAP. 45. *Ædificationibus. Ne publicè.* Aliter distinguebat Freinshemius, *ædificationibus, ne publicè, &c.*

Enniam immittendo. Locum hunc immeritò vexat Ernestus, quasi insititium esset, *immittendo*, vel emendandum, *instituerat*, pro *impulerant.* Nihil hîc vitiosum arbitror. Sed Macro, *uxorem suam Enniam immittendo*, eam *impulerat amore juvenem inlicere.*

In sinu avi. Eruditus Casaubonus ad Sueton. in Caio, x. frustra emendat, *aviæ*, ut ad Liviam referat.

CAP. 46. *Et contumelias verterent.* Ita sæpe Tacitus et optimi scriptores, omisso *se*.

In patientiâ firmitudinem simulans. Mallet Muretus, *impacientia*. Meliùs Ernestus, *intemperantiâ*: idque innuit Suetonius in Tiber. LXXII. "In graviorem recidit morbum: sustentavit tamen aliquamdiu, quamvis Misenum usque devectus nihil ex ordine quotidiano prætermitteret, ne convivia quidem ac ceteras voluptates, partim intemperantiâ, partim dissimulatione." Nolim tamen vulgatam scripturam, Illustr. Huetio approbatam, damnare.

CAP. 48. *Ludibria et pericula.* Corruptè MS. Flor. *pericularia*, ultimâ syllabâ ex voce superiore repetitâ, ut rectè monuit Ernestus. Nec tentandum cum Lipsio, *pericula varia*; cum Gronovio, *pericula tot*.

Carsidius Sacerdos. In vulgatis libris, *Garsidius*. Benè emendavit Ernestus, ut patet ex dictis in not. et emend. Annal. IV. 13.

A latantibus. Acidalius frustra præpositionem omittit.

CAP. 49. *Luctumque communem.* Malè tentat Lipsius, *lectum*.

Miseranda diu ferret. Ingeniosè conjecit Lipsius, *miseranda differret*. Imò: vir alius, *diu fleret*: quod si quid mutandum, mallet *afferret* vel *efferrer*, ut *afferret* significaret idem quod *extolleret*, *augeret*. Vide Misc. Obs. VII. 291. Probant omnes: nemo tamen veterem scripturam mutavit, quòd fortè hæc diu, muliebri more, jactaverit.

CAP. 50. *Per speciem officii.* Perperam tentat Lipsius, *per speciem osculi*.

XVII. Kal. Aprilis. Ita MS. Flor. et Ernestus. In vulgatis libris, *decimo septimo Kalend. Aprilis*. Ex Corneliano usu potiùs dicendum, *septimo decimo Kalendas Aprilis*, ut rectè monuit J. Fr. Gronovius. Sicque emendandum videtur apud Suetonium in Tiber. LXXIII.


Octavo et septuagesimo atatis anno. Communis est sententia Tiberium natum esse XVI. Kalendas Decembris, Marco Æmilio

Lepido iterum, Lucio Munatio Planco consulibus, A. U. C. 712. Vide Suetonium in Tiber. v. Vixit ergò Tiberius annos septem et septuaginta, menses quatuor. *Dies novem* addit Dio, LVIII. p. 639. Errat quoque, cùm ait Tiberium mortuum esse die sextâ et vigesimâ Martii, μετέλλαξε τῇ ἕκτῃ καὶ εἰκοστῇ τοῦ Μαρτίου ἡμέρα.

CAP. 51. *Adoptionibus transierit.* Emendandum *transierat*, contendit Ernestus. *Transierit*, retineri potest.

Intestabilis sævitia. Malè tentat Muretus, *inde stabilis sævitiâ.*

FINIS PRIMI VOLUMINIS.











PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PA
6705
A2
1812
v.1

Tacitus, Cornelius
[Works. Latin. 1812,
Opera

